

831.54
9-54

ՄՈՍԿՆԵՎՈՒԹՅԱՆ ԳՐԱԴԱՐԱՆ

ՄԵՐ ԶԵՅԳՈՒԹՅԱՆ
ԶՅԱԳ



Սովետական գրող
հրատարակչության
Երևան 1977

Պատմական Արշակ Երկրորդ թագավորի
 տիրապետության շրջանի մասին, երբ վճռվում
 էր հայկական ամուր պետականությունը պահ-
 պանելու կենսական հարցը:


ԵՄՍ ԳՐԱԳՐԱՐԱՆ
 Библиотека ЕГУ

186 423

2502932707

70803 (225)
 705(01)77 — 227—77 (8)

© «Սովետական գրող» հրատարակչություն, 1977



Ն
Ս
Մ
Ն

Ա Բ Ա Ջ Ի Ն

Գլուխ առաջին

Ներսեսը քանդեց լայն գոտին, որ կապված էր մեջքի կողմից, ապա հանեց անթևզան և բազմախորշ պատմունճանը, ու վրան մեաց միայն հովազի մի կտրե մորթի, որ մեջքից իջնում էր մինչև ազդրերի կեսը: Հետո օծվեց յուղով, որպեսզի մարմինը լպրծուն լինի, և հակառակորդը շկարողանանրան բռնել: Յուղը նաև աներկյուղ էր դարձնում գիրկընդխառն կովի մառնակիցներին, որովհետև նրա մեջ զորացուցիչ բնություն կար: Այս օովորական արարողությունը կատարելուց հետո նա մտավ ասպարեզ, որը գետնից կեռ ոտնաշափ բարձրությամբ գորգապատ մի պատվանդան էր, ընդարձակ սրահի կենտրոնում:

Միշտ, երբ Ներսեսը ասպարեզ էր ելնում, լուսյուն էր տիրում դահլիճում, կատակներն ու սրախոսությունները միանգամից կտրվում էին, և բոլորը, շունչները պահած,

ակամա այլայլված. հետևում էին մրցմանը: Ու թեև ամենքն էլ անխտիր սիրում էին ներսեսին, բայց ոչ ոք չէր ուզում ասպարեզ ելնել նրա հետ մրցելու, որովհետև զվարճությունը նա դարձնում էր գործ, նենգափոխում խաղի իմաստը ու վերածում մահու և կենաց հարցի:

Ներսեսը թեքվեց դեպի ախոյանը, մի ձևաքով բռնեց նրա քաղուկը, իսկ մյուսը ամուր դրեց նրա վզին: Հենց այդ պահին նա զգաց դիմացինի տաք շունչը, օտար հոտը խփեց քթին և, արյան համ առած գազանի նման, լարվեց, գրգռվեց ու շարացավ: Նա միշտ ատելությամբ էր լցվում ախոյանի հանդեպ, ով էլ նա լիներ, անգամ իր ամենամտերիմ ընկերը. աչքերը վառվում էին թունոտ ոխակալությամբ, ունդները թեթևակի դողում էին ու լայնանում, և հաղթելու սուր տենչը դառնում էր մի անասելի ծարավ, որը եթե չհագնար, տեղնուտեղը կխեղդեր նրան: Եվ այդ ժամանակ ախոյանի թեկուզև գերազանցող ուժն ու ճարպկությունը դառնում էին անկարևոր, կորցնում իրենց առավելությունը, ու մրցման քնական օրհնքներին փոխարինում էր հաղթելու շատ հասարակ և շատ տարրական ցանկությունը:

Ախոյանը ճիգեր էր գործադրում և ջանում էր թիկունքը վեր պահել գետնից: Երբ դա նրան հրաշքով հաջողվեց, ու նա էլի կանգնեց ոտքերի վրա, նրանց բազուկները խառնվեցին իրար և սկսեցին քաշել միմյանց: Երկու քրտնած, կատաղած, յուղից փայլող հոգնած մարմիններ, որոնք ոչ թե գեղեցկություն էին ցուցադրում, այլ ծանր ու տաժանակիր աշխատանք, հուսահատ մոլեգնությունը թպրտում էին նախազավոր գորգի վրա և անզուսպ մոնչում:

— Ուրեմն, դու հրաժարվում ես կատարել իմ հրամանը, — հանկարծ լավեց սաստիկ զայրացած մի ձայն, — և դ՛ու համարձակվում ես հրաժարումդ ի ցո՛ւյց դնել բոլորին: Ինձ հակառակվելու համա՞ր ես կատարելագործում զինվորական արվեստդ:

Արքան էր, որ իր թիկնապահների ու սենեկապետ Դրաստամատի ուղեկցությամբ մտել էր պալատին կից այս միհարկանի շինությունը, բայց մթնոլորտն այնտեղ այնքան

թե՛ս էր ու շիկացած, որ մնացել էր աննկատ: Հեռվից մի փոքր հետևել էր գիրկընդխառն կովին, հիացել ներսեսով, և դա առավել մեծ դայրույթ էր պատճառել նրան:

— Ինձ հայտնեցին քո որոշումը, արքա,— անակնկալի եկած, բուրբի հետ միասին ծնկի շոքեց Ներսեսը,— բայց, հերիք իմ հանդգնությունը, դու իմ կարծիքը երբեք չես հարցրել:

— Այս երկրում միայն մի հոգու է իրավունք շնորհված կարծիք ունենալու,— էլ ավելի կատաղեց արքան:— Եվ իմ կամքն այն է, որ դո՛ւ դառնաս ամենայն հայոց կաթողիկոս:

— Ես զինվոր եմ, արքա,— արժանապատվությամբ պատասխանեց Ներսեսը:— Ես իմ հավատարմությունը հաճախ եմ ապացուցել: Ուրեմն, իմ հավատարմությունն է պատճառը, որ արժանանում եմ այդ պատժին: Ուրեմն, պետք է զղջա՞մ հավատարմությանս համար:

— Զինվորի դերը հեշտ է, սենեկապետ: Ես այդ դերի համար շատ մարդիկ ունեմ: Իսկական երջանկությունն այն է, որ մարդ մի հոգու դեր կատարի: Անփոխարինելի դեր: Ես քեզ տալիս եմ այդ հնարավորությունը: Էլ ի՞նչ ես ուզում:

— Զեմ ուզում անփոխարինելի լինել: Վախենում եմ, արքա:

— Իսկ ես չե՞մ վախենում,— թեթևակի քմծիծաղ տվեց արքան և ձեռքը թփթփացրեց Ներսեսի ուսին:— Զէ՞ որ իմ դերն էլ է անփոխարինելի: Սրանից հետո մենք միասին կվախենանք: Ոչ դու մենակ կլինես, ոչ էլ ես:

— Քեզ համար դա երևի հաճելի վախ է, արքա: Ինձ համար՝ անծանոթ ու նողկալի: Մենք չենք կարող միասին լինել:

— Վերջին խո՛սքդ,— անհամբեր և կոպիտ ասաց արքան:

— Ես մնում եմ քո զինվորն ու սենեկապետը:

— Կապե՛լ դրան,— արքան գազազած հրամայեց իր թիկնապահներին:

Թիկնապահները թափվեցին Ներսեսի վրա, ուղորեցին

թեկերը և ամուր կապեցին: Ներսեսն այնքան ապշած էր անակնկալից, որ փորձ էլ չարեց դիմադրելու: Ամեն ինչ այնքան արագ կատարվեց և այնքան անսպասելի, որ նա մի պահ կորցրեց մտածելու ընդունակությունը: Մնաց միայն բնազդը: Հիմա նա կարող էր միայն վախենալ, մրսել, շոգել, քաղց զգալ... Բուժ հայացքով նայում էր շուրջը, տեսնում մարդկանց, որոնք թեև կարծես ծանոթ էին իրեն, բայց հիմա միայն բարձրահասակ էին կամ ցածրահասակ, գեր կամ նիհար, բարեկամ կամ թշնամի, վտանգ էին սպառնում կամ շէին ապառնում...

— Բայց ես շատ մեղքեր ունեմ, արքա,— հանկարծ անհանգստացավ Ներսեսը և զարմացավ, թե արքան ինչպես գլխի շի քնկել այդ:— Եթե իմանալիր իմ մեղքերի շահն ու մեծությունը... էլ ինչպե՞ս կարող եմ ես հսվիվ դառնալ... Տեսնո՞ւմ ես, իմ մեղքերը պաշտպան են ինձ... Գրանք էլ հո շե՞ս կարող խլել ինձնից...— Անհանգստությունը հետըզհետե վերածվեց ուրախության, և նա որոշակի գերազանցություն զգաց իր տիրոջ հանդեպ:— Մեղքերի քաղցրությունը... Ի՞նչ երանություն է հիշել, արքա... Ստորություն... Վախ... Գավաճանություն... Գաժանություն... Խարեություն... Գու ինձ ստիպեցիր ոչ թե խորշել այդ ամենից, այլ կարոտել... Այ, հենց հիմա ես կարոտում եմ...

— Վառե՛լ շորերը: Մինչև վերջին կտորը:

Ներսեսը նոր նկատեց, որ թիկնապահներն իրենց հետ բերել էին իր բուր զգեստները: Գցել էին իրար վրա ու կապոց սարքել: Նա տեսավ նաև իր պողպատյա սուրը՝ ոսկի պատյանով, ականակուռ, մաքաբառազարդ գոտին, որոնք, ավարի պես, դրեցին արքայի ոտքերի առջև: Երկու թիկնապահ զգեստների կապոցը դուրս տարան վառելու, որպեսզի անցյալից ոչ մի հուշ չմնա: Ներսեսին թվաց, թե անցյալի իրոք այսքան առարկայական է ու շոշափելի, թե իր կյանքի բոլոր մեծ ու փոքր դեպքերը, բոլոր հույզերը, ուրախություններն ու տխրությունները, ամոթալին ու հպարտության արժանին, երազներն ու սպասելիքները հավաքեցին մի կապոցի մեջ, վերցրին զինվորի կոշտ ձեռքերով ու տարան վա-

ռելու Ահա ուր որ է ծուխը կբարձրանա, կցնդի օդում ու ոչինչ չի մնա: Նա նոր գլխի ընկավ, որ երբեք առիթ չի ունեցել տեսնելու, թե ինչ է մնում այրված զգեստներից: Ի՞նչ է մնացորդի անուներ: Ի՞նչ հոտ է արձակում: Ի՞նչ անուն ուներ, ի՞նչ հոտ ուներ, ի՞նչ արժեք իր անցյալը: Հանկարծ նա հիշեց անթեզան և բազմախորշ պատմուճանը, հիշեց լայն գոտին, որ մենամարտից առաջ հանել էր վրայից: Մի անասելի ուրախություն հորդեց նրա սրտից, մի լուսավոր և պայծառ հույս, որ գուցե շնկատեն դրանք, և անցյալից գոնե ինչ-որ պատառ մնա իրեն: Բայց նկատեցին: Տարան ու վանեցին: Ներսեսի կոկորդը սեղմվեց, և արցունքներն անձայն թափվեցին այտերից: Դահլիճի կենտրոնում, արքայի առջև, կանգնած էր կիսամերկ մի մարդ՝ մեղքից մինչև ազգրերի կեսը հովազի մորթիով ծածկված: Շփոթված ու անօգնական մի մարդ, որ չգիտեր, թե հիմա ով է ինքը:

— Դուք բոլորդ անօրեն եք ու պիղծ,— հուսահատ գոռաց նա:— Ես չեմ կարող ձեզ հովիվ լինել ու ձեր մեղքերն ինձ վրա վերցնել: Եթե վերցնեմ, դուք է՛լ ավելի մեծ շարիքներ կգործեք: Ուրեմն ի՞նչ, բոլորք վայելեն մեղք գործելու հաճույքը, իսկ ես զրկվե՞մ: Միակ զրկվա՞ծը լինեմ:

— Կտրե՛լ վարսերը:

Թիկնապահներից մեկն արագ մոտեցավ կապկպված ներսեսին, բռնությամբ ստիպեց նստել աթոռին ու սկսեց խուզել նրա երկար ու գանգուր վարսերը: Ինչպե՞ս արքան կիսատ թողեց մենամարտը: Ինչպե՞ս փչացրեց գիրկընդխառն կռիվը: Եթե մի պահ, գոնե մի պահ ուշանար, նա անպայման կհաղթեր...

— Ես ցուր կյանք եմ սիրում, ախր դու լա՛վ գիտես,— ներսեսն աթոռի վրայից դետին գցեց իրեն, ծնկաչոք սկսեց մոտենալ արքային ու աղաչանքով խոսել:— Զեխություն... Գինարբուք... Հարճերի հոտը... Նրանց զով մարմինները... Դու այդ հոտերից չե՞ս հարբել, արքա... Այդ զովությունից սարսուռ չի՞ անցել մարմնովդ...

Ապա մի ակնթարթ, ցավ պատճառելու շափ հստակ, իրեն տեսավ նրա հետ պառկած: Նրա, որ անուն չունեիր, որովհետև

առնենագեղեցիկն էր կանանցից, այնքան գեղեցիկ, որ չէր կարող իրական ու նյութեղեն լինել: Պատկած էր նրանից մի փոքր հեռու, ազնիվ ու մաքուր հոգնածությամբ, ուղղակի ու պարզունակ երջանկությամբ, որի տակ ուրիշ ոչ մի իմաստ, ուրիշ ոչ մի խորություն չկար:

— Լվա՛լ մարմինը: Թող անուշ ու արբեցնող բուրմունքներ տարածվեն շուրջը:

Դրաստամատի նշանով՝ թիկնապահներն ու դահլիճում հավաքված սեպուհները հեռացան, և նրանց փոխարեն ներս մտան մի քանի սևազգեստ պառավ կանայք: Նրանք բերեցին տաք ջրով լցված մի մեծ տաշտ, քանդեցին ներսեսի կապերը, նրան մտցրին տաշտի մեջ և ցածր ու մեղմ ձայնով, միալար ու թմրեցնող մի երգ երգելով, սկսեցին լողացնել: Տգեղ, կնճիղների մեջ կորած, պառավ վհուկներ էին, մեծ ու քսկրոտ ձեռքերով: Ներսեսը բարձրաձայն հեկեկում էր, բայց պառավները ոչ լսում էին նրան, ոչ էլ տեսնում: Կարծես տաշտի մեջ մի անկենդան իր էր դրված: Երևի նրանց հիմնական զբաղմունքը դիակ լվալն էր ու հագցնելը: Ներսեսն արդեն հաշտվել էր իր ճակատագրի հետ: Եթե ամեն ինչ կատարվեր ըստ կարգի ու պատշաճի, գուցե նա իր մեջ ուժ գտներ դիմադրելու: Բայց նրա ախոյանը շատ նենգ էր ու ճարպիկ, իսկ այս մրցախաղի կանոնները անձանոթ էին ներսեսին:

— Աղաչում եմ, դեռ մի գնա, — հանկարծ տենդագին փայլեցին նրա աչքերը, և նա տաշտի միջից շշուկով դիմեց արքային. — Ես անառակություն եմ ուզում... Վերջին անգամ... Ինձ մի օր ժամանակ տուր... Մինչև վաղը... Վազն առավոտյան ես կվերադառնամ...

— Թույլ չեմ տալիս, սենեկապետ: Որովհետև ես քո աչքերից տեսա, թե որքան մեծ և անկեղծ էր քո թախանձանքը: — Նա ուղղվեց դեպի սրահի ելքը, դռան մոտ անսպասելի կանգ առավ, շրջվեց և զայրացած գոռաց կոկորդով մեկ. — Սո՛ւտ է:

— Ի՛նչն է սուտ, տեր արքա, — շփոթվեց տաշտում կանգնած մերկ մարդը:

— Դու համաձայն ես կաթողիկոս դառնալու շնորհ
առաջին օրից: Եթե ներքուստ համաձայն չլինեիր, դու չէիր
համարձակվի իմ ներկայութեամբ այդքան անպատկառ լինել,
չէիր հանդգնի ինձ վիրավորել: Դու ինձ հետ խոսում էիր
ինչպես հավասարը հավասարի: Արդեն որպես ապագա կա-
թողիկոս— Եվ ծաղրանքով ավելացրեց.— Բռնվեցի՞ր, Վե-
հափառ... Դու ինձ այլևս երբեք չես կարողանա խաբել...
Իմացիր, որ առաջին քննությունն է միշտ վճռում ամեն
ինչ... Դու վատ բռնեցիր այս քննությունը...

Արքան, թիկնապահների ու Դրաստամատի ուղեկցու-
թեամբ, դուրս եկավ դահլիճից: Ներսեսն ապշած նայում էր
փակ դռանը և խուսափում էր իրեն խոստովանել, որ գուցե
ճիշտ էր արքան: Գուցե նա սրտի խորքում իրո՞ք ուզում էր
կաթողիկոս դառնալ և ճարպկորեն թաքցնում էր իրենից:

Այդ միտքն է՛լ ավելի խոցեց նրան, ու նա դարձյալ հե-
կեկաց, չզգալով, որ պառավ վճուկները արդեն անուշահոտ
յուղեր էին քսում իր մարմնին: Իսկ դրանց արձակած հոտը
հենց այն կոպիտ սահմանագիծն էր, որտեղ վերջանում էր
անցյալը և սկսում անիմանալին: Այնքան խորհրդավոր,
հրապուրող ու վախեցնող, որ մարմինն ակամայից խուսուստ
էր գալիս:



Հայր Մարդպետն էր Մեծ մարդպետության պատիվը
կրող ներքինին: Նա, ով Արշակի հորը՝ Տիրան թագավորին,
գրգռել էր նախարարների դեմ և կոտորել տվել Ռշտունյաց ու
Արծրունյաց ավագ տոհմերին, նույնիսկ էգերին ու մանուկ-
ներին: Պատմիչն ասում է, որ միայն երկու ծծկեր երեխա
էին փրկվել՝ Մեհհրդակ Ռշտունու որդի Տաճատն ու Արծ-
րունի Վաչեի որդի Շավասպը, որոնք կոտորածի ժամանակ
իրենց դայակների մոտ էին: Բայց նրանց ևս բերել, հանձնել
էին Տիրան թագավորին: Տիրանը հրամայել էր փողոտել
երեխաներին, որպեսզի Ռշտունիներն ու Արծրունիները այլևս

ջառավիղ շունենային: Սակայն Արտավազդ և Վասակ Մամիկոնյանները, հայոց գործերի զորավարները և թագավորի որդու՝ Արշակի դայակները, ինչպես ավելացնում է պատմիչը, մերկացրել էին սրերը՝ մանուկների կյանքը պաշտպանելու, և մի-մի երեխա թևի տակ դրած, փախել էին Տայքի իրենց ամրոցները ու երկար տարիներ այնտեղ բնակվել, հեռու քաշվելով հայոց գործերից: Նրանք խնամել էին Շավասպին ու Տաճատին և հետագայում իրենց աղջիկներին կնության տվել նրանց, ու դրա շնորհիվ Ռշտունյաց և Արծրունյաց տոհմերը նորից բազմացել էին ու հզորացել:

Ներսեսը ծանոթ էր այդ անցքերին և միշտ աշխատել էր խուսափել այս մարդուց: Սակայն դատելով անցքերի հեռավորութունից, կարելի էր ենթադրել, թե Հայր Մարգարեանը կա՛մ այն ժամանակ շատ երիտասարդ էր, կա՛մ հիմա շատ ժէր էր: Մինչդեռ բոլորն էլ միշտ այսպես էին նրան հիշում ու ճանաչում: Ոչ ոք չէր կարողանում լուծել տարիքի առեղծվածը: Գուցե դա էր պատճառը, որ ներքինու անձնավորութունը պարուրված էր մի խորհրդավոր և անթափանցելի քողով, որ ակամայից պալատում նրան դարձնում էր հարգելի ու ազդեցիկ: Մի ժամանակ նույնիսկ լուրեր տարածվեցին, թե Ռշտունիներին ու Արծրունիներին կոտորել տվողը այս Հայր Մարգարեանը չէր, այլ նույն տոհմից, նույն անունով մի ուրիշ նախարար: Շատերը պատրաստակամությամբ հավատացին դրան, որովհետև բոլորին էլ անհանգստացնում էր այն միտքը, թե այլպես ինչու բանսարկուն մինչև հիմա անպատկժ ապրում է իրենց շրջապատում և թե ինչու են իրենք հանդուրժում նրան: Սրտի խորքում խիստ կասկածելով այդ վարկածին, նրանք, խղճի հանգստության համար, ձեռնառու համարեցին ենթադրությունն ընդունել որպես ճշմարտութուն: Միակ մարդը, որ այդ լուրերը ոչ ժխտեց, ոչ էլ հաստատեց, ինքը Հայր Մարգարեան էր:

Պառավ կանայք արդեն վաղուց հեռացել էին, և մինչ աբեղաները կգային Ներսեսին նոր հանդերձներ հագցնելու, նա որոշ ժամանակ բոլորովին մենակ մնաց այս հսկա ու անլուսամուտ դահլիճում:

Հենց այդ արանքում էլ եկավ Հայր Մարգարեան: Նա շատ անսպասելի հայտնվեց, մի ակնթարթ հանկարծ երևաց սյան ետևում և ապա ստվերի պես արագ անցավ, կարծես առանց նկատելու ներսեսին: Հետո ներսեսը նրան տեսավ դահլիճի տարբեր անկյուններում, որոնցից ոչ մեկը մյուսի շարունակութունը չէր և կապ չուներ նախորդի հետ. մեկ խորքում, մեկ դռան մոտ, մեկ շատ մոտիկ, մեկ էլ ուղիղ հակառակ կողմում... Նա թայլում էր գլուխը կախ և կենտրոնացած, կարծես ինչ-որ բան էր փնտրում ոտքերի տակ: Հայացքը ոչ մի անգամ չուղղվեց ներսեսի կողմը, կարծես նա չկար, գոյութուն չուներ: «Չի տեսել, չի տեսել» — մտովի իրեն համոզում էր. ներսեսը: Բայց և այնպես ինչ-որ բան, ինչ-որ անբացատրելի, անմեկնելի բան մատնում էր, որ Հայր Մարգարեան նկատել է նրան, որ նախքան գալն էլ գիտեր, թե նա այստեղ է, նույնիսկ եկել էր հենց նրա համար, որ նա այստեղ է... որ ներսեսն էլ գիտեր, զգում էր այդ ամենը... «Չի տեսել, չի տեսել, չի տեսել... չի...»: Մարգարեանի անակնկալ տեղաշարժերը երկյուղ պատճառեցին ներսեսին, մտնավանդ այս տարօրինակ պահին, երբ աշխարհում չկա, չի կարող լինել մեկը, որ հագուստ չունենա, նույնիսկ բրդեգլուխ ամենահետին աղբատը, որ գոնե կարճ ու գյուրապատառ պարեհնակ ունի, մերկության պահպանակ... Իսկ ինքը, Գրիգոր Լուսավորչի թոռան՝ Հուսիկ կաթողիկոսի թոռը, Աթանագինեսի և Տիրան արքայի թոռ՝ Բամբիշի որդին, միակն է հիմա բովանդակ աշխարհում, որ շունի իր զգեստը. հները վառեցին, նորերը չբերեցին: Ներսեսը հանկարծ սարսափով գլխի ընկավ, որ Մարգարեանը դիտմամբ էր ընտրել իր կյանքի հենց այդ պահը:

Իսկ ամենաանհասկանալին, ամենավայրենին այն էր, որ այդ վիճակը սկսել էր դուր գալ ներսեսին: Աշխարհում եղակին լինելու, միակը լինելու գիտակցութունը, այս ամբողջ արտասովոր իրադրությունը կամաց-կամաց հպարտությամբ էր լցնում նրան, գերազանցության զգացում էր ծնում նրա մեջ: Գերազանցութուն ոչ թե տրիշնեղի, այլ

Նախ և առաջ իր հանդեպ: Իր անցյալի և ապագայի հանդեպ: Անցյալի ու ապագայի այս կարճատև ընդմիջմանը, այս անկրկնելի ու հրաշալի արանքում նա կարող էր առանց տատանվելու մարդ սպանել, կարող էր նաև իր կյանքը զոհել ուրիշի համար, կարող էր գողութուն անել, կարող էր նաև ամբողջ ունեցվածքը հենց այնպես տալ որևէ աղքատի, նա հիմա ազատ էր ընտրություն կատարելու, պատրաստ էր մնալ սենեկապետ, զինվոր լինել, կաթողիկոս դառնալ, ապստամբ, ավազակ, անբան հարբեցող, կնամոլ, ժուժկալ, առաքինի, ստահակ... Իսկ եթե ուզում են, որ կաթողիկոս դառնա, ի՞նչ կա որ, կդառնա: Եթե պետք է, կդառնա՞: Նա իր մեջ ուժ կգտնի շուտ տալու երկիրը, մարդասիրություն սերմանելու ամեն քայլափոխին, բարեգործությամբ լցնելու շեներն ու ավանները... Բայց երջանկությունը կտևի մինչև դառնալը, իսկ երբ դարձավ, երբ ընտրությունն արդեն կատարվեց, ամեն տեսակ երջանկություն միանգամից կվերանա: Մարդ պետք է միշտ նախաշեմին ապրի, սենեկապետ Ներսես, կաթողիկո՞ս Ներսես, նախաշեմին կանգնելու պահն է միայն օրհնության արժանի, աստված մի արասցե, որ թևկուզ մի քայլ անես նախաշեմից, անմիջապես ապականության հոտ կգա:

Հայր Մարդպետը հանկարծ հայտնվեց ասպարեղի՝ գետնից կես ոտնաշափ բարձրությամբ պատվանդանի մոտ: Ասես գետնից բուսավ: Լուռ նստեց պատվանդանի ծայրին, հավաքեց ծնկները, գրկեց ձեռքերով, հայացքն ուղղեց ինչոր անորոշ կետի: Ներսեսը զարմանքով նկատեց, որ Հայրը համակրելի մարդ էր, բարի դեմքով և վստահություն ներշնչող կապույտ, շատ կապույտ աչքերով: Ներսեսը հազիվ էր իրեն զսպում, որ չգոռա: Ուզում էր գոռալ, որպեսզի գրավի նրա ուշադրությունը: Նրա դեմքին երևաց խեղճուկրակ մի ժպիտ, և նա հեռվից ձեռքի մի անորոշ շարժում արեց դեպի Հայր Մարդպետը, այսինքն, նայիր, այս կողմ՝ նայիր, ախր ես այստեղ եմ, ես եմ, ե՛ս: Հետո նա տեղնուտեղը իրեն բռնեց հանցանքի վրա, որովհետև կիսամերկ մարդու նախաձեռով ուսումնասիրում էր Մարդպետի զգեստ-

ները, հաճույք ստանալով ամեն մի շնչին մանրամասնից։ Նա գլխին դրել էր կոնաձև, ծայրը տափարակ կտրված խուլը՝ միաձույլ վիժակով, որ շուրջանակի ծածկում էր ծոծրակը... ներքուստ կրում էր վտավակ, որ խորշերով իջնում էր մինչև ծնկները... Թեզանիքը դաստակների մոտ դսպված էին երիզաձև հավելվածով... վտավակի վրայից հագել էր պատմուճանը, որ, խորշեր կազմելով, առաջադողմից ամփոփվում էր դեպի վեր, իսկ ստորոտի երկու ծայրերից կախված էին մի-մի ուռ...

— Պատժվում են ոչ միայն դավաճանության, այլև հավատարմության համար,— ներսեսը ցնցվեց, որովհետև հանկարծ լավեց Հայր Մարդպետի ձայնը, որ կարծես ոչ թե նրա բերանից էր հնչում, այլ դահլիճի տարբեր անկյուններից։— Չէ՞ որ երկու դեպքում էլ նույն հարցն է ծագում. ինչո՞ւ է դավաճան. ինչո՞ւ է հավատարիմ։ Հենց այդ «ինչու»-ն է հավասարեցնում, նույնացնում ամեն ինչ։— Եվ Հայր Մարդպետը, որ մինչև հիմա շարունակում էր շնայել ներսեսին, նոր միայն հայացքն ուղղեց նրան, ասես նոր տեսավ և ավելացրեց հայրական նախատինքով.— Օրինակ, ինչո՞ւ ես դու հավատարիմ։ Ո՞րն է քո շահը։ Չէ՞ որ շահ ունես։ Տեսնո՞ւմ ես, որքան պախարակելի է քո հավատարմությունը, ամոթալի և անպատվաբեր։— Օղում սավառնող ձայնը աստիճանաբար որոշակի դարձավ, վերադարձավ իր տիրույթը և արդեն պատկանեց իրական մարդու։— Վերացականությունն է ամենամեծ ուժը, սենեկապետ, վերացականությունը։ Դու աշխատիր արանքում ապրել, դավաճանության և հավատարմության արանքում... Թեև այդ արանքը վաղուց լի է մարդկանցով և ազատ տեղ գրեթե չկա։— Հայր Մարդպետը վեր կացավ տեղից, և հիմա արդեն լրիվ առարկայական էր նրա գոյությունը, միանգամայն տեսանելի ու շոշափելի։ Նա մոտեցավ ներսեսին, պտտվեց նրա ջուրջը, ապա կռացավ, հավաքեց գետնին թափված նրա վարսերը, պահեց ափի մեջ և ափսոսանքով դիտեց։— Այսպիսի շքնաղ վարսերը արժանի շեն կորչելու։ Ես սրանք կպահեմ իմ ամենաթանկարժեք տուփի մեջ։— Նա թեքվեց ներսեսի կողմը և շշնջաց նրա ականջին.— Եթե երբևիցե

տխրես և հուսահատութիւնը խեղդի քեզ, եթե սիրտդ չափից
ավելի ճզմվի և խցիդ առաստաղը չափից ավելի բարձր թվա
կամ չափից ավելի ցածր, դու կգաւ ինձ մոտ, կբացես իմ
ամենաթանկարժեք տուփը, կնայես քո երբեմնի վարսերին,
և հուշերը, հուշերը, սենեկապետ, քեզ կտանեն իրենց հետ:
Հեռու, հեռու...

Նա վարսերը խոթեց գրպանը և, ինչպես անսպասելի
հայտնվել էր, այդպես անսպասելի էլ անհետացավ:

Ներսեսը վախեցած նայեց կիսաբաց դռան կողմը և
մտովի աղոթեց, որ շուտ բերեն զգեստները, թող սև լինեն,
ոչի՛նչ, թող կապո՛ւյտ լինեն, դեղի՛ն, նարնջագո՛ւյն, թող
ինչ անհեթեթ գույնի ուզում է լինեն, միայն թե շուտ բե-
րեն, շո՛ւտ... Ընտրութիւն կատարելու ազատութիւնը արդեն
դեմ էր առել կոկորդին և խեղդում էր նրան, նա մտքում այն-
պիսի հրաշագործ ծրագրեր էր կազմում, այնպես թեթև էր
թուշում օդում, այնքան ուժ ու եռանդ էր զգում, այնքան
շատ էր սիրում ու ատում, որ վախենում էր ինքն իրենից:
Մի քիչ էլ ձանձրանում: Մի քիչ էլ զզվում:



— Հը՛, ի՞նչ եղավ, Դրաստամատ, ի՞նչ կատարվեց, ի՞նչ
հասկացար:

— Գլխիդ վայ ես տալու, արքա: Ներսեսը ձեռնասուն
դարձողներից չէ:

— Ներսեսն ո՞վ է, սենեկապետ: Իմ ի՞նչն է:

— Քո... հորաքրոջ որդին...

— Տիրանի քրոջ Բամբիշի որդին: Իմ արյունակի՛ցը:
Կաթողիկոսը պետք է իմ մարդը լինի:

— Դու այսօր հակասեցիր ինքդ քեզ, արքա: Դու ուժե-
ղացրիր հունասերներին: Կաթողիկոսութիւնը վերադարձրիր
Գրիգոր Լուսավորչի տոհմին: Բայց չէ՞ որ դու համակիր չես
նրանց:

Արդեն վաղուց սովորութիւն էր դարձել, մի տեսակ ներ-
քին պահանջ, որ արքան իր ամեն քայլն ստուգի սենեկա-
պետի միջոցով: Նա անսահման հավատում էր Դրաստամա-

տին, գնահատում նրա խելքն ու խորաթափանցությունը: Ու երբ նա երբեմն սխալվում էր կամ ինչ-որ բան մինչև վերջ գլխի չէր ընկնում, Արշակը շտեմնված ուրախանում էր, մանկական հրճվանք ապրում, և տրամադրությունը միանգամից բարձրանում էր: Նա մոռանում էր իր ուժ լինելը և այդ փոքր ու շնչին առավելություններով հպարտանում: Երբեմն նույնիսկ դիտմամբ որևէ անտրամաբանական քայլ էր անում և ուղղակի ցնծում, որ իր խոշոր և հաղթանդամ սենեկապետը, իր սիրելի Դրաստամատը, խճճվել է ու գլուխ չի հանում: Դրաստամատը ճիշտ էր, որ կաթողիկոսությունը վերադարձնելով Լուսավորչի տոհմին, արքան ուժեղացնում էր հունասերներին: Ուժեղացնում էր, առանց նրանց համակիր լինելու: Սակայն բանն այն է, որ պարսկասերները հզորացել էին, և նրանց ուժը արդեն լրջորեն անհանգստացնում էր արքային: Հարկավոր էր հավասարակշռություն ստեղծել, անընդհատ ուշադրությամբ հետևել, թե որ կողմն է թեքվում կշեռքի նժարը, որպեսզի անմիջապես օգնության հասնի մյուս կողմին:

— Գիտե՞ս հիմա ինչ պատկերացրի... Պալատի հրապարակը.. Եվ բազմություն... Խուռներամ բազմություն... Ուես նրանց մեջ եմ, Դրաստամատ... Չորս կողմից սեղմում եմ: Ինձ ձգում... Շունչս կտրվում է... Կողոսկրերիս ճայթյունն եմ լսում... Բայց դիմանո՞ւմ եմ... Դեմքիս՝ երջանիկ և հիմար մի ժպիտ... Մի ծերունի ուշագնաց եղավ... Հղի մի կին արու զավակ ծնեց ամբոխի մեջ... Եվ այդ բոլորը գիտե՞ս ինչու... Որովհետև ահա ուր որ է թագավորն է երևալու... Որպեսզի գոնե մի պահ տեսնեն նրան... Ես էլ կուզենայի նրանցից մեկը լինել... Ոտքերիս մատների վրա ձգվել... Վիզս պոկվելու աստիճան երկարել... Այդ նույն երջանիկ ու հիմար ժպիտով... Է՛, սենեկապետ, երանի չէ՞ր իմանայի թե որն է ճիշտ և որն է սխալ...


Չէ, չէ, կաթողիկոսի ընտրությունը ճիշտ էր: Թող ու՛ր ինչ ուզում է ասի: Բայց կա մի կետ, երբ նա միայն իր բնազդին է վստահում: Արշակունյաց ցեղի արյամբ անցած, թագավորությունն աստամներով պահելու, ամեն պահ թակարդների փախչելու, իշխանության քաղցրությունն զգալու փոխարեն:

իշխանութիւնը կորցնելու տանջանքներով անցած բնաղդին: Ներսեսը նայել գիտեր: Խոսել գիտեր: Փառահեղ արտաքին ուներ: Ժողովուրդը կգնա նրա ետեից: Կհավատա նրա խոսքին: Արշակը հիացմունքով էր հիշում, թե քիչ առաջ ինչպիսի արժանապատվութեամբ էր Ներսեսն իրեն պահում արքայի առաջ, ինչպիսի համարձակութեամբ էր իր խոսքերը շարտում նրա երեսին, ինչպիսի կրքոտութեամբ գիտեր մի բան ուզել կամ չուզել, մի բան սիրել կամ չսիրել: Որքա՛ն գեղեցկութեան կար նրա ըմբոստութեան ու թախանձանքների մեջ: Արշակը ի սրտե խղճաց նրան: Այդպիսի մարդը արժանի չէր հոգևորականի ճակատագրին: Նրա սուրը կարող էր հրաշքներ գործել, մետաղի անկենդան կտորին շունչ ու մարմին տալ, փառաբանել մարդու և մետաղի դաշինքը, նրա բազուկների մեջ կարող էին տեղ գտնել և՛ սերը, և՛ ատելութիւնը, նա կարող էր շեղվել կյանքի տրամաբանութիւնից, և թող օրհնվի այդ շեղումը, նա կարող էր շսպասել իր մահվանը, այլ հենց ինքը փնտրեր նրան, անպատկառ և լկտի խիզախութեամբ, և թող օրհնյալ լինի այդ խենթ ու խելառ որոնումը, և գուցե նրան գտներ ռազմի դաշտում կամ ճմրթված սպիտակ սավանի վրա, որնէ հրաշալի էգի ծոցում: Իսկ հիմա նա կմեռնի բնական մահով: Ամեն ինչ նրա կյանքում կլինի հանդարտ և իմաստուն: Ամեն բան կունենա իր պատճառը, իր բացատրութիւնը: Ամեն ինչ՝ ճիշտ ու տեղին: Ինչպե՞ս սայթաքումը՝ չափավոր ու ձևված: Եվ շի լինի ոչ մի գեղեցիկ ու փառավոր սխալ:

Բայց ինչ արած, որ նրան խորտակեցին հենց իր բարեմասնութիւնները: Թող անգույն մարդ լինիր և հանգիստ ապրեր իր համար: Իսկ Արշակին Ներսեսի պես մի այր էր պետք: Կաթողիկոսը հավասար է արքային: Նա է երկրի երկրորդ գեմբը: Եվ արքայի կողքին պետք է կանգնի ուժեղ և պինդ անհատականութիւն: Բայց ի՛նքը, ի՛նքը... Ինքը ի՞նչ պակաս էր Ներսեսից: Թե՛ իր սուրը ընդունակ չէ անհամբերութիւնից քրտնելու պատյանի մեջ: Թե՛ իրեն հայտնի չեն անանուն հարճերի պարզակած սիրո շոգ գիշերները, որոնցից ամեն մեկը տարբեր է մյուսից և իր անունն ունի:

Տե՛ղն է քեզ, Ներսես: Ինչո՞ւ արքան պիտի մոռանա իրեն, տանջվի ու տառապի ուրիշների համար, իսկ իր հորաքրոջ արդին անամոթաբար լողա վայելքների մեջ, լինի իր անձի տերը, ինքն իր աստվածը, ինքն իր արքան, մինչդեռ իսկական արքան իրեն նվիրաբերի ուրիշներին, որոնցից մեծ մասի դեմքն էլ չի տեսել, չի ճանաչում, անգամ գոյությունը չգիտի: Տե՛ղն է քեզ, Ներսես: Թող նա էլ ծառայի անծանոթ մարդկանց, թող իմանա վերացական և անհասցե ծառայության ամբողջ ահավորությունը: Եվ եթե առաջ բազիլենների վրա զոհեր էին մատուցում, անգամ կենդանի մարդկանց, ապա արքաները ամեն օր են զոհում իրենց: Տե՛ղն է քեզ, Ներսես: Հիմա դու էլ քո ազնիվ դեմքով կանգնիր բազիլի առաջ և անընդհատ զոհիր քեզ, օր-օրի վրա զոհիր, կաթիլ առ կաթիլ, շեշաքարով մաշիր քեզ, ոչինչ, ոչինչ, քերժիր մաշկդ, քամիր հյութերդ: Ո՞վ է ասել, որ քո ճակատին գրված է մեռնել անհեթեթ ու նախանձելի մահով, սպիտակ ու ճմրթված սավանի վրա... Եվ ինչո՞ւ սպիտակ, և ինչո՞ւ ճմրթված, և ինչո՞ւ սավան, և ինչո՞ւ հրաշալի էգի ծոցում: Եվ ինչո՞ւ, ինչո՞ւ պիտի օրհնյալ լինի այդ պահը: Այս ամենը մի ակնթարթում կորցրին իրենց բանաստեղծականությունը և նույնիսկ գոհճիկ թվացին արքային: Նա մի անասելի խանդ զգաց Ներսեսի հանդեպ, նրա անցյալի հանդեպ, անգամ ապագայի հանդեպ, որը չի իրագործվի, չէ, չի իրագործվի, հաստատ չի իրագործվի: Եվ հենց շիրագործվելու համար էլ արքան կսիրի նրան: Արդեն սիրում է և սրտանց խղճում:

Բացի այդ, կար ևս ոչ պակաս կարևոր մի հանգամանք: Արշակին թագավոր էր կարգել պարսից արքան: Բյուզանդացիների աչքում դա շափազանց խոցելի ու աններելի կետ էր նրա կենսագրության մեջ: Իսկ եթե կայսրը նրան կարգեր թագավոր, նա խոցելի կդառնար պարսիկների համար: Հայոց արքան միշտ է խոցելի: Մոր արգանդից, իր ծնունդից, իր առաջին ճիշից, իր առաջին ինքնուրույն քայլից, երբ բոլորին թվում է, թե նա այլևս չի կառչում շրջապատի իրերից: Եվ հիմա արքան պետք է կայսրի սիրտն առնի՝ հոգևոր իշխանությունը տալով բյուզանդական կողմնորոշում ունեցող Լուսավորչի տոհմին, պետք է ինչ-որ շափով թոթափի



իր մեղքը կայսրի առաջ և ինչ-որ շափով մեղավոր դառնալ արքայից արքայի առաջ: Նորից այդ հավասարակշռութիւնը, նողկալի, սիրտ խառնող հավասարակշռութիւնը: Երկիրը վխտում է լարախաղացներով, որոնց դրամ և ուտելիք են բաշխում ապրուստի համար, իսկ գլխավոր լարախաղացին, լարախաղացների արքային, փոխարենը տալիս են թագ, այ, ա՛յս թագը, տես, ի՛նչ գեղեցիկ է, գլանակերպ, թեթևակի կոնաձև, շափավոր բարձրութեամբ և ավարտված ճառագայթներով, որոնք մերթ ժանեձև են, մերթ կազմված իրար վրա նստող երեք կարգ մարգարիտներից, ստորև՝ խոշոր և վերևը՝ փոքր, այ, ա՛յս թագը, որից կախված է վիժակը՝ երեք ծվենների բաժանված, որոնցից լայնագույնը ծածկում է ծոծրակը և երկու նեղերը, ականջապանները, իջնում են ականջների ուղղութեամբ, թագն ու վիժակը համակ եզերված են խիտ մարգարիտներով, այ, ա՛յս թագը, որ նա պետք է պինդ պահի գլխի վրա և շթողնի, որ հանկարծ գետնին ընկնի, որովհետև այնտեղ, լարից շատ ներքև, հեռավոր գետնի վրա, վզները վեր ցցած, շունչները պահած, ինչ-որ մարդուկներ պարզել են ձեռքերը և սրտատրոփ սպասում են...

Երբ նոր էր Արշակն իր թագն ստացել, նրա առաջին գործը եղավ սիրաշահել պառակտված և հայոց միաբանութիւնից անջատված նախարարներին: Պատմիչն ասում է. «Եվ Հայաստան աշխարհի թագավորութիւնը նորոգվեց ու պայծառացավ, ինչպէս առաջ. մեծամեծներն իրենց գահերում, գործակալներն իրենց աստիճաններում: Եվ առաջին գործակալ-հազարապետ նշանակվեց շինականներին շինացնող Գնունյաց ցեղը, որսլեսզի իբրև ամբողջ երկրի հազարապետներ՝ հոգատարութեամբ խնամեն աշխարհաշեն, աշխարհը կերակրող գյուղացիութեանը: Նույնպէս և սպարապետութեան՝ զորավարութեան գործում, ճակատ առ ճակատ նիզակներով կռիվ մղելու համար, նշանակեց փառավոր և ազնվազգի, աղավնակիր դրոշակներով, արծաթի՝ Վարուժանի նշաններով, աներկյուղ ու քաջասիրտ նախամարտիկ, քաջանուն, բարենշան, բարեհամբավ ու բարեգործ, պատերազմական գործերում հաջողակ Մամիկոնյանների ցեղից,

բուն նախնյաց կարգերի համաձայն, որին երկինքը միշտ և հանապազ պարգևում էր հաղթության ու քաջության բարի անուն պատերազմական գործերում, և տվեց նրանց զորավարության իշխանություն Մեծ Հայքի բոլոր զորքերի վրա: Այս ցեղերից զատ՝ խոնարհ աստիճանի գործակալներ, որոնք թագավորի ներկայութեամբ բարձրի վրա բազմում էին, պատիվները գլխներին,— շահաշնորհ մեծամեծ նահապետներին ու տանուտերերին, լսկ միայն գործակալներ՝ ինը հարյուր բարձ էին կազմում, որոնք թագավորական սեղանի ուրախության մասնակից էին լինում, բացի հոտընկայս սպասավորության պաշտոնյաներից»:

Իրենց պաշտոններում վերականգնվեցին Հայր Մարգարեանք՝ որպես ներքինապետ, Սմբատ Բագրատունի ասպետը՝ որպես թագադիր, Գարշույլ Խոսրոսունին՝ որպես թիկնապահ... Զգեցուցանող կամ հանդերձապետ՝ Գնթունիների տոհմից, մատակարար կամ համբարակապետ՝ Գաբելյան տոհմից, տակառապետ՝ Գնունիների տոհմից: Եվ դեռ՝ դահճապետ, որսապետ, հավնունիք և արծվեկիրք, շահ ախոռապետ, քարտուղար, գրչունիք, նամակունիք... Նրան իմաստուն թվաց իր քայլը, որով տասնյակ նախարարներ պարտապան էին դառնում իրեն և ստացած պատիվների դիմաց՝ պարտք մնում հավատարմութուն, համերաշխութուն, միաբանութուն: Իր գործունեությամբ ոգևորված, նա նույնիսկ վստահ էր, թե աշխարհում ինքն է առաջինն այդ խորամանկությանը դիմել: Սակայն հետզհետե պարզվեց, որ կա է՛լ ավելի իմաստուն և է՛լ ավելի մեծ ճշմարտութուն. պարտապան լինելու մոռացումը և պարտքը չվճարելու աշխարհի հինավուրց և բնական օրենքը: Ուրեմն, իմաստութունը ոչ թե առհասարակ պաշտոն բաժանելն էր, այլ միայն մերձավորներին, ազգականներին, արյունակիցներին պաշտոն տալը, մարդկանց, որոնք արյան կանչով են շղթայված իրար հետ: Կաթողիկոսը պետք է իր մարդը լինի: Բոլորը, ովքեր քիչ թե շատ բարձր դիրք են գրավում արքունիքում, պետք է իր մարդիկը լինեն: Եվ արքան, արդեն ծեծ կերած, արդեն համեստացած, այլևս չէր համարում, թե ինքն է առաջինը դիմել այդ խորամանկությանը, այլ համոզված էր,

որ դա է իշխանության գլխին կանգնած մարդու ապահովու-
թյան ամենատարրական երաշխիքը:

— Բյուզանդիայի և Պարսկաստանի հաշտությունը խա-
բուսիկ է, արքա,— նրա մտքերն ընդհատեց Դրաստամա-
տը:— Ինքդ էլ քաջ գիտես, որ պատերազմն անխուսափելի է:
Դու պետք է վճռես ում կողմը բռնել:

— Իսկ ինչո՞ւ պիտի որևէ մեկի կողմը բռնեմ,— Դրաս-
տամատի ճշմարիտ խոսքերից և ստույգ տրամաբանությու-
նից արյունը խփեց արքայի երեսին:— Իս ուզում եմ ի՞մ
կողմը լինել: Ինքս ինձ հետ: Եթե կովում եմ՝ ի՞մ իշխան-
ների դեմ, որ անհնազանդ են ինձ: Եթե դաժան եմ՝ ի՞մ
շինականների հանդեպ, որ դժգոհ են ինձնից: Օ՛, եթե իմա-
նայիր, ինչքան եմ ուզում դաժան լինել, Դրաստամատ:
Անիմաստ դաժան, քմահաճույքի՛ համար: Ոչ թե վախից և
զգուշությունից, այլ իմ ուժի գիտակցությունից:— Նա մի
պահ լռեց, կանգ առավ, հենվեց արքունի պարտեզի հա-
տարուն ծառերից մեկին և դառը քմծիծաղ տվեց:— Ներիր,
սենեկապետ, ես հանդգնեցի մի պահ մոռանալ, որ փոքր
ազգի թագավոր եմ: Եթե ուզում ես մեկին երիցս անիծել,
թող փոքր ազգի թագավոր դառնա:— Մեղքը սահեց ծառաբնի
վրայով, նա պսպեց և ատելությամբ շարունակեց.— Խո-
րամանկ պիտի ապրես: Պիտի ապրես քծնելով: Վախ ու
դողի մեջ: Ամեն մի քայլդ կախված ուրիշի քայլից: Երբ
խոսում եմ մեկի հետ, նրա աչքերում կարդում եմ՝ դու ի՞նչ
թագավոր ես, թագավորը ՆՐԱՆՔ են: Գիտե՞ս ես ինչի համար
եմ նրանց պետք: Որպես զարդարանք, թանկարժեք ադա-
մանդ, ազնիվ ցեղական ձի: Որովհետև եթե թագավոր ունես,
ծառադ էլ ինչ-որ արժեք է ստանում: Թագավորի՛ ծառա...
Ի՞նչ է դուրս գալիս, սենեկապետ: Դուրս է գալիս, որ ես եմ
իմ հպատակներին ծառայում, և ոչ թե նրանք ինձ...

Իսկ երկրի անկալունությո՞ւնը, խախուտությո՞ւնը, նրա
գլխին կախված բազում շարիքնե՞րը... Այդ ամենը մարմնա-
վորված են ոչ թե բոլորի մեջ հավասարապես, այլ միայն
մի՛ հոգու, միա՞յն մի հոգու, արքայի մեջ: Նրանց թվում է,
թե այդ ցավը նրանն է միայն: Նրա հետ է ծնվել: Ժառան-
գություն է մնացել հողերի, ճորտերի ու ամրոցների հետ:

Արշակը շարախնդաց մտքում, որովհետև նրանք չգիտեն, որ արքայի հետ այդպես ստոր վարվելու մեջ թաքնված է նաև իրենց ցավը:

— Ես ինձ իրավունք չեմ վերապահում մասնակից դառնալու քո խոհերին, արքա,— դաժան ուղղամտությամբ նորից խոսեց Դրաստամատը:— Իմ պարտքն է միայն հիշեցնել, որ դու պետք է ընտրություն կատարես: Կա՛մ Բյուզանդիա, կա՛մ Պարսկաստան: Կա՛մ հունասեր խմբակցություն, կա՛մ պարսկասեր: Դու քո ուժը չունես, արքա:

— Ունեմ, Դրաստամատ, աստված վկա, ունեմ:— Նա վեր կացավ, միանդամից աշխուժացավ, և աչքերում մի մոլեռանդ փայլ երևաց:— Մարդկային մի հոծ բազմություն... Մի ահռելի ծով... Մի ամբողջ հրաբուխ... Եվ նրանք իմ կողմնակիցը կդառնան... Ես կստիպեմ սիրել ինձ... Ամեն ինչ ստիպել է պետք... Սերն էլ պետք է ստիպելով շահես... Երագրեր ունեմ, Դրաստամատ, ծրագրե՛ր... Չեմ պատմում, որպեսզի խորհուրդ չտաս ինձ... Ես հիմա միայն քո խորհրդից եմ վախենում... Ճիշտ խորհրդից...— Ձայնը հանկարծ դաժանացավ, շարացավ ու հրամայեց.— Ճաշի հրավիրիր նախարարներին: Բոլորին անխտիր:

Ամեն հայ թագավոր իր անունով մի քաղաք է կառուցել և թողել երկրին: Արշակը ևս հետևեց իր նախորդների օրինակին և վճիռ արձակեց մի նոր քաղաք կառուցելու և անունը դնելու Արշակավան: Նա հրամայեց նախարարներին, որ ամեն մեկը, իր ուժերի ներածին շափ, շինականներ ուղարկի, ինչպես նաև դրամ տրամադրի Արշակավանի կառուցման համար: Եվ նրա զարմանքն ու զայրույթը սաստիկ մեծ եղան, երբ համոզվեց, որ իր տգետ ու հաստավիզ նախարարները, իր ճարպակալած իշխանները հապաղում են կատարել արքայական հրամանը. պատճառաբանելով, թե նախկինում այդպիսի քաղաքները կառուցվել են բունի գաղթեցումների միջոցով և առանց նախարարների մասնակցության: Նրանք հրամանը կամ մոռացած էին ձևանում, կամ պատշաճը չխախտելու համար մի քանի շինական ուղարկում, համարելով, որ իրենց պարտքը կատարեցին: Երևի կարծում էին,

Թե արքայի ատամները հաշվված են: Գուցե նաև մարտահրավե՞ր էին նետում, ուզում էին խեղճացնե՞լ նրան: Էլ ի՞նչ երևի, էլ ի՞նչ գուցե: Դա հաստատ այդպես էր: Բայց Արշակունի Արշակ ես, Մեծ Հայքի թագավոր ես, ինչ ես, իմացիր, որ իսկական առաջնորդը նա է, ով այդ անհնազանդությունից էլ օգուտ կբաղի, հենց իրենց դեմ շուտ կտա, սատանայական միտք կհղանա: Թե տղամարդ ես, հղացի՛ր, ծնի՛ր, երկնի՛ր այդ միտքը:

— Ճաշի հրավիրիր նախարարներին,— կրկնեց նա:— Բոլորին անխտիր:

Արքան հանկարծ գրկեց Դրաստամատի ուսը, ուղիղ նայեց նրա աչքերին, երկար նայեց և սառը տոնով դիմեց նրան.

— Ի միջի այլոց, ես մոռանում եմ քեզ հարցնել, գու հո շե՞ս նեղանում, որ ես իմ սիրտը միշտ բացում եմ քո առաջ: Հո շե՞ս վիրավորվում:

— Ինչո՞ւ, արքա,— շփոթվեց Դրաստամատը:

Ծվ արքան նորից երեխայի պես հրճվեց, որ շփոթության էր մատնել իր սիրելի, իր ազնիվ Դրաստամատին:

— Չէ՞ որ ես թագավոր եմ, իսկ գու բնդամենը՝ սենեկապետ: Մեր միջև մեծ տարածություն կա: Հո շե՞ս նեղանում, որ ես անցնում եմ այդ տարածությունը: Չէ՞ որ այն պատկանում է ոչ միայն ինձ, այլև քեզ:

— Դու ինձ վստահում և սիրտդ բաց ես անում իմ առաջ, որովհետև ինձ ոչնչություն ես համարում, արքա,— հեշտությամբ իրեն տիրապետեց Դրաստամատը և նորից քարծավ շոր ու ցամաք, վառ զգացմունքներից զուրկ և ճիշտ գատող նախկին սենեկապետը:— Քեզ համար հարմար է ինձ հետ անկեղծ լինել:

— Տեսնո՞ւմ ես, գու էլ զենք ունեւ: Իշխանությունն իմ ուժն է, իսկ ոչնչությունը՝ բռնը: Պատկերացրու, որ մենք ինչ-որ տեղ հավասար ենք:

— Այդ զենքը գու ես ինձ տվել, արքա: Մի՞թե քիչ են անզեն ոչնչությունները: Իսկ իմ ոչնչությունը քո կողքին է արժեք ստանում:

Արքան բաց թողեց Դրաստամատի ուսը, խոժոռվեց,

Պարով փորփրեց պարտեզի հողը, և նրան սկսեց տանջել
այն հարցը, որ գուցե ինքն այստեղ էլ է խարվել, այստեղ
էլ է տանուլ տվել և վատ է ճանաչել իր սենեկապետին:

— Հո չե՞ս քծնում,— մռայլ հարցրեց նա:

— Դա իմ պարտականութիւնների մեջ չի մտնում, ար-
քա,— արժանապատւությամբ և առանց որևէ հույզի
պատասխանեց Դրաստամատը:

— Գնանք, սենեկապետ, վայել չէ սպասեցնել կաթո-
ղիկոսին,— անմիջապես հանգստացավ արքան և մտածեց,
որ, չէ, տանուլ չի տվել, այս մեկը տանուլ չի տվել: Նա
քայլերն ուղղեց դեպի միջնաբերդի հիմնական մուտքը՝
Տրդատա դուռը, բայց ինչ-որ բան հիշեց և ասաց.— Իմ ամե-
նամտերիմ ընկերոջը, Ծփրեմ ազատին պալատ հրավիրիր:
Ասա թող սպասի ինձ: Արքան կաշխատի անպայման ժա-
մանակ կորզել և ճատրակ խաղալ նրա հետ:

Մանկության ընկերոջը տեսնելու ցանկութիւնը անսպա-
սելի թափով ծնվեց նրա մեջ և հրամայական պահանջ դար-
ձավ: Վաղուց չէր հանդիպել Ծփրեմին, վաղուց ճատրակ չէր
խաղացել նրա հետ, ի՛նքը, երախտամոռ ընկերը, քիթը
ցցած, իրեն մեծ բանի տեղ դնող, իրեն երևակայող արքան:
Չէ, գործերը լավ չէին, ուրեմն լավ չէին գործերը, եթե
հանկարծ այսպիսի բուռն պահանջ զգաց մանկության ըն-
կերոջը տեսնելու: Նա նայեց Դրաստամատին, որ քայլում էր
ձիգ ու շիտակ մարմնով, սառը, անկենդան հայացքով, մեծ
ու հանգիստ քայլերով, և նրա դեմքին թեթև ու աննկատ մի
ժպիտ երևաց:

— Բայց դու մի անհանգստացիր... Մի մտահոգվիր,
սենեկապետ... Ինձ դուր է գալիս թագավոր լինել...



Եկեղեցու առաջ խուռներամ բազմութիւն էր հավաքվել,
ճիշտ այնպիսի, ինչպիսին արքան էր երազում Դրաստամատի
հետ զրուցելիս: Բայց նա բազմության մեջ չէր և արդեն չէր
դժգոհում այդ մտքից, այլևս չէր փսոսում: Երբ ամբոխ էր
տեսնում, թեկուզ հանդեսների համար հավաքված ամբոխ,

Քնկուզ իրին երկրպագող, իրեն աստվածացնող ամբոխ, միևնույն է, մի պահ մոռացվում էր և ինչ-որ անորոշ վախ զգում: Ոչ թե ուղեղով, այլ ստամոքսով, մաշկով, քթանցքով: Երևի դա ևս նրա արյանն էր անցել իր նախորդների մեջ կուտակված բնազդներից: Սակայն այդ վիճակը տևում էր ընդամենը մի ակնթարթ, որից հետո արյան փոխկանչը խլանում էր, և նա սիրով էր լցվում իր հպատակների հանդեպ:

Ամբոխի մեջ շշուկ տարածվեց, որ արքան է գալիս: Նա երևաց առանց թիկնապահների, միայն սենեկապետ Դրաստամատի ուղեկցութեամբ, երևաց իր ամբողջ շքեղութեամբ ու փայլով: Նա երկար, առատ մազեր ուներ, որոնք բոլորակ հատմամբ իջնում էին մինչև ծոծրակի կեսը: Դեմքը ծածկված էր խիտ մորուքով: Մարգարտյա երկտակ վարսակալի վրա դրել էր բեհեզյա ուղղաբերձ խուլբը: Սպիտակ, խորշավոր օձիքով և գոհարներով եզերված պատմուճանը, որի լայնութունը արքայական ճոխութունն էր խորհրդանշում, իջնում էր մինչև ծունկը, թեզանիքն ավարտվում էին ուսերի մոտ, ի տես դնելով ներքնակ պարեգոտը, որ ծածկում էր նրա ձախ բազուկը, աջն ազատ թողնելով: Պարանոցից կախված էր մարգարիտներով ու ակներով ընդելուզված քառամանյակը: Մեջքին կապել էր ոսկեհուռ լայն կամարն ու թուրը, կրծքին՝ լանջափառ ապիզակը: Պատմուճանի վրա կրում էր ընտանի առաջին գույնը համարվող ծիրանի քղամիդը, որ աջ ուսի մոտ ճարմանդված էր ականազարդ շիզղով: Ականջներից կախված էին մանեկաձև գինդեր: Ոտքերին հագել էր խրացավոր կարմիր կոշիկներ: Սա էր թագավորը, այս ամեն մի մանրամասնը, այս բոլոր մանրութենքը, որոնցից ամեն մեկի մեջ մի-մի խորհրդավոր և անիմանալի փաղտնիք էր թաքնված:

Ամբոխը ինքնամոռաց հրճվանքով ու ցնծութեամբ ողջունեց իր արքային, ապա կիսվեց, ճանապարհ բացեց, և մարդկանցից գոյացած միջանցքով արքան անցավ ու մոտեցավ եկեղեցու մուտքին:

Եկեղեցու զանգերն սկսեցին զողանջել: Դա նշան ծառայեց, որ քաղաքի մյուս եկեղեցիներն էլ հնչեցնեն իրենց

զանգերը: Ամբողջ Արտաշատը, ահել թե ջահել, կին թե տղամարդ, դուրս էր թափվել տներից և քաղաքի սալահատակված փողոցներով հոսել, հոսել ու կանգ առել միջնաբերդի մոտ գտնվող եկեղեցու առջև: Ամենուրեք մարդկանց գլուխներ էին և միևնույն կողմն ուղղված աչքեր: Մարդիկ միմյանց պատմում էին այն, ինչ առանց այդ էլ տեսնում էին բոլորը: Բայց հաճույքով լսում էին իրար: Կարծես տեսածին և՛ ս մի վկայություն էր պետք, որպեսզի այս անկրկնելի պատմական տեսարանի կշիռը է՛լ ավելի մեծանա և դառնա մի ամբողջ սերնդի հիշողություն:

Ջանգերի զոդանջը հետզհետե առավել ուժգնացավ, տարածվեց, ծածկեց, կլանեց ամբողջ քաղաքը: Թ՛վում էր, թե ամեն ինչ ձայն էր արձակում, նաև շենքերի պատերը, նաև տանիքները, նաև փողոցի քարերը, նաև միջնաբերդի պարիսպը... Եվ այդ համատարած ձայներից թնդում էր ամբոխի սիրտը, ամբոխի, որ հիմա մի ամբողջություն էր, մի հայացք, մի աչք, մի սիրտ, մի երազանք, մի բնավորություն, մի խառնվածք, մի անցյալ, մի կենսագրություն: Եվ երկու սեր: Մնկն արքայի համար, մյուսը՝ նորընծա կաթողիկոսի:

Երկու շարքերով եկեղեցուց դուրս եկան սևազգեստ հոգևորականները, խաչեր և բուրվառներ բռնած: Եվ այդ երկու շարքերի միջով անցնում էր Ներսեսը, ոտքից գլուխ սև, գեղեցիկ ու սրբացած: Նա ապաշխարած մարդու տեսք ուներ, անցյալին վեհանձնորեն հրածեշտ տված, անցյալի բոլոր կրքերի ու մտքերի հետ հաշիվները փակած, նոր ծնված, և բաց ճակատով ու ազնիվ աչքերով՝ հայացքն աշխարհին ու մարդկանց ուղղած: Արքան հասկացավ, որ Ներսեսն ընդունել է իր ճակատագիրը: Ոչ թե հաշտվել, այլ ընդունել է: Նա հավատում է իրեն, հավատում է իր առաքելությանը, իր նոր ծննդին, ինչպես կարող է հավատալ այս քարին, այս թփին, այս բազմերանգ գույներին, իրեն ուղղված այս հազարավոր աչքերին:

Ամբոխը, մի մարդու պես, ակնածանքով ծնկի շոքեց: Քաղաքը կարծես մի ակնթարթում առաստաղ ունեցավ, ունեցավ տանիք, միասնական մի տանիք, որ միանգամից փլվեց կաթողիկոսի ոտքերի առջև: Ինչ փուլթ, որ նա զեռևս

կաթողիկոս չէ, սարկավագ է տակավին և դեռ հեռավոր ճանապարհ պիտի կտրի մինչև Գամիրքի Կեսարիա քաղաքը, որտեղ կաթողիկոսների կաթողիկոս երանելի Եվսեբիոսը սարկավագ ներսեսին նոր միայն պիտի ձեռնադրի Մեծ Հայքի եպիսկոպոսապետ: Ոչ ամբոխը, ոչ էլ արքան, ի տես այս սևազգեստ երիտասարդի, հավատ չընծայեցին օրենքի ու կարգի կարևորութեանը, առաջին անգամ լինելով՝ սրտով և մտքով մերժեցին ավանդութեան ուժը: Սա՛ լ է Մեծ Հայքի կաթողիկոսը, ամենայն հայաց հայրապետը, ամենասուրբ հայը, այս նորընծա սարկավագը: Արքան, այս եռուն մթնալորտով տարված, իրեն ձուլված զգաց ամբոխին, մի մարմին դարձավ նրա հետ, վերացավ իրեն ու ամբոխին բաժանող անջրպետը, և նա ազոթեց, որ այդ զգացողությունը հաբատե լինի, հարատե լինի մանկութեան ընկերոջը հանդիպելու, նրա հետ ճատրակ խաղալու ներքին սուր պահանջը, սովորական ու հասարակ զգացմունքների, սովածանալու, մրսելու, բորիկ ոտքը քերծելու, ծանր բեռ կրելու, խմբովի ժայռաբեկոր գլորելու, խմբովի տուն շինելու և տանիք ծածկելու անհազ ծարավը: Այ, թող այս պահը, միայն այս պահը օրհնյալ լինի, և ոչ թե այն, ինչ քիչ առաջ, միջնաբերդի պարտեզում, նա անզթորեն ու նենգաբար վերագրեց իր հորաքրոջ որդուն:

Հազարավոր ձեռքեր ձգվեցին, ուղղվեցին դեպի ամենասուրբ հայը, նրան դիպչելու, մաքրվելու, հոգսերից ու ցավերից ազատվելու, վաղվա երջանիկ օր ունենալու բուռն տենչանքով: Հազարավոր հիվանդներ, հաշմանդամներ, խեղանդամներ, կույրեր, համրեր, մուրացիկներ, անօթեան ծերեր ու պառավներ, աստվածային մի ուժ ստացած, ամբոխի միջից ճամփա էին ճեղքում և իրենց զցում ապագա կաթողիկոսի ոտքերի տակ, նրա օրհնությունն աստանալու: Մայրերն իրենց հիվանդ զավակներին, թեքի վրա առած, մկկնում էին դեպի կաթողիկոսը և օրհնություն հայցում, հրաշք էին աղերսում նրա ձեռքերի հպումից: Ի՞՞՞՞ ով երջանիկ էր, ուզում էր էլ ավելի երջանկանալ, ով հարուստ էր, ուզում էր էլ ավելի հարստանալ, ով հաջողակ էր, ուզում էր էլ ավելի մեծ հաջողություն, բոլորը՝ է՛լ ավելի,

է՛լ ավելի, է՛լ ավելի, միայն ու միայն՝ էլ ավելի, միայն թե՛
է՛լ ավելի...

Զինվորներն ասիպված հղան միջամտել ու ետ մղել
ամբոխին։ Ամբոխը ընդդիմացավ, ամեն մարդ հույսը դրած
այն բանին, որ իբր ընդդիմությունը չի նկատվի և չի պատժը-
վի, քանի որ ինքը հիմա ինքը չէ, այլ հորձանքի մի աննշան
մասը, հեղեղի մի կաթիլը, քանի որ ոչ ոք այդ հորձանքի մեջ
չունի իր առանձին դեմքը, և ամբոխը մի ընդհանուր ու
միասնական դեմք ունի միայն, քանի որ այս հրմշտոցը
ոչ թե իր արմուկներէր։ ու ոտքերի շարժման, այլ ամբոխի
խորքերից եկող, մութ խորքերից ծնվող, իրենց մեջ և իրեն-
ցից դուրս գտնվող մի արդյունքն է։ Բայց և այնպես զին-
վորներին հաջողվեց զսպել ամբոխին և տարածություն պահ-
պանել սև հանդերձներ կրողների ու խայտաբղետ զգեստներ
հագնողների միջև։ Հիմա արքան արդեն հնարավորություն
ունի մոտենալու երիտասարդ սարկավազին, որն այլևս իր
հորաքրոջ որդին չէ, այլ գրեթե հայոց կաթողիկոս։ Ամբոխի
և իր միջև, ամբոխի ու արքաների միջև գոյություն ունեցող
դարավոր անշրպետը նորից կանգնեց հասակով մեկ։ Մի
ակնթարթում, առանց հիվանդագին ապրումների, հօդս
ցնդեց ամբոխի հետ ձուլվելու երջանիկ զգացողությունը, և
միայն արքան իրավունք ստացավ ապագա կաթողիկոսի
օրհնությունն ստանալու։ Մի պահ նրանք կանգնեցին դեմ-
դիմաց և նայեցին իրար որպես երկու դատապարտվածներ։
Ապա արքան հուզմունքով ծնկի շոքեց ներսեսի առջև ու
երկյուղածությամբ համբուրեց նրա աչքը։ Եվ նորընծա ու
նորընտիր հովիվը, դեռևս առանց այդ իրավունքն ունենա-
լու, խաշակնքեց ու օրհնեց արքային։

Գլուխ երկրորդ

Պալատի միօրինակ կյանքում կուտակված ձանձ-
րույթն այնքան էր խտանում, որ չգիմանալով իր իսկ ուժին,
ժամանակ առ ժամանակ հրաքուխի պես ժայթքում էր, և

օղ չին թուշում վառ, պսպղուն գույներ, շենշող ժպիտներ, սլեծ ու կրակ կատակներ, խեղդված շշուկները փոխվում էին լիաթոք ձայների, և բամբասանքն անգամ մի տեսակ բարիանում էր:

Պալատը սլատրաստվում էր ճաշկերույթի:

Խոհակերոցում ծաղարարները՝ ունելիները, ակիշները, շերեփներն ու մսահանները ձեռքներին, կանգնած էին կրավարանների շուրջը, որանց վրա հանգում էին երիզանման շրթերով պղնձե կաթսաները, տափարակ ու գնդաձև սաները, խեցեղեն ու մետաղյա պուլտերը՝ բերանը փորից անձուկ, լայնաբերան, գրեթե հարթ կողերով կճուճները, ձվաձև, ծանծաղ հատակով ու երկար բնով տապակները և ցած ոտներով ու խաշածե ձողերով հրավանդները՝ երկաթյա նուրբ և սրածայր շամփրերը վրան շարված... Եվ այս բոլորը զվարթ ձայնակցում էին իրար, անհամբերությունից ասես թովոում ճթթացող կրակի վրա, համ ու հոտ նվիրելով հրաշեկ կրակից քրանած, կարմրած մետաղից ու եռ եկող հեղուկներից խենթացած բարիքներին:

Գետնափոր, աղյուսե բւլորակ որմերով թոնիրներում հացեփյացները քաղցրաբույր հաց էին թխում և ամփոփում հյուսկեն սակառների ու տաշտածե թափուրների մեջ:

Գին/ն, որ արևի հուշից փրփրած էր ու արեցած, ճաշակներով լցնում էին արծաթյա թակույկների մեջ, որոնք լայնշի էին, պարանոցավոր ու լայնաշուրթ, երկու կարճ ականջանման կանթերով: Օշինդրի, վարդի, մկնսոխի, Գապալասի ու սերկևիլի գինիներից բացի, սովարափոր կարասներում ու մետաղյա կահույրներում պահվում էին նաև մեղրի ու կիտրոնի օղի, որոնց մեջ խոստում կար մարդուն՝ ինքն իրեն մոտենալու և ինքն իր հետ լինելու:

Տաճարը, որտեղ սովորաբար տեղի էին ունենում պալատական ճաշկերույթները, քառանկյուն մի շենք էր, երկարությունը, լայնությունն ու բարձրությունը քառասնական կանգուն, ներքուստ՝ անսյուն ու գմբեթավոր, շուրջանակի՝ կամարակից խորաններ ու խորշեր, որոնց վրա նստած էին մի-մի ոսկեզարդ լուսաճաճանչ գմբեթ, որմերը ծածկված էին խրախճանքի և ըմբշական տեսարանների ու գազան-

ների կենդանագիր նկարներով: Դոները՝ մանրաքանդակ ու երկբացիկ: Պատերին ամրացված էին աշտանակներ, իսկ խճանկարված հատակին, իրարից ոչ հեռու, կանգնած էին եռաստեղ շարժական ջահեր:

Սպասավորները միացնում էին լայն, քառակուսի սեղանները և ծածկում ազնիվ օթոցներով: Սեղանների շուրջը դասավորում էին բազմականները, որոնք նույնպես քառակուսի էին՝ ձևացած երեք միահար երեսներից: Բաղմականների վրա՝ ոսկեշող երանգներով բարձեր: Եթե ամեն բաշմական լեզու առներ, ապա կպատմեր, թե որքան մարդկային կիրք է ծախսված իր համար, թե ինչպիսի քնքշությամբ են տիրոջ ձեռքերը հպվել իր արմուկներին, համենայն դեպս՝ միայն այս փայտի կտորը գիտի և աշխարհում ոչ մի կ'ին արարած դեռ շգիտի, թե որքան քնքուշ կարող են լինել տղամարդու ձեռքերը, թե ինչպես է տիրոջ մեջքը ամուր կպել, սեղմվել թիկնակին, կարծես ճգնելով ձուլվել նրա հետ, իսկ երբեմն էլ, անգամ զրույցի ամենաթեթ պահին, բնազդաբար և զգուշությամբ քսվել նրան, կարծես ստուգելու նրա գոյությունը, ամրությունը, հսկատարմությունը, համոզվելու, որ, չէ, չի խախտված մարդու և աթոռի կապը: Բանն այն է, որ նախարարները տաճարում ունեին իրենց հատկացված տեղերը, որոնք կոչվում էին գահ կամ բարձ: Այդ բարձերը նրանց տրվում էին ըստ տոհմի ավագության և երկրում գրաված դիրքի: Պատվասեր նախարարների համար խիստ մեծ նշանակություն ունեին, թե որ տեղում են իրենք նստած: Եվ այդ տեղի պատճառով հաճախ եղբայրասուպան արյունալի պատերազմներ էին լինում: Այդ վիճակին վերջ տալու համար պալատում կազմվում էր գահերի հատուկ ցուցակ՝ գահնամակը, որ վավերացվում էր ամեն թագավորի օրոք: Արշակի ժամանակ գահնամակի առաջին շրջա տեղերը զբաղեցնում էին Մոփաց, Աղձնյաց, Կորդվաց ու Գուգարաց բղեշխները, ծայրամարզերի կիսանկախ իշխանները՝ սահմանապահ կամ գահերեց արքունի տաճարին: Ապա գալիս էին Սյունյաց տերը, թագակապ իշխանության Բագրատունյաց ասպետը, Արծրունյաց նախարարը, Խոռ-

խոռունի մաղխազը, Մամիկոնյան սպարապետը, ընդամենը՝ հարյուր նախարար ու տանուտեր:

Այդ օրը միջնաբերդի պարսպին կանգնած զինվորները ստեպ-ստեպ թաշկինակ էին ճոճում, տեղեկացնելով հյուրերի գալուստը: Կոչնականները գալիս էին իրենց ծառաներով, ժտնում Տրդատա դռնից, իջնում նժույգներից և, աչք սրտին մտանցնելով, ողջունում իրար ու միմյանց ձեռք սեղմում: Ապա տաճարի հատուկ օրահում հանում էին գրատները՝ կնգմենիք, գայլենիք, աղվեսենիք, որոնք, արքունի քղամիդի պեռ, բազուկներն ազատ թողած, ճարձանդված էին աջակողմյան օւտի մոտ և իջնում էին պատմուճանին հավասար: Աղացած խոտով՝ օշնանով, նրանք ձեռքերը լվանում էին նգույրի մեջ՝ մի կոնք, որ ներսում ուներ մազանման ծակոտկեն խափ, օրի միջից ջուրն իջնում էր հատակը: Նման հանդիսավոր օրերի նախօրյակին նրանք լողանում էին տանը, օծվում անուշաբույր յուզերով, ապա զբաղվում մազերի հարդարանքով: Հյուսված գանգրագեղ մազերը, կանանց նման ուռուցիկ և պսակաձև, հավաքում էին գլխի շուրջը: Վարսակալն էր գլխի միակ զարդը: որ թողնվում էր անծածկույթ: Նույնիսկ թագավորը խնջույքի ժամանակ թագը հանած էր լինում: Թագը հանգչում էր հատուկ սենյակում, որ կռչվում էր վանք պատմուճակացն: Բոլորն էլ մեջքներին կարմիր մետաքս գոտի էին կապել՝ որպես իշխանական նշան: Հագել էին գույնզգույն մույկեր՝ նշատերև զարդերով: Մատներին կշտապանակ էին դրել, որ զարդ էր և ոչ կնքելու մատանի: Առանձնաշնորհյալները կրում էին խույր, գումարտակ, մարգարտազարդ վզնոց ու գինդեր: Աչքի ընկած նախարարներին թագավորը նվիրել էր մի-մի կարմիր մաշիկ, երկու կարմիր մաշիկ կարող էր հագնել միայն ինքը, թագավորը, ինչպես նաև՝ սեղանի վրա միայն նա իրազուրկ ուներ գործածելու ոսկի գդալ, պատա-աաքաղ ու բաժակներ: Խնջույքի ժամանակ նախարարները չէին հանում սուրն ու թուրը, և այլևս ոչ ոք չէր հիշում, կամ ձևացնում էր, թե չի հիշում, որ այդ սովորությունը գալիս էր արքունիքի դառը փորձից, երբ անզեն ու անպաշտպան իշխանները հաճախ զոհ էին դառնում թագա-

վորի վրեժխնդրութեանը: Քաղաքներն էլ այլևս չէր մտածում
վրամ ձևացնում էր, թե շի մտածում, որ դա ուղղված էր նախ
և առաջ իր անձի դեմ: Եվ, այսպես, նախարար ու թագա-
վոր, երկուստեք համաձայնութեամբ, երբեմն մոռանում
էին իրենց դարավոր թշնամութիւնը և, մինչև ատամները
զինված, հավաքվում խրախճանքի:



Վասակը կարճ ոտքեր ուներ ու կարճ ձեռքեր, բայց երբ
քայլում էր, կողքից դիտողը կարող էր անմիջապես կռահել,
որ սպարապետը չգիտի իր ոտքերի ու ձեռքերի կարճութեան
մասին:

Հիմա նա նորից պալատում էր, շրջապատված շքեղ ու
շլացնող հարստութեամբ, որից նա մի տեսակ անպաշտպան
էր դառնում միշտ: Եթե այստեղ դավադիրներ հարձակվեին
իր վրա, նա իրեն կզգար մի անվարժ պատանի, որ դեռ
չի իմանում, թե ինչպե՞ս են սուրն օգտագործում: Դրա հա-
մար թաց դաշտ էր պետք, երկինք, հորիզոն: Նրան թվում
էր, թե դատարկ պալատը լի է շշուկներով: Նա շշուկ էր
լսում պատերից, սյուներից, գորգերից, մարմարե աստի-
ճաններից և հետզհետե արագացնում քայլերը, որպես-
զի փոշու պես շնստեն, չկուչեն զգեստներին ու դենքե-
րին:

Խարդավանքի, դավի, շարախոսութեան ու զրպարտանքի
շշուկներ էին դրանք, որոնք, սակայն, չէին ծնվել այսօր, այլ
հարյուրամյակների պատմութիւն ունեին: Պատերը ներծծել
էին այդ շշուկները, խառնել իրենց մեջ ամփոփված կավի,
ավազի ու քարի հետ, կարծես ավելի պնդանալու ու դիմաց-
կուն դառնալու համար: Շշուկներ այն մասին, թե ինչպես
Խոսրով Կոստակի օրոք սրի քաշվեցին մի փուչ պատճառով
թշնամացած երկու նախարարական հզոր տները՝ Մանավազ-
յաններն ու Որդունիները, որոնք հավիտյանս վերացան աս-
պարեզից: Նաև այն մասին, թե ինչպե՞ս մեծ ու հասուն այ-
րերի դիվանագիտութեան զոհը դարձավ տասնհինգամյա
մանուկ Գրիգորիսը, որին հայրը՝ Վրթանես Կաթողիկոսը,

Վրաց ու Աղվանից աշխարհներն ուղարկեց որպես եպիսկոպոսապետ, իսկ մասքութենբը, իմանալով, որ Քրիստոսի օրենքները արգելում են ավարառությունը, հափշտակությունը, սպանությունը, ագահությունը, ուրիշի ունեցվածքներին աչք դնելը, սաստիկ զարմացան և մանկահասակ եպիսկոպոսապետին նահատակեցին, կապելով ձիու պոչից և քարշ տալով ծովեզրյա Վատնյա դաշտում: Թե ինչպես Վրթանեսի մյուս որդին՝ Հուսիկ կաթողիկոսը, անարժան Տիրան թագավորին թույլ շտվեց եկեղեցի մտնել, բիրերով ծեծ ու ջարդ կերավ և սպանվեց հենց եկեղեցու մուտքի մոտ: Թե ինչպես աշխարհատեր մեծ իշխան Մանաճիհր Ռշտունին, ի հեճուկս բարի մարդկանց խրատների, ութ հարյուր անմեղ բանտարկյալների գահավեժ ժայռից թափել տվեց Վանա ծովն ու ոչնչացրեց: Թե ինչպես պարտված Հայաստանը միշտ ներկայացել է կնոջ կերպարանքով, տխուր-տրտում նստած հոռմեական դրոշի առաջ, ձեռքը ծնոտին տված: Թե ինչպես հայ կանայք դրա համար երբեք չեն ների իրենց տաքարյուն ու մեծախոս տղամարդկանց, չեն ների նրանց կարճամտությունը, անհեռատեսությունը, ոչ թե գլխով, այլ միայն հույզերով գործելու ախտն ու արատը: Թե ինչպես՝

— Արքան այսօր հազարապետին զրկելու է գահից, նստեցնելու է Գնթունու ու Սահառունու միջև:

— Ի՞նչ է արել որ:

— Արքունի հարկերի մի մասը յուրացրել, տարել է իր գավառը:

Բայց սա արդեն որոշակի շշուկ էր, բառերի վերածված շշուկ, մարդկային ծուլ և խաղաղ ձայներ, որոնց ուղղությունն էլ կարելի էր գուշակել, պատկանելությունն էլ: Երևի սպասուհիներ էին կամ վարձակներ:

Վասակը գլուխը թափ տվեց ու շարունակեց քայլել պալատի դատարկ միջանցքներով: «Այ քեզ Հայաստան», — ինքն իրեն ժպտաց սպարապետը: Եթե նրան հարցնեին, թե ինչ բան է Հայաստանը, նա, առանց երկմտանքի, կվերապատմեր այս խոսակցությունը: Կվերապատմեր բառ առ բառ: Չավելացնելով ու չպակասեցնելով ոչինչ: Ամենքն ամեն ինչ գիտեն: Գիտեն, թե ով է գահ ստանում և ով է

գահից զրկվում: Քե ով ումից հետո է նստելու տաճարում: Ում հողն են բռնագրավելու և ում են նվիրելու: Որ մեղքի և որ ծառայութեան համար: Ով ինչքան հարկ է տալիս: Ով ում է պարտք: Եվ ինչքան է պարտք: Ում բերքն է այս տարի առատ, ումը՝ սակավ: Ով ում հետ ինչ խոսեց, որտեղ խոսեց, որ թփի մոտ, որ ժայռի տակ. որ պատի կողքին: Ամեն ինչ գիտեն: Գիտեն նույնիսկ, թե ում մտքին ինչ կա: Քո մասին գիտեն նաև այն, ինչ ինքդ դեռ չգիտես: Ամեն ինչ գիտեն, ամեն ինչ: Եվ իմանալը ամեն մեկն իր իրավունքն է համարում: Ոչ ոք չի հանդգնում ժխտել, որ շինականը շինական է, կրտսեր նախարարը՝ կրտսեր նախարար, ավագ նախարարը՝ ավագ նախարար, արքան՝ արքա: Զէ, ոչ ոք չի ժխտում: Բայց մտովի, ո՛չ ոք մտովի չի ընդունում այդ սահմանը: Մտքով ամեն մեկը սեղան է նստում արքայի հետ: Խորհուրդներ տալիս նրան: Սովորեցնում, թե ինչ պիտի անի: Ում պիտի քշի պալատից և փոխարենը ում բերի: Եվ մտքում որոշածը տարածում է անմիջապես, և ամեն օր մի նոր լուր է ծնվում ու շրջում երկրով մեկ: Ա՛յ քեզ Հայաստան: Բոլորը ճանաչում են իրար, բոլորը ազգական են միմյանց, խնամի, բարեկամ, հարևան: Բոլորը քեֆ են արել իրար հետ, թաս բարձրացրել, կենաց ասել, զովել, փառաբանել միմյանց, ամուսնացել իրար հետ, երեխաներ բերել, հետո այդ երեխաներն են իրար առել, բազմացել, ցրվել տարբեր գավառներ, և նրանց թվացել է, թե շատ են իրարից հեռացել, բայց ինչքան էլ հեռացել են, ընդամենը մի քանի օրվա ճամփա է բաժանել նրանց: Իսկ այն, որ իբր մեր գավառները բոլորովին կտրված են իրարից, որ հայոց նախարարութունները անանցանելի լեռներով ու ձորերով են բաժանված միմյանցից, որ ձմռանք ձյան հաստ շերտի տակ ծածկվում ու կորչում են ճամփաներն ու կածանները, այդ մենք ենք հնարել, մե՛նք, մեզ մխիթարելու, մեր արժանապատվությունը պաշտպանելու համար: Գու Չվիկի թողը չե՛ս: էն, որ երգիկից ընկավ ու ոտը կտորեց: Իսկ դու Հրսիձորի Մհհառի փեսան չե՛ս: Ա՛յ քեզ Հայաստան: Եվ դեռ քո հարևանները, աշխարհի մի ծայրից մինչև մյուս ծայրը բազմած Բյուզանդիսն ու Պարս-

կատասանը, որտեղ տարբեր վայրերում քարե ժամացույց-
ները տարբեր ժամանակ են ավետում կեօորվա գալուստը:
ուզում են թո խեղճուկրակ մարմնից էլի մի պատասա պոկել,
էլի մի բան փախցնել, որպեսզի է՛լ ավելի քիթ քթի ապ-
րենք, կառահվենք իրար վրա և միմյանցից ծածկենք հո-
բիզոնը: Որպեսզի է՛լ ավելի շատ հաճախենք իրար, է՛լ ավելի
բան իմանանք միմյանց մասին, է՛լ ավելի խառնվենք արիշի
գործերին, գրացու, Զվիկի, Նըսիձարի Մեհաոբի, հարեան գյու-
զի շինականի և... մեզա քեզ, տեր, մեզա՛... և պալատի ու
արքայի գործերին: Որպեսզի երկրում թեկուզ երկու հոգի
էլ անծանոթ չմնան իրար: Որպեսզի երկրում չմնա և ոչ մի
գաղտնիք: Ծվ երկի՛ր չմնա, երկի՛ր: Այ քեզ Հայաստա՛ն:



Սամվել և Մուշեղ Մամիկոնյանները հետու էին քաշվել
ավագ ու կրտսեր նախաբարներից, որոնք խումբ-խումբ
զբուցում էին տաճարի տարբեր անկյուններում: Մեկը Վա-
հան Մամիկանյանի որդին էր, մյուսը՝ Վասակ սպարապետի
Ջարմիկները քշիչում էին իրար ականջի ու անընդհատ ծի-
ծազում: Ոչ ոք առանձնապես ուշադրութուն չէր գործնում
երանց ծիծաղի վրա, որովհետև էլ ինչի՞ վրա պիտի ծիծա-
ղեն երիտասարդները, եթե ոչ իրենց սիրային արկածներին
կալ է, լալ է, թող սրբախանան, թող զվարճանան: Մի
տես, թե ինչ հրաշալի երիտասարդութուն է աճում Հայաս-
տանում, առաջ, քաշ, գեղեցիկ: Արլանը ես է դալիս երանց
մարմիններում: Թող ետ գա, թող թշշա, թող փրփրի: Հիմա
սրանց ժամանակն է, մերն՝ ի՛նչ, մերն անցավ, անցածն էլ
չես վերադարձնի, մեզ մի քանի տարվա կյանք է մնացել՝
մինչև որ սաքենբա մեկենեք: Հիմա մեր պարաքն է սրանց
պահպանել, մեր փորձը հաղորդել նորերին, արժանի հեռ-
նորդներ ունենալ: Սրանցն է ապագան, այս խելառ կտրիճ-
ներինը: Մեզանից հետո թող գան, թող բարով կառավա-
րեն: Ինչ կա որ, գա է աշխարհի օրենքը, ա՛վ է ասել, թե
մենք հավիտենական ենք: Լալ է, լալ է, թող սրբախանան,
թող զվարճանան, թե չէ վաղն այլևս ժամանակ չեն ունենա
կհասկանան, թե ինչ ծանր բոն է իշխանութունը, կկանգնեն

այդ բեռի տակ, որ հեռվից թեթև ու քաղցր է թվում, ու շունչները կկտրվի: Հետո կամաց-կամաց կսովորեն, բայց էլ չի՛ զինի երիտասարդություն, էլ չի՛ լինի, Կհայտնվի փորը, փոքր, կոկիկ փորը, բայց այդպես չի մնա, կմեծանա՛, կմեծանա՛: Հետո գառերվերը կսկսես դժվարությամբ բարձրանալը: Հետո կգան հիվանդությունները: Հանգիստ կաց, հանգի՛ստ, կգա, ամեն ինչ հերթով կգա: Իսկ հիմա ինչքան սիրտդ ուզում է ծիծաղիր, որդիս, ծիծաղիր: Միծաղը լավ բան է: Միծաղը առողջություն է: Միծաղեք, արծիվներ, ծիծաղեք: Միծաղը ջահելություն է: Իսկ ջահելությունը մեր ապագան է: Հապա՛:

Մինչդեռ Սամվելն ու Մաշեղը ծիծաղում էին ոչ թե իրենց սիրային արկածներին, այլ հենց ծերուկների վրա: Որովհետև վստահ էին, թե իրենք ընդունակ են անելու այն, ինչ չի կարողացել անել այս կիսակենդան ծերուկներից և ոչ մեկը Տես, տես, հազիվ է ոտքերը քարշ տալիս, բայց մինչև վերջին շունչը շփշի, պիտի պալատ գա, աչքի առաջ լինի միշտ, որ հանկարծ շոտանան իրեն, հանկարծ անմասնակից շմաստ որևէ գործի: Նա գիտի այս երկրի օրենքները: Ի՞նչ կարևոր է, թե ինչ ես արել, ինչ օգուտ ես ավել երկրիդ, կարևորն այն է, որ աչքի առաջ լինես միշտ, ամեն տեղ երևաս, խոսես ու խոսես, փայլվում և գույնզգույն ճառեր ասես, կենաց խմես ու կենաց լսես քո մասին: Փեղդ բացես ու փառք հավաքես: Անկողնում էլ փեղդ բռնած քնես, որ հանկարծ մի կտոր փառք շքնկնի ու անհետ չկորչի: Սմբատ Բագրատունի թագապալ տապառի քիթը քար եկավ, ու նա, սախաված, ձեռքը տարավ քթին: Եվ ի՞նչ: Հենց ձեռքդ հեռացրիր, այլևս փառքիդ տերք չես: Փառքի մի փշրանք ընկավ գետին ու գլորվեց: Գուցե թագապալության տիտղոսն էր: Եվ նա մնաց Սմբատ Բագրատունի տապառ: Գուցե ասպետության տիտղոսն էր: Եվ նա մնաց Սմբատ Բագրատունի թագապալ: Գուցե երկո՞ւսն էին՝ թագապալն ու տապառը: Եվ մնաց միայն Սմբատ Բագրատունի: Խեղճ Սմբատ Բագրատունի: Քթիդ վրա շղայնացիր, քթի՛դ, և ոչ թե աշխարհի: Գլորված փառքը տեսավ Գարշալը մաղխադ Խոռխոռունին, անեկատ կուցավ,

աննկատ վերցրեց, աննկատ գցեց պարզած փեշի մեջ: Եվ դարձավ թագակապ ասպետ մադխազ Գարջուչ Խոսրոսունի: Անիմաստ է թեև, բայց լավ է հնչում: Սերերի երկիր է Հայկ նահապետի ստեղծած երկիրը: Ոչ թե միածին որդի Քրիստոսի, այլ ծերերի պաշտամունքն է այնտեղ իշխում: Սերությունն է սրանց միակ առավելութունը: Ոչ թե խելքը, ընդունակութունը, կրթությունը, այլ միայն և միայն ծերությունը: Իսկ ջահելութունը թերութուն է, մե՛ծ, խոցելի՛ աններելի՛, աներևակայելի՛, անհանդուրժելի՛, անթույլատրելի՛, անտանելի՛ թերութուն: Հապա՛:

— Հը՞, տեր Մամիկոնյան, շատ ենք սպասելո՞ւ, որ պատերազմ լինի: Ե՛րբ ես իմ կյանքը պաշտպանելու:

Սմբատ Բագրատունին էր, միակը, որ իրավունք ուներ կրելու մանր մարգարիտներից երեք փաթ վարսակալ՝ առանց ոսկու և ակնեղենի: Կարճահասակ, պինդ ոտքերով վասակը ամեն անգամ կատաղում էր նրա նույն անհամ կատակը լսելով և ամեն անգամ էլ պարտվում՝ նրա անսահման տափակության առաջ, որի մեջ հզոր, անպարտելի ուժ և կենսունակութուն կար: Եվ հայոց սպարապետը, որ մարտի դաշտում բազմիցս փայլել էր իր հաղթանակներով, միշտ պարտված էր վերադառնում պալատից: Նա այստեղ մի տեսակ խեղճ ու անպաշտպան էր զգում իրեն և շփոթմունքից աշխատում էր սիրաշահել բոլորին: Նրա պատմուճանի նիրսում մի գրպան կար, որտեղ զանազան թանկարժեք զարդեր էր պահում: Երբ զգում էր, որ դիմացինը խորամանկում է իր առաջ, նա որևէ առիթ էր գտնում և այդ զարդերից մեկը նվիրում նրան: Որպես ինքնապաշտպանութուն: Երբ զրուցակիցը նրբորեն խայթում էր, նրան էլ էր մի բան նվիրում: Որպես վահան, որի հտևում կարելի էր թաքնվել ու ոչինչ չտեսնել: Իսկ երբ քծնում էին, նա գրպանի ամենաթանկարժեք զարդն էր տալիս նրան: Որպես պատենշ նրա և իր մեջև: Եվ բոլորը հպարտությամբ կրում էին քաջ ու առաքինի սպարապետի հուշանվերները, շկասկածելով, որ դրանցից յուրաքանչյուրը խաղաղ կյանքի պարզևած պարտությունների անխոս և տխուր վկայություններն են:

— Տեր Գնունի,— Սմբատ Բագրատունին շնչաց ծերու-

նազարդ իշխանի ականջին, որ, հակառակի պես, ծանր էր լսում.— տեղյա՞կ ես, որ արքան մտադիր է գահից զրկել Անդովկ Սյունուն: Ուզում է նրան նստեցնել Խոռխոռունու և Մամիկոնյանի միջև:

Մի քիչ բարձր ստացվեց, և շատերը լսեցին, բայց ոչինչ, լսում են՝ լսեն:

— Իսկ ինձ հայտնել են, որ Կամսարականին է տեղաշարժելու: Նստեցնելու է Գաբեղենից տիրոջ ու Գիմաքսյան իշխանի միջև:

— Ողջույն երիտասարդներին,— ուշացումով տաճար ժտավ Մերուժան Արծրունին և առաջինը հանդիպեց Սամվելին ու Մուշեղին: Հովանավորի տեսքով թփթփացրեց ճրանց ուսերին և, առանց կանգ առնելու, միացավ ծերուկներին: Մուշեղն ու Սամվելը ատամները սեղմեցին և թշնամաբար նայեցին նրա ետևից: Հատկապես չէին սիրում Մերուժանին, որովհետև թեև երիտասարդ էր նա, բայց արդեն մեծ կշիռ ուներ արքունիքում և գահնամակում երրորդ տեղն էր զբաղեցնում՝ Սյունյաց ու Բագրատունյաց նախարարների գահերից հետո և մաղխազ Խոռխոռունու ու սպարապետ Մամիկոնյանի գահերից առաջ: Անդովկ Սյունին նկատեց Մուշեղի ու Սամվելի թշնամական հայացքները և ժպտադեմ մոտեցավ նրանց:

— Եթե դուք նստեք մեր փոխարեն, մեզանից էլ վատ կլինեք,— ասաց նա մեղմորեն և առանց նախատինքի:— Որովհետև մեզանից ավելի խելոք եք և ընդունակ: Հենց դա է սարսափելին:— Եվ ժպտադեմ էլ հեռացավ, ուսի վրայից մի քանի բառ նետելով Մուշեղին ու Սամվելին.— Աստված շանի, որ դուք գրավեք մեր տեղերը:

— Արքա՞ն,— ընդհանուր աղմուկի մեջ լսվեց սենեկապետ Դրաստամատի հուժկու ձայնը, և միանգամից լուսթյուն տիրեց:



— Գահնամակում փոփոխություն չկա՞, սենեկապետ:

— Նախարարական աթոռների հերթականությունը նույնն է, արքա:

— Ուրախ եմ իմանալ, որ ուրեմն չի խախտված մեր միաբանությունը: Եվ քանի որ ոչ ոք չի պատժվել, ոչ ոք չի մեղանշել զահի գեմ... ոչ թե իմ, այլ զահի... Թող ամեն մարդ նստի սահմանված տեղում:

Այս սովորական արթնացությունից հետո նախարարները գրավեցին իրենց տեղերը, և նորից բազմակտնի արմունկն ու տիրոջ ձեռքերը կպան միմյանց, նորից բազմականի թիկնակն ու տիրաջ մեջքը քնքշորեն քսվեցին իրար՝ որպես մարդու և աթոռի սիրո ու հավատարմության խոստում:

Դրաստամատը, շունչը պահած, հետևում էր արքային, և միայն ինքն էր կուահում տիրոջ հայացքում թաքնված տենե գագին իրարանցումը: Եվ ազդեցում էր մտքում, որ տերը չսխալվի հանկարծ: Առաջին անգամն էր, որ արքան իր ծրագիրը չէր հայտնել Դրաստամատին: Ուրեմն, խելառ ծրագիր էր դա, ուրեմն, նա գիտեր, թե որքան հեշտությամբ սենեկակապեալ կջրի նրա հղացումը և քարը քարին չի թողնի շիմա նա կուրորեն կռվի է նետելու իրեն՝ կա՛մ հաղթելու և կա՛մ տանուլ տալու համար: Տեր ամենակալ, քո աչք հասնի, գո՛ւ օգնես այս խելառ Արշակունում:

— Իշխան Վաչակ, դու էլի՞, ըստ կարգի, վերջին տեղն եմ զբաղեցնում,— հարցրեց արքան:

— Չեմ դժգոհում բախտից, արքա:

— Վաղուց չես տեղաշարժվել, իշխան: Հարևաններդ են մեղավոր: Ոչ ոք չի ուզում մեղանշել զահի դեմ, որպեսզի տեղ բացվի քեզ համար: Դու նրանց վրա նեղացիր և ոչ թե ինձ:

— Երախտապարտ եմ, որ արժանացա ուշադրությանդ արքա:

Իշխան Վաչակը, որ վախից գամվել էր աթոռին, մի վերսկ վեր կացավ, զգալով, որ խոսակցությունն այդքան շուտ չի ավարտվի: Բոլորը, զուսպ ժպիտով, նայեցին շփոթահար Վաչակին և է՛լ ավելի սիրեցին իրենց բազմականները: Սիրեցին նաև արքային: Սիրեցին նաև Վաչակին: Սիրեցին նաև իրար:

— Քո տեղն ու վիճակը ինձ թելադրում են համակրել քեզ, իշխան,— շարունակեց արքան:— Ես ուզում եմ, որ

այսօր զու իմ տեղը նստեալ Գոնե մի օրով: Իսկ ես կնստեմ
քո տեղը:

— Ծն գոհ եմ իմ վիճակից, արքա,— սփրթնեց Վաչակը:

— Գու շգիտե՞ս, իշխան, որ եթե արքան թեկուզ մեզմ
էլ խոսի, թեկուզ շշուկով, դա արդեն հրաման է: Ուրեմն,
բարի արա՛րքն էլ այս երկրում պիտի հրամանով իրա-
գործվի:

Արքան վեր կացավ և նախատինքով նայեց իշխանին:
Վեր կացան նաև նախարարները: Իշխան Վաչակն իր թու-
լացած ոտքերը մեծ ճիգով տարավ հետք ու կանգնեց ար-
քայի բազմականի բարձր թիկնակի ետևում, և այնտեղից
միայն նրա գլուխը երևաց:

— Դե, իշխան, ես այսօր իմ տեղը զիջում եմ քեզ: Եղ-
բայրաբար: Առանց քեզ ժաղրելու կամ նվաստացնելու մտա-
դրութեան:

Արքան արագ տեղափոխվեց և ուզեց նստել ամենածայրի
բազմականին, բայց նկատելով թիկնակի ետևում պատըս-
պարված իշխան Վաչակի գլուխը, ուզղեց կիսով չափ արգեն
ժալած ոտքերը ու մեղմորեն դիմեց նրան.

— Նստի՛ր, որ ես էլ նստեմ:

Իշխան Վաչակը շվաքած գուրս եկավ թաքստոցից ու
մեքենաբար նստեց արքայի բազմականի ժայրին:

Արքան ես նստեց: Նստեցին նաև նախարարները, և մի
պահ քար լուծվուն տիրեց: Համենայն դեպս, տարօրինակ
էր, թեկուզև այսպիսի իրավիճակում, մի ուրիշ մարդու
տեսնել Արշակունիների բազմականին նստած: Եվ, այդ
տեսարանից թեկուզման, ամեն մեկն իրեն պատկերացրեց
հենց նույն տեղում: Հաթյուր նախարար խրաք ետեից նստե-
ցին արքայի բազմականին, նրանցից մեկը Խույնիսկ ձեռքով
արեց իր նմանակին:

— Իսկ հիմա պատմի՛ր, իշխան, թե ի՞նչ ես զգում իմ
տթուին:

Արքայի ձայնը լսելուն պես, բոլոր նախարարները ան-
միջապես թողեցին նրա բազմականը, վերազարձան իրենց
տեղերը: Միայն Մերուժան Արծրունին էր, որ դեռ մի փոքր
էլ նստեց: Եվ էլի տուժողը եզավ դռան մոտ կանգնած

խեղճուկրակ մի զինվոր, որ հազիվ մի կերպ հանդգնել էր՝ իրեն պատկերացնելու այդ նույն բազմականին, բայց աստու, որ ուշացավ, բախտը չբերեց, արքայի ձայնը լսելով, նա կես ճանապարհից վախեցած ետ եկավ ու էլի կանգնեց դռան մոտ:

— Պատմիր, իշխան, ի՞նչ կանեիր, եթե իմ տեղը քի-նեիր:

Պոռթկաց նախարարների ծիծաղը, և բուրն ավելի հարմար տեղավորվեցին իրենց բազմականների վրա, ըմբռնյալով մոտալուտ հաճույքը:

— Մի ծիծաղեք, իշխաններ: Ես խստիվ դեմ եմ ձեր ծիծաղին:

Ապա, համակ ուշադրություն դարձած, արքան անհամբեր սպասեց իշխան Վաչակի խոսքին, և ամենքը դժգոհ գլխի ընկան, որ նա իսկապե՛ս կատակելու մտադրություն չունեի:

— Ես...— իշխան Վաչակը հանկարծ լսեց սեփական ձայնը, որ շատ օտար ու տհաճ հնչեց իր ականջին:— Ես կբարձրանայի ու ման կգայի սեղանի վրա...

— Ես հասկանում եմ, դու, անշուշտ, չէիր բարձրանա ու ման չէիր գա սեղանի վրա: Քեզ պարզապես այդ հնարավորությունն է գրավում: Ուրեմն, քեզ համար դա՞ է թագավորության խորհրդանիշը: Հետաքրքիր է: Ուրի՞շ, իշխան, ուրի՞շ:

— Ես կհրամայեի, որ նախարարները խուզեն իրենց մագերը և արքային ներկայանան միայն ճաղատ գրուխներով,— վախից մի փոքր համարձակ դարձավ իշխան Վաչակը:

— Ուրի՞շ, իշխան, ուրի՞շ,— ոգևորվեց արքան:

— Եթե ես մեղք գործեի, կստիպեի, որ ամբողջ երկիրը պաշտոնի ինձ համար,— է՛լ ավելի համարձակ շարունակեց իշխան Վաչակը, արդեն առանց լսելու իր ձայնը:— Ես կարգելեի, որ այն գույները, ինչ ես եմ հագնում, հագնի մեկ ուրիշը: Ես իմ սեփական գույները կունենայի:

— Ուրի՞շ, ուրի՞շ,— էլ ավելի ոգևորվեց արքան:

— Երբ ձի հեծած որևէ տեղ գնայի, ես կհրամայեի, որ իմ շորս բոցշխները. ևս ո՞ն շորեր հագած, վազեին իմ երկու

կողքերից, — և իշխան Վաչակն արդեն ամբողջ մարմնով տևողավորվեց բազմականի վրա, մեջքը հենեց թիկնակին և ամուր կառչեց աթոռի արմունկներին:

— Ուրի՛շ, ուրի՛շ, — գրեթե գոռաց արքան:

— Իսկ երբ գահին նստեի, բղեջխները կկանչենին պատվանդանի աստիճաններին, ձեռքերն իրար վրա դրած, իբրև նշան, որ ամբողջ կյանքը նվիրել եմ իրենց տիրոջը: — Ապա, ինքն իրեն մոռացած, իր ավերից դուրս եկած, նա մաղձով ու շարությամբ ավարտեց իր խոսքը. — Ես բոլոր խեղճերին ու աղքատներին կոչնշացնեի... Չէի թողնի, որ նրանց հոտը տարածվեր ամենուրեք... Իմ երկրում կմնային միայն նրանք, ովքեր հարուստ են... Ովքեր առողջ են... Ովքեր գեղեցիկ են...

Նորից խոր լուսթյուն տիրեց, և բոլորի այլալված հայացքները գամվեցին երջանկությունից կարմրած իշխան Վաչակին: Եվ այդ երջանկությունը երեւի ավելի երկար տևեր, եթե իշխանը նոր միայն, այ հենց նոր, շնկատեր, որ իր կարճ ոտքերը շեն հասնում գետնին: Դա միանգամից սթափեցրեց նրան, և նա զգուշությամբ նորից նստեց բազմականի ծայրին:

— Աստված մի առասցե, որ դու դառնաս թագավոր, — մոայլ և կիսաձայն ասաց արքան: — Նույնիսկ ես սոսկացի բո խոսքերից:

— Իսկ դո՞ւ... դո՞ւ ինչ ես զգում իմ տեղը, արքա, — կարեկցանքով հարցրեց իշխան Վաչակը:

— Թեև այստեղ շատ համեղ և շատ ընտիր կերակուրներ կմատուցվեն, բայց պալատական ճաշկերույթներից առաջ ես տանը, համենայն դեպս, կուշտ կուտեի:

— Ուրի՛շ, արքա, ուրի՛շ:

— Ես կծիծաղեի բոլոր նրանց վրա, ովքեր ջանում են գոնե մի աթոռով առաջ գնալ:

— Հետո՞, արքա, հետո՞:

— Ես միշտ ճմարտախոս կլինեի: Չէի քծնի: Չէի ծումովի: Քեզ դուր գալու համար կաշվիցս դուրս չէի գա:

— Ինչո՞ւ, արքա, ինչո՞ւ:

↪ Որովհետև, միևնույն է, ես ամենավերջինն եմ, ես
Մայրաբեր խնդիր շունեմ:

— Հետո՞, հետո՞:

Հանկարծ նրա գեմքը ցավից այլանդակվեց, նա կծկվեց,
գարձավ մի բուռ, ձեռքը տարավ փոքին, ու ճակատը ծածկ-
վեց սառը քրտինքով: Ապա մի պահ, շգիտես ինչու, ժպտաց,
ժպրտը երևաց բերանի ծայրին, ժամոված շրթունքների վրա
և անմիջապես հանգեց:

— Ի՞նչ պատահեց, իշխան,— անհանգստացավ արքան,—
գուցե վատառո՞ղջ ես:

— Կանցնի, արքա, կանցնի...

Արքան արագ մտտեցավ իշխան Վաչակին, հոգատարու-
թյամբ սրբեց նրա ճակատի քրտինքը և շրով լի բաժակը
մտտեցրեց նրա շրթունքներին:

— Ես ուզում եմ դուրս գալ տաճարից, արքա,— ցած-
քաձայն խնդրեց իշխան Վաչակը:

— Ոտաց ճանապարհ,— նրա ականջին շշնջաց արքան,
— բնական պետքով, իշխան:

Իշխան Վաչակը գլխով արեց, և այդ օրվանից նրա
Շրշողության մեջ վառ մնաց ոչ թե իր կրած նվաստացու-
մը, այլ արքայի ցուցարբերած հայրական հոգատարութունը
Նա կպատմի բազմից, ամեն ինչ մանրամասն կպատմի,
տոանց իրեն մազաշափ անգամ խնայելու, միայն թե՛
հասնի ավարտին, հասնի այս հուզիչ հոգատարությանը,
հպարտանա դրանով, ինչպես արիշներն են հպարտանում՝
արքայի պարգևած կարմիր մաշիկով:

— Գնա, իշխան, տեր ընդ քեզ:

Իշխան Վաչակը դուրս գնաց, և դարձյալ պտթկաց նա-
խարարների միահամուռ ծիծաղը: Միայն նախավերջին բազ-
մականին նստած կոշնականը շէր մասնակցում այս ուրախ
ծիծաղին, որովհետև հիմա ինքն էր հայտնվել ամենավեր-
ջին տեղում...

— Բայց ես իրոք չէի ուզում նրան ծաղրել կամ նվաս-
տացնել,— նրանց ծիծաղն ընդհատեց արքան:— Ես իսկա-
պես հարցեր ունեի տալու Ի՛նձ, ոչ թե նրան:

Նա նստեց իր տեղը ու երկար ժամանակ, գուցեև դիտ-

մամբ, կռացավ սեղանի տակ և զբաղվեց ատքերի քաթերին հանգուցված ժապավենաձև ճոխ խրացներն ամբացնելու և Ապա հանկարծ ուղղվեց և կտրուկ դիմեց սեղանակիցներին։

— Ես ձեզ հրավիրեցի, որպեսզի հարցնեմ բոլորիդ, թե ինչո՞ւ մերժեցիք մարդիկ տրամադրել Արշակազման քաղաքի կառուցման համար։

— Արքա, դու մեզ ճաշի ես հրավիրել և սոված թողել, և տևվողով ասաց Մերուժան Արծրունին, և արքան անամա զարմացավ, որ մի՞թե տղամարդը կարող է այդքան զեղեցիկ լինել։— Հավատացնում եմ, որ մենք, իշխան Վաչակի նման, ճաշկերույթից առաջ երբեք կուշտ չենք ուտում ասելու։

— Մի սրախոսիք, Արծրունյաց տեր։ Ավելի լավ է պատասխանիր, թե ինչո՞ւ մարդ չես ուղարկել, որ մասնակցի իմ քաղաքի կառուցմանը։ Ո՞վ պիտի, ըստ քեզ, կառուցի քաղաքը։ Ե՞ս։

— Դա լավ միտք է, արքա։ Ես առաջարկում եմ, որ նախարարներն իրենք կառուցեն։ Գոնե կյանքներումս մի անգամ տեսնենք, թե ինչի են ընդունակ մեր այս փափկասուն ձեռքերը։— Ու նայելով երկար մատներով սպիտակ ձեռքերին, նա անպատկառ ծիծաղեց։

— Առանց այդ էլ փոքր երկրները լցված են հապիտներով։ Եվ գիտե՞ս ինչու։ Որովհետև հապիտներին չեն պատժում։ Ուզում ես ավելացնե՞լ նրանց թիվը, Մերուժան Արծրունի։

— Բայց ես իմ շինականներին ուղարկել եմ, արքա։ Հանգիստ է խիղճս։

— Սաղը ու ծանա՛կ։ Մի բուռ մարդ է ուղարկել և հանգիստ է համարում խիղճը։

— Արշակազմանը հեռու է իմ երկրից, արքա,— արժանապատվությամբ միջամտեց Ներսես Կամսարականը։— Մինչև գան, մինչև հասնեն... Ինձ թվում է, ավելի հարմար է մոտիկ տեղերից հավաքել մարդկանց։

— Մոտի՞կ... Դու շատ մոտ ես ինձ նստած, տեր Կամսարական... Տես որքան մոտ ես...— Նա վեր կացավ և արագ, շատ արագ մոտեցավ իշխանին ու ձեռքը դրեց նրա ասին։— Տեսա՞ր, ձեռքս ինչ շուտ հասավ քեզ...— Ապա

բռնեց ներսես Կամսարականի թևից, արմունկը դրեց սեղանին, նույնն արեց նաև ինքը ու ափը հագցրեց նրա ափին:— Ով հաղթի, թող նրա ասածը լինի...— Տենդից վառվող աչքերով նայեց շուրջը. թե ով կարող էր հանդիսապետ լինել իրենց մրցմանը: Գուցե սպարապետը Չէ, նա հաստատ չի խրախուսում իր այս քայլը: Դեմքից արդեն իսկ երևում է, որ տղայություն է համարում իր արարքը: Տիրի՛թը, Տիրի՛թը: Իր արյունակի՛ցը: Տանո՛ւ մարդ: Այ թե ով կլինի հանդիսապետ:— Տիրի՛թ,— գոռաց նա: Տիրի՛թը ձեռքը ուժգին խփեց սեղանին և դրանով մրցման սկիզբն ազդարարեց: Արքայի և իշխանի ափերը ամուր կպան, գրկեցին միմյանց, մատները խրվեցին իրար մեջ, և ով ինչքան ուժ ուներ ներսում, որքան կամք, ոխ ու շարություն, մի ակնթարթում ի մի հավաքեց ու տվեց բազուկներին: Հիմա ոչ արքա կար, ոչ նախարար: Կային պրկված ու կարմրատակած վզերով երկու կատաղած տղամարդ: Եվ խուժանը, որ շունչը կտրած, հետևում էր մրցմանը: Կովի՛ն, կովի՛ն, ո՛չ թե մրցմանը: Ծրբեմն միասնական մի բացականչություն էր թռչում բոլորի բերանից՝ որպես հիացմունք կամ որպես հիասթափություն:— Ուզում եք, որ ես պարտվեմ, չէ՞:— Արքայի խզված ձայնն էր: Չար ու հեգնական ձայնը: Նա գիտեր, որ նրանցից յուրաքանչյուրը իր բազուկների ուժն ու զորությունը, իր ողջ նենգությունն ու ատելությունը, ոչ միայն իր, այլև հոր, պապի, ապուպապի, յոթ պորտի, տասը պորտի, հարյուր պորտի, ամբողջ ազգուսակի ոխն ու քենը տվել-հանձնել է Արշարունիքի ու Շիրակի տեր Ներսես Կամսարական իշխանին: Բայց և այնպես առավելությունը արքայի կողմն էր: Ոչ թե ուժի կամ տարիքի իմաստով: Ի՛նչ ուժ, ի՛նչ տարիք: Դրանք այս պահին ոչինչ չեն որոշում: Մի դրախմու արժեք էլ չունեն: Թեկուզ թող հարյուր ցուլի ուժ անցած լինի Կամսարականի բազուկներով, մեկ է, արքան պիտի հաղթի: Նա որիչ ելք չունի: Նա ստիպված է հաղթել: Պարտավո՛ր է: Երկրորդ ճանապարհ չկա և չի կարող լինել: Հենց սա էլ նրա առավելությունն էր: Եվ նա հաղթեց: Ներսես Կամսարականը ձեռքը թուլացած ընկավ սեղանին: Արքան, ծանր շնչելով, ձեռքը թափ տվեց մի քանի անգամ, հետո պատանեկան

հրճվանքով վերադարձավ տեղը, ընկողմանեց բազմականի մեջ ու սկսեց դաստակը շփել:— էլ ի՞նչ էիր թպրտում, այ Ներսես... Կուղարկես մի քանի հարյուր շինական... Ամենա-աժդահաներին ու ամենահաղթանդամներին... Տղաներիդ էլ կուղարկես... Փեսաներիդ էլ... Բարեկամներիդ էլ... Լսո՞ւմ ես... Թե չէ, այս դատարկ սեղանը վկա, բնազինջ կանեմ տոհմդ...

Արքայի հաղթանակը գոհունակություն պատճառեց բոլորին, անգամ նրա ամենաոխերիմ թշնամիներին: Գուցենույնիսկ հենց իրեն, Ներսես Կամսարականին, շնայած նա ամեն ջանք թափել էր շպարտվելու համար: Ուրեմն՝ անխախտ մնաց իշխանության տրամաբանությունը: Ուրեմն՝ նաև ամեն մեկի իշխանությունը: Բայց գոհունակությանը խառն էր նաև վիրավորվանքի զգացողությունը: Խախտվել էր իշխանության գարավոր ու ավանդական պատկերացումը: Ամեն ինչ կարելի էր ներել արքային, ամեն ինչ, բացի սրբապղծությունից: Ո՞վ է լսել, որ թագավորը լակոտի պես կովի բռնվի ինչ-որ նախարարի հետ: Թագավորը պետք է հատուկ արտաքին ունենա, հատուկ շարժում, հատուկ կեցվածք, հատուկ խոսելակերպ, նա պետք է միշտ պատվանդանի վրա կանգնած լինի, որպեսզի նրան դիմելու համար ստիպված վիզդ երկարես: Թագավորը հենց սա՛ պետք է ունենա, հենց միայն սա՛: Այսքանը լիովի բավական է երկրի համար: Մնացածը նախարարներն իրենք կանեն: Մինչդեռ այս ծուռ Արշակունին ուզում է հենց այդ մնացածն իր վրա վերցնել, իսկ հայոց թագավորների հիմնական պարտականությունը՝ ադամանդի պես շողշողալը, նա ոտնակոխ է անում ամեն քալափոխին և չի թողնում, որ նախարարներից յուրաքանչյուրը, ադամանդի շողերից կուրացած, է՛լ ավելի հարգի ինքն իրեն, է՛լ ավելի բարձրանա ինքն իր աչքին, է՛լ ավելի հավատա ինքն իր ուժին, այնքան հարգի, այնքան բարձրանա ու այնքան հավատա... որ դեմ գնա արքային ու մի գեղեցիկ օր գահընկեց անի նրան:

— Բոլորի՞ հետ ես մրցելու, տեր արքա,— հարցրեց զառամյալ Կենան Ամատունին:— Ուրեմն, ով թեզ հազթի, էլ շինսովան չի՞ ուղարկի Արշակավան:

— Սա՞ ով է,— ընդգծված զարմանք ցույց տվեց արքանը։— Ո՞վ ես դու։ Սա նույնիսկ քո անունը չգիտեմ։ Չհամարձակվես հիշեցնել։ Իմ ուղեղում տեղ չկա քեզ համար։

— Իսկ իմ ուղեղում...

— Հը՞, քո ուղեղում՝ ի՞նչ...

— Քաղաք կառուցելու համար վարձկաններ են պետք, արքա...

— Պատերազմ հո չի՞, որ միանանք,— երկար տատանումից հետո մեջ ընկավ նաև Վարձա Ապահունին, որովհետև նրա փառասիրությունն այն աստիճան հիվանդագին էր, որ նա չէր կարող հանկարծ որևէ բանի անմասնակից մնալ։

— Ապա ի՞նչ վեր կաց։ Վեր կաց, վեր։ Մոտ եկ։— Վարձա Ապահունին հնազանդվեց, մոտեցավ արքային ու մտքում հայհոյեց իրեն, որ կրակն ընկավ իր տխմարության երեսից։— Չոքիր արքայիդ առաջ։— Ու երբ վրդովմունքի մի ալիք անցավ տաճարով մեկ, արքան անկեղծ զարմացավ, շատ զարմացավ, թոթվեց ուսերը և տարակուսանքի ժպիտով դիմեց բոլորին։— Ասում եմ, չոքիր արքայիդ առաջ։— Վարձա Ապահունին մինչև ականջները կարմրեց ու շոքեց։ Սրանք հիմա են արքայի վրա այսպես զայրացած, հիմա՛ Մի քանի օրից կմոռանան և կհիշեն միայն իր շոքելը։— Համբուրիք քղամիդս,— լարվեց արքան, ու երբ Ապահունյաց իշխանը համբուրեց քղամիդը, է՛լ ավելի սրվեց նրա լարվածութունը, և նա հիստերիկ գոռաց.— Ներքև՛, ստորո՞ւր, ստորո՞ւր, է՛լ ավելի ներքև։— Ու երբ այդ պահանջն էլ բավարարվեց, արքան առավել զայրացավ, որովհետև դրանով ասես պատենշ կանգնեցրին իր առաջ ու կոտրեցին թափը։— Սա չե՞ս ընդամենը, Ապահունյաց տեր։ է՛լ ի՞նչ ես ինձ խելք սովորեցնում։ Թե՛ կարծում ես, որ անուժ է արքադ։

Ապա, առանց որևէ խոսքի, անսպասելիորեն դուրս եկավ տաճարից։ Թիկնապահներն ուզեցին հետևել նրան, բայց նա, ձեռքի շարժումով, թույլ չտվեց։

Նա խորը շունչ քաշեց պարտեզում, նայեց դեպի խիտ ու երկտակ խավարը և սկսեց արագ քայլել, կարծես ինչ-որ տեղ էր շտապում։

Հեռացավ խճապատ ծառուղուց, մտավ ցեխի մեջ և քիչ

մնաց սայթաքեր: Սառերի սուր ճյուղերը ճանկոտեցին նրանք, և փշոտ թփուտները ծակծկեցին ոտքերն ու ձեռքերը: Դա շարացրեց նրան ու մղեց է՛լ ավելի արագացնելու քայլերը: Լեռոտ, նույնքան անսպասելի, հեհհե կանգ առավ, ասես նոր գլխի ընկնելով, թե ինչն էր իրեն ձգել, բերել այս կողմերը: Եվ նա ուշադիր ականջ դրեց քամուց սվավացող տերևներին, որոնք, անկասկած, ինչ-որ բան էին ուզում ասել նրան: Նա ճգնեց կենտրոնանալ, առանձնանալ ինքն իր հետ, անէանալ սեփական մարմնի մեջ, որպեսզի կարողանա գուշակել տերևների լեզուն և տանջող հարցերի պատասխանն ստանալ: Ծանր ու խեղդող պոհերին այդպես են վարվել իր ոչ հեռավոր հեթանոս նախնիները՝ Արմավիրի Սոսյաց պուրակում, և նա առաջին անգամ կյանքում, այս հասուն տարիքում, ցավ պատճառելու շափ հստակ, զգաց իր կապը նրանց հետ, զգաց արյան փոխկանչը ու մտովի օգնության աղերսեց իր անձանոթ պապերից՝ Աշխադարից, Պարթամասիից, Սանատրուկից, Վաղարշից, որպեսզի նրանք թարգմանեն ծառերի շշուկները: Բայց նրանք խավարի մեջ լուռ շարվեցին նրա առջև, բուրբ միկնույն գեմքով, միկնույն հասակով, միկնույն ասորիքով ու միկնույն հագուստներով: Եվ նա հազիվ զսպեց կոկորդում սեղմված արցունքները, խոստովանելով, որ մոռացել է նրանց գասերը, էլ չի հասկանում նրանց լեզուն, խեղդել է իր մեջ նրանց ձայները և օտարացել նրանց աղոթքներին: Եվ հանկարծ տեսավ, որ խավարի մեջ պտտվել-պտտվել ու նորից հացուներվել է... տաճարի առջև Ժպտաց իրեն-իրեն, որովհետև մեծասիրտ հեթանոս աստվածները այս անգամ էլ խղճացին նրան, մի անգամ էլ ներեցին և ստիպեցին տաճար վերադառնալ, որպեսզի կիսատ շմեա իրենց անառակ որդու ծրագիրը:

— Եթե ամեն մեկս այսպես մտածի, այս երկրում ոչ մի նոր քար չի դրվի, ոչ մի նոր պատ չի կանգնի,— տաճարում վրդովված ոտքի ելավ Տիրիթը:

— Ձայնդ օտաք տեղից է գալիս, արքայազուն իշխան,— հեզնեց Վահան Մամիկոնյանը:— Դու ոչ հող ունես, ոչ շինական: Քեզ համար հեշտ է երկրի քախտով մտահոգվելը:

Եվ մի ահա՛վոր աղմուկ-աղաղակ ընկավ տաճարում: Քոլորը վեր կացան տեղներից ու հարձակվեցին իրար վրա՝ Հիշեցին, թե ով է Արշակավանին մոտիկ և ով է հեռու: Ով ինչքան շինական ունի: Ով է իրավացի և ով է անիրավ: Ով է էն գլխից էլ միշտ այսպես անազնիվ եղել: Ով քանի տարի առաջ ինչ անմաքուր բան է արել: Ում հայրը երբ իրեն ստորաբար է պահել: Ում մայրը ում հետ է պառկել: Ով է օրինական զավակ և ով է ապօրինի: Ով է ումից հող խլիլ հարյուր տարի առաջ: Ում տոհմն է ավելի հին և հարուստ: Ով է զտարյուն հայ և ով է եկվոր: Ում հողն է ի սկզբանե եղել Հայաստան, ումը՝ հետո: Ու գնա՛ց, Շարադրվե՛ց ամբողջ հայոց պատմությունը: Հայկ նահապետից մինչև իշխան Վաչակ:

Արքան ցեխոտ ոտքերով ներս մտավ, կծկվեց, կուշ եկավ անկյունում և ցավից խոշոր բացված աչքերով դիտեց իր երկրի մեծամեծների այս տխուր հանդեսը: Հետո դանդաղ, գլուխը կախ, քայլեց դեպի բազմականը ու սուսսեց, մինչև որ քոլորը նկատեն իրեն ու, թերևս, լռեն: Նկատեցին ու լռեցին: Եվ արքան, որքան որ սեր ուներ իր մեջ, որքան ցավ ու անկեղծություն, որքան հավատ ու համոզմունք, անմնացորդ դրեց իր խոսքերի, իր ձայնի, իր աչքերի, անգամ ջարժումների մեջ:

— Եթե ես թույլ լինեմ, դուք էլ թույլ կլինեք... Ինձանով, արքայով, այս աթոռով, այս գահով է որոշվում ձեր ուժի շահը... Մի՞թե այդքան բան չեք հասկանում... — Լռեց մի պահ, կարծես վիրավորված, որ այս հասարակ ճշմարտությունների մեջ ստիպված է այդքան հույզ և անկեղծություն գնել: — Եթե ես թույլ լինեմ, կուտեք իրար...

— Գոնե բարկությունդ ինձ վրա թափեիր, արքա, — գեղեցիկ, սպիտակ ատամները ցույց տալով, ժպտաց Մերուժան Արծրունին: — Ես սիրում եմ ուշադրության կենտրոնում լինել:

— Ներեցեք, իշխաններ... Ես ինձ արքայավայել չպահեցի... Խոնարհաբար ներողություն եմ խնդրում... Քնդնից, Ապահունյաց տեր... Եվ հատկապես քեդից, իշխան Ամա-

տունի: Անունդ էլ լավ գիտեմ... Ինչպե՞ս շիմանամ...
Սնկներդ եմ մեծացել... Ես ետ եմ վերցնում իմ հրամանը...
Մանավանդ, որ թուր նախարարություններն էլ հեռու են
Արշակավանից...

— Ուրեմն, վերջապես ճաշը կմատուցվի,— փորձեց
սրամտել Մերուժանը, և բոլորի դեմքերին հանգստություն
իջավ: Ու մի ներքին, թաքուն գոհունակություն, որ իրենց
գործն արեցին, խեղճացրին արքային: Սրանից հետո թող
քիչ Թպրտա Արշակունին: Թող հիշի, որ ինքն էլ, ի վերջո, մի
նախարար է: Թող իր ուժը Այրարատում բանեցնի: Թող
դնսուդեն շրկարացնի ձեռքերը և ախորժակն էլ զսպել իմա-
նա: Եվ հիշի, անպայման հիշի, որ ամեն զավառ իր թագա-
վորն ունի: Այ, այսպե՞ս ներողություն կհանդրես, Տիրանի
օրդի:

— Սենեկապետ, հրամայիր մունետիկներին, որ բոլոր
հրապարակներում, բոլոր գավառներում, բոլոր կողմերում
տարածեն արքայական նոր հրամանը: Թող կանչեն, որ
առեկելքի և արևմուտքի խաչմերուկներում, Տրապիզոնից
Մասիս ստորոտով մինչև Պարսկաստան ընկած ճանապար-
հին, Հովիտ կոչված Կոզ գավառում կառուցվում է Արշա-
կավան նոր քաղաքը, որտեղ ապաստանի իրավունք են
ստանում բոլոր նրանք, ովքեր կկարողանան այնտեղ ընկ-
նել, բնակվել ու աշխատել:— Զայնը հանկարծ մեղմացավ,
և նա առօրեական տոնով դիմեց վտանգի հոտ առած նա-
խարարներին:— Հիմա, իշխաններ, հիմա ճաշը կբերեն:—
Ապա շարունակեց հանդիսավոր ու հաղթական, աչքերում
մոլեգին ու երջանիկ մի փայլ:— Եթե մեկը մեկին պարտք է,
եթե մեկը ուրիշին վնասել է, թող գա Արշակավան, և նա
ապահով կլինի: Եթե մեկը մյուսի արյունն է թափել, կամ
մեկի գույքն է գրավել, կամ որևէ մեկից երկյուղ ունի, թող
գա Արշակավան, և նրա դեմ դատ ու պահանջ չի լինի: Եթե
պարտատերը Արշակավան գա պարտքը պահանջելու, առանց
դատի ու դատաստանի նրան բռնեն ու դուրս անեն: Հիմա,
հիմա, իշխաններ, համբերեք մի քիչ... Ես հրավիրում եմ
գողերին, ավագակներին, արյունապարտներին, մարդա-
սպաններին, գանձագողներին, խաբեբաններին, քրոսակալ:

ներին, ժլատներին, կանանց, որոնք իրենց ամուսիններին են թողել, տղամարդկանց, որոնք իրենց կանանց են թողել ու փախել և հատկապես...— Մի պահ լռեց ու ժպտաց, նա- յելով ծիրանի քղամիդին կպած փշերին։— Եվ հատկապես ծառաներին, որոնք դժգոհ են իրենց տերերից։

Նախարարները շանթահարված ոտքի ելան, շրջապատե- ցին նրան և շվարած հայացքները անխոս հռոնցին վրան, կարծես կարեկցելով ցնորված արքային, որը նորից կոացել էր սեղանի տակ ու զբաղված էր կոշիկների խրացներն ուղղելով։

— Դու կործանում ես մեզ, արքա,— կիսաձայն ասաց Ներսես Կամսարականը։

— Նախ իրեն է կործանում արքան,— դեռ չհամարալով ականջներին, առաջ եկավ Մերուժան Արծրունին ու կանգ- նեց արքայի գլխավերևում։— Խաժամուժ ամբողջ կավերի, կթալանի երկիրը։ Եվ քո անունից, արքա։

— Ուշքի եկ, արքա,— ձեռքը հայրաբար նրա սեփն դրեց Անդոզկ Սյունին։— Դու ոճրագործների բույն ես ստեղծումս

— Դու պատժում ես նաև քո բարեկամներին,— նախա- տեց Սմբատ Բագրատունին,— նրանց, ովքեր ենթարկվել են քո հրամանին։ Հապա էլ ո՞րն է տարբերությունը։

— Ո՞ւր է կաթողիկոսը,— հուսահատ գոչեց Կենան Ամատունին,— ինչո՞ւ չի վերադարձել Կեսարիայից։

— Արքա, հրաժարվիր քո որոշումից...— Հոր ձայնը լսելուն պես, Սամվելը ամոթից շիկնեց ու աշխատեց շնայել Մուշեղին, մանավանդ որ Վասակ սպարապետը չէր մաու- նակցում այս նվաստացուցիչ տեսարանին և շարունակում էր մեն-մենակ նստած մնալ սեղանի մոտ։— Ասա, որ կատա- կել ես... Ասա, որ կատակից հետո փառավոր ճաշկերույթ կտրվի... Գուսաններ կգան... Առատ գինի կթափվի սեղա- նին... Եվ անպայման մինչև լս՛լյս, արքա... Չմոռանաս ավե՛- լացներ՝ մինչև լս՛լյս...

— Ես մի ճորտ ունեմ... Անուներ՝ Ասպուրակ... Մի բուժ, անբան անասուն... Աչքն ու ձախը չի տարբերում...— Վար- դանն էր, Վահան և Վասակ Մամիկոնյանների եղբայրը, Մամիկոնյան տոհմի նահապետը։— Հատուկ ուսուցիչ եմ

վարձել, որ նրա հետ հունարեն պարապի... Ամեն մի ձիշտ արտասանած բառի համար այդ անասունը շաքար էր ստանում ինձանից... Իսկ ամեն սխալի համար՝ մտրակի հարված...— Ծվ, խեղճացած ու ահարեկված, նա շուրջը նայեց ու ժպտաց հիմար մի ժպիտով:— Ուրեմն... Ուրեմն, Ասպուրակը, իմ Ասպուրակը... Իմ բարի, իմ համակրելի այդ անասունը... Ուրեմն, նա կարող է փախչել ինձանից և անպատիժ մնալ... Դեռ ինձ տեսնելիս էլ՝ հայհոյել... Իսկ պատկերացնում եք՝ եթե հանկարծ հունարեն հայհոյի...

— Իրավացի է արքան,— համեստաբար միջամտեց Տիրիթը:— Ներեցեք, իշխաններ, որ խառնվում եմ ավագներից խոսակցությանը: Ինչո՞ւ արքան պիտի վստահի մեր հավատարմությանը, երբ ամեն մեկս իր քթից այն կողմ ոչինչ չի ուզում տեսնել: Մի կողմից պարսիկներն են շոքել մեր բկին, մյուս կողմից բյուզանդացիներն են մեզ կրծում: Արքան ուզում է իր ուժն ստեղծել, ուսմիկների ու շինականների հետ դաշնակցել, ուզում է հզոր թիկունք ունենալ: Այս աս՝ պիտի հասկանալ ու գնահատել:

— Ես էլ կարծում էի, թե սա Արշակունիների հերթական կամակորուքունն է,— ազնվորեն խոստովանեց Ներսես Կամսարականը:— Լավ գլխի ընկավ Տիրիթը, իշխաններ, ճիշտ կռահեց:— Ապա նոր միայն գիտակցելով իսկական վտանգը, ժանր քայլերով մոտեցավ արքային:— Քեզ մինչև վաղը ժամանակ, արքա: Գուցե բարկությանդ մոլուցքի մեջ դու ինքդ էլ չհասկացար քո որոշման ահավորությունը:

— Ոչ, արքա, քեզ ժամանակ՝ մինչև ես խոսքս ավարտեմ,— վճռական ասաց Մերուժան Արծրունին, և արքան հիացմունքով ու ափսոսանքով նայեց նրան, մտածելով, թե ինչեր կաներ ինքը, եթե այդպիսի դաշնակից ունենար կողքին:— Աստծով եմ երդվում, որ կզղչաս, եթե չհրաժարվես քո հրամանից: Իսկ եթե հրաժարվես, դու նորից տեղ ունես մեր գլխի վրա:

— Դրաստամատ, հրամայիր մունետիկներին,— անվրդով ասաց արքան:

Դա արդեն նշան էր, որ նախարարներն այլևս անելիք չունեն այստեղ: Արքան սեփական ձեռքով խզում էր կապերն

իր երկրի մեծերի հետ: Գու գիտես, պարթև Արշակունիս Բայց տես, որ չզղչաս: Հետո շասես, թե նախարարներս երես դարձրին ինձանից: Իզուր ես ինքդ քեզ համար փոս փորում, իզուր: Համենայն դեպս, հայոց նախարարները երբեք արքայի կարիքը չեն զգացել, իսկ արքան... այն էլ ինչպե՞ս... Եվ մեկ առ մեկ բոլորը դուրս եկան տաճարից:

— Ապաստանի իրավունք ձեզ էլ է տրվում, իշխաններ,— նրանց ետևից զվարթ գոչեց արքան:— Իմ քաղաքում ես ձեր նկատմամբ էլ անզոր կլինեմ:

Ապա դեմ առ դեմ հանդիպեց Վասակ սպարապետին, որը լուռ նախատինքով նայեց նրան: Արքան անսպասելի գրկեց սպարապետին, ամուր սեղմեց կրծքին, համբուրեց և, նրա ուսերից բռնած, անխոս տարավ, ուղեկցեց մինչև դուռը ու ճամփու դրեց:

— Տիրիթն ինձ դուր չեկավ, արքա,— դուան մոտ ասաց տաճարում մնացած վերջին նախարարը՝ Հայր Մարգարյետը, հետո գլուխ տվեց ու հեռացավ:

Դրաստամատը լավ էր հիշում, ինչպե՞ս չհիշեր, որ վաղուց պալատում ճաշկերույթ չէր տրվել, վաղուց տաճարում տասնյակ գդալներ, պատառաքաղներ ու դանակներ չէին աղմկել, չէին շխկշխկացել միասին՝ ի լուր աշխարհի, որ հայոց տերության մեջ իշխում է միասնություն ու համերաշխություն: Նա տարիներ շարունակ երազում էր այն երանելի պահը, երբ ծառաները, տաճարապետի ուղեկցությամբ, ներս կմտնեն սկավառակներով ու ափսեներով և կբերեն արքայական սեղանի ճաշերի շորս հաստատուն տեսակները: Չորքոտանները ընդեղենով կամ մսի ջուր՝ ախորժակ բանալու համար, շորքոտանիք, թռչնեղեն ու ձկնեղեն: Չորքոտանիներից ամենից ավելի հարգի էին վայրի կենդանիները, որ որսում էր կոչնական ազատանին: Թռչուններից՝ կաքավը, ագարը, սագը: Վանա տառեխը բերում էին արքունի ձկնարանից՝ Առեստավանից: Խորովում, տապակում կամ եփում սաների մեջ՝ վրան քացախամեղր ցանելով: Դրաստամատը հիմա մեծագույն հրճվանքով կդիտեր, թե ինչպես հայոց ընտրանին կհարձակվեր փառահեղ կերակուրների վրա, անխնա կռչնացներ, կչորացներ ամբողջ սեղանը:

մի անգամ ևս հաստատելով իր հավատամքը, թե ուտելուց մեծ իմաստութիւն և խորհուրդ չկա աշխարհում: Նրանց ծնոտների համերաշխ ու միասնական կափկափյունը զգուշացում կլինեի Բյուզանդիային ու Պարսկաստանին, որ այստեղ գիտեն նաև դաշնակցել և ձեռք ձեռքի տալ: Հապա գինարբո՛ւքը... Միավորվածութիւն ցույցի գազաթնակե՛տը... Սեղանները պիտի դատարկեին, լվանային և բազմականների հետ միասին տեղափոխեին տաճարի ծայրերը, որպեսզի կոչնականները նստեն պատերի մոտ և առջևն ազատ լինի՝ գուսաններին և վարձակներին դիտելու համար: Տակառապետի առաջնորդութիւնը ներս պիտի մտնեին սպիտակազգեստ մատովակները, ձեռքներին թակուկներ ու գինեհան ճաշակներ՝ նվազներով, տաշտերով, բաժակներով և ուրիշ ըմպանակներով հանդերձ: Գինին և օղին պիտի լցնեին բաժակակալ սկուտեղների մեջ և դնեին կոչնականների առջև: Առաջին հասարակաց արթունքը կոչվում էր նվագ ուրախութիւն: Դա մի բաժակ էր, որ բաժակաճառփց հետո, «անուշ ասենք միմյանց» խոսքով, փոխանցվում էր մեկը մյուսին՝ որպես հավասարութիւն նշան: Հետո պիտի գային գուսաններն ու վարձակները՝ թմբկահարք, սրնդահարք, քնարահարք և փողահարք: Պիտի հնչեին սիրային, վիպական ու ներբողական նվագներ, որ պատմելու էին հայոց վաղեմի թագավորների ու դուցազնների կյանքը, Արտաշեսի և որդւոց վարքը, Վահագնի ծնունդը, Սաթևնիկի առևանգումն ու հարսանիքը, Արտավազդի անեծքը... Բացի երգելուց, նրանք պիտի նաև հացկատակութիւն անեին՝ խելացնոր շարժումներով զվարճացնելով հանդիսականներին: Վարձակները պիտի ցուցադրեին իրենց փափուկ մատների աշխուժութիւնը շնարի լարերի վրա, երգեին ու պարեին: Սպասավորները պիտի աղանդներ բերեին՝ մսով խմորեղեն, և ապա՝ խընձոր, վարունգ, թուֆ, ամիճ, թուզ, սերկևիլ ու չոր մրգեր՝ ս՛լուտեղներով և խաներով... Կշտացած և հարբած նախարարները պիտի բարիանային և սեր բացատրեին միմյանց, կենաց ասեին իրար մասին, և պիտի պարզվեր, որ այս սեղանի շուրջ են հավաքվել աշխարհի ամենաազնիվ, ամենամարդու, ամենահայրենանվեր մարդիկ, ամենաանձնա-

զոհ, ամենախելացի, ամենահեռատես, ամենա՛, ամենա՛զ
ամենա՛: Ու երկրի այն կարեւորագույն հարցերը, որ երկար
ժամանակ լուծում չէին գտնում ոչ գործնական հաժաքնե-
րում, ոչ էլ պաշտոնական հանդիպումների ընթացքում, վե-
ճերի ու գծաությունների առիթ գտնում, լուծվում էին
միայն այստեղ, սեղանի շուրջը, քանդվում էին բոլոր հան-
գույցներն ու կծիկները, այստեղ էին ծնվում ու խորտակ-
վում կենսագրությունները, այստեղ էին հորինվում ու սարք-
վում ազգային նոր գեմքերն ու անունները, նոր տա-
ղանդներն ու հանճարները, բայց ո՛չ մի շնորհալի, ո՛չ մի
խոստովնալի...

— Ինչո՞ւ ես քեզ պատեպատ խփում, արքա,— քնդհատ-
վեց մտապատկերը, և Դրաստամատը տեսավ գառարկի տա-
ճարն ու միայնակ արքային, որ հանգցրել էր բոլոր աշտա-
նակները և թողել միայն մեկը: Եվ առաջին անգամ լինելով
սենեկապետի ձայնը հնչեց մեղմ ու վշտակից:

— Հը, ի՞նչ եղավ, ի՞նչ հասկացար, ի՞նչ արեցի, սենե-
կապետ,— մոռյլ հարցրեց արքան: Նա կանգնել էր աշտա-
նակի գլխին, և դեմքը լուսավորվել, անշատվել էր շրջակա
խավարից: Զեռքերը դրել էր ճրագի բոցի վրա, կարծես այդ
թույլ բոցը կարող էր հանել նրա մեջ կուտակված ամբողջ
ցուրտը:

— Դու մենակ մնացիր, արքա: Բոլորովին մենակ: Դո՞ւ
ընտրեցիր քո մենակութունը: Ինչո՞ւ:

— Որ իմանամ, թե ով եմ ես և ինչ արժեմ... Ինձ դուր
է գալիս մենակութունը... Ազնիվ մետաղի ձայն սնի...

— Կա՛մ Բյուզանդիա, կա՛մ Պարսկաստան,— համառ
ողջամտությամբ պնդեց Դրաստամատը:— Երրորդ ճանա-
պարհ չկա, արքա:

— Եփրեմին ասացի՞ր, որ ինձ սպասի.— Այդ հիշեցու-
մից նեղն ընկած, նորից ձեռքը փրփուրին մեկնեց արքան:—
Ես մի կերպ ազատ ժամանակ կգտնեմ և ճատրակ կխաղամ
հետը:

Մառանները, մինչ այդ, տեսել էին, թե ինչպես նախա-
բարները մեկ առ մեկ գուրս եկան տաճարից, բայց քանի որ

սչ մի նոր կարգադրութիւն շէր արվել իրենց, ներս էին մտել տաճարապետի ուղեկցութեամբ, ափսեներով ու սկազառակներով բերել ճաշերը, կիսամութի մեջ անաղմուկ դասավորել սեղանի վրա ու կանգնել բազմականների հետևում՝ պատրաստ սպասարկելու:

— Իսկ եթե նախարարները համաձայնեին շինական ուղարկել, արքա... Եթե՞ համաձայնեին...

— Չտեսա՞ր, ամեն ինչ արեցի, որ շհամաձայնեն,— թեթևակի ժպտաց արքան, որովհետև սպասում էր, որ Դրաստամատն այդ հարցն անպայման կտա իրեն:— Արշակաւանը կդառնար սովորական քաղաք... Միավորված հայրենիքի գաղափարը նրանք ամեն օր կծամեին, կույ կտային կերակրի հետ և ապահով տեղ կթաղեին... Արտաքնոցներով...— Պատի վրա նրա հսկայական սովերը ձգվեց ու ծալվեց առաստաղին: Զայրացած ձայնն իջավ ու գարձավ վերին աստիճանի մտերիմ ու մարդկային:— Ես արշակաւանցիներին արտոնութիւններ կտամ... Կազատեմ հարկերից... Զեմ թողնի, որ մեկը մյուսի հաշվին ապրի... Եվ նրանք կսիրեն ինձ... Ատամներով կպաշտպանեն իրենց քաղաքը... Իրենց ազատութիւնը... Մինչև վերջին շունչը կզովեն... էլ ստիպված չեմ լինի սողալու մեկ պարսիկի, մեկ բյուզանդացու առաջ... Եթե վաղը պատերազմ սկսի, էլ զորք չեմ մուրա իմ նախարարներից... Ես իմ սեփական ուժը կունենամ...

— Սատանայական բան ես մտածել, արքա,— սառը թատողութեամբ զնահատեց Դրաստամատը:— Վախենալու քան:

Արքան հեռացավ աշտանակից ու հանկարծ տեսավ թատրաստ սեղանը, որ պայթում էր առատութիւնից: Գամլից տեղում, երկար նայեց տկավառակներին ու ափսեներին, արոնցից տաք գոլորշի էր բարձրանում, և ճաշերի ախորժելի հոտը թսեւ եկավ ու խփվեց նրա երեսին: Նա դանդաղ քայլերով ուղղվեց դեպի իր տեղը և խավարի մեջ մեն-մենակ նստեց հսկայական սեղանի գլխին:

— Ուշադիր լսիր, սենեկապետ... Կմորթես մի ցուլ...

Փորոտիքը կմաքրես... Ծվ նրա գործարանների զիրքով որոշել կտաս իմ ճակատագիրը...

— Բայց դա միջագիտություն է, արքա,— սարսափից զունատվեց Դրաստամատը:— Հեթանոսություն... :

— Ցուլը քիչ է արքայական ճակատագրի համար,— քմծիծաղ տվեց արքան և մի տեսակ դաժան բավարարված ծուծություն զգաց, որ ծանր կացություն մեջ զցեց Դրաստամատին:— Հավերի շարժումները ևս կդիտես... Ծվ հավահմայությունը ինչ որ որոշի, կգաս, կպատմես ինձ...

— Ի սեր Քրիստոսի,— տագնապով ծնկի շոքեց Դրաստամատը,— մոռացիր հեթանոսությունը... Քո պապերը հրով ու սրով ստիպեցին մոռանալ... Մոռացիր, արքա, մոռացիր...

— Կատարիր հրամանս:

— Չեմ կարող մեղք գործել... Չեմ կարող պղծված կեղեցի մտնել...

— Կատարի՛ր,— արհամարհանքով Ֆշշաց արքան:— Դու սեփական կարծիք կարող ես ունենալ միայն այն դեպքում, եթե դա պետք լինի ինձ:

Ծվ քանի որ նոր կարգադրություն այնպես էլ դեռ չէր արվել, դարձյալ ըստ կարգի, ներս մտան զուսանները, ձեռքներին մի-մի բամբիռ՝ գնդանման փոքր տուփ, դեպի վեր ձգված երկար բազկով, վրան՝ անասնոց մորթուց սարքած երկու կամ երեք լար: Մագոգաձև կտնտոցները խփեցին լարերին և սկսեցին նվազել ու երգել:

Հեծավ քաջ թագավոր Արտաշես իր գեղեցիկ սև ձիւն, Ծվ հանեց ոսկե օղով կարմիր կաշե պարանը, Ծվ անցավ ինչպես սրաթև աբծիվ գետի միջով...

Սպասավորներից մեկը, դարձյալ ըստ կարգի, վերցրեց արքայի խեցեղեն պնակը և ուզեց ճաշ լցնել, բայց արքան ձեռքի շարժումով արգելեց նրան: Ապա հենց ինքն էլ կճուճից մածուն լցրեց պնակի մեջ, հաց փրթեց և սկսեց օւտել, հսկա և մութ տաճարում ծերուկի պես իրեն-իրեն փնթփնթալով. «Ով էր ասում, որ ձեռնակովի բռնվես Կամսարակառի հետ... Ձեռքս մինչև հիմա ցավում է... Չէ, էլ

առաջվանը չի մնացել... Շուտ եմ հոգնում... Ախորժակս էլ
այն չի... Շուտ-շուտ եմ սովածանում, քայց քիչ եմ ուտում...
Միայն թե մարդ չիմանա... Աստված շանի, որ մարդ իմա-
նա...»:

Եվ հանեց ոսկե օղով կարմիր կաշե պարանը,
Զգեց ալանների օրհորդի մեջքին,
Եվ շատ ցավեցրեց փափուկ օրհորդի մեջքը...

«Մերուժան... Առյուծի պես մարդ է... Ինչ անենք, որ
թշնամիս է... Ուրեմն իրավունք չունե՞մ սիրելու...— Ապա
հիշեց իր առանձնաշնորհյալ վիճակը, որին վաղուց էր վարժ-
վել, և հիշելով՝ երեխայի պես հրճվեց ու հպարտացավ.—
Արքան ամեն ինչի իրավունք էլ ունի...»:

Ոսկե անձրև էր գալիս
Արտաշեսի փեսայության ժամանակ,
Մարգարիտ էր անձրևում
Սաթենիկի հարսնության ժամանակ...

Արքան հանկարծ նկատեց, որ Դրաստամատը դեռ չէր
գնացել և, դռան մոտ կանգնած, կարծես ականջ էր դրել
գուսանների երգին: Նրանց հայացքները մի պահ հանդիպե-
ցին իրար, և արքային թվաց, թե սենեկապետը դեռ մի շատ
կարևոր բան էլ ունի իրեն հաղորդելու: Նա ձեռքով լուսրեց
գուսաններին ու հարցական նայեց Դրաստամատին:

— Կամ Բյուզանդիա, կամ Պարսկաստան, — համառորեն
վրկնեց Դրաստամատը, հայացքն, անվախ, արքային հառած:

— Իսկ իմ քաղաքը... — խեղճացավ ու կծկվեց արքան, և
աչքերում աղաչանք երևաց: — Իմ քաղա՛քը, սենեկապետ...

— Սրբորդ ճանապարհ չկա, արքա:

Գլուխ երրորդ

Ուրեմն, ի՞նչ, մինչև վերջին շունչը, մինչև մահկա-
նացուն կնքելը սրբությա՛մք ապրի, ապրի անանձնական
կյանքով, իրեն նվիրաբերի ուրիշներին, անընդհատ բարի՛ք

'գործիւ Քայց շէ՛ որ դու այդպես էլ ապրել ես, այ ներսես, էլ
 ի՛նչ ես փնթփնթում: Ըիշտ է, այդպես է ապրել, բայց այն, ինչ
 մինչև հիմա բնական վիճակ էր, ինչի մասին նա չէր մտա-
 ծում, ինչպես որ շի մտածում, թե քայլելիս ոտքերն
 ինչպես պիտի գործեն, ուտելիս ձեռքերն ինչ պիտի
 անեն, հիմա դառնում էր ծրագիր, ապրելու պարտադիր
 ձև: Նույնիսկ ամենաանքիժ մարդու համար սոսկա-
 լի էր իմանալ, որ մինչև կյանքիդ վերջը պարտավոր ես
 առաքինի մնալ: Ծանրագույն պատիժ էր հավիտյանս դա-
 տապարտված լինել ինչ-որ բանի. ինչպես մահվան,
 ստրկութան, դժբախտութան, տյնպես էլ ազատութան,
 ապահովութան ու երջանկութան: Նա խիզախ ծրագրեր էր
 մշակում մտքում, հաստատ համազգված էր, շատ, շատ էր
 համոզված, ինչպես՝ այս քարի պնդությունը, երկնի արդար
 կապույտին, իբ մինտևար օրգու՝ Սահակի փափակ ր-ի փոքր-
 ինչ կոշտ արտասանությունը, ախր շա՛տ էք համոզված, որ
 լուսավորություն և մարդասիրություն պիտի սերմանի իր
 խաչված երկրում, որտեղ թռչունների պես շվաղ բազում
 մայրաքաղաքներ են եղել, տեղից տեղ փախչող շքեղ ու
 վախեցած մա՛շր քաղաքներ, իր դաղվա՛ծ երկրում, որտեղ
 ոչ թե մտնում, այլ իջնո՛ւմ են տուն, գետնափոր, անդուռ,
 անլուսամուտ տունք՝ ջրհորի բերանի նման լայն բացվածքով
 և մարդկանց ու անասունների բաժանող միջնորմ-վարա-
 գույրով... Քայց էլի ինչ-որ բան խանգարում էր մինչև վերջ
 հավատալու սեփական ուժերին, էլի ինչ-որ բան գալիս,
 բռնում էր փեշից, փաթաթվում ոտքերին ու ետ-ետ ձգում:
 Եվ որքան խիզախում էր մտովի, ճուշտեմ էլ պակասում,
 բարակում էր հավատը, որովհետև դա ևս նույն պարտադիր
 ծրագրի մասն էր դառնում: Ետ լի էր վճռականությամբ
 ամենուրեք դպրոցներ հիմնելու, բացելու անկելանոցներ,
 ուրկանոցներ, աղքատանոցներ, որբանոցներ, հիվանդա-
 նոցներ, օթևաններ՝ ճամփորդների և օտարականների համար,
 վերացնել մուրացկանությունը, հորդորել թագավորին,
 նախարարներին, բայց հարուստներին: Աս իշխանավորներին՝
 գութ անենալ ժառանգի, ստորագրյալների և աշա-
 կերտների հանգեպ, ժանր հարկերով չնեղել նրանց, քանի

որ աստված ընդհանուր է ամենքի համար, արգելի մերձա-
վորների ամուսնությունը, արյունախառնությունը, բազմա-
կնությունը, անասնական խխտերը, հարբեցողությունը, սուտ
երդումը, արվագիտությունը, իգությունը, անասնագիտու-
թյունը, մեռելներին ողբալու հեթանոսական կարգը՝ երա-
ժըշտական գործիքների նվագակցությամբ, հատուկ պարե-
րով, ինքնակեղեքումով, ոճիրներով... Հայաց աշխարհը
դարձնել վանականների մի ընդհանուր միաբանություն: Բայց
ցավն էլ հենց այն էր, որ նա Չէ՛ր ԿԱՐՈՂ ՉԱՆԵԼ այգ բո-
լորը: Եթե կարողանար, եթե հնարավորություն ունենար,
թեկուզ շնչին, թեկուզ մազաշափ հնարավորություն ՉԱՆԵ-
ԼՈՒ, եթե գա իրենից կախված լիներ, իր կամքից ու ցան-
կությունից, եթե ի՛նքը վճռեր և ոչ թե վճռված լիներ ի
վերուստ, նա առավել հեշտությամբ գործի կլծվեր և գլուխ
կերեր իր բարեգործությունները: Ուրեմն, իր անձը, իր եսը՝
ոչի՞նչ, ուրեմն, իր կամքը չունի՞ ոչ մի արժեք, ուրեմն, այդ
աստիճան անխուսափելի՞ է սուրբ մարդ լինելը: Իսկ ո՞ւր
է ինքը այդ բոլոր բարեգործությունների մեջ: Որտե՞ղ է
Աթանազիսի ու Բամբիշի արդին: Չկա բարեգործը: Կա
միայն բարեգործությունը: Նա հալվել, ձուլվել, անհետացել
է դրանց մեջ: Եվ իր եղունգը շարժեցող մի թշվառական, որ
փողօցում ողորմություն է տալիս մուրացիկին, ավելի տեք
է իր անձին, քան հազարավոր մուրացիկներին փրկողը:
Որովհետև նա անհատ է, իսկ ինքը՝ գործիք: Որովհետև նա
այդ պահին այդպես ուզեց և այդպես արեց: Իսկ ինքը չուղի՛
էլ պիտի անի: Բայց մյուս կողմից էլ, հակառակի պես, այն-
քան չի էր վճռականությամբ, որ այդ զգացողությունը,
դարձել էր վախեցնելու շափ առարկայական ու պատկերա-
վոր. ահա ուր որ է նա դուրս կգա երկրի շեներն ու ավան-
ները և, սերմնացանի նման փեշը բռնած, բարություն շաղ
կտա շորս կողմը: Եվ նա զգում էր, բնագոյով որսում էր, թե
որքան շինծու էր իրենից պոկ շեկող այդ տեսիլքը, որքան
արհեստական էր իր հանդերձներին կպած այդ մտապատ-
կերը: Դե որ այդպես է, եթե փակուղի է դիմացը ու ոչ մի ելք
չկա, եթե տառապանքն էլ ուղի չի ցույց տալիս, հանուն
այդ նույն բարի գործերի՝ պետք է առանց խղճի խայթի

դեն նևտիլ հավատի հարցը և հույսը դնիլ ավելի պարզ ու հասկանալի բաների վրա. ուժի և իշխանության: Նա ուժով և իշխանությամբ կիրազորժի իր ծրագրերը, ինչպես իր պապի պապը՝ Գրիգոր Լուսավորիչը, որ հրով ու սրով ստիպեց մարդկանց ընդունելու իր բերած բարիքները: Նա ևս կստիպի մարդկանց՝ երջանիկ լինել: Բայց... էլ ի՞նչ բայց, ելքը կա՞, կա՞ փակուղին խորտակելու միջոցը, «ցնծացեք Տիրոջով, ով արդարենք, գոհացեք Տիրոջից՝ քնարով, տասը թելավոր սաղմոսարանով սաղմոս երգեցեք նրան, նոր երգ երգեցեք, քնարը լավ ածեցեք ցնծության բարձր աղաղակով...» Բայց... էլ ի՞նչ բայց, եթե ուժն ու իշխանությունն են թե՛ չարի, թե՛ բարու միակ ու միակ զենքերը: «Ըստ ողջակեզներով քո տունը կմտնեմ, կհատուցեմ քեզ իմ ուխտերը, պարարտ ողջակեզներ կմատուցանեմ քեզ խոյների զոհի բուրմունքով, պատարագ կբերեմ արջառներ նոխալների հետ...» Բայց ուժն ու իշխանությունը, այ պնդաճակատ սարկավագ, անցյալի զինվոր և ապագայի կաթողիկոս, ուժն ու իշխանությունը բնական վիճակ չեն մարդու համար, և այդ անբնական վիճակում արվող ամեն քայլի մեջ, թեկուզ և ամենամարդասիրական, աննկատ սողոսկում է արհեստականությունը: Եվ փակուղին դարձյալ, ամբողջ հասակով մեկ, կանգնեց նրա առաջ: Փառք Տիրոջ, որ կանգնեց: Փառք, հազա՛ր փառք, որովհետև նա նորից իր տառապանքի հետ է, որ միակ սփոփանքն է, միակ խորհուրդը, միակ լույսը: Թող փակուղին միշտ լինի, թող միշտ լինի փակուղին քանդելու տառապանքը: Թող քանդվի և նորից կանգնի, քանդվի և նորից կանգնի, քանդվի և նորից կանգնի... Որովհետև, եթե լրիվ քանդվեց, դեմ կառնես մեծագո՛ւյն փակուղուն, որ չգիտես որտե՞ղ է, ի՞նչ է, կա՞, թե՛ չկա, արժե՞ կրո՞վել նրա դեմ, թե՞ չարժե, ինչո՞ւ է պետք կովել և ինչո՞ւ պետք չէ... Եվ արդյոք իզուր չե՞ն եղել քո հաղթանակները մյուս բոլոր փակուղիների դեմ...

Տեր ամենակալ, հեռու պահիր ինձ այդ իմաստությունից, մի՛ բացիր աչքերս, մի՛ լուսավորիր ինձ... Մի քիչ, մի քիչ անգետ թող ինձ...

Իսկ եթե ոչ մի տառապանք էլ չկա՞, եթե նա տարբո՞ւմ,

հորինում է տառապանքը, որպեսզի իր ինքնագոհութիւնը զարդարի: Տառապանք-խորաքանդակ: Տառապանք-հարթաքանդակ: Տառապանք-նախշանկար: Տառապանք-մանրանկար: Տառապանք-տառապանք: Եթե իրոք տառապում ես քեզ շղթայող հակասութիւններից ու կասկածներից, եթե այդ հանգուլցների ու կծիկների մեջ իրոք քեզ ես փնտրում ես ամբողջ բերանիդ տարած՝ ձայն ես տալիս ինքդ քեզ, քո կորած, մոլորված անձին, էլ ինչո՞ւ ես անասելի հրճվանք զգում ապագայի ծրագրերից, ինչո՞ւ ես հպարտանում ինքդ քեզանով, բարձրանում ինքդ քո աչքին, ինչո՞ւ քո անձը չես անջատում քո բարեգործութիւններից, չէ՞ որ այդ շորթային հրճվանքը փոքրացնում, իմաստազրկում է քո բոլոր ծրագրերը: Նա դրանք իր համար էր անում, ոչ թե ուրիշների: Աղքատին ձեռք մեկնելով, նա իրեն էր գահացնում ու բավարարում եւ ոչ թե աղքատին, իր մասին էր մտածում, ոչ թե նրա, աղքատի մեջ իրեն էր տեսնում, իր վեհանձնութիւնը, իր ազնվութիւնը, իր անձնագոհութիւնը եւ ոչ թե նրա թշվառութիւնը: Սիրելով մուրացիկին, նա իրեն էր նախ եւ առաջ սիրում: Էլ ո՞րն է տարբերութիւնը իր եւ աղքատին ձեռք շահնողի միջև, իր եւ մերձավորին շարողի միջև: Էլ ի՞նչ ամենասուրբ հայ: Եվ առհասարակ ի՞նչ է նշանակում այդ ամենան, միակը, անկրկնելին: Եթե մարդ ունի հագուստ, եթե քոր է գալիս նրա դաստակը, եթե քաղցածանում է, ծարավում, եթե ատամն է ցավում, եթե քրտնում է, եթե մի կերակրատեսակ հավանում է, մյուսը՝ ոչ, եթե միզել է ուզում, եթե մեկին սիրում է, մյուսին չի սիրում, էլ ինչպե՞ս կարող է ոչ միայն սուրբ, այլև ամենասո՞ւրբը լինել: Եվ մի՞թե անբարոյականութիւն չէ՞ թեկուզ ձգտել դրան, թեկուզ փորձ անել, չէ՞ որ քո Լոբաշընկո՞ւր սովորական մարդիկ են: Սովորական են թե՛ նրանց առաքինութիւնը, թե՛ ստորութիւնը: Անբարոյականութիւն էր հավատալ իր սրբութեանը, դրանով իսկ՝ է՛լ ավելի սիրել իրեն: Եվ որքան շատ բարիք գործես, որքան մեծ բարիք, իմացիր, որ նույնքան էլ պիտի խորացնես բարեգործի եսասիրութիւնը: «Տեր իմ, իմ վեմ եւ իմ բերդ եւ իմ ազատիչ, ով իմ ամբողջութիւն, ով իմ ասպատ եւ փրկութեան եղջուր, ով իմ բարձր աշտա-

բախձ... Յույց տուր ինձ ճիշտ հանապարհը... Հաշտեցրու
ինձ իմ անձի հետ... Մտերմացրու մեր երկուսին... Ինձ և
ինձ... Վստահութիւն ներարկիր մեր միջև... Բարութիւն
սերմանիր միմյանց հանդեպ... Մի թող, որ հաշտեմ ինքս
ինձ... Փարատիր իմ կասկածները... Մի թող ճշմարտութեան
հունից վազելու... Այդ վազքը երկմտութեան է Տիրոջ հան-
դեպ... Զի դու ես միակ ճշմարտութիւնը... Իսկ ես՝ քս հլտ
կամակատարը...

Բայց դու մի խորամանկիր, ներսես: Դու նախ քեզ հետ
լեզու գտիր, հետո՝ աստժո: Ինքդ պարզիր քո հաշիվները:
Որովհետև եթե անելանելի պահին ամեն ինչ Տիրոջ վրա ես
զցում, նշանակում է, ոչ թե դու ես նրան փնտրում, այլ
ուզում ես, որ նա քեզ որոնի ու գտնի: Ուրեմն... Ուրեմն ոչ մի
բիժ չունենա՞ կյանքում, ոչ մի արա՞տ, ոչ մի խոցելի պա՞հ
լամբ, բիժն ու արատը մի կողմ թողնենք, թեկուզ թուլու-
թիւնն էլ չունենա: Բախտը չբերեց, բա՛խտը: Նա շատավիշն
է այն տոհմի, որ Քրիստոսի հավատը հաստատեց Հայաս-
տանում և սովեց կաթողիկոսների մի փայլուն համաստեղու-
թիւն, երեք տուրք հայկական անուն՝ Գրիգոր, Վրթանես և
Հուսիկ: Դե արի ու շունչ քաշիր այսքան սրբերի մեջ: Դե
արի ու մարդկային բան որոնիր քո մեջ: Ես հպարտ եմ ձեր
նվիրական անուններով, հպարտ եմ, որ ձեր ազնվական
արյունն է հոսում իմ մեջ, բայց այդ հպարտութիւնը ժանր
է նստած ուսերիս, ձեր տուրք վարքը ժայռի պես ընկած է
իմ ճանապարհին, և ես ուզում եմ շարդել այն, սրբել, հանել
իմ ճանապարհից: Ես չեմ թողնի, որ ձեր սրբազան հիշա-
տակը խանգարի ինձ: Որովհետև, անցնելով մարդկայինի
սահմանը, ես չեմ հասկանա իմ նմաններին: Թույլ տուր
հրաժարվել իմ տուրք նախնիներից, Տեր իմ, մոռանալ իմ
հարազատներին, իմ արյունակիցներին, իմ սիրելի, շա՞տ
սիրելի պապերին, որոնց առաջ ոչնչութիւն եմ ես, աղորմելի
գաճաճ, անարժան թոռ: Բայց առ եմ ես, լավ թե վատ՝ սա
է քո ծառան: Ընդունիր ինչպես որ կամ: Որովհետև սխալվե-
լիս անգամ, ես քե՞զ համար եմ սխալվում: Որովհետև արբա-
նալու քո պատգամը մերժելիս, ես դարձյա՞լ քեզ համար եմ
մերժում: Քեզ համար եմ մնում մարդ, և չկարծես, թե դա

հարթում, հեշտացնում է իմ համփան, վերացնում փշերն և տատանկեհերը, կամրջում ձորերն և անդունդները: Չի հարթում, չի հեշտացնում, չի վերացնում, չի կամրջում: Իմ տառապանքը ես ոչ ոքի չեմ տա: Մի զրկիր ինձ իմ դառնահամ, իմ լեղի տառապանքից և մի՛ տուր ինձ արբերի թորած տառապանքը: Ես քեզ համար եմ այս մեղքը գործում, քե՛զ համար եմ արժանանում քո զայրույթին, քեզ համար է, որ չեմ վախենում, չեմ խուսափում քո պատիժներից, քեզ համար եմ ես ըմբոստանում քո դեմ: Ես քո անուսից պիտի ստիպեմ մարդկանց՝ երջանիկ լինել: Պիտի ստիպեմ բախտավոր ապրել: Աշխարհն էլ կործանվի, երկի՛նքն էլ փուլ գա և թեկուզ մի՛ հոգի մնա երկրիս երեսին, ես գտնելու եմ նրան, բռնելու եմ նրա օձիքից, կրեկակոխ հետեկու եմ նրան և սովորեցնելու եմ երջանիկ լինել: Եթե դրա համար հարկ է մի ամբողջ կյանք զահարել, աղաչում եմ, մի կատակածիր իմ համառությանը, մի երկմտիր իմ պնդությանը, ես կտամ իմ կյանքը նրան, առանց մի պահ անգամ տատանվելու, առանց իմ անձը խնայելու, միայն թե ստիպեմ, որ նա երջանիկ լինի: Մարդիկ չգիտեն, որ պարտավոր են երջանիկ լինելու: Եվ ես խոստանում եմ քեզ, երզվում եմ քո սուրբ անունով, որ կհիշեցնեմ նրանց՝ իրենց պարտքը, կսովորեցնեմ, կհամոզեմ, կպարտադրեմ, ծնկաչոք կպաղատեմ, կսպառնամ, ուժ կգործադրեմ, կընտելացնեմ, կվարժեցնեմ... Իմ տոհմը ոչ միայն սրբերի է տվել, այլև անառակ, անխրատ, անարժան մարդկանց, իմ հայր Աթանազիոսին և իմ հորեղբայր Պապին: Թույլ տուր նրանց օգնությանը դիմել: Սովորել նրանցից՝ մարդ լինելու արհեստը: Եվ եթե կուզես իմանալ, ես նրանց եմ պարտակահ, որ այսպես ատամներով եմ կտռած մարդկանց արանքներում լինելու երազանքից: Ես առաջինը կկանգնեմ նրանց շարքում: Ես դեպի քեզ կառաջնորդեմ նրանց երթը: Բայց մի՛ ստիպիր շարքից անջատվել, ինչպես իմ սուրբ պապերն են անջատվել ու կողքից քայլել: Մի ստիպիր, որպեսզի ես անհնազանդ չլինեմ քեզ: Ես փորձեցի օրերով սոված ու ծարավ մնալ, որպեսզի զրկանքներով հրաժարվեմ իմ մարդկային անցյալից, բայց սովն ու ծարավը ինձ

աւելի մոտեցրին մարդկանց, ավելի սուր հիշեցրին իմ ծայրամբը: Ծվ ես կարոտեցի ինձ, Կարոտեցի մարդուն: Իմ հորը, իմ հորեղբորը, Կարոտեցի մարդկային մի պատմութուն՝ իր բոլոր ստվերներով ու արատներով: Ոչ թե սուրբ պապերիս մաքուր և անարատ կյանքը, այլ հորս ու հորեղբորս դառը և ամոթալի պատմութիւնը թող ուժ տա իմ բազուկներին, տասնապատկի՛, հարյուրապատկի՛, հազարապատկի՛ հավատս քո և իմ հանդեպ...

Տասներկու տարեկան հասակում Հուսիկին հարկադրեցին ամուսնանալ Տիրան արքայորդու աղջկա հետ: Հայրը, Վրթանես կաթողիկոսը, հույս ուներ, որ այդ բռնի ամուսնութեամբ կուսավորչի տոհմում կշարունակվի արու զավակների հաջորդականութիւնը և խնամիական կապ կստեղծվի արքունիքի ու եկեղեցու միջև: Մանուկ Հուսիկը միայն մի գիշեր ապրեց իր կնոջ հետ, զգվեց մերձեցումից ու այլևս չմոտեցավ նրան: Երբ կինը երկվորյակ արու զավակներ ծնեց, նա հեռացավ տնից: Զավակներից մեկի անունը դրին Պապ, մյուսինը՝ Աթանագինես: Շուտով կինը վշտից մեռավ, ամուսնուն ազատելով անախորժ վիճակից: Խոսքով Կոտակին փոխարինած Տիրանը, որ աղջկա դժբախտ մահից հետո չափազանց լարվել էր Հուսիկի դեմ, այնուամենայնիվ, հունասեր խմբավորումից զգուշանալով, հարգեց նրա ժառանգական իրավունքները և նրան Կեսարիա ուղարկեց՝ կաթողիկոս ձեռնադրվելու: Իսկ երբ տեսավ Բյուզանդիայի թուլութիւնը և մեն-մենակ մնաց պարսկական վտանգի առաջ, նա թեքվեց պարսիկների կողմը և վերջապէս հնարավորութիւն ստացավ վրեժ լուծելու փեսայից: Խեղճ մորեղբորայր, խեղճ հայոց բռնակալ: Ինչպե՞ս ատեմ ես քեզ, լեզուս ինչպե՞ս պտտվի քեզ անիծելու, ինչպե՞ս ես քեզ շնորհ:Ս պապիս սպանութեան համար, եթե ոճիր գործելիս անգամ կապված են ձեռքերդ, եթե նույնիսկ արքունի սովորական ստորութիւն կատարելիս պետք է նայես երկու հզոր հարեւաններդ, Բյուզանդիային ու Պարսկաստանին: Խեղճ, լեղճ մարդասպան: Հուսիկը Տիրանին արգելեց եկեղեցի չւնենլ, ասելով, թե նա անարժան է: Կատաղած թագավորի

հրամանով նրան բրածեծ արեցին և սպանեցին եկեղեցու մուտքի առաջ: Հուսիկին պետք է փոխարիններ կամ Պասլը, կամ Աթանազինեսը: Բայց ոչ մեկը, ոչ էլ մյուսը ձգտում չունենին հոգևորական դառնալու: Հունասեր նախարարները բռնի ուժով նրանց հարկադրեցին սարկավագ ձեռնադրվել: Սակայն զուր էին այդ ջանքերը, աշխարհիկ վայելքներին նվիրված երկվորյակ եղբայրները զինվորական ծառայութ-
յան մտան, ամուսնացան թագավորի քույրերի, իրենց մորեղբոր աղջիկների հետ և հրաժարվեցին աստծո ժառանգութունից: Կաթողիկոսի աթոռին նստեց Դանիել անունով ասորի մի եպիսկոպոս: Պապն ամուսնացավ Վարազդուխտի հետ, որից զավակ չունեցավ: Նա կապվեց Տարոն զավառի Հացյաց գյուղի մի կնոջ հետ և այդ հացեկացի հարձից ունեցավ Վրիկ անունով մի որդի: Աթանազինեսն ամուսնացավ Բամբիշի հետ, որը նրա համար ծնեց մի արու զավակ, անունը՝ Ներսես: Մի անգամ երկու եղբայր հարբած գնացին Տարոնի Աշտիշատ գյուղը, որտեղ նրանց պապ Գրիգորը կործանել էր Վահագնի մեհյանի բազիլիկները և հենց այդ նույն տեղում կառուցել առաջին սուրբ եկեղեցին: Նրանք մտան աստծո տաճարը և քեֆ արեցին վարձակների ու գուսանների հետ: Եպիսկոպոսներից մեկը, հենց այդ նույն վարձակներին կաշառելով, թույն դնել տվեց գինու մեջ ու սպանեց անօրեն եղբայրներին: Բայց ժողովրդի մեջ տարածվեց, թե այդ Տիրոջ հրեշտակն է փայլակի նման հանկարծ երևացել և տեղնուտեղը խփել, սպանել եղբայրներին: Ոչ ոք չէր համարձակվում եկեղեցի մտնել: Դուռը բաց էր մնացել, և ոչ մեկը չէր հանդգնում անգամ անցնել դռների մոտով: Ամիսներ անց նրանց մարմինները նեխվեցին, քայքայվեցին, ու նոր միայն մարդիկ սիրտ արին ներս մտնելու և հավաքելու նրանց չորացած, ցամաքած ոսկորները: Միասին ծնված երկվորյակ եղբայրներին միասին էլ թաղեցին Ագարակ կոչված եկեղեցու բակում: Ներսեսն ամուսնացավ Վարդան Մամիկոնյանի աղջկա՝ Սանդուխտի հետ, որը ջահել հասակում մեռավ, նրան թողնելով Սահակ անունով մի արու զավակ:

Հիշելով այս պատմութունը, ես հիմա փառավոր սեղան

կրացեմ, արքայավայել սեղան, որ անամոթաբար կայայթի առատութիւնից, և ես կօրհնեմ երկվորյակ Պապի ու Աթաշեագինեսի անառակութիւնն ու կենսասիրութիւնը, կօրհնեմ նրանց բոլոր ախտերն ու արատները, որովհետև այդ նրանք են կանգնած իմ ու նախնիներիս միջև, նրանք են ընդհատում, խզում մեր կապը և շեն թողնում, որ իմ սուրբ պապերը խանգարեն ինձ՝ անմնացորդ ծառայելու քեզ:

Եթե որևէ մեկը մեզը գործի, ես ու նա ենք գործել այդ մեղքը: Եթե մեկը գողութիւն անի, մենք միասին ենք արել գողութիւնը: Եթե մեկը մարդ սպանի, մենք միասին ենք կատարել սպանութիւնը: Եթե մեկը սուտ երդում տա, մենք միասին ենք սուտ երդում տվել: Եթե մեկը տանջի իր ճորտին, մենք միասին ենք ճորտին տանջել: Եթե մեկը քոտնունն արատավորի, մենք միասին ենք արատավորել քոտնունը: Բայց եթե մեկը փառավորի անունդ, լինի անբիծ ու առաքինի, այդ նա է միայն անբիծն ու առաքինին, միայն նա, մեն-մենակ, առանց ինձ: Ես իմ անձը անջատում եմ նրանից, ևս նրա հետ չեմ կիսում քո օրհնութիւնը, չեմ խլում նրա բաժինը: Միայն թե մի արգելիւր հրաժարվել արբութիւնից, մի արգելիւր հավատալ, որ կաթողիկոս լինելը ընդամենը գործ է, աշխատանք, գործ է բարութիւն սերմանելը, գործ է մարդկանց երջանկացնելը, աստծուն ծառայեցնելը, սեփական անձը ուրիշներին նվիրաբերելը, և ես, քո ծառան, պիտի աշխատեմ ճիշտ այնպես, ինչպես դարբինը, զինագործը, բրուտը, ոսկերիչը, հողագործը...



Թեև լուսանում էր արդեն, բայց ներսեսը դեռ շարունակում էր թափառել դաշտում, որը, հայրենի մյուս դաշտերի նման խաբված, ձգվում էր, ձգվում, սակայն չէր հասնում մինչև հորիզոն՝ բախվում էր սարերին ու կոտրվում:

Ներսեսը լեզու էր գտել աստծո և ինքն իր հետ: Դրա համար պետք էր բարձրանալ դեպի Տերը, բայց Տիրոջն էլ, իր հերթին, պետք էր մոտեցնել իրեն: Մարդու աստվածացումն ու աստծո մարդկայնացումը: Եվ իր հաշողութիւնից

ցնծալով, նա պատրաստ էր մոռանալ սև սքեմը և թափալ-
վել խոտերի ու վայրի ծաղիկների վրա: Բայց այդ էր պա-
կաս, որ նա այդպես անմտորեն և անօգուտ արտահայտեր իր
ցնծութունը: Նա իր ուրախութունը կթափի մարդկանց վրա,
և վա՛յ նրան, ով առաջինն իր վրա կկրի նրա խնդության
պոռթկումը: Նա վճռեց ուրախության ծանրութունը կիսել
իր Պապ հորեղբոր և հացեկացի հարճից ծնված որդու՝
Վրիկի հետ, որն իսկ և իսկ հորն էր քաշել: Արկածախնդրու-
թյունից դրդված, այդ անառակը խնդրել, աղաչել էր ներսու-
սին՝ նրա շքախմբի մեջ մտնել որպես ծառա: Մանավանդ
որ ոչ ոք չգիտեր նրանց ազգակցական կապի մասին: Վրիկն
ուզում էր աշխարհ տեսնել, նա մինչև հիմա գիտեր միայն,
թե ինչ է նշանակում հայկական ցոփ կյանք ու զեխութուն,
հիմա ուզում էր բյուզանդականի համը ևս տեսնել:

Շքախումբն իջևանել էր Հայաստանի և Բյուզանդիայի
սահմանագլխին, Առյուծ լեռան մոտ: Կարծես մի ամբողջ
բանակ էր եկել թշնամու դեմ ճակատելու՝ խորաններով ու
վրաններով, հովանոցներով ու սրահակներով, ընտիր նժույզ-
ներով ու սպառազեն զինվորներով:

Մառայապետ Վրիկի վրանը, ինչպես և ներսեսինը, փոքր
էր ու անշուք՝ ի տարբերութուն նախարարների ընդարձակ
և հարմարավետ խորանների, որոնցից յուրաքանչյուրի վրա
ծածանվում էր տիրոջ դրոշակը՝ տարբեր զինանշաններով՝ ոս-
կեհյուս արծիվ, վիզը լարած ցուլ, նետընկեց աղեղ...

Խորանների շուրջ արածում էին ձիեր, որոնց մեծ և խն-
լացի աչքերում ոչ թե արձակ դաշտերի ու անապատների,
այլ սանձի ու թամբի կարոտ կար:

Ներսեսն իր հետ վերցրեց հանգած խարույկների մոտ
նստած զինվորներից երկուսին, կանգնեցրեց հորեղբոր որ-
գու վրանի առջև, իսկ ինքը ներս մտավ:

Վրիկը քնած էր առավոտվա խոր քնով՝ գետնին փռված
չոր խոտերի վրա: Դեմքը մանկան պես խաղաղ էր ու ան-
խռով: Շնչառութունը՝ հանգիստ ու համալափ: Սա էր իս-
կական Վրիկը, իհա՛րկե սա էր, այս անմեղ պատանին, որի
մասին հենց ինքը՝ Վրիկը, ոչինչ չգիտեր: Այդ հիմար տղան
աքլորանում էր, թե ինքը հասել է կործանման խորխորատին

և այլևս փրկութիւն չունի: Ես քեզ կպատմեմ, թե ինչպիսին է քո դեմքը քնած ժամանակ: Եվ դու կիմանաս, թե ով ես դու: Ես քեզ գտա, հայտնաբերեցի, հայտնագործեցի, երկնեցի քեզ, և դու արդեն ազատում չունես ինձանից:

Նա ծնկի շոքեց, կուսցավ Վրիկի վրա, հայրաբար շոյեց նրա մազերը և շշնջաց ականջին.

— Դու պետք է վերադառնաս, Վրիկ... Իսկույն վերադառնաս...

— Ի՞նչ է պատահել,— վախեցած, տեղից թռավ Վրիկը:

— Դու պետք է վերադառնաս,— մեղմ կրկնեց Ներսեսը:

— Ինչո՞ւ,— զարմացավ Վրիկը,— ի՞նչ վատ բան եմ արել:

— Կգնաս վանք,— հանդարտ շարունակեց Ներսեսը,— գրել կարդալ կսովորես, ճարտասանութիւն, իմաստասիրութիւն, քերթողութիւն, երգեցողութիւն...

— Բայց ես չեմ ուզում,— դեռևս ուշքի չեկած, կարծես մղձավանջի մեջ, ընդդիմացավ Վրիկը:— Ի՞նչ վանք: Գժվել ես, ի՞նչ է:

— Դու դժբախտ ես, Վրիկ: Ես իրավունք չունեմ հանգիստ նայելու քո դժբախտութիւնը: Ես պիտի փրկեմ քեզ: Հենց քո ձեռքից պիտի քեզ փրկեմ:

— Ո՞վ ասաց, որ դժբախտ եմ,— վիրավորված հարցրեց Վրիկը:— Առավոտ շուտ ի՞նչ է փչել խելքիդ:

— Դու այդ չգիտես: Բայց ես գիտեմ: Հաստատ գիտեմ:

— Ես աշխարհի ամենաերջանիկ մարդն եմ,— ժիծաղեց Վրիկը և անպատկառորեն ձեռք տվեց Ներսեսի սև պարեգոտին:— Քեզնից էլ երջանիկ:

Ներսեսը ներողամտաբար շարժեց գլուխը:

— Ոչ, Վրիկ: Բայց ես ուզում եմ, որ դու երջանիկ լինես: Եվ կլինես: Ես քեզ խոստանում եմ:

— Ի՞նչ ես ուզում ինձանից,— ջղայնացավ Վրիկը:— Ի՞նչ ես կպել, պոկ չես գալիս:

— Դու լավ տղա ես, Վրիկ,— հորովանքով ժպտաց Ներսեսը:— Ես արդեն գիտեմ այդ: Բայց ուզում եմ, որ դու էլ իմանաս: Եվ կիմանաս, շուտով կիմանաս:

— Ձեռք քաշիր ինձանից, Ներսես: Գնա քեզ համար ուրիշ մարդ գտիր:

— Դա անհնար է, Վրիկ,— կտրական ասաց Ներսեսը:— Թող մտքովդ շանցնի, որ ես ձեռք կքաշեմ քեզնից:

— Թե զղջացել ես ինձ վերցնելուդ համար, էլ ի՞նչ ես սար ու ձոր ընկել: Ծս հենց հիմա կթողնեմ, կհեռանամ:

— Ձէ, Վրիկ, շեմ թողնի: Հազիվ ես ձեռքս ընկել: Դու պետք է ամուսնանաս: Ծթե հարկ լինի, բռնի կամուսնացնեմ քեզ: Դու պետք է ընտանիք կազմես, երեխաներ ունենաս:

— Այն, ինչից զրկվել ես, ուզում ես ի՞մ մեջ տեսնել: Քո սլակասներն ուզում ես իմ հաշվի՞ն լրացնել:

— Ծս ուզում եմ քեզ երջանիկ տեսնել:— շերմեռանդությամբ պնդեց Ներսեսը:— Ծվ կտեսնեմ: Անպայման կտեսնեմ:

— Դու նախանձում ես ինձ, Ներսես: Իմ ազատությանն ես նախանձում:

— Դու շղիտես քեզ ինչ է պետք: Բայց ես գիտեմ, Ծվ ես քեզ մեծակ շեմ թողնի:

— Իզուր մի համոզիր ինձ, Ներսես:— Վրիկը վեր կացավ և սկսեց կապոցը հավաքել:— Խնայիր ժամանակդ:

— Բայց ես արդեն վճռել եմ,— երջանկությունից արբած, ասաց Ներսեսը:— Ծս շեմ թողնի, որ դու կործանվես:

— Ի՞նչ ես վճռել,— արհամարհանքով հարցրեց Վրիկը:— Գուցե քեզ իսկապե՞ս թվում է, որ ես քո ծառաներից մեկն եմ:

— Ծս սիրում եմ քեզ, Վրիկ:

— Ապօրինի ծնունդներին ո՞վ է սիրել, որ դու ինձ սիրես: Մնաս բարով, Ներսես:

Կապոցը ձեռքին, նա ուղղվեց դեպի Մուտքը, բայց երկու զինվորներն անմիջապես հայտնվեցին ու փակեցին նրա ճանապարհը:

Վրիկը հարցական նայեց հորեղբորորդուն:

— Սխալվում ես, Վրիկ: Ծս իմ սերը կապացուցեմ քեզ:—

Եվ նա հանգիստ դարձավ ղինվորներին ու խաղաղ ձայնով
դիմեց նրանց.— Կտանեք վանք: Եվ մինչև վերադարձս աչք-
ներդ վրան կլինի: Մնաս բարով, Վրիկ:

Զինվորները բռնեցին Վրիկի թևերից, բայց նա սկսեց
կատաղորեն դիմադրել ու սաստիկ հայհոյել: Ներսեսը
հրճվանքով նայում էր նրան: Ահա առաջին երջանիկ մարդը
Իր առաջին ծնունդը: Իր գյուտը: Եվ նա անշափ, անշափ
ուրախ էր Վրիկի փրկության համար: Հիմա նա, դարբնի,
զինագործի, բրուտի, ոսկերչի կամ հողագործի նման վաս-
տակած, կվերադառնա իր վրանը, ախորժակով նախաճաշ
կանի և հանգիստ սրտով կքնի մինչև կեսօր:

Զինվորները ուրերցին Վրիկի թևերը, ամուր կապեցին
մեջքի կողմից և սկսեցին քարշ տալ:

Ներսեսը դուրս եկավ վրանից, խանդաղատանքով լըց-
ված՝ նայեց իր արյունակցին և, որպես հրաժեշտ, ձեռքը
թափահարեց օդում:

— Չեմ ուզում երգեցողություն,— հուսահատ զոռում ու
լալիս էր Վրիկը:— Չեմ ուզում երգեցողություն...

Մի պահ նա պոկվեց ղինվորների հուժկու աքցաններից,
վազեց դեպի ներսեսը, դեպի այդ կանացահանդերձ դավա-
ճանը, ուզեց թքել ու հայհոյանք շարտել երեսին, բայց
հանկարծ շվարած և թուլացած կանգ առավ: Բարի դեմքով,
մաքուր, անարատ աչքերով, խաղաղ ու ժպտերես մի մարդ
էր կանգնած նրա առջև: Հոգնած ու տանջված մի մարդ: Այդ
խաղաղությունն Եւ ազնիվ ժպիտը սարսուցորին Վրիկին,
ինչ-որ անհասկանալի վախ ծնեցին նրա մեջ: Միաժամանակ՝
մի անբացատրելի պատկառանք ու երկյուղածություն: Ծն-
թարկվելով անմեկնելի ուժին, նա ակամա ծնկի չոքեց ներ-
սեսի առաջ և, մոռացած իր դժբախտությունն ու վիրավո-
րանքը, հիացմունքով շնչաց հենց այն բառերը, որ մի
ակնթարթում խորտակեցին այն ամենն, ինչ ներսեսը հազիվ
էր կառուցել մեծ շարշարանքով:

— Բայց դու մարդ չես, ներսես... Սուրբ ես դու...
Սո՛ւրբ...

- Ես պետք է հեռվի՞ց սկսեմ, Հայր Մարդպետ:
- Ի վերուստ սահմանված կարգ է, իշխան Տիրիթ:
- Պետք է խորամանկե՞մ, նախապատրաստե՞մ քեզ, շոշափե՞մ տրամադրությունդ, նրբորեն ուստա՞յն հյուսեմ:
- Դա հարգանքի ցույց կլինի իմ հանդեպ, իշխան:
- Իսկ եթե միանգամի՞ց մտքինս ասեմ:
- Դա ևս կընկալվի որպես վստահություն: Որպես յուրովի հարգանք, իշխան:
- Ես սիրում եմ յուրովի գործել: Ոչ բոլորի նման:
- Ուրեմն, իմ Տիրիթը պետք է ազնիվ ու անբիծ մնա: Մեր օրերում դա է միակ յուրովին:



Այս հանդիպումը կայացավ Տիրիթի նախաձեռնությունով: Նա երկար ժամանակ գլուխ էր կոտրում հանդիպման վայրը արոշելու համար: Ընտրում էր խելքից, մտքից դուրս տեղեր, որպեսզի աննկատ մնան, և ոչ ոք ոչինչ չկասկածի: Հայր Մարդպետին հայտնի էր միայն, որ Տիրիթն ուզում էր նրան տեսնել «հույժ գաղտնի գործով»: Նա ներողամիտ ժպիտով մերժեց նրա ընտրած բոլոր վայրերը և հանդիպումը նշանակեց պալատի պարտեզի սյունազարդ ճեմելիքում՝ ի տես բոլորի: Դա էր միակ ապահով ու անխոցելի տեղը:

Ջահել աքլորների՞ս տեսեք: Հա ոտքի տակ են ընկնում: Ինչքան էլ շատացե՛լ են վերջերս:

Նա խղճաց այս նիհար, գունատ ու տգեղ պատանուն, որ ոտքից գլուխ ջղերի կծիկ էր: Նա սիրում էր թույլ, անհաջողակ և դժբախտ մարդկանց: Երբ ուժեղ և ազդեցիկ նախարարներից որևէ մեկը, թեկուզ իր թշնամին, անհաջողություն էր կրում և ընկնում պատվանդանից, նա առաջինն էր ձեռք մեկնում, պատրաստ էր անգամ վերջին շապիկը տալ: Բոլոր միջոցներով օգնում էր նրան ոտքի կանգնելու և վերականգնելու նախկին դիրքը: Ոչինչ չէր խնայում դրա համար, ոչ

եռանդ, ոչ դրամ, նույնիսկ սեփական շահն ու անվտանգությունն էր ոտնատակ անում: Բայց հենց որ հասնում էր նպատակին, և ձախողակ նախարարը վերստին դառնում էր առաջվա պես ուժեղ ու աղեկցիկ, Հայր Մարգպետն անմիջապես խզում էր կապերը և սառնությամբ լցվում նրա հանդեպ: Եվ եթե առիթ ներկայանար նրան տապալելու, ինքը դարձյալ առաջինը կլինե՞ր դավադիրների շարքում, քանի ոչ նա, այդ երախտամուրը, իր հարստությամբ ու իշխանությամբ հարբած այդ թշվառականը, խաբել, դավաճանել էր իր բարեբարին, հետևաբար՝ արժանի էր վրեժխնդրություն:

Մերուժանի ավազակախումբը անսխալ ընտրություն էր կատարել հայոց գահի համար, մատը դնելով այս վանուղ և անդուր տղայի վրա: Հայր Մարգպետը համախոհ էր նրանց, բայց և այնպես ավազակախումբ էր կոչում իր հոգուն հարազատ պարսկասերներին: Երբեք չէր մասնակցում նրանց հավաքներին, երբեք չէր բացվում նրանց առաջ, երբեք չէր վստահում խմբովի դրույցներին: Չէր սիրում՝ բռնորին միասին վերցրած, բայց առանձին-առանձին մոտ էր ամենքի հետ և վստահում էր յուրաքանչյուրին:

Իսկ ուրիշ Արշակունի կա՞ր, որ հնարավոր լինե՞ր ընտրություն կատարել: Ներքինինե՛ր, մտովի նրանց հայհուց պալատի ներքինապետը, անպտուղ, անսերմ, անբերրի ներքինիներ: Գնե՛ն էր մյուս Արշակունին, բայց նրան հունասերներն էին արդեն թիրախ դարձրել: Ուրեմն, Տիրիթին ոչ թե ընտրել էին, այլ ինքն էր ընտրվել: Նրա ճակատին գրված էր հայոց թագը կրել գլխին: Նա ստիպված էր դավաճանել հորեղբորն ու զարմիկին: Թեկուզ աշխարհի ամենաառաքինի մարդն էլ լինե՞ր: Ո՞վ է այս խեղճուկրակը, ո՞վ է այս ողորմելին, ի՞նչ է իրենից ներկայացնում, որ դավաճանությունը կամ հավատարմությունը նրա կամքից կախված լինի: Կան երկու արքայազն ու երկու քաղաքական հոսանք: Հետևաբար, նրանցից մեկը բաժին է ընկնում մի հոսանքին, մյուսը՝ երկրորդին: Թպրտալու տեղ չկա, ջահել իշխաններ, բեզ համար էլ չկա. Արշակունի Արշակ, երեքդ էլ պիտի ատեք իրար, երեքդ էլ պիտի դավաճանեք միմյանց: Երկու արքայազն, երկու հոսանք: Եվ մի թագավոր: Պարզ թվաբանու-

թյուն, պարզ ճակատագիր: Ի՞նչ կարող ես անել: Այստեղ ոչ
ինքը մեղք ունի, ոչ արքայագնները, ոչ արքան, ոչ սիրուն
Մերուժանը, ոչ էլ տերտերների պետ ներսեսը: Սողքը մեզ-
նից դուրս է: Եթե կուղես իմանալ, մեղքը հենց այն է, ոտ-
եթե երեք խնձոր ունես և մեկը վերցնում են քեզնից, մնում
է երկուսը: Ոչ թե երեքը, հինգը, տասը, այլ երկուսը: Միա՛յն
երկուսը: Եվ վե՛րջ: Ոչ խղճի խայթ, ոչ տատանումներ, ոչ
վեճ, ոչ կասկած, ոչ զղջում: Երկու խնձոր: Եվ այդ երկուսի
մեջ բարոյականությունը ոչ մի գործ չունի: Բարոյականու-
թյունը թույլ և վիճելի տեղերում է գլուխ բարձրացնում: Սա
էլ քեզ համար, Պարույր Հայկազն, ներիր՝ Պրոքրեսիո՞ս, ճա-
ռերիդ մեջ օգտագործիր մի տեղ, օգտագործիր, օգտագոր-
ծիր, ամոթով չես մնա հոռոմների առաջ:



— Եթե դու ուզում ես իմ օգնությամբ դավ նյութել որևէ
մեկի դեմ, ես պատրաստ եմ քեզ օգնելու, — դիտմամբ հենց
այդտեղից սկսեց Հայր Մարդպետը, որպեսզի դաս տա մո-
տիկի մասին այդքան հեռուներից սկսած իշխանին: — Բայց
եթե այդ մեկ ուրիշն էլ խնդրի քո դեմ դավել, չեմ թաքց-
նում, որ անկարող կլինեմ մերժել:

— Ինչպե՞ս թե, իշխան, — շվարեց Տիրիթը, միանգամից
այդքան բան լսելով:

— Իրավունք ունե՞մ արդյոք խտրություն դնելու, — մի
տեսակ անօգնական ու անպաշտպան դարձավ Հայր Մարդ-
պետը ու թեև նրան թվում էր, թե ինքն այդ պահին դերա-
սանություն էր անում, բայց իրականում միանգամայն
անկեղծ էր ու անմիջական: — Կաջակցեմ երկուսիդ էլ: Թող
հաղթի նա, ով ավելի ճարպիկ է: Բնության օրենքներին մեղք
է միջամտել, իշխան:

— Լավ, լավ, համաձայն եմ, — կարճ կտրեց Տիրիթը, և
հիմա էլ ինքը փորձեց դաս տալ ծերուկին: — Ի՞նչ պետք է
ներշնչես արքային, որ Գնե՛ն ուզում է թագավոր դառնալ:

— Փառանձեմի՞ն ես սիրահարված:

— Ի՞նչ Փառանձեմ, — շփոթվեց Տիրիթը:

— Գնէլի կնոջը:

— Եթե մտքերս կարդաս, ես այլևս չեմ վստահի քեզ,— բռնկվեց Տիրիթը:— Դու պիտի շհասկանաս ինձ, որպեսզի ես քեզ վստահեմ:

— Փառանձե՛մ... Մարմինս քոր է գալիս ամեն գեղեցիկ բանից... Գեղեցիկ ձիուց, կնոջից, բնության պատկերից... — Մի ակնթարթ Հայր Մարգպետն առանձնացավ ինքն իր հետ, միայն մի ակնթարթ, հետո նորից կանգնեց հողի վրա, Տիրիթի կողքին, և արձակեց իր հերթական բախտորոշ վճիռը, պատմական վճիռը:— Դու ճիշտ ես: Պետք է բաժանվեն այդ երկուսը... Երջանկությունը բթացնում է մարդկանց... Դարձնում ծուլ և անզգա... Ճարպակալում է մարդկանց հոգին...

— Բայց դո՛ւ ինչու ոգևորվեցիր, Հայր Մարգպետ,— զգուշացավ Տիրիթը:— Դու չպետք է շահագրգռված լինես: Զպետք է անձնական դրդապատճառ ունենաս: Որպեսզի ավելի հեշտ հաջողության հասնես:

— Մի անցիր իմ սահմանը, իշխան,— բարեհոգի ժպտաց ծերունին:— Գործ չունես, կխճճվես:

— Իսկ Արշակը կհավատա՞:

— Արքա՛ն, որդիս, արքա՛ն,— մեղմ նախատինքով սաստեց Հայր Մարգպետը:— Վայել չէ անունով կոչել նրան:

— Կհավատա՞ Արշակը,— անհամբեր կրկնեց Տիրիթը:

— Կհավատա: Վատ են նրա գործերը:

Սիրուն Մերուժանն ու նրա ավազակները սիրաշահում էին Տիրիթին, առանց հաղորդակից դարձնելու իրենց ծրագրերին: Երևի այդպես էին վարվում նաև հունասերները Գնելի հետ: Ոչինչ, հետո կիմանան: Այն օրը, երբ թագը կղնեն մեկնումեկի գլխին: Բայց շան բախտ ունի այս գունատ պատանին, բանից անտեղյակ՝ հանճարեղ միտք է հղացել՝ աչք տնկելու զարմիկի կնոջը և, զրանով իսկ, մաքրելու իր ճամփան: Ուշադրությո՛ւն, երեք խնձորներից մեկն արդեն առնում են: Եվ դա այնքան արդար ու ազնիվ ճշմարտություն է, որ Հայր Մարգպետը ինչ-որ թթվաշ համ զգաց բերանում և կուլ տվեց թուրը:

— Գիտե՞ս ինչ եմ մտածում, իշխան,— նա ձեռքը թեթե-

վակի հպեց Տիրիթի ուսին, և նրանք սկսեցին դանդաղ քայլել սյունազարդ ճեմելիքում:— Կանցնի հարյուր տարի, այս ծառը կանգուն կմնա, բայց ես ու դու շենք լինի: Դա քեզ չի՞ շարացնում: Ինչո՞ւ ոգին պիտի մեռնի, իսկ նյութը պիտի մնա: Մեր կրքերը, շարշարանքներն ու տառապանքները, մեր ամբողջ պայքարը վերջին շնչի հետ, այ տես,— նա կլորացրեց շրթունքներն ու փչեց,— այսքան հեշտ ու տեսանելի՞ անհետ կորչելու են: Քո այս պահի լարված վիճակը ինչ ասես չարժե, այնպես չէ՞, իշխան: Մի ամբողջ աշխարհ: Եվ ի՞նչ: Մի՞թե վիրավորական չէ. որ սա էլ ոչ մի հետք չի թողնելու: Սեծվա՞ծ բան եմ ասում: Իսկ դու կարո՞ղ ես ավելի մեծ ճշմարտություն ասել, քան այն, որ մենք հիմա քայլում ենք:

— Մենք հիմա մտածում ենք արքային լարել Գնելի դեմ,
— անհամբերությամբ ճշտեց Տիրիթը:

— Մենք հիմա քայլում ենք, իշխան, քայլում: Իսկ քո ասածի մեջ այնքա՞ն վիճելի բան կա:

— Հայր Մարգպետ, դու ինձ վերջնական պատասխան տուր,— հուսահատվեց Տիրիթը: — Կամ այո, կամ ոչ:

— Նախ վերլուծենք, որդիս, վերլուծենք: Տեսնենք ինչ ենք անում: Չսխալվենք հանկարծ:— Եվ նա սկսեց խոսել ինքն իր հետ, անկեղծորեն փորձելով գտնել, թե ինչն է թույլատրելի և ինչը՝ ոչ:— Եթե ոգին ժամանակավոր է, իսկ նյութը՝ մնայուն, ուրեմն, ազնվությունն ու անաղնվությունը հավասար են, ուրեմն, նույն բանն են չարն ու բարին: Է՛լ ինչպե՞ս հավասար չլինեն, ինչպե՞ս նույն բանը չլինեն, եթե մնայուն արժեքը այս ծառն է միայն: Հակառակ պես էլ ինչ աշխանդակ ծառի դեմ առանք... Ուզում ես ասել, որ մարդու գո՞րծն է մնում նրա մահից հետո: Որ ոգին այդ ձևո՞վ է մեզանից հետո նյութ դառնում: Դա իմ ու քո հնարածն է, որպեսզի սիրունացնենք մեր տառապանքը: Ուրեմն, այսպես, սիրելի՛ Տիրիթ, դարմիկի կնոջը սիրահարվելը նույնքան մեղք է, որքան և շիրահարվելը: Եվ արքայի մոտ զարմիկին ամբաստանելը՝ նույնքան անմեղ բան է, որքան և շամբաստանելը:— Եվ նա բարի ժպտաց, քանի որ արդեն գտել էր «այո»-ի ու «ոչ»-ի սահմանումը:— Ուզո՞ւմ ես, շամ-

բաստանենք... Եւ դու կտեսնես, թե դա ևս որքան հնչոտ
բան է...



Պատմիչն ասում է, որ Տիրան թագավորի օրոք Հայաստանը շարունակում էր կուլախնձոր մնալ Բյուզանդիայի ու Պարսկաստանի միջև: Բայց պատմիչը ոչ մի տեղ չի ողբում ռվայելիչ կազմ, թիկնավետ, գեղազանգուր մազերով, վառվռուն աչքերով, հաստ բազուկներով ու երկնազեզ հասակով:» Հայկ Նահապետին, որը, հյուսիս և հարավ, արևելք ու արևմուտք ունեցող այս լայնածավալ աշխարհը թողած, բերեց, երկիրը գցեց ուժեղների ոտքերի տակ, տարանցիկ ճանապարհների խաշմերուկում՝ որպես հավիտենական կուլախնձոր, որպես անեծքի խարան նրա գրոշի վրա:

Կոստանդ կայսրը զբաղված էր արևմուտքի իր հակառակորդների դեմ կռվելով, հույսը դրած Գիոկլետիանոս և Կոստանտին կայսրերի կողմից Միջագետքում կառուցված ամրությունների վրա, որոնք անառիկ պատվար էին պարսկական հարձակումների դեմ: Տեսնելով Բյուզանդիայի թուլությունը, Տիրանը թեքվեց Պարսկաստանի կողմը, թեև չէր մոռանում կայսրին հավատարիմ մնալու պարտականությունը, մանավանդ, որ նա երեք հոգու պատանդ էր ուղարկել Բյուզանդիա՝ իր փոքր որդի Տրդատին ու երկու թոռներին՝ Տրդատի որդի Գնելին ու իր մեռած անդրանիկ զավակի տղային՝ Տիրիթին: Երեք նապաստակ, որոնք գիշեր-ցերեկ մաքրում էին իրենց համար նախատեսված տապալկները, հետևում, որ կրակարանը հանկարծ շհանգչի, և ամեն օր տիրոջը պնակների վրա մատուցում իրենք իրենց...

Երբ Կոստանդ կայսրը 348 թվականին, արևմուտքի հետ հաշիվներն արդեն փակած, անձամբ պատերազմի գնաց Շապուհի դեմ, Տիրանն ստիպված էր միանալ նրան՝ ընդդեմ իր բարեկամ պարսիկների: Սինգարայի մոտ պարսիկները ջախջախեցին բյուզանդացիներին, և Տիրանը շարաշար պատժվեց: Շապուհը կուրացրեց Խոան, ինչպես հնում Նաբուգոդոնոսորը Սեղեկիային՝ Ղուղայի վերջին թագավորին, որ հանդգնել էր ապստամբել Բաբելոնի դեմ, թեև հենց

այնտեղից էր ստացել իր թագը: Տիրանը ոչ այնքան տանջվում, որքան ամաչում էր իր կրած ահապոր պատժի համար. որովհետև ինչ-որ ծիծաղելի-ողբերգական բան կար գրա մեջ կամ որ նույնն է թե՛ հայի անհեթեթ բախտ: Ախր նա պարսիկների բարեկամն էր, պարսիկների՝, և ուրիմն, պետք է բյուզանդացիներին՝ դեմ կռվեր, բայց. փետուրի պես գամու բերանն ընկած, ձեռքերն ու ոտքերը կապկպված, միացավ բյուզանդացիներին ու կռվեց պարսիկների դեմ: Թշնամի բյուզանդացիները պետք է կուրացնեին նրան, դա էր տրամաբանությունը ամեն ազգի համար. բայց ո՛չ հայի, և բարեկամ պարսիկները նրան կուրացրին: Միայն մի բան չես հասկանում այսքանից հետո. էլ ինչո՞ւ են քեզնից պատանդներ ուղում...

Շատուհը հայոց թագը տվեց Տիրանի միջնեկ որդուն՝ Առշակին. իսկ Կոստանդ կայսրը, նոր արքային սիրաշահելու և իր կողմը քաշելու համար, ազատ արձակեց երկու արքայազուն պատանդներին՝ Գնելին ու Տիրիթին:



Գործարքը կնքվեց, և Տիրիթը հանգստացավ: Գեմքի մկանները, որ ջղաձգումից ասես խախտել էին իրենց դասավորությունը, եկան ու տեղն ընկան: Նա անմիջապես վերափոխվեց, անճանաչելի դարձավ և մի ժայրահեղությունից հասավ մյուսին: Հիմա նրա հայացքի մեջ ինքնավստահություն կար, զարմանալի անհոգություն ու թեթևություն: Արդեն հովանավորի պես էր իրեն պահում, կարծես, այդ գործարքը կնքելով, նա շտեսնված լավություն էր արել Հայր Մարդպետին, և Հայր Մարդպետը մինչև կյանքի վերջը պետք է երախտապարտ լիներ նրան:

— Բայց իմացիր, Հայր Մարդպետ, հրաշալի տղա է իշխանը, — ուղիղ նրա աչքերին նայելով, հանդիստ ասաց Տիրիթը:

— Հայաստանում չկա մի նախարար, որ չսիրի նրան, — տեղնուտեղը վրա բերեց Հայր Մարդպետը:

— Նրանք իրենց զավակներին հանձնել են Գնելին, որ-

պեսզի գաստիարակվեն նրա բարի օրինակով,— ջերմեռանդ ավելացրեց Տիրիթը

— Նա անզուգական զինվոր է ու մարդիկ,— նույն ոգով շարունակեց Հայր Մարդպետը:— Սուսերամարտի, նշանա-
ռության և գունդ նետելու մեջ գերազանցում է բոլորին:

— Ի՛նձ էլ է գերազանցում,— հպարտությամբ ավելացրեց Տիրիթը:

— Գթասիրտ է, աղնիվ, ընկերասեր,— բարեխղճորեն թվարկեց Հայր Մարդպետը:

— Եվ փառավոր ամուսին,— խանդաղատանքով շեշտեց Տիրիթը:— Շատերը կնախանձեին նրանց երջանկությանը:

— Ես հիացած եմ քեզանով,— ասաց Հայր Մարդպետը, իսկապե՛ս հիացած նրա անամոթությամբ ու անպատկառու-
թյամբ:

— Չմոռանաս, որ նա իմ հորեղբոր որդին է,— արժա-
նապատվությամբ հիշեցրեց Տիրիթը:

Եվ Հայր Մարդպետը, որ կյանքում հազար ու մի բան էր տեսել մինչև այս տարիքին հասնելը, մասնակցել հազար ու մի անագնիվ գործարքի, նա, որ սովոր էր ոչնչով չզար-
մանալ, ոչնչից չապշել և ոչ մի բանից չխորշել, հիմա մի տեսակ կեղտոտված համարեց իրեն, ինչ-որ լպրծուն և թաց բան զգաց մաշկի վրա: Ծիշտ է, նա ինքը ևս ընդունակ էր այդպիսի հանդուգն անպատկառության, նույնիսկ ավելի նողկալի, ավելի գարշելի, բայց մի՛ջն ինքը և ոչ ուրիշը: Կար մի սահման, որից այն կողմ նա չէր ներում ուրիշներին ստորությունը և անկեղծորեն վրդովվում: Ընդհանրապես, նա մի զարմանալի հատկություն ուներ՝ դեռ հեռվից ստորության հոտն առնելու, նույնիսկ այն ստորության, որ նոր էր ծնվում, նոր էր ձևավորվում, և եթե ինքը մասնակից չէր դրան, աշխատում էր ամեն գնով խեղդել այն, թույլ չտալ, որ լույս աշխարհ գա, դժբախտացնի ազնիվ ու շիտակ մարդկանց, իսկ եթե հնարավոր էր՝ նաև պատժել հեղինակ-
ներին: Որովհետև նրանց արարքները հիմնված էին մերկ և անձնական նեղ շահերի վրա, շունեին բարոյական կամ իմաստասիրական հենարան: Տեսություն շունեին ոտքերի տակ:

— Ես ուրախ եմ, որ դու սիրում ես քո գարմիկին: Ես ծեր եմ և աղտերով լի: Քշնամանք և նախանձ կարող են միայն իմ մեջ ծագել: Լավ է, որ քո մեջ չկա: Քեզ համար շուտ է դեռ:— Եվ Հայր Մարդպետը հենց այնպես, իմիջի- ալոց, նույնիսկ հագիվ լսելի ձայնով, ավելացրեց.— Միայն ափսոս, որ ուզում է թագավոր դառնալ:

— Մի՞թէ թերութուն է երիտասարդութունը, մի՞թէ մեղք է տաքարյուն և անփորձ լինելը,— արդեն վերջնակա- նապես իր դերի մեջ մտած, ամբողջ հոգով ու սրտով վար- միկին պաշտպանեց Տիրիթը:— Խափանիր նրա մտադրու- թյունը, Հայր Մարդպետ: Ի սեր աստծո, խափանիր: Նրա իսկ լավության համար:

— Նաև մեր: Նաև արքայի ու հայրենիքի.— Տիրիթի լացակումած ձայնից և հուզմունքից ամաշխով, ուղղեց նրան Հայր Մարդպետը:— Ես կաշխատեմ ճշգրիտ խմանալ նրա մտքերը: Բայց որ իմանամ էլ, գաղտնի կալահեմ քեզնից: Քող այսքան վաղ շխտովի քո հոգին:

Սա որ թագավոր դարձավ, առաջինն իմ գլուխը կուտի: Բոլոր նրանց գլուխները, ովքեր քիչ թե շատ օգնել են նրան՝ գահին տիրանալու: Եվ նա այդ կանի ոչ թե ուժից, այլ թու- լությունից: Թուլությունից է, որ կծնվեն կասկածներն ու վախերը: Հետո հերթը կգա այն գլուխներին, որոնց միջոցով նա հաշվեհարդար տեսավ մյուսների հետ: Եվ այսպես շարունակ: Մինչև այն գեղեցիկ օրը, երբ հանկարծ կպարզ- վի, որ նա, իր թուլության շնորհիվ, դարձել է ուժեղ թագա- վոր:

— Ես քեզ կվարձատրեմ, իշխան,— գործնական ասաց Տիրիթը:— Առատ: Շատ առատ:

— Հետո, հետո,— նեղացավ Հայր Մարդպետը:— Մի փշացրու գաղափարը:

Գլուխ հինգերորդ

Ներսեսը ինչ-որ ծանոթ ու հարազատ աղմուկ լսեց: Քիչ է ասել լսեց: Աղմուկը, որ մինչ այդ դարան մտած սպասում էր նրան, ապտակի պես հանկարծակի իջավ դեմ-

քին, դաղեց, կսկծեց, այրեց երեսը, կարծես հիշեցնելով նրա դավաճանութիւնն ու դասալքութիւնը:

Սուսերամա՛րտ էին խաղում պալատին կից միհարկանի շինութեան մեջ: Հակառակի պես՝ առավել անզուսպ ու կատաղի, քան սովորաբար: Սրբրի հարվածները, պողպատի զրնգուն և ազնիվ ձայնը, որ թունդ էր հանում նախկին զինվորի ու սենեկապետի հոգին, հիմա հնչում էր որպես ինքնավար մի դավանանք, որպես առանձին աստվածութիւն: Եվ եթե Քրիստոսին ուրանալն է պղծութիւն, ապա ինչո՞ւ և ինչո՞վ պղծութիւն չէ առհասարակ որևէ հավատի ուրացումը: Ինչո՞ւ այդ նույն Քրիստոսը չպիտի պախարակի քեզ, որ դու դավանում ես նրան, մի ուրիշ բանի ուխտագանց լինելով: Ո՞րն է այստեղ արդարութիւնը: Չէ՞ որ ներսեսն իր ամբողջ կյանքում, իր ամեն մի քայլով, գովերգել, փառաբանել է մարմնի ուժն ու գեղեցկութիւնը, աշխարհիկ տաք վայելքները, առողջ և անամոթ կենսասիրութիւնը, այդ ամենը ապրելու սովորական կերպից վերածել է հավատի, բարձրացրել պատվանդանին և պաշտամունք դարձրել: Իսկ հիմա ձևացնում է ամենայն լրջութեամբ, թե երակների մեջ արյունը հանդարտ հոսում է իր համար, չի խենթանում, չի փրփրում, չի ընդվզում տիրոջ դեմ, որ բազուկները շեն ուռչում ժանգոտած, ծուլացած ուժից, որ ձեռքերը շեն կարոտում սրի կամ թրի կովանը, շեն կարոտում շոյանք ու քնքշութիւն: Եվ հոգու այս անմիտ աղքատացումը, այս վայրենի ամայացումը, այս անխիղճ մզումը իբր հոգուն ծառայել է նշանակում: Ինչպե՞ս ես դիմանում, աստված, քո ծառաների փարիսեցիութեանը, երեսպաշտութեանը, չէ՞ որ դու հո լավ գիտես, որ ես և իմ նմանները քծնում ենք քեզ, հետևաբար, գործում մեծագո՞ւյն մեղքը, քեզ հավասարեցնելով հասարակ մահկանացուներին:

Ներսեսը սփրթնեց ու վախեցավ: Որովհետև ներքին մի թուլուկ և անհանգիստ ուժ նրան մղում էր խելառ պոռթկումի՞ դեն նետելու սև ու երկար սքեմը, կրնկով խփելու սատանայաբար գայթակղեցնող այս դռանը, ներս խուժելու, առաջին իսկ պատահած մարդու ձեռքից խլելու սուրը և նետվելու կովի: Նա ինքն իրենից կլուծի իր զրկանքների

վրեժը, կհանի արհեստական կյանքով ասորիլու ոխը իրն-
նից և, ամենակարևորը, դաս կտա այս փսլնքոտներին, թե
ինչպես են շնչում պողպատե սրին, ինչպես են սիրաշահում,
ինչ գաղտնի ու անկրկնելի բառեր են փսփսում նրան, ինչ-
պես են անքակտելի դաշն կապում հետը և ինչպես, ինչպե՛ս
են հաղթում նրա հետ ձեռք ձեռքի տված: Գոռացեք, ոգևոր-
վեք, թպրտացեք և ինչո՞ւ չգոռաք, ինչո՞ւ չոգևորվեք ու
չթպրտաք, եթե ձեզ հետ չէ ձեր լավագույն ախոյանը, ձեք
ամենաուժեղ հակառակորդը: Թեև տխրեիք պիտի: Թեև
կարոտեիք պիտի: Կատուն չքացել է, և մկներն են հրապա-
րակ ելել: Մկների տոն է, մկների խրախճանք: Այս ի՞նչ օրի
հասար, ներսես: Մի՞թե դու արժանի էիր ամենասուրբ հայր
լինելու:

Բայց փառք երկնավորին, հազար սաղմոս թող ձոնվի
նրան, որ ներսեսն այդ պահին փրկության ելք ուներ:
Անհետաձգելի գործ էր սպասում նրան: Մի գործ, որի մե-
ծությունը կասկածից վեր էր: Երկրի բախտն էր հիմա նրա
ձեռքին: Նրա ու թագավորի: Եվ այդ բախտը չէր կարող
երկու ձեռքերի մեջ մնալ: Կամ ինքը պիտի խլեր այսօր
ևեթ, կամ թագավորը: Կամ ամենայն հայոց կաթողիկոսը
այսօր պիտի հաղթեր, կամ արքան: Իմ մեջ կուտակված ուժն
ու հաստատակամությունը թող նվեր լինեն ձեզ, իմ անցյալի
բարեկամներ ու ախոյաններ, կովեցեք առանց ինձ և բարի
հիշեցեք մեղավորիս, ես դրանք կծախսեմ ուրիշ մենամար-
տում: Արքայի՛ դեմ:

Բայց և այնպես... Նա կյանքը կտար ստուգելու համար,
որ եթե այդ մեծ պարտքը հիմա չլիներ ուսերին, եթե ազատ
ու անգործ լիներ այս պահին, ուժ կգտնե՞ր արդյոք իր մեջ՝
թքելու ամեն ինչի վրա և տղամարդու պես համարձակ՝
վերադառնալու դեպի իր անձը, դեպի իր նախկին դավանան-
քը...

Եվ նա տխրեց, շա՛տ տխրեց այն մտքից, որ, ո՛չ, չէր
գտնի...

Ու այդ տխրությանն ապավինած, այդ անվտանգ տխրու-
թյամբ զրահավորված ու մխիթարված, իրեն լրիվ ապահո-
վագրած, նա խաղաղ ժպիտով մտավ պալատ:



Արքան իմացավ, որ Ներսեսը սպասում է գահաստրահի ընդունարանում և հրեխայի պես շփոթվեց: Հավաքեց սպիտակ պատմուճանի փեշերը և պալատի սյունազարդ ճեմելիքից, որտեղ նա հարցուփորձ էր անում հազարապետ Վարազ Գնունուն՝ տարվա հարկերի մասին, շտապեց դեպի պալատ: Թեև գիտեր, անշուշտ, որ կաթողիկոսն արդեն Հայաստանում էր և հենց ինքն էր նախարարների մի խումբ ուղարկել, որպեսզի սահմանի վրա, Առյուծ լեռան մոտ գիմավորեին նրան, բայց և այնպես նա հանկարծակիի եկավ: Մանավանդ, որ Ներսեսը հայտնվել էր առանց շքախմբի, առանց պատշաճ հանդիսավորութան: Ո՞վ է այս քահանայապետը, որ վերադարձել է Կեսարիայից: Ի՞նչ տեսակ մարդ է այս նորընծա հայոց կաթողիկոսը: Արդյո՞ք կճանաչի նրան: Կհիշի՞: Իբ հորաքրոջ որդո՞ւն, իր հարազատի՞ն, իր արյունակցի՞ն: Եվ ինչո՞ւ ինքը չի կարողանում զսպել ոտքերի արագ ընթացքը, չի կարողանում սանձել իր ներքին տագնապը: Անհամբերությունի՞ց, որ ըոպե առաջ ստանա այս հարցերի պատասխանը, թե՞ պարզապես կարոտից, զարմիկին գրկելու, կրծքին սեղմելու բուռն ցանկությունից: Նա միշտ սիրել է Ներսեսին, թող այդ մեկը լավ իմանա, թե անի ականջին: Եթե արքան չլիներ, նա մինչև կյանքի վերջը կմնար սովորական զինվոր ու սենեկապետ, որին պիտի հրամայեին, բռնին աչ ու ձախ, հետը վարվեին այնպես, ինչպես կամենային: Զէ՛, նա թույլ չէր տա, չէր հանգուրժի այդ անպատվությունը: Այդ էր պակաս, որ արքայի թի տակ նրա սիրելի մարդուն նսեմացնեին: Պարզ չէ՞ միթե, որ ես բեզ մեծագույն պատիվները պիտի տայի, դարձնեի իմ փոխանորդը, նստեցնեի իմ կողքին, ինձ հավասար: Ի՞նչ կա այստեղ զարմանալու: Հորաքրոջ որդի: Եթե իմ տեղը լինեիր, դու էլ նույն կերպ կվարվեիր: Ասա, կվարվեիր, թե ոչ: Զէ, չէ, ասա, խնդրո՞ւմ եմ, ասա: Կվարվեիր, կվարվեիր: Ես բեզ լավ եմ ճանաչում: Գիտեմ բո ազնվությունն ու վեհանձնությունը: Եվ նա հանգստացավ, նրա փոխարեն պատասխանելով: Ես հավիտյանս երախտապարտ կլինեի բեզ, ինչ էլ օր անեիր, թեկուզ իմ համոզմունքներին

Նակառակ բան, չէի կանգնի քո ճամփին, ոտք չէի մեկնի, որ սայթաքես ու ընկնես: Կաթողիկոս շի ներսեսը, ոչ էլ ինքն է արթա, չէ՞ որ այդ բարձրագույն անուններից բացի կա նաև արյան կապ, մոտիկ ազգակցություն, տեսակի նույնություն: Ի՞նչ նրա մատից արյուն գա, իր սիրտն է մղկտալու: Հապա էլ ո՞ւմ սիրտը: Եթե նրա ոտքը փուշ մտնի, իր հոգին է ցավելու: Հապա էլ ո՞ւմ հոգին: Իսկ եթե իրեն մի բան պատահի, զարմիկի աչքերից է քունը փախչելու, նա է գիշերցերեկ տանջվելու: Հիմա, հիմա, ներսես, մենք մեր կարոտը կաննենք իրարից... Ավելի արագ չեմ կարող քայլել, շունչս կտրվում է... Հիմա, հիմա...

Ընդունարանի դուռը բաց էր, և նա հեռվից տեսավ հորաքրոջ որդու լայն ուսերը: Կռահեց, որ սև զգեստները լավ էին նստում վրան և շատ էին սազում նրան, և դա բնազդորեն մի մութ ու անբացատրելի անհանգստություն պատճառեց իրեն: Նա դանդաղեցրեց քայլերը և ոտքերն այնպես զգույշ գցեց միջանցքի գորգապատ հատակին, որ ծպտուն իսկ չլսվի: Հասավ դռանը և ահա ուր որ է պիտի ներս մըտնեի, բայց սիրտ չարեց ու արագ ետ դարձավ: Մի պահ ամբողջ մարմնով հենվեց միջանցքի պատին, շունչը տեղը պեցեց, ուժ հավաքեց և ապա, ընդզոված ինքնավստահությամբ, ձեռքերը լայն տարածած, մտավ ընդունարան:

— Ա՛, Վեհափառ, դու վերադարձել ես Կեսարիայից... Ի՞նչ են խոսում մեր մասին... Ինչքան քիչ խոսեն, ինչքան քիչ հիշեն, այնքան լավ... Ի՞նչ նորություն...

— Ամենամեծ նորությունը քո արարմունքն է, — միանգամից պայթեց ներսեսը: — Սա ի՞նչ անխոհեմություն է: Սա ի՞նչ մանկամտություն է: Քո ամեն մի քայլը մի անակնկալ է: Մի՞թե չգիտես, որ ամբոխի ձեռքը շի կարելի ուժ տալ:

Արթան նոր գլխի ընկավ, որ իրենք ոչ ողջագուրվեցին, ոչ էլ մարդավարի բարեեցին իրար: Դա բնավ չզարմացրեց նրան, ոչ էլ հուսախաբ արեց: Այլ կերպ չէր էլ կարող լինել: Արշակավանը պիտի կատաղեցներ այս կանացահանգերձ մարդուն:

Նա բաց արեց գահասրահի երկփեղկ, ոսկեգույն դուռը, թեթևակի գլուխ տվեց կաթողիկոսին և նրան ներս հրավիրեց:

Ընդարձակ գահասրահի պատերին ամրացված էին եզ-
ջերուի և վարազի գլուխներ, սրեր, դաշույններ, նետեր,
աղտեններ ու տեգեր: Պատվանդանի վրա դրված էր գահը՝
քարձր թիկնակով, լայն բազուկներով, որոնք վերջանում էին
առյուծի գլուխներով, իսկ գահի վրա և ոտքերի առաջ փռված
էին հովազի մորթիներ:

Արքան դիտմամբ շնտեց գահին, այլ տեղավորվեց ներ-
սեսի կողքին, մի ուրիշ բազկաթոռի վրա:

— Մի՞թե այսպես պետք է լիներ մեր առաջին հանդի-
պումը, ներսես,— խոր ափսոսանքով ասաց նա, ձեռքը
մտերմաբար դնելով զարմիկի ծնկին:

— Այս ի՞նչ քառս ես ստեղծել երկրում,— նույն վրդով-
մունքով շարունակեց Նիրսեսը, և արքային թվաց, թե ծերու-
նական մարմնի վրա երիտասարդ մարդու զուլիս էր դրված,
որովհետև նրա տարիքին չէին սազում ոչ այդ տոնը, ոչ էլ
այդ խոսքերը:— Ոտնակոխ ես արել օրենք ու սրբություն...
Ջնջել ես տիրոջ ու ծառայի սահմանները... Անիշխանություն
է տիրում չորս կողմը... Թույլ ես տվել, որ մարդկանց մութ
բնազդներն արթնանան... Արշակավանը լցրել ես տերերից
փախած ծառաներով... Ծտ վերցրու հրամանդ, քանի հրա-
բուխը չի ժայթքել... Քանի չի պայթել աղետը...

Արքան վեր կացավ, դանդաղ քայլերով ու մռայլ դեմքով
բարձրացավ պատվանդանի վրա, մտեցավ գահին, մի պահ
այդպես անշարժ կանգնեց, ապա հենց որ շրջվեց, դեմքին
անմիջապես ժպիտ երևաց, ու նա նստեց իր սովորական
տեղը, այցելուից բարձր ու հեռու:

— Ասե՛մ գինի բերեն: Վաղուց խմած չես լինի:

— Ինչպե՞ս ես համարձակվում, արքա,— շփոթվեց
Ներսեսը:

— Դե լավ, մի քաշվիր, մենք ու մենք ենք, Վեհափառ:
Դու միշտ էլ գինու սիրահար ես եղել: Ուրեմն, զգեստիդ
գույնը փոխելով, դո՛ւ էլ փոխվեցիր:

— Ինչպե՞ս է պտտվում լեզուդ, արքա՞,— շղիմացավ ու
ընդոստ վեր կացավ Ներսեսը:

Լավ է, որ գոնե գավազանը շխտեց գետնին, թե ոչ ավելի

ևս կարվեր երիտասարդ շէմքի ու զառամյալ մարմնի հասարակությունը:

— Մենք հո լա՛վ ենք ճանաչում իրար, Վեհափառ,— անփուլթ շարունակեց արքան, համառորեն շնկատելով Ներսեսի զայրույթը:— Հիշո՛ւմ ես, ինձնից մի օր էիր խնդրում... Մինչև առավոտ... Ես մերժեցի քեզ... Չեմ էլ հիշում, թե ինչի համար էիր խնդրում... Բայց խիղճս տանջում է մինչև հիմա... Տալիս եմ այդ օրը, Վեհափառ... Ի սրտե... Որդեաբար...

— Ես նամակով իմ բողոքը կհայտնեմ կայսրին, և քո բոլոր նախարարները կստորագրեն այդ բողոքի տակ,— սպառնաց գունատված կաթողիկոսը և զավազանը խփեց գետնին:

Արքան վեր թռավ տեղից, նետվեց դեպի կաթողիկոսը, չոքեց նրա առջև, համբուրեց ձեռքը և, աչքերը նրան հռոտած, նախատինքով շնչաց.

— Ներսե՛ս...

— Մի ստիպիր նզովել քեզ,— է՛լ ավելի ինքնավստահ դարձավ Ներսեսը, հրճվելով, որ իր սպառնալիքը ազդեց արքայի վրա:— Դու խախտեցիր երկրի բոլոր հիմքերը... Գոնե աստծուց վախեցիր...— Ապա մեղմությամբ և հաղթած մարդու մեծահոգությամբ դիմեց ծնկաչոք արքային.— Վերացրու Արշակավանը... Հաշտվիր նախարարների հետ...

— Միայն մի դեպքում:— Արքան վեր կացավ և ընդգծված բծախնդրությամբ սկսեց մաքրել պատմուճանի փոշին:— Եթե հիշեցնես, թե ինչի համար էիր խնդրում այդ մի օրը: Այն էլ՝ մինչև առավոտ:

— Գիտե՞ս, թե ով է այսօրվանից քո ամենամեծ հակառակորդը:

— Դո՛ւ, — ժպտաց արքան:

— Եվ դա քեզ չի՞ վախեցնում:

— Եատու Շա՛տ է վախեցնում: — Արքայի խոստովանութունը միանգամայն անկեղծ էր, և դա է՛լ ավելի շփոթեցրեց Ներսեսին: Արքան ձեռքը դրեց կաթողիկոսի ուսին, հասկացնելով, որ նա պետք է նստի: Եվ, իրոք, Ներսեսը նստեց: Ար-

բան անշտապ վերադարձավ իր տեղը ու հանգիստ տեղավորվեց գահի վրա: Ամեն ինչ՝ ըստ կարգի ու պատշաճի: Հիմա արդեն կարելի էր գործնական տոնով շարունակել խոսակցութիւնը ամենայն հայոց կաթողիկոսի հետ:— Ենթադրինք, թե Արշակավանի համար անցար նախարարների կողմը և կովեցիր իմ դեմ: Պատրաստ եմ ընդունել նույնիսկ, որ դու ինձ կհաղթես: Իսկ քո ծրագրե՞րը: Չէ՞ որ ծրագրեր ունես: Եվ ինչ հանդու՛ղն, ինչ փայլո՛ւն ծրագրեր: Դու մտադիր ես ամենուրեք բաց անել գալրոցներ, անկելանոցներ, ուրկանոցներ, աղբատանոցներ, որբանոցներ, հիվանդանոցներ ու շքեաններ: Տեսնո՞ւս ես, որքան ուշադիր եմ կարդացել նամակդ և որքան մանրամասն եմ հիշում: Որովհետև տպավորվել, մեխվել է ուղեգիս մեջ:— Հանկարծ ձայնը տհաճորեն բարակեց, և նա, առանց տրամաբանական անցումի, սկսեց ծղրտալ:— Իսկ ո՞վ է հոգալու այդ բոլոր ծախսերը: Կարծեմ պետութիւնը, ե՛ս, այնպես չէ՞:— Հետո, նույնքան անսպասելի, կրկին անցավ գործնական տոնի:— Ես քեզ փող կտամ: Շատ փող: Եվ հողեր: Իսկ դու, փոխարենը, շեռ խառնվի Արշակավանի գործերին:

— Գնե՛լ ես ուղում ինձ,— վիրավորվեց ներսեսը:

— Բայց որքան թա՛նկ գնով, Վեհափառ:

Հեզնանք շկար նրա խոսքի մեջ: Նա իրոք չհասկացավ, թե ահագին գումար և հողեր ստանալու գեպքում ի՞նչ կար այդտեղ վիրավորական: Մի՞թե նա շքիտեր, որ եթե կովի է մտնում, ապա կողմերից մեկը պիտի հաղթի, մյուսը՝ պարտվի: Հո շե՛ն կարող երկուսն էլ հաղթել կամ երկուսն էլ պարտվել: Է՛. շեղա՛վ, շեղա՛վ, Վեհափառ, շի կարելի սպիտակ ու փափուկ ձեռքերով կովի նետվել: Սովորիք բերծվել մի քիչ. ցավ զգալ, տղամարդու պես սեղմել ատամները: Ո՞վ է կուգես իմանալ, վիրավորականը հենց այն է, որ դու սկզբից նեթ վստահ էիր քո հաղթանակին և չէիր սպասում, որ ինքդ ծեծ կուտես: Որովհետև չէիր հարգում ինձ:

— Դու կարող ես հանգիստ խզճով համաձայնել այս գործարքին.— ոգևորված սկսեց համոզել արքան. ազնիվ ու բնական վստահությամբ, թե աշխարհում չկա մի բան, որ

ինքը շկարողանա գնել:— Ապա կշոփ վրա դիր քո ծրագրերը և Արշակավանք: Ո՞րն է ավելի կարևոր ու հրատապ: Քո՞ տեսանկյունից, քո՞ Պարզ շի՞, որ՞ ծրագրերը: Կա՞վ, ենթադրինք, թե ինձ հաղթեցիր: Բայց արժե՞ արդյոք քո ծրագրերը զոհել հանուն այդ հաղթանակի: Թեկուզև կարևոր հաղթանակի:

— Ես շատ եմ ուզում, որ իրականանան իմ բարեգործությունները,— խեղճացավ ներսեսը և ճգնեց անպայման բացատրել, նույնիսկ ապացուցել, թե ինչու ինքը համաձայնելուց բացի ուրիշ ոչ մի ելք չունի:— Շատ եմ ուզում, արքա:

— Հատ որում՝ առաջին անգամ ամբողջ հայոց պատմության մեջ,— նույն ոգևորությամբ սիրա տվեց նրան արքան, և այդ պահին երկուսն էլ կարծես համախոհներ էին, որոնք մի ընդհանուր գործի էին լծված:— Եվ դու տես, թե որքան կլավանա ժողովրդի վիճակը: Ուրեմն՝ նույնքան էլ կպակասի դժգոհների թիվը և կթուլանա Արշակավանք: Նույնիսկ ավելորդ կդառնա: Տեսնո՞ւմ ես, ես քեզ չեմ զրկում Արշակավանի դեմ կռվելու հնարավորությունից: Նույնիսկ ինքս եմ քեզ զենք տալիս: Եվ, առհասարակ, ինչո՞ւ ես այդքան անհանգստանում, չէ՞ որ նախարարները ձեռքները ծալած չեն նստի և ինչ որ հարկն է՝ կանեն Արշակավանի դեմ:— Չայնը աննկատելիորեն խստացավ ու մետաղի երանգ մտավ մեջը:— Բայց առանց քո անմիջական մասնակցության, Վեհափառ: Առանց քեզ:

— Ես իրավունք չունեմ համաձայնելու այդ գործարքին,— հուսահատ բացատրեց ներսեսը, այսինքն, նա պատրաստ էր համաձայնելու, միայն թե՛ հասկանալի իրեն, ըմբռնեին իր վիճակի անելանելիությունը:— Եվ ընդհանրապես որևէ գործարքի:

— Բայց չէ՞ որ, Արշակավանը կառուցելով, ես էլ եմ քո նման հոգում ժողովրդի մասին,— անարդարության դեմ առնելով, մի պահ նեղացավ արքան:— Ծիշտ է, ի՞նչ տեսանկյունից, բայց հոգում եմ, չէ՞: Էլ ինչո՞ւ ենք վիճում, Վեհափառ, ինչո՞ւ ենք թշնամանում:

— Ես ու դու պարտավոր ենք ամբողջի մասին հոգալու, բայց ուժ տալ ձեռքին՝ երբեք:

— Համաձայնիր, համաձայնիր, Վեհափառ, եթե ուզում ես օգնել ժողովրդիդ.— վրա տվեց արքան, զգալով իր մոտալուտ հաղթանակը: Միայն թե աստված ուժ տա, որ վերջին հարվածները լինեն դիպուկ ու ճշմարիտ, որովհետև միշտ չէ, որ դիվանագիտութիւնը պետք է ստի վրա հիմնվի:— Մինչև ե՞րբ պիտի մեր ժողովուրդը խավարի մեջ մնա, Վեհափառ: Մինչև ե՞րբ Պարույր Հայկազնները ասպարեզ չպիտի գտնեն իրենց հողի վրա և օտար երկրներ մեկնեն: Մտածե՞լ ես երբևիցե, թե ինչու ոչ ոք այս երկրում մեծութիւն չի դառնում: Քթներիս տակ ապրում են, իսկ մենք չենք էլ նկատում, բանի տեղ էլ չենք դնում: Բավական է օտար տեղ ընկնեն ու համբավի տեր դառնան, որ մենք հպարտանանք նրանցով, կուրծք ծեծենք, երգվենք նրանց անուններով: Մինչդեռ այդ մարդկանց պահել, պահե՞լ պիտի կարողանալ:

Արքան գոհ էր իր ճառից: Ոչ միայն գոհ էր, այլև համաձայն էր իր մտքերին: Եվ խանդավառութիւնով էր լսում իրեն: Նա չէր կարող շխտատվանել, որ թեև այս մարդը հենց առաջին իսկ քայլից հակադրվեց արքային, բայց խելացի էր ու հեռատես: Ավելի վատ արքայի համար: Ներսեսը գիտեր, որ քրիստոնեութիւնը ոչ հարկադրանքով, ոչ էլ դատարկ քարոզներով չես ամրապնդի ժողովրդի մեջ: Հարկավոր էր ժողովրդի գիտակցութեան մեջ ներարկել Քրիստոսի հավատը, ժողովրդականացնել նոր կրոնը: Իսկ ամեն մի նոր կրոն իր առավելութեան շոշափելի ապացույցն է պահանջում, թեկուզ՝ ժամանակավոր, թեկուզ՝ սկզբի համար: Տվյալ դեպքում՝ ամենահարմար ապացույցը բարեգործութիւնն էր:

— Եթե այդքան պաշտպանում ես իմ ծրագրերը, ինչո՞ւ ինքդ չիրագործեցիր դրանք.— տեղին ու ժամանակին հարցրեց Ներսեսը:

— Որովհետև նա չեմ կարող հենց այնպես մարդասիրութիւն շաղ տալ շքու կողմը, եթե դա չի կապվում երկրի մեծ շահերի հետ,— ժպտաց արքան, գնահատելով զարմիկի հարցը և ափսոսալով, որ Մերուժանի կողքին՝ ևս մի արժանավոր հակառակորդ ավելացավ:— Ես էլ, իմ հերթին, նոր

հավատ պիտի հաստատեմ, ներսես... Արշակավա՛նը... Քո հավատը՝ եկեղեցու հանդեպ, իմը՝ երկրի:

— Նեղն ես գցում ինձ, արքա: Դու գիտես, թե որքան բուռն է իմ ցանկությունը, որ մարդասիրություն իշխե այս երկրում, և օգտվում ես դրանից:

— Մի համոզիր, Վեհափառ, մի համոզիր, որ ստիպված ես զիջում ինձ: Դու մեծ նպատակը, Արշակավանի դեմ կռվելը, զոհում ես հանուն առավել մեծ նպատակի: Քո ծրագրերի՛:

Արքան ծափ տվեց, և ներս մտավ սպասավորը, սկուտեղի վրա մի բաժակ գինի և մի բաժակ օշարակ բերելով: «Ինձ էլ օշարակ», — պահանջեց արքան՝ որպես հաշտության ու համաձայնության ցույց: Նա մինչև վերջ զզվանքով խմեց քաղցր օշարակը, մտքում հայհոյելով դիվանագիտության ստորությունը, իսկ ներսեսը ձեռք շտվեց բաժակին:

— Ես խորապես շնորհակալ եմ, որ դու կատարեցիր իմ առաջադրանքը, — երախտագիտությամբ ասաց արքան, շրկեց զարմիկի ուսը և գորովանքով սեղմեց կրծքին: — Հաստատ գիտեմ, որ իմ հրովարտակը ոչ մի ազդեցություն չէր ունենա նվաբիոսի վրա, եթե դու ճարտար լեզու թափած չլինեիր:

— Իրավացի ես, — խայթեց ներսեսը: — Քո հրովարտակը բանի տեղ զնող չկար: Ես ինքս գլուխ բերեցի այդ գործը: Միայն ինքս:

— Սա այնքան մեծ հարց է, որ բնավ կարևոր չէ, թե ում ջանքերով է լուծվել, — պարզ սրտով առարկեց արքան: — Եվ ես համառորեն շնորհակալություն պիտի հայտնեմ քեզ:

— Պարտավոր ես հայտնել: Եվ ոչ թե մեկ, այլ տասն անգամ: Եվ ոչ թե տասը, այլ հարյուր անգամ: — Եվ այդ նույն բանը կրկնելով, նա հետզհետե ավելի շղայնացավ ու կորցրեց իրեն: — Եվ ոչ թե հարյուր, այլ հազար անգամ:

— Բայց մենք. հս ու դու, արքան ու կաթողիկոսը, էլ ի՛նչ ասեմ, ինչպե՛ս բացատրեմ, մենք միասին, մեր համատեղ ջանքերով, անկախ դարձրինք հայ եկեղեցին, — իր հերթին բորբոքվեց արքան: — Ո՛վ պետք է դրանում ավելի շահագրգռված լինի, է՛ս, թե՛ դու:

— Դ՛ո՛ւ,— աստիու՞թյամբ պատասխանեց Ներսեսը:

Բանն այն էր, որ արքան, Ներսեսին Կեսարիա ուղարկելիս, մի հրովարտակ էր տվել նրան, ուղղված կաթողիկոսների կաթողիկոս Երանելի Ծվսեբիոսին: Այդ հրովարտակում նա պահանջում էր, որ Ներսեսը ձեռնադրվի ոչ միայն հայոց եպիսկոպոսապետ, այլև պատրիարք ինքնագլուխ: Հույն եկեղեցին արևելյան քրիստոնեա եկեղեցիների համար եպիսկոպոսից բարձր միայն մի աստիճան էր ճանաչում՝ կաթողիկոս կամ եպիսկոպոսապետ, որը հավասարվում էր հույների մետրոպոլիտին կամ արքեպիսկոպոսին, բայց ոչ պատրիարքին, որ ամենաբարձր աստիճանն էր դիտվում եկեղեցական կարգի մեջ: Եվ հենց դրա համար էլ, պատրիարք շունեցո՞ւ հայ եկեղեցին մինչև հիմա ենթակա էր եղել հույն եկեղեցուն, բայց այսուհետև դառնում էր անկախ և ինքնուրույն:

— Ես չարաչար սխալվեցի, և իմ սխալը հետնորդներիցս ոչ մեկը չի ների ինձ,— Ներսեսը շարությամբ նայեց արքային, իսկ արքան շկարողացավ զսպել ժպիտը, որի մեջ շթաքցրած լիքը նենգութուն կար:— Եթե սրանից հետո դու դժգոհ լինես ինձնից, կարող ես հեշտությամբ ինձ կարգալուծ անել: Առանց հույն եկեղեցու համաձայնության:

— Եվ, ուրեմն, հայոց եկեղեցու կախումը հույն եկեղեցուց ավելի նախընտրելի է, քան նրա անկախությունը,— լրացրեց արքան:

— Քան թե նրա կախումը թագավորի իշխանությունից,— ուղղեց Ներսեսը:

Նա վերցրեց գավազանը և լուռ քայլեց դեպի դուռը: Դռան մոտ շրջվեց, երկար, շատ երկար նայեց արքային, և արքան, ի պատիվ իրեն, շփախցրեց աչքերը:

— Համենայն գեպս, ես գնահատում եմ թո խորամանկությունը: Շա՛տ նենգ խորամանկությունը:— Եվ Ներսեսը անսպասելիորեն ծիծաղեց: Մի տեսակ բաց թողեց իրեն և ազատագրվեց իր սանձերից: Ծիծաղեց ոչ թե որպես կաթողիկոս, այլ որպես զարմիկ: Եվ քանի որ արքան կարոտել էր իր զարմիկին ու փնտրում էր նրան, նա ևս ծիծաղեց: Ու երկուսով լիցքաթափվեցին:— Քո անաստված ժրագիրն իրա-

կանացնելու, Արշակավանը կառուցելու համար դու պատ-
րաստ ես նույնիսկ աստվածահաճ գործ կատարել: Տեր ընդ
քեզ:



Ինչ էր մնում անելու պարտված, հուսալքված ու թեւ-
թափ հայոց կաթողիկոսին: Եթե առաջ լիներ, այն ազատ ու
օրհնյալ օրերը, նա գինու մեջ կլողար վշտից, կսուզվեր
մինչև կարասի հատակը, կգառնար գինի մղելու պարզուտ,
գմբիշ-գավազան, որով հարում են գինին՝ բարվոքելու հա-
մար, կամ ամբողջ հոգով ու էությամբ կփարվէր, կպլվեր
դմբիշին՝ բուսոց խրճիկի պես, որն իր համն է տալու ջահել
ու խելառ գինուն, և իր տառապանքներն իրենց դառը համը
կհաղորդէին աստվածային հեղուկին, ստիպելով նրան մի
օրում հասնել, դառնալ հին ու ընտիր:

Հետո կպառկեր վարձակի հետ, ամենատգեղ վարձակի,
ամենատարիք՝ տ, որն իր թառամած, կախ ընկած ստինք-
ների վրեժը կհաներ այս ջահել ու նվնւլան լակոտից, որպես
կարապի երգ, որպես եռուն անցյալի հրաժեշտ, իր ուժերի
վերջին մնացորդներն ի մի հավաքելով ու մինչև վերջ ծախ-
սելով, որովհետև հաստատ գիտեր, որ այսուհետև ամռան
գիշերները լինելու են տաք, իսկ ձմռան գիշերները՝ ցուրտ:
Եվ չի խախտվելու ոչ մի տրամաբանութուն: Ու այդ գեր-
հասուն էգի հետ պառկելով, նրա հյութերն անգթորեն և
դաժանաբար քամելով, նա մոռացության կմատներ իր ցավն
ու տանջանքը, որովհետև ցավ ու տանջանք կպարգևեր մեկ
ուրիշի:

Այն ազատ ու օրհնյալ օրերը...

Իսկ հիմա նա մի մխիթարություն ունի միայն: Վանքի
խցերից մեկում ապրում է իր հորեղբորորդին՝ Վրեկը, իր
գանձը, իր գյուտը, իր հայտնագործությունը, որը նրա համար
թանկ է նույնքան, որքան իր ծնունդը, իր Սահակ որդին,
վաղաժամ մեռած Սանդուխտ կնոջ ու իր պտուղը:

Նա դուրս եկավ Տրդատա գոնից, նստեց չորս կողմից փակ
երկձի կառքը, որի մեջ շքեղ ու կակուղ մի բազմոց կար՝
չըշապատված նվարտաններով՝ փեղկերի բաժանված ճոխ

վարագույրներով: Վանքը շատ մոտ էր պալատին, և նա շուտ տեղ հասավ: Կառքից գցեց իրեն, շտապ մտավ վանք և անհամբեր պահանջեց, որ իրեն առաջնորդեն Վրիկի խուցը: Խցի առջև երկու վիթխարահասակ աբեղա էին կանգնած, որոնք հսկում էին մուտքը:

Ներսեսը մտավ խուցը, ապշած կանգնեց պատի տակ և հափշտակված նայեց իր հորեղբորորդուն:

Վրիկը քարե կիսամութ խցում, քարե նստարանին նըստած, հունարեն բառեր էր գրում մոմատախտակի վրա և այնքան կլանված էր իր գործով, այնքան կենտրոնացած ու խորասուզված էր իր պարտականության մեջ, որ շնկատեց ամենայն հայոց սրբին:

Ներսեսը խաղաղ ու բարի ժպտաց:

Մի ակնթարթում նրա բոլոր հոգսերն ու ցավերը դուրս մղվեցին մարմնից, և մի շտեմնված հանգստություն հոսեց երակների միջով, թեթևացրեց նրա հոգին:

Նա լրիվ մխիթարված էր: Նրա տառապանքը լրիվ փոխհատուցված էր: Եվ նա երկնքից մինչև գետին երախտապարտ էր իր զարմիկին:

Վրիկը գլուխը բարձրացրեց, նկատեց կաթողիկոսին, բայց առանձնապես վերաբերմունք չցուցաբերեց: Նորից կախեց գլուխը, որովհետև դեռ մի բառ էլ էր մնում նախադասության ավարտին: Հետո կրկին նայեց Ներսեսին և մի ծուռ ժպիտ երևաց հոգնած ու սմքած դեմքին:

Ներսեսը մոտեցավ նրան, աչքերը հառեց մոմատախտակին ու երանություն և կարգաց հունարեն բառերը. «Թագուհին Հոռոմ թագավորի բանին»: Դա այն արձանագրությունն էր, որ Հոռոմում գրված էր Պրոտերեսիոսի պղնձե արձանի վրա: Բանամրցության մեջ նա հաղթել էր հույն հակառակորդներին, և Կոստանդ կայսրը, անունը փոխած հայի պատվին, արձան էր կանգնեցրել հեռավոր Հոռոմում:

— Երջանի՞կ ես, Վրիկ,— սրտի դողով շշնջաց Ներսեսը:

Վրիկը, դատապարտյալի ժպիտը դեմքին, գլխով արեց:

— Լավ է, չէ՞, գրել-կարդալ իմանալը:

Վրիկը գարձյալ գլխով արեց, այս անգամ՝ ավելի ջանասիրությամբ:

— Միայն հունարե՞ն ես գրում: Թե՞ նաև ասորերեն,—
քնքշությամբ ու խանդաղատանքով հարցրեց Ներսեսը:

— Ասորերեն էլ,— շշուկով պատասխանեց Վրիկը, կար-
ծես մի մեծ գաղտնիք վստահելով նրան:

— Իսկ ուզո՞ւմ ես ամուսնանալ... Ընտանիք կազմել...
Տուն-տեղ ունենալ... Կին, երեխաներ...— շունչը կտրած,
հարցրեց Ներսեսը, անհամբեր պատասխանի սպասելով:

Վրիկը լուռ էր: Դեմքի վրա մի քանի մկան խաղացին:
Անցյալի ինչ-որ մոռացված բան էր ուզում արթնանալ նրա
մեջ, աչքերը փորձեցին նախկին փայլն ստանալ, կոկորդի
մեջ ձայն էր հավաքվում, որն ուր որ է սլիտի դուրս հոր-
դեր, պիտի ժայթքեր, սրբեր, տաներ ամեն ինչ, հունարենն
ու ասորերենը, խուցն ու վանքը, Պարույր Հայկազնին ու
Ներսես կաթողիկոսին, դռան մոտ կանգնած երկու վիթխարա-
հասակ արեղաներին... Այս ամբողջ երջանկությունը... Բայց
այդ թաքուն ուժն այնքան խորն էր, այնքան հեռու և այն-
քան մոռացված, որ դեռ չվերածնված, դեռ շարթնացած,
խեղդվեց, համրացավ:

Ի՞նչ նա գլխով արեց: Ուզո՞ւմ էր ամուսնանալ: Ուզո՞ւմ էր
ընտանիք կազմել: Ուզո՞ւմ էր տուն-տեղ ունենալ: Կին,
երեխաներ...

— Լիքը, լիքը երեխաներ,— անկիրք փսիսաց նա:
Ու անձայն քրքշաց:

Գլուխ վեցերորդ

— Ճաշել եմ ուզում, Հայր Մարդպետ:

Ոչ էլ ուզում էր: Պարզապես գժվում էր ուրախությունից,
հրճվում իր հաղթանակով: Ինչո՞ւ է սա տարբերվում այն
ճակատամարտերից, որ Վասակ սպարապետն է ղեկավարում
թշնամու գերազանցող բանակների դեմ: Համենայն դեպս՝ ոչ
իր նշանակությունամբ: Արշակավանի գործերից կաթողիկոսին
մեկուսացնելը ուղիղ կեսն է հաջողության: Բայց արի ու տես,

որ Վասակի հաղթանակները տեսանելի են ու շահեկան, ավելի գեղեցիկ են և տպավորիչ, իսկ արքայինը՝ սևագործ հաղթանակներ են, չորս պատերի մեջ պարփակված, հրապարակման ոչ ենթակա: Ի վերջո, եթե շիտակ խոսենք, Վասակն ավելի ժողովրդականություն է վայելում, քան արքան: Եվ ընդհանրապես սպարապետների աստղն ավելի է բռնում, քան արքաներինը: Ես չեմ ժխտում ոչ քո տաղանդը, ոչ խիզախությունը, ոչ էլ նվիրվածությունը: Բայց, ինչ ուզում ես ասա, քո գործի մեջ դերասանություն պես մի բան կա, թատերական մի հմայք, գույնզգույն դրոշներ, պղնձե փողերի գոտեպնդող կանչ, նժույզների դոփյունն ու խրխինջ. արևի տակ փայլիլող սրեր ու սաղավարտներ... Ռազմի դաշտում մեռնելու մեջ անգամ ավելի վեհ ու առնական մի խորհուրդ փառ, քան պալատի սյուներից մեկի տակ՝ անկյունից նետահարված կամ թունավորված: Էլ չեմ ասում՝ հաղթանակից հետո... Ռ՝վ է իմ ոտքերի տակ գորգեր փռել, Ռ՝վ է ծաղիկներ նետել, Ռ՝վ է ինձ ինքնամոռաց կեցցե՞ գոչել: Ճիշտ է, փռել են, նետել են, գոչել են, բայց՝ իմ պաշտոնյաների կազմակերպելուց հետո, Ռ՝չ ինքնաբուխ, Ռ՝չ տարերային: Մի խոսքով, քեզ ավելի է ծափ հասնում, քան ինձ: Տոնը քեզ հետ է միշտ, իսկ առօրյան՝ ինձ: Գիտե՞ս ինչն է ինձ մխիթարում... Այն, որ գուցե դու էլ ինձ ես նախանձում... Եթե ուզում ես, որ մեր այսքան տարվա սերը անխախտ մնա, նախանձիր ինձ, գոնե մի քիչ նախանձիր... Եղբայրաբար խնդրում եմ քեզ... Որպեսզի ես կարողանամ այսուհետև ևս սիրել քեզ...

— Հայր Մարդպետ, հրամայիր, թող բաց անեն արքունի մատանները և առատ մթերք ուղարկեն Արշակավան:

Հայր Մարդպետը հազիվ էր բերանը բացել և դեռ հայտնել էլ չէր՝ զգուշորեն առարկելու՞ էր, թե՞ գոհունակություն էր հայտնելու, երբ արքան բարկացած գոռաց.

— Ասում եմ՝ առատ մթերք ուղարկեն Արշակավան...

Միայն թե պարտվելու զգացողությունը ծանր կնստի Ներսեսի ուսերին: Հանգիստ չի տա նրան: Վրեժխնդրության կմղի: Իսկ այդպիսի վրեժից վախենալ է պետք: Եվ ընդհանրապես ամեն հաղթանակից հետո վախենալ է պետք: Բայց

Ներսեսն այս անգամ գուցե ների նրան, հը՞: Աստ-ված իմ, ինչ լավ կլիներ, եթե ներեր: Ինչ երջանիկ ու ապա-հով կզգար իրեն արքան: Գուցե փողը հանգստացնի նրան: Հապա իր նվիրելիք ընդարձակ հողե՞րը: Արքայական գան-ձարանը վնաս է կրելու, անհատուցելի վնաս: Անշափ թանկ է նստելու այս հաղթանակը: Եվ մի՞թե ես քեզ հաղթեցի, Ներսես: Վիճելի է, շատ է վիճելի: Չէ՞ որ ես ուժեղացնում, ամրապնդում եմ քո իշխանությունը, և օրերից մի օր քո հեղինակությունն այնքան կմեծանա, որ արդեն կսկսի վտանգ սպառնալ ինձ: Տեսնո՞ւմ ես, երկուսս էլ խաբած ենք ու խաբված: Արի քարը փեշիցդ թափիր, և թող ոչ ոքի հա-մարվի այս խաղը:

— Հայր Մարգպետ, Եփրեմ ազատին ասա, որ սպասի ինձ... Ես անպայման ազատ ժամանակ կգտնեմ և ճատրակ կխաղամ նրա հետ... Ես միայն նրա հետ եմ կարողանում իսկապես հանգստանալ...

Ապրում ես, ապրում, մտածեց արքան, ու շես իմանում, թե ինչի համար: Հետո հանկարծ հայտնագործում ես գո-յությունդ իմաստը: Եվ տա աստված, որ այդ իմաստը վե-րածվի ոչ թե բառերի, այլ որոշակի մարմին ստանա, միս ու արյուն դառնա: Եվ ծնվի Արշակավանը: Բախտից հալած-վածների միջոցով նոր ուժ և նեցուկ ստեղծելու գաղափարը: Այդ ժամանակ գուցեև պարզվի, որ կյանքիդ ամեն մի քայլը, առանց իմանալու, առանց գիտակցելու, նվիրել ես Արշա-կավանին, քո գոյություն իմաստին, քո մոլությանը, քո սե-ռուն գաղափարին: Ինչ-որ հարցում, ասենք, զիջել ես մեկին և այսօր կարող ես վստահությամբ պնդել, որ Արշակավանի համար ես շեղել: Երկու նախարար վիճել են իրար հետ, և, զիցուք, դու անցել ես երկրորդի կողմը, էլի՞ Արշակավանի համար ես շեղել: Երկու նախարար վիճել են իրար հետ, և զիցուք դու անցել ես երկրորդի կողմը, էլի՞ Արշակավանի համար ես անցել: Այդ բոլոր մեծ ու փոքր անցքերը, ժրաջան մեղվի պես, հյուսել ես իբար, համբերությունամբ ի մի հավաքել, գիզել, բայց ոչ թե գումար՝ ու ես միմյանց, այլ համադրել. ոչ թե ավելացրել ես մեկը մյուսին, այլ դասա-կարգել, ու բավական է, որ ընդհանուր օղակից հանես թե-

կուզ շնչին թվացող մի դեպք, և Արշակավանը չի լինի, որ
ընդհանուր շղթայի մեջ խախտես որևէ հաջորդականություն,
և Արշակավանը չի լինի, որ այդ կապի մեջ քանդես որևէ
համադրություն, և չի լինի, հասկացիր, չի լինի Արշակավանը:
Ուրեմն... Ա՛յ քեզ բան... Ուրեմն, ես ճիշտ եմ ապրել...
Մտքովս էլ չէր անցնի... Իհա՛րկե, ճիշտ եմ ապրել, քանի
որ այդ հազար ու մի բարդ հաշիվները այսօր եկել ու ինձ
հասցրել են մինչև Արշակավան: Ինչ-ինչ, բայց այս մեկը
անակնկալ հայտնություն էր: Մի հայտնություն, որից կարող
ես միայն ժպտալ մի հիմար ժպիտով, անհարմար զգալ ինքդ
քեզնից և այս տարիքիդ, այս դիրքիդ ու կոչումիդ, կույսի
պես շառագունել, որովհետև հիմա ինչ-որ մեկը անպատկա-
ռությունամ նայում է ուղիղ աչքերիդ և անամոթաբար գո-
վեստներ շաչյում քո հասցեին, երբ ոչ նա է հավատում
իր խոսքին, ոչ էլ դու: Հետաքրքիր է, համենայն դեպս: Պարզ-
վում է, որ ճիշտ ես ապրել, տասնվեցերորդ Արշակունի:
Ճիշտ ես ապրել ու չես իմացել: Մեկ է, գլուխս չի մտնում:
Ով-ով, բայց ես ինքս հո լա՞վ գիտեմ, որ եթե հարկ է եղել
խաբելու, խաբել եմ, եթե պետք էր անազնիվ բան անել,
արել եմ, եթե անհրաժեշտ էր դաժան լինել, եղել եմ, եթե
անխուսափելի էր սուտ երդում տալը, տվել եմ... Ինչ ասես,
որ չեմ արել... Նա պատրաստ էր հնարավորին չափ մե-
ծացնելու իր մեղքերը, խոստովանելու այնպիսի բաներ,
որ մինչև հիմա խնամքով թաքցրել էր իրենից, նույնիսկ
հնարելու, միայն թե շատ լինեին մեղքերը, խոշոր, ահավոր,
աններելի... Դրանք հիմա արժեք ունեին, փոխել էին իրենց
նախկին էությունը, հպարտության առարկա դարձել: Իսկ
դու... Դո՛ւ, դո՛ւ, ամենայն հայոց կաթողիկոս... Ինձ հո չե՞ս
խաբի, քեզ հո չե՞ս խաբի, որ դժբախտ ես նոր հանդերձ-
ներիդ մեջ, որ անիծում ես այն օրը, երբ սուրդ խլեցին քո
ձեռքից, բազուկներիդ ուժը կապանքի տակ դրին, անցյալդ
այրեցին, վառեցին զգեստներիդ հետ: Դո՛ւ, որ ամբողջ
կյանքդ ազնիվ ես եղել, շիտակ, հավատարիմ, խիղախ...
Նա հոժարակամ ավելացրեց նրա բարեմասնությունները,
նույնիսկ հնարեց, միայն թե շատ լինեին զարմիկի առաքի-
նությունները, խոշոր, անհատնում, անհաշվելի... Եվ դու,

ուրեմն, սխալ ես ապրել... Եթե հասել ես այս օրին, էլ ի՞նչ կասկած, իհարկե սխալ ես ապրել: Որովհետև գոյութիանդ ամեն մի քայլը նվիրել ես այս օրվան, որովհետև կյանքիդ մեծ ու փոքր դեպքերը այնպես են դասավորվել, այնպես են հաջորդվել, որ շղթա առ շղթա, օղակ առ օղակ քեզ բերել, հասցրել են քահանայապետութիան: Դե արի ու գլուխ հանիր, թանկագին զարմիկ: Ծա իմ սխալներով ճիշտ եմ ապրել, գտել եմ իմ Արշակավանը, կյանքիս իմաստը, իսկ դու, առանց սխալների, ճիշտ չես ապրել ու դարձել կաթողիկոս, ավելին՝ ինքնագլուխ պատրիարք, որի սանձերը արքայի ձեռքին են: Ինչ խոսք, որ ես անսահման ուրախ եմ այս անսպասելի շրջադարձի համար, բայց և այնպես չեմ կարող, թեկուզ քեզ հետ միասին, չբացականչել: Ե՛ր քեզ աշխարհ, ա՛յ քեզ առեղծված...

— Միայն թե արյուն չթափվի, Հայր Մարդպետ,— հանկարծ խոժոռվեց ու անհանգստացավ արքան:— Իսկ Արշակավանն առանց արյան չես կառուցի:

— Գիտեմ, արքա, գիտեմ,— հառաչեց Հայր Մարդպետը:— Ծա էլ հենց այն ասին եմ մտածում, թե ինչպես խուսափենք արյունից:— Նա մի պահ լռեց, որպեսզի իր հետագա խոսքերը տեղ հասնեն ու տպավորվեն արքայի ուղեղում:— Դրա համար մի քանի հոգու գլուխ է պետք, արքա:

— Մի քանի հոգո՞ւ: Շատ է մի քանի հոգին: Տանել չեմ կարող անվանական սպանություն: Իսկ հազարների արյունը անուն չունի:

— Մարդասեր եղիր, արքա, խղճի մտքք գործիր: Ավելի լավ է մի քանի հոգու զոհել, որպեսզի հազարավորների կյանքը փրկվի:— Եվ քանի որ արքան տարված էր իր հակասական մտքերով, Հայր Մարդպետը կարող էր ազատ քրքշալ:— Բացի այդ, հետաքրքիր է, երբ սպանությունն անուն ունի: Մի մոռացիր, որ ես զինվոր չեմ, արքա: Ծա պայատական եմ:

Արքան սովոր չէր մեծ և արտակարգ ուրախությունների, չէր հավատում դրանց իսկությունը և դրա համար էլ թույլ չէր տալիս իրեն՝ մինչև վերջ հանձնվելու երջանիկ ու հարեցնող տրամադրությանը: Ինքն-սպաշտպանությունը նրան

մղում էր վերահաս ուրախությունը մթազնելու իր առօրյա հոգսերով ու ցավերով:

— Բայց դու այնպես ես խոսում, որ եթե կողմնակի մարդ լիներ, կմտածեր, թե առնվազն մարգասպանների հետ գործունի,— բարեհոգի ժպտաց արքան:— Ասա, ասա, մի քաշվիր:

— Բայց մենք ոչ թո, ոչ էլ իմ օգտին էինք խոսում, արքա:

— Ուզում ես ասել՝ Արշակավանի՞: Միավորված հայրենիքի՞: Կլինի՞, Հայր Մարդպետ, ես քեզ խոստանում եմ,— հանդիսավորությամբ հայտարարեց նա, կարծես դեմք մի ամբողջ բազմութուն հավաքված լինելու:— Հազարավոր մարդիկ են փախել Արշակավան: Նույնիսկ իմ ծառաներից շատերը...— հրճվանքով շեշտեց նա:— Ինձնից, ինձնի՞ց են փախել... Եվ իմ նախկին թշնամիները հիմա դաշնակից են ինձ... Պատկերացնում եմ նախարարների թթված մոռութեները... Ո՞նց են ինձ հայհոյում... Ո՞նց են ինձ անհիծում... «Այդ ամբարտավան Արշակունուն սանձել է պետք»... Լսեցի՞ր Արծրունյաց իշխանի ձայնը... «Այդ սև և մազոտ թագավորին ես ծնկի կբերեմ»... Ծանաչեցի՞ր Կամսարականի ձայնը...

— Լսեցի և ճանաչեցի, արքա,— անվրդով պատասխանեց Հայր Մարդպետը:— Բայց դու շատ հարգալիր արտահայտվեցիր քո մասին: Հավատացնում եմ, որ նրանց հայհոյանքն ավելի թունդ և ավելի սրամիտ կլինի:

— Ծաշել եմ ուզում, Հայր Մարդպետ,— ոգևորված կրկնեց արքան, այսինքն, թող իմ բարձր տրամադրությունը օրենք լինի ամբողջ պալատի, ամբողջ մայրաքաղաքի և ամբողջ երկրի համար:— Հրամայիր, թող բաց անեն արքունի մառանները և առատ մթերք ուղարկեն Արշակավան: Ու Եփրեմ ազատին էլ ասա, որ սպասի ինձ: Ես ժամանակ կկորզեմ և անպայման ճատրակ կխաղամ իմ մանկության ընկերոջ հետ:

— Ինչո՞ւ էր իշխան Գնելն ապրում Այրարատում, արքա,— պարզ հետաքրքրասիրությամբ հարցրեց Հայր Մարդպետը, կարծես ինչ-որ բան հիշելով, որը հենց նոր, այ հենց հիմա, այս վայրկյանին ծնվեց նրա գլխում: Իսկապես՝ ինչո՞ւ— Մի՞թե նրան հայտնի չէր, որ արքայազուն իշխաններից

Այրարատում իրավունք ունի աւլրելու միայն թագածա-
ռանգը:

— Ուրեմն, Գնելն է,— սփրթնեց արքան Մարդպետի դա-
ժան ու անակնկալ անցումից:— Ի՞նչ ես ուզում, Հայր Մարդ-
պետ:

— Ինչո՞ւ քո հայրը Գնելին տվեց իր ամբողջ ունեց-
վածքը, գյուղերն ու դաստակերտները և հատկապես այն
բանից հետո, երբ դու Գնելին քշեցիր Այրարատից,— էլ
ավելի հանգիստ շարունակեց Հայր Մարդպետը և դարձյալ
այնպիսի անշահախնդիր տոնով, որ կարող էր միայն նույն
հարցն առաջ բերել՝ իսկապե՞ս, ինչո՞ւ:

— Գուցե իմ հայրը իր Տրդատ որդուն ավելի՞ էր սի-
րում, քան ինձ,— փորձեց պաշտպանվել արքան, նախընտրե-
լով մարդկային սովորական բացատրութիւնը: Սակայն բա-
ցատրութեան այդ ձևը չբավարարեց նրան:— Մտքի՛նդ
ասա:— Հետո կտրուկ բարձրացրեց ձեռքը և շթողեց խո-
սիլ: Ուզում էր էլի պաշտպանվել: Թող Մերուժանի՛ն աչքը
խոթեն, Կամսարականի՛ն, բղեշխների՛ն, թեկո՛ւղ Վասակին
(աստված մի արասցե), բայց ո՛չ հորը, ո՛չ եղբոր որդուն,
ո՛չ ներսեսին:— Ծս Գնելին հրամայեցի հեռանալ Այրարա-
տից: Եվ իմ հոր անեծքին արժանացա: Հայրս ու եղբայրս
այդ օրվանից թշնամացան ինձ հետ: Ի՞նչ կա այստեղ ան-
բնական: Ծս էլ նույն կերպ կվարվեի:— Զէ, այս մեկնարա-
նութունն էլ նրան թերի թվաց: Շատ էր մարդկային: Շատ
էր հարմար: Շատ հասկանալի էր ու տեսանելի: Եվ հենց
որանք էին դրա թուլութիւնը:— Մտքի՛նդ ասա, մտքի՛նդ:

— Կայսրը պատանդ Գնելին հյուպատոսի կոչում տվեց և
ուղարկեց Հայաստան,— Հայր Մարդպետն առանց կրթի ար-
ձանագրեց փաստը և ազնիվ մտահոգութեամբ լարեց հիշողու-
թիւնը, թե էլ ի՞նչ կարող է այսպես պատահարար մտա-
բերել:

— Ինչո՞ւ այսքան անժամանակ խոսք բացեցիր, Հայր
Մարդպետ,— արքան թշնամարար նայեց Հայր Մարդպե-
տին, քաջ իմանալով, որ այս մարդը չի խաբի, չի համար-
ձակվի: Ոչ ոք չի հանդգնի խաբել իրեն: Եվ նա հիմա ավելի
շատ վախենում էր իր ուժից, հեղինակութիւնից, իշխանու-

թյան անսահմանափակութիւնից, որոնք երբեք կասկածի տեղ չէին թողնում:— Հետո՞:

— Ինչո՞ւ կայսրը, բացի հյուպատոսի կոչումից, նրան տվեց նաև մեծ զանձեր և ահագին փող...:

— Իմ դե՞մ ուղարկեց,— սկսեց բութ մատի եղունգը կրծել արքան:— Ինչո՞ւ:

— Այո: Դու մերժեցիր կատարել կայսրի հրահանգը և նրան զորք շտվիր պարսիկների դեմ կովելու համար:

— Ինչո՞ւ ես հիշեցնում այդ հեռավոր անցքերը, Հայր Մարդպետ,— զայրացավ արքան, որովհետև արդարանալու պահանջ էր զգում արդեն:— Ի՞նչ գուժ ես ուզում հաղորդել ինձ:

— Դու զանազան կերուխումների ժամանակ բազմիցս հոխորտացիր, թե Աքիլլեսից էլ ավելի քաջ ես ու արի: Եվ թքել ես կայսրի վրա:

— Հոխորտացե՛լ եմ,— չդիմացավ ու գոռաց արքան:— էլ ի՞նչ տանտեր, որ իր տանն էլ չհոխորտա:

— Բայց կայսրը, քեզ պատժելու համար, սպանեց իր մոտ պատանդ մնացած Տրգատ եղբորդ, Գնելի հորը:

— Հետո՞:

— Դու կներեի՞ր, արքա,— մեղմ հարցրեց Մարդպետը: Այնքան մեղմ, որ արքան ցնցվեց:

— Բայց ես անուղղակի եմ նրա մահվան պատճառը դարձել,— խեղճացավ արքան, կարեկցանք ակնկալելով Հայր Մարդպետից:— Աստված է վկա՝ անուղղակի...:

— Հորն սպանել, իսկ որդուն հյուպատոսի կոչում տալ... նաև մեծ հարստութիւն...— տարակուսանքով ուները թոթվեց Հայր Մարդպետը:— Հակասութիւն չկա՞ այստեղ, արքա:

— Կա՛, կա՛, կա՛,— իրեն կորցրեց արքան:— Ի՞նչ ես ուզում ինձանից:

Եվ նրա այդ պարզունակ ու անօգնական հարցով երկու բան խառնվեց իրար. իր մեղքերն ու փաստերի ժանրութիւնը: Մեկը խանգարում էր մյուսին: Վրեժի ցանկութիւնն ու մեղքի գիտակցումը քաշում էին միմյանց փեշից և խլացնում իրար:

— Ինչո՞ք թո՞ թշնամի նախարարները իրենց զավակներին հանձնեցին Գնելի դաստիարակությանը: Ինչո՞ւ հանկարծ բոլորը միաժամանակ սիրեցին նրան:

— Փշացրիր ախորժակս, Հայր Մարդպետ,— մոնչաց արքան:— Շանսատակ անեմ այդ լակոտին:

— Մի շտապիր, արքա,— հուսախարվեց Հայր Մարդպետը, հաջողության հոտն առնելով: Մի տեսակ թևաթափ եղավ: Կորավ նախկին թրթիռը, վտանգի հմայքը, խաղի սրությունը, որից մարդու շունչն է կտրվում: Եվ անմիջապես աչ կողի վրա զգաց իրեն տանջող ամենօրյա ծերունական ցավը:— Ի սեր աստծո, մի կորցրու զգաստությունդ:

— Ուրեմն, թագավո՞ր է ուզում դառնալ,— կարծես վանդակի մեջ ընկած, պատեպատ էր խփում իրեն արքան:— Ուրեմն, թափո՞ւր է գահը:

— Ապացույց է պետք, արքա, ապացույց:

— Էլ ի՞նչ ապացույց: Մի՞թե քո բոլոր ինչունները ապացույց չէին:

— Բայց դու գիտեիր այդ բոլորը, արքա: Չէ՞ որ նորություն չէր քեզ համար:

— Գիտեի առանձին-առանձին: Կողք կողքի չէի դրել երբեք:— Ծվ ամուր բռնեց նրա օձիքից:— Դո՞ւ ինչու դիրի:

— Քո անսահման ուժն ու իշխանությունը քեզ դյուրահավատ են դարձրել, արքա:— Բայց ո՞ւմ հանդեպ՝ ի՞ր, թե Գնելի, այդպես էլ անորոշ մնաց: Եվ նա արժանապատվությամբ արքայի ձեռքերը հեռացրեց իր օձիքից:

— Ինչ կա որ, թող դառնա, — այս անգամ արդեն գիտակցաբար իրեն խեղճացրեց արքան,— եթե շատ է ուզում, ուրեմն, մի բան գիտի... Ինձնից երիտասարդ է, եռանդով լի... Ոնց որ թե հիմար էլ չի, չէ՞, Հայր Մարդպետ...

— Հաշտվեցի՞ր արդեն, արքա:

— Վաղուց եմ հաշտվել,— թուլացած, գահի պատվանդանին նստեց արքան, և մի զարմանալի անտարբերություն ու ծուլություն իջան նրա վրա:— Հոգնել եմ գահին կառչելուց, պալատական խարդավանքներից, ինձնից, քեզնից. քո կոկոսից... Թող գան, թող ուրիշներն էլ փորձեն... Թող ուզենան բան անել, ու ոչ ոք չհասկանա նրանց... Թող մե-

եակ մնան... Ինձնից էլ մննակ... Մենա՛կ, մենա՛կ, մենա՛կ, ջա՛տ մննակ... — Հայր Մարդպետը վերցրեց հոաստեղ շարժական ջահը, զգուշորեն դրեց արքայի առջև և աննկատ մի կողմ քաշվեց: Արքան պարզեց ձեռքերը, սկսեց տաքաց- նել և շարունակեց ծերունու պես փնթփնթալ ինքն իրեն: — Իսկ ես կգնամ Արշակավան, նոր արքայի համար հող կփո- րեմ, գինի կխմեմ, կսովածանամ, կքնեմ իմ տկլորների հետ... Բայց կընդունե՞ն որ, Հայր Մարդպետ... Զէ՞ որ նրանք ատում են ինձ... Ես էլ՝ նրանց... Պատկերացնո՞ւմ ես, եթե երկու ատող կողմերը հանկարծ իրար միանան... Ինչեր ասես շեն անի... Աշխարհը շուռ կտան... Ի՛նչ Բյուզանդիա, ի՛նչ Պարսկաստան, ի՛նչ նախարարներ... — Մարած աչքերում նորից փայլ երևաց, նորից հայացքը կենդանացավ, և նա վեր թռավ տեղից: — Այ սա՛ Գնելը չի հասկանա... Ոչ ոք չի հաս- կանա բացի ինձանից...

Իհա՛րկե ինքը, միա՛յն ինքը արժանի է այս երկրի գլխին կանգնելու: Ոչ թե բռնությամբ, խորամանկությամբ, հազար և մի աղտոտ միջոցներով, այլ միանգամայն արդար ու ազնիվ փաստարկներով: Ասեք, ասեք, ինչքան ուզեք ասեք, մի՞թե ես առարկում եմ, որ փառասեր եմ, փառասեր եմ, ինչո՞ւ չէ, մինչև ուղն և ծուծը փշացած, վայելքներից խեն- թացած, հարստությունից հղիացած... Ավելացնե՞մ էլի... Սակայն չէ՞ որ եթե Գնելը լինի թագավոր, նույն բանն է գառնալու: Ուրեմն, այս կետի վրա, մինչև այստեղ, մենք հավասար ենք: Երկվորյակ ենք: Նույն կաղապարից ելած: Հայելի՛ միմյանց համար: Բայց շարունակությունը լսիր, եղբոր որդի, շարունակությունը: Ես ծրագիր սեռեմ այս կոր- ծանվող երկրի համար, սատանայական ծրագիր: Գո՞ւ ինչ ունես: Ունե՞ս որևէ բան փառասիրական տենչերից բացի: Եթե ունես, եթե ազելի ճարտար միտք ես հղացել, եթե կարող ես հպատակներիդ ձեռքից բռնել և ահավոր վտան- գից հեռացնել, փրկել նրանց, խնդրե՞մ, պայքարիր իմ դեմ ինչքան որ սիրտդ կամենա, ձգտիր դեպի այս փայտի կտորը, այս բարձրագիր գահը, թող արժանի լինի քեզ: Բայց ախր իմ Արշակավանի դիմաց դու ոչինչ չունես դե- ն-

լու, այ դեղնակտուց պատանի: Էլ ի՞նչ ես մեջ ընկել: Ի՞նչ ես արմունկներով ճամփա բացում: Որ ի՞նչ: Եվ այստեղ արդեն ես քեզ կճգմեմ: Եվ հեշտութեամբ, առանց խղճի խայթի Թուոնցքի մի հարվածով: Որովհետև գահի հաշիվ չկա այլևս, կա միայն երկրի բախտը: Գուցե գահի հարցում դու ես ավելի ուժեղ, բայց երկրի բախտը լուծելու հարցում՝ ես: Ես և միայն ես: Եվ դու շեռ դառնա տասնը-յոթերորդ Արշակունի: Տասնվեցերորդը կա՛ դեռ:

— Իսկ եթե դու թշնամի՞ ես Գնեխին և վրե՞ժ ես լուծում հիմա նրանից, — փորձեց մի վերջին սողանցք գտնել արքան, բայց ոչ թե Գնեխի սիրուն, այլ սեփական խղճի հանգստութեան համար: — Գուցե իրո՞ք թշնամի ես, ու ես չգիտեմ:

— Ենթադրենք, — բնավ իրեն չկորցրեց Հայր Մարդպետը և նախընտրեց շփտել այդ վարկածը: — Բայց ի՞նչ նշանակութուն ունի, արքա, թե ես ի՞նչ դրդապատճառներից ելնելով եմ ճշմարտութունն ասում քեզ: Ե՞ջմարտութունը գրանից հո չի՞ փոխվում:

— Փոխվում է, այն էլ ինչպե՞ս է փոխվում, — չկարողացավ սրբախոսութունը զսպել արքան, որովհետև ներքինին մի փոքր հույս տվեց նրան՝ արյունից խուսափելու: Եվ նա մտերմաբար գրկեց նրա ուսը: — Շահագրգռութուն է մտնում խնդրի մեջ, Հայր Մարդպետ: Ապա լավ մտածիր: Մի անգամ էլ ստուգիր խիղճդ: Գատավոր եղիր ինքդ քեզ:

— Երբ արքաները սահմանել են, որ արքայազուն իշխաններից Այրարատում իրավունք ունի ապրելու միայն թագաժառանգը, երևի մի բան իմացել են, — խաղաղ և հեզ ձայնով առարկեց Հայր Մարդպետը, — ցանկացել են գահի հավակնորդներին հեռու պահել պալատից: Ես չեմ կարծում, որ դու հենց այնպես հետևեցիր նրանց օրինակին և միայն պատշաճ կարգը պահպանելու համար Գնեխին հեռացրիր Այրարատից:

— Կարգը, իհա՛րկե կարգը պահպանելու համար, — պատասխանեց արքան, բայց անմիջապես մոռալվեց և ձեռքը վերցրեց Մարդպետի ուսից:

Նա շէր էլ կասկածում, որ այս կոտաժ շունը ոչ մի սո-

դանցք չի թողնի: Եթե նույնիսկ թողներ, արքան ինքը կփակեր: Է՛, կուրացած Տիրան, նախկին հայոց թագավոր, որ իմ հայրն ես, իմ սերմանողը, իմ ծնողը, որին ես նման եմ ինչպես ջրի երկու կաթիլ, վերջապես հերթը հասավ քեզ: Չէի ուզենա, բայց հասավ: Հասցրի՛ն: Եվ ես արդեն ստիպված եմ հեռվից հեռու բացելուց խոսել քեզ հետ:

Դու չհաշտվեցիր այն մտքի հետ, որ թագավոր լինելու Եվ որ հատկապես՝ թագավոր է քո որդին: Եթե ուրիշը լիներ, ո՛չ թե ես, գուցեև մի կերպ համակերպվե՛ր, այդքան հիվանդագին ընդունեիր քո անկումը: Բայց տարիներ շարունակ մեծացնում ես որդուդ, խնամում, դաստիարակում, ապրել սովորեցնում, նույնիսկ երբ պատանդ են ուզում քեզնից, փոքր զավակիդ ես ուղարկում հեռավոր Բյուզանդիա, իսկ միջնեկ որդուդ, Արշակին, խնայում ես և քեզ մոտ պահում, ուրեմն, ամենից շատ նրան ես սիրում, նրա հետ ես ավելի կապված, և հանկարծ քո փոխարեն այդ նույն որդիդ է գահ բարձրանում: Թող բարձրանա, իհա՛րկե, թող բարձրանա և միա՛յն նա, միա՛յն Արշակը, բայց հորդ մահից հետո, այ անառակ որդի, և ոչ թե նրա կենդանութան օրերին: Եվ դու ավելի քան վստահ ես, որ դա չլսված ու շտեխնված երախտամոռություն է իմ կողմից: Որ ես եմ քո բոլոր դժբախտությունների միակ պատճառը: Ե՛ս, որ պարզապես խաղալիք էի հզորների ձեռքին, ե՛ս, ում կամքը կամ ցանկությունը մի քոսոտ զրախմու արժեք էլ չունեին: Պատահաբար թագավոր դարձա, պատահաբար էլ կարող էի չդառնալ: Շապուհը ուզեց՝ դարձա: Չուզենար՝ չէի դառնա: Բայց դու շնորհցիր ինձ: Եվ միայն ինձ չէիր ներելու: Միայն ինձ պիտի խանդեիր, քո ամենամոտիկ մարդուն: Հենց նրա համար թեկուզ, որ ամենամոտիկն է նա: Բայց չէ՞ որ, միևնույն է, քեզ գահընկեց արեցին: Ավելի լավ չէ՞ր միթե, որ որդիդ փոխարիներ քեզ, և ոչ թե թշնամիդ: Չէ՛, չէ՛, թշնամի՛ս, թշնամի՛ս, բայց ո՛չ որդիս:

Տիրանն իր թոռան հետ քաշվեց Արագածի փեշերին ընկած կվաշ ավանը: Դարձավ պարսկատյաց և թեքվեց Բյուզանդիայի կողմը: Աստված միայն երկու սեր է ստեղծել հայ նախարարների համար: Նրանք սիրում են ոչ թե հույնի ան-

հատակ կապույտը, գլգլան առվակի հեխն վազքը, իրենց կողից ծնված կին արարածին, ընկեհողը, հայրենիքը, այլ պարսիկին կամ բյուզանդացուն: Եթե նրանց նեղացնես ու վիրավորես, ոչ ոք տղամարդավարի չի հայհոյի քեզ, չի ապտակի, ձեռքը չի տանի սրի սլառյանին, կանցնի պարսիկի կամ բյուզանդացու կողմը: Եթե մարտողութունը վատ է, և տանջվում է ստամոքսի ցավից, կանցնի պարսիկի կամ բյուզանդացու կողմը: Եթե կնոջ հետ կռիվ է արել կամ նրան կասկածում է դավաճանության մեջ, կանցնի պարսիկի կամ բյուզանդացու կողմը: Իսկ թագավորը պետք է հայացքը անընդհատ աչ ու ձախ թեքի, բռնի փախչողների փեշերից, խնդրի, աղերսի, բացատրի, հասկացնի, սպառնա, վախեցնի, հետո, տեսնելով, որ բան դուրս չի գալիս, ինքն էլ, նեղացած, անցնի պարսիկի կամ բյուզանդացու կողմը:

Տիրանը օր ու գիշեր մի թաքուն միտք էր փայփայում գլխում: Երազում էր Գնեկին տեսնել հայոց գահի վրա: Բայց դու ոչ թե քո թոռանն ավելի սիրեցիր, քան որդուդ, ոչ թե Գնեկին ավելի գնահատեցիր, քան Արշակին, այլ թոռանդ ու որդուդ մեջ, ատելությանդ ու սիրուդ մեջ քո շահը տեսար միայն: Եթե երիտասարդ ու անփորձ Գնեկը թագավոր դառնար, նա չէր կարողանա ինքնուրույն ղեկավարել երկիրը, խորհրդատու էր պետք նրան, հուշարար, ճամփա ցույց տվող: Եվ եթե մինչև հիմա թոռն էր բռնում կույր պապի ձեռքից, որպեսզի նա շայթաքի, ապա թագավոր դառնալուց հետո կույր պապն էր առաջնորդելու թոռանը: Եվ երկրի փաստական տերն ու ինքնակալն էր լինելու Գրա համար էլ արքան Վարդան Մամիկոնյանին ուղարկեց Գնեկի մոտ, թե՛ ռնչո՞ւ բնակվեցիր Այրարատում և հայրենի կարգը խախտեցիր: Գու պետք է ընտրես երկուսից մեկը, կամ մահ ընդունել, կամ հեռանալ Այրարատից: Գնեկը ենթարկվեց արքայի հրամանին ու գնաց Արշակունիների համար բնակության վայր սահմանված երեք գավառներից մեկում ապրելու՝ Հաշտյանք, Աղիովիտ կամ Առբերանի, մեկը՝ չորրորդ Հայքում, մյուսը՝ Տուրուբերանում, երրորդը՝ Վասպուրակա-

նում: Գնելը ընդրեց Աղիովիտը, որը գտնվում էր Ապահու-
նիքից արևելք՝ Վանա լճի հյուսիսային մասում:

— Գնելին կկանչես Շահապիվան, Նավասարդի տոնե-
րին,— խիստ ցածր ձայնով հրամայեց արքան:— Կասես, որ
թագավորը չկամեցավ Նավասարդի տոները առանց քեզ
անցկացնել: Կասես, որ նա բարեհաճ է քո հանդեպ, որով-
հետև իմացավ, որ քո մեջ չկա շարություն, ինչպես շարա-
խոսներն էին ասում: Նա համոզվեց, որ մինչև հիմա իզուր
էր քեզ ատում, մինչդեռ դու նրա կողմից արժանի ես սիրո:—
Լոց մի պահ, մինչև վերջ մարտեց իր վճիռը, ապա շշուկով
ավելացրեց.— Կանչիր Գնելին, ուզում եմ խոսել նրա հետ:—
Հետո նկատելով Հայր Մարդպետի գունատ և հարցական հա-
յացքը, բացասաբար ու երկար շարժեց գլուխը.— Ուզում եմ
խոսել...

Նա վերցրեց ջահը, բաց արեց գահասրահի դուռը, դուրս
եկավ, բաց արեց ընդունարանի դուռը, դուրս եկավ: Գուրս
եկավ և արագ քայլեց միջանցքով: Հայր Մարդպետը,
թուքը կուլ տալով, կանգնել էր միջանցքի ծայրին ու
սփրթնած նայում էր արքայի ետևից: Արքան հանկարծ կանգ
առավ հեռվում, շրջվեց, ջահը բարձրացրեց մութ միջանց-
քում և զղայնացած գիմեց գեպի անորոշ տարածությունը,
ուր ինչ-որ տեղ Հայր Մարդպետն էր երևի կանգնած:

— Խոսել եմ ուզում...

Գլուխ յոթերորդ

— Զ եմ թողնի գնաս,— ամուսնու ոտքերը գրկած,
արցունքն աչքերին, ծնկալոճ աղերսում էր Փառանձեմը:—
Թույլ չեմ տա... Եթե դու այլևս անկարող ես ինձ ու քեզ
պաշտպանել, ուրեմն, ես եմ պաշտպանելու մեզ...— Հետո,
արձագանք չստանալով նրանից, հուսահատությունից ինչ-որ
անբնական ուժ զգաց երակներում, մի տեսակ անսանձ,
անխոհեմ վճռականություն, և ինչ որ լեզվի տակ եկավ, շա-
րությամբ շարտեց ամուսնու երեսին, կարծես իր երգվյալ

ու ռիսերիմ թշնամուն հայհոյելով.— Իմ եղունգները քաթրից ավելի ուժեղ են... Իմ ատամները ավելի սուր են քաղաշույնից... Իմ կամքը ավելի ամուր է քո վահանից...— Հետո այդ ուժն ու վճռականությունը, մի մեծ հայտնություն գեմ առնելով, միանգամից լքեցին նրան, ու նա հեկեկալով փլվեց գետնին.— Ուրեմն... Ուրեմն, իմ սեփեմն էլ ավելի ուժեղ է քո սիրուց...

— Ես պարտավոր եմ ենթարկվել նրան,— առանց կրթի պատասխանեց բազմոցին անշարժ նստած տղամարդը.— Մի համոզիր ինձ անհնազանդ լինել:

Փառանձեմը, վախեցած, մտովի աղոթում էր աստծուն, որ նա այլևս չվերագարձնի իր թիչ առաջվա անսովոր ուժն ու խելքից հանող, գետնից պոկող, մրրիկի պես խելահեղ վճռականությունը: Նա միշտ թույլ և անօգնական էր եղել կյանքում: Որովհետև հայրն էր կողքին՝ Սյունյաց Անդովկ իշխանը, ամենահզոր նախարարը, որ բղջիխներից հետո առաջին տեղն էր զբաղեցնում գահնամակում, առաջինն էր նաև զորանամակում, քանի որ պատերազմի ժամանակ տասնինը հազար շորս հարյուր հեծյալներից բաղկացած ընտիր այրուձի էր տալիս երկրին, նախարարական բոլոր տներից ամենաշատը: Հորից հետո կողքին կանգնեց ամուսինը՝ գեղեցիկ, խիզախ, լայնաթիկունք... Եվ նա երջանիկ էր իր թուլությունս, այդ թուլության մեջ նույնիսկ ինչ-որ ցուցադրական բան կար, կանացի հմայիչ մի խորամանկություն, կատվային խարուսիկ մարմանդություն: Նա ուզում էր, որ ղեկավարեն իրեն, ենթարկեն իրենց կամքին, անընդհատ ձեռքից բռնած ման գան, այն հաստատ համոզմամբ, որ նա կկորչի առանց տիրոջ: Նա կրկնակի փաղաքշված էր զգում իրեն տղամարդու ուժեղ թևերի տակ, կրկնակի սիրված ու պաշտված: Եվ այսպես, տարիներ շարունակ պահմտոցի խաղալով ինքն իր հետ, նա հավատաց, բնականացավ այդ քնքուշ թուլությանը և դարձրեց իր սեփականությունը: Եվ հիմա ուզում են ամենաթանկ հարստությունը խլել նրանից, նրա զարգերից լավագույնը, որը թեև ոսկուց կամ ադամանդից չէ, հասարակ, գունավոր ապակի է

ընդամենը, բայց արի ու տես, որ սիրտը դրան է կպել միայն:

Երեք օր առաջ նրանք դուրս էին եկել Աղիովիտ գավառի Ջարիշատ քաղաքից և, Տիգրանապոլիս-Մանազկերտ-Արտաշատ ճանապարհը բռնած, ուղևորվել դեպի Շահապիվան, Նավասարդի տոներին մասնակցելու:

Գնելը Փառանձեմին ստիպել էր հագնվել տոնական պատշաճությամբ, և նա լուռ ենթարկվել էր ամուսնու կամքին, ի սեր անցած օրերի երջանիկ հիշողության: Փողոշուկ կոչված մարգարտահեր լարով հյուսել էր ծամերը, որոնք, գմբեթարդ ձևով, ողորկ նստած էին գազաթին և գլխի շուրջ կազմում էին ուռուցիկ ու ոլորուն մի պսակ, վրան՝ սաղավարտ, որ հեռավոր ճամփորդության ժամանակ օգտագործվում էր քողի փոխարեն: Եթե սովորաբար պատմուճանը ծածկում էր ամբողջ իրանը, բազուկները և վիզը, ապա հիմա, ինչպես վայել է հանդիսավոր օրերին, վիզը, ուսերը և բազուկները բաց էին, կռնակի վրա՝ թեթևակի ճարմանդված, դեպի գետին ձգելով երկար ու առատ քղանցքները: Բարակ մեջքը գրկել էր մարգարտի երկու զույգ կարգերով լայն կամարը: Պատմուճանի վրայից մետաքսե մենթան էր հագել, անթեզան և կարճ մի հագուստ, որ ծածկում է միայն իրանը և վերջանում ժանձե երիզով: Վզից կախված էր քայլը՝ մարգարտաշար վզանոցը, իսկ մերկ բազուկների վրա ոլորված էր քողնքը, մեհեմանդի նման մի զարդ, կենտրոնում՝ ոսկե մեծ քարով: Կոշիկները՝ սրակտուց, ցածր ու ոսկեզօծ...

Մինչդեռ ոտաբորիկ պիտի գնար, մաղերն արձակ, կուրծքը բաց, շորերը զգզված, անեծքը շրթներին, արցունքը ալտերի վրա ցամաքած... Պիտի գնար անհավասար կռիվ տալու դահիճների հետ, դռնեղուռ ընկնելու, պիտի մոռանար իր ծագումն ու գիրքը, պիտի իրար խառներ ողջ երկիրը, վայնասուն զցեք շորս կողմը, հրապարակներում կանգնած՝ մազերը փետեր, կուրծք ձեծեր, գութ աղերսեր, օգնության աղաղակ բարձրացնել... Այդպես մարդավարի պիտի գնար... Բայց ոչ այսպես զուգված-զարդարված, ոչ այսպես

գուսպ և արժանապատիվ, ոչ այսպես ազնվական ու անհոգի:

Գնելը ևս ոտքից գլուխ փայլում էր մահը ժխտող իր իշխանական հանդերձներով: Հագել էր կարճ, ծնկներին իջնող, առջևը երկփեղկանի, կնգմենու մորթուց կարված մի վերարկու: Թեզանիքը, հասնելով մինչև արմունկները, անութից վար երկճղվում էին, որպեսզի ազատ շարժվեին բազուկները: Օձիքն ու վերարկուի քղանցքն ասեղնագործված էին: Մեջքը գրկել էր կաշվե նեղ գոտին, որի ձախակողմից առկախ էր սուրը: Զարգահյուս ու երկար պատմուճանի քղանցքը եռանկյունաձև բացվածք ուներ առջևից, իսկ երկու կողքերից մինչև ծունկը՝ մի-մի ճեղքվածք՝ դյուրությամբ քայլելու համար: Ոտքերին՝ մուկներ: Մազերն՝ արձակ, գունատ դեմքին ընկած: Էլ ի՞նչ մահ, եթե այսքան մանրամասներ ունեին նրա հանդերձները, ապրելու այսքան ապացույցներ:

Ծրկուսն էլ ամբողջ ճանապարհն անցել էին ձիերով, Փառանձեմինը՝ սպիտակ, Գնելինը՝ մոխրագույն: Սպիտակ ձիու վրա թամբի փոխարեն դրված էր ժանվար՝ փոքրիկ գահ պատվանդանով, զլխին՝ հովանոցակ: Փառանձեմը նստել էր մեկուսի, երկու սրունքները մի կողմից կախված: Ծտևից, սայլերի վրա ուտեստներ ու խորաններ բարձած, եկել էին շքախումբն ու ծառաները:

Հեռվից, լիալուսնի լույսի տակ, երևացել էին Նպատ լեռը և Արածանիի փայլփլուն, արծաթ ժապավենը: Դա նշանակում էր, որ մոտեցել էին Բազավանին, որից քիչ այն կողմ Շահապիվանն էր:

Նրանք կարող էին մի քանի ժամից տեղ հասնել, նույնիսկ անմտություն էր խորանի տակ գիշերելը: Սակայն այր ու կին, հենց որ տեսել էին մթության մեջ կուտակված Նպատ լեռը, ակամա քաշել էին դանդաճանալանդները և պրկել հոգնած հրիվարների կզակները: Զիերը կանգ էին առել, և երկու մտախոհ հայացք գամվել էին ծանր ու մեծ լեռանը: Գնելը իջել էր ձիուց ու հրամայել, որ ամրացնեն խորանը:

Եվ հիմա, ընդարձակ ու շքեղ խորանում, ապակե սափորի մեջ վառվող ձեթի ճրագի շուրջը կծկված, իրենց հսկա

ատվերների հետ մեն-մենակ, այրվում, տապակվում էին մարդ ու կին։

— Ինչո՞ւ քո մասնակցությունը նավասարդի տոներին հանկարծ այսպիսի կարևորություն ստացավ,— է՛լ ավելի էր շիկանում Փառանձեմը, այտերը տա՛ք, կաս-կարմի՛ր, ձայնը անճանաչելիորեն խռպոտ, աչքերում թույն և կրակ։— Ե՛րբ է նա քեզ պալատ հրավիրել... Ե՛րբ է իրեն հորեղբոր նման պահել... Նա է սպանել քո հորը... Նա է քեզ քշել պապի մոտից... Այդ ստրկամիտ, ոճրագործ ներքինին...

— Այդ ամենը ճիշտ է, Փառանձեմ,— հայացքը մի անորոշ կետի, սառը և անկենդան ձայնով պատասխանեց Գնելը։— Բայց նա մեր թագավորն է։ Եվ մենք պիտի ենթարկվենք նրան, որպեսզի բոլորն էլ իմանան, որ նա հայոց թագավորն է։

— Ես վերագառնում եմ... Տուն եմ գնում...— Ու նա ավելի ամուր կառչեց ամուսնուց, ավելի պինդ փարվեց նրան, և որովհետև դիրքը անհարմար էր, առավել որոշակի զգաց վտանգի հոտը։— Չեմ ուզում ամուսնուս իմ ձեռքերով հանձնել այդ մարդասպանին... Այդ արյան ծարավ դահիճներին... Այդ կուշտ ու կուռ ոհմակին...

— Ոչ, Փառանձեմ։ Եթե նույնիսկ քո կասկածներն իրավացի են, միևնույն է, ես պետք է ներկայանամ ինչպես կարգն է պահանջում։ Կնոջս, շքախմբիս ու ծառաներիս հետ։

— Որտեղի՞ց է այդ ստրկամտությունը քո մեջ,— խայթվածի պես վեր թռավ Փառանձեմը,— ինչպե՞ս ես կարողացել մինչև հիմա թաքցնել ինձանից։— Եվ սաստիկ վիրավորված, մի ակնթարթ նույնիսկ մոռացած մոտալուտ վտանգը, նա մոռալլ հայացքով զննեց ամուսնուն։— Եթե ես մի պահ անգամ նկատեի, չէի հանդուրժի քեզ... Չէի թողնի, որ թեկուզ մատով կաշեիր ինձ...

— Ես նրան շեմ սիրում։ Չեմ հարգում։ Ոչ էլ վախենում եմ։ Լավ հիշիր, ոչ էլ վախենում եմ։

Գնելը ևս վիրավորվեց կնոջ մեղադրանքից։ Փառանձեմն իսկույն որսաց դա և բնազդորեն կռահեց, որ եթե վտանգի շեմին իրենք ընդունակ են իրարից նեղանալու, ուրեմն, որոշել են ապրել, ուրեմն, ամեն ինչ այնքան էլ անհույս չէ

գեռ, ուրեմն... շուտով կհավաքեն խորանները ու ետ կդառնան:

— Չե՞ս կեղծում, Գնեւ,— ուրախությունից դողաց Փառանձեմի ձայնը:— Երդվիր, որ շեռ կեղծում:

— Երդվում եմ:— Գնեւը վեր կացավ, քնքշորեն բռնեց կնոջ ուսերից: Գուրգուրանքով նայեց նրա աչքերին, կարծես աղերսելով հասկանալ իրեն, լինել ոչ թե կին, այլ բարեկամ ու համախոհ: Եվ առաջին անգամ ճամփա ընկնելուց հետո խոսեց եռանդով ու ոգևորությամբ:— Բայց ես պարտավոր եմ նրան սիրել: Պարտավոր եմ նրան հարգել: Ես իրավունք չունեմ նրան չհավատալու, եթե նա Նավասարդի տոներին է հրավիրում ինձ: Ես պարտավոր եմ նրանից վախենալու: Ոչ թե նրանից, այլ արքայից: Ով էլ նա լինի, արժանի, թե անարժան, քաջ, թե վախկոտ, առաքինի, թե կեղտոտ: Մոռացիր, թե ով է նա: Մոռացիր անունը, դեմքը, ձայնը... Անգամ կատարած գործերը...— Հետո կարծես արյունը խփեց գլխին, նա ձեռքերը հեռացրեց կնոջ ուսերից, մոտեցավ դուլին, ագահաբար մի թաս ջուր խմեց, կեսը թափելով զգեստների վրա, հետո թևքով սրբեց բերանը, սկսեց ետ ու առաջ քայլել իր սովորի հետ ու ցասումով խոսել, բայց արդեն ոչ միայն կնոջ, այլև իր ու աշխարհի հետ:— Մեր դժբախտությունն այն է, որ մենք երբեք շենք մոռանում... Նրա մասին խոսում ենք ոնց որ մեր ընկերոջ... Ոնց որ հարևանի... Բամբասում, գովում, հայհոյում... Վերջիվերջո պիտի՞ այս անտերը երկիր դառնա, թե՞ ոչ... Ոչ, Փառանձեմ, մի համոզիր ինձ...— Նա կանգ առավ, կսավ խորանի կտավի կոշտ պատին և տխուր ժպտաց:— Ինչ արած, ես այսպես եմ ստեղծված... Գուցե ծիծաղելի է... Բայց կան բաներ, որ ինձ համար բարձր են թե՛ ինձնից, թե՛ իմ դաստակերտից, թե՛... մի նեղանա... գուցե նաև քեզանից...

Պիտի՞, պիտի՞ երկիր դառնա, թե ոչ: Պիտի՞ ի վերջո ամեն մարդ իր տեղն իմանա, գլուխը կախ իր գործն անի և քիչ իրեն տանջի այն մտքից, թե հարևան գավառում ավելի լավ են ապրում, հարևան երկրում՝ է՛լ ավելի լավ, որքան հեռա-

նա՞ էլ ավելի, իսկ Հնդկաստանում՝ դրախտի պես: Պիտի՞
զա՞ այն օրը, երբ ոչ ոք այլևս չի լքելու իր երկիրը և չի մեկ-
նելու հեռավոր ափեր՝ բախտ որոնելու և հետո էլ չի մեռնե-
լու... հայրենիքի կարոտից: Պիտի՞ այս երկիրը սովորի
թագավոր ունենալ, թե ոչ: Թե՞ տանը տաքուկ-տաքուկ
նստած, ամեն մեկը գլուխ է գովելու, որ հայկական գինու
պես ընտիր գինի աշխարհում չկա, հայկական կերպասի պես
կերպաս չկա, հայ զինվորի պես կովոզ չկա... Թե՞ նրան
պիտի թվա, որ այդ գերազանցությունից ինչ-որ բաժին էլ
իրեն է հասնում, իր ընտանիքին, իր հինգ տարեկան թլիկ
որդուն: Պիտի՞ այս երկիրը արժանի դառնա թագավոր ունե-
նալու, թե ոչ: Թե՞ Աղձնիքի վրա թշնամու հարձակման
լուրն առնելով, Գուգարքի հայր պիտի հանգստանա և
ուրախանա, թե որքան հեռու է դեռ վտանգը իրենից: Իսկ
Գուգարքում... Գուգարքում... Գուգարքի պես անտառներ
աշխարհի ոչ մի ծայրում չկան: Պիտի՞ հայոց թագավորը
կանչի իր հպատակին, և նա հլու-հնազանդ, առանց հրա-
մանը քննարկելու, ներկայանա տիրոջը: Պիտի՞, թե ոչ:

— Բայց ինչո՞ւ քո այդ մտքերը մինչև հիմա ինձ օտար
էին ու անծանոթ:— Փառանձեմն ապշեց, որ մի՞թե սա այն
մարդն է, որին ինքը ճանաչել է առանց մնացորդի, որին
տրվել է ոչ միայն մարմնով, այլև ամբողջ էությամբ, ամեն
գիշերը հատ-հատ նվիրելով նրան: Իսկ նա ստորաբար
խաբել է: Թաքցրել է իրեն: Ուրիշի դիմակով է անկողին
մտել: Եվ Փառանձեմն էլ ուրիշի ականջին է շնչացել այն
խոսքերը, որ անհնար է հետո հիշել, անկարելի՞ է:— Ես
սովոր եմ, որ ի՛նձ համարեն ամենաթանկը: Ես էի
հորս ամենամեծ հարստությունը: Եվ կարծում էի, որ քեզ
համար էլ նույնն է:

— Ես քեզ սիրում եմ, Փառանձեմ, — ջերմությամբ վառ-
վեցին Գնելի աչքերը:— Եվ դու լավ գիտես դա:

— Քիչ է: Շատ է քիչ:

— Մի՞թե քեզ ապացույց է պետք:

Պետք էր, այն էլ ինչպե՞ս: Այն բանի համար, որ իր ական-
ջին շնչած խոսքերը Գնելն անկասկած հիշել է հետո: Հա-

չորդ օրը նույնն է կրկնելու Ամեն օր է կրկնելու Գողի պիս
 օգտվելով առիթից, որ Փառանձմեմին թվացել է, թե առաջին
 անգամն է այդ քառերը լսում, թե ոչ ոք բացի նրանից
 ընդունակ չէ դրանք իմանալու Այն բանի համար, որ գիշեր-
 ները առաստաղն ու գետինը շեն փոխել իրենց տեղերը, որ
 նա չի իմացել, թե ինչ է նշանակում անդունդի մեջ գլորվել
 առանց ցավի ու քերծվելու, չի իմացել անկումի հաճույթը,
 թեթևությունն ու մաքրությունը: Այն բանի համար, որ նա
 փոս է ընկել ընդամենը, ցեխոտ և ցածրիկ մի փոս: Իսկ
 պատմել է անհատակ անդունդների մասին: Եվ, վերջապես,
 այն բանի համար, որ նա կարող էր որևէ բան ավելի սիրել,
 քան իր կնոջը: Մի՞թե նրա բոցավառ երդումների մեջ,
 որոնք ամոթով ու զզվանքով է հիշում ինքը հիմա, թեկուզ
 հարևանցի ակնարկ է եղել այդ մասին: Չի եղել, արևը վկա
 Եթե լինեիր, գուցե այդ պայմանն էլ ընդուներ: Բայց չի՞ եղել,
 չի՞ եղել: Համատարած ամայության ու դատարկության մեջ
 եղել են միայն երկու հոգի, մի կին ու մի տղամարդ, որոնք
 դեռ չէին խաբվել, դեռ չէին կերել կենաց ծառի խնձորը:
 Սո՛ւտ է, Գնելը կերել էր արդեն: Եվ եթե իսկապես սիրում
 էր, թող նրան էլ մեղսակից աներ իրեն, մեղքի մեջ անգամ
 մենակ շմնար: Իհա՛րկե ապացույց էր պետք, այն էլ ինչ-
 պե՛ս:

— Եթե հարկ լինեիր, ինձ համար կդավաճանեի՞ր հայրե-
 նիքիդ, — անսպասելի մարտահրավեր նետեց նրան Փառան-
 ձմելու:

— Մի պղծիր լեզուդ, — զայրույթից կարմրեց Գնելը:

— Չէ, ասա, կդավաճանեի՞ր:

— Վայրենի հարցեր մի տուր:

— Ես կատեի և կանիժեի այն մարդուն, ով ընդունակ է
 փառքի, իշխանության կամ դրամի համար դավաճանել հայ-
 րենիքին, — և այդ պահին նա իրոք ամբողջ հոգով արհա-
 մարհում էր այդպիսի մարդուն: Նա լռեց մի փոքր, ապա
 հատուկ շեշտեց. — Նույնիսկ՝ սիրո...

— Տեսնո՞ւմ ես, հենց ինքդ էլ պատասխանեցիր:

— Բայց ինձ համար դու պե՛տք է պատրաստ լինեիր, —
 սառը և հանգիստ, իր դատավճիռն արձակեց նա:

— Փառանձեմ... — այլայլվեց Գնելը:

— Իմ ու թո միջև ես միայն ժայրահեղությունն եմ ընգունում, — հպարտությամբ ու մեծ արժանապատվությամբ ավելացրեց Փառանձեմը: — Սայրահեղն եմ միայն պահանջում:

— Քո մտքերն էլ մինչև հիմա ինձ օտար էին ու անծանոթ, — ապշահար շնչաց Գնելը:

— Ինչո՞ւ Պարզվեց, որ դու էլ ինձ նման ես: Ամեն ինչում առավելագույնն ես սիրում, — թունոտ քմծիծաղեց Փառանձեմը: — Երբ սիրահետում էիր ինձ, հիշո՞ւմ ես որքան համառ էիր: Շա՛տ: Հիշո՞ւմ ես, ինչպես էիր քծնում հորս, ինչպես էիր սողում նրա առաջ, որպեսզի համաձայնեիր մեր ամուսնությանը: Շա՛տ: Ո՛նց էիր ինձ սիրում: Շա՛տ: Եվ որքան ստրկամիտ ես հիմա: Շա՛տ: — Նա տեղնուտեղն զգաց, որ այդպես են դիմում միայն այն մարդուն, ում հետ միացնող կամուրջները քանդել են ուղում հիմնովին: Զգաց նաև, որ ինքն այդպիսով կրկնակի անգամ էր կորցնում ամուսնուն: Կորցնում էր արդեն ոչ միայն ֆիզիկապես: Եվ նա ամբողջ հոգով խղճաց նրան, ոչ որպես օտար, այլ որպես սիրող կին, որպես ոսկր նրա ոսկրից, որպես մարմին նրա մարմնից, բայց, այդ բոլորով հանգերձ, չկարողացավ զսպել պոռթկումը, չկարողացավ ազատվել հորձանուտից, և նրա մեջ մի դաժան ցանկութուն ծնվեց ոչնչացնելու այս սիրելի, հարազատ ու թանկագին մարդուն: Ոչնչացնելով վերադարձնելու իրեն: Խեղճացնելով, նվաստացնելով, վիրավորելով: — Բայց հիշիր, ես քեզ շեմ սիրել: Ես քեզ տաննիլ չէի կարող: Ում ասես կպատկերացնեի ամուսին, բացի քեզնից: Ինձ համար զգվելի էր նույնիսկ երևակայել, որ կարող ես շոյել ինձ, համբուրել... Քո հոտը, քո շարժումները... Բայց արի տես, որ հենց քեզ հետ էլ ամուսնացա...

— Բայց դու ինձ սիրեցիր, Փառանձեմ, — Գնելը տարակուսանքով փորձեց պաշտպանել իրեն:

— Հայրենիքի անունից ես խոսում: Ի՞նչ հայրենիքս Մանր-մունր իշխանները շե՞ն քո հայրենիքը: Թե՞ հայրս Սյունիքում թագավոր չի զգում իրեն:

— Ո՛չ, Փառանձեմ, Արշակը պիտի հաղթի բոլորիս, —

մուլեռանդ հավատով պնդեց Գնեւը:— Նրա ինչ լինելը պիտի մոռանան: Պիտի մնա միայն հեքիաթը: Երգեր պիտի հյուսեն նրա մասին: Հրաշքներ պիտի պատմեն: Դա ի՛նձ է պետք: Իմ որդո՛ւն: Իմ թոռա՛նը: Իմ ծոռի՛ն:

Պիտի՞ արքան մի բան ձեռնարկի, թեկուզ շնչին, թեկուզ աննշան մի բան որոշի, և ամբողջ երկիրն անմիջապես շքնարկի այն, սխալներ չգտնի, խոցելի տեղեր չհայտնաբերի, ամեն մեկն իր տարբերակը շառաջագրի, ենթադրելով, թե ինքը շատ ավելի ճիշտ և շատ ավելի լավ կղեկավարեր երկիրը, միայն թե բախտը չի բերել, բախտը: Սխալ է ծնվել: Պիտի՞ նա արքայի անունը քիչ առնի բերանը, թե ոչ, ոչ պաշտի նրան, ոչ այպանի, ոչ պաշտպանի, ոչ մեղադրի, և եթե արքան որսի է գնացել, մտքովն իսկ շանցնի դժգոհելու, թե ինչքան որս կա՝ նա է խփում, ոչինչ չի մնում իրեն: Պիտի սովորի՞ վերջապես շարք կազմել, դիմացինի ծոծրակին նայել, թե՞ ամեն մեկն իր համար մի կողմի վրա պիտի գնա, ուր որ պատահի, ուր որ աչքը կտրի: Պիտի սովորի՞ միասին քար գլորել, միասին գերան տեղափոխել, միասին սիրել, միասին առել, միասին տառապել և, ինչու չէ, երբեմն էլ միասին երջանիկ լինել: Պիտի՞, թե ոչ:

— Մի գնա, Գնեւ... Դու կարող ես չգնալ այս հրավերին... Զէ՞ որ սա ոչ թլուզանդիա է, ոչ Պարսկաստան... Հայաստան է սա... Եվ արքայի համար այնքան էլ հեշտ չէ հաշվեհարդար տեսնել անհնազանդների հետ...— Նա խելագարի պես գրկեց ամուսնուն և սկսեց համբուրել նրան, անճարակ համբուրել, ոտքերի մատների վրա բարձրացած, մի տեսակ տարօրինակ շտապողականությամբ, որպես սիրած կին, որպես թույլ արարած, որ ընդունակ է միայն աղերսելու և արտասովելու:— Միրել եմ, Գնեւ... Շատ եմ սիրել... Իհարկե սիրել եմ... Մի՛ գնա, մի՛ գնա... Ո՛ւմ է պետք այս նահատակությունը...

— Մինչև վերջին պահը մենք իրավունք չունենք կասկածելու,— անդրդվելի մնաց Գնեւը,— իրավունք չունենք նրա մասին վատ մտածելու:

Փառանձեմը մի պահ այդպես էլ մնաց քտքերի մատների վրա, և դեմքին մի տանջալի հարց երևաց, թե ինչպես մինչև

Հիմա ամուսնու հետ համարովելիս երբեք կարիք չի զգացել մատնների վրա բարձրանալու, և մի անհասկանալի երկյուղ ու դող անցավ նրա մարմնով: Նա անմիջապես ետ թաշվեց, օտարոտի հայացքով նայեց այս առողջ ու պինդ մարդուն, որ այդպես խանդավառ էր գնում նահատակության, այդպես վստահ իր հնարած ճշմարտությանը, որ այդպես հեշտ էր լքում իր հարազատին, հանուն ինչ-որ խելացնոր գաղափարի, հանուն այնպիսի մի բանի, որ գուրս էր իրենցից, իրենց միապաղաղ ու ապահով կյանքից, իրենց միանման ու բախտավոր օրերից, քանի որ երջանկությունը նույն բնանկարի, նույն խոսքերի, նույն գործողությունների և նույն կահավորանքի մեջ է թաքնված լինում հիմնականում: Եվ այդ երանելի միօրինակության մեջ նրանք երբեք գաղափարի կարիք չեն զգացել: Էլ ի՞նչ գաղափար, եթե կուշտ ես ու երջանիկ: Թող քաղցածներն ու դժբախտները գաղափար փնտրեն: Կամ գուցե հենց նրա՞նք գաղափարի կարիք չունեն, գուցե հենց կշտությունից ու երջանկությունի՞ց են գաղափարները ծնվում: Ինչ իմանար Փառանձեմը, որ երբ արքան հրամայեց նրանց հեռանալ Այրարատից ու բնակվել Ադիո-վիտում, և Գնելը սուտուփուս ենթարկվեց հրամանին, ինքը ոչ թե վախկոտություն պիտի տեսներ ամուսնու արարքի մեջ, այլ գաղափա՛ր, որից և պիտի ծնվեր դժբախտությունը: Գաղափար, որ ոչ թե մարդու ետևից է գնում ստվերի պես, այլ առաջ ընկած: Ոչ թե գաղափարը մարդու համար, այլ մարդը՝ գաղափարի: Ու նա դիմեց իր վերջին զենքին, իր վերջին պաշարին, իր տտելությունը, իր արհամարհանքին:

— Մի՞թե դու չգիտես, որ բոլորը նախանձում էին քեզ, որովհետև դու ամուսնացել էիր հայոց աշխարհի ամենագեղեցիկ կնոջ՝ Սյունյաց Անդովկ իշխանի աղջկա հետ...

— Ստում ես, Փառանձեմ... Դու երբեք այդպես չես մտածել քո մասին... Երբեք չես հավատացել դրան... — Գնելը տազնապի մեջ էր, որովհետև հետզհետե կորցնում էր իր ուժը, որովհետև հավատը խառնվում էր ընտանեկան վեճերի ու բախումների հետ և թուլանում, փոքրանում... Նա համոզում էր իրեն, որ Փառանձեմը ամոթով արտասանեց այդ խոսքերը, մեծ դժվարությամբ... Որ այդ անպատկառ

ինքնագովութիւնը մի տեսակ զոհողութիւն էր նրա կողմից, ինքնապաշտպանութիւն:— Ասա՛, ասա՛, որ դու քեզ չես հավատում, այլ ուրիշների խոսքին... Որ դրանով ես ուզում ինձ նստ պահել...

— Ոչ, Գնել, ես հիմա արդեն ինքս գիտեմ: Ոչ թե ուրիշներին, այլ ինձ եմ հավատում:— Եվ շարագուշակ հանգրստութեամբ ավելացրեց.— Ես եմ Հայաստանի ամենագեղեցիկ կիներ, երկրի առաջին տիկինը:

— Փառանձե՛մ...

Գնելն զգաց, որ սա արդեն կորուստ է: Կորուստ է երկու թանկ բանի: Կնոջ ու հավատի: Հիմա նա ոչ մեկն ունի, ոչ մյուսը:

— Վերջին բոպեին, երբ զգաս դավը, դու կկորցնես քեզ, կմոռանաս սկզբունքներդ, կմնա միայն ատելութիւնը... Եվ որոշակի մարդու, արքայի հանդեպ... Դու այնքան ուժեղ չես, որ քո մոլեռանդ մտքերով մեռնես... Դու սիրո մեջ էլ բուռն էիր, բայց շուտ էիր հանգում...

— Փառանձե՛մ...

— Եթե քեզ սպանեն, ինչով ուզում ես երդվեմ... Մեր աղջկանով... Մեր սիրով... Մեր աստծով... Բոլոր սրբերով... Եթե քեզ սպանեն, ես կդառնամ այն զինվորի սիրուհին, որ քեզ վրա սուր բարձրացրեց... Ես կգտնեմ նրան... Եթե պետք լինի, ամբողջ կյանքումս կփնտրեմ... Խոտերի վրա կպառկեմ հետը... Ամենավերջին վարձակի պես... Չեմ թաքցնի... Բոլորի աչքի առաջ... Միայն այդպես վրեժխնդիր կլինեմ քեզ... Բայց ինչո՞ւ զինվորի... Նա անմեղ է... Ես կգտնեմ գերագույն մեղավորին... Ես արքայի սիրուհին կլինեմ...

— Փառանձե՛մ...— Գնելը, քորջի պես թուլացած, ընկավ ծնկների վրա, ասի մեջ առավ կնոջ պատմունճանի փեշը, սեղմեց ամբողջ ուժով, խեղճ ու անօգնական հայացքը հառնց նրան և ինչ որ ունեւր-չունեւր իր հոգում, դատարկեց, դուրս թափեց, շաղ տվեց նրա առաջ:— Հիշիր հարսանիքի օրը... Թագավորավայել հարսանիքը... Առաջին գիշերը... Քո թույլ հառաչանքը, որ անծանոթ էր երկուսիս էլ... Ու երբեք չկրկնվեց... Այն միակը, սուրբը... Որսը Սաղկաց լեռնե-

րում... Երենների առատութիւնը... Զրավեստ անտանները...
Եվ էլի հոգնած անկողինները... Գալարվող, թպրտացող
մարմինները... Հեթանոս մեղքը... Զանգի ձայն ունեցող
գիշերները... Մեղք, որ մեզ համար երբեք չդարձավ երկրա-
յին... Այն երանավետ, ազնիվ հոգնութիւնը, երբ «ես» և
«դու» բաժանվում են իրարից, դառնում անկամ, անօգնա-
կան... էլի համոզիր ինձ... Գոնն մի անգամ... Եթե մի ան-
գամ էլ ինձ համոզես, եթե մի վերջին փորձ էլ անես, ես
կերդվեմ բոլոր հին ու նոր աստվածներով, որ կմոռանամ և՛
իշխանութիւն, և՛ պարտք, և՛ միավորված հայրենիք... Կմո-
ռանամ բոլոր երազներս... Զի մնա ոչ մի արքա, ոչ մի
կայսր... Եվ կասկած, կասկած... Շահապիվա՛ն... Կաս-
կածի՛ր քաղաք...

— Ուշ է, Գնել: Գու չպիտի թողնեիր, որ ես քեզ լավ
ճանաչեի:

Ապակե սափորի մեջ ձեթը վերջացել էր, ճրագը թուլա-
ցել, թուլացել ու հանգել:

Փառանձեմը նստել էր գետնին փոված բարձերի վրա:
Գնելը տեսնում էր նրան: Կռահում նրա տեղը խավարի մեջ:
Գուշակում նրա դեմքը բարձերի վրա: Օտար հայացքը: Կախ-
ընկած մի ձեռքը: Մասլը, կեղտոտված մտքերը...

— Տաճատ, վառիր ճրագը, — շղիմացավ ու գոռաց
Գնելը:

Մթութիւնն է՛լ ավելի խառնեց, խանգարեց նրա մտքերը:
Որովհետև հիմա ստիպված էր ավելին տեսնել: Ավելի պարզ
հասկանալ ամեն ինչ:

— Ինքզ վառիր ճրագը:

Զէր կարող: Ուժ չունեի: Եթե հանկարծ վառեր ու հանկարծ
պարզվեր, որ անգամ մի շնչին մանրուք սխալ էր տեսել, այլ
կերպ պատկերացրել, նա լրիվ կորած էր, լրիվ ոչնչացած:

Խավարի մեջ խարխափելով, նա գտավ կնոջը և գլուխը
խեղճացած դրեց նրա ծնկներին:

— Գիտե՞ս ինչ եմ ուզում... Երեխայի պես հեկեկալ... Որ
չոյնս գլուխս... Միտթարես, որ ձիուց ընկնելը տղամարդու
համար պետք է սովորական լինի... Որ ես փոքր եմ տակա-
վին և դեռ շատ, շատ անգամ կընկնեմ... Քիթս սրբես,

արովհետեւ հինգերորդիս քիթն անպայմամբ կվազի... Հանես շորերս, ըողացնես, պառկեցնես անկողին և քնքուշ մատնե-
րով ծածկես վերմակը... Կոշտ է անկողինը, շես պատկե-
րացնում որքան կոշտ է... Գիտե՛ս ինչաւ... Որպեսզի ես
փոքրուց սովորեմ դրան... Եվ հասկանամ, որ ազնվական
տղամարդուն անվայել է փափուկ տեղ քնել... — Արցունք-
ներն առատ հոսում էին նրա աչքերից, խեղդում կոկորդը,
պարպում, քամում նրա վերջին ուժերը: — Հիմա կին շկա
ինձ համար... Զի կարող լինել... Կա միայն մայրական
գգվանքի կարոտ...

— Ինձ համար արդեն միևնույն է, կգնաս, թե ոչ:

Այդ նախադասութունն ուղղակի դուրս թռավ նրա բերա-
նից: Նա կարող էր նաև այլ բան ասել: Գուցեև կազենար
ասել: Գուցե նույնիսկ շատ կուզենար: Եվ նորից ամեն ինչ
կարգի կընկներ: Նույն բնանկարը, նույն խոսքերը, նույն
գործողութունները, նույն կահավորանքը, ամեն ինչ առաջվա
պես, միօրինակ ու երջանիկ, միապաղաղ ու ապահով: Բայց
չասաց: Զասա՛ց, շասա՛ց: Զասա՛ց այն, ինչ հոգին էր թելադ-
րում, այլ՝ ինչը որ անհրաժեշտ թվաց, հարմար երևաց այդ
պահին, ակնթարթի պահանջը բավարարեց, սիրտը հովաց-
րեց: Եվ ժամանակին շասված մի նախադասության, ժամա-
նակին շարտասանած մի քանի բառերի պատճառով փոխ-
վեց, շուտ եկավ նրանց կյանքը, նրանց հետ միասին՝ նաև
տրքայի կյանքը, նաև բուրբի, նաև երկրի...

Գնելը շանթահարված վեր ցատկեց տեղից, ընկրկեց մի
պահ, ու խավարը, խավարը, միա՛յն խավարը նրան մղեց
հարձակվելու կնոջ վրա և հուսահատ կատաղությամբ համ-
բուրելու նրան, ուր որ պատահի: Փառանձեմն ամբողջ ուժով
դիմադրում էր, իսկականից էր դիմադրում, ինչպես օտար
ու բիրտ մի տղամարդու: Նրանք շնչասպառ թավալվում էին
գորգերի վրա, ցավ պատճառում իրար, վայրագորեն պա-
տառոտում միմյանց շորերը, վիրավորական խոսքեր շարտում
իրար հասցեի: Ու եկավ մի պահ, երբ Փառանձեմի ուժերն
սպառվեցին, կամավո՛ր սպառվեցին, և նա արդեն փորձ
չարեց մի անգամ էլ ճիգ թափելու, թեև դեռ կարող էր ի մի
հավաքել մարմնի խորքերում թաքնված վերջին ուժերը: Իսկ

Գնելի ուժը մեծացա՛վ, ավելացա՛վ, և աշխարհում այլևս ոչինչ չկար, որ ուզենար դիմանալ ու դիմադրել նրան: Կոստուլյան ու բոնուլյան երթը հաղթեց, սրբեց ու տարավ ամեն ինչ: Դարձավ սիրելի ու ցանկալի: Կարծես շեփոք փչեց խավարի մեջ կորած լեռների ու անտառների վրա՝ լոռնուլուն տիրեց մի պահ, ու արձագա՛նք լսվեց շորս կողմերից: Եվ այդ գիշերվա պես ակեկոծ ու խելահեղ ուրիշ ոչ մի գիշեր նրանք ոչ ունեին, ոչ էլ ունեցան իրենց ամբողջ կյանքում: Իսկ երբ մթուլյան մեջ ուրվագծերը անջատվեցին միմյանցից և վերադարձան առարկաներին, երբ առարկաներն ստացան իրենց վաղեմի ու հաստատուն անունները, նրանք զգացին, որ է՛լ ավելի օտարացել ու հեռացել էին իրարից:

Գնելն արագ դուրս եկավ խորանից, նստեց իր մոխրագույն ձին և զնաց, ձուլվեց խավարին:

Գլուխ ութերորդ

Ես զգացի մահվան սուր հոտը, Արշակ: Դավադրուլյուն է սա, ոչ մի կասկած: Ստոր, նենգ դավադրուլյուն: Նրանք, հայոց թագավորները, սովոր են ոչխարի հավատով զնալ օտար հրավերների և խնջույքի թեժ պահին զարմացած մեռնել: Եվ հիմա, արյան մեջ նստած կեղտոտ բնագորվ, ուզում են իրենց ցեղի դարավոր վրեժը լուծել, իմ հաշվին իրենց իշխանուլյունը հաստատել: Ուզում են, որ Գնել իշխանն էլ սատկի զարմացած աչքերով...

Ներիր, Փառանձեմ, որ այդ ահավոր, այդ հուսահատ հայտնուլյունը հանկարծ մտրակեց ինձ և ցանկուլյուն ծնեց իմ մեջ... Պատառոտել քո զոհատները... Ցավ պատճառել քեզ... Նվաստացնելով տիրել... Ինչպես իսկական տղամարդ... Ինչպես ամենահետին ուամիկ... Որպեսզի նորից հառաչանք լինի... Եվ նորից զնգա, և նորից մեխվի օդում... Մնաս բարով, հայոց թագավոր... Թող շենանա, հզորա-

նա թո երկիրը... Թող ժողովուրդդ սովորի թագավոր ունենալ... Թող արժանի լինի դրան...

Մնաս բարով, Փառանձեմ... Ներիր ավելի և պակասի համար... Ծս գիտեմ, դու մի պահ նորից ինձ սիրեցիր... Իսկականից սիրեցիր... Իմ անասնական ցանկությունը այլ կերպ հասկացար... Գնահատեցի՛ր... Դու իմ մեջ հայտնաբերեցիր ճշմարիտ տղամարդու... Եվ դա դուր եկավ քեզ... Քո գործն է... Աստված միշտ քեզ հետ... Երջանիկ եղիր առանց ինձ... Եվ քեզ հետ միասին թող երջանիկ լինեն ամենքը, նույնիսկ իմ թշնամիները, որոնց ես ներում եմ և որոնցից ինքս էլ եմ ներում խնդրում...

Իսկ ես ազատվեցի քեզնից, իմ մեծ սիրուց, իմ պարտքից, իմ դաստակերտից, իմ ձիուց, իմ հայրենիքից... Ազատագրման տոն է այսօր... Մնաս բարով, Գնեւ...



Ձին և մարդը, մի սիրտ, մի մարմին դարձած, թռչում էին միասին, ճեղքելով լուսնից նոսրացած, ցնցոտու պես ծվեն-ծվեն եղած խավարը: Ձին չէր զգում մարդու ծանրությունը: Մարդը ևս իր ծանրությունը չէր զգում: Եվ իրար ձուլված, իրարից ոգևորվելով, նրանք սուրում էին առաջ, կիսամութից կիսամութ անցնելով: Հայտնի չէ, թե ով էր ում տանում: Ու այդ խելահույզ արագությամբ նրանք իրենց ազատագրումն էին փառաբանում: Ձին կարծես գնում էր միանալու իր վայրի ցեղակիցների երամակին, գնում էր իր նախկին վիճակն ստանալու, նորից ձի դառնալու, իսկական, չընտելացած, չդաստիարակված, չթամբված ու չսանձված: Մարդը ևս գնում էր իր ցեղակիցներին որոնելու, իր նախնական վիճակը վերագտնելու, նորից մարդ դառնալու, ապրելու բախտից հալածվածների հետ, պայքարելու մի կտոր հացի համար, պնդելու իր գոյության իրավունքը, կյանքում առաջին անգամ սեփական ուժերով իր տունը հիմնելու...

Դաշտն արձակ էր, օդը՝ հրաշալի, ջուրը՝ զուլալ, երկիրը՝ հանգիստ, խաղաղ, աշխարհը՝ այնքան լայն ու մեծ, որ

չէր կարող լինել ոչ մի դավադրութիւն, ոչ մի ստորութիւն, նույնիսկ ոչ մի դժբախտութիւն: Նա համոզված էր դրանում, կուրորեն հավատում էր դրան և այս համոզմանը հանգել էր... այդ ամենից փախչելու գնով:

Արջադրյուր տանող ճանապարհին, որտեղ արջի ռտնահետք չի եղել երբեք, ինչպես որ ջուր չի եղել Զրաշատում, անտառ չի եղել Անտառամերձում, առյուծ չի եղել Առյուծ լեռան մոտերքում, եղել են միայն կարտուներ ու ձգտումներ, բախտից խռովումներ ու դժգոհանքներ, մի պատանի էր սպասում Գնելին, նույն կազմվածքով, նույն հասակով և նրան հիշեցնող դեմքով:

Պատանին ձին կապել էր ծառին և ջանասիրությամբ նրա կեղտերն էր մաքրում ճանապարհից: Ծանապարհ ասվածն էլ մի հսկա դաշտ էր, անսկիզբ և անվերջ: Նա կեղտը մի տեղից պարզապես տեղափոխում էր մի ուրիշ տեղ: Նպատակի ահավոր բացակայութիւն կար նրա գործողութիւնների մեջ: Մինչև այդ նա նույն ջանասիրությամբ մաքրել էր իր և ձիու շրջակա տարածութիւնը, քաղել մուխոտերը, հավաքել քարերը և դարսել քիչ հեռվում...

Գնելը կանգնեցրեց ձին, ցած թռավ և մտեցավ ծառային, որը հոգնած էր, քրտինքի մեջ կորած, բայց գահ ու վաստակած: Նրանք նախօրոք պայմանավորվել էին հանգիպել Արջադրյուրի ճանապարհին: Թեև Գնելը վտառ էր, որ աշխարհում չկա մի ուժ, որ կարողանար իրեն ստիպել արքայի հրամանին շենթարկվելու, բայց և այնպես հոգու խորքում գիտեր, որ այդպիսի ուժ, այնուամենայնիւ, գոյութիւն ունի: Վախը: Միայն վախն է, որ կարող էր ռտնատակ անել ամեն տեսակի համոզմունք ու գաղափար, կարող էր մի ակնթարթում փշրել դրանք, հողմացրիվ անել, մարդուն թշնամացնել իր հավատի հետ և դառնալ նրա միակ վստահելի բարեկամն ու խորհրդատուն: Եվ նա չէր քաշվում, չէր ամաշում իր վախից, որովհետև հիմարներն են միայն, որ վախենալ չգիտեն, երևակայութիւնից ու մտածելու ընդունակութիւնից զուրկ մարդիկ: Նույնիսկ քաջության ու խիզախության համար մի քիչ վախ է պետք, որպեսզի սխրագործութիւնը էլ ավելի ազնվանա, էլ ավելի մարդ-

կայնանա, որպեսզի այլևս ոչ ոքի չթվա, թե հերքութիւն գործելը ընտրյալներին է միայն վիճակված: Թող աստված նվազեցնի այն մարդկանց թիվը, ովքեր անմտորեն իրենց գցում են թշնամու փղերի ոտքերի տակ: Այդ նրանք են սեփականացրել հերոսութիւնը, անմատչելի դարձրել, բարձրացրել նրա գինը: Նա հիմա սիրում, փայփայում էր իր վախը, որը նրան հարկադրում էր ապրել, նորովի ընկալիլ այս աստղազարդ ու ծամծամված երկինքը, ձիու սմբակների գլխահան անող գոփյունը, գիշերվա հավիտենական գաղտնիքը, գոյության ցնձութիւնը: Եվ եթե մինչև այժմ նա աշխարհը սիրում էր այնպես, ինչպես կցանկանար այն տեսնել, ապա հիմա սիրում էր՝ ինչպես որ կար: Այս կատարյալ հաշտութիւնը կյանքի տոնն էր, կյանքի սաղմոսը, ապրելու ճիշն ու աղաղակը:

— Գիտե՞ս ինչու եմ կանչել:

— Այո, իշխան:

— Ապա ասա:

— Ես պետք է ծպտվեմ և առավոտ վաղ քո փոխարեն ներկայանամ Շահապիվան,— զարմանալի անկիրթ պատասխանեց նա:— Որպեսզի կիսամութի մեջ չճանաչեն ինձ, Եվ նրանք պետք է ինձ սպանեն:

Գնելը ցնցվեց: Նա խստիվ կարգադրել էր իր դայակին, որ ճշմարտութիւնը թաքցնի նրանից: Տաճատը ոչ մի դեպքում չպետք է իմանար, որ սպանվելու է դեռ Շահապիվան շմտած: Ահա և յուրայինի, մտերիմ մարդու՝ դայակի առաջին դավաճանութիւնը: Կարելի էր արդեն զանց անել իշխանի կարգադրութիւնը, քանի որ նա այլևս իր տերը չէ: Երևի հիմա, գոնեդուռ ընկած, նոր տեր է փնտրում իր համար, նոր սանիկ: Թքա՛ծ: Ես քեզ էլ եմ ներում և քեզնից էլ ներում խնդրում, որ ակամա առիթ եմ տվել զավաճանելու ինձ:

— Ո՞վ է քեզ այդ հիմարութիւնն ասել,— զարթացած ձեռքով Գնելը:— Սա կատակ է: Ամանորի կատակ: Ես ուզում եմ զվարճացնել իմ ընկերներին:

— Ոչ, իշխան,— հարգալից նրան ժխտեց Տաճատը:— Ինձ սպանելու են:

— Այդ դեպքում... ինչո՞ւ ես եկել,— ապշեց Գնեւը և կրկնեց հարցը, որպեսզի հարցի միջոցով ինքն էլ ինչ-որ բան հասկանաւ:— Եթե գիտես, էլ ինչո՞ւ ես գնում մահ-վան...

— Որովհետեւ եթե չգնամ, քեզ են սպանելու,— պատասխանեց Տաճատն այնպիսի սպառիչ տոնով, որ Գնեւը ևս մի պահ իրավացի համարեց նրա համոզմունքը. իսկպպես, ի՞նչ կա զարմանալու, մի՞թե տերը չի հասկանում, որ նրա կյանքն ավելի թանկ արժե, քան իրը:

Գնեւը սկսեց հանվել: Հանեց իշխանական պատմուճանը և մնաց վտավակով, առաջին հանդերձը, որ կրում են մերկ մարմնի վրա:

— Ահա և քո տերը,— դառը քմծիծաղ տվեց նա:

Տաճատը մի պահ, առանց հետաքրքրասիրությունը թաքցնելու, ակնապիչ նայում էր կիսամերկ տիրոջը:

Վտավակն իջնում էր մինչև ծնկները և դաստակներին մոտ զսպլում երիզաձև հավելվածով..

Տաճատը չկամությամբ աչքը հեռացրեց տիրոջից, հանեց պարեգոտը և մնաց քաթանե կոշտ ստորնակը հագին:

Գնեւը, նույնպես, հետաքրքրասիրությամբ զննեց նրան, կարծես ճզնելով կռահել, թե կարո՞ղ է արդյոք փոխարինել իր ծառային: Կարո՞ղ է արժանավայելությամբ փոխ առնել նրա աղքատությունը, դժբախտությունը, ձախորդությունը, նվաստացումը: Թեկուզև ներքնազգեստի՝ խնամքով ու բժախնդրությամբ կարված այս կարկատանը: Ունի՞ այդքան ուժ, թե՞ շունի: Ուսերը կդիմանա՞ն, թե՞ կծովեն: Եվ այդ ամենը՝ իր խղճուկ երջանկության և ապահովության դիմաց:

Գնեւը սրթսրթում էր լուսնի լույսի տակ: Տուրտը վերացրեց նրա փուչ եռանդը: Եվ, այդպես մերկ, նա շատ դժբախտ զգաց իրեն: Նա սիրում էր Փառանձեմին: Վախենում էր արքայից: Կարոտում էր իր անցյալը: Ատում էր իր ազատությունը:

Նա արագ հանեց վտավակը, շնայած դա չէր մտնում ծրագրի մեջ: Տաճատը ևս մեքենաբար հետևեց նրան ու զլխից քաշեց ստորնակը: Հիմա երկուսն էլ լրիվ մերկ էին: Դե եկեք ու ջոկեք, աշխարհի գիտուններ, խմաստասերներ,

փիլիսոփաներ, եկեք ու շոկեք, թե ով է մեզնից տեր և ով է ծառա: Մեր կյանքի ամենաազնիվ պահն է սա: Մենք հիմա ենք միայն հավատացյալ: Հիմա միայն կարող ենք աղոթել: Եվ մեր աղոթքը միայն հիմա կհասնի աստծուն:

Նրանք փոխանակեցին ներքնազգեստները, թեև հագուստը կարծես պետք է բավական լիներ, որ դերերը միանգամից փոխվեին: Մինչդեռ նոր դերի մեջ մտնելու համար կարևորը ոչ այնքան հագուստն էր, որքան այն, ինչ անմիջականորեն մարմնին էր կաշում:

Տաճատի ստորնակը հագնելուց հետո, անծանոթ հոտից ու շփումից, անծանոթ կենսագրությունից ու ճակատագրից խտուտ եկավ նրա մարմինը և թվաց, թե նոր մկրտություն էր դա: Ու նա հասկացավ, որ ազատությունն անխուսափելի էր:

Նա նորից քմծիծաղ տվեց, որովհետև քիչ առաջվա իր մտորումները բնավ Տաճատի օգտին չէին, այլ մի տեսակ մեղմացնում էին իրեն սպասող ապագան, մխիթարում, ցավազերծում, թմրեցնում...

— Տաճատ, քեզ իսկապես սպանելու են, իմացիր:

— Գիտեմ, իշխան:

— Գլխատելու են:

— Գիտեմ, իշխան:

— Իսկ ինչո՞ւ չես փախչում:

— Ես քո ծառան եմ, իշխան:

Այդ խոսքերն այնքան անկիրք հնչեցին, որ անհնար էր չհավատալ: Եվ ինչո՞ւ չհավատալ: Չէ՞ որ դրանք շարագուշակ կերպով կրկնում էին այն, ինչ ինքն էր սիրում պնդել: Գնելն ու նրա ծառան ինչ-որ տեղ հավասար էին: Երկուսն էլ հնազանդությունը դարձրել էին իրավունք: Երկուսն էլ նվաճել էին հնազանդության իրավունքը: Եվ պնդում էին այդ իրավունքի վրա:

Նա ծիծաղում էր այսօրվա իր տանջալի տատանումները հիշելով, երբ ամեն ինչ թվում էր անքակտելի կծիկ, տիեզերական անլուծելի մի հարց: Մինչդեռ կար պարզագույն ելքը, որ հաճախ մտքովդ էլ չի անցնում, բայց որին կարող ես հասնել միայն մեծագույն տառապանքով. շգնալ, շխարվել,

չնաճատաւելի... փախչել... Բայց սա չի փախչի, չի դռնի պարզագույն ելքը: Նի իմանա, թե որքան հեշտ է ամենահասարակ լուծման հանգելը: Որովհետև Գնելը ստորաբար զժվարացրել էր դրան հասնելու ճանապարհը: Նրան զրկել էր տսոսպանքից: Հենց սկզբից էր հուշել:

— Կկովես, հերոսաբար կկովես, շթողնես, որ քեզ միանգամից շանսատակ անեն: Զարատավորես իմ անունը:

— Մի մտահոգվիր, իշխան:

— Վատ բան է մեռնելը: Դա էլ գիտե՞ս:

Ամեն ինչ ինքը պետք է ասի: Ամեն ինչ, Եվ հենց սկզբից: Միայն թե շթողնի, որ այդ մտքերը Տաճատի գլխում ծնվեն: Զթողնի, որ նա ինքնուրույն հասնի դրանց:

— Կիմանամ, իշխան: Հորս մահն եմ տեսել: Մորս էլ: Թույլ տուր զնամ:

— Հիմա դ՞ու ես իշխանը: Մոռացիր, ար ծառա ես: Այլևս երբեք չհիշես:

— Գիտեմ, իշխան:

— Դեմքիդ գույն չկա: Դու պետք է ազատվես քո վախից:

— Չեմ կարող, իշխան:

— Կարո՞ղ ես Ծս ինքս կազատեմ:

— Թույլ տուր զնամ, իշխան:

— Մի՛ ասա իշխան:

— Չեմ ասի, իշխան:

— Ապտակիր ինձ,— հանկարծ հրամայեց Գնելը:

— Չեմ կարող, իշխան,— այլայլվեց Տաճատը:

— Հրամայում եմ, ապտակիր:

— Չեմ կարող... Մի ստիպիր... Չեմ կարող, իշխան...

— Ուրիշ ճար չունենք, Տաճատ: Ապտակի՛ր:

— Ի սեր աստժո, թող զնամ...— ծնկի շոքեց Տաճատը:—

«... քեզ խայտառակ շեմ անի... Ամոթով շեմ թողնի...»

— Ծս քեզ հավատում եմ: Լրիվ վստահում եմ: Բայց դու չհը դիմանա, Տաճատ: Վերջին պահին ետ կփախչես:— Նա ճեղքը տարավ նրա օձիքին և բռնի ուժով վեր բարձրացրեց:— Վախը կդավաճանի քեզ:

— Մի արա իշխան... Մի ստիպիր...— Աչքերում ար-

նելով, ստիպելով նրան իր ծագումը մոռանալ և գոնե մի քանի ականթարթ իշխան զգալ իրեն, Գնելը արդյոք չվերացրե՞ց ընդհանրապես վախի զգացումը տերերի հանդեպ: Նա փաստորեն հակառակ արդյունքի հասավ: Տաճատը, խախտված տեսնելով տիրոջ և ծառայի իր հաստատուն պատկերացումները, կարող է պարզապես ետ դառնալ կես ճանապարհից և դեռ մի լավ էլ խնդալ տիրոջ քթին:

Գնելը շրջվեց և տեսավ, որ Տաճատը, օգտվելով կարճատև պահի առիթից, աչքից վրիպած մի քար գաղտագողի վերցրել էր գետնից, որպեսզի տանի և դնի իր հավաքած քարակույտի վրա:

Նա գործնական քայլերով մոտեցավ Տաճատին և մի ուժգին ապտակ հասցրեց նրա երեսին:

— Որպեսզի այլևս երբեք չհամարձակվես ձեռք բարձրացնել տիրոջդ վրա, — լուրջ և հանգիստ բացատրեց նա:

Աշտանակեց ձին ու արագ հեռացավ, դաշտի մեջտեղում, լուսնի հետ, մենակ թողնելով անակնկալից ապշած Տաճատին, որը մինչև հիմա գոնե գիտեր, թե ինչ պիտի աներ ձեռքի քարը: Իսկ հիմա արդեն այդ էլ չգիտեր:

Գլուխ իններորդ

Այս ի՞նչ է պատահել միջահասակ, թխադեմ և արծվաքիթ հայերի երկրում: Այս ի՞նչ իրարանցում է: Ո՞ւր են մրջյունների պես վազվզում հայերը, ի՞նչ են անում այսպես միասին: Կովի ժամանակ հաճախ են նրանց միավորված տեսել վտանգից առաջ, բայց խաղաղ օրերին՝ երբեք: Ամեն մի հայ ունեցել է իր փոքրիկ թագավորությունը, իր գետնափոր տունն ու բազմանդամ ընտանիքը, իր կովն ու ոչխարը: Ծվ ամեն մի հայ համաձայն չի եղել մյուսի կարծիքին, այն էլ՝ նախօրոք, նախքան այդ կարծիքն իմանալը: Ամեն մի հայ համարել է, որ մյուսը սխալ է ապրում ու դատում: Այդպես է մտածել ոչ միայն ամեն մի առանձին հայ,

այլև գյուղը գյուղի մասին, գավառը գավառի մասին, ամբողջ երկիրը հարեան երկրների մասին: Բայց արի ու տես, որ հարեաններն էլ նույն ձևով են ասրել ու մտածել, միայն թե հայերը, ի տարբերություն նրանց, շատ են խոսել իրենց թերութուններից, դժգոհել, ծաղրել իրենք իրենց և նրանց անունն է դուրս եկել միայն... Բայց և այնպես ինչո՞ւ միավորվեին, հանուն ինչի՞, քանի որ թշվառութունն ու դժբախտութունը կարող են սոսկ բաժանել մարդկանց: Ուրեմն, ինչ-որ բան փոխվել էր: Բայց ի՞նչ էր փոխվել: Երևի երջանկության հոտ էին առել հայերը: Սակայն ով է լսել, որ երջանկութունը համատարած լինի և բաժին հասցնի բոլորին: Նոր քաղաք էր կառուցվում Հայաստանում:

Ոչ մի քաղաք հայերը դեռևս չեն կառուցել այսպիսի թափով ու եռանդով, միշտ իմացել են զլուխ պահելու կերպը, երկար դատողություններ են արել, ծուլորեն վիճարանել, հանդարտ քննարկել, թե ինչը կարագացնի աշխատանքը, ինչը կմեծացնի շենքի ամրությունը, միայն թե քիչ գործ անեն և ժամանակ ձգեն, ոչ մի զրկանք չեն տարել այսքան անտրտունը, երբեք հայն այսքան հավատ ու երազ չի ունեցել, երբեք այսքան չի սիրել իր ազգակցին, երբեք այսքան չի օրհնել իր արքային: Որովհետև մինչև հիմա կառուցել է ուրիշի համար, իսկ այժմ իր սեփական քաղաքն է հիմնում: Արքայի անունը կրող, բայց իրեն պատկանող:

Հազարավոր ձեռքեր, բնավորություններ, խառնվածքներ, հազարավոր կենսագրություններ ու ճակատագրեր, երկրի զանազան ծայրերից եկել, միավորվել էին, որպեսզի մի ընդհանուր ճակատագիր դառնան: Տասնյակ սովորություններ ու բարքեր, միևնույն հնչյունի տարբեր արտասանություններ, միևնույն առարկայի տարբեր անվանումներ, տարբեր բնանկարների սովոր աչքեր, տարբեր տարազներ ու տարբեր երգեր խառնվել էին միմյանց, որպեսզի աստիճանաբար կազմավորեն ապրելու միասնական մի ձև, ստեղծեն մի նոր բարբառ, ընտելանան նոր բնանկարի, հագնեն նույն տարազը և նույն էրգերը երգեն:

Կառուցվում էր Արշակավան քաղաքը:

Քաղաքի շուրջը ցանկապատ էր քաշված, որ խորհրդա-

նշում էր Արշակավանի սահմանները: Ծրբեք ազատութիւնն ու երջանկութիւնը հայաստանցու համար շին եղել այսքան շոշափելի ու որոշակի, համենայն դեպս՝ այսքան տեսանելի: Տարօրինակ էր, նույնիսկ մարդու մարմնով մի տեսակ դող էր անցնում, մի տեսակ սարսուռ, երբ ընդամենը մի քայլի վրա պարզորոշ սահմանազատվում էին շարն ու բարին: Ասես անդրկողմյան աշխարհի դռներն էին իրար ետևից բացվում և պարզ ու մատչելի լեզվով բացատրում կյանքի առեղծվածը, աշխարհի զաղտնիքները վերածում մանկական նկարներին, երկրաշափական ձևերի, մոմատախտակի վրա գրված հասարակ ու միավանկ բառերի, և ահա ևս մի դուռ, ևս մի պահ, ու մարդիկ կհասկանան, թե ինչո՞ւ են ապրում և ինչո՞ւ են տառապում: Նրանք զալիս էին խմբերով և Արշակավան մտնելուց առաջ, ինչպես հին և անպետք լաթ, ինչպես շորերին նստած փողի, սահմանից այն կողմ էին թողնում իրենց դժբախտ անցյալը, իրենց կրած զրկանքները, անթիվ ու անհամար նվաստացումները, քաղցած գիշերները: Ու դրանք ևս, ցանկապատի առկայութեամբ, թվում էին նույնքան տեսանելի, կարծես սահմանագծի ետևում իրար վրա կուտակված լիքը դժբախտութիւն կար, որից ծանր ու ահաճ հոտ էր զալիս, միզահոտ հիշեցնող...

Մի մարդ, որ մեծագույն դժվարութիւններն ու փորձանքներն հաղթահարելով, հասել էր Արշակավան և ուրախութիւնից շէր հավատացել աչքերին, կանգնել էր մի ոտքը ցանկապատից այս կողմ, մյուսը՝ այն: Կանգնել էր երկար, ինքն իր մեջ ամփոփված, ինքն իր հետ առանձնացած, առանց բանի տեղ դնելու անծանոթ շրջապատի միահամուռ ծիծաղն ու ծաղրական բացականչութիւնները: Հետո, հեռացել էր ցանկապատից և ինքն էլ լիաթոք ծիծաղել մյուսներին հետ միասին:

Ցանկապատը ցածրիկ էր, տեղ-տեղ փայտից սարքված, տեղ-տեղ՝ քարից, տեղ-տեղ՝ հողաթմբից, տեղ-տեղ էլ հատուկ փոսեր էին փորված: Մի քանի ասպարեզը մեկ մի գինվոր էր կանգնած, որ հսկում էր քաղաքի սահմանները:

Ամեն օր հարյուրաւոր փախստականներ էին զալիս: Գալիս էին տանջված ու շարշարված, տասնյակ վտանգներից

ճողոպրած, կյանքները մի-մի բարակ թելից կախված: Ումանք, ցանկապատը անցնելուն պես, հոգնածությունից փուլ էին գալիս գետնին. կծկտվում ու քուն մտնում, քնի մեջ զարդարելով ու գունավորելով դեռևս չըմբռշխնած իրենց բերկրանքը:

Իսկ շատերն իրենց հետ բերում էին հարազատների դիտակները: Այդ նրանք էին, ովքեր ճանապարհին հանդիպել էին զինվորների ու կովի բռնվել նրանց հետ: Եթե հաղթում էին, զոհված եղբոր, կնոջ կամ զավակի դիակները կարողանում էին բերել իրենց հետ, երկարացնելով փախուստի օրերը և ավելացնելով վտանգների թիվը: Զարմանալի արժանապատվությամբ ու արիությունով էին բերում դիակները, լուրջ դեմքերով, առանց մի կաթիլ արցունքի, մի կարևոր, շատ կարևոր բան անելու խոր գիտակցությամբ: Եվ տեղ հասցնելուց հետո թաղում էին այնպիսի լուծությամբ, այնպիսի զսպվածությամբ, որ մի տեսակ սոսկում էր առաջանում շրջապատի մեջ:

Իսկ եթե կռիվը անհավասար էր լինում, ստիպված լքում էին իրենց վիրավոր կամ մեռած մերձավորներին ու փախչում, աչքերը ետևում թողած:

Արշակավանը դեռ շէր կառուցվել, բայց արդեն գերեզմանոց ուներ:

Փախուստի դիմած մարդկանցից շատերը ճանապարհին կորցրած էին լինում իրար և, Արշակավան գալուն պես, փնտրում միմյանց: Բայց որտեղի՞ց կգտնես քո համասերմին այս հսկա խառնարանում, հոգնությունից ու քաղցից միանման դարձած ամբոխի մեջ: Օր ու գիշեր, քուն ու դադար կորցրած, ման էին գալիս, հարցուփորձ անում սրաներան, շարունակում դեգերել ու ոտքի տակ ընկնել: Սկզբում կարեկցում էին նրանց, սրտանց օգնել ցանկանում, բայց այնքան էր շատանում փնտրողների թիվը, որ ի վերջո դժբախտությունը սովորական դարձավ և նույնիսկ ձանձրալի: Մի քանիսը միայն, ովքեր երջանիկ աստղի տակ էին ծնվել, ամիսներ անց պատահաբար հանդիպում էին իրենց կորած արյունակիցներին և ուրախության արցունքներից ու ջերմ ողջագուրումներից հետո, արդեն որպես իսկական

արշակավանցի, հպարտութեամբ մտածում, թե ուրեմն որ-
քան մեծ է իրենց քաղաքը:

Փախստականների թիվն այնքան էր շատանում, որ կար-
ձեռւ ամբողջ երկիրն էր ուզում տեղավորվել այս մի կտոր
հողի վրա, Հայաստանը վերածել քաղաքի, կամ որ ավելի
ճիշտ է՝ անընդհատ ընդարձակել քաղաքի սահմանները և
քաղաքը վերածել երկրի: Եվ, իսկապես, հետզհետե լայնա-
նում էին Արշակավանի սահմանները, քաղաքն օղակող
ցանկապատը ամիսը մեկ քանդում էին և տեղափոխում
ավելի հեռու:

Արքունիքն ամեն օր Արշակավան էր ուղարկում տասնյակ
սայլեր, որոնք բեռնված էին գերաններով, կավով, ավազով,
քարով և առատ ուտելիքով: Ոչինչ չէր խնայվում արքայի
քաղաքի համար: Եվ փախչելու սիրտ չարած շինականներն
ու ռամիկները մի տեսակ սիրով էին տալիս իրենց հարկերը,
հաստատ համոզված, որ դրանց որոշ մասը բաժին կհասնի
այն խիզախներին, ովքեր իրականացրել են ուրիշների երազ-
ները:

Երկրի բոլոր անկյուններում Արշակավանի անունն էր
ալիքի պես տարածվում, մտնում գետնափոր տները, ծվա-
րում շինականների՝ քթների տակ մոմռացող երգերի, լուռ
հայացքների ու անսպասելի հոգոցների մեջ:

Ճանապարհները վխտում էին զինվորներով, որոնք կաս-
կածանքով էին նայում բոլոր նրանց վրա, ովքեր երկու ոտք
առնեն և քայլել գիտեն: Երկրի կապերը խզվել էին, ոչ ոք
հյուր չէր գնում հարևան գավառում ապրող իր ազգականին,
ոչ ոք ձեթ չէր տանում ցորենով փոխանակելու, ձեթի ավել-
ցուկը մնում էր և հաց չէր դառնում, հարս չէին բերում կող-
քի գյուղերից, չէին արածեցնում տխուր աչքերով անասուն-
ներին, ամայացել էին ճամփաները, ոտնահետքերը շնչվել,
անտառի գազաններն անվախ դառել, գոմեշներն ու ձիերը,
եզներն ու ջորիները անգործության մատնվել ու լիկել:

Կասկած էր ընկել երկրում: Կասկածում էին բոլորի՝
Կասկածում էին բոլորին: Օգը լցվել էր փոխադարձ անվստա-
հությամբ, կարծրացել ու անշարժացել: Տերերն ամեն օր
հանցավորների էին փնտրում ոչ միայն ճանապարհներին,

ուչ միայն հանցանք գործելու, փախչելու պահին, այլև տնե-
րում, որտեղ մարդիկ առանձնանում են իրենք իրենց հետ,
փողոցում հենց նոր հանդիպած երկու շինականի կարճատև
բարևի կամ որևէ անորոշ տեղից լսված երգի մեջ, որ հին
օրերի սովորության ուժով հնչում էր մի պահ, ապա, ինքն
իր ձայնից վախեցած, լուում:

Ավելի կարևոր էր դառնում գտնել ոչ թե այն մարդկանց,
ովքեր արդեն փախուստի ճամփա են բռնել, որովհետև դա
անհամեմատ հեշտ էր, այլ նրանց, ում մտքով անցնում
էր փախչելու գաղափարը, ով լուռ մտածո՞ւմ էր այդ մասին,
անկախ այն բանից, կիրագործի՞ դա, թե՞ ոչ:

Եվ ծաղկում, փթթում, առատ բերք էր տալիս մատու-
թյունը: Մատնում էին յուրայինները, հարևանները, ընկեր-
ները, ազգականները: Մի կտոր հացի կամ սեփական ապա-
հովության համար, վախից կամ հին հաշիվները մաքրելու
ժարավից: Եվ մատնվածների տները, որպես կանոն, նվիր-
վում էին մատնիչներին:

Եվ ծլարձակում, բողբոջում, պտուղ էր տալիս զրպար-
տությունը:

Ջնդանները լցված էին հանցավոր մտքերով վարակված
շինականներով ու ծառաներով: Պատժվում էին ասված ու
չասված խոսքերի համար, անգամ խեթ հայացքների ու
մոայլ տրամադրություն համար: Եվ ուրախ ժպիտներով էին
լցվում հայոց շեներն ու ավանները, կատակներով ու տոնա-
կան զգեստներով: Ամեն մեկը ճգնում էր մյուսից առաջ
ընկնել և ապացուցել իր երջանկությունը, Հետո, գերհոգնած
ու գերլարված, ժամ առաջ շտապում էին տուն, դռան մոտ
թողնում իրենց երջանկությունը, շան կողքին, որպեսզի
հանկարծ մեկնումեկը չգողանա, շտանի իր հետ, և մոայլ-
վո՞ւմ, մոայլվո՞ւմ, լոո՞ւմ, լոո՞ւմ ու հանգստանում:

Իսկ զնդաններում ավելանում էր նրանց թիվը: Ջնդան
էին գցում փախստականների ազգականներին, բարեկամնե-
րին, հարևաններին: Լինում էին դեպքեր, երբ մարդիկ, որոնք
նույնքան ծանր և անուրախ կյանք ունեին, որքան և փախ-
չելու պատրաստ իրենց ընկերը կամ ազգականը և նույնքան
էլ փախչելու պահանջ ու ցանկություն, բայց որովհետև վա-

խենում էին, սիրտ չէին անում և ներքին կռիվներից ու ինքնատանջումներից օրեցօր հալումաշ լինում, նախանձից ու շղայնությունից մատնում էին նրանց և նոր միայն ազատ շունչ քաշում ու շարունակում հանգիստ ապրել:

Բայց որքան զնդաններն էին մարդկանցով ավելանում, տասնապատիկ շատանում էին Արշակավանի բնակիչները:

Եվ աշխարհում չկար մի ուժ, որ կասեցնե՞ր քաղաքի կառուցումը:



— Տուն արի, Խանդութ... Ես եմ, քո ամուսինը... Պատն երեսին ես գցել մեզ... Կովը չի թողնում մոտ գամ, քացի է տայիս... Վայ թե քեզ է ուզում... Քո ձեռքերն է կարոտել... Ասե՞մ ինչ ես մտածում... Մտածում ես, թե ինչ երեսով պիտի ետ դառնաս... Գլխի ընկա, չէ՞... Թե մի խոսք եմ ասել, թե երեսովդ եմ տվել, շնից ծնված լինեմ... Մեկ-մեկ միտք եմ անում, թե էս Խանդութն ինչ գտավ էդ մարդու մեջ... Չլինի՞ ուզում էիր անունն էլ տայի... Ինչո՞վ էր ինձնից լավ... Կո՛ւյր էի, կա՞ղ էի, թե՞ ոտ ու ձեռս շէր բռնում... էս քեզ համար շեմ ասում... Ինձ համար եմ ասում... Որ սիրտս մի քիչ հովանա... Վեր կաց, վեր կաց տուն գնանք... Երեխաները քեզ են սպասում... Ասում են, ներիւր մեր մորը... Գուցե ներեմ, հը՞, Խանդութ... Գուցե իսկապե՞ս ներեմ... Ի՞նչ կասես...



Կոզովիտը, որի տարածքը մեծ մասամբ ճահճապատ էր, սահմանափակված էր քնական արգելագծերով՝ լեռներով: Գավառը հայտնի էր իր Գարոյնք բերդով, որը գտնվում էր Թավրիզից դեպի Կարին տանող և Այրարատյան աշխարհը Արածանիի հովտի հետ միացնող ճանապարհների խաչմերուկում: Գարոյնքը արքունական ամրոց-գանձարան էր և կարևոր վաճառատեղի: Գավառը հայտնի էր նաև Սինակ լեռան ստորոտին ընկած Գայլատու լեռով և Կոզովիտ կոչված շամ-

բով: Բայց քիչ չէ՞ր արդյոք: Խեղճ կոզովիտցին ինչո՞վ պիտի պարծենա և իր թշվառ կյանքը ինչո՞վ պիտի զարդարի: Շամբո՞վ: Ճահիճներո՞վ: Մի Դարոյնքը չի հերիքի բուլղրին, չի հագեցնի աղքատի երազները: Եվ, վերջապես, աստված նրանց երեսին էլ ժպտաց և փսփսաց հայոց արքայի ականջին. մեղք են կոզովիտցիք, նրանք էլ հայ են, մի քաղաք կառուցիր նրանց հողի վրա, թող մի կողմը Մասիսին նայի, մյուսը՝ Թոնդուրեկին...

Հայը նայում է լեռներին և ապահով զգում իրեն: Ապահով է զգում քամիներից, նոր մարդկանց հետ շփվելու գլխացավանքից և թշնամիներից: Ու իր տունն էլ քանդում է նրանով, որ մոռանում է լեռնանցքների մասին: Մոռանում է, որովհետև ամեն օր չի տեսնում:

Երբ Արշակավանի բնակչության թիվն անցավ երկու բյուրից, որոշեցին քաղաքի շուրջը պարսիպ քաշել, իսկ պարսիպը գոտևորել խոր փոսով, որպեսզի թշնամու հարձակման դեպքում ջուր լցնեն մեջը և կրկնակի պատնեշ ունենան:

Բայց թշնամին չէր երևում: Եթե չէր երևում, ուրեմն, չկար, գոյություն չուներ: Որ լիներ, գոնե մի անգամ պիտի երևար, չէ՞, գոնե մի անգամ պիտի ձայն տար, չէ՞, թե ես այստեղ եմ, թե ես ցույց կտամ՝ ինչ է նշանակում տերերից փախչել և ձեզ ու ձեզ քաղաք կառուցել: Սակայն ոչ երևում էր, ոչ ձայն հանում:

Պարսպի և փոսի գործը դանդաղ էր առաջ գնում: Միայն հիմքերն էին վեմերով շարված...

Իսկ տները սնկերի պես բուսնում էին կողք կողքի, կառուցում էին ով որտեղ ուզեր և ինչպես ուզեր: Ահավոր քաոս էր տիրում շորս կողմը: Մեկ դեմ էիր առնում կիսագետնափոր խրճիթների, մեկ էլ՝ միհարկանի տների բուլորը իրար վրա թափված, իրար խառնված, միագույն ու միանման: Տարօրինակ է, որ հենց այդ քաոսն էր կոտորում, ինչո՞ր տեղ նույնիսկ իմաստավորում քաղաքի միակերպությունը, աշխուժացնում նրա դեմքը, որովհետև եթե միակերպությունը նաև ծրագրված լիներ, տաղտկալի գերեզմանոց կդարձներ քաղաքը:

Արշակաւանի տեղանքը տարբեր բարձրութիւն ուննա Այնտեղ, որտեղ բլուր էր գոյանում, երեք կողմերից փորում էին հողը և կառուցում կիսագետնափոր տներ: Պատերը շարում էին ոչ սրբատաշ քարերով և սվաղում հարդախառն կաւով: Սովորաբար մեկ բաժնից էին կազմված լինում տները, և այդ միակ բաժինը կոչվում էր ոչ ավելի, ոչ պակաս, քան գլխատուն, այսինքն, ինքն իր գլխատունը: Տանիքը ծածկված էր հազարաշեն կոչված ծածկով, որի վրա հող էին լցնում և գմբեթի ձև տալիս: Գմբեթները վերջանում էին երդիկներով, որպեսզի այնտեղից լույս մտնի և թոնրի ծուխը դուրս գա: Եթե ձմռանը շատ ձյուն իջնի և կուտակվի դռների առաջ, մարդիկ երդիկի միջով փողոց կեննեն, որպեսզի տեսնեն, թե աշխարհում ինչ կալկա:

Գլխատանն ընտանիքներն ապրում էին անասունների հետ միասին, ըստ որում՝ ամենատաք ու ամենաապահով մասը հատկացնում էին նրանց, որպեսզի շխտվեն հանկարծ, կաթը շնվազեցնեն, միսը չջրացնեն, բուրդը չքոտտեն, կողի լընկնեն և ձու տան: Եվ մարդիկ շոգոքորթաբար եղբայր էին կոչում նրանց, չկասկածելով անգամ, որ իրականում նրանց ավելի էին սիրում, քան թե իրար:

Միհարկանի տներում, որ շինված էին հում աղյուսից, մեկ կամ երկու բաժին կար: Պատերի ծուծը պատրաստում էին մանր քարերի և ցեխի խառնուրդից, երբեմն էլ հող էին լցնում: Իսկ երկրաշարժից պահպանելու համար քառակող փայտե գոտիներ էին դնում: Հատակը կավածեփ էր, ինչպես նաև՝ թրծած աղյուսներով կամ քարե սալիկներով պատած: Տանիքների մի մասը հարթ էր, գերանների վրա՝ եղեգ փռված, մի մասն էլ՝ երկթեք, թրծած կավե կղմինյուրներով ծածկված:

Տներն այնքան մոտ էին, որ հաճախ ընդհանուր պատ ունեին: Իսկ նրանց շարքերի արանքում նեղ միջանցքներ էին գոյանում ու փակուղիներ: Խուլ փողոցներ էին դրանք, անաչք, անլուսամուտ: Փայտե դարուպաններն էին միայն փողոց ելնում, իսկ լուսամուտները նայում էին դեպի փոքր բակերը:

Ուրիշ: էլ ի՞նչ ուրիշ: Արշակավանցու տունը վերջադավ
Մնացին միայն խշտյակը, կարճատե սեղանը, աչքունք-
պատրճանը, որի մեջ պահում էին կթելու՝ կավե, փայտե և
պղնձե ամանները, կաթը «փոփու» տաշտերը, սերուցքը
թթվեցնելու ծափերը, շիճուկ եփելու կճոցները...

Ավելի շատ երազներ կային արշակավանցու տանը,
մարդկանց ճակատներին գրված անջնջելի գրեր, կրթեռ,
կարոտներ, սպասումներ, կասկածներ, վախեր, քան թե
իրեր:

Եվ այս քառսի մեջ, ամենաբարձր բլրի վրա, երևում էր
մի անհեթեթ գեղեցկություն. մարմարանման սրբածաշ
կրաքարերից կառուցվող սյունադարդ երկհարկանի պալատը:
Անհեթեթ էին նրա պնդությունը, նրբակերտությունը: ամեն
մի գծի մշակվածությունը, ամեն մի մասի ավարտվածու-
թյունը: Որովհետև ոչ մի կապ չունեին այս քաղաքի, ինչպես
նաև իր բնակչի, տասնվեցերորդ Արշակունու հետ:



— Եթե վերադառնաս, ես քեզ վերակացու կնշանակեմ...
Ինչ կհրամայես քո նախկին ընկերներին... Նրանք կվախե-
նան քեզնից... Ամբողջ կյանքումդ դու ես վախեցել, չէ՞...
Իսկ հիմա միայն ինձանից ես վախենալու... Ուրիշ ոչ
որից... էլ ի՞նչ ևս ուզում... Ձայն հանիր, ի՞նչ ես պապանձ-
վել... Սովոր ես, չէ՞, որ ու գիշեր մեջք ծռել... Քաղցր է,
չէ՞, սոված մնալը... Հավ ապրելուց ես վախենում... Չգվում
ես կուշտ փորից... Տաք սենյակը կուշտ փորից էլ վատ է...
Պիտի անպայման ցրտից փծտանաս, որ զոհ լինես աստ-
ծուց... Ուրեմն... Ինչ ի՞նչ մարդ ես... Ուրեմն, շեռ ուզում
մի մարդուց, տես, է, ընդամենը մի՞ մարդուց վախենալ...
Հավ է, որ գոնե կյանքդ այդտորեցի... էլ քուն ու դադար չես
ունենա... Հա՛ կհիշես իմ առաջարկը...



էլ ինչպե՞ս արշակավանցին մտածի պարիսպ կառուցելու
մասին, էլ ինչպե՞ս փոս փորի շուրջը և դեռ ջո՛ւր էլ լցնի

մեջը, եթե արքունիքը ձմեռվա պաշար է ուղարկում նրա համար, այդքան հոգատար է նրա նկատմամբ և անընդհատ ներշնչում է իր հպատակներին, որ ոչ մի դեպքում անտուն, սոված ու ծարավ չի թողնի նրանց:

Ձմեռվա պաշարները հավասար բաշխվում էին բնակիչներին և պահվում տների նկուղներում, որոնք շտեմարանի դեր էին կատարում: Իսկ գետնափոր տներում՝ հենց գլխատանը, իրենց հոտը միացնելով մարդկանց ու անասունների հոտին:

Ո՞վ է լսել, որ հայ շինականի կյանքում ամեն ինչ տեղը տեղին լինի, չոր նյութերի համար փայտեղեն հատուկ տնօրեններ ունենա, խոնավների համար՝ կավեղեն, ցորենը պահի հորոնի մեջ, խնձորը, դամոնը՝ կարասի, հապալասը, չոր թուզը և ձեթը, շուշման կամ կնճիթը՝ ճառագյի, դալար թուզը՝ բղուղի, նուռը՝ պուտուկի, շագանակը՝ կավե ամանի և արմտիքը, սերմերն ու դեղահունտերը՝ քանդուկների... Ե՞րբ է եղել, որ նա այդ ամենն ունենար, կամ եթե նույնիսկ ունենար էլ՝ մեջը լիքը լիներ:

Եթե մի քիչ, գոնե մի քիչ պակաս լցվեին նկուղները, գուցե և այլ հունով ընթանար երկրի բախտը...

Զարմանալի բան. չէին համբերում մինչև ձմեռ, թեկուզ և մի փոքր նեղն ընկնելիս, օգտագործում էին պաշարները: Որ ասես, թե չգիտեին՝ ինչ բան է վաղվա վախը, սխալ կլիներ, մանավանդ՝ ամբողջ կյանքը վախի մեջ ապրած մարդկանց մասին: Բայց, ըստ երևույթին, ինչ-որ կապ կար այն բանի հետ, որ արյամբ ու քրտինքով վաստակած հաց չէր դա և, հենց դրա համար էլ, մի տեսակ բթացնում էր մարդու երևակայությունը:

Եվ ինչքան լավ էին ապրում, ինչքան ապահով էին զգում իրենց, այնքան էլ համոզվում էին, որ պարսպի ու փոսի գործը կարելի է հետաձգել:

Եվ, ասենք, ձիթահան էին շինում: Բովված կտավատը ճմլող հսկայական քարը, երկուսից-չորս մամլող գերանները, այդ գերանները շարժման մեջ զնոդ պտուտակաձև պողոսակը և գոմեշի լծասարքերը միացնելուց ու գործի

դնելուց հետո անցնում էին հնձան սարքելուն, հետո երկանքի համար հարմար քարեր փնտրում, հետո մտածում գոհճ աղ ձեռք բերելու և ձեռք բերելուց հետո էլ՝ կոնկրի մեջ հատորաձև, թե՛ լեսած պահելու մասին, հետո հասարակաց բաղնիս էին սարքում, հետո գինի էին մզում, եթե առատ էր՝ քամում էին զամբյուղով ու շուխայով, իսկ եթե սակավ էր՝ պարզուտի հատակին ավազ լցնելով, կանայք թափշությամբ էին զքաղվում գետի ափին, օշնան խոտով լվանում զգեստները, խփում տոփանով ու փռում արևի տակ, հետո անցնում էին ոստայնանկության, որի առաջին փուլը տարազագործությունն էր կամ սատարությունը՝ թելի պատրաստությունը, ստանում էին կտավ՝ համանուն բույսից, ասուի կամ բրդեղեն, բայց արդեն բեհեզ էին ուզում՝ կտավի ավելի նուրբ տեսակը, կերպաս կամ մետաքս էին ուզում, ուզում էին կերպասի է՛լ ավելի նուրբը՝ սնդուսը, է՛լ ավելի բարակը՝ շղարշը կամ տեռը... Դիպակ՝ ոսկեխառն պաստառ... Ուզո՛ւմ էին, ուզո՛ւմ, ուզո՛ւմ... Եթե մի քիչ, գոնե մի քիչ պակաս ուզեին...

Լուծյո՛ւն: Արշակավանցի կիսն է անցնում տների արանքում գոյացած խոզ միջանցքով: Ու թեև ոչ ոք չկա նեղ փողոցում, բայց նա ամաշում է արդեն: Ամաշում է այն հնարավորությունից, որ դիմացից կարող է անծանոթ տղա՝ արդ հայտնվել ու է՛լ ավելի նեղացնել, է՛լ ավելի փոքրացնել միջանցքը: Ամաշում է իր ծածուկ մտքերին տեղյակ սեփական ստվերից, որը պատերին քավելով անընդհատ հետևում է իրեն և պոկ չի՛ գալիս:

Նրա մազերը ճակատից երկճղված են և պսակաձև շրջանակում են առողջ ու վարդագույն դեմքը, հագել է ոտքերին հասնող մի պարզ պարեգոտ, քղանցքի երկու կողմերից, մեջքից մինչև ազդրերը, որպես զարդ, իջնում են աղեղնաձև յոթ կանոնավոր ծալբեր: Պարեգոտի վրայից կրում է երկար ու նեղ թևզանիքով մենթանը: Բարակ մեջքն ամփոփված է մի նուրբ գոտիով:

Նա երբեք այսքան ուշադիր չի եղել իր հանդես, երբեք չի ցանկացել այսքան գեղեցիկ ու հրապուրիչ երևալ: Որով-

հետև գիտեմ, որ Արշակազանը չի է նաև ամուսիններից փախած կանանցով, նրանց սիրած տղամարդկանցով, սիրո հեքիաթներով ու անամոթ կրթերով: Նա բնավ առիթը չի փախցնում հասկացնելու բոլորին, որ ինքը նրանցից չէ, որ ռենի օրինավոր ու թիկնեղ ամուսին, որ արդեն վաղուց սովորել է նրա հոտին, իր մերկ մարմնին իջած նրա ձեռքի ժանրությանը: Չէ, առիթը չի փախցնում այդ ամենը վերապատմելու նաև իրեն, բայց և միշտ մի ներքին հույս ունի, իրենից թաքուն պահած մի սպասում, որ չի զանազանվի մյուսներից, քանի որ նրանք, այդ մյուսները, մեղքի քաղցրությամբ վարակված այդ լրբերը, պետք է որ գեղեցիկ լինեն անպայման...

Եվ ծով շտեմած կնոջ մեջ, որ համեստ ու ամոթխած քայլում է փողոցում, ծովեր են փոթորկվում հիմա, մշուշոտ ու երկյուղալի կարոտներ ծնվում, զարնվում նրա ափերին ու փշրվում, նորից գալնվում ու նորից փշրվում, քանի որ նա վախենում է հեռավոր տենչերից, խորհրդավոր ու անխմանալի կանչերից, գերին է իր ժանր անցյալի, օրերի անուրախ ու անվերջանալի շղթայի և գրանց մեջ է միայն տեսնում իրական ու շոշափելի հաճույքը, սովորականի, ժանոթի, անփոփոխի դառը հաճույքը:

Լսել է ծովի մասին, բայց չի՝ տեսել ծով:

Եվ ահա, այդ նույն նեղ ու խուլ փողոցում անխուսափելիորեն հայտնվում է մորուքավոր տղամարդը: Գլխին կնգուղ կա, որ վկայում է նրա արհեստավոր լինելը, հագել է կարճ, մինչև ծնկները հասնող շերտավոր ծալքերով պարեզոտ, անդրավարտիքի փողքերը մխրճված են երկարաճիտ կոշիկների մեջ, մեջքի շուրջը՝ մի նեղ գոտի:

Նրանք հավասարվում են, աննկատ մի կողմ քաշվում, որպեսզի չխանգարեն միմյանց, ստվերները մի պահ քսվում են իրար և անմիջապես բաժանվում:

Կնոջ հայացքը իջել է գետնին, տղամարդը հարևանցի նայում է նրան:

Եվ վերջ: Ուրիշ ոչինչ:

Քայն փողոցում մի թեթև հով ելավ, որ շկալավ հողին, փոշի շհանեց ու աննկատ հեռացավ:

Գիշերները տների երգիկներից սիրո շշուկներ են բարձրանում, տարածվում քաղաքի վրա, վարակում, բռթում, խտուտ տալիս ամենքին, ստիպում վերմակի տակ անհանգիստ շուռումուռ գալ ու կարծել, թե ծարավից է դա: Եվ շատարկվում են լայնափոր կժերի ջրերը ու շին հագեցնում:

Բարակ ու եազուկ հովերը միանում են քաղաքի վրա ու բամբի դառնում, բաց անում թաքուն տենչերի պինդ կեղևները, մերկացնում և, ափի մեջ պահած, ի ցույց դնում աշխարհին:

Մեղքն ի՞նչ լայն թևերը փռել է անաստված ու անօրեն քաղաքի վրա, որտեղ ոչ մի եկեղեցի չի կառուցված դեռ և չի էլ կառուցվի, պաշտպանում, իր հովանու տակ առնում նրա գաղտնիքները, թեթև դողեր ու սարսուռներ սփռում շորս կողմը, ապա հանկարծ անասելի շոգ թափում տների տանիքներին: Եվ մի անտեսանելի, անքակտելի կապ ստեղծում մարդկանց միջև, փառաբանում ազաբ սիրո անպատկառ ու աներես փթթումը, կապանքների արձակումը խեղդված զգացմունքներից, ոտնահարված իրավունքների վերադարձը իրենց իսկական տերերին, կնոջ և տղամարդու առաջին հաղթանակը երկրում:

Իսկ պարսպի և փոսի գործը դանդաղ էր առաջ գնում: Միայն հիմքերն էին վեմերով շարված...



— Ըս իմ վերջին ունեցածը տվեցի քեզ... Երեխաներիս, բերանից կտրեցի, քեզ տվեցի... Մինչև հիմա ականջիս մեջ է քո հուսահատ ձայնը... Եթե պարտքը չվերադարձնես, իմացիր, մեկ է վերցնելու եմ... Աշխարհի որ ծայրն էլ փախչես, այդ փողը քեզ չի մնալու... Գիտե՞ս ոնց եմ քո հախից գալու... Կարծում ես, արքան միայն քո՞ մասին է մտածել... Իմ մասին չի՞ մտածել... Ըս էլ եմ դառնալու այս քաղաքի բնակիչը... Տունս էլ քո տան կողքին եմ շինելու...

Տեսնենք այն ժամանակ ինչ պիտի անես... էլ ո՛ւր պիտի փախչես...



Հավը աքաղաղի ձայն հանեց, և տանտիրուհին, որպես վատ նշան, մորթեց նրան ու եփեց:

Ջահել աղջիկները, ժամանցի համար մեծ քարեր էին գետնից պոկում և գուշակում իրենց բախաբը: Եթե քարի տակից սպիտակ մազ դուրս գար, ուրեմն, աղջիկը ծերունու հետ պիտի ամուսնանար, իսկ եթե սև մազ գտնեիր, ուրեմն՝ երիտասարդի:

Մանր հիվանդի շուրջը պառավներ էին հավաքվել և հորանջում էին անդադար, որպեսզի շար ոգիները դուրս գան նրա մարմնից:

Կրակի կայծեր էին գցում ջրի մեջ, որպեսզի նախանձ աչքի շհանդիպի տանտերը:

Կապար լին հալեցնում, լցնում ջրալից անոթի մեջ և մանկան կրծքին դնում՝ իբրև պորտաթափի դեղ:

Նույն կապարը դնում էին նաև մեծի կրծքին, որպեսզի նրա ատամնացավն անցնի:

Պատրաստի հմայիլ պահպանակներ ունեին, որոնք կաշտում էին մանկան բազկին և պարանոցին՝ ցավերից զերծ ճնալու համար: Բայց, շնայած դրան, մանուկները հաճախ էն հիվանդանում, որովհետև ասորերեն և հունարեն չգիտեին, իսկ պահպանակները... միայն այդ լեզուներով էին գոված:

Եթե ոչինչ չէր օգնում, պառավները դիմում էին իրենց վրջին և ամենաազդու միջոցին՝ ձեռնածություն էին անում հիվանդի շուրջը:

Եվ, ի վերջո, նրանց ջշում էին ու բժիշկ կանչում: Բժիշկը, ըստ ընդունված կարգի, շէր մերկացնում հիվանդին, ավ ձեռքը տանում էր վերմակի տակ և շոշափում նրա մարմինը: Տալիս էր բույսերի արմատներից պատրաստված մի դեղ, որ նախօրոք հետն էր բերած լինում:

Լակոտները կոճ էին խաղում փողոցում՝ այծի կամ ոչ-

խարի ոտքերի նույնանուն ոսկորներից, անիվ քշում կամ պարզապես ձեծում իրար, որովհետև նրանց վանանդեցի հայրիկները չէին սիրում մյուսների աղբակցի հայրիկներին, շիրակցիները՝ խթեցիներին, տարոնցիները՝ երնջակցիներին, հարքեցիք՝ դերջանցիներին, տաշիրցիները՝ բալահովիտցիներին...

Հայրերն անմիջապես իմանում էին, որ երեխաները կո՛վում են իրար հետ, գալիս, մեջ էին մտնում, և կո՛ւլը շարունակվում էր մեծերի միջև:

Թաղամասերն էլ կազմում էին ըստ գավառների, և տների մասն մի խումբ թշնամի էր մյուս բոլոր տների հետ:

Քաղաքը դարձել էր մի փոքրիկ Հայաստան, նրա բոլոր աշխարհներով ու գավառներով:

Արշակավանցի չկար: Դեռ չէր ծնվել: Երբ լակոտները դադարեն կովել ըստ գավառների և կովեն միայն ըստ սեփական համակրանքների ու հակակրանքների, ուրեմն՝ արշակավանցին կա արդեն, զգո՛ւյշ, նա ծնվել է, և նրա հետ կատակ անել չի լինի:

Տներից մեկի առաջ բազմություն էր հավաքվել: Մուկ էր հայտնաբերվել, այն էլ՝ աղի մեջ: Տղամարդկանց խումբը պետք է մի դժվարին խնդիր լուծեր. աղի ո՞ր գղձի վրա էր մուկը շունչը փչել, որքա՞ն էր մկնապիղծ աղի զանգվածը ու չորության աստիճանը: Եթե մկան դին գտնվել էր անոթի մեջ, փայտեղեն անոթը պետք էր քերել, խեցեղենը՝ կտտրել, մետաղյան՝ տաք ջրով խաշել: Աստված շանի, որ հնձանի մեջ ընկներ: Մկնապիղծ հնձանը խորտակելի էր, չորը՝ պիտանի, բայց՝ արդեն ուրիշ ծառայության համար: Իսկ եթե մարած թոնրի մեջ էր մուկ ընկել, հինգ օր շինականը պիտի ապաշխարեր, օրը հարյուր անգամ ծունր իջնելով:

Մի այլ տան մեջ նույն օրին էր հասել արշակավանցի հղի կինը: Նա քաշվել էր մի մութ անկյուն, ոչ սք չէր խոսում նրա հետ, ոչ ոք չէր շփվում հետք, նա ո՛չ ճաշ էր եփում, ո՛չ սեղան զցում, ո՛չ տունը հավաքում, ո՛չ մյուս երեխաներին խնամում, առանձնացրել էր մի քանի իր և մյուս իրերին իրավունք չունեք ձեռք տալու, որովհետև հղի կինը նույնքան անսուրբ էր ու պիղծ, որքան և մուկը: Եվ նա, իր մուկ

անկյունը քաշված, կարոտով հետևում էր տան անշու-
գարձին, կարոտով ականջ դնում տնեցիների խոսք ու զրույ-
ցին և լուռ համբերությամբ սպասում ծննդաբերությանը,
որպեսզի ազատվի պղծությունից և դարձյալ իր ընտանիքի
անդամը դառնա:

Իսկ մի ուրիշ տան առաջ երկու տղամարդ, վերին աստի-
ճանի լուրջ դեմքերով, ծառ էին կտրում, թեև քաղաքում
մատենների վրա կարելի էր հաշվել ծառերի թիվը: Բայց հնուց
ի վեր օրենք կար, որ եթե ծառի վրայից մարդ է ընկնում
և մեռնում, պետք է տեղնուտեղը արմատահան անել այն:
Ըստ երևույթին, ինչ-որ մեկի բախտը շէր բերել և, դեռ ար-
շակավանցի շղարձած, ընկել էր ծառից ու շունչը փչել որպես
արցախցի կամ բագրեանցի, բասենցի կամ տոսպեցի...

Քաղաքի հրապարակը, որ գոյացել էր տարերայնորեն,
վերածվել էր բազմերանգ շուկայի: Խայտաբղետ գույների
առատությունից հոգնում էր մարդու աչքը և ժխորից ականջը
խլանում: Հրապարակի մեջտեղում քարաշեն մի աղբյուր
կար, առջև՝ գուռ: Եվ այդ աղբյուրի շուրջը, գետնին փռո-
ված կարպետների ու խսիրների վրա տարբեր ապրանքներ
էին ծախու հանել: Ապակե ուլունքներ, օղեր, մանյակներ,
ճարմանդներ, փոկե գոտիներ, մատանիներ, հերպայներ,
քորոցներ, կեղծ փայլուն ոսկե դրամներ, որոնք շարում էին
ճակատներին: Վզներին կամ վերնազգեստի թեքերին... Եվ
հանկարծ՝ Ըիշ, աղաղակ, արցունքներ, գրկախառնություն,
ինչ-որ մեկն իր հարազատին է ամբոխի մեջ գտել: Ու պատ-
մում է բոլորին, որ գտել է: Եվ բոլորը իրար են պատմում,
որ գտել է: Ո՞վ է գտել, ո՞ւմ է գտել, ի՞նչ է գտել: Ի՞նչ
կարեոր է: Կարեորն այն է, որ գտել է, չի կորցրել... Տնագործ
տարատներ, հորթի կաշվից ոտնամաններ, փափուկ մուճակ-
ներ, ծայրերը կեռ մուլկեր, ոսկրե ու փայտե կոճակներ,
թաղիքե գլխարկներ, այծենակաճներ, քաթանե գլխաշորեր
ու շրջազգեստներ, կրիայի պատյանից շինած սանրեր... Եվ
հանկարծ՝ նորից ազմուկ և իրարանցում, գող են բռնել:
Բռնել են ու անլուծելի հանելուկի դեմ առել: Արշակավանում
անձեռնմխելի են բոլորը, որոնց թվում և զոզերը: Բայց
զրսի՞ց եկած, զրսի՞ց: Իսկ եթե Արշակականո՞ւմ է գողու-

թյուն արել, հենց աչքիդ առաջ: Այդ գնալքո՞ւմ քնի: Ոչ ոք չգիտեր: Ու քանի որ չգիտեին, բաց թողեցին գողին... Էնե՞սապակե սպասքներ՝ կթղաներ, նվագներ, կիսադնդաձև, ափարակ, առանց կանթի թասեր, ծաղկակալ ու բաժակակալ սկուտեղներ, մորթուց շինած պարկաձև շեղբերան փոքր սեթեթե անոթներ՝ հադադակներ, կարասձագեր, մորբաղների ու քրձերի մեջ պահած ապխտած միս, թռչուն, ձուկ, հաց, միրգ, բանջարեղեն...

Քաղաքում մարդասպանության մի քանի դեպքեր եղան, մի քանի գողություն, ու թեև իմացան, թե ովքեր էին գողերն ու մարդասպանները, բայց նորից նույն հարցը ծագեց. ի՞նչ անել, պատժե՞լ, արտաքսե՞լ, դատի՞ տալ, նախկին տերերի՞ն հանձնել... Բայց չէ՞ որ դրանով Արշակավանը դադարում էր Արշակավան լինելուց: Քանզիում էր ինչ-որ բան: Իմաստազրկվում էր մի շատ թանկագին խորհրդանիշ: Փուլ էին գալիս քաղաքի սյուներն ու հենարանները: Եվ նրանք ծածկեցին հանցանքները, թաքցրին հանցավորներին: Ու որոշեցին մի քիչ էլ սպասել, մինչև որ սճիրները շատանան: Իսկ երբ շատացան, վճռեցին էլի սպասել, մինչև որ է՛լ ավելի բազմանան...

Քաղաքը դարձել էր հեթանոս բույն: Հիսուն տարի առաջ խեղդված հեթանոսությունը կրկին գլուխ էր բարձրացնում, թոթափում տարիների ժանգն ու փոշին, ջահելանում, քեղեցկանում, նոր հանդերձներ հագնում և փնտրում իր հին աստվածներին, բոլոր աստվածների հայր Արամազդին, Անահիտ ոսկեմայր դիցուհուն, պատգամախոս Տիրին, սուկեծղի Աստղիկին, վիշապաբաղ Վահագնին... Մարդիկ իրենց ճակատաբերը գուշակում էին լուսնի փոփոխությունները դիտելով, գարի կամ քվե զցելով, մաղի վրա բախումն էր անելով, ուլունքներ հմայելով, դիր անելով, մարմնախազացություն... Քնած հուշերը արթնանում էին, մոռացված առասպելներն ու հեքիաթները կենդանանում, տասնամյակներից եկող ձայները դառնում լսելի, հասկանալի ու սիրելի: Ու եթե բազիններ չէին հիմնում դեռ, ապա միայն ի տարբայի, որը, երևի՛ ներսես հայրապետից գողուչանալով, եկեղեցի էր գնում տակավին:



— Օհանին կանչեք... Ես իմ եղբոր արյան վրեժն եմ լուծելու... Եվ հարցրեք այդ թշվառականին, որ եթե այդքան քաջ էր, էլ ինչի՞ փախավ... էլ ինչի՞ վրեժից վախեցավ... Թե տղամարդ էր, թող տեղը մնար... Ով Օհանին կանչի, գլխովւ եմ երդվում, ահագին փող կստանա ինձանից... Ի՞նչ է, Արշակավանում փողի կարիք ունեցող չկա՞... Ճիշտ է, ես եղբորս հետ գտաված էի, չէի սիրում նրան... Նույնիսկ թաղմանը չգնացի... Ոչ էլ մի կաթիլ արցունք թափվեց աչքերիցս... Բայց որ նրա վրեժը շլուծեմ, ի՞նչ կասեն մարդիկ... Հենց ի՞նքը ինչ կասի, Օհանը... Ի՞նչ կմտածի իմ մասին... Բա չի թե՞ր երեսիս...



Արքան, շքախմբի ու Դրաստամատի ուղեկցությամբ, այցելեց Արշակավան։ Երբ իր երազանքը իրականացած տեսավ, քարի ու աղյուսի, կավի ու ավազի միջոցով կենդանացած, մարմին առած, երբ այդ ամենի մեջ տեսավ նաև արշակավանցուն, որ շունչ էր տվել այս տներին ու փողոցներին, արհեստանոցներին ու հրապարակներին, որն այստեղ, այս մի բուռ հողի վրա էր հավաքել երկրի բոլոր ցավերն ու կեղտերը, սնարդարություններն ու մարդկային զրկանքները, նվաստացումներն ու վերքերը և, ինչո՞ւ չէ, նաև իր լավագույն երազանքները ու այդ ամենի դեմ ծառս ելած, բռունցք շինած, անեծք դարձրած իր նոր տունն ու նոր հավատը, արքան, կյանքում առաջին անգամ, թույլ տվեց, որ ուրախությունն ամբողջովին կլանի իրեն, հանձնվեց նրա տարերքին, փոքրացավ, կոացավ, մի ափ դարձավ նրա անդիմադրելի ուժի առաջին և հավատաց, վստահեց այդ ուժին, իբ այս տարիքում հայտնաբերեց նրա գոյությունը, թողեց, որ նստի, ծանրանա իր ուսերին, ճնշի, ճզմի, թունդ հանք հոգին, անգամ ինչ-որ տեղ իր աննզրությամբ ստոքացնի... Որովհետև այդ անսահման ուրախությունը չէր կարող պատկանել մի հոգու, չէր կարող տեղավորվել մի

մարմնի մեջ, պետք է անպայման խլվեր նրանից, հափշտակվե՞ր, դառնար անանձնական, քո մեջ և քեզանից դուրս:

Եվ թվաց, թե նա կգտնի իր զգացմունքներն արտահայտելու կերպը, կգտնի այն միակ նախադասությունը, որ կմերկացնի ու կթեթևացնի հոգին:

—Շատ արագ են կառուցում, Գրաստամատ,— զժգոհեց արքան,— գժվար թե ամուր լինեն այս տները:

Եվ մի լավ հայհոյեց քաղաքի կառավարչին, թո՛ւնդ հայհոյեց ու սպառնաց փոխել նրան:

Նա մտավ մի քանի տուն, մի տեղ մի պատան հաց կերավ, մի այլ տեղ մի զավաթ թան խմեց, մի ուրիշ տեղ՝ մի թաս գինի...

Ամենուրեք նրան ընդունում էին զրկաբաց, թեև մի քիչ էլ վախեցած ու ճնշված:

Ու երբ նա դուրս էր գալիս տներից, ազատ շունչ էին քաշում կուչ եկած մարդիկ և սրբում ճակատների քրտինքը:

Բայց ոչ միայն, ո՛չ միայն նրանք, այլ արքան ևս ազատ շունչ էր քաշում և ամեն անգամ փառք տալիս, որ սրանից էլ պրծավ...

Տների խեղճությունը, երդիկների հուսահատ բացվածքը դեպի երկինք, կասկածելի մաքրություն ևնեցող թասերն ու զավաթները, անասունների ապակե աշքերը սենյակի խորքերից, գաղջ ու անծանոթ հոտերը...

Նա դուրս էր փախչում, ապա, զվարթ տեսք տալով դեմքին, մտնում հաջորդ տունը, հետո մյուսը, հետո երրորդը... Հարցնում, թե ինչ է տանտիրոջ անունը, որտեղից է եկել, քանի երեխայի տեր է, ինչ կարիքներ ունի և վերջում անպայման մտերմաբար թփթփացնում տղամարդկանց ուսերը...

Հրապարակում հազարավոր մարդիկ էին հավաքվել: Շունչները կտրած սպասում էին արքային: Ամեն մարդ պատմում էր, թե ինչպիսին է նա: Մնվում էին տասնյակ ու հարյուրավոր արքաներ, կարճահասակ ու բարձրահասակ, թիկնեղ ու նիհար, կապտաչյա ու սևաչյա, գանգոթ և հարթ մազերով, ծեր ու երիտասարդ...

Ու երբ երևաց միակ ու իբրևան արքան, հուսախաբու-

թյան մի ախֆ անցավ ամբոխի միջով, մինչև որ համակերպվեին նրա եզակիությանը, մինչև որ իրենց երևակայությունը մի կերպ հաշտեցնեին կոպիտ ու անառարկելի իրականության հետ:

Արքան դիտմամբ մի հասարակ պատմուճան էր հագել, ոչ խույր ուներ, ոչ ծիրանի քղամիդ, ոչ գինդեր, ոչ կարմիր կոշիկներ, ոչ ապիզակ, ոչ քառամանյակ, ոչ էլ ոսկեհուլ կամար...

Բայց նա սխալվել էր: Ժողովուրդը շնորհ, որ արքան նրան զրկեց տեսնելու ամբոխներին ու թագավորներին քաժանող հսկայական անդունդը, շթողեց, որ արքայի կուրացնող փայլով, շլացուցիչ զարդերով իրեն ապահով զգա շինականը, շթողեց, որ իր միջոցով շոյվի, բավարարվի, հագենա նրա ինքնասիրությունը, խանգարեց, որ նրա կյանքում գեթ մի անգամ իրականություն դառնա հեքիաթը:

Բայց, համենայն դեպս, արքան մնում էր արքա: Հուսախարությունը շուտ անցավ, նորից համառորեն գործի դրվեց երևակայությունը, զարդարեց, ճոխացրեց, փայլեցրեց արքային, պատեց ոսկիներով ու մարգարիտներով:

Ով տիրեց մի խոր ու տարօրինակ լուսություն:

Արքան ու ամբոխը նայում էին իրար:

Դեմ-դիմաց, ծրես առ երես:

— Կեցցե՛ արքան, — հանկարծ ամբողջ ձայնով գոչեց արքան:

— Կեցցե՛ արքան, — մի մարդու պես կրկնեց ամբոխը:

— Կեցցե՛ արքան, — արդեն որպես հրաման, երկրորդ անգամ գոչեց արքան:

— Կեցցե՛ արքան, — հնազանդ կրկնեց ամբոխը:

— Կեցցե՛, կեցցե՛, — պահանջեց արքան:

— Կեցցե՛, կեցցե՛, — արձագանքեց ամբոխը:

Ով արքան ծնկի իջավ: Արքայի՛ առաջ: Ի՛ր առաջ:

Մի մարդու պես ծնկի իջավ նաև ամբոխը:

Առաջին դասը, որ արքան տվեց իր հպատակներին:

Ապա: ամբոխի միջից դուրս ելավ տանջված ու բրբրված, հավերժորեն վախեցած մի մարդ, ձեռքին՝ նորածին մի երե-

խա: Արշակավանի նոր քաղաքացին: Արշակավանի առաջին ժնունդը:

Մարդը ձեռքերը մեկնեց առաջ, ավերի վրա պահելով նորածնին, բացուխուսի արեց բերանը, բայց ձայն դուրս չեկավ:

— Անո՛ւնը, անո՛ւնը, անո՛ւնը,— գոռացին շորս կողմից:

Եվ արքան հասկացավ, որ առաջին քաղաքացուն կնքելու պատիվը ամբոխը իրեն էր պարգևում: Նա ըստ արժանվույն ընդունեց այդ պատիվը և, առանց հրկար-բարակ մտածելու, դիմեց անհամբերությամբ պատասխանի սպասող ամբոխին.

— Արշա՛կ,— ասաց նա,— Արշա՛կ:



— Տղերք, ո՞նց է էդտեղ... Ես ամեն օր գալիս, հեռվից նայում եմ ձեզ... Բայց ինչպե՞ս գամ, ինչպե՞ս ձեզ միանամ... Տիրոջս գործե՞րն ով անի... Մեկնումեկը պիտի անի, չէ՞... Թող էդ մեկն էլ ես լինեմ... Հո պարտադիր չի՞, որ բոլորը փախչեն... Բա աստված չի՞ հարցնի, թե էս ինչի՞ եք իմ ստեղծած աշխարհը շուռումուռ տվել... Զէ, ես հեռվից կնայեմ, տղերք... Ամեն օր կգամ, կնայեմ... Կարելի է, չէ՞...

Գլուխ տասներորդ

Մահապիվան. Կասկածի՞ քաղաք:

Մինչդեռ արքունական զորքերի գլխավոր բանակատեղին, Մահապիվանը, նավասարդի օրերին ողողված էր բարությամբ:

Տոնի նախօրյակին ամենուրեք վերացել էին խոռվությունները մարդկանց ու ընտանիքների միջև, որպեսզի հին հաշիվները շանցնեն տարեմուտի սահմանը և կյանքի նորոգումը լիակատար լինի:

Տղամարդիկ գինիով ու մրգերով այցելում էին դրացիներին ու բարեկամներին, իսկ չիեսացուները ու նրանց ազգական կանայք՝ հարսնացուներին: Այցելուները հյուրընկալներին ընծայում էին խնձոր, հյուրընկալները ևս այցելուներին խնձոր էին հրամցնում: Նշանված տղաները իրենց հարսնացուների հետ խնձոր էին փոխանակում: Խնձորը պտղաբերության քարեմաղթություն էր ոչ միայն մարդկանց, այլև այգեգործության, դաշտամշակության ու տավարածության համար:

Տները ղոները զարդարվում էին խաչերով, կարմիր թելերով ու կարմիր շորերով, որպեսզի տարին հաջող անցնի:

Մերունիները իրենց աշխատանքային գործիքների պատկերներն էին գծագրում դրսի պատերի վրա, հավատալով, որ այդպիսով անխափան կ'ենան զրանք:

Այգեգործները, կացիները ձեռքներին, կեղծ հարձակումներ էին գործում շատղաբերող ծառերի և խաղողի թփերի վրա, որպեսզի նոր տարուն նրանք էլ հղիանան և պտուղ տան:

Գիշերը ջրի մեջ ցորեն էին լցնում՝ անձրևաբերության աստծու սիրտը շահելու համար:

Անասունների տակը գարի էին շաղ տալիս, իսկ պոչներին կարմիր թել կապում՝ բերքառատ տարի ունենալու ակնկալությամբ: Կամ գույնզգույն ծաղիկներ էին քաղում, խաշածև փնջում և զարդարում կթան կովերի ճակատներն ու եղջյուրները:

Նավասարդի տոներին մասնակցելու համար զանազան գավառներից դեպի Արածանիի հովիտն էր գալիս աշխարհական մեծ բազմություն, որովհետև, դատ ավանդության, դրրախտը գտնվում էր դեռի ակունքի վրա: Գետի շրջակայքում, ժայռերի ու ձագարածև փոսերի միջից, բխում էին բազմաթիվ սառը և տաք աղբյուրներ, վարշակի ջերմուկներ, որոնք բուժում էին տառապյալ հիվանդներին: Իսկ մի քանի աղբյուրների ջերմությունն այնքան բարձր էր, որ տեղացիները նույնիսկ միս էին եփում այդ ջրերի մեջ:

Անգմբեթ եկեղեցում, կաթողիկոսի - զլխավորությամբ,

պատարագ էր կատարվում, որից հետո սկսում էր տւնա-
խմբութիւնը:

Փողոցներն ու հրապարակները լցվում էին միմոսներով,
բախտագուշակներով ու լարախաղացներով:

Բազմութիւն մեծ մասը հավաքվում էր ձիւնթացիկ
ասպարեզում: Սկզբում մականախաղ էին խաղում՝ ձիերի
վրա նստած: Գետնին դրված էր մի գունդ. որ ձիավորները,
մականների կամ երկար գավազանների օգնութեամբ, ջա-
նում էին կորզել իրարից և զցել փոսը: Հատուկ մի պահա-
պան աշխատում էր խանգարել նրանց, ի՞նչ գնդակն ընկնում
էր փոսը, պահապանը փոխվում էր...

Մականախաղից հետո անցնում էին կրկնակ արշավանի:
Մեկնարկ էր տրվում, և ասպարեզից բաժանող լարն ընկ-
նում էր: Զիավորները պետք է ասպարեզի մի ծայրից
մյուսը վազեին, ապա հակառակ կողմից վերստին դառ-
նային շվակետը...

Պատանիները վազքի մրցմամբ էին զբաղված, ծանրա-
բարձութեամբ, գիրկընդխառն կռիվով...

Եվ ամեն մի մրցումից առաջ հնչում էին փողերը ու
խլացնում հանդիսականների քաջալերող աղաղակները:

Խաղից առաջ մրցակիցներն իրենց հայացքներն ուղղում
էին մարտադիրին՝ նրա կողմից խրախուսվելու համար կամ
լռելոյսն ասելու, թէ մրցում են ի պատիվ նրա: Վերջում
հաղթողը մոտենում էր մարտադիրին կամ հանդիսապետին
և պարգև պահանջում:

Շահապիվանը ողողված էր բարութեամբ:

Ամբողջ երկիրն էր բարութիւն շնչում, վստահ, որ Նա-
վասարդի գալստով ձախորդ յրերը անհետ վերացան: Եվ այդ
վստահութեան մեջ իմաստուն մի մոռացկութեւն կար,
որովհետև նախորդ Նավասարդը ևս Նույն հույսերով էին
դիմավորել:



Էլ ո՞ւր է վազում այս երիտասարդ կիներ՝ արձակ թաղե-
րով, ինչի՞ է վազում՝ չորերը պատառոտած, կուրծքը թաց,

երբ շուրջը աքլոր են կռվեցնում, երբ ուրիշ կանայք հագնել են գույնզգույն մետաքս ու կերպաս հագուստներ՝ արծաթ, ոսկի կոճակներով, ճարմանդներով, ճակատներն ու պարանոցները զարդարել են մարգարտյա և սաթյա շարերով, էլ ինչի՞ է դեմքին այսքան տազնապ իջել, երբ իրար են խառնվել շնարների, բամբիռների, փողերի, թմբուկների ու վների ուրախ ձայները, էլ ինչի՞ է ոտքերի մեջ այսքան խուճապ սողոսկել:

Շահապիվան... Կասկածի՞ քաղաք...

Արքան լսեց, որ Փառանձեմն իր մոտ է գալիս, շփոթմունքից շիմացավ ինչ անել, վազեց, մտավ սենյակը, իրեն զցեց գահույթի վրա, սամուրենին զլխին քաշեց ու... քնած ձևացավ:

Նա մոռացել էր, իհարկե մոռացել էր, մտքովն իսկ չէր անցնում, որ Գնելի սպանություն համար պիտի պատասխան տա, որ Գնելը ուներ կին և մանավանդ աներ, իսկ Սյունյաց Անդովկ իշխանին, երկրի ամենահզոր նախարարին, անհնար էր արհամարհել:

Եվ նա, որ ոչ մի ատելություն չուներ Գնելի հանդեպ ու նրա սպանությունը պարզապես մի հերթակա՞ միջոցառում էր համարում երկրի անվտանգության համար, ինչպես, ասենք, մի նոր պարսպի կառուցումը կամ սահմանների ամրացումը բերդերով ու զորքերով, հենց այս պահից սկսեց ատել նրան, որովհետև այդ թշվառականը մեծ գլխացավանք էր պատճառելու իր արքային:

Մինչդեռ նա պարտավոր էր մեռնել, մեռնել սուսուփուս, առանց նեղություն տալու ուրիշներին, առանց զգացնելու իր պակասությունը և առանց արքային զլխի զցելու, թե ինքը նրա եղբոր որդին է: Ոչ մի դեպքում նա իրավունք չուներ անուն ունենալու, կին գուստր, աներհայր, իր հետ կապված հուշեր, դեպքեր, վայրեր... Այն ամենն, ինչ վերաբերում էր երկրի շահերին, պետք է այդ գերտրամաբանությանը ենթարկվեր: Իսկ սա իր ետևից կնոջն է բերում, հետո աներոջը կրբերի, հետո ինչ իմանաս էլ ում: Եվ սպանությունը կկեղտոտվի, կսկսի արյան հոտ գալ, փտած, նեխած մարմնի հոտ, կնենգափոխվի նրա իմաստը, կդառ-

Նա ~~տոր~~, ճղճիմ գահակոխիւ: Եվ արքային էլ մարդասպանի անուն կրերի: Գե արի ու բացատրիր, որ դու ոչ որի էլ շես ցանկացել սպանել, որ դու հավ անգամ անընդունակ ես մորթելու, որ այս սպանութիւնն իր բնույթով նույնն է քեզ համար, ինչ ռազմի դաշտում անանուն ու անդեմ թշնամիներին նետերով ու նիզակներով խոցելը: Մի՞թե նրանցից որեւէ մեկը կենսագրութիւն ունի, ունի անցյալ, կին, եւրիաներ, ուրախ կամ դժբախտ օրեր: Հենց որ ունենա, ձեռքդ այլևս չի բարձրանա նրա վրա: Եթե Գնելը լիներ իր եղբոր որդին, Փառանձեմի ամուսինը, Անդովկի փեսան, արքան անշուշտ մարդասպան կդառնար: Բայց նա ռազմի դաշտ ելած մի թշնամի է, անդեմ և անանուն, նա գալիս է քո գահը խլելու՝ ոչ թե հանուն երկրի, այլ փառասիրութեան, գալիս է առանց ծրագրերի, առանց հղացումների, գրպանը ծակ, կույր-կույր, շար քամու պես տարերայնորեն, ինքն իր վազքի թափից ոգևորված, թքելով այն մարդու վրա, ով կյանքի գնով, քուն ու դադար կորցրած, ծայրը ծայրին հազիվ կպցնելով, մի կերպ պահում է երկիրը, ձեռքից փախչում է՝ ատամներով է բռնում, ատամներից պոկվում է՝ լարախաղացի պես գլխով է պահում, գլխից ընկնում է՝ վերջին սլահին աներեսաբար հասցնում է մատներով շանթել...

Չէ, նա չի կարող ներել ոչ Գնելին, ոչ էլ բոլոր նրանց, ովքեր այս սպանութիւնը իջեցրին հողին, վերածեցին պալատական ծամծմված մի խարդավանքի: Մարդկայնացրին երիտասարդ սեպուհի մահը: Սովորական տրամաբանութեանը հավասարեցրին:

Ահա թե ինչու, նա հիմա պատասխան չունի, չունի որեւէ արդարացում, անօգնական ու անպաշտպան է գետնատարած կենցաղի առաջ: Մի ելք կա միայն. ցածրանալ, հասնել նրանց մակարդակին, պատկել գահույթի վրա, սամուրհնին գլխին քաշել ու... քնած ձեռնալ:

Փառանձեմը ներխուժեց սենյակ, մի ճիշ թռավ նրա բերանից և տեղնուտեղը հանգեց, որովհետև մարդ չկար կիսամութ սինյակում: Եվ այդ ճիշը, իզուր հնչելուց իմաստազրկված, կախվեց օդից ու կեղծ թվաց նույնիսկ նրան: Եվ

Փառանձեմք, որ մինչև այս պահը լեցուն էր վճռականությամբ, ամուսնուն փրկելու անդրդվելի հավատով, միանգամից թևաթափ եղավ, կպավ պատին, սեղմվեց ինքն իրեն ու, մատները կծոտելով, սկսեց մղիկ-մղիկ հեկեկալ: Ինչ-որ բան էր մոմոում քթի տակ, երևի ինքը իրեն բացատրում էր իր դժբախտ վիճակը: Հանկարծ, երբ աչքերն աստիճանաբար վարժվեցին կիսամութին, նկատեց, որ գահույթի վրա մի գունդ էր ընկած: Նա ահաբեկված լռեց, պահեց շունչը և լայն բացված աչքերով նայեց անճոռնի գնդին: Մալած ցուցամատով սրբեց արցունքները, քիթը վեր քաշեց և սաստիկ վախեցավ արձագանքից: Ապա, մի անորոշ կանխազգացումից մղված, զգուշությամբ, ոտքերը հազիվ կպցնելով գետնին, դանդաղ, շատ դանդաղ, տանջալիորեն դանդաղ, սկսեց մոտենալ գահույթին: Մոտեցավ, մոտեցավ ու կանգ առավ:

Նա էր: Ոչ մի կասկած: Նա էր, նա: Արքա՛ն:

Փառանձեմք լրիվ կորցրեց իրեն: Նա կարող էր մի կերպ հաշտվել այն բանի հետ, որ, ասենք, ամենաճակատագրական պահին, երբ արքան օդի ու ջրի պես պետք էր իրեն, պետք էր առաջին և վերջին անգամ, միակ անգամն իր կյանքում, հանկարծ չի գտնի նրան, որ արքան, հակառակի պես, հենց այդ միակ ու անկրկնելի պահին կլինի այնպիսի մի տեղում, որ մարդու մտքովն իսկ չի անցնի, որ, ասենք, արքան չի ուզենա լսել իրեն, կանպատվի, կվռնդի, անգամ կբանտարկի, կտանջի, կաքսորի, հրապարակային ծաղրի կենթարկի, բայց որ քնած կլինի նա, չէ, այդ մեկը չէր կարող սպասել: Ամեն ինչ, ամեն ինչ մտքովը կանցներ, բացի այս մեկից: Եվ քանի որ սա բոլոր հնարավոր դեպքերից վատթարագույնն էր, նա անմիջապես զգաց մահվան անխուսափելիությունը և հասկացավ, որ ինքը դատապարտված էր դժբախտության ու միայնություն:

Այդպես նրա միտքն էր գործում: Գուցեև մտքի թաքուն խորքերը: Ձեռքերն ուրիշ բան էին անում: Ձեռքերը կարգի էին բերում նրա զգեստները, հարդարում մազերը, մաքրում Լրեսի արցունքները:

Եվ զարմանալի բան, ոչ մի ատելություն չկար այս մար-

դու հանդեպ: Երբ արքան վերացական էր նրա համար, ատելությունից պատեպատ էր խփվում հոգին, ամբողջ էությունը թույնով էր լցված նրա հանդեպ, իր ամեն մի մասնիկն ուզում էր պոկվել ու առաջ նետվել մարմնից, որպեսզի ժամ առաջ տեղ հասնի և բզիկ-բզիկ անի նրան: Բայց երբ արքան դարձավ որոշակի և իրական մարդ, ատելությունը, իրենից անկախ, փոխվեց մի անմեկնելի ակնածանքի, ակամա երկյուղածության ու առեղծվածային հարգանքի:

Եվ արքան, որ ինքը մարդասպանն էր, մահաբերն ու մահատուն, երջանկությունը օրը ցերեկով նրա ձեռքից խլողն ու կործանողը, այս ամբողջ մղձավանջի անժխտելի հեղինակը, հանկարծ թվաց միակը, որ ոչ մի կապ չուներ այդ ամենի հետ, միակը, որ կարող էր ազնվորեն պաշտպանել նրան և Գնեխին փրկել ոճրագործների ճիրտններից:

— Վեր կաց, արքա.— շշուկով խնդրեց Փառանձեմը,— ամուսինս վտանգի մեջ է... Գնելը... Քո եղբոր որդին...— Ապա շշմած, բերանը բաց, երկար նայեց արքայի դեմքին:— Աստված իմ, որքան նման էք իրար...— Եվ հեծկլտոցը խեղդելով, փորձեց համոզել արքային, ինչպես նաև իրեն:— Մի՞թե այդ նմանությունը չարժե, որ վեր կենաս...— Հետո ցցեց մատը, կամաց մոտեցրեց արքային և զգույշ, շատ զգույշ, կպցրեց սամուրենուն ու անմիջապես ետ քաշեց:— Ծա ախր չգիտեմ. կարելի՞ է քեզ արթնացնել, թե՞ ոչ... Ունե՞մ այդ իրավունքը, թե՞ չունեմ... Դժվար է շշուկով խոսել, արքա... Ծա պետք է գոռամ... Դու իմ փոխարեն ի՞նչ կանեիր... Քեզ եմ հարցնում, ի՞նչ կանեիր, արքա...— Արքան անշարժացել էր, աչքերը պինդ փակել օւ հագիվ էր շնչում: Երան անընդհատ թվում էր, թե փռշտալ է ուզում, քիթն է քոր գալիս, թարթիչները լեն են թարկվում կամքին ու թեթևակի դողում են. կծկված ոտքը, շնայած իր գործադրած ճիգերին, ահա ուր որ է կձգվի սամուրենու տակ... Եվ մի սուր, ծակող, տանջող հետաքրքրասիրություն, որը իրեն բավարարելու համար պատրաստ էր ամենաահավոր վտանգն իսկ մոռանալու. հրամայում, ստիպում էր նրան դեթ մի անխթարթ բաց անելու մի աչքը ու տեսնելու այս

տառապող, քնքուշ և անծանոթ կնոջ դեմքը:— Տեր աստված, մի հրաշք արա... Արթնացրու նրան... Ես պետք է նրան ասեմ, որ սիրում եմ Գնեկին... Ես պետք է ասեմ, որ իմ ուժը իմ թուլութունն էր... Ես պետք է ասեմ, որ հորեղբայրն ու եղբոր որդին նման են իրար... Եթե նման են, էլ ինչպե՞ս կարող է վտանգ սպառնալ ամուսնուս...— Նա դանդաղ, մարմինը մի փոքր առաջ թեքած, պտտվեց գահույթի շուրջը և հաղիվ լսելի ասաց իրեն-իրեն.— Արքան խոր քնի մեջ է... Ես կյանքումս առաջին անգամ արքա տեսա... Քնած տեսա... Արքա, ես եմ, Փառասնծեմը... Քո եղբոր որդու կինը... Գնեկի կինը...— Եվ հանկարծ.— էլ ի՞նչ ասեմ, որ հասկանաս ինձ,— գոռաց նա, զգալով, որ այս շարագուշակ լռությունը մահվան սկիզբն է, որ արքայի սենյակում իզուր վատնված այս ամբողջ ժամանակը, իր անհատակ տառապանքին գումարված այս ավիլորդ հուզումներն ու այս անկապ նախազասությունները օգնեցին, որ ինչ-որ տեղ անտեր-անտեր մորթվի Գնեկը:

Նա շրջվեց, վազեց դեպի դուռը և դուրս նետվեց, մետաքս զգեստի շրջյուններն իր հետ տանելով:



Եկեղեցում գինվորների համար աստվածային արարողություն էր կատարվում՝ առավոտյան աղոթքը: Երկրի տարբեր ծայրերից եկած եպիսկոպոսները, կաթողիկոսի գլխավորությամբ, ժողովրդի անունից խոսում էին աստծո հետ, փառաբանում նրան և փոխարենը հայցեր ներկայացնում: Իսկ մարդիկ, նրանց բերաններից կախված, լուռ և ուշադիր ականջ էին դրել և, քանի որ չէին հասկանում օտար լեզվով արտասանվող բառերը, ամեն մեկը ճգնում էր կուհեի, թե արդյոք իր ազերսը ևս հայտնեցի՞ն երկնավորին, արդյոք նա իմացա՞վ, որ Շաղիտայի՝ անկողնուն գամված որդուն պետք է ոտքի հանի, Սմբատանուշին զավակ պարզէի, մարգագետնում կորած Վարազդատի կովը փրկի գայլերի ճանկերից ու տիրոջը վերադարձնի...

Եվ սպասումի այս հանդիսավոր պահին, երբ հավատը

իր հերթական հաղթանակն էր տոնում, հույսերով ու անպատասխան հարցերով շաղախված այս մտայն պատերի արանքում, խորհրդավոր կիսամութի մեջ, հանկարծ հնչեց բոլորին ծանոթ տառապանքի ձայնը.

— Շտապի՛ր, հասի՛ր, ամուսնուս առանց մեղքի, առանց հանցանքի սպանում են...

Բռունցքի պես ծանր մի լուռություն իջավ մարդկանց վրա և մի բութ ցավ պատճառեց ամենքին: Երկնքի հետ կապց խզվեց, աղոթքները կես ճամփից թափվեցին, ընկան հարյուրավոր ոտքերի տակ, տրորվեցին ու ճխլվեցին:

Իշխանուհու հանկարծակի ներխուժումը, նրա հուսահատ ճիչը և խորանի առաջ ծնկաչոք նետվելը ցնցեց բոլորին: Նրանք սովոր էին միմյանց այդ վիճակում տեսնել, ինչեր ասես չի եկել ամեն մեկի գլխին, էլ ինչ փորձանքներ, ինչ դժբախտություններ, էլ ինչ ձախորդություններ, բայց անհնա՛ր էր անգամ պատկերացնել, որ տիրոջ ձեռքը կարող է թեկուզ փուշ մտնել:

Սի, իրենց ցավերը մոռացած, իրար հրելով ու կոխկրտելով, նրանք դուրս թռան եկեղեցուց ու սկսեցին վազել դեպի արքայի աթոռանիստը:

Ճամփի կեսին հանդիպեցին մի ուրիշ հոծ թաղմության, որը, գուժից սասանված, արքայի աթոռանիստից վազում էր դեպի եկեղեցի:

Ներսեսը մի պահ կորցրեց իրեն ու շիմացավ ինչ անել:

Երկնի բարձունքներից, պարեգոտի փեշից բռնած, նրան կոպտորեն քաշել էին ցած և հողին իջեցրել, բայց նա դեռ չէր հասցրել ոտքերը ամուր դնել գետնին ու, երեխայի սլես կարծես ցատկոտելով, երկրի վրա տեղ էր փնտրում իր համար:

Առաջնորդը, անօգնական ու անպաշտպան, նայում էր ամբոխին, ասես աղերսելով, որ հիմա էլ ամբոխն իրեն առաջնորդի նա անշարժ մեխվել էր տեղում, հույսը դրած նրա հավաքական ուժի վրա: Ու երբ զինվորները և շինականները դուրս վազեցին եկեղեցուց, Ներսեսը նոր գլխի ընկավ, որ պետք է արքայի մոտ գնա:

Գատարկված եկեղեցում հոգևորականների հետ մեն-մե-

նակ մնալուց հետո, նա, փեշերը հավաքած, շտապեց դեպի դուռը և շփոթմունքից ասաց. «Տեղ չգնաք, ես հիմա կգամ»...

Նա շնչակտուր վազում էր դեպի արքայի աթոռանիստը: Ամբոխին խառնված, մոռացած իր գիրքն ու կոշումը: Վազեց, վազեց և հանկարծ կռահեց ու տհաճությամբ խոստովանեց իրեն, որ Գնեւից ավելի արքայի համար էր անհանգրստացած: Թշնամին դանակ էր խրում արքայի մեջքը: Սա զգուշացում էր նրան, կեղտոտ ու ստոր ազդանշան: Ծվտես, թե ումից են սկսել, տնեցուց, արյունակցից, որպեսզի դադվի, խորովվի, խանձվի արքայի սիրտը: Այս պիղծ ու եղկելի դավադրության մեջ Մերութանի ու անհավատ պարսկասերների մատն է խառը: Չէ, հունասերները շին կարող մասնակից եղած լինել, որովհետև նրանք մի անգամ դիմել էին Ներսեսին՝ որպես հույների դավանակցի, և առաջարկել, որ գահընկեց արվի արքան ու գահին նստի Արշակունի Գնեւը: Ներսեսը կտրականապես մերժել էր նրանց առաջարկը և հորդորել, որ նրանք ևս հրաժարվեն այդ գազափարից: Թող սա դաս լիներ բոլորին և սովորեցնե՞ր, որ իր և արքայի որոշ տարակարծությունները դեռևս ոչ ոքի հիմք չեն տալիս հուսալու, թե հայոց կաթողիկոսին կարելի է դրոշակ դարձնել արքայի դեմ և օգտագործել իրենց շահերի համար: Ծվ, վերջապես, Գնեւը նաև ի՞ր ազգականն է, մորեղբոր թոռը: Է՛, Ներսես, Ներսես, մոռացել ես ազգականներիդ, դպրոցներով ու աղքատանոցներով տարված՝ ինքդ քեզ ես մոռացել: Կարո՞ղ է այնքան մտածես մարդկանց մասին, որ լրիվ կտրվես նրանցից ու սկսես շփրել...

Ներսեսն ու Արշակը կամ միասին կփրկեն Գնեւին ու միասին կուրախանան, կամ միասին կողբան նրա մահը: Խեղճ Գնեւ, ուրեմն քո ճակատի՞ն էր գրված արքային ու կաթողիկոսին հաշտեցնելը՝ ուրախության սեղանի շուրջը կամ դազադի...

Ծվ նրա դարմանքը մեծ եղավ, քիչ է ասել մեծ, երբ տեսավ, որ արքան, սամուրենին գլխին քուշած, քնել է գահույթի վրա:

Քնա՞ծ: Ինչպե՞ս թե քնած: Հապա Գնե՞ւը: Հապա իր

շնչակտուր վա՞զբբ: Ի՞նչ մտորումները ճանապարհին: Ի՞նչ անկեղծ ու եղբայրական ցավակցո՞ւմը արթային: Նրա հետ հաշտվելու գոհունակութ՞յունը: Ուրեմն, այդ ամենը այսպիսի անհեթեթութ՞յամբ պիտի վարձատրվեր:

Իսկ ա՞յն, որ ոտքը սայթաքեց, ու քիչ է մնում ընկնելու: Այդ մանրուքը, շփտես ինչու, հանկարծ ավելի կարևոր ու վիրավորական թվաց, քան մյուս փաստարկները:

— Վեր կաց, արթա... Փորձանք է... Վեր կաց...

Արթան շարժվեց: Այնքան հանգստություն էր բուրում այդ խորը և անուշ քնից, որ ներսեսի մեջ անակնկալ մի հույս ծագեց: Գուցե ոչ մի փորձանք էլ չկա՞ր: Գուցե Գնեկ անունով մա՞րդ էլ չկար: Ոչ եղբոր որդի, ոչ էլ մորեղբոր թոռ: Կար միայն ամեն ինչ ժխտող քունը, ամեն ինչ փափուկ և մեղմ լույսով բարուրող երազները:

Ներսեսը մի պահ հանձնվեց այդ վարակիչ թմբիրին, կամացուկ նստեց բաղձականին, խորշավոր օձիքը թուլացրեց, մի փոքր ձգեց ոտքերը և ձեռքերը մեկնեց արձնակալաների վրա:

Մկանները թուլացան, գլուխն անկամ թերվեց ուսին, շորս կողմը լռութուն տիրեց, և մի հոգնած ու անմիտ ժպիտ խաղաց նրա դեմքին:

Առվակի շարաճճի գլզլոցով լցվեց սենյակը...

Նա ավելի խորը տեղավորվեց բազմականի մեջ, դատարկված աչքերը հառեց ոչինչ շատող և ոչինչ ցույց չափող մի կետի:

Նա մի շար և տանջող հաճույք զգաց այն մտքից, որ հիմա ամենուրեք փնտրում են իրեն, հույսները դրած իր ամենազոր ու ամենակարող ուժի վրա:

Թող փնտրեն, թող որոնեն, իսկ նա չկա և չի լինի: Թող շալակեն իրենց ցավերը և աշխարհով մեկ Վեհափառ կանչեն՝ այդ բեռը նրա ուսերին գցելու համար: Իսկ նա բեռ չի վերցնում և չի վերցնի: Թող ինչքան կեղտ և ստորութուն կա՞ ի մի հավաքեն և դատարկեն նրա առաջ: Իսկ նա չի տեսնում և չի տեսնի, չի լսում և չի լսի:

... Հենց այդպես՝ մարդը կար, իսկ հիմա՝ չկա:

... Հասկացե՛ք, հոգնած է ձեր Վեհափառը: Զեր հոգեբլից ու

ցավերից զզված: Ձեր կեղտերից . ու . ստորություններից
ձանձրացած: Իր դպրոցներից և աղքատանոցներից կշտա-
ցած: Իր սուրբ վարքից հագեցած:

Թող փնտրեն, թող որոնեն, թող հոգիները դուրս գա...

— Արքա, ես եմ, Վեհափառը... Վեր կաց... Դավաճա-
նություն է քո դեմ... Եղբորդ որդուն սպանում են...

Ոչ որ շիմացավ նրա թաքստոցի տեղը, բայց ինքը գտավ:
Ի՞նքը հայտնաբերեց Վեհափառին:

Արքան դարձյալ անշարժ էր:

Ներսեսը, ճարահատյալ, բռնեց նրա ուսերից և թափ
տվեց:

Կենդանության ոչ մի նշան:

Ներսեսի աչքերում մի շարագուշակ հարց ծնվեց և տեղ-
նուտեղը քարացավ դեմքին: Լեզուն մի պահ կապ ընկավ,
և նա սոսկումով կուլ տվեց թուփը:

— Արքա, եթե վեր չկենաս... էլ ի՞նչ է մնում ինձ մտա-
ծելու... Դու իմ փոխարեն ի՞նչ կ'մտածեիր... — Ուժգին ցնցից
նրան, բայց ոչ արթնացնելու համար: — Դու ամեն ինչի
ընդունակ ես... Ես գիտեմ... Բայց այս մեկը... — Եվ հան-
կարժ, արքային գրկած, սկսեց շոյել նրա գլուխը, ինչպես
իր մինուճար որդուն, Սահակին, մի տեսակ արագ, զողացող
մատներով, հազիվ կաշելով նրա մազերին: — Խնայիր քեզ,
արքա... Ոչ թե նրան, այլ քեզ խնայիր... Մի թափիր հա-
րազատիդ արշուներ... Արդար մարդուն անմեղ տեղը մի
սպանիր... — Հայտնի չէ, նա բա՞ց թողեց արքային, թե՞
ուժերը սպառվեցին ծանրությունից: Արքայի մարմինը
անաղմուկ ընկավ գահույթին: — «Ով ձեզ լսում է, ինձ է
լսում, ով ձեզ ընդունում է, ինձ է ընդունում, իսկ ով ձեզ
անարգում է, ինձ է անարգում»... Լսիր. Քրիստոսին, որ
հիմա քեզ հետ իմ բերանով է խոսում...

Նա վեր կացավ, անհարկի ու անտեղի բժախնդրությամբ
մաքրեց ծնկները, հետո մատով թոցրեց փոշու մի հատիկ,
շտկեց մարմինը, նայեց սամուրենիով ծածկված արքային,
երկար լռեց ու հանկարծ սկսեց շարախնդորեն ծիծաղել:

— Ասում էի, չէ՞, որ ես իմ վրեժը կ'ուժեմ... Ես երկու
անգամ նվաստացա քո առաջ... Պար ինձ բռնի, ուժով կաթո-

դիկոս էիր ձեռնադրում... Եվ երբ դրամով ու հողերով գնեցիր ինձ... Ծարպկորեն գնեցիր... Հիմա դու ես նվաստանում ինձ մոտ...

Փա՛ռք աստծո, որ ստիպված չեղավ այս միմոսի հետ հաշտվելու, այս ապաշնորհ դերասանի, այս ցածրորակ ծաղրածուի, այս...

Եվ առավել ևս՝ փառք, որ ձեռքերն ազատ են հիմա: Իհա՛րկե Գնելը պետք է դառնար թագավոր, իհա՛րկե:

Մինչդեռ աստված է վկա, որ մաքուր սրտով ոտք դրեց այս սենյակը...

Որտեղից որտեղ հայտնվեց Հայր Մարգպետը, ամենանողկալի հայր՝ Վեհափառի համար: Միակ մարդը, որի առաջ ներսեսը գարշանքից և ատելությունից խեղճանում էր ու անպաշտպան դառնում: Նա լուռ և անաղմուկ ներս սողաց և իրենով լցրեց ամբողջ սենյակը: Գլուխ տվեց Վեհափառին, հարևանցի նայեց քնած արքային, անօգնական տարածեց ձեռքերը, ուսերը թոթվեց, ապա արքային դիմեց՝ շշուկով, որը ծաղր թվաց ներսեսին, ծառայի ծաղր տիրոջ հանդեպ:

— Դահճապետ Երազմակը հենց նոր հայտնեց, որ հրամանդ ի կատար է ածված: Գնելին տարել է մինչև որսատեղի պատը և կիսին բլրի մոտ զլխատել:

Արքան գիտեր, ինչպես շիմանար, որ սա ամենաանպատեհ ժամանակն է քնից վեր կենալու, ամենավտանգավոր պահը, երբ նա բացահայտորեն կմատնի իրեն, այն էլ՝ շշուկով ասված խոսքերից հետո, բայց չդիմացավ: Հակառակի պես՝ հենց այդ ակնթարթին չդիմացավ: Թքա՛ծ, ինչ լինում է լինի, վերջիվերջո մարդ է, չէ՞, ստորությունն էլ իր սահմանն ունի, չէ՞, անամոթությունն էլ իր շափն ունի, չէ՞: Նա դեն նետեց սամուրենին, նստեց գահուլքին, շփեց աչքերը և դարմացած նայեց Հայր Մարգպետին:

— Ի՞նչ Գնել... Ի՞նչ որսատեղի պատ... Ի՞նչ կիսին բլուր... Երազմակն ով է... — Նոր նկատեց ներսեսին, տարակուսանքով նայեց նրան ու շհավատաց աչքերին: — Վեհափա՛ռ... Ինչո՞ւ ես առավոտյան աղոթքդ ընդհատել... Դու հիմա պետք է արարողություն կատարեիր բանակի հա-

մար...— Ու գայրույթով հարցրեց.— Վերջապես ինձ կբացատրե՞ք ինչ է եղել, թե ոչ...

— Դու շուգեցիր աստվածային խոսքի խրատը լսել և սկսեցիր մարդկանց ուտել,— քմծիծաղելով, սառը և հանգիստ ասաց Ներսեսը։— Ուտի ինչ որ գազանների մասին է ասված, թող քեզ վրա կատարվի։ «Աստված նրանց ատամները բերաններում կփշրի, և առյուծների ժանիքները տերը կխորտակի»։ Եվ որովհետև Կայենի գործը կատարեցիր, Կայենի անեծքին գաս, ողջ-ողջ թագավորութունիցդ զրկվես և շարշարանքներ կրես քո կուրացած Տիրան հորից ավելի և դառն մահվամբ մեծ նեղության մեջ կյանքդ վերջացնես։— Նա, ժպտադեմ, ձեռքը թեթևակի խփեց արքայի ուսին ու խաղաղ ձայնով ավելացրեց.— Իմ քմծիծաղը ոչ ոք չի հիշի... Բայց խոսքերս կհիշեն... Քեզ կանհիծեն, իսկ ինձ՝ կարբացնեն... Լսո՞ւմ ես գրչի խզզոցը... Այ, հիմա մի պատմիչ արդեն գրեց իր մատյանի մեջ...

Շրջվեց և, դանդաղ ու անխոռվ, դուրս եկավ սենյակից։ Դուրս եկավ մեծ արժանապատվությամբ ու հաղթանակած։

Արքան սառած մնաց տեղում։ Դեմքին՝ հիմար և անիմաստ մի արտահայտություն։ Կարծես հյուսիսը քամել էին ու դեն գցել նրան։ Ձեռքը տարավ երեսին, ճմռեց, տրորեց, աչլա վեր կացավ ու կանգնեց ամբողջ հասակով մեկ։

— Թող ամբողջ երկիրը պաս բռնի իմ եղբոր որդու համար։ Հրամայիր, որ բանակում եղող բոլոր մարդիկ, մեծ թե փոքր, առանց բացառության, գնան կոծ անեն ու ողբան Արշակունի մեծ սեպուհ Գնելի գերեզմանին։

Ասաց հանդիսավոր, լցված, աչքերը խոնավ, հավատալով իր արտասանած ամեն մի բառին, ամեն մի հնչյունին։ Բայց առանձին-առանձին հավատալով, ոչ իրար կողքի, ոչ միասին։

Ապա մտավ ապարահողը, մնաց ինքն իր հետ ու փսխեց...



Հող էր, հող դարձավ:

Ինչքան էլ գեղեցիկ էր... Անաստված գեղեցիկ...

Այդպիսի փառավոր հասակ, այդպիսի թիկնեղ մարմին
ու կրակոտ աչքեր այս երկիրը տեռ շէր ծնել երբևիցե:

Եվ ինչպիսի՞ աղավնակերպ հոգի ուներ:

Շատ շատերը շէին տեսել նրան, բայց եթե մեռնողը իշ-
խան էր, այն էլ՝ երիտասարդ, իսկ մահը՝ ողբերգական,
ուրեմն բոլոր առավելութունները նրա կողմն էին, ուրեմն
մարդկային կատարյալ տիպար էր նա, ուրեմն նա էր իբ
մեջ խտացնում գեղեցիկի ու լավագույնի ամեն պատկերա-
ցումները:

Թող ես տգեղ լինեմ, ոչինչ, բայց ինչ-որ մեկը՝ գեղեցիկ,
թող ես աղքատ լինեմ, հոգ չէ, բայց ինչ-որ մեկը՝ հա-
րուստ, թող ես դժբախտ լինեմ, փույթ չէ, բայց ինչ-որ մեկը՝
երջանիկ:

Գոնե, գոնե ինչ-որ մեկը...

Եվ նախանձից անտեղյակ, աղնիվ ու շարքաշ շինականին
հանկարծ թվաց, թե հենց այդ ինչ-որ մեկն էր այսօր զոհ-
վել, ու աշխարհը միանգամից դատարկվեց նրա աչքում:

Նա դարձավ ավելի տգեղ, ավելի աղքատ ու ավելի
դժբախտ:

Ոչ միայն Շահապիվանը, ոչ միայն Սաղկոտն դավառը,
այլև ամբողջ Այրարատյան աշխարհը ծածկվեց սևով:

Տների երդիկների վրա սև շորեր գցեցին, որովհետև
խավարն էր բաժին ընկել ամենքին, եղների եղջուրները
պատեցին սև լաթերով, ձիերի վրա սև նարուտներ փոեցին,
մարդիկ ոտքից գլուխ սև հագան:

Տարտարոսի մութ աշխարհի տիրակալ աստվածները
իրենց հերթական հաղթանակն էին տոնում: Նրանք, որպես
կանոն, խլում էին լավագույնների կյանքը, ամենաազնիվ-
ներինը, ամենախիզախներինը: Թեև չար էին իրենք, բայց
չէին սիրում վատ մարդկանց, դժկամությամբ էին նրանց
տեղափոխում իրենց մոտ, թողնում էին, որ ստոր մարդիկ
երկար ապրեն, ու երբ նրանք դառնում էին անատամ դա-

աամյալներ, և որ միայն, ստիպված, նրանց էլ էին տանում զզվանքով...

Գլխատված Գնելի դին, դիպակներով պարուրված, դրել էին գորգապատ պատվանդանի վրա:

Պատվանդանի գլխին, թագածև գդակով, ուսերին գցած թուխ թիկնոցով, ծնկի էր եկել արքան, լաց էր լինում և հրամայում, որ բոլորը արտասովեն Արշակունի մեծ սեպուհ Գնելի հիշատակին:

Նախարարները, շինականներն ու զինվորները, ըստ պայեանական սովորութեան, նստել էին գետնին, գերեզմանի շուրջը ու խմբովի ծափ էին տալիս՝ իրենց ցավն արտահայտելու համար:

Խեղճ տղան հոգեվարք էլ չունեցավ, որպեսզի, ընտիր զգեստը և սուրը մարմնի վրա դնելով, գոնե մի բարիք գործեին, գոնե արագացնեին հոգու անջատումը:

Նրանք նույն սիրով ու երախտագիտութեամբ նրա դերեզմանը կզարդարեն, փոսի մեջ կդնեն ոսկեհյուս պատմուճանը, փիլոնածև կնգմենին, ականակուռ գոտին և սուրը, երիտասարդ իշխանների բազուկներից անբաժան մեհեանդր...

Իսկ թագման վերջին պահին, երբ դին կիջեցնեն փոսը և կսկսեն հողով ծածկել, քահանաներից ծածուկ՝ ուտելիք էլ կդնեն Գնելի կողքին:

Գետնին նստած հուղարկավորներն սկսեցին ավելի լավ գին ծափ զարնել, որովհետև սևազգեստ եղբրամայրերը հայտնվեցին: Նրանք խմբով մոտեցան գորգապատ պատվանդանին, մի պահ լուռ կանգնեցին ծափերի տարափի տակ, ըստ երևույթին՝ ներշնչվելու համար: Ապա նրանցից մեկը, ամենապառավը, դարձավ ողբի մայր, իսկ մյուսները՝ ձայնարկուներ: Ողբի մայրը մեռելի գովեստն էր անում, գովերգում նրա գեղեցկությունը, փառաբանում սլացիկ հասակը, ներբողում քաջագործությունները: Ձայնարկուները կրկնում էին նրա խոսքերը և ցավի աղաղակներ բարձրացնում: Ողբի մայրը սգում էր այն մանուկներին, այն ուստքերին ու դուստրերին, որոնք կարող էին դեռ ծնվել և ան-

պայման պետք է ծնվեին, բայց այլևս լույս աշխարհ չեն գաւ։ Ու մեկ առ մեկ տալիս էր նրանց անունները։ Չայնարկունները կրկնում էին շփնվելիք երեխաների անունները և նորից լաց ու կոծ անում։ Ողբի մայրը կսկիծով թվարկում էր այն խիզախությունները, որ դեռ պիտի իրագործեր հանգուցյալը, բայց անդարձ իր հետ տարավ և ուրախացրեց թշնամուն։ Չայնարկունները մի անգամ ևս հիշեցնում էին չիրականացվելիք սխրանքները, վայում, ափսոսում...

— Վատ եք ողբում, պառավ վհուկներ,— հանկարծ զայրույթով լցված, գոռաց արքան ու հասակով մեկ ոտքի ելավ ամբոխի առաջ։— Մի՞թե այսպես են սգում պատանու մահը։ Ո՛ւր են կորել ձեր արհեստի հնարքները։ Այնպիս լացեք, որ ամբողջ երկիրը վշտից ցնցվի։— Ապա շշնջաց Հայր Մարդպետի ականջին։— Գնա իմացիր ինչ են խոսում իմ մասին։

Արքայի զայրույթը, որ ընկալվել էր իբրև տառապանքի ու մորմոքի պոռթկում, ոգևորեց ամենքին և ազատություն տւեց խեղդված հիշողություններին։

Քահանաները սարսափով ականատես եղան, թե ինչույես մի ականթարթում հեթանոս մեղքերը ծաղկեցին ու սփռվեցին գերեզմանոցով մեկ։

Կանայք, ամոթները կորցրած, գետնին էին ընկնում, թավալ տալիս, մազերն արձակում, փետում, օձիքները պատառտում, կրծքները ծեծում, տղամարդիկ մորուքներն էին կտրում իբրև զոհաբերություն, ճակատներին խփում, զլխնեղրին մոխիր թափում, հանվում և մերկ մարմնի վրա քրձեր հագնում...

Կապանքներից բաց թողնված ամբոխի ողբը ուղեկցվում էր դամբանական երգերով, փողերի, փանդիռների ու վների սրտաճմլիկ նվագով, կատաղի ծափերով ու խմբական երկսեռ պարերով։

Փառանձեմը, զգեստները սպտառոտած, վարսերն արձակած, կուրծքը բաց, կոծում էր սգատեղում, բարձր ճչում, աղիողորմ ողբով ու արտասուքով բոլորին լացացնում։

— Ես եմ մեղավոր, ես,— աղճկտուր գոռում էր նա։—

Ինչո՞ւ ինձ ուժ ավելցիր, առավաժ... Ինչո՞ւ չթողեցիր, սք
օգնե՞մ նրան...

Ու քանի որ ոչ ոք չէր հասկանում այդ խոսքերի իմաս-
տը, է՛լ ավելի սասառիկ էին հուզվում բոլորը, և արցունքոց
հեղեղ էր գառնում:

Ամբոթը վաղուց ի վեր մոռացել էր, որ իր երգ ու նվագով,
իր պարերով ու մեծագին պաղատանքներով դիմում էր
Սպանդարամեստ անդունդի խավար թագավորությանը՝ մե-
ռածի հոգին այնտեղից վերադարձնելու համար:

Պարում էր, երգում, մերկանում, ծափ զարնում, առանց
խոսքի պաղատում, բայց մոռացել էր, թե ինչի համար...

Չէր հիշում Սպանդարամեստ աստվածուհու բազինի մոտ
գոհվող այծի շուքը կատաբված երգերն ու պարերը, որոնց
իր պապերն ու տատերն էին մասնակցում...

Չէր հիշում արաչիզների պատվին արվող անձնաաբու-
թյան հնագույն խորհուրդը...

Եվ քանի որ ոչինչ որոշակի չէր հիշում, ավելի՛ շատ
բանի էր հավատում: Մասնատված հավատները ի մի էր
ժողովում և մի ամբողջություն հյուսում: Ընդհանրական և
համապարփակ մի հավատ:

Մի խումբ կանայք, փոքրիկ սրվակներ բռնած, մտե՛նում
էին հուղարկավորներին և նրանց աչքերից արցունքներ
հավաքում: Տարբեր մարդկանց արցունքները խառնվում էին
քթար, փակվում սրվակների մեջ և դրվում գերեզման:

Սրվակներից մեկը հատուկ նախատեսված էր միայն
արքայի համար: Առանձին պիտի դնեին Գնելի կողքին:

Ուները վշտից մերկացրած և մազերը երեսին թափած մի
ջահել կին մասունքի պես հավաքում էր արքայի արցունք-
ները, և որքան լցվում էր սրվակը, այնքան ավելի հրճվա-
գին էր բացականչում կինը և պարծանքով թղոզում մարդ-
կանց սրտերը:

Հոգևորականները, համբերությունները հատած, վճռե-
ցին հարձակման անցնել:

Նաչերով, խաչվառներով, առատ խառնկ ծխող բուրվառ-

Ներով, սևերի մեջ կորած հանդերձներով, առաջ եկան ու ջրապատեցին գերեզմանի փոսը:

Ամբոխը ակնածանքով լռեց ու նրանց գալուստը ևս ընդունելի համարեց: Եվ հիմա դարձավ նույնքան մոլեռանդ քրիստոնյա, որքան հեթանոս էր քիչ առաջ:

Զարմանալի ու վայրկենական թեթևությամբ և հեշտությամբ կատարվեց այդ անցումը, առանց որևէ դիմադրության, առանց ներքին հակասությունների ու ցավագին վեճերի:

Հատկապես տպավորիչ էին եկեղեցական նշանակները՝ դրոշները, որոնք կարմիր էին կամ գունագեղ ասեղնազորով փած, ժածկված ազնիվ քարերով կամ արբապատկերներով: Բները վերջանում էին խաչերով, որոնց տակ կախված էին դրոշակները:

Երկու հսկա ու մազմզոտ կանայք, Փառանձեմի թեքից բռնած, բռնի քարշ տվեցին նրան ու հեռացրին գերեզմանոցից: Փառանձեմը կատաղի ընդդիմանում էր, հայհոյում ու կծոտում նրանց: Երբ բազական հեռացան, ու այլևս տեսնող չկար, կանանցից մեկը մի ուժգին ապտակ իջեցրեց նրա դեմքին: Մատների հետքերը մնացին երեսին, ու քթից արյուն եկավ: Փառանձեմը վախից սսկվեց, գերեզմանատան պարսպին քսվելով ցած սահեց, կուշ եկա՞վ ցեխերի մեջ ու, ձայնը կուլ տալով, սկսեց հեծկլտալ:

Աղոթքները վերջացան, և պատանքված դին իջեցրին գերեզման: Տղամարդիկ հող թափեցին ու ծածկեցին փոսը: Արքան ևս միացավ նրանց, հազվագյուտ սլաթիվ տալով իր համարյուն հպատակին:

Գոյացավ մի մեծ հողաթումբ, և հողաթմբի վրա գլխաքար դրեցին՝ ապրած օրերի ու տարիների անհայտ պատմությունը:

Եվ այս անգամ էլ քահանաների՝ հիշողությունը դավաճանեց: Նրանք թույլ տվեցին քարը դնել, միշտ են թույլ տվել ու դեռ կտան, բայց շիմանալով՝ ինչի համար: Մոռացան, շհիջեցին, քր քարը, հնուց ի վեր, մեռած մարդու հոգու նոր օթևանն է...

Փառանձեմը որոշեց մինչև քառասունքը մնալ Շահապիվանում, ապա վերադառնալ ոչ թե Աղիովիտ, այլ Սյունիք, հորենական տուն և վերջնականապես այնտեղ հաստատվել:

Ամեն օր, ուղիղ նույն ժամին, անձրև լիներ, թե կատաղի արև, առանց բույս անգամ խախտելու նա գնում էր գերեզմանատուն, այցելում ամուսնու շիրիմին: Այդ զարմանալի ճշտապահության մեջ վշտի աստիճանական հաղթահարում կար, գիտակցված ու մի տեսակ կազմակերպված հրաժարում, հրաժեշտ ցավերին ու մղձավանջներին:

Ժամերով նստում էր շիրիմի մոտ, լուռ, արձանի պես անշարժ ու միտք էր անում:

Միտք էր անում, թե ինչպես պիտի դասավորի իր կյանքը: Թե ինչպես պիտի հաշտվի ու մտերմանա մենակության հետ: Թե ինչպես կամաց-կամաց պիտի սիրի այն ու զգա նրա հիվանդագին քաղցրությունը:

Երբեմն էլ, գույները դիտմամբ խտացնելով, պատկերացնում էր իր մոռյլ ապագան, իրեն սպասող անդեմ օրերը, որոնք, ցորենի հատիկների պես, նման են լինելու իրար:

Յորենի հատիկները գցում ես իրար վրա և ոչ մի կերպ չես կարող ասել, թե հատկապես որերորդից հետո գույացավ կույտը: Այդպես էլ օրերն են գումարվելու միմյանց և անհնար է գառնալու իմանալ, թե այդ երբ հասցրիր ապրել, այդ երբ անցավ կյանքդ և ինչ հասկացար աշխարհ գալով ու հեռանալով:

Պատկերացնում էր այդ ամենը ու ինքն իրեն խղճում: Եվ իրեն խղճալով՝ հաճույք էր ստանում, անգուժ և դաժան մի հաճույք: Ասես վերքի ցավում է, բայց շես կարող ձեռք շալ, որքան էլ պայքարես այդ ցանկություն դեմ, միևնույն է, շես կարող, ինչ-որ մի բան ձգո՛ւմ է, ստիպո՛ւմ, հրամայո՛ւմ, գիպչում ես, զգում ցավը, նոր միայն բավարարվում ու հանգստանում:

Փառանձեմն իր դժբախտությամբ կարճես վրեժ էր լուծում ինչ-որ մեկից, նա հաստատ համոզված էր, որ իր ապերջանիկ կյանքի մասին իմանալով, խղճի խայթ են զգալու մարդիկ, խանգարվելու է նրանց քունն ու դադարը...

Բայց նա չհամաձայնվեց, թույլ չտվեց, որ երկար խաբի կամ մխիթարի իրեն, նախընտրեց տղամարդու պես դժամ առ դժամ կանգնել ինքն իր հետ և սառը դատողությամբ ելք որոնել:

Զէ՛, նա ատամներով կպոկի երջանկության իր բաժինը, եղունգներով կկորզի իրենից խլված բախտավոր օրերը, ոչ մի բանի առաջ կանգ չի առնի հայհոյված ու պղծված անցյալի իրավունքները վերականգնելու և ապագայի մեջ վերընձյուղելու համար:

Եվ մի անգամ, ուշ գիշերին, երբ մենակությունն ավելի էր լկտիանում, սողոսկում փետրալի ու ոսկեթել մահիճը խորանաձև ծածկող սրսկապանի արանքով և մտնում անկողին, Փառանձեմը գրկից բարձր, կծկվեց, անհավատալիորեն փոքրացավ, դարձավ մի թուռ և հանկարծ, սեղմված զսպանակի պես, միանգամից ձգվեց, բացվեց ու վեր թռավ մահճից: Խավարի մեջ տենդագին հապճեպությամբ փնտրեց ճրագները, գտավ, վառեց երկուսը, դրեց հայելու կողքերին ու հանեց գիշերազգեստը:

Մերկացավ և նայեց հայելու մեջ:

Նայեց գնահատող աչքերով, կողմնակի մարդու պես, առուծախ անողի սառը և անհույզ հաճույքով:

Եվ առանց հիացմունքի:

Հայելու մեջ հրաշքով ծնված ճերմակ, ձիգ ու գեղեցիկ մարմինը, որ նա ասես պատրաստ էր գնելու և սեփականացնելու, վստահություն ներշնչեց, ինչ-որ պինդ, կարծր հավատ լցրեց երակները և կոպիտ մի ուժ պարզեւէջ նրան:

Եվ այդ գիշերը տո՛ն դարձավ Տիրիթի համար:

Տիրիթը, ստվերի նման, աննկատ հետևում էր Փառանձեմին, նրա հետ միասին առավոտ կանուխ գերեզմանոց գնում, ամբողջ օրն այնտեղ մնում, ասպա վերադառնում այն փողոցը, ուր այրի կնոջը մի առանձնատուն էր հատկացված և, շան պես, սոված ու ծարավ, հսկում նրան:

Նա կանգնած թիկնել էր ծառին ու նիրհել, երբ հանկարծ ինչ-որ կայծակ փայլատակեց նրա ուղեղում, և նա խուճապով բաց արեց աչքերը: Պատուհանում լույս էր վառվել: Նա գողգող մոտեցավ, ձգվեց ոտքերի մասաների վրա, ձուլվեց պատին ու ներս նայեց:

Տեսավ այն, ինչ երևակայության մեջ նկարել էր օր ու գիշեր:

Բայց սա ուրիշ էր: Սա ափ նետված ձկան խելահեղ թպրտոց էր, ծառս եղած նժույգի կատաղի խրխինջ, արյան կարմիր հրդեհ, պոզերն իրար գեմ տված խրոխտավիզ ու քրտնած ցուլերի մենամարտ...

Եվ կույս պատանին վախեցավ կնոջ մարմնի թյա առտիճան իրական լինելուց: Մի պահ ատեց Փառանձեմին, ուզեց փախչել, ջնջել նրան իր հիշողությունից, բայց ձեռքին ճար շկար, ձուլվել էր պատին, և պատը թույլ չէր տալիս պոկվելու:

Նա նեղացած ու խոռված նայում էր մերկ կնոջը և մտովի հայհոյում նրա անծանոթ ու խորհրդավոր գեղեցկությունը, ուսերից դեպի մեջքը ձգվող փոսի վանող գաղտնիքները:

Տիրիթը վստահ էր, որ Փառանձեմը խաբել էր իրեն, կին շտեսած պատանուն բարձրիկ սարեր էր խոստացել, բայց անհատակ անդունդնե՛ր ցույց տվել:

Միակ փրկությունն այն էր, որ կնոջ մարմինը հեռու էր և վտանգ չէր սպառնում նրան: Մինչև մերկությունը այս պատը կար, այս լուսամուտը, ներսում վառվող ճրագների գունատ լույսը և դրսի բազմաժալ խավարը: Նա ապավինեց այդ խոշորդոտներին և ապահով զգաց իրեն:

Ու հենց որ ապահով զգաց, նորից երևակայությունը եռաց ու բորբորվեց, այս անգամ էլ խոշորդոտները մտովի հազթահարեց և դեմ-հանդիման կանգնեց կուրացուցիչ, բայց արգել վնասազերծված մերկության հետ:

Այս պատի սառնությունն ու կոշտուկները վկա, վկա այս ճրագների: արդար լույսը, որ Տիրիթը սիրում էր Փառանձեմին: Սիրում էր ավելի, քան... քան ի՞նչը... ի՞նչը... Նա ճղնեց բացատրություն ու ապացույց գտնել... քան թե իրեն:

Եվ խղճեամ էք նրան, խղճո՛ւմ, որ նա զրկվեց իր սիրած ամուսնուց, որ մեծ և անսահման վիշտ ունի հիմա, շապիտացած վերքեր...:

Եվ, անեղծ ու անարատ անմեղությամբ, մտքովն իսկ չէր անցնում, որ ինքը կարող էր անմիջական կապ անենալ նրա դժբախտության հետ:

Նա սիրում էր Փառանձեմի վիշտը, իրենն էր համարում նրա վերքերը, պատրաստ էր կիսելու նրա ցավերը: Եվ Գնեխին էր սիրում, Գնեխի՛ն, իր հորեղբոր որդուն:

Սիրում էր ուրախությունից, որ նա այլևս չկա, սիրում էր նրա համար, որ այս պաշտելի կնոջ անբաժան մասնիկն էր նա, սիրում էր որպես իր արյունակցի, որպես իր եղբոր:

Նա այնպիսի շիրմաքար կղնի նրա գերեզմանին, այնպիսի վարպետներ կհրավիրի քարը հնազանդեցնելու, որ նրա շիրիմը ուխտատեղի կդառնա հայերի համար:

Եվ նա այդ կանի ոչ թե ցուցադրաբար, ոչ թե իր մեղքը քավելու և կամ Փառանձեմին սիրաշահելու համար, այլ սիրելով այն ամենը, ինչ կապված է նրա հետ... Նրա զգեստները, նրա կսկիծները, նրա ոտնահետքերը, նրա մտքերը, մազերի հոտը... Եվ նրա ամուսնուն...:

Նա արժանի կլինի Փառանձեմի սիրուն, մաքուր ձեռքերով կվառի իրենց տան ճրագը, կդառնա այնքան ազնիվ, որքան Փառանձեմը պահանջի, այնքան խիզախ, որքան նա հրամայի, և եթե նրա կամքը թելադրի մեռնել հանուն որևէ մեծ ու սուրբ գործի, նա մի պահ անզամ չի տատանվի:

Եվ ինքն իր հետ ու իր մասին «գու»-ով միայն կխոսի, որովհետև «ես»-ը այլևս չի լինի, կվերանա ու կանչանա, կմնա միայն Փառանձեմը, դու և գու...:

Փառանձեմն սկսեց դանդաղ հագնվել: Նախ հագավ պախճավանդը՝ երկու կապով երիզներ, որոնք ուղղակի մաշկի վրայից ներքուստ պատում էին լանջերը: Ապա մտավ իր լավագույն պատմուճանի մեջ, ո՛չ սև, այլ երկնագո՛ւյն, փաթաթվեց սպիտակ ու երկայն ստուլայով ու ծածկվեց իր ամենաթանկագին զարդերով:

Սնգույրով թեթևակի կարմրացրեց երեսը, ծարիրով սևացրեց հոնքերը, սպիտակ ներկեց ու ողորկեց ճակատը:

Հետո, ապակե հայացքով, իր փառահեղ հանդերձներն մեջ, զուգված-զարդարված, սակայն՝ բոբիկ, դանդաղաքայլ մոտեցավ մահճին, դեն քաշեց սրսկապանը և, առանց մարմինը ծռելու, ծալեց ոտքերը ու դիք-դիք նստեց անկողնու ծայրին:

Նստեց իր հսկա ստվերի հովանու տակ ու մտածեց, որ այս մեծ կորստին փոխհատուցում էր պետք: Ոչ թե նախկին ունեցածին հավասար, այլ անհամեմատ գերազանցող: Սիր չէր ուզում, գիտե՞ր, որ Գնելի հետ անկողին մտնելիս ծնվող սուրբ և անխարդախ ամոթը այլևս չի կրկնվի, ամեն ինչ կլինի, գուցե և ավելի մեծ կիրք, գուցեև ավելի առատ քրտինք, բայց այդ ամոթը, չէ, չի լինի: Իսկ եթե սերը մեռավ, ուրեմն կոպիտ և խիստ նյութեղեն ինչ-որ բան պետք է փոխարինե՞ր նրան, շատ մեծ բան, իսկ թե ինչ՝ միտք էր անում, միտք, ու դեռ չէր գտնում:

Նա այս խոհերի համար չէր քաշվում Գնելից, դեռ ավելին՝ այդ մասին մտածում էր հատկապես գերեզմանատանը, նրա շիրիմի մոտ: Ի՞նչ ոչ թե դավաճանութուն էր նրա թարմ հիշատակին, այլ գերվատահութուն մտերիմ ու հարազատ մարդու հանդեպ: Էլ ո՞ւմ հետ կարող էր կիսել իր մտքերը, ումի՞ց կարող էր խորհուրդ հարցնել, ո՞վ էր իր անկեղծ ընկերն ա բարեկամը, որ ընդունակ էր մինչև վերջ հասկանալու իրեն: Ընդհակառակը, եթե աշխարհում իր համար դեռ կար որևէ իրական ուժ, որևէ ամուր հենարան, Գնելի գերեզմանն էր դա:

Այդպես անշարժ, մտորումների մեջ թաղված և փրկատրտումներից խեղդված, նա մահճի ծայրին նստեց մինչև լույս, ներքուստ ընդդիմանալով, որ այս գիշերն ուզում են խլել իրենից:

Հսկա ստվերը ջնջվեց պատի վրայից, բայց նա, շնայած արեգակի լույսին, չհանգցրեց ճրագները, որովհետև նրանց մեջ էր շոշափելի ապաստան գտել անպատասխան հարցերով լեցուն այս գիշերը, գուցե միակը նրա կյանքում, որ ամբողջովին իրենն էր միայն: Իրե՛նցը, ներո՞ղ եղիր, աստված, հաղա՞ր անգամ մեղա, իրե՛նցը, իրն ու Գնելինը:

Նա վեր կացավ մահճից ու չքեղ հանդերձանքով սպառա-

գինված, բայց՝ տնային մաշիկներով, որ հագել էր մեքենաբար, գուրս եկավ շենքից և ուղղվեց գեպի գերեզմանատուն:

Առանց իմանալու, որ այդ գիշերը պատկանում էր ոչ միայն իրեն ու Գնելին, այլև մի երրորդ մարդու:

Եվ որ Տիրիթը մինչև լուսաբաց՝ արդեն վաղուց մտովի տիրել էր նրան:



Փառանձեմը պատրաստվում էր գերեզմանոցից տուն վերադառնալ, երբ զարմանքով նկատեց Տիրիթին, և Տիրիթն զգաց, որ այլևս իմաստ չունի թաքնվելը:

Նա մոտեցավ Փառանձեմին, լուռ գլուխ տվեց, և նրանք սկսեցին քայլել կողք-կողքի:

Ամբողջ ճանապարհին ոչ նայեցին իրար, ոչ էլ մի խոսք փոխանակեցին:

Տիրիթը դողում էր այդ մոտիկութունից, շունչը կտրվում էր նրա հոտերից, փափուկ և կատվի պես զգույշ քայլերից, ամեն քայլափոխից հետո՝ քղանցքների թեթևակի հպումից ու բաժանումից, երկար վզի շերտացող, բայց գուշակվող երակներից և հատկապես գետնաքարը սպիտակ ստոլայից, որ կանչում էր, հրավիրում, իր ետևից տանում ամեն մի կենդանի արարածի:

Տիրիթը լարվեց, պրկվեց և հուզմունքից քրտնեց: Աղամախնձորն սկսեց ստեպ-ստեպ ելնել ու իջնել: Նա ճգնում էր քայլելիս հնարավորին շափ քիչ շարժումներ անել, վախենալով, որ հանկարծ կմատնի մարմնի մեջ սեղմված ու զսպված փոթորիկը:

Կյանքը կտար, հաստատ կտար, միայն թե իմանար՝ ինչի՞ մասին է խորհում կողքից քայլող կինը, ի՞նչ մտքեր են պաշարել նրան և ի՞նչ է թաքնված այս ապակե սառը հայացքի տակ:

Երբ տուն հասան, Տիրիթը բաց արեց դարպասը ու Փառանձեմի ետևից մտավ ծառաշատ բակը:

Փառանձեմն ուղղվեց դեպի ջրավազանը, մի պահ կանգ-

նեշ մեջքով, գգեստի մի ծալք անհանգիստ շարժվեց ուսի վրա, և նա շրջվեց ու հարցական նայեց Տիրիթին:

— Ես գիտեմ, քո վիշտը սահման չունի,— ասաց Տիրիթը, և նրա գունատ դեմքը էլ ավելի տգեղացավ:— Բայց իմ վիշտն էլ է մեծ: Գնելը քո ամուսինն էր, իսկ իմ՝ զարմիկը: Եղբայր: Միայն մենք կարող ենք մխիթարել իրար:

— Չնչին մարդ էր քո զարմիկը: Փոքրոգի:— Հայացքը մի անորոշ կետի վրա սառած, հանգիստ ու կիսաձայն պատասխանեց Փառանձեմը:— Երակների մեջ ջուր էր հոսում, ոչ թե արյուն:

— Մեղք ես գործում աստծո առաջ,— երկարեց, դուրս ցցվեց Տիրիթի աղամախնձորը և կարծես ուր որ է պիտի պոկվեր կոկորդից ու գետին ընկներ:— Կրկնակի է քո խոսքերի հանցանքը: Դու հանգուցյալի ես զրպարտում:

— Հանգուցյալն ինձ է պատկանում: Ես եմ նրա միակ տերը,— շորությամբ նրա խոսքը կտրեց Փառանձեմը ու երկու պզուկ նշմարեց պատանու դեմքին:— Եվ քեզ բաժին չեմ տա: Իմ վշտից էլ քեզ բաժին չի հասնի:

— Ես չեմ վիրավորվում, Փառանձեմ,— տխուր ժպտաց Տիրիթը ու տարածեց երկար թևերը:— Եթե դա թեթևացնում է քո սիրտը, ինչ ուզում ես ասա: Ես պատրաստ եմ անտրտունջ լսել քեզ:

— Ծնորհակալ եմ, բայց արդեն ուշ է, Տիրիթ: Ես պետք է շուտ իմանայի, թե որքան բարի մարդիկ են ինձ շրջապատում:

Հեղնասնքն ու քմծիծաղը այրեցին պատանու երեսը ու կտրմիրով ներկեցին: Նա ձեռքը տարավ դեմքին, կարծես մաքրելու համար: Սակայն ոչ թե նեղացավ, այլ առավել խորությամբ զգաց նրա վերքերի ցավը: Եվ է՛լ ավելի մեծ վստահությամբ լցվեց, որ ինքք պետք էր այս կնոջը:

— Ես ուզում եմ օգնել քեզ: Թեև իմ օգնությունը կարող է տարօրինակ, նույնիսկ վայրենի թվալ քեզ: Մանավանդ այս պահին:

Փառանձեմն այդ խոսքի վրա հանկարծ միանգամից կակղեց, հեղնասնքը չքացավ շրթներից, հալվեց ապակն սառնությունը, աչքերում անկեղծ ու անպաշտպան մի խեղճ

ճություն երևաց, ու նա, իր անզորությունը չրիվ խնայողա-
նելով, հուզմունքով բռնեց Տիրիթի ձեռքը:

— Հենց այս պահին է ինձ օգնություն պետք...

— Ես ուզում եմ ամուսնանալ քեզ հետ:

Փառանձեմը, ցնցված, ետ քաշեց ձեռքը ու անմիջապես
թաքնվեց ինքն իր մեջ, խորացավ պատշանում ու անհե-
տացավ:

Դեմքին ոչ մի մկան չշարժվեց:

Առանց Տիրիթին նայելու, առանց որևէ վերաբերմունք
ցույց տալու, դանդաղ հեռացավ, գնաց ծառուղու խարքը,
հասավ մինչև ցանկապատը ու շարունակեց մտառույզ քայ-
լել պարտեզի ծայրերով:

Սկզբում նա չխորշեց Տիրիթի անակնկալ առաջարկից,
ընդհակառակը, գործնական կերպով սկսեց ծանր ու թեթև
անել: Ի՞նչ էր շահում և ի՞նչ էր կորցնում: Մտածեց, մտա-
ձեց ու ի վերջո պարզեց, որ ոչինչ էլ չէր շահում: Չէ,
Տիրիթը փոխհատուցում չէր: Ոչինչ էլ չէր: Պարզապես
ոչնչություն: Ու հենց դա՝ վիրավորեց նրան, և ոչ թե բարո-
յական նկատառումները:

— Դու ջահել ես դեռ: Գեղեցիկ: Ասում եմ, նույնիսկ
շատ գեղեցիկ: Ինձ համար դժվար է դա նկատել, որովհետև
դու իմ զարմիկի կիսն ես:— Տիրիթը հետևում էր Փառանձե-
մին ու անընդհատ խոսում, կարծես վախենալով, որ եթե
լռի, ձեռքից բաց կթողնի նրան:— Բայց մեր ամուսնությամբ
երկուսս էլ հարգած կլինենք նրա հիշատակը: Օտար ժարդն
իրավունք չունի անկողինը կիսել քեզ հետ: Խոստովանեմ, որ
ես առայժմ սեր չեմ զգում քո հանդեպ: Բայց այս գիտակց-
ված ամուսնության մեջ ավելի մեծ խորհուրդ կա, քան թե
սիրո: Ես վստահ եմ, որ մենք տարիներ ընթացքում կսի-
րենք իրար: Եթե նույնիսկ չսիրենք, կհասվենք միմյանց,
կընտելանանք, կվարժվենք: Եվ մեր ընտանիքը, եթե ոչ
կրթով, ապա իր հավասարակշռությամբ ու իր ամրությամբ
վրեժ կլուծի Գնելի թշնամիներին:

Փառանձեմը կանգ առավ, և էլի զգեստի ծալքը ան-
հանգիստ խաղաց ուսի վրա: Նա շրջվեց և ուղիղ նայեց
Տիրիթի աչքերին:

— Ուրեմն... զոհարերում ես քեզ... հանուն Գնելի՞...

— Բայց չէ՞ որ այդ զոհարերությունը ես քեզնից էլ եմ պահանջում,— իրեն շկորցրեց Տիրիթը։— Առանց սիրելու ամուսնանալ ինձ հետ։

— Դու սիրահարված ես ինձ, Տիրիթ,— ատելություն մերա երեսին շարտեց Փառանձեմը։— Դու գովում ես ինձ համար։ Աչքերդ մերկացնում են ինձ։ Կիրք է թափվում քո հագուստներից, քո զենքերից, քո ձեռքերից...

— Ամոթ է, Փառանձեմ,— սփրթնեց Տիրիթը, զգալով իր այսքան անպատեհ կործանումը։— Ետ վերցրու դիվային խոսքերդ։

— Սաղավարտի՛ց, մատանո՛ւց, մաշիկնեբրի՛ց...

— Ուշքի եկ, Փառանձեմ... Ի սեր աստժո... Մի մոռացիր նրան...

— Ականջների՛ց, գոտո՛ւց, մազերի՛ց...

— Խեղճ Գնել... Իմ խեղճ զարմիկ...

Տիրիթը դուրս փախավ և ամբողջ հոգով զարմացավ ու զայրացավ աշխարհի անարդարությունն վրա։ Չէ՞ որ ինքը պետք էր Փառանձեմին, պե՛տք էր, պե՛տք։ Հետո՞ ինչ, որ Փառանձեմն այդ չի հասկանում, չի ընդունում, բայց ինքը հո հասկանո՞ւմ է, ինքը հո գիտե՞ հաստատ։

Նրա պատճառով ոճիր գործեց, նրա սիրուց կորցրեց իր հարազատ զարմիկին, թ սեր նրա այնպես արեց, որ նա այրիանա...

Ուրեմն, որքան էր սիրում, որ նույնիսկ պատրաստ էր աչքի առաջ դժբախտացնել իր պաշտելի կնոջը, պատրաստ էր դիմելու այդպիսի մեծ զոհաբերություն։

Մի՞թե Տիրիթի համար հեշտ էր իր աստվածուն հուն այս ժանր կացություն մեջ տեսնել, սգավորի շորերով, վերքոտ սրտով, դեմքին այսքան տառապանք և մրմուռ։

Որտեղի՞ց անցնե՞ր Փառանձեմի մտքով, թե ինքն ինչքան ապերախտ եղավ Տիրիթի հանդեպ։

Տիրիթն անհանգիստ կանգ առավ կես ճանապարհին։ Մի միտք խոցեց, ճմլեց ու ճզմեց նրան։ Ի՞նչ պիտի անի Փառանձեմն առանց իրեն։ Եթե հանկարծ շկարողանա՞

կյանքը կարգավորել... Եթե հանկարծ ուժը չպատի՞ երջանիկ լինել...

Կե՛ղծ Փառանձեմ: . . .

Գլուխ տասներկուերորդ

Տիրիթը մի քանի անգամ գնաց Հայր Մարդպետի իջևանած տունը և միշտ նույն պատասխանն ստացավ նրա թիկնապահներից. ներքինապետը չի կարող ընդունել:

Գոնե խաբեին և խաբելով հարգած լինեին: Ասեին տանը չէ, զբաղված է, հյուրեր ունի, հիվանդ է...

Չէ, չի կարող ընդունել:

Ըստ երևույթին, վատ էին պատանու գործերը: Հայր Մարդպետը մի պահ անգամ չի կասկածել, որ Փառանձեմը կմերժի նրան: Ո՞ր մի խելքը գլխին կինը կհամաձայնե՞ր այսպիսի անդուր և վանող ամուսին ունենալ, այն էլ՝ առանց շոշափելի հարստության: Տիտղոսը լավ էր հնչում, արքայազուն իշխան, բայց մեջը փուչ էր:

Գնելը՝ ուր, Տիրիթը՝ ուր...

Գնելը բնավ արժանի չէր մեռնելու: Ուրվհետև վերին աստիճանի ազնիվ էր: Հայր Մարդպետն այս աշխարհում ամեն ինչ թույլատրելի էր համարում, բայց միայն ի՞ր համար, իսկ ուրիշների հարցում խիստ բժախնդիր էր ու պահանջկոտ: Նա ամենից ավելի բարձր էր գնահատում մարդկային ազնվությունը, որը, ի դեպ, երբեք չի խանգարել անձամբ իրեն, երբեք խոչընդոտ չի կանգնեցրել իր ճանապարհին: Եվ ընդհանրապես ո՞վ է մինչև հիմա վիաս տեսել ազնվությունից: Ազնվությունն այնքան թույլ է ու անպաշտպան, որ նրա շարքերում չգիտվորագրվելու դեպքում անգամ, անհնար է շհամակրել այն:

Գնել իշխանը դուրս եկավ խաղից: Հունասերների համար էլ ուրիշ Արշակունի շմնաց, որով կարելի էր . . . փոխադրվել

արքային: Ուրեմն, պարսկասերներին թեկնածուն ազատ ճանապարհ էր ստանում:

Տիրիթը: Մոծրակը կտեսնի, բայց հայոց թագը չի տեսնի: Քանի Հայր Մարդպետն ապրում է, քանի գոյութիւն ունի, զարմիկի կնոջ վրա աչք տնկողն ու նրա դեմ ոճիր գործողը չի նստի հայոց գահին:

Եվ ինչո՞ւ Տիրիթը, ոչ թե ինքը:

Եթե Տիրիթը շատ է ուզում իմանալ, ապա թող ականջին օղ անի, որ այս ոճրագործութեամբ Հայր Մարդպետ կոչված ծեր աղվեսը ոչ միայն հունասերներին թեկնածուին վերացրեց, ըստ որում՝ միակ ու արժանավոր, այլև նրա ճանապարհը փակեց:

Մի քարով՝ երկու թռչուն:

Ուրեմն, ի՞ր թեկնածութիւնն էր առաջարկում:

Հայր Մարդպետը, որի ուշքը հաճույքից գնում էր ինքն իրեն ծեր աղվես կոչելով, մեծ բավականութեամբ ձգեց, նամոմեց ու որոճաց պատասխանը: Եվ խորամանկ ժպտաց, նաղ անելով իր հետ:

Երկար տարիներ մենակութեան մեջ ապրելով, նա ստեղծել էր իր երկրորդ ես-ը, որը նրա համար գոյութիւն ունէր որպէս գերիրականութիւն: Նա զրուցում էր նրա հետ, կատակում, երբեմն խաբում, ձեռք առնում, հիմար վիճակների մեջ զցում, կերակրում, լողացնում, հագցնում և, տարիքով իրեն ավելի մեծ համարելով, հովանավորում նրան:

Այդ էր պակաս, որ նա իր թեկնածութիւնն առաջարկելու Այդ աստիճանի ճշմարտացներ ահավոր ու անլուր ոճրագործութիւնը: Գառնար մի սովորական դավադիր, մի թշվառ աթոռամու:

Եթե արնիվ ու խիզախ մի պատանու արյունն է թափվել ու եթե այդ արյունը իրոք անխուսափելի էր, ուրեմն հարկավոր էր, որպէս արդարացում, հնարավորին շափ խողորացնել, անառարկելի դարձնել ոճրի իմաստը:

Եվ նա կանի այդ:

Եթե Տիրիթ և Հայր Մարդպետ հարցը լինէր միայն, նա

առանց փարիսեցիութեան կ'ստեր, որ իհա՛րկե շայր Մարգ-
պետը պիտի թագավոր դառնայ:

Բայց կար Մերուժան Արծրունին: Էլ ինչպե՞ս կարող էր
նրա խիղճը թույլ տալ շխտաւովանելու, որ նա էր միակ
հաբմար թագավորը: Էլ ինչպե՞ս կարող էր իսկական հայա-
սեր ու հայրենասեր լինել և շքնդունել, որ բոլոր առավելու-
թյունները անխտիր նրա կողմն էին: Որքան էլ ուղենար,
շայր Մարգպետը ի վիճակի չէր թեկուզ մի կետ գտնելու,
որտեղ ինքը գերադանցում էր նրան:

Մերուժանը իրենից երիտասարդ էր: Իրենից սիրուն:
Համեմատելն անգամ ծիծաղելի էր: Իսկ երկրին նաև սիրուն
թագավոր էր պետք: Էլ շեմ ասում՝ ջահել: Իրենից համար-
ձակ: Իրենից խիզախ: Էլ ո՞ր մեկը թվարկեր: Եվ իրենից
խելոք: Խելո՞ք էր սատանան, ի՞նչ կարող ես անել: Աշքն-
րին նայելի, անմիջապես գլխի կընկնեիր, որ այս մարդը
մեծ գործերի է ընդունակ և ափսոս է նրան շարքային նա-
խարար պահել, թեկուզև՝ գահնամակի ամենապատվավոր
տեղերից մեկում:

Այնպես որ, այս ոճրադործութունը, ի վերջո, երկրի բախ-
տի համար կատարվեց: Արշակավանի ախտով վարակված
թագավորի փոխարեն մի առողջ արքա ունենալու նպատա-
կով: Եվ այդ նողկալի ու ցավալի եղեռնի ամբողջ պատաս-
խանատվութունը նա միայն իր ուսերին է վերցնում, չփոր-
ձելով անգամ՝ Տիրիթին մեղսակից դարձնել:

Իսկ մյուսնե՞րը: Կո՞ւյր էին մյուսները, որ Մերուժանի
պես արծվին թողած, ուզում էին քոսոտ Տիրիթին առաջ
քաշել: Բանն էլ հենց այն է, որ կույր չէին, պարզապես
նախանձ ճիճուներ էին, որոնք թթել են երկրի վրա էլ, ազգի
վրա էլ:

Բայց, համենայն դեպս, ինչո՞ւ էր Տիրիթը համառոտն
փորձում տեսնել իրեն: Երևի, Փառանձեմից մերժում ստա-
նալով, շայր Մարգպետի օգնութեանն էր ուզում դիմել:
Ուզում էր, որ շայր Մարգպետը արքային համոզի ու նրա
միջոցով ճնշում գործադրի Փառանձեմի վրա և ստիպի հա-
մաձայնութուն տալ:

Թեև նա ընդամենը կարող էր կռահել, բայց և այնպես

աբհամարհանքով մտածեց. գու ինչ էս, որ ետ քս մտքերը
դժվարանամ գուշակել...

Հայր Մարդպետը, ուշ գիշերին, առանց թիկնապահների,
չահը ձեռքին դուրս եկավ տնից, անցավ Շահապիվանի
նեղ և մութ փողոցներով, որտեղ զինվորներ էին միայն
թրև գալիս, և մտավ երկհարկանի այն շենքը, ուր նավա-
սարդի օրերին իջևանել էին մի քանի երկրորդական իշխան-
ներ:

Առանց բախելու, առանց տարրական պատշաճությունը
պահպանելու, նա մեկ առ մեկ բաց արեց դռները, տեսավ
հարթեցողությամբ զբաղված իշխանիկների, վարձակների
հետ սեր անող ծուռ ոտներով արուների, խումփացնող չե-
րուկների, իրենց մեղքերը երազներում տեսնող և անկողին-
ներում անհանգիստ շուռումուռ եկող ստահակների, վախից
աւ թծնանքից ծնկաշոք աղոթող անհավատների, մինչև որ
դռներից մեկի ետևում գտավ նրան, ում փնտրում էր:

Ուղղվեց դեպի մահճակալը, մոտեցրեց գլուխը և ջահի
լույսի տակ տեսավ անմեղ դեմքով ու համաշափ շնչառու-
թյամբ քնած պատանի Տիրիթին:

Բոթեց նրան, ու Տիրիթը սարսափահար վեր ցատկեց,
կծկվեց մահճակալի հեռավոր ծայրին:

— Ինչո՞ւ էս ուզում ամուսնանալ Փառանձեմի հետ:
Երջանկությունը բթացնում է մարդուն: — Հայր Մարդպետը
ժամանակ շտվեց նրան ուշքի գալու: — Դարձնում է ծուլ և
անղգաւ: Ծարպակալում է հոգին: Երջանիկ մարդը չի կարող
պիտանի լինել հայրենիքին: Դրա համար պետք է մի քիչ,
մի քիչ դժբախտ լինել:

— Դու ինձ ծախում ես արքային, — Տիրիթն առաջին
անգամ բարձրաձայն ասաց այն, ինչ սոսկումով մտածում
էր այս օրերին: — Դու ինձ նույնիսկ ընդունել մերժեցիր...
Տեսնել շուգեցիր...

— Մի՞թե չգիտես, երիտասարդ, ես այնքան հարուստ
եմ, որ նոր հարստությունն ինձ այլևս ոչ մի ուրախություն չի
պատճառի, — նախատինքով ասաց Հայր Մարդպետը և
ձեռքի ջահով լուսավորեց պատանու ոսկրոտ դեմքը: —
Ինչո՞վ էիր ուզում ինձ շլացնել, եթե նույնիսկ հող էլ ունե-

նաչիր, ինչո՞վ պիտի ընդարձակե՞ից դաստակերտիս սահմանները: Ի՞նչ ես կարծում, ժամանակ ունե՞մ այս տարիքիս նման բաների ձգտելու:

— էլ ի՞նչն էր քեզ դրդում ինձ օգնելու,— ապշած հարցրեց Տիրիթը ու է՛լ ավելի սեղմվեց պատին:

— Գաղափարը, սիրելիս, գաղափարը:

— Իսկ հիմա՞ ինչն է քեզ մղում ինձ կործանելու,— անձայն լաց էր լինում Տիրիթը:

— Դարձյալ գաղափարը:

Տիրիթը, մի երկար ու կեղտոտ վտավակ հագին, սրբ մեծ էր նրա մարմնին, թռավ անկողնուց, մի պահ իր նեզ ուսերով, գունատ ու տգեղ դեմքով կանգնեց նրա առաջ, ապա ծնկի իջավ, բայց հակառակի պես՝ սխալ տեղում, ներթինապետից երկու քայլ հեռու:

Սողալով անցավ այդ երկու քայլը ու գրկեց Մարդպետի ոտքերը:

— Մի կործանիր ինձ... Ես դեռ շատ ջահել եմ... Ես էլ եմ ուզում քո տարիքին հասնել... Փրկիր ինձ... Գուցե դրա մեջ էլ գաղափար լինի... Կգտնես, իշխան, քեզ համար հե՛շտ է գաղափար գտնել...

Հայր Մարդպետը, ջահը ձեռքին բարձր բռնած, ոտքով մի կողմ հրեց նրան, սակայն հրեց ոչ ընդգծված կոպտությամբ, իրենց այս վերջին հանդիպման համար հույժ կարևոր համարելով աղնվական վարվելակերպի պահպանումը: Դրա մեջ էլ վրեժխնդրություն տեսավ, դրանով էլ ուզեց ստորացնել այս թշվառ պատանուն: Թող այս տպավորությամբ շունչը փչի:

Նա Տիրիթին թողեց մթության մեջ, գետնի վրա փռված հեկեկալիս, ու դուրս եկավ փողոց:

Հանգրեց ջահը:

Վաղուց այսքան խորությամբ չէր զգացել մաքուր օդի, աստղազարդ երկնքի, տերևների մեղմ սոսափյունի և գոյության գրգռիչ հաճույքը:

Երբ Տիրիթը սատկի, հանկարծ վերջին պահին շանցնի մտքով, թե պատահականության զոհ դարձավ: Թող իմանա. որ Հայր Մարդպետի ձեռքով է հեռանում այս աշխարհից:

Հանկարծ շմտածի, թե Հայր Մարդպետին կարելի էր ծախու առնել: Թող իմանա, որ այս աշխարհում գաղափարն է ամեն ինչից բարձրը:

Ես լուծեցի քո վրեժը, Գնել:

Ես շթողեցի, որ քո մահը մնա որպես մի հերթական դավադրության հետևանք՝ խղճահարության արժանի:

Ես իմաստավորեցի այն:

Բարձրացրի երկրի բախտը լուծելու աստիճանին:

Եվ հիմա Տիրիթն արդեն հաստատ կիմանա, թե ինչի համար է սատկում: Հենց այդքանով էլ բավարարված էր Հայր Մարդպետը: Հենց գրանով էլ վերջացած էր համարում այս ամբողջ տխուր պատմությունը:

Ոչ թե Հայր Մարդպետը, այլ ծեր աղվեսը, հեզնանքով ճշտեց նա, խոսքն ուղղելով իր երկրորդ ես-ին:



— Ուրեմն, այդ նախանձ լակոտը... Այդ շնաբարո, այդ անմորուս պատանին... Ուրեմն, ինձ ու քեզ հիմարացնի՞... Իմ ձեռքերը հարազատիս արյունս՞վ թաթախի... Հայր Մարդպետ, կհնարես աշխարհի ամենածանր պատիժները... Լսո՞ւմ ես, կհնարես... Չդիմես ծանոթ պատիժների... Եվ դանդաղ, շատ դանդաղ կսատկեցնես նրան... Տանջանքները կպատմես ինձ... Եվ չես թաղի... Մարմինը գազաններին բաժին կտաս...— Աշխարհը մթնեց արքայի աչքերին, ու թոքերից ողբի ոռնոց դուրս թռավ.— Խեղճ Գնել... Հայր ու արդի իմ զոհը զարձան... Իմ կարճատեսության... Իմ դյուրահավատության... Իմ կասկածամտության...

— Ժամանակն է մեղավոր, արքա, ժամանակը,— զգուշորեն հառաչեց Հայր Մարդպետը:— Նա վաղուց է, ինչ չի միացնում, չի միավորում մարդկանց: Անջատում է միայն:

Արքան, ցավին չդիմանալով, վիրավոր գազանի նման պատից պատ էր քայլում և վանդակի մեջ զգում իրեն: Սենյակն էր վանդակ, աթոռանիստն էր վանդակ, ամբողջ Շահապիվանը, ամբողջ երկիրը, ամբողջ աշխարհը, որը

թեև չունի ակիզք ու վախճան, բայց ի՞նչ օգուտ, եթե քո մեջ
եև կանգնած վանդակի ճաղերը, եթե քո մեջ է բուն դրել
չորս պատը:

Հայր Մարդպետը, գուցե զգած, մի անկյուն էր մտել և,
կյանքում առաջին անգամ, սարսափ էր զգում արքայի
վշտից ու զայրույթից:

Ինչպե՞ս արքան հավատաց ապացույցների հեղեղին, ինչ-
պե՞ս չկարողացավ ապաստան գտնել փաստերի տարափից,
Գնեւիին փրկել իրենից, իր մեծ և անսահման իշխանությու-
նից, իր հզոր ու անդիմադրելի ուժից, որը միշտ ոչ թե
հպարտություն ու բավականություն, այլ միայն նողկանք է
պատճառել իրեն: Եվ եթե մարդկային դեմքը լրիվ չկորցնելու
համար եղել է գեթ մի փրկություն, գոնե մի օազիս անա-
պատում, թեկուզ մի սառը աղբյուր տապից այրվող ճանա-
պարհին, ազնի՛վ խոսք, դա Պարսկաստանի ու Բյուզան-
դիայի գոյությունն էր և նրանց արանքներում ճզմվող իր
մարմինն ու հոգին: Մեղա քեզ, աստված, մեղա քեզ, հայ
ժողովուրդ, որ քո դժբախտությունն է իմ վահանը, իմ վեր-
ջին հույսն ու ապավենը: Եթե այդ էլ չլիներ, պատկերաց-
րու, թե ինչ լկտի ու հղփացած արքա կունենայիր չու՛նվ
ոչ իմ մեղքով, հավատա՛, ոչ իմ: Մեղա, հազար մեղա, ռք
քո հաշվին եմ փրկում իմ կաշին:

Փաստերի տարափը... Ապացույցների հեղեղը... Ի՞նչ
արժեն այդ բոլորը մարդկային սովորական մի նախադասու-
թյան դիմաց: Ես չեմ հավատում, թող հազար փաստ աչքս
խոթեն, միևնույն է, էլի չեմ հավատում: Եվ դու տես, թե
այդ նախադասությունից հետո ինչպես կժանգոտեին, ինչ-
պես կփտեին, ինչպես կգունաթափվեին անգամ ամենա-
անվիճելի, ամենաակնառու փաստերը, ինչպես կսկսեի՞ն
կռվել իրար դեմ, վարկաբեկել միմյանց, մեղքը զցել մեկը
ժյուսի վրա, ժխտել ու հակասել իրար...

Մի մարդկային ու սովորական խոսք, ուրիշ ոչինչ:

Գու գիտեիր Գնեւիին, գիտեիր, չէ՞, հինգ մատներիդ պե՞տ
էիր ճանաչում, վստահ էիր, որ մաքուր և անարատ պատանի
է նա, անմեղ կաթի հոտ է գալիս վրայից, օսկեզօծ հարդի
բուրմունք, վայրի ու ազնիվ ծաղկի բույր...

Շարիր իրար ետևից, հիմա կարող ես այդ անել, հիմա հեշտ է պերճախոս լինել, քիչ էլ մնա՝ գուսան էլ կդառնաս և, փանդիոք ձեռքիդ, նրա գովքը կանես:

Իսկ երբ պնտք էր մարդկային այդ խոսքը ասել, ավելի հակիրճ, ավելի գուսպ և ավելի դյուրին...

Եվ այստեղ էր, որ նա կրկին զգաց արքայության՝ անգթորեն ճգմող ու կռացնող ծանրությունը: Ու սեփական օւսերի նեղությունը: Սա այն միակ պաշտոնն է, որն իր հսկայական մեծությամբ ոչ ոքի վրա չի նստում՝ տիրոջ շփսբերի ձևով, ամենքը լողում են նրա մեջ, մեկ թևը փնտրում, մեկ՝ փեշը, մեկ՝ ուսը, մեկ՝ ոտքը... Փորձում ես վերաձևել քո մարմնին համապատասխան, և նա անմիջապես նոր մարդ է փնտրում ու փախչում քեզնից... Փորձում ես ասել, որ չես հավատում, թե Կնելը դավաճան է, և նա անմիջապես պատժում է քեզ և ուրիշի համար հագուստ դառնում... Ուրեմն, ի սեր նրա, պիտի խլացնես քո ձայնը, պիտի խեղդես թոքերիդ խորքում և ականջ դնես փաստերին, միայն փաստերին և նորից ու նորից՝ միայն փաստերին...

Այդ միակ մարդկային խոսքը:

Ե՞րբ է վերջին անգամ ասել: Եվ ասե՞լ է արդյոք: Ե՞րբ են շրթներն արտասանել, թեկուզ կակազելով, թեկուզ կմկմալով:

Այդ ե՞րբ է վերջին անգամ քաղց զգացել:

Ե՞րբ է ծարավել, ու ջուր չի եղել:

Ե՞րբ է թեկուզ իր անունը լսել որևէ մեկի բերանից:

Եվ ա՞յ քեզ անհեթեթություն... Եվ շնորհիվ այդ մոռացկոտության, շնորհիվ ինքնահրաժարումի, շնորհիվ ինքն իրեն դավաճանելու, նա կա, ապրում է դեռ, այսինքն երկիրը կա, երկիրն է դեռ մի կերպ ապրում:

Եվ արի ու տես, որ այս ամենով հանդերձ, դեռ նախանձում էլ են արքային, մի բան գովելու համար՝ անպայման արքայական անունն են կպցնում, այս անմիտ ու սնամեջ կյանքում տառապողներին վերջնական երջանկությամբ են խաբում և անունը էլի՜ արքայություն դնում: Արյուն են թափում գահին տիրելու համար, բանականեր հանում միմյանց դեմ, ամբողջ երկիրն իրար խառնում, թագի հանդեպ ունե-

ցած անասնական ծարավը թաքցնելու համար ազնիվ ծրագրեր ու նպատակներ են գրում իրենց դրոշների վրա, սկզբունքային հարցերի մեջ մեղադրում թագը գործնականում կրողին, հայրենիքի անունից պախարակում, այպանում նրան...

Եվ փա՛ռք աստծո, որ նախանձում են: Եթե այդ էլ շլիններ, եթե քո շունեցածը ուրիշի աչքերի ու մտքերի մեջ շտեմնեիր, կարելի էր հուսահատութունից գժվել, շնչահեղձ լինել:

Գնելը, իր միսը, իր արյունը, իր սերմի տարբերակը, ի՞՞հ համանուն պտուղը...

«Աստված իմ, որքան նման եք իրար»:

Փառանձեմի ձայնն էր, որ հիմա պարզորոշ արձագանքեց նրա ականջներում:

Իսկ ինքն ու Տիրի՞թը: Նույն բանը շե՛ն, ինչ ինքն ու Գնելը: Նա էլ է իր մեջ նույն սերմը կրում, նա էլ է նույն ծառի պտուղը:

Տես, տես ու ողբա, թե ինչ ժամանակներ են, տես և օղիկ-օղիկ գալարվիր գևտնին, շորերդ պատառոտիր, անասպատ գնա ու ճղնավոր դարձիր, մոռացիր, ուրացիր ինքդ քեզ, քանի որ որդին հոր վրա սուր է բարձրացնում, եղբայրը եղբոր փորոտիքն է ուզում թափել, ընկերը ընկերոջ աչքն է երազում հանել, բարեկամը բարեկամի արյունն է տենչում խմել:

Չէ, թող չպատմեն, այդ էր պակաս, որ պատմեին, ինքը անձամբ պիտի տեսնի Տիրիթի մահը: Աչքերի մեջ պիտի ընդմիշտ պահի նրա տանջանքները: Ականջների մեջ պիտի ամուր խցանի նրա աղաղակները: Արտաշատո՛ւմ, փողերի հանդիսավոր հնչյունների տակ: Տոնախմբության պիտի վերածի եղբոր անարժան որդու սուրբ պատիժը: Առատ գինին սիտի հեղեղի մայրաքաղաքի փողոցներն ու հրապարակները: Եվ պիտի համազգային մրցույթ հայտարարի, թե ով կդռնի ավելի հնարամիտ, ավելի դաժան ու ավելի երկարատև պատժաձև: Մեծ ու թանկարժեք պարգևներ պիտի սահմանվեն: Ու մտրակի տասը հարված բոլոր նրանց, ում սրու-

տերը փափուկ են և չեն դիմանա մահապարտի շարձարանքներին:

Զթողնի՞ հեռանա, չթքի՞ ամեն ինչի վրա, գլուխն առնի աւ փախչի, ապրի ուրիշի տնունով, Բյուզանդիայի խուչ անկյուններից մեկում... Որս անի անտառում, գետափին ժամերով անշարժ նստի և ձուկ որսա, ու որսած ամեն մի ձկան համար ուրախանա նուլնքան, որքան իրեն փոխարինող թագավորը՝ ռազմի դաշտում տարած իր յուրաքանչյուր հաղթանակի համար: Մեկ-մեկ էլ հեռվից հեռու լսի Հայաստանի անցքերի մասին, տխրի կամ հրճվի: Ավելի շատ տխրի, իհարկե: Կամ էլ թե չէ՝ ապահով հեռավորությունից խելոք բաներ ասի, մատնացույց անի, թե ինչ սխալներ են այնտեղ թույլ տվել և թե ինչպես կարելի էր գրանց տեղափոխել: Եվ, անշուշտ, ներքուստ փքվի այն դիտակցությունից, որ եթե ինքը լիներ, դեպքերը այլ ընթացք կստանային: Եվ մտովի նախատի, թե չկարողացաք, չկարողացա՞ք ձեր արքային պահել: Ու ինքն իր նախատինքից մխիթարվի:

Բայց այդպես կարող էր ապրել տղամարդկությանը կորցնելուց հետո միայն: Զգիտեա ինչու, տղամարդու կարողությունը և նահանջի գաղափարը մի պահ հանկարծ սերտորեն առնչվեցին իրար:

Նա շգիտեր, սարսափից չէր էլ ուզում պատկերացնել, թե ինչ կլիներ, եթե լքեր Արշակապանը, դաժաճաներ հավատարիմ արշակապանցիներին, ուրանար արքայական խոստումները, շիթողներ, որ երկիրն իր արգանդի մեջ վերջնականորեն ձևավորի քաղաքը և մի գեղեցիկ օր լույս աշխարհ հանի, շգիտեր, չէր պատկերացնում, թե ինչ կլինի, քայց մի բան կարող էր հաստատա ասել, որ եթե այդպիսի մեղք գործեր, հենց առաջին խակ կնաջ հեռ անկողին մտնելիս կզգար իր ոչնչությունը...

Նա Գնելի հսկայական արձանը կկանգնեցնի Արտաշատ մայր քաղաքում, նրա անունով նոր քաղաք կկառուցի, ամ'ն տարի նրա մահվան օրը սուգ կհայտարարի ամբողջ երկրով մեկ...

Զէ, չի անի:

Արձանք, քաղաքն աւ համազգային սուգը մշտական նա-

խառնեք կզառնան իբ համար, ամեն բոպե փոշու պե՞տ անլըծ կմանեն ու աեղի-անաեղի ցավ կպատճառեն իրեն...

Իսկ ես, եզբար որդի, որքան էլ սիրեմ քեզ, սրբան էլ ողբամ քո մահը, որքան էլ մեղավոր լինեմ քո առաջ, ներիր, ներիր, որ նողկալի բան եմ ասելու, բայց չեմ կարող երկար ժամանակ վատնել քեզ վրա: Դու պիտի թույլ տաս, որ ես մոռանամ քեզ: Ինչքան շատ, այնքան լավ: Բյուզանդիան, Պարսկաստանն ու իմ հարազատ նախարարները ամենօրյա ուշադրութիւն են պահանջում ինձանից, ասում են՝ զբաղվիր մեզանով, ժամանակդ ամբողջովին մեզ եվիբիբ, թե չէ կխռովենք քեզնից, և գու շատ կղղջաս: Կղղջաս, բայց արդեն ուշ կլինի:

Բացի այդ, սրբան մեծ լինի քա հիշատակը հավերժացնող կոթողը, նույնքան էլ իմ մեղքը կմեծանա, դեռ հեովից, շատ հեովից իմ արդարացումը կերևա: Կասկածներ կծնվեն, բամբասանք կծաղկի:

Զէ, իմ ժողովուրդը շիրեց ինձ: Չսիրե՞ց, չսիրե՞ց: Եվ ո՞վ է ընդհանրապես սիրում արքաներին: Ուղում է լավ լինեն, թե վատ, միևնույն է, քեր չի հասնում նրանց: Մարդիկ իրենց ամեն մի դժբախտութիւնը վերագրում են արքային: Մատը փուշ մտավ, մեղքը գցում են արքայի վրա: Կյանքը ինչպես հարկն է չդասավորվեց, մեղավոր են հանում արքային: Զախորդութիւնն պատահեց, հայհոյում են արքային: Իսկ եթե հանկարծ բախտը ժպտաց երեսներին, արքային մոռանում են և աստծուն փառաբանում:

Խեղճ Գնել: Որքան անճարակ է հորեզբայրդ իր ողորդ արտահայտելիս: Որքան սթափ է նայում իր ցավերին: Արտասովելիս լսում է իր ձայնը: Հոգոց հանելիս գիտակցում է, որ ներսում կուտակված կսկիծն էր դա, որ օդի հետ խառնված, գուրս բռավ կոկորդից: Անհուն սգի մեջ անգամ՝ կարողանում է կանգուններով շափել վշտի խորութիւնն ու մեծութիւնը: Նա ընդունակ է անկեղծ ապրումներ ունենալու և, միաժամանակ, ժանրամասն պատմելու իր ապրումների մասին, վերլուծելու, մեկնաբանելու...

Մի ախրիր, Գնել, մխիթարվիր, կղբոր որդի, որ ուրախութեան ժամանակ էլ նույնն է արքան: Սիծաղելիս լսում է

իր ձայնը: Պարելիս զգում է իր շարժումները: Ծրջանիկ պահերին կարող է ավազի վրա հավաստի նկարել ու պատկերացնել իր երջանկությունը: Հաճախ հարբում է իսկականից, տղամարդո՛ւ պես հարբում, բայց և գիտակցում է իր ամեն մի քայլը, իր ամեն մի խոսքը:

— Դու էլ ես մեղավոր, Հայր Մարդպետ,— մռնչաց նա, որովհետև ծերունին անզգուշաբար մի թեթև և աննկատ շարժում էր արել ու հիշեցրել իր գոյությունը:— Ինչո՞ւ ես լվանում ձեռքերդ: Չէ՞ որ մենք միասին գործեցինք այս վճիռը:

— Միասին,— անմիջապես համաձայնեց Հայր Մարդպետը:

— Ինչո՞ւ ես ինձ մենակ թողնում: Ասա, որ դու էլ ես մեղավոր:

— Արդեն ասացի, արքա,— տարակուսեց ծերունին:

— Ուրեմն, դո՛ւ էլ ես ինձ լքում,— դեռևս առանց նրան նայելու, կարծես տարածությանը դիմելով, վիրավորանքից խոցվեց արքան:— Մի՞թե այդքան դժվար է կիսել մեզքս:

— Քո մեղքը անսպառիժ կմնա, արքա:— Մերունին զգաց, որ միակ պաշտպանությունը հիմա համարձակությունն էր:— Իսկ իմ մեղքը հղի է վտանգով: Ինձ միայն պատիժ կվիճակվի:— Լռեց մի պահ, ապա, գլուխը համեռտորեն կախած, ժպտաց:— Եվ հենց ինքդ կպատժես:

— Խեղճ Գնել:

Զգիտես ինչու, դա եղավ արքայի միակ պատասխանը:

— Խեղճ Գնել:

Գլուխ տասներեքերորդ

Արքան, Գնելի մահվան քառասունքն անցնելուց անմիջապես հետո, որպես քաղաքավարություն ցույց, Փառանձեմին հրավիրեց իր մոտ՝ հրածեղտի ընթրիք տալու նրա պատվին: Բայց դիվանագիտությունը չէր միակ պատ-

Ճառը: Ականջներում գեռ հնչում էր տառապանքից ոչ թե կոտորված կամ աղավաղված, այլ է՛լ ավելի քնքշացած, կանացի է՛լ ավելի մեծ հմայքով լցված նրա ձայնը: Թեև հակառակը պիտի լիներ: Զարդվեր պիտի, փշրվեր պիտի: Վկա՛ հազարավոր կանայք, հասարակ, ընտանի ու սիրելի: Այդ հանելուկի մեջ ինչ-որ ձգող ու վախեցնող բան կար: Քրնք-չությունն ու հմայքը երևի պաշտպանական միջոց էին, փշեր էին, ճանկեր էին այդ կնոջ համար: Ուրեմն, արժեք, նույնիսկ պարտադիր էր ծանոթանալ այդպիսի հազվագյուտ հայուհու հետ:

Թաղման օրը նա հեռվից էր տեսել Փառանձեմին: Արձակ մազերը ծածկել էին դեմքը, բաց կուրծքը ոչ թե մատնել, այլ էլ ավելի խորն էր թաքցրել նրա գաղտնիքները: Նրա ողբը ոչ թե սովորական լաց ու կոծ էր, այլ հաշվեհարդար աստծո հետ, հավասարների վեճ:

Արքային հանգիստ չէր տալիս այն տանջող, շնչահեղձ անող հետաքրքրասիրությունը, երբ նա, սամուրենու տակ, աչքերը փակ լսում էր կնոջ արտասովոր ձայնը, լսում նրա մարմնի խորքերից ծնվող պինդ ու կարծր բառերը, լսում, լսում և ինքն իրեն ուտում, որ չի կարող տեսնել նրան: Այդ չբավարարված հետաքրքրասիրությունը խեղդում էր արքային, վերածվում սևեռուն գաղափարի, անկատարելության զգացում ծնում նրա մեջ: Փառանձեմին տեսնելը դառնում էր արժանապատվության հարց: Տղամարդու արժանապատվության:

Նա ուղում էր, ինչ գնով էլ լինի, դուր գալ Փառանձեմին, իմաստուն այրի տպավորություն թողնել նրա վրա, բարի, մարդասեր, համակրելի ու խիզախ արքայի, մի ցանկություն, որ կյանքում երբեք չի ունեցել:

Ուզում էր նախ և առաջ իրե՛ն դուր գալ, իրե՛ն ներշնչել, որ զուրկ չէ այդ բոլոր բարեմասնություններից: Որովհետև մտքից չէր հեռանում սամուրենու տակ կրած իր կամավոր նվաստացումը, որը, ապարահեղում փսխելուց հետո թեթևացավ թեև, բայց իսպառ շանցավ:

Նշանակված ժամին Փառանձեմը շեկավ: Անցավ կենս ժամ, մի ժամ, երկու ժամ, բայց էլի շեկավ:

Ահա ուր որ է նա պիտի ջղայնանար, գաղազեր, վիրավորվեր, որ սովորական մի իշխանուհի անտեսում է իր հրավերը և, փոխանակ մեծ պատիվ համարելու դա, մինչև կյանքի վերջը այդ հուշը հստակությամբ պահելու և ամենաթանկ զարդի պես գուրգուրելու, հանդգնում է շենթարկվել իր հրամանին: Հետո՞ ինչ, որ հրավեր է: Մի՞թե նա շգիտե՞, որ արքայի հրավերն էլ հրաման է: Եթե արքան սիրում է մեկին, դա էլ հրաման է: Եթե գովում է, դա էլ է հրաման: Եթե հայհոյում է, ինչո՞վ է պակաս հրամանից:

Քայց արի ու տես, որ փոխանակ ջղայնանալու, Փառանձեմի հանդգնությունը դուր եկավ նրան: Եթե տառապանքի մեջ անգամ նա շի ուզում սովորական ու ընտանի կին մնալ, եթե իր հմայքը դարձնում է պաշտպանության միջոց, որպեսզի անտեսանելի ու անհասանելի լինի թշնամիների համար, որպեսզի, անտառի գազանների նման մորթու գուլնը փոխելով, հարմարվի շրջապատին, եթե այդ բոլոր անտրամաբանությունները նա ընդունում է և զնահատում, ինչո՞ւ չպիտի ընդունի և զնահատի նաև նրա ա՛յս քայլը:

Ու նա է՛լ ավելի շատ ուզեց հանդիպել Փառանձեմին...

Մառանները հայտնեցին, որ նա Սյունիք մեկնելու պատրաստություն է տեսել, իսկ հիմա գնացել է գերեզմանատուն, վերջին հրաժեշտը տալու ամուսնուն:

Արքան անմիջապես, առանց երկար-բարակ մտածելու, դուրս եկավ սենյակից, անցավ գորգապատ միջանցքով, որի երկու սյուների տակ փայտե նստարաններ էին շարված, իջավ մարմարե աստիճաններով ու մի պահ, ոտնաձայն լսելով, թաքնվեց սյան ետևում: Երկու սպասավորներ, հանդարտ զրուցելով, անցան կողքից ու անհետացան հեռվում: Արքան կլավ թաքստոցից ու ետին դնից, ոչ հիմնական մուտքից, դուրս ե՛լավ բակ, որպեսզի թիկնապահները չնկատեն ու չկպչեն պոչից: Նա, իհարկե, կարող էր քշել թիկնապահներին, բայց, միևնույն է, ծոծրակի ետևում անընդհատ զգալու էր նրանց անտեսանելի գոյությունը: Եվ հատկապես այսօր, Փառանձեմի հետ հանդիպելիս, որին ոչ թե ինքն էր հրավիրել, ինչպես կարծում էր, այլ որի հանդրդնությունն էր նրան ձգել, տարել իր ետևից:

Գերեզմանատանը նա ընկավ անկենդան քարերի մոայլ ու հանդիսավոր աշխարհը: Քարերը միանգամից վրա պըրծան ու սյաշարեցին նրան: Ստվերները կարծես երկարեցին, ձգվեցին, մագլցեցին զգեստների վրա ու սկսեցին քաշել փեշերից: Նա ալամա կանգ առավ ու նայեց շուրջը: Տեսավ նոր փորված մի փոս, որի պատից հողի մի գունդ անձայն պոկվեց ու ընկավ հատակը: Զորս կողմը թանձր լուսթյուն էր, որը ծղրիղների ձայնից էլ ավելի էր խտանում: Ու քանի որ նա առաջին անգամն էր պալատից դուրս այսպես մենակ մնացել, մի տեսակ սոսկում զգաց ու երեխայի պես բոլորովին անօգնական և անպաշտպան դարձավ: Հատկապես օձերից էր վախենում: Նա անջատվել էր իր ոհմակից, և արքայասպանության համար չկար ավելի հարմար առիթ, և ավելի հարմար տեղ: Մի կանաչ մողես, գլուխը թեքած, արձանացել էր շիրմաքարերից մեկի վրա: Եվ անուններ, փորագիր անուններ, անվերջ, անհատնում անուններ, որոնցից ամեն մեկը մի անավարտ պատմություն էր: Իսկ նա կարծում էր, թե իր պատմությունը ալարտ կունենա: Կկառուցվի Արշակավանը: Երկիրը կկանգնի ամուր ռաքերի վրա: Հայաստանը կդառնա հարուստ և հզոր: Կբարձրանա նրա միջազգային հեղինակությունը: Կունենա իր գիրն ու գրականությունը: Երևի այս փոսի տերն էլ համոզված է եղել, որ խոսքը կիսատ չի մնա բերանում:

Նա շարունակեց քայլել, ռաքերը զգուշորեն առաջ նետելով, կարծես վստահ լինելու համար, թե ծուղակ չկա ու չի կարող լինել:

Նետո որսի շան պես ցցեց քիթը ու կենդանության հոտ առավ: Մի տեսակ լիքը և առատ կենդանության: Եվ որովհետև մի երկրորդ մարդ էր հայտնվել, ու քանի որ արքա զգալու համար անպայման երկրորդի ներկայությունն էր պետք, նա նորից ինքնավստահ դարձավ, քայլերը ամրացան, ռտնաձայները որոշակի հնչեցին, և նա ծոծրակի վրա զգաց թիկնապահների գոյությունը:

Փառանձեմը շոքել էր գերեզմանի գլխին ու մատներով հողն էր փորում: Մի փոքրիկ փոս փորեց, ապա հանեց մադեբին ամրացված փղոսկրե սանրը, դրեց փոսի մեջ և

սկսեց ծածկել հողով: Ուզում էր ինչ-որ հիշատակ թողնել իրենից, մի կապ ստեղծել իր և օտար ու անծանոթ այս վայրի միջև, պարտավորվել այս մի բուռ հողի հանդեպ: Գուցե մի օր վերադառնա, նորից փորի հողը, գտնի իր սանրը և միայն ինքը հասկանա, թե ինչ մխիթարութիւն է դա, հոգու ինչպիսի հանգստութիւն և ոգիների որքան շոշափելի ու առարկայական կապ: Նա անպայման կվերցնի սանրը, կշարունակի օգտագործել, փոխարենը իրենից մի այլ բան թողնելով փոսի մեջ: Եվ այսպես անընդհատ, մինչև խոր Յերութիւն, մինչև...

Նկատեց արքային: Ո՛ւսը զգաց: Մոծրա՛կը հուշեց: Մեջքի վրա ծանրութիւն իջավ:

Թեքեց գլուխը, տեսավ նրան ու շարմացավ: Ոչ էլ շփոթվեց, որ ինչ-որ մեկը հաղորդակից էր դարձել իր գաղտնիքին: Ձեռքերով տոփեց հողը, հավասարեցրեց, մի վերջին անգամ ափով հարթեց մակերեսը, ապա նոր միայն հանդիստ վեր կացավ ու կանգնեց նրա առաջ:

Լուռ նայեցին իրար:

Աչք-աչքի:

Հայացք-հայացքի:

Երկուսի դեմքին էլ՝ հազիվ նշմարելի մի հեզմանք:

Փառանձեմի անսպասելի գեղեցկութունը ցավեցրել ու այրել էր արքայի երեսը: Եվ միակ հարմար պատասխանը եղել էր այս անճարակ հեզմանքը, խեղճանալու այս ակամա խոստովանութիւնը:

— Ես լսել էի քո գեղեցկութիւն համբավը, բայց այն, ինչ տեսա, գերազանցեց իմ երևակայութիւնը: Թող այս ծանր վշտի պահին իմ անտեղի հաճոյախոսութիւնը ավելի անկեղծ ու համոզիչ հնչի քո ականջին:

— Շնորհակալ եմ, արքա,— գլուխը խոնարհեց Փառանձեմը:

— Ես հրամայեցի, որ ամբողջ երկիրը պաս բռնի քո աճուսնու համար:

— Երախտապարտ եմ, արքա:— Լոեց մի պահ և նորից նայեց ուղիղ արքայի աչքերին:— Իսկ դո՛ւ: Պաս կրօնե՞ս:

— Քեզ անմիտ և ուշացած է թվում իմ հրամանը:

— Ո՞վ սպանեց Գնելին; արքա:

— Նա կկրի իր անհավոր պատիժը: Գու մի անհանգրստունա: Ծն չեմ ուզում, որ քո փխրուն սիրտը պղտորվի ճշմարտությունից:

— Ոչինչ, ասա, ես կդիմանամ: Իմ սիրտը ավելի ծանոթ է ինձ, քան արքային:

— Եթե իմանայի, որ դա կթեթևացնի քո վիճակը...

— Քո իմանալը կամ չիմանալը ի՞նչ արժեք ունեն, արքա, եթե ես ինքս գիտեմ:

— Քո հանդուգն լեզուն ինձ դուր է գալիս: Եթե չես ուղում, որ արքան տարվի քեզանով, խորհուրդ եմ տալիս հեզ ու խոնարհ լինել:

— Գուցե արքան արդե՞ն սիրահարված է ինձ:

— Իսկ եթե նա քեզ առաջարկի իր կի՞նը դառնալ: Դե քեզ շա՞տ լկտի կթվա այս վշտի պահին:

Այնքան հանպատրաստից էր այդ նախադասությունը, այնքան անսպասելի հենց իր համար, որ նա չհասցրեց զգուշացնել իրեն, ժամանակ չգտավ ինքն իր հետ խորհրդակցելու: Ստացվեց այնպես, որ անզգույշ մի խոսքի, մինչև վերջ չմտածված, չկշռադատված մի քանի խոսքերի պատճառով արքայի հետագա բախտը կախված էր լինելու Փառանձեմի պատասխանից, մի «այո»-ից ու մի «ոչ»-ից:

— Այն, ինչ պարտադիր է հասարակ մահկանացուների համար, միայն արքան իրավունք ունի խախտելու:

Արքան որսաց, որ Փառանձեմի պատասխանի մեջ կ'կանացի խաղ կար, կ'տառապանք: Զարմանալի կերպով նա կարողանում էր համատեղել հակասական զգացմունքները: Հաշտեցնել միմյանց ժխտող տրամադրությունները, սանձել ու ստիպել, որ դրանք ձեռք ձեռքի հանդես գան որպես մի միասնություն, որպես մի ամբողջություն: Իսկ դա ավելին էր, քան սովորական համաձայնությունը կամ մերժումը:

— Ուրեմն, թույլ տուր խախտելու սգի կանոնները և խնդրելու քո ձեռքը:

— Քո կամքը, անկախ իմ ցանկությունից, օրենք է ինձ համար,— հարգալիր խոնարհվեց Փառանձեմը:— Եվ իմ այս համոզմունքով ես ու դու պարտական ենք... ամուսնուս:

— Եթե այդպես է, նա չի խանդարի մեր ամուսնութեանը: Ուրեմն, նա մահից հետո էլ մնում է իմ հավատարիմ հպատակը:

Արքան կարող էր ետ կանգնել իր խոսքից, կատակի վերածել իր առաջարկը, գերի շմնալ անզգույշ արտասանված նախադասութեանը, շմտածված, չկշռադատված խոսքին: Եվ եթե շարեց այդ ամենը, ապա արդյո՞ք այնքան էլ անզգույշ էր նրա խոսքը, արդյո՞ք չէր մտածված ու կշռադատված, թեկուզ՝ հենց արտասանելու կարճատև պահին: Որովհետև մարդու ներքին ժամանակը, նրա բնազդների, վախերի, կուկածների, տատանումների, գրեթե ամեն քայլափոխին ընտրութուն կատարելու պահերը և նրանից դուրս գտնվող իրական ժամանակը տարբեր շափումներ ունեն ու բնավ չեն համապատասխանում իրար: Մեկը միայն քոնն է, մյուսը՝ բոլորինը: Քոնը ձգվում, երկարում է հավիտենութեան աստիճան, իսկ մյուսը, համայնականը, երևութական է ու խարուխկ:

— Միայն մի պայմանով, արքա,— շոր ու գործնական տոնով, առանց ամոթի նշույլի, նրան դիմեց Փառանձեմը:— Եթե ես առաջինը լինեմ քո կանանոցում:

— Այսինքն՝ թագուհի՞:

— Եթե ինձ կոչեն տիկնանց տիկին:

— Համաձայն եմ: Թագուհի և տիկնանց տիկին:

Փույց հենց սամուրենու տա՛կ էր ծնվել արքայի որոշումը, երբ աչքերը փակ էին, իսկ ականջները՝ բաց: Եվ կնոջ ձայնը հոսում, հոսում, լցվում էր նրա մարմնի բոլոր անկյունները և դուրս գալու, դատարկվելու տեղ չէր գտնում: Ու քառասուն օր նա ապրում էր այդ ձայնով, սիրահարված նրա ելեէջներին, ամեն մի հնչյունին, բայց առանց իմանալու, թե ում է պատկանում: Հենց դա էլ կանխորոշեց ամեն ինչ: Եթե արքան առաջին օրը ոչ միայն լսեր, այլև տեսներ նրան, թեկուզ կուրանար նրա գեղեցկութունից, հիանար ու սքանչանար նրանով, դժվար թե այսօր անխուսափելի դառնար նրա ձեռքը խնդրելը:

— Ես քեզ հրավիրում եմ ընթրիքի,— ասաց արքան,

ձևացնելով, թե այդպիսի հրավեր չէր եղել նախօրոք ու չէր մերժվել Փառանձեմի կողմից:

— Ծնորհակալ եմ, արքա: Ծոյված եմ քո հրավերի համար:

— Դու քո սանրը մոռացար,— այնպես, ի միջի այլոց, ակնարկեց արքան:

— Բայց սա իմ միակ սանրը չէ,— նազանքով ժպտաց Փառանձեմը: — Ես ուրիշն էլ ունեմ:

Նրանք անցան շիրմաքարերի արանքներով, տասնյակ անունների ու կիսատ մնացած պատմությունների կողքով, ու երբ դուրս եկան գերեզմանատան պարիսպներից, արքան ապշած տեսավ, որ թիկնապահները սպասում էին իրեն:

Սպասում էր նաև երկտեղանի մի կառք...

Նրանք նստեցին կառքը ու լուռ ճամփա ընկան:

Փառանձեմը հասկացավ, որ ինքը հասել էր իր նպատակին: Նրա մտքի ծայրովն իսկ չէր անցել, թե կարող էր ամուսնանալ արքայի հետ ու թագուհի դառնալ: Բայց իսկական փոխհատուցումը սա էր: Իր մեծ սիրտ, իր սպառված երջանկության, իր բախտավոր ու ծախսված անցյալի: Ասում էր, չէ՞, որ այդ ամենը պետք է փոխարինվեր կոպիտ ու խիստ նյութեղեն ինչ-որ բանով: Եվ գու՞ ճակատագրի իմաստուն խաղը տես: Տես, թե ում հաշվին է նա ստանում փոխհատուցումը: Վճարում է նա, ով խլել է քեզնից: Տալիս է նա, ով վերցրել է քո ձեռքից: Մի խենթ ժիծաղ եկավ, սեղմեց Փառանձեմի կոկորդը, և նա հազիվ զսպեց, որ դուքս չպրծնի բերանից: Աչքի տակով երախտագիտությունը նայեց իր թշնամուն, թաքուն զննեց նրա լուրջ և մոռյլ դեմքը ու խորատես համակրեց նրան: Դարձյալ հաշտեցրեց, դարձյալ համատեղեց հակասական զգացմունքները: Առանց ճիգի, առանց կասկածների, առանց ինքն իր հետ կռիվ մղելու: Խաղաղ ու հանգիստ:

Դահլիճում մի երկար սեղան կար ու երկու սպասք:

Սեղանի մի զլխին նստեց արքան, իսկ մյուսին՝ Փառանձեմը:

— Բայց ես գիտեմ, որ դու ես սպանել Գնեկին:

Արքան շանթահարված վեր թռավ տեղից, սփրթնեց ու

ատելությամբ նայեց երկար սեղանի հակառակ կողմում նստած կնոջը, որը, կենտրոնացած դեմքով, խորտիկներ էր ընտրում ու լցնում իր պնակը:

— Ուրեմն... Ուրեմն, դու ծաղրո՞ւմ ես ինձ:

— Ես չեմ հանդգնի ծաղրել իմ արքային.— անվրդով պատասխանեց Փառանձեմը:

— Այդ դեպքում... ինչո՞ւ ես համաձայն ամուսնանալ ինձ հետ:

— Ես խոստացել եմ Գնելին: Եվ չեմ դրժի իմ խոստումը:

— Ի՞նչ ես խոստացել,— ապշահար հարցրեց արքան:— Ի՞նչ կարող էիր դու նրան խոստանալ:

— Ամուսնանալ այն մարդու հետ, ով կսպանի նրան:

— Բայց... դա ինչ հրեշավոր խոստում է... Նույնիսկ ինձ ատիպեցիր սոսկալ...

— Դա միայն ինձ է վերաբերում, արքա: Քեզ իմ համաձայնությունն էր պետք, ես տալիս եմ:

— Բայց դու ինձ ատում ես,— ձայնը խեղդելով, սեղանի մի ծայրից մյուսը գոռաց արքան:— Եվ ամբողջ կյանքումդ պիտի ատես:

— Եվս մի պայման. մի փորձիր գուշակել իմ մտքերը: Իմ մտքերը թող միայն ինձ պատկանեն: Մնացած ամեն ինչը՝ քեզ:— Նա ելավ տեղից, դանդաղ մոտեցավ արքային ու հանգիստ կանգնեց նրա առջև:— Մի՞թե արքային սեր է պետք: Մի՞թե որևէ մեկը կարող է սկզբից մինչև վերջ հետաքրքրել նրան: Իսկ քո ո՞ւժը, քո հզորությո՞ւնը, քո հոգսերն ու զբաղվածությո՞ւնը: Դրանք չպետք է թույլ տան, որ նկատես մի ուրիշի: Ես քեզ համար երեխաներ կծնեմ:

— Ինձ հստակ պատասխան է պետք,— արքան դեմքը մոտեցրեց նրա դեմքին, կարծես մոտիկից տեսնելու ու լրիվ հասկանալու մտադրությամբ:— Դու չպետք է առեղծված մնաս ինձ համար:

— Զեմ ուզում մենակ լինել, արքա,— անկիրք պատասխանեց Փառանձեմը:— Ինձ նեցուկ է հարկավոր: Կոպիտ և ուժեղ հենարան: Ու անմիջապես: Հենց հիմա: Հենց այս պահից:

— Դու Գնելին չես սիրել,— նրա ականջին շշնջաց ար-

բան:— Դա ինձ մխիթարում է: Որպես տղամարդու, ոչ որպես արքայի:

— Սո՛ւտ է,— հանկարծ պոռթկաց Փառանձեմը ու ետ քաշվեց նրանից: Աչքերը լցվեցին արցունքով և ատելությամբ: Ատելություն թե՛ Գնելի, թե՛ արքայի հանդեպ:— Ես սիրել եմ նրան: Ես իմ սերը անմնացորդ ծախսեցի նրա վրա: Բայց նա քեզ ավելի սիրեց, քան ինձ... Քո մեջ ավելի շատ բան տեսավ, քան իմ: Դրա համար նա պետք է պատժվի:

— Եվ ես պարզապես միջոց եմ դառնում վրեժխնդրության:

Փառանձեմը հուշիկ քայլերով մոտեցավ արքային, մի պահ բաց ու պարզ հայացքով կանգնեց նրա դիմաց, կարծես քիչ առաջվա կիսն ալևս շկար ու շէր եղել երբեք, ասյա քնքշորեն քանդեց նրա գոտին, գցեց գետնին, հանեց սուրը, նույնպես գետնին գցեց...

— Բայց նա շկա, արքա,— մեղմ ժպտաց Փառանձեմը:— Դու մի վախեցիր նրանից:

— Պատրաստվիր ամուսնության,— անակնկալն հրից հոգնած ու ձանձրացած, ասաց արքան:— Ես որոշեցի ամուսնանալ քեզ հետ:

Կոացավ, գետնից վերցրեց սուրն ու գոտին, դրեց թևի տակ և արագ դուրս եկավ դահլիճից:



Արքայի քաշերը հետամուտ եղան փախստական Տիրիթին և, ինչպես պատմիչն է վկայում, հասան մինչև Բասեն գավառը և անտառում սպանեցին նրան: Երբ թունավոր նետը մխրճվեց մեջքին ու ցած տապալեց ձիուց, Տիրիթը հասցրեց մի վերջին խոսք փոխանակել ինքն իր հետ: Եվ դա ամուսնանք եղավ: Ոչ իր մահվան, ոչ դավաճանության, ոչ եղբայրասպանության համար, ո՛չ, հազար անգամ ոչ: Ամուսնանք, որ Փառանձեմն առանց իրեն կկորչի այս աշխարհում: Եվ թե ինչպես, ինչպե՛ս նա այդքան բան չհասկացավ:

Կոկորդից մի խոռոց դուրս եկավ, մի համառ ու ցամփոտ հնչյուն:

Ամենավերջին հնչյունը կյանքում:

Ուզեց ասել՝ խեղճ Փառանձեմ:

Բայց մահը թույլ չտվեց:

Գլուխ տասնչորսերորդ

Ներսեսը, Շահապիվանի դեպքերից հուսահատված ու զզված, թաղումից անմիջապես հետո հեռացավ բանակատեղից ու փորձեց հոգու ապաստան գտնել իր համար: Դրպարոցները չմխիթարեցին նրան: Աղքատանոցները չմեղմացրին վիշտը: Հիվանդանոցները չվերացրին տազնապը: Իջևանատները չսփոփեցին վիրավոր սիրտը: Ընդհակառակը, շփոթության մատնեցին նրան: Էլ ինչի՞ էին պետք մարդասիրության այս ճիգերը, այս սուտ վկայությունները, եթե արմատի մեջ է շարությունը: Իսկ դու ցողունն ես ուզում բուժել, ճյուղերը, տերևները...

Եվ հուսահատությունը կխեղդեր նրան, բարեգործությունը մահացու ծաղր կդառնար տիրոջ հասցեին, եթե նա շհիշեր իր եղբոր տղային, իր սիրելի, իր հարազատ, իր մինուճար Վրիկին, որին ավելի շատ իրավունք ուներ իր ծնունդը համարելու, քան Սահակին: Սահակի մարմինն էր միայն նա ծնել: Մնել էր մի գիշերում, հանգուցյալ կնոջ հետ մեղք գործելով և դեռ այդ մեղքից էլ անամոթ հաճույք վայելելով: Իսկ Վրիկի հոգին էր նա ստեղծել, հոգին: Եվ ոչ մի գիշերում: Եվ ոչ թե հաճույքի, այլ տանջանքի ու տառապանքի գնով:

Այդ ստեղծագործությունը նա չի փոխի տասնյակ բարեգործական հաստատությունների հետ, որովհետև վերացական է դրանց արդյունքը, ինքը չի տեսնում, ինքը չի վայելում, ինքը չգիտե, թե ում է լավություն անում, ում է պարտավորում, ում է ստիպում երջանիկ լինել:

Ու երբ նա տեսավ, որ իր կարգադրությունը ի կատար է ածված, որ Վրիկը ամուսնացել է և կնոջ հետ տան շեմին

Նստած, գլուխը պատին հենած, աչքերը փակ, տաքանում է արևի տակ, հոգին խայտապ հրճվանքից, մի մեծ և անսպառ ներոզամատուցուն զգաց բոլոր անօրենների ու անարժանների հանդեպ, ասածուց թողութուն խնդրեց նրանց մեղքերի համար, և աչքերը լցվեցին արցունքով:

Կինը տգեղ էր: Աստված է վկա, որ արդար ու իրավացի էր կնոջ տգեղությունը: Որովհետև գեղեցկությունը թախտավորություն հեշտ ճանապարհն էր, անարգել, անխոշընդոտ:

Ուրեմն, իր այդ կարգադրությունը ևս չէին մոռացել:

Իսկ Վրիկին շէր կարելի ամեն ինչ պատրաստի տալ, ծամել, բերանը դնել: Խորապես սխալ կլինեիր նրան ինքնուրույնությունից զրկելը: Նա պետք է սեփական ուժերով ստեղծագործեր իրենց սերը, արյունը քրտինքով, տառապանքով, կասկածելով, դիմադրելով, քայլ առ քայլ նվաճելով: Եվ նա հիմա, քանդակագործի նման քարին հաղթած ու ձև տված, հողագործի պես վաստակած, իր երջանկությունն էր ի ցույց դրել աշխարհին:

Ներսեսը մոտեցավ աչքերը փակ ժարդուն և շշնջաց նրա ականջին:

— Ծրջանի՛կ ևս, Վրիկ...

Վրիկը չբացեց աչքերը, չզարմացավ նրա անակնկալ հայտնությունից, կարծես նույնիսկ սպասում էր: Մի քիչ էլ տարակուսանքի մեջ էր, թե ինչու այդ հարցը վաղուց չի տրվել իրեն: Անգիր սերտածի պես գլխով արեց և ուրախացավ, սրտանց ուրախացավ, որ պատասխանելու առիթ ունի նորից:

Ներսեսը հանգստացած շունչ քաշեց և ուսերից թոթափեց իր ծանր ապրումներն ու հոգսերը: Երևի ոչ միայն Վրիկը, այլ ինքը ևս պարտավոր էր երջանիկ լինել: Գուցե ինքն էլ ստիպված էր երջանիկ ապրելու:

Նա լուռ նստեց նրանց կողքին, փայտե նեղլիկ նստարանի վրա, մեջքը հենեց պատին ու սկսեց տաքանալ արևի տակ:



— Ներիր, արթա, — ուշ գիշերին շնչասպառ եեքս վազեց Գրաստամատը, Յնկի նետվեց, աչքերում՝ անասնական

մի վախ, կարծես սուրբ դեմ էին արել կոկորդիէ ն ուր որ է պիտի ողջ-ողջ մորթեին:— Գիտեմ, որ հենց այս պահից կարող ես ատել ինձ... Աստված է վկա, որ ես անմեղ եմ... Անմեղ եմ, արքա... Բայց պարտ եմ հայտնել այն, ինչ լսել եմ...

— Ասա, ի՞նչ է եղել,— սառը հարցրո՞ց արքան, որն սրիշի աչքերում երկյուղ տեսնելով, բնազդաբար շարանում էր և ակամա դաժան դառնում:— Իսկ իմ սիրուց դու նույնքան վախեցիր, որքան և ատելութունից:

Նա արդեն վերադարձել էր Արտաշատ և պալատի իր ննջասենյակում, հռոմեական ոճի կարճլիկ բազմոցին նըստած, եռաստեղ շարժական չահը կողքին, ոտքերն էր լվանում նգույրի մեջ:

— Գնելը կենդանի է, արքա...

Զգիտես ինչու, նա ոտքերն անմիջապես հանեց շրից, դրեց շոր գետնին, գորգի վրա և, սրունքները լուծ ու պատմունճանը ծնկների վրա հավաքած, անշարժ մնաց մի պահ:

Առաջին բանը, որ զգաց, զժբախտությունն էր, վերացական ու տիեզերական մի զժբախտություն. որի առաջ տեսնական տի հաղորդած գուժը շնչին մի կաթիլ էր ահռելի ծովում:

Ո՞վ կարող էր ասել, թե ինչու է ծնվել և ինչու է ապրում... Եվ արա՞ծն ինչ է, ո՞ւմ համար, ինչի՞ համար... Ե՞րբ է մի կարգին օր տեսել... Ո՞վ է նրան սիրել... Ո՞վ է նրա կարիքն զգացել... Ո՞վ է մարդավարի նրա անունը տվել...

— Ինչպես թե կենդանի... Կենդանի՞... Խելքդ գլխի՞դ է, սենեկապետ... Ես քեզ հրամայում եմ իսկույն հերքես այդ նողկալի սուտը... Տեղնուտեղը հերքես... Կենդանի՞...

— Ես անմեղ եմ, արքա...

Արքան մի կողմ հրեց նգույրը ու վեր կացավ: Հիշեց, զժվարությամբ ու մեծ ճիգով հիշեց, որ վտանգի պահին բուրբ Արշակունիները, իր բուրբ անծանոթ պապերը, կանգնած են եղել:

— Ո՞վ է հաղորդել լուրը:

— Գնելի դայակը: Նա վարձատրութիւնն է պահանջում քեզնից:

— Տո՛ւր,— չգիտես ինչու, նա գոռաց սենեկապետի երեսին:— Շատ տուր, որ խղճի խայթ չզգա դավաճանութեան համար:

Արքան խուճապով սկսեց սրբել ոտքերը: Թաց ոտքերը ևս մի տեսակ անապահով վիճակ էին ստեղծում:

Նա կանգնել էր մի ոտքի վրա և, հագլիվ հավասարակշռութիւնը պահելով, մյուսն էր սրբում:

Հագավ փափուկ, կարմիր մուճակները:

Սուրը կապեց մեջքին, ուսերին գցեց ծիրանի քղամիզը, գետնից վերցրեց ջահը և, կազմ ու պատրաստ, դուրս եկավ ննջասենյակից:

Դրաստամատը վեր կացավ հատակից և, շունչը պահած, հետևեց տիրոջը:

Պալատի մութ ու դատարկ միջանցքներով ուրվականի պես քայլում էր արքան, ձեռքի ջահը դեպի գետին շուռ տված: Քայլում էր և, ինչպես միշտ, դժվար պահերին, ծերունու պես ինչ-որ բան փնթփնթում քթի տակ: Գանգատվում էր, որ սկսել է շուտ հոգնել: Ախորժակը վատացել է: Գիշերները լավ չի քնում: Եվ որ էլի հոգացավ ունի: Երևի նորից է անձրև գալու:

Հանկարծ շրջվեց, գլխից վեր բարձրացրեց ջահը ու շշուկով հարցրեց Դրաստամատին.

— Իսկ... այդ գլխատված մարդը... դագաղի մեջ... Ո՞վ էր...

— Զգիտեմ, արքա: Երևի Գնելի ծառաներից մեկը:

— Մերկացրու դիակը...— Ձեռքը դողաց, ձայնը կերկերաց, և նա կարծես նոր կռահեց գուժի ամբողջ իմաստը:— Կանչիր Փառանձեմին... Թող գննի, թող շոշափի մերկ մարմինը... Միայն մերկութիւնը կմատնի նրան...

— Մի՞թե հարկ կա, որ մի նոր մարդ էլ իմանա, արքա:

— Ըիշտ է, սենեկապետ... Կարիք չկա Փառանձեմին

կանչելու...— Ու պաղատանքով դիմեց նրան.— Սանձիր ինձ, մի թող, որ հիմարութիւն գործեմ...

Շարունակեց քայլել, մինչև որ ջահի լույսը մթության միջից անջատեց գահասրահի առջև սրածայր տեղերով կանգնած երկու զինվորի: Արքան ներս մտավ, բարձրացավ պատվանդանի աստիճաններով, նստեց գահի վրա, ջահը դրից կողքին ու ձեռքերը մեկնեց բոցին:

Միշտ, երբ արքան գծվար կացութեան մեջ էր ընկնում, գալիս, նստում էր գահին ու նոք միայն սրտում ընդունում: Եվ փորձված բան էր, որ այդ սրտումները մեծ մասամբ անսխալ էին լինում: Գահասրահը ոչ թե վստահութիւն էր ներշնչում սեփական ուժերի հանդեպ, ոչ թե համարձակութիւն ու վճռականութիւն էր տալիս, այլ պարզապէս աշխատանքի սենյակ էր: Իսկ Գնելի այս անակնկալ հայտնութիւնը աշխատանք էր պահանջում, ծանր ու հոգեմաշ աշխատանք:

— Ես խորհուրդ եմ տալիս ոչնչացնել գուժկանին,— զգուշորեն նրա մտքերն ընդհատեց Դրաստամատը խավարի միջից:— Որպեսզի միայն ես ու դու իմանանք:

— Չէ, չէ, թող էլ մարդ շեռնի,— իրարանցման մեջ ընկավ արքան ու սաստիկ շփոթվեց այդ առաջարկից:

— Ես քեզ երբեք ոչինչ չեմ խնդրել, արքա... Առաջին անգամ եմ մի բան խնդրում... Քույլ տուր ոչնչացնել գուժկանին...

— Ո՛չ,— գոռաց արքան:— Այլևս ոչ մի սպանութիւն:

Մո՛տ է, աշխարհում չկա մի բան, հանուն որի կարելի է մարդ սպանել: Չկա մի գաղափար, որի անունից թույլատրելի է զոհել մարդու կյանքը: Չկա մի մեծ նպատակ, որի համար արժե մտրուց խլել ապրելու իրավունքը: Եվ որքան մեծ են գաղափարն ու նպատակը, այնքան էլ պետք է բացառվի սպանութեան հնարավորութիւնը: Իսկ եթե սպանութիւնն անխուսափելի անհրաժեշտութիւն է, ուրեմն, գաղափարներն աւ նպատակները փտած են նեթսից, ուրեմն, ինչ-որ բան էն գլխից կարգին չէ, և քանի շուտ է՝ ձեռք քաշիր միավորված հայրենիքի երազանքից:

— Միևնույն է, Գնելը իրավունք չունի կենդանի մնա-

լու... Չունի, Դրաստամատ, շունի... Մի՞թե նա այդքան բան չի հասկանում... Ինձ զեկուցեցին, որ նա գլխատված է... Մենք թաղեցինք նրան... Մենք ողբացինք նրա մահը... Էլ ինչի՞ վրա է հույսը դրել... Ի՞նչ է դուրս գալիս... Մեր մեղքը է՞լ ավելի է ծանրանում... Նա մեզ ստիպում է նորի՞ց ոճիր գործել... Չէ, չէ, թող էլ մարդ չմեռնի...

Նա վեր կացավ, ջահը պոկեց գետնից, փշեց, հանդարեց բոցը ու արագ դուրս եկավ գահասրահից:

Դրաստամատը ևս միջանցք ելավ, բայց արքային չգտավ: Անհետացել էր մթության մեջ: Երկար փնտրեց նրան, մտավ ընդարձակ հարկաբաժնի բոլոր սրահները, ամենուրեք շշուկով ձայն տվեց, սակայն արքան չկար ու չկար:

Դրաստամատը կորցրեց իրեն, որովհետև, ինչ գնով էլ լինի, պետք է այս դիշեր տեսներ արքային ու մինչև լուսաբաց, մինչև առաջին աքլորականչը հաշտվեր նրա հետ, թույլ չտար, որ նրա վերաբերմունքը մազաչափ իսկ փոխվի: Իսկ որ փոխվել էր, որ արքան մահացու սրտենդել էր իրենից, դրանում ոչ մի կասկած: Որովհետև նրա համար զուժկանը համահեղինակ էր եղելությանը: Ուզում ես ամենակարևոր, ամենացնցող լուրը հաղորդիր նրան, ասա, որ այս գինին մի խմիր, ասա, որ թունավորված է, այսինքն՝ փրկիր նրա կյանքը, միևնույն է, անկախ իրենից, նա ոխ կկապի քո հանդեպ: Եթե մինչև առավոտ չկարողանա փորձանքը կանխել, ոտքով-գլխով կորած է: Ուշ կլինի լուսաբացից հետո: Ով-ով, բայց Դրաստամատը լավ գիտեր այդ թքած Գնելի վրա: Եթե կուզես իմանալ, թքած նաև արքայի վրա: Այո, այո, արքայի վրա: Որովհետև իր համար առանձին արքա չկա: Չկա արքա առանց սենեկապետի: Ինչպես և սենեկապետը գոյութուն շունի առանց արքայի: Նա իրենով էր իմաստավորում, իրենով էր շնչավորում, իրենով էր հոգի ու մարմին տալիս արքային: Եթե արքան զժվար պահերին չի հարցնելու իր կարծիքը, եթե արքան կարիք չի զգալու իր խորհուրդներին, եթե ինքը անկեղծաբար չի պատասխանելու նրան ու ճշմարտութունը արժանապատվությամբ չի տալու նրա երեսին, եթե զրկվելու է իր արհես-

տից, իր մասնագիտութիւնից, որը իր, աշխարհում ոչ մի հարազատ շունեցողի համար, փոխարինում էր թե՛ ծնողներին, թե՛ կնոջը, թե՛ զավակներին, էլ ի՞նչ իմաստ ուներ ապրելը:

Նա գլխի ընկավ, որ ամեն տեղ որոնել էր արքային, բացի ննջասենյակից: Բայց, պալատում ընդունված կարգի համաձայն, ոչ ոքի իրավունք չէր տրված առանց կանչի նրա ննջասենյակը մտնելու: Դրաստամատը ուրիշ ելք չուներ, պիտի խախտեր կարգը, թեև դա խստիվ դեմ էր իր սկզբունքներին:

Երկար կանգնեց ննջասենյակի առաջ, սիրտ շանելով մտնել: Ոչ թե արքայի գծողնութիւնից կամ բարկութիւնից էր վախենում, ո՛չ, այլ պարզապէս մինչև ուղնուծուծը օրինապահութիւնը վարակված լինելով, չէր կարողանում դարավոր սովորութիւնը խախտել, մանավանդ, որ այդ անհրաժեշտութիւնը ծագել էր հանուն իրեն, ոչ թե արքայի:

Նակ արքայի: Արքայի՛, արքայի՛:

Դողդոջ ձեռքերով, սրբապղծութիւն կատարելու պես, նա կամաց բաց արեց ննջասենյակի երկփեղկ դուռը, զգուշորեն մի կողմ տարավ սրահակը, տեսավ արքային ու հանգրստացավ:

Արքան շորերով պառկել էր քառտանի փայտե լաշն մահճին, դեմքը պատին շրջած, աշխարհից նեղացած ու խռոված:

— Եթե չես ուզում ինձ ատել, արքա, եթե իրոք չես ուզում... — Նա ցածրաձայն էր խոսում, բառերը զժվարութիւնով դասավորելով կողք կողքի, աչքը շնորհակցելով արքայի անշարժ ու անկենդան մեջքից: — Հրամայիր վերջ տալ նրա կյանքին... Միայն այդ ձևով կմեղմանա քո ատելութիւնն իմ հանդեպ... Իմ ու քո միջև երրորդ մարդ է պետք... Ես քեզ լավ եմ ճանաչում...

— Իսկապէ՞ս ճանաչում ես, սենեկապետ, — առանց շրջվելու, հարցրեց արքան: — Ես քեզ հավատում եմ: Սպանիր գուժկանին: Բայց վարձատրութիւն տուր՝ հետո: Մտքով լանցնի, թե արքան երախտամոռ եղավ: — Ապա անսպա-

սելիորեն սկսեց ցածր ձայնով քրքջալ, մի տեսակ անբնական ու շար: Եվ, նույնքան էլ անսպասելի, դանակի պես կտրվեց ձայնը:— Վերջապես դու էլ հասար իմ օրին... Իմ ազնիվ, իմ բարի Դրաստամատր, որ մրջյուն անգամ չի կարող սպանել:

Դրաստամատն զգաց, որ փրկված է: Ուրիշի կյանքի գնով, բայց փրկված է: Թող աստված վկայի, որ արդար էր այդ սպանությունը: Եթե դաշակը ընդունակ է իր սանին դավաճանելու ու փոխարենը վարձատրություն պահանջելու, վաղը նա կարող է նաև հայրենիքը ծախել: Ուրեմն, նա մեռնում է ոչ թե Դրաստամատի, այլ իր գործած մեղքի համար:

Սենեկապետը անմիջապես մտավ իր նախկին դերի մեջ, մոռացած քիչ առաջվա մտատանջությունները: Կարծես մի զգեստը հանեց և մյուսը հագավ: Նա նորից լիարժեք մարդ զգաց իրեն, օգտակար ու անփոխարինելի: Անցավ առօրյա պարտականություններին, մեծագույն հաճույք ստանալով իր գործի կարևորության գիտակցումից:

— Իսկ Գնե՛լը,— գործնական հարցրեց նա:— Ինչպե՞ս վարվենք նրա հետ: Մանավանդ այժմ, երբ գիտես, որ նա զրպարտված է:

— Նա հիմա իր անմեղությունը է իմ դեմ պայքարում,— տեղից վիրավորված ցատկեց արքան ու կատաղությամբ գոռաց սենեկապետի երեսին:— Նրա անմեղությունն ինձ համար նույնքան նողկալի է, որքան և դավաճանությունը:

— Բայց և այնպես անմեղ է, արքա,— դաժան ուղղամտությամբ, բանի տեղ շղնելով նրա հուզմունքը, պնդեց Դրաստամատը:— Եվ այդ փաստի դեմ դու չես կարող առարկել:

— Եթե Գնելը ողջ մնա, նա կդառնա հերոս, իսկ ես՝ մարդասպան: Ո՞վ է հայրենիքին ավելի անհրաժեշտ: Ե՞ս, թե՞ նա: Ո՞ւմ անունն է ավելի թանկ: Ի՞մը, թե՞ նրանը: Մահից հետո նրա անմեղությունը չէր ցնցի ոչ ոքի: Բայց եթե կենդանի է և անմեղ, ես հավիտյանս չեմ փրկվի անեծքից: Նա գրոշակ կդառնա իմ թշնամիների համար, զինանշան, պարիսպ քանդող մեքենա... Բարա՛ն... Զրնգուն շեփոր...

— Գնեիին անհնար է սպանել, արքա, — առնորեն նրան ընդհատեց Դրաստամատը: — Դու անզոր ես նրա առաջ:

— Ծաւ Անզո՞ր: Ինչպե՞տ է լեզուդ հանդգնում հայհոյանք շարտելու իմ երեսին:

— Որովհետև Գնեիը ապաստանեց քո իսկ քաղաքում: Երշակավան՞ամ: Եթե դու նրան սպանեա, քո քաղաքն այլևս չի կառուցվի: Քեզ ոչ ոք չի հավատար:

Արքան սկզվեց: Կարծես փուլ եկավ: Կծկվեց, դարձավ մի բուռ: Հեռացավ ննջասենյակի հեռավոր անկյունը ու նորից սկսեց փնթփնթալ քթի աակ: Առողջութունից էր դժգոհում: Տարիքից էր գանգատվում: Էլ չի կաթողանում առավոտները ծանրաբարձությամբ զբաղվել: Սիրտը չի դիմանում: Շունչը չի հերիքում: Որքան շուտ անցավ ջահելութունը: Եվ առհասարակ ամեն ինչ: Բան չհասկացավ կյանքից:

— Յուլը մորթեցի՞ր... — հանկարծ հիշեց ու մռայլ հարցրեց արքան: — Նրա գործարանների գիրքը ի՞նչ գուշակեց իմ ճակատագրի մասին:

— Կործանում, արքա, — առանց տատանվելու, անկիրք պատասխանեց Դրաստամատը: — Արշակունյաց տոհմի անկում:

Արքան, հաշտված, գլխով արեց:

— Իսկ հավերի շարժումնի՞րը: Նրա՞նք ինչ գուշակեցին:

— Երջանկություն և հզորություն, արքա:

— Ուրեմն, հեթանոս աստվածներն էլ են խաբում:

Երևի եկել էր ժամանակը Արմավիրի Սոսյաց պուրակը կամ Բագավանի Մննդոց անտառը գնալու: Գնալու և ականջ դնելու տերևների սվսվոցին, որոնք անսխալ կորոշեն ամեն մեկի ճակատագիրը: Գնալու և օրեր շարունակ համառորեն նստելու ծառերի տակ, մինչև որ հասկանա նրանց լեզուն...

— Ի՞նչ է ուզում իմ անարժան եղբորորդին ինձանից: Ասա ձիա բերեն: Ես ուզում եմ տեսնել նրան: Իմանալ, թե նրա կենդանությունը ի՞նչ կարծենա ինձ վրա: Բայց մինչ այդ... եկեղեցի մտնենք, սենեկապետ: Թողություն խընդրենք մեր մեղքերին: — Հետո, նկատելով Դրաստամատի տա-

րակուսանքով լի դեմքը, մի շար հաճույք զգաց, որ նորից նեղն է գցել, նորից շփոթութեան է մատենել իր հսկա, հավատարիմ ու սիրելի սենեկապետին:— Էլի՞ կասես, որ ես հազարանգիս ինձ... Որ ես պատեղատու եմ խփում ինձ...

— Ինչո՞ւ ես քեզ պատեղատու խփում, արքա,— մեղմ ու կարեկից ձայնով նրան կշտամբեց Գրառատամատը:

— Եփրեմը սպասո՞ւմ է ինձ... Ասա տեղ շգնա... Ես անպայման պիտի ճատրակ խաղամ նրա հետ... Աշխարհն էլ կործանվի, պիտի խաղամ...

Եփրեմը, ժանկութեան ընկերը, միակ հույսն ու ապավենը, հանգստությունը, իր բազինը, իր խորանը...

Թող սպասի ինչ-որ տեղ: Թող երկար սպասի: Թող անիրական մնա: Թող երևակայության մեջ հայտնվի այն փոքրիկ տղան, որի հետ վեցհատվածյան ոսկորեներով հույզ է խաղացել, խաղացել է կոճ ու գունդք, անիվ է քշել, հաղթողը կոչվել է թագավոր, իսկ պարտվողին վիրավորակամ որևէ անուն են տվել:

Իսկական հաղթողը դու էիր. Եփրեմ: Հիմա էլ ես դու: Մի հավատա այն լուրերին, թե ես եմ քո թագավորը: Բաժբասանք է, շարախոսություն, զրպարտություն:

Որովհետև, եթե հավատաս, փուլ կգա հեքիաթը, կողոծվի գեղեցկությունը, կցնդի իմ հավատը: Կբացվի իմ կյանքի միակ գաղտնիքը, իմ միակ թաքստոցը:

Չէ, գործերը լավ չէին, ուրեմն, լավ չէին գործերը, եթե նորից այսպիսի բուռն պահանջ զգաց մանկության ընկերոջը տեսնելու, եթե սիրաբար կակղեց, փափակեց խմորի պես, փխրուն ու լալկան դարձավ, եթե աչքերը ոչ թե տղամարդու, այլ կնկա արցունքներով են լցվում:

— Այդ լակոտը գտավ իմ վերքը,— աենդի մեջ մոնչաց նա:— Ինչո՞ւ ապաստանեց իմ քաղաքում: Ինչո՞ւ իմ ուժը վերածեց իմ թուլության: Իմ գենքը իմ գեմ շուռ ավեց: Ոչ, հիմա չեմ այցելի նրան...— Նա մի ակնթարթում երկնեց իր որոշումը, անգթորեն քամեց ուղեզը, մինչև վերջ մզեց ապրած տարիների կենսափորձը, մտովի զննության կանչեց իր մոռյլ ու քշախոս պապերին, ու աչքերը հեռահետի սկսեցին փայլել կիսախավարի մեջ:— Վազը ևեթ կամուս-

նանամ Փառանձեմի հետ, հետո կգնամ... Ծա պիտի առա-
վելուիցուն ունենամ Գնելի հանդեպ... Պիտի պատմեմ մեր
հարսանիքը... Մեր առաջին գիշերը... Մանրամասն պիտի
պատմեմ... Մարմինը նկարագրեմ... Փառաքանեմ նրա
գեղեցկությունը... Իսկ նա իրոք գեղեցիկ է, սննեկապետ...
Առեղծվածայի՛ն գեղեցիկ...

Գլուխ տասնհինգերորդ

Վասակը հաճախ մտքում խոսում էր հայերի հետ,
վիճում, հայհոյում, խրատում, համոզում, աղաչում...

Ում հայտնի չէ, որ սպարապետն ամբողջ կյանքում կռիվ
էր մղել մարտի դաշտերում, որպեսզի հայը իր գոյությունը
պահպանի:

Ուրիշները կռվում են հող նվաճելու կամ նվաճված հողը
ետ խլելու համար, իրենց երկրին հասցված որևէ վիրավո-
րանքի համար, դաշնակցին օգնելու համար...

Իսկ եթե հայը ձեռքը զենք վերցրեց, ուրեմն, էլ կարիք
չկա դեսուդեն ընկնելու, գուշակություններ անելու, ուղեղը
շարշարելու, պարզ չի՞, որ ազգապահպանման գործ է:

Ա՛յ քեզ Հայաստան:

Քշնամին նետն ուղղում է ոչ թե նրա ձեռքին, ոչ թե
ատքին, ոչ թե փափուկ կողին, այլ միանգամից սրտին, որով-
հետև անգրահ ու անվահան սիրտը դեռ հեռվից լավ երևում
է ամենքին և թիրախի պես ցցված է հարևանների առաջ:
Դե արի ու մի խփիր:

Ինչպե՞ս ես կարողանում անընդհատ անդունդի եղրին
ապրել, մտովի հարց էր տալիս Վասակը, անդունդի եղրին
նաև քեֆ անել, նավասարդ տոնել, որդիներիդ ծնունդը նշել,
իրար միս կրծել, վար ու ցանքով զբաղվել, մեծ-մեծ խոսել
ու աչքդ խորխորանին՝ երկինք երազել:

Աներես ու պնդերես Հայաստան:

Եվ որքան էլ անհեթեթ լինի, ոչ թե կռվի, ալ հենց այս

խաղաղ օրերին, Վասակի աչքի առաջ հայերի թիվն սկսել էր զգալիորեն նվազել:

Մոտալուտ վտանգի, պարսկա-բյուզանդական պատերազմի հոտն առած, երկրի կեսը պարսկավարի էր հագնվում, կեսը՝ բյուզանդավարի: Կեսը Բյուզանդիայի կողմնակիցն էր, կեսը՝ Պարսկաստանի:

Արանքում մնացել էին մեղք ու կրակ շինականները, հատուկենտ նախարարները ղեկավարությամբ:

Պարսկասերները սրաքիթ մույկեր էին հագնում, գլխներին խույրի նման գդակ դնում, մազերը, հատկապես ծայրերը՝ գանգրացնում...

Բյուզանդասերները գլխի մազերը կտրում էին բոլորշի և ածխում ծոծրակները: Դնում էին սրածայր, սաղավարտաման գլխարկներ և, իբրև ողջույնի նշան, բարձրացնում աչձեռքը:

Իշխանական տներում խոսում էին հունարեն կամ պարսկերեն:

Շատ էր հեշտացել բարեկամին ու թշնամուն ջոկելը:

Քաղաքներում կամ մեծ ճանապարհների վրա հաճախ ընդհարումներ էին լինում՝ ըստ տարազի:

Անուանությունները կատարվում էին ըստ հագուստների:

Մարդիկ իրար հյուր էին գնում՝ ըստ սանրվածքի:

Սիրում ևատում էին միմյանց՝ ըստ մույկերի:

Դեռ պատերազմը չսկսված, երկիրն արդեն գրավվել, բաժանվել էր երկու մասի, լցվել պարսիկներով ու բյուզանդացիներով, որոնք հայի տեսք ունեին, հայի քիթ, հայի աչքեր ու թեև օտար լեզվով էին խոսում, բայց երբ հերթը գալիս էր հայհոյելուն, օտար բառերը չէին հերիքում, սիրտը չէին հովացնում, և ինքնաբերաբար անցնում էին հայերենին... Հայավարի հայհոյում ու հայավարի հանգստանում...

Վասակը խոսափում էր արքային հանգիպել, հատկապես այն շարաբաստիկ ճաշկերույթից հետո, երբ նա Արշակավանում ապաստանի իրավունք հռչակեց, և նախարարները իրենց կապերը խզեցին արքունիքի հետ:

Իսկ արքան չէր էլ նկատում նրա բացակայությունը: Դչ էլ հետաքրքրվում, թե ուր է կորել սպարապետը: Որովհետև

մի բան հաստատ գիտեր. Վասակը պատկանում էր այն մարդկանց թվին, որոնց ինչքան ուզում ես նեղացրու, ինչքան ուզում ես հետնները անարդար վարվիր, միևնույն է, մինչև վերջ հավատարիմ են մնում: Գրա համար էլ արքան նրա հետ երբեք փափկանկատ չի եղել, երբեք հատուկ ուշադրութեան չի արժանացրել նրան, ասել է այն, ինչ եկել է շեզվին, երբեմն նույնիսկ կոպտել է ու վիրավորել: Թեև, հենց իր աչքի առաջ, թշնամիների հետ վարվել է խիստ զգուշ և հարգալիր: Վասակը լուռ հանդուրժել է այդ ամենը ու երբեք չի ընդվզել: Կընդվզի հետո, երբ գործերը կարգի ընկնեն, ինքն էլ ժամանակ ունենա, արքան էլ...

Վասակի մտքովն իսկ չէր անցնում, որ ինքը երկրի գլխավոր եռյակի անդամներից մեկն էր, արքայից ու կաթողիկոսից հետո: Երևի այդ էր պատճառը, որ խաղաղ օրերին, ընայած իր մեծ ժողովրդականութեանը, նա որևէ զգալի դեր չէր կատարում արքունիքում ու գրեթե ոչնչով չէր ազդում երկրի քաղաքական կյանքի վրա: Նա իր օրերի մեծ մասն անց էր կացնում Շահապիվանում, գլխավոր բանակատեղիում, աշխարհից ու մարդկանցից մեկուսացած:

Բանակի կյանքը ուզիղ ու պարզ գծեր էին, մի քանի հասկանալի նախադասություն, մեծ մասամբ՝ հրաժաններ: Ի վերուստ արդեն սահմանված էր, թե ովքեր պիտի հրամայեն և ովքեր պիտի կատարեն: Մարդկանց փոխհարաբերությունները որոշվում էին ոչ թե ըստ բնավորութեան, այլ ըստ զինվորական աստիճանի: Բառը մի նշանակություն ուներ միայն: Ասում էիր՝ ջուրը սառն է, առավելագույնը նշանակում էր, թե գետ մի մտիր լողալու: Եվ ոչ թե՛ ներսևս Կամսարականը երեկ առավոտյան արքայի մտտ ամբաստանել է Գարջույլ Խոռխոռունուն, որովհետև Գարջույլ Խոռխոռունին տասը տարի առաջ նախկին արքայի՝ Տիրանի մոտ, բամբասել ու վատաբանել է ներսևս Կամսարականին:

Հենց որ սպարապետը արքունիք էր մտնում, նրան թվում էր, թե շրթ կողմը նրգազներ են, հյուսկեն պարկեթից կարված ցանցեր, որ կապում են ծառերի բներին կամ առանձին ձողերի վրա՝ որո՞ի գաղանների փախստյան ճանապարհը փակելու համար: Իսկ խուճապ առաջացնող փողերի ու շների

հաշոցների փոխարեն մարդկային ձայներ են, բաւեր, փսփոսոցներ, թագադապ ասպետ Մմբատ Բագրատունու տափակ կատակը՝ «Հը՞», տեր Մամիկոնյան, ե՞րբ ես իմ կյանքը պաշտպանեցիս (թքա՛ծ քո կյանքի վրա, անհամ ասպետ, և աստծո ժա՛ղրը տես, թե ում է քեզ դաշնակից տվել), ժպիտով տուն քանդող բամբասանքներ, բացահայտ կեղծիք, որի արժեքը բոլորը գիտեն, բայց միայն անճարակ սպարապետն է, որ տեղնուտեղը սուտ է հռչակում, մեծավորի հիմար մի խոսք, որին ամենքը առերես հավանություն են տալիս, իսկ բռի ու անտաշ սպարապետը կրքոտ հակաճառում է ու ժխտում, քծնանք ու շողոքորթություն, որ բոլորն ընդունում են հազուր պատշաճի, իսկ վայրենի սպարապետը խեղճանում է և, ի պատասխան, պատմուճանի ներքին գրպանից մի թանկարժեք հուշանվեր է հանում և մեկնում խոռակցին... Քանի-քանի փայտե արձանիկներ է նա սարքել ազատ ժամանակ ու լցրել գրպանը... Եվ քանի-քանի տներում օտար-օտար դրված են դրանք սեղանների վրա... որպեսզի իրենց տերը շրջափակումից ազատվի ու ժամ առաջ Շահապիվան վերադառնա...

Բայց երբ նա իմացավ, որ Արթուրյանների Աղբակ գավառի Հազամակերտ ոստանում մի խումբ նախարարներ ևն հավաքված, որոնց թվում և իր եղբայրները, և որ նրանք Տիգրան են գնում Շահի հետ դաշինք կնքելու և իրենց ժառանգությունն առաջարկելու, նա շղիմացավ, սուտուփուս վեր կացավ ու, առանց ժամանակ կորցնելու, առանց որևէ մեկին գուշացնելու, հեծավ իր սպիտակ նժույզը ու մին-մենակ աղևորվեց դեպի թշնամու որդը:



«Իմ սրտում, ամենից առաջ, ճշմարտության զգացմունքն է,— պատմիչի վկայությամբ, Շապուհը գրել է Կոստանդինոպոլիս,— Այդ ունենալով՝ ես երբեք չեմ արել այնպիսի բան, որ հետո զղշամ: Ուստի ես պիտի ետ վերադարձնեմ Հայաստանը և Միջագետքը, որ անիրավաբար խլել են իմ պապերից: Եթե դու ցանկանում ես լսել իմ բանական խորհուրդը,

հրաժարվիր փոքրիկ նահանգից, որը մշտական պայքաւի
և նենգ վեճի առարկա է հանդիսանում, որպեսզի հանգիստ
կարողանաս կառավարել մնացած քո թագավորութունը:
Կիտցիր, որ բժիշկները ևս որոշ դեպքում այրում, կտրում,
մարմնից հեռացնում են առանձին մասերը, որպեսզի կարե-
լի լինի օգտվել առողջ անդամներից»:



Ամբողջ ճանապարհին նա մտովի խոսում էր հայերի հետ
և համոզում նրանց, որ միակ ելքը միմյանց դաշնակցելն է
ու արքային հպատակվելը, խրատում էր, որ բյուզանդա-
սերները մտքից հանեն այն փաստարկը, թե բյուզանդացի-
ների հետ այսօր մենք նույն հավատի ենք, իսկ պարսկա-
սերներին՝ թե երեկ պարսիկների հետ ենք նույն հավատի
եղել, աղաչում-պաղատում, որ եղբայրասպան պատերազմ
չհրահրեն հանկարծ, հանկարծ շտիպեն իրեն՝ հայերին
կոտորելու, որովհետև եթե ինքը հայերի դեմ կանգնի, թե-
կուզ փոքրաթիվ մի խմբի, անպայման կպարտվի, իսկ եթե
իր սակավաթիվ զորքերով կանգնի թշնամու բազմաբյուր
բանակների ու փղերի առաջ՝ անպայման կհաղթի... Ինք
սպարապետի կարճ հասակին մի նայեք... Մի նայեք նրա
կարճ ոտքերին ու կարճ ձեռքերին... Քի՛չ եմ ձեզ համար
հաղթանակներ տարել: Քի՛չ եմ մի բուռ մարդկանցով թըշ-
նամուն փախուստի մատնել: Կայսրը և շահը զարմանքից
ապշել են ու ապաշնորհության համար պատժել իրենց
զորավարներին: Իզո՛ւր են պատժել: Նրանք բոլորովին էլ
ապաշնորհ չեն եղել: Ոչ էլ ես եմ մի արտակարգ հրամանա-
տար: Այստեղ մի ուրիշ գաղտնիք կա, որ նա այսօր մտովի
հաղորդեց հայերին: Մեծ ազգերի ուժը նրանց առողջ տրա-
մաբանության մեջ է, փոքր ազգերինը՝ անտրամաբանու-
թյան: Մեծ ազգերը հույսները դնում են իրականության
վրա, փոքր ազգերը՝ հրաշքի: Ուժերն այստեղ հավասարա-
կշռվում են, մեծերը կորցնում են իրենց առավելութունը,
փոքրերը՝ ազատվում իրենց պակասութուններից: Իսկ հենց
որ փոքրերն ուզում են մեծերին նմանվել, ահավոր ու ճա-

կատագրակա՛ն ջարդ են ուտում: Սա է գաղտնիքը, ուրիշ բան չկա:

Վասպուրական աշխարհի սահմանագծում Վասակը տեսավ մի խումբ ձիավորների, որոնք փակել էին ճանապարհը: Նա դանդաղեցրեց ձիու վազքը, և ձեռքը տարավ սրին: Չլինի՞ սա էր վերջը: Չլինի՞ թե վերջին անգամ էր մտովի խոսել հայերի հետ: Եթե իրոք վերջին անգամն էր, նա դեռ շատ բան ուներ ասելու, համենայն դեպս, գլխավորը դեռ չէր հասցրել: Բայց կհասցնի: Կհասցնի՛, կհասցնի՛: Դեռ ժամանակ կա: Դեռ սրամարտ է լինելու, մի քանի հոգու տապալելու է ձիերից, մի քանիսին խոր վերքեր է պարգևելու, հո չի՞ թողնելու, որ տեղնուտեղը հավի պես մորթեն իրեն: Չէ՞ որ կա նաև վերջին շունչը փչելու իրավունքը: Եթե շատ նեղն ընկավ, հենց այդ վերջին շնչի հետ կհասցնի մտովի ամեն ինչ ասել...

— Սամվել,— ապշեց սպարապետը:

Եղբոր որդին էր: Աբլորի պես թառել էր ձիու մեջքին և հպարտ-հպարտ նայում էր սպարապետին: Այսինքն՝ բռնըվեցի՞ր, էլ ո՞ւր էիր գաղտնի-գաղտնի ճամփա ընկել առանց մեզ:

— Նրանք քեզ կձերբակալեն, հորեղբայր, և Պարսկաստան կտանեն: Մենք թույլ չենք տա, որ նրանց մոտ գնաս: Ես դա քեզ ասում եմ ոչ թե իմ, այլ հայրենիքի անունից:

Ջղայնությունից արյունը խփեց Վասակի գլխին, ու նա կոկորդով մեկ գոռաց ինքնագոհ պատանուն.

— Ճամփա տուր, թե չէ շանսատակ կանեմ:

Սամվելը զարմացավ, որ հորեղբայրը շգնահատեց իր վճռականությունը, չնկատեց, որ դիմացը արդեն լուրջ և հասուն մարդ էր կանգնած: Նա հուսախար եղավ, որովհետև սպարապետը ևս, ժերակույտի բոլոր անդամների պես, փակում էր ջահելների ճանապարհը և մինչև հիսուն տարեկան ներշնչում նրանց, որ դեռ խակ են ու անփորձ, ինչ է թե՛ հանկարծ իրենց փառքից մի փոքր բաժին էլ նրանց չհասնի:

— Գու միայն քեզ շնո պատկանում, հորեղբայր, այլև ինձ, նրան, բոլորին: Գու դեռ պետք ես հայրենիքին:

Սպարապետի մարմինը քոր եկավ, որովհետև Սամվելն այդ խոսքերն ասում էր ոչ այնքան նրան, որքան իր ընկերներին ու ամուսնուհուն էր, որ քիչ են ունկնդիրները, շատ քիչ են:

— Անմիջապես վերագարձեք,— Վասակը քթի տակից մտայլ հրամայեց ձիավորներին:— Եվ իմ անունից ասեք, որ մեկական ամիս բանտարկեն բոլորիդ՝ բանակից ինքնագլուխ հեռանալու համար:

Ձիավորները սուսուփուս ենթարկվեցին սպարապետի հրամանին ու արագ հեռացան հակառակ ուղղությամբ:

— Ես ամաչում եմ նրանց փոխարեն,— ասաց Սամվելը համառ անմեղությամբ:— Ամաչում եմ, որ քեզ մենակ թողեցին:

Եվ ցավն էլ այն է, որ իսկապես էր ամաչում: Լացք գալիս էր ջղայնությունից ու վիրավորանքից, որովհետև կյանքում առաջին անգամ ինքնուրույնության հնարավորություն էր ստացել, հաղիվ էր նախաձեռնության առիթ ընկել ձեռքը, իսկ ընկերները ամենափոքր իսկ դժվարության պահին լքեցին ու դավաճանեցին նրան:

— Գոնե ծուղակ լարեիրք, հորեղբայր, գոնե մի շեղոք տեղ հրավիրեիր նրանց,— սպարապետից պոկ շեկավ Սամվելը ու հագիվ իրեն զսպեց, որ ծնկաչոք շաղաչի նրան:— Ես իմ ընկերների հետ հանկարծակի կհարձակվեի ու կձերբակալեի բոլորին:

— Բոլորի՞ն,— խոժոռվեց Վասակը: Եվ որովհետև Սամվելը ընդունակ չէր ականարկը հասկանալու, ստիպված եղավ ավարտել միտքը:— Չէ՞ որ հայրդ էլ է նրանց մեջ:

— Հետո՞ ինչ, — իրեն բոլորովին չկորցրեց Սամվելը:— Ով մեզ հետ չէ, հայրենիքի դեմ է:

Վասակն զգաց, որ նա խորապես վստահ էր իր ճշմարտությանը և որ այդ խոսքերի մեջ արդեն ոչ մի կեցվածք չկար: Եվ նա առավել ևս անհրաժեշտ համարեց հարց տալ իրեն, թե ինչու էր այս շան լակոտը հայրենիքի հետ: Նրա համար մեկ չէ՞ր՝ արքայի բանակում լինել, թե պարսից

շահի: Խնչ տարբերութիւն, եթե կարևորը փառքի ու դիրքի հասնելն է: Բայց նա նախօրոք անսխալ հաշվել էր ամեն ինչ: Շահը նրա կարիքը շունեք, պարսից պալատում ևս նա նույն վիճակին էր արժանանալու, էլի Մերուժանը և մյուսները ավելի մեծ պատիվներ պիտի վայելեին: Իսկ հիվանդ ու հյուժված Հայաստանում, որն օրեցօր կորցնում է իր մարդկանց, ավելի մեծ հեռանկար կար գործի գլուխ անցնելու: Պարզապես հայրենիքի ու իր շահերը համընկնում էին իրար:

Վասակը ձին շրջեց ու լուռ քշեց իր ճամփով:

Սա այն դեպքը չէր, որ փայտե արձանիկ նվիրեր նրան...

— Ես քեզ մենակ չեմ թողնի, սպարապետ,— լսվեց Սամվելի ջահել ու զրնգուն ձայնը:

— Բայց չէ՞ որ քեզ էլ կձերբակալեն, եթե ինձ հետ լինես,— առանց ձին կանգնեցնելու և առանց շրջվելու, զվարթ գոռաց Վասակը, ափսոսալով, որ եղբոր որդին շափազանց լուրջ տղա է ու հեզմանք չի հասկանում:

— Ինձ չեն ձերբակալի,— բարձր ու ինքնավստահ պատասխանեց Սամվելը հեռվից:— Հայրս չի թողնի:

Սպարապետը խեղճացավ նրա անամոթ պատասխանից: Խեղճացավ ու վախեցավ: Իրենից անկախ, նույնիսկ մի տեսակ հարգանքով լցվեց նրա հանդեպ: Որովհետև ամեն ինչի կատարյալը արժանի է հարգանքի: Կարող ես սիրել կամ առել, բայց չհարգել անհնար է:

Մինչև Հադամակերտ նա այլևս ոչ մի բառ չփոխանակեց եղբոր սրդու հետ:

Սամվելը, պատշաճ հեռավորութիւն պահպանելով, կրնկակոխ հետևում էր հորեղբորը:

Իսկ երբ օր ու գիշեր ձին քշելով, առանց դադարի, առանց իրեն խնայելու, սպարապետը հաղթահարեց դժվարին ճանապարհը, հասավ Աղբալի փոքր ու անշուք ուստանը և վերջին անգամ լսեց համառորեն իրեն հետևող ձիու սմբակների զոփյունը, խիղճը շտաբավ ու մտքում գովեց եղբոր որդու տոկունութիւնը: Եվ, դարձյալ մտովի, փայտե մի արձանիկ նվիրեց նրան:



«Ի՞նչ պահանջում ես ինչպես Միջագետքը, այնպես և Հայաստանը որպես քո սեփականություն,— ըստ պատմիչի վկայության, այսպես էր պատասխանել Կոստանդիանոս կայսրը Շապուհ արքային,— և խորհուրդ ես տալիս ինձ՝ կտրել կենդանի մարմնի որոշ մասերը, որպեսզի դրանով ավելի լավ բարեկամություն անենք հետագայում: Այդ խորհուրդը լավ է անմիջապես մեկ կողմ դնել, քան հավանություն տալ որևէ ձևով: Ուստի՝ հասկացիր ճշմարտությունը, առանց խորամանկ ծածկոցի, նրա թափանցիկ պարզության մեջ, ճշմարտություն, որ շի կարելի վախեցնել ոչ մի դատարկ սպառնալիքով»:



Գու մի ասա՝ Հագամակերտում իշխանական խրախճանք էր: Երկհարկանի քարաշեն ղղյակի առջև հսկայական բազմություն էր հավաքվել: Իռնի հանել էին տներից, քշել հրապարակ, Հողագործներին կտրել էին աշխատանքից, բերել, լցրել ղղյակի առաջ: Գավառի տարբեր շեներից ու ավաններից, տանուտերերի զլխավորությամբ, եկել էին յազմաթիվ պատվիրակություններ, որպեսզի հավաքն ավելի պատկառելի ու մարդաշատ լինի:

Նախարարները, զուգված-զարդարված, նստել էին քառակուսի բազմականների վրա, թիկնել նկարազարդ ու գույնզգույն բարձերին և հրճվանքից փայլում էին քաղցրավենիքի սպասող մանուկների պես:

Դղյակի քարե նեղ պատշգամբների վրա կանգնել էին գավառի ու քաղաքի մեծամեծների կանայք, որոնք պակաս ոգևորված չէին իրենց փետրակալած ամուսիններից:

Միայն տանտերը չկար, Մերուժան Արծրունին:

Հրապարակի մեջտեղում, փայտե ցածրիկ թախտի վրա, երեսնիվայր պառկած էր կապկպված մի շինական, որին մինչև մեջքը մերկացրել էին և թողել պատառոտված ու գույնը գցած մի անդրավարտիքով:

ԱրշակաՎանցի էր:

Առաջին ն միակ արշակաՎանցին, որ ընկել էր տերերի
ձեռքը:

Հեր քաՎառի նվարսակ գյուղից էր: Գողեգող եկել էր
մահամերձ մորը վերջին անգամ տեսնելու: Եկել էր ու բռնը-
վել: Մտրակի հարվածներին կարող էր մի կերպ դիմանալ,
ինչ կա որ, տերեր են, կծածեն էլ, զնդան էլ կզցեն, հապա
խ՞նչ պիտի անեն, աչքդ էլ շե՞հ հանի, իսկ եթե մեղք էլ
ունես, է՛լ ավելի լավ, ուրեմն, ցավն ուժեղ չի լինի, բայց
որ մայրն էր արդեն մահացած եղել, այ դա էր, որ ծաղրի
էր վերածում ծեծը: Եվ նա այսօր շէր դիմանում ցավին:

Նախարարներին անհնար էր համոզել, որ այս շինա-
կանը մի հոգի էր ընդամենը և որ ուրեմն նրա մեղքն էլ էր
մեկ, հանցանքն էլ, մարմինն էլ: Նա շփտեր, ու ինքը հիմա
փոխարինում էր հազարավոր տիրափախ շինականների,
ուներ տարբեր անուններ, տարբեր դեմքեր և տարբեր ծննդա-
վայրեր: Եթե շատ էր ուզում իմանալ, ամենից քիչ կապ
ուներ հենց իր անձի, Հեր քաՎառի նվարսակ գյուղի, մեռած
մոր և իր անմիջական տիրոջ հետ:

Ամբոխը, շունչը կտրած, առանց ծպտուն հանելու, նա-
յում էր փայտե զոհասեղանին նետված քավության նոխազին
և մտովի աղոթում նրա համար:

Իսկ նախարարների ոգևորությունը հետզհետե հասնում էր
գազաթնակետին, մտրակի հարվածներն ու շինականի ու-
նոցները գրգռում և արյունով էին լցնում նրանց աչքերը,
ձեռքերը դողում էին անհամբերությունից, ոտքերը անհան-
գիստ շարժումներ էին անում տեղում, իսկ բերաններից
թռչում էին հայհոյանքներ, զոհունակության ու վրեժի բա-
ցականչություններ...

Արյան հոտ էին առել:

Ամբոխը հասկացավ, որ արշակաՎանցին պետք է մեռ-
ներ:

Ուրիշ ելք ու հնար չկար:

Միայն նրա մահը կարող էր հանգցնել բռնկված հրդեհը
ու հանգցնել տերերի ծարավը:

Ներսես Կամսարականը այլևս չդիմացավ, պոկվեց տե-

դից, վազեց դեպի զոհասեղանը, զինվորի ձեռքից խնկց մտրակը ու ինքն սկսեց հարվածել:

— Ազատութիւնն ես սիրում, հա՛,— կատաղած գոռում էր նա, և որտեղի՞ց իմանար, որ ուժը ձայնին տված, ավելի թույլ էր հարվածում, քան զինվորը:— Տիրոջդ էլ շե՛ս ուզում ծառայել... Առանց հավասարութեան շե՛ս կարող ապրել... Ա՛ն քեզ հավասարութիւնն, ա՛ն քեզ ազատութիւնն...:

Նախարարների համար կամսարականի ձայնը հնչեց որպէս մարտի կանչող շեփոր, բոլորը վեր թռան տեղներից ու գազազած ցուլերի պէս հարձակվեցին արշակավանցու վրա: Սկսեցին անխնա ծեծել նրան, ձեռքերով ու ոտքերով, ուր որ պատահի, գլխին, մեջքին, նույնիսկ մագերից էին քաշում, թեև գիտեին, որ մտրակի թեկուզև մի հարվածը կարող էր ավելի արդունավետ լինել, քան այս անկազմակերպ հարձակումը: Պարզապէս շէին համբերում, նմանվելով այն ձիավորին, որ շտապելուց քիչ է մնում իշնի ձիու վրայից ու ոտքով զնա:

— Այդ նրանք են հնարել ազատութիւնն ու հավասարութիւնը, ծուլլերն ու անբանները,— մատը արշակավանցու կողմը ցցած, ամբոխին էր դիմում հուզմունքից կարմրած վարդան Մամիկոնյանը: — Որ հավասարապէս գործ շանեն... Գլուխ պահեն... Որ հավասար պատասխան տան ամեն ինչի համար... Որ ոչ ոք պատասխան չտա և ոչ մի բանի համար...:

Իսկ նրա մյուս եղբայրը՝ Վահանը, պպզել էր թախտի գլխին, շինականի քթի տակ և, այս աղմուկի ու իրարանցման մեջ, շարութեամբ փսփսում էր նրա ականջին, իր փրսփրսոցից վրեժխնդրութեան գերագույն հաճույք զգալով:

— Խ՛նչ եք կառուցել Արշակավանում... Մի աչքս կոխիր... Ո՛ւր է պարիսպը... Ո՛ւր է փոսը... Եթե տիրոջ բռունցքը լիներ ձեր գլխին, արդեն վաղուց ավարտած կլինեիք քաղաքի կառուցումը... Բա այդպե՛ս են ծառայում արքային...:

— Թողեք ե՛ս անեմ... Ի՛նչ ծեծեմ...— ձեռքերը տարածած, սրան-նրան էր աղաչում, պաղատում զառամյալ կենան Ամատունին:— Իս լավ եմ ծեծում...:

Պղպակի աստիճանների վրա մի գեղեցիկ, բարձրահասակ ու կապտաշյա տղամարդ երևաց, մի պահ զզվանքով դիտեց

տեսարանը, ապա արագ ներքև իջավ ու շտապեց գազան կտրած նախարարների մոտ:

— Ի՞նչ եք անում, ամոթ է, իշխաններ: Մեծը թուլության նշան է: Դուք շինականի հավատն եք փշրում տիրոջ ուժի հանդեպ:

Մերուժան Արծրունու տիրական ձայնը լսելուն պես, նախարարները սթափվեցին, դժկամությամբ դադարեցրին ձեռք ու, ծանր-ծանր փնջալով, մի կողմ քաշվեցին:

Մերուժանը մոտեցավ արշակավանցուն, ծնկի իջավ ու սկսեց քանդել նրա կապերը: Հետո, դգուշորեն թևերից բռնելով, օգնեց, որ նստի: Հանեց թիկնոցը և ծածկեց նրա մերկ ուսերը: Ինքն էլ նստեց կողքին ու խղճահարությամբ նայեց կիսակենդան շինականին: Մտրակող զինվորին նշան արեց, որ նստի թախտի հակառակ կողմից, որպեսզի շինականը հենվելու տեղ ունենա:

— Ուրեմն, դո՛ւ ես բռնված արշակավանցին,— մեղմ հարցրեց նա, աչքերը գետին խոնարհած:— Եկել էիր մո՞րդ տեսնելու: Մահացել էր, իմացա:— Ապա նախատինքով օրոքեց գլուխը:— Թող սա քեզ խրատ ծառայի, որ չի կարելի այսքան անզգույշ լինել: Իսկ հիմա... գնա, որդիս, վերադարձիր Արշակավան:

Բոլորի զարմացած հայացքներն ուղղվեցին Մերուժան Արծրունուն: Ամբոխի մեջ մի շշուկ ընկավ, մեղվի նման տղզաց շարքերի արանքներում, հասավ մինչև վերջին մարդը և վերածվեց ուրախության ձայների:

— Տեր Արծրունի...— չորս կողմից նախարարները ապշահար դիմեցին նրան:

Շինականը գլուխը դժվարությամբ շրջեց Մերուժան Արծրունու կողմը, մարած աչքերով նայեց նրան և մի կերպ ժպտաց շրթունքների ծալրերով: Բայց որովհետև շատ ուժասպառ էր, չկարողացավ շրթունքներն ուղղել և մինչև վերջ էլ այդպես ժպտադեմ մնաց:

— Մարդն ազատ է ապրելու այնտեղ, որտեղ կամենում է,— վեր կացավ Մերուժան Արծրունին և դիտմամբ բարձր շխտեց, որպեսզի բոլորն էլ ուզենան ավելի լավ լսել իրեն:— Բայց հիշիր, որ ազատությունը նախ և առաջ պետք է ինքր

քո մեջ փնտրես: Թե չէ էլի մի առիթ կգտնես ու նորից կգաս: Այս անգամ էլ՝ ընկերներիդ տեսնելու: Մեկ այստեղ կապրես, մեկ այնտեղ: Եվ այնպես էլ շես իմանա, թե որտեղ է ավելի լավ:— Ապա դարձավ մտրակող զինվորին.— Քանի՞ հարված ես տվել:

— Տասնհինգ, տեր իմ:

— Վերցրու տասնհինգ ոսկի, շինական: Եվ ներիր մեր դաժանությունը: Որովհետև, տեսնում ես, քո տերերն էլ զեռ ներքուստ ազատ չեն:

— Քսան հարված...— մեծ շիգուլ կմկմաց ժպիտը երեսին կպած շինականը:

— Առ, ևս հինգ ոսկի,— ծիծաղեց Մերուժանը ու հրամայեց զինվորներին.— Տարեք: Թող վերքերը բուժեն և ուղարկեն Արշակավան: Իմացե՛ք, որ զխոսվ եք պատասխան տալու նրա կյանքի համար:

Շինականին պառկեցրին, ու երկու զինվոր թախտի հետ միասին նրան զղյակ տարան:

Ամբոխն աստիճանաբար սկսեց ցրվել, և քանի որ ավարտը երշանիկ էր, արդեն ձեռք էին առնում արշակավանցուն, որին մեծ պատիվ էր վիճակվել այսքան մարդ հավաքելու գավառի բոլոր ժայրերից:

— Այս ի՞նչ արեցիր, Արծրունյաց տեր,— տարակուսանքով հարցրին շորս կողմից, բոլորն էլ՝ մի տեսակ սմբած, թուլացած ու անտրամադիր:

— Հսկողությունը կվերացնեք շինականների վրայից,— ի պատասխան ասաց Մերուժան Արծրունին՝ առարկություն չընդունող տոնով:— Բոլորին ազատություն կտաք Արշակավան գնալու: Եթե որևէ մեկը փախել է Արշակավան ու չի հասցրել ընտանիքը տանելու, ինքնիրդ ուղարկեք: Փող տվեք, մթերք տվեք և ուղարկեք: Թող հարազատները չապրեն սահմանի տարրեր կողմերում: Իսկ եթե հանկարծ մեկնումեկը ինչ-ինչ պատճառով փախչի Արշակավանից, ետ վերադարձրեք: Զոռո՛վ: Քաղաքի շուրջը զինվորներ կդնեք: Ոչ թե դեպի Արշակավան մուտքը փակելու, այլ Արշակավանից հեռանալ ուզողներին խանգարելու համար: Եթե հեռացող էլ չլինի, ոչինչ, թող զինվորները մնան: Եվ հեռվում...

Հեռվում մի իջևան կառուցեք միայն... Մենավոր մի իջևան...
Քող այնտեղից երգի ձայն լսվի միշտ... Եվ թող այդ իջևանը
կարոտների բույն դառնա... — Նա համբերությամբ լռեց մի
պահ, որպեսզի իր խոսքը տեղ հասնի և ժանրամիտ ծերուկ-
ները մարսեն: — Ես որդը սերմանեցի, իշխաններ, ո՛րքը:
Աշխարհի ամենաուժեղ, ամենահզոր, ամենահսկա կենդա-
նին: — Ապա, ի զարմանս բոլորի, անսպասելիորեն հայտա-
բարեց. — Սպարապետն է ժամանել: Ուզում է հանդիպել մեզ
հետ: Գնանք, իշխաններ, վայել չէ նրան այսքան սպասեցնել:



Վասակն ամբողջ ձանապարհին հազար ու մի նախադա-
սություն էր ձևակերպել մտքում՝ խոսակցությունն սկսելու
համար, մշակել էր պալատական կյանքից ծանոթ բազմա-
թիվ տարբերակներ և բոլորովին չէր սպասում իրենից, որ
մի կողմ կդնի այդ ամենը ու միանգամից կասի.

— Ի՞նչ պիտի լինի սրա վերջը, իշխաններ:

Ասաց ու ինքն էլ մի տեսակ վախեցավ, որ այսքան կարճ
ու կտրուկ դրեց հարցը: Դա կարող էր փշացնել իր առաքելու-
թյունը, քանի որ ոչ ոք չի սիրում անմիջապես գործի եղջյուր-
ներից բռնել, շրջանցել էր պետք, կենացներ խմել, գովաբա-
նել բոլորին, մի քիչ հարբել, հին-հին հուշեր մեջտեղ հանել,
վստահություն ներշնչել, մի խոսքով, մթնոլորտ ստեղ-
ծել, մթնոլորտ:

— Մենք էլ ենք մտածում, սպարապետ, — ասաց Մերու-
ծանը, և Վասակը հանգիստ շունչ քաշեց, զգալով, որ ջահել
և սիրուն Արծրունին գնահատեց իր քայլը: — Իզուր ես կար-
ծում, որ մենք ընդամենը դավաճաններ ենք: Հավատաց-
նում եմ, որ երկրի բախտի համար մենք նույնքան ենք
մտահոգված, որքան դու և արքան:

— Մտածում եք, բայց շահի մոտ եք գնում բանակցելու:

— Իսկ ինչո՞ւ դա չես համարում ելքերից մեկը: Ես,
օրինակ, չեմ ընդունում, բայց հարգում եմ Արշակավանն
ստեղծելու գաղափարը: Ինձ թվում է, որ այդ հարգանքը
պետք է երկկողմանի լինի:

— Մենք ժամանակ չունենք նման ձևով իրար հարգելու, իշխան: Այդպես կարող են վարվել միայն Բյուզանդիայում և Տիգրանում: Մենք հոգեվարքի մեջ ենք, մեզ մի ճշմարտություն է պետք, ոչ թե մի քանիսը:

— Կա այդպիսի ճշմարտություն, կա՛, սպարապետ,— քեզ հոգեվարքին ասաց Մերուծան Արծրունին, նստեց Վասակի բազմականի արմնկակալին և մտերմաբար գրկեց նրա ուսը:— Դաշնակցել երկու հզոր հարևաններից մեկնում եկի հետ: Փոքր ազգ չե՞ս, էլ ի՞նչ ես թպրտում, էլ ի՞նչ իրավունք ունես հույսդ սեփական բազուկներիդ վրա դնելու: Դու պետք է ընտրություն կատարես:

— Եվ դու կատարե՞լ ես քո ընտրությունը: Իսկ ինչո՞ւ ոչ հօգուտ Բյուզանդիայի:

— Ուզում ես ասել, որ Ազբակը Պարսկաստանին սահմանամերձ է, դրա՞ համար եմ պարսիկներին ընտրել,— մոռացվեց և վեր կացավ Մերուծանը:— Եթե մեր խոսակցությունն այսքան բաց և շիտակ չլիներ, ես, անշուշտ, վիրավորական կհամարեի քո ակնարկը: Իսկ քո եզրայրնե՞րը, որ հեռավոր Տայքից են և Տարոնից: Նրա՞նք ամ ես սահմանամերձ:

— Իսկ ինչո՞ւ ոչ հօգուտ Բյուզանդիայի,— սառնասրբորոտորեն կրկնեց Վասակը:

— Որովհետև քրիստոնեությունը մեզ պատահաբար կապեց բյուզանդացիների հետ: Իսկ պարսիկների հետ ունեցած մեր ընդհանրությունները շատ ավելի խորն են:

Կենան Ամատունին, ոտքերը դժվարությամբ քարշ տալով, մոտեցավ Մերուծանին և ինչ-որ բան փսփոսաց նրա ականջին: Մերուծանը հարցական նայեց նրան, իրենից անկախ թթվեցրեց գեմքը և, չքողարկված կոպտությամբ, գլխով նշան արեց, որ տեղը նստի:

— Գուցե ես այս կյանքից և աշխարհից քիչ բան եմ հասկանում,— հատ-հատ, սեփական խոսքի կշիռն և արժեքը գնահատող մարդու արժանապատվությամբ սկսեց խոսել Վարդան Մամիկոնյանը:— Գուցեև առհասարակ բան չեմ հասկանում,— շարունակեց նա, վիրավորված, որ կարող են այդպիսի բան վերագրել իրեն:— Բայց մի բան հաստատ գիտեմ. հարազատ եզրայրները չեն կարող թշնամի լինել:

Ինչքան ուզում ես աստիք ինձ, քնչքան ուզում ես ինձ թշնամի համարիր,— սպառնալից ավելացրեց նա,— մեկ է, ես քեզ սիրելու եմ:

Ու հաղթական նայեց բալորին:

Վարձա Ապահունին, հուզված, գլխով արեց:

— Եթե եղբայրները նույնիսկ տարբեր աստվածներ են պաշտում... Եթե գծի երկու տարբեր կողմերում են...

— Այո, նույնիսկ այդ դեպքում,— շղայնացավ Վարդանը:— Ես քեզ սիրում եմ:

— Իսկ հայր ու որդի,— բորբոքված հարցրեց Սամվելը:— Հայր ու որդի: Կարո՞ղ են թշնամի լինել:

— Աստված մի արասցե,— մեքենաբար խաշակներեց Վահանը:— Ինչեր ես խոսում, որդիս:

— Ինչո՞ւ հիմա ես քո կողքին չկանգնեի... Ինչո՞ւ չհպարտանայի քեզանով... Ինչո՞ւ ամաչեի քո որդին լինելուս համար...

— Սամվել,— սաստեց սպարապետը:— Լեզուդ քեզ քաշիր:

— Ես գործ չունեմ,— ուսերն անօգնական թոթվեց Վահանը:— Ինչպես եղբայրներս որոշեն, այնպես էլ կսնեմ: Երկուսն էլ ինձանից մեծ են...

Վարձա Ապահունին գլխով արեց:

Նա պատահաբար էր այստեղ ընկել: Կարող էր նույն պատահականությամբ բյուզանդասերների հետ լինել: Կարող էր նաև արքայի հետ լինել: Պարզապես այնքան էր փառասիրությունը մեծ, որ միշտ էլ տեղի-անտեղի վիրավորվում էր, թե անտեսում են իրեն, կարծիքը չեն հարցնում, խորհուրդ չեն անում հետը: Եվ, վախենալով, որ այս խառը օրերին ինքը դարձյալ անմասնակից կմնա կարևոր իրադարձություններին, ասպարեզ էր գուրս եկել, ով առաջինը հանդիպել էր, նրան էլ կողմնակից էր դարձել: Մերութանը մի անգամ մի դատարկ բանի առթիվ նրա խորհուրդն էր հարցրել, և դա բավական էր, որ այդ օրվանից նրա աչքի լույսը դառնար:

— Մենք այստեղ չենք հավաքվել հարազատների փոխհարաբերությունները քննելու,— կոպտորեն նրանց ընդհա-

տեց Կամսարականը:— Դա ձեր ընտանեկան գործն է. և ուրիշներին քիչ է հետաքրքրում:

Նա մինչև հիմա դաստակների վրա զգում էր թագավորի շեռքի ժանրությունը, մինչև հիմա շէր մոռանում իր կրած ամոթալի պարտությունը: Ավելի լավ է տղամարդը հիմար լինի, աղքատ լինի, բայց ուժով շղիջի որևէ մեկին: Ոչ մի խայտառակություն այնքան չի երևում, որքան բազուկի սպարտությունը: Նա անընդհատ առիթ էր փնտրում ձեռնամարտի մրցման մեջ մտնելու, թեև զգում էր, հասկանում էր, որ դրանով ավելի էր մատնում իրեն, ավելի էր խոստովանում, որ չի մոռացել վիրավորանքը, բայց իմանալով հանդերձ, շէր դիմանում գայթակղությանը, մի տեսակ ինքնակամ գնում էր սեփական ամոթն ի ցույց դնելու ամենքին: «Ուժներս չչափե՞նք, իշխան: Պարտվելուց ես վախենում: Ինչ կա որ, ուժ է, խելք հո չի՞, որ ամաչես»: Քա՛հ-քա՛հ-քա՛հ-քա՛հ:

— Կենացդ, սպարապետ,— ասաց Մերուժան Արծրունին, սեղանի վրայից վերցրեց գինով լցված իր թասը ու գլխից վեր բարձրացրեց:— Ես չգիտեմ, մենք նույն դիրքերում կլինենք, թե տարբեր, հավանաբար՝ տարբեր, բայց միշտ իմացիր, որ մենք կուլում ենք այս երկրի համար: Անհեթեթ է հնչում, չէ՞, որ իրար աչք ենք փորում միևնույն բանը սիրելու, միևնույն բանը պաշտպանելու համար:

Վարձա Ապահունին ջանասիրաբար գլխով արեց:

— Եվ դու ինձ կսպանե՞ս, ասելով, թե երկրի հա.թ.տ արեցիր:

— Այո, սպարապետ: Ինչպես և դու՝ ինձ:

— Դու պարզապես արդարացնում ես քո դավաճանությունը: Փորձում ես լուրջ տեսք տալ: Ինքդ քո աչքից շքնկենի,— զայրացավ սպարապետը, կորցրեց ինքնատիրապետումը, որովհետև նրան թվաց, թե օրը ցերեկով խաբուժ են իրեն, ապուշի տեղ են դնում:

— Դու գինվոր ես, և քեզ համար հայրենասիրությունը մարտի դաշտում մեռնելն է, այսինքն՝ շոշափելի փաստ, առարկայական ապացույց,— հանգիստ նրան առարկեց Մերուժանը, աշխատելով բանի տեղ շղնել իրեն հասցված

վիճալորանքը:— Իսկ ինձ հաճար ամեն մահ պետք է իմաստ ունենա: Ես դեմ եմ անմիտ զոհերի: Ես դեմ եմ քո մղած բոլոր մարտերին:

— Եվ նույնիսկ իմ հաղթանակներին,— խայթեց Վասակը:

— Այո, քո հաղթանակներին էլ: Եթե կուզես իմանալ՝ հենց հաղթանակներին: Եթե թշնամին սկզբից ևեթ քիթդ տրորեր, հավատացնում եմ, որ դա միայն ազգի օգտին կլիներ:

— Չեմ հասկանում, իշխան: Ազնիվ խոսք, չեմ հասկանում: Եթե մտադիր ես ինձ անպատվել, ուրիշ հարց: Միանգամից ասա, որ էլ ուղեղս չլարեմ:

— Քավ լիցի, սպարապետ: Մտքովս անգամ չի անցնում: Եթե այդպիսի տպավորություն ունես, ես պատրաստ եմ ներողություն խնդրելու:

— Բայց դու ասա՛, ասա՛, ինչո՞ւ ես դեմ իմ հաղթանակներին: Եվ մի՞թե մարտի դաշտում մեռնելը միշտ էլ անիմաստ է եղել:

— Մեծ հաշվով՝ այո: Դու միայն ա՛յդ օրն ես հաղթել: Միայն ա՛յդ մարտը: Ընդամենը մի օր կշտացել ես ու քեզ թվացել է, թե այլևս երբեք քաղց չես զգալու: Բայց չէ՞ որ ամեն մի զորավար կյանքում մի մարտ է տալիս միայն, ամենավճռականը, ամենաճակատագրականը: Մի մարտ, սպարապետ, ոչ ավելի,— մատը ցցեց Մերուժանը:— Ինքդ էլ գիտես, որ մնացածը սուտ է: Եվ գիտես նաև, որ հենց այդ մարտն ես տանուկ տալու:

Վարձա Ապահունին, հիացած, գլխով արեց:

— Սպասիր, իշխան. — ձեռքով նրան արգելեց Վասակը, որովհետև շղերի վրա էր ազդում արգեն:— Ուրեմն, հենց սկզբից ընդունենք մեր պարտությունը և ձեռքներս ծալած դիտենք, թե ինչպես է կործանվում երկիրը:

— Այո, սպարապետ, մեր պարտությունը հենց սկզբից ընդունենք, դա ավելի առողջ և օգտակար հատկություն է: Որովհետև արգեն ստիպված կլինենք ավելի իշական ու շոշափելի ճամփաներ փնտրելու:

— Եվ գնալու պարսից շահի ո՞տքը:

— Կամ կայսրի: Սա արդեն ուրիշ հարց է: Խնդրեմ, միասին քննարկենք և գուցե ընդհանուր լեզու գտնենք: Հավատացնում եմ, որ արքան ում վրա ձեռքը դրեց, մենք պատրաստ ենք այդ կողմը թեքվելու: Ավելին էլ ի՞նչ ասեմ: Միայն թե դնի՛, դնի՛,— հանկարծ գոռաց նա ջղայնացած,— և ոչ թե իր ուժերին ապավինի: Կամ Արշակավանի խուժանին...

Վահանը վեր կացավ, խեղճ-խեղճ նայեց որդուն, որ կողքին նստած անընդհատ բզում էր նրան, արմուճեկով խփում թևին:

— Ես գնամ, իշխաններ... Գնամ հանգստանամ... Ինչպես եղբայրներս որոշեն, այնպես էլ կանեմ... Երկուսն էլ ինձնից մեծ են...

Եվ լուռ, գլուխը կախ, դուրս եկավ փոքր դահլիճից:

— Մենք միայն մեզ ենք ապավինում, իշխան, մեր միասնությանը, մեր համախմբությանը,— հուսահատ ու կոտորված սրտով ասաց Վասակը, այլևս շհու՛վատալով իր առաքելության հաջող ավարտին:— Խնդրում եմ, իշխան, այ, ես, իմ այս սպիտակ մազերով, իմ կարմիր դրոշով, իմ զինանշաններով, իմ զինվորական բարձրագույն կոչումով... էլ ի՞նչ ասեմ... Խնդրում եմ, մի՛ գնա շահի մոտ... Հաշտվիր արքայի հետ...

— Եթե այդքան խնդրում է, գուցե չգնա՞նք,— ասաց Վարձա Ապահունին, և Վասակը նորից ձեռքով լոնցրեց նրան:

— Ես չեմ կարող տեսնել, թե ինչպես է երկիրը պարսիկների և բյուզանդացիների ոտքի տակն ընկնում և ողջ-ողջ ճզմվում,— պատասխանեց Մերուժանը, մի պահ ընկճվելով սպարապետի անկեղծ աղերսանքից:— Ես ուզում եմ պատերազմի ժամանակ կռվող կողմերից մեկը լինել և ոչ թե զոհ:

— Մի մոռացիր, որ հետո էլ քո դաշնակիցը քեզ կուտի:

— Իհա՛րկե կուտի, իհա՛րկե,— ծիծաղեց Մերուժանը:— Ես ասում եմ չի՞ ուտի: Այն էլ ինչպե՛ս: Մենք էլ կթեքվենք մյուս կողմը:

— Այդպես ապրե՞լ կլինի:

— Բայց ես ապրելու ճանապարհն եմ ցույց տալիս,

ապարնապետ, ճիշտ է, սողալով, խորամանկությամբ, մաշկի գույնը փոխելով, բայց ապրելու Իսկ գո՛ւ ինչ կոչ ես անում:

— Կամ կյանք, կամ մահ,— հուզված ասաց Վասակը:

— Ոչ, միայն կյանք, միայն ու միայն կյանք:

— Ինչ գնով ուզում է լինի՞:

— Այո, ինչ գնով էլ ուզում է թող լինի:

— Ստորացման, նվաստացման...

— Այո, ստորացման, նվաստացման:

Կենան Ամատունին ինչ-որ նշաններ էր անում Մերուժանին և անհամբերությունից ուտում իրեն, որ երիտասարդ իշխանը չի նկատում: Ստիպված վեր կացավ, որպեսզի նորից մոտենա ու փսփսա ականջին, բայց Մերուժանը կես ճամփից զայրացած գոռաց նրան.

— Լավ, հասկացանք...

— Ստում ես, իշխան: Քո ամեն մի խոսքն էր սուտ: Ամեն մի բառը, ամեն մի հնչյունը: Դու թաղավոր ես ուզում դառնալ, ուրիշ ոչինչ:

Ասաց Վասակն ու հպարտացավ իրենով: Փքվեց հերոսի պես: Բարձրացավ իր աչքին: Ուղղեց ուսերը, ավելի հարմար տեղավորվեց բազմականին ու մինչև վերջ խմեց իր թասի գինին: Այ այսպես կշշպոեմ քեզ, սիրուն Մերուժան: Հիմա գո՛հ ես:

— Այո, ուզում եմ,— ժպտաց Մերուժանը:— Մի՞թե երբեիցե ասել եմ, որ չեմ ուզում:

— Ինչպե՞ս,— շշմեց Վասակը նրա անամոթությունից և փոք եկավ ինքն իր աչքին:— Եվ գու հանդգնում ես բացել-բաց ասե՞լ:

— Իսկ ինչո՞ւ ոչ, ապարապետ: Եթե ես ինձ պատրաստ եմ զգում երկիրը ղեկավարելու, եթե ես հիմար չեմ, հիվանդ չեմ, աժա ու վորովս տեղն են, ինչո՞ւ պիտի թաքցնեմ: Բա՜վական չե՞՞ կույսի ամոթխածություն խաղաչ և իրերը շկոշել իրենց անուններով: Ինչո՞ւ ինչ-որ մեկը կարող է թագավոր գառնալ միայն նրա համար, որ թագածառանգ է: Իսկ եթե ապո՞ւշ է, եթե տհա՞ս է, ոչինչ, չե՞, փոխարենն ամեն ինչ օրինական է, կարգ ու պատշաճով: Ինչո՞ւ պիտի քո որդին

սպարապետ դառնա: Միայն նրա համար, որ քո որդի՞ն էս Ի՞նչ է, ճակատի՞ն է գրված, որ զորքերի գլուխ պետք է միշտ Մամիկոնյան կանգնի: Իսկ եթե իմ որդին ավելի՞ ընդունակ է, քան քոնը: Ի՞նչ անենք, լո՞ւնք, որովհետև խոսելն ամո՞թ է: Ոչ, սպարապետ, ամեն մարդ պիտի իր գինն իմանա և շամաշի իրեն մատուցելու:

— Բայց ասա, խնդրեմ, ո՞ր մի հայը իրեն պատրաստ չի զգում թագավոր դառնալու, — մեղմ հարցրեց Վասակը: — Կարծում ես, Ապահունյաց նախարա՞րը իրեն պատրաստ չի համարում:

Վարձա Ապահունին երախտագիտությամբ նայեց Վասակին, գլխով արեց ու համեստորեն իջեցրեց հայացքը:

— Մի նենգափոխի խոսքս, սպարապետ: Դու ինձ լավ ես հասկանում: Ես պատրաստ եմ թագավոր դառնալու: Եվ կարող եմ բաց ճակատով ասել: Ամեն տեղ ասել: Շահի մոտ էլ: Կայսրի էլ: Հենց քո արքայի էլ: Թքած, թե ով ինչ կմտածի իմ մասին:

— Համենայն դեպս, ուրիշ տեղ մի ասա, — խորհուրդ տվեց Կամսարականը, ուժ առած Մերուժանի խոսքերից և այդ ամենը վերագրելով իրեն: — Մեզ ասում ես, բավական է:

— Եվ հետո ո՞վ հնարեց, թե ես հեշտ գործի եմ գնում: Չէ՞ որ դա ինքնազոհութուն է: Մանավանդ այս երկրում: Եթե ուզում ես երկիր կառավարել, պիտի կաշվիցդ դուրս գաս, օր-օրի հալումաշ լինես, մոռանաս քեզ: Ի՞նչ է, սրա՞ համար պիտի ամաշեմ:

— Համենայն դեպս, գործ շունես, — կրկնեց Կամսարականը:

— Ես քո բոլոր խոսքերին համաձայն եմ, — հանկարծ, ի զարմանս ամենքի, հայտարարեց Վասակը: — Ընդունում եմ կես առ կես: Ստորագրում եմ ամեն բառի տակ: Լիովին հանձնվում եմ քեզ: Ուզո՞ւմ ես, կարող եմ ասել նաև, որ պարտված եմ:

Մերուժանը հարցական նայեց Վասակին, որի ոտքերը չէին հասնում գետնին և, բազմականից կախ ընկած, օրորվում էին:

— Մի նեղանա, իշխան, բայց դու շարաշահում ես քո խելքը: Քո բանականությունը ինչ-որ մի տեղ խանգարում է քեզ: Եթե մի քիչ գոնե մի քիչ զգացմունք լիներ քո խոսքերի մեջ, մենք հիանալի բարեկամներ կդառնայինք: Ես ինձ վատ եմ զգում քո ճիշտ մտքերից: Որովհետև դու ամեն քայլափոխին խաբում ես ինձ: Ծուղակ ես գցում: Համակրրանք ես շահում: Եվ շահում ես անարդարացիորեն: Այ, ես նայում եմ քեզ, գիտեմ, որ խաբում ես, բայց իմանալով հանդերձ, խաբվում եմ, ուզո՞ւմ եմ խաբվել: Սակայն բավական է մի ճշմարիտ և ազնիվ զգացմունք, անարատ ու թեկուզ միամիտ մի հույզ, որ շրի քո բոլոր մտքերը: Անխտիր շրի:

— Իսկ ես քո զգացմունքներից եմ վախենում, սպարապետ: Եթե միայն քոնը լինեին, աստված քեզ հետ, ապրիր ինչպես կամենում ես: Բայց դա քո բոլոր նախորդների արատն է և քո բոլոր հետնորդների ախտն է լինելու: Քո հաղթանակներն էիր աչքս խոթում: Իսկ դու գիտե՞ս ինչ է դրանց անունը: Բարոյական հաղթանակ, ընդամենը բարոյական, գոնե հասկանո՞ւմ ես այդ բառի խեղճությունը: Սա չի՞ քո մղած բոլոր մարտերի արժեքը: Սա չի՞ զգացմունքի հաշվին ծնվող ինքնախաբեությունը: Խաբում ես, գոնե քեզ խաբիր, ուրիշների՞ն ինչի ես խաբում: Ինչո՞ւ ես բարոյական հաղթանակներով կերակրում ժողովրդիդ: Բա մեղք չե՞ն, որ թևեր ես տալիս նրանց, որպեսզի հետո թռչել ուզենան և վերջին, ամենավերջին պահին, երբ լինել-չլինելու հարցն է որոշվում, հանկարծ պարզվի, որ հավի թևեր են դրանք: Եվ հավի պես էլ մորթվեն: Կենացդ, սպարապետ: Բարի ճանապարհ քեզ:

— Եղբայր, մենք չենք կարող թշնամի լինել,— անառարկելի տոնով ասաց Վարդանը:— Միացիր մեզ, միասին գնանք Պարսկաստան:

— Հանգիստ թող մարդուն,— բարկացավ Մերուժանը և ձեռքը մեկնեց Վասակին:

Վասակը, մի փոքր տատանվելով, բռնեց նրա ձեռքը ու սեղմեց:

Հետո, առանց մնաս բարով ասելու մյուսներին, դուրս եկավ փոքր ու անշուք դահլիճից, մտովի գնահատելով, որ

Մերուժանը, շնայած իր խոշոր հարստութեանը, ապրում էր զինվորականին կամ հոգևորականին վայել համեստութեամբ:

Միջանցքում տեսավ Վահանին ու Սամվելին: Վահանը կծկվել, մի բուռ էր դարձել: Որդին ինչ-որ բան էր պահանջում և քաշում նրա թևից: Երեւի ուզում էր տանել դահլիճ և ստիպել, որ իր ուզածն ասի: Հայրը խեղճացած դիմադրում էր, խնդրում, աղերսում, որ ձեռք քաշի իրենից: Նա սայթաքեց ու ընկավ: Սյունից բռնելով, ոտքի ելավ մեծ դժվարութեամբ, որովհետև Սամվելը շարունակում էր քարշ տալ նրան: Ինչ-որ նողկալի ու քստմենելի բան կար թե՛ հոր դավաճանութեան, թե՛ որդու հայրենասիրութեան մեջ, և Վասակը աննկատ դուրս եկավ դղյակից:

— Ինչո՞ւ չձերբակալեցիր,— հենց որ մենակ մնացին, պոռթկաց Կենան Ամատունին:— Հազար անգամ ասացի: Ինչո՞ւ:

— Ծիշտ է, չափն անցկացրեց սպարապետը,— համաձայնեց Վարձա Ապահունին:— Զի կարելի, չէ՞:

— Հիմա էլ ուշ չէ,— հատ-հատ և ծանրակշիռ ասաց Վարդանը:

Մերուժանը ապշած նայեց Վարդանին, ուզեց թքել երեսին, անպատվել, ապտակել նրան, բայց սեղմեց ատամները և բթի տակ մի քանի բառ մոմոաց.

— Մարդ եք, չէ՞:

Իսկ Վասակը, նժույզը հեծած, քշում էր դեպի հյուսիս և ուրախ էր իր բացարձակ մենակութեամբ, որովհետև մինչև մայրաքաղաք ահագին երկար ճանապարհ կար, և նա մի քանի օր ազատ ժամանակ ուներ մտովի խոսելու հայերի հետ ու սիրտը դատարկելու:

Գլուխ տանվեցերորդ

— Մի սպանիր:

Գեմ-դիմաց, փայտե կարճ ցանկապատի տարբեր կողմերում, կանգնած էին նրանք, Գնելը՝ մազերը քամուն տված, բաց ճակատով, պարզ հայացքով, մեջքին՝ ահռելի, ուղարի

պիս ծնկի շոքած մի քաղաք, ու արքան՝ աչքերում վախ և խուճապ, հտուում՝ անծայրածիր ու ամայի մի տափաստան:

— Երբ գտնենք զիսկը, աղբի հետ քեզ էլ կտանեն: Դու սնունդ կտաս բույսերին: Դարնանը ես կնայեմ մատղաշ խոտերին, ծաղկած թփերին և կփնտրեմ, թե նրանցից որ մեկն է սնվել թո հյութերով:

— Դու ինձ շեռ կարող սպանել, արքա:

— Ինչո՞ւ: Որովհետև ամմե՞ղ ես: Անմեղությունն է հիմա թո մեղքը: Դու չթողցիր, որ խղճի խայթ զգամ: Իսկ ես... լաց եմ եղել քեզ համար: Անկեղծ և իսկական արցունքներով:

— Մեղավոր եմ, արքա: Ինչո՞վ հատուցեմ իզուր թափած արցունքներդ: Բայց, իմացիր, եթե մարդ սպանես թո քաղաքում, ոչ ոք այլևս չի հավատա թո խոսքին: Կկործանվի Արշակավանը: Դեռ չկառուցված կկործանվի:

— Այն, ինչ կատարվեց, չպետք է ժխտվի: Երևի կարող ես այդքան բան հասկանալ: Բայց հույս չդնես ինձ վրա: Դու ինքդ պիտի ուղղես սխալը:— Արքան գոտու տակից հանեց դաշույնը ու զցեց նրա ոտքերի առջև:— Ինքդ պիտի քանդես կծիկը:

Գնելը ժպտաց քթի տակ, և դա շվրիպեց արքայի ուշադրութունից: Նույնիսկ մի փոքր զինաթափ արեց նրան: Ի՞նչ հիմք ունեւր այս մարդը ժպտալու գիշերվա ու ադամալուսի սահմանագծին, երբ այս պահից ոչ հանգող աստղերն են նրան պատկանում, ոչ ցուրտը, ոչ այս խորին լռութունը, ոչ գաղտնիքներով լեցուն այս անվա քաղաքը, ոչ էլ նույնիսկ հենց իր ժանր ու թշվառ կյանքը՝ նրա խուլ անկյուններից մեկում: Ոչ մի բան, բացարձակապես ոչինչ, ոչ լավ, ոչ վատ, այլևս նրանը չեն: էլ ինչո՞ւ էր ժպտում:

— Որովհետև ամենահզոր մարդն իր երկրում ստիպված է ժպտվել: Ուրեմն, նա ամաչում է: Կամ վախենում:

Ու նա ծիծաղեց: Մի քիչ արհեստական, մի քիչ զոռով, առանց թոքերի, միայն ձայնով, միայն կոկորդով, բայց և նյնպես ծիծաղեց: Ու այդ ծիծաղի մեջ մահվան սարսուռ կար, ապրելու թրթիռ, մազից կախված մի նողկալի ան-

աբաշություն, որն ուր որ է պիտի լուսավորվեր և փարատեր կասկածները: Հօգուտ այս աշխարհի, կամ՝ այն...

— Ինչո՞ւ ես ծիծաղում,— էլ ավելի շփոթվեց արքան ու գրգռված կրկնեց.— Ինչո՞ւ ես ծիծաղում:

— Որովհետև դու անզոր ես իմ առաջ: Ուզում ես ու շեռ կարող սպանել: Կրակն ես ընկել քո ստեղծած քաղաքի ձեռքը:

Գնել տղա, գուցե դու ճիշտ ես, գուցե ես իրոք անզոր եմ քեզ սպանելու, մի բան, որ ինքս էլ չեմ ուզում, բայց դու իշխան ես ծնվել, ես՝ արքա, և առաջին անգամ կյանքում ես օրհնում եմ այս անհավասարությունը: Որովհետև դա ոչ միայն դիրքի, ոչ միայն հարստության, ոչ միայն ուժի, այլև միջոցների տարբերություն է, իմ նենգությունն էլ է բռնից շատ, իմ ստորությունն էլ, իմ անազնվությունն էլ...

— Կարող ես ինձ շնորհավորել, Գնել: Ես ամուսնացա: Հիմա մեր երկիրը թագուհի ունի:

— Սրտանց շնորհավորում եմ: Ուրեմն, դու վերջապես ընդունակ եղար սիրելու:

— Իսկ ինչո՞ւ չես հարցնում՝ ո՞ւմ հետ:

— Ո՞ւմ հետ, արքա: Ո՞վ է այն երջանիկ կինը, որ պատիվ ունի թագաժառանգ ծնելու:

— Փառանձեմը, Գնել: Սյունյաց Անդոզկ կիսանի գուսորը:

— Փառանձե՞մ... Իմ կի՞ներ...

— Նա մարմարի պես ողորկ փոր ունի... Ցից կրծքեր... Սպիտակ ու երկար պարանոց...— Հրճվանքից գոռաց արքան մթության մեջ, տափաստանից դեպի քաղաքը, ցանկապատի անապահոժ կողմից դեպի ապաստանը, որպեսզի հարվածը դիպուկ լինի, տեղնուտեղը խոցի, միանգամից կոտրի ողնաշարը:

Հողը երերաց, աշխարհը մթնեց, մեջքի ետևում տները գանդաղ ու անձայն փուլ եկան, կիսավարտ պարիսպը խարխուրվեց ու քանդվեց, բայց ոչ վերևից, այլ հիմքից դեպի վեր, մետաղյա ինչ-որ լար, ստամոքսի թե աղիքների մեջ, հագիվ լսելի մի ծլնգոցով պոկվեց, և անասնական մորնչոցով նա ընկավ գետնին, ծնկների վրա: Գլուխը թուլացած

կախվեց կրծքին, անհավատալիորեմն ձգվեց, պոկվելու աստիճան վզից երկարեց և, կոտորվելու շափ, ճկվեց բարակ ճյուղի պես:

— Տեսնում ես, մենք իրար ատելու հիմք շունենք: Ստիպված ենք միմյանց սիրել: Ես ու դու նույն կնոջն ենք սիրահարված:

— Ուրախ եմ, որ դու նրան տվիր այն, ինչ ես չէի կարող,— ոչ թե Գնելը, ոչ թե նախկին իշխանը, ոչ թե կործանված արշակավանցին, այլ միայն նրա շրթներն անսպասելիորեն արտասանեցին այդ մի քանի բառը:

— Ուրախ,— կատաղեց արքան և զայրույթից ակամա մի քանի քայլ արեց դեպի ցանկապատը:— Դու ձեռքդ տուր ես, որ իմ լուրը շնչեց քեզ:

— Չանցնես սահմանը, արքա,— հանկարծ տարօրինակ վճռականությամբ ասաց Գնելը և սպառնալից ոտքի ելավ:

Արքան շվարած կանգ առավ ու չհամարձակվեց նոր քայլ անելու: Փայտե կարճ ցանկապատը կանգնել էր ոչ միայն երկու մարդու միջև, այլև ամեն մեկի մեջ առանձին-առանձին:

— Թող աստված օրհնի ձեր միությունը,— խոնավ աչքերով ու կերկրորեն ձայնով մաղթեց Գնելը:

— Բայց մտքում անիծում ես ինձ,— հաճույթից շարախնդաց արքան, վստահ, որ իր հաղորդած լուրից հետո Գնելը պատահաբար է դեռ կենդանի:— Ասա՛, որ անիծում ես:

— Ուրեմն... Նա կատարեց իր խոստումը...— ինքն իրեն շշնջաց Գնելը և, չգիտես ինչու, տխուր ժպտաց ու տարակուսանքով շարժեց գլուխը:

— Խոստովանիր, որ դու նրան էլ ատեցիր.— պոկ չէր գալիս արքան,— որ քեզ համար մի պայծառ հիշողություն անգամ այլևս չմնաց: Որ կատարյալ է քո պարտությունը:

— Ոչ, արքա,— մեծ ճիգով, ինքն իր բռի մեջ հավաքելով իրեն, ցավը խլացնելու համար՝ երկարած եղունգներն ամուր խրելով ափերի մեջ, նա անգթաբար սանձեց ներսում լեռնացած ու ալեկոծված կրթերը:— Ծթե թեկուզ մի պահ հուզվեմ, և՛թե թեկուզ մի պահ տառապեմ, ես կորած եմ,

արքա: էլ չեմ կարողանա ծպտված ու թաքուն ապրել: Ես պետք է լույս աշխարհ ելնեմ: Ել այն ժամանակ դու ինձ հաստատ կապանես: Ես ինքս քեզ կտամ այդ իրավունքը: Վերցրու դաշույնը:— Նա հրեց ոտքով ու մի կողմ շարտեց:— Ետ տար:

— Մի շտապիր, եղբոր որդի: Գուցե հենց ինքդ խնդրես հետո:

— Ես ազատ եմ, արքա: Ինչո՞ւ պիտի խնդրեմ: Աշխարհի ամենաազատ մարդն եմ: Շնորհակալ եմ, որ դու իմ վերջին կապն էլ կտրեցիր աշխարհի հետ: Ես միայն այդ կապից էի վախենում:

— Քեզ չի հաջողվի ինձ ստիպել, որ ես ինքս սպանեմ քեզ,— իր անզորությունից գազազած, լրբավարի բղավեց արքան:— Դու ինձ չես կարող մեղքի տակ գցել: Ես ամեն ինչ քեզ վրա եմ թողնում: Միայն քեզ վրա:

— Ես գոյություն չունեմ, արքա,— հանդիստ ու համբերատար նրան բացատրեց Գնելը:

— Ոչ, դու ինքդ պիտի քանդես հանգույցը: Ինքդ պիտի լուծես քո հաշիվները:

— Իմ ազատությունը իմ ամենամեծ պատիժն է, արքա:

— Բայց Փառանձեմը քեզ է սիրում: Քեզ, և ոչ թե ինձ,— վրեժից հարբած, նրա երեսին նետեց արքան:— Նրա ձեռքերն ինձ են շոյում, բայց քեզ են փնտրում: Նրա նվազած ձայնը խավարի մեջ իմ անունն է տալիս, բայց ես քո անունն եմ լսում: Սրա՞ն ինչ կասես:

— Մի զրպարտիր կնոջդ, արքա: Անբիժ է նրա հավատարմությունը:

— Նա մտքի մեջ է ինձ դավաճանում: Մտովի՞: Քե՞զ հետ: Դա ավելի ստոր դավաճանություն է: Սրա՞ն ինչ կասես:

— Չես խաբի ինձ, արքա: Ինձ համար այլևս վերադարձ չկա: Իզուր ես ծուղակ լարում:

— Կա՛ վերադարձ,— տենդագին գոռաց արքան:— Հուշե՛ր կան: Կարո՞տ, սե՛ր, վրեժխնդրությո՞ւն:

— Ես քեզ խոսք եմ տալիս, որ անհայտ կմնամ մինչև կյանքիս վերջը,— խաղաղ ու զործնական տոնով, պատմու-

թյուն պատմելու պես, Գնելն սկսեց շարադրել իր ծրագիրը:—
Ոչ ոք չի իմանա իմ գաղտնիքը: Ես կապրեմ ուրիշի անու-
նով: Կկառուցեմ քո քաղաքը: Իմ բազուկներով: Իմ դեմքը
կխառնվի ամբոխին, կծուլվի նրան: Եվ մենք ամուր պարիսպ
կքաշենք քո քաղաքի շուրջը: Քարակերտ պալատդ կկանգ-
նեցնենք: Դու կնայես ու կհիանաս մեր ձեռքերի ճարտա-
րությամբ: Իսկ պալատի կողքին տաճար կշինենք: Այնքան
մեծ ու գեղեցիկ, որ աղոթքդ այդտեղից ավելի շուտ հասնի
աստծուն:

— Ուրեմն, այդքան վախենո՞ւմ ես մեռնելուց, — հեզնան-
քով հարցրեց արքան: — Եվ պատրաստ ես սողա՞լ ոտքերիս
տակ:

— Մի ամբաստանիր ինձ, արքա: Մի աղտոտիր իշխան
Գնելի հիշատակը: Մի հանդգնիր նրան վախկոտ կոչել:

— Հապա ինչո՞ւ ես այդպիսի սիրով կառուցում թշնամուդ
քաղաքը:

— Որովհետև ես հիմա անսահման ժամանակ և հնարա-
վորություն ունեմ իմ փայփայած երազանքով զբաղվելու:

— Ո՞րն է երազանքդ, եղբոր որդի, — քմծիծաղ տվեց
արքան, զայրանալով ու զարմանալով, որ Արշակավանի
խուժանին պատկանող այս կործանված մարդը դեռ երա-
զանք էլ ունի:

— Դո՞ւ:

— Ե՛ս, — շշմեց արքան ու քահ-քահ ծիծաղեց:

— Դու պետք է ուժեղ լինես, արքա, շատ ուժեղ, — մո-
լեռանդ հավատով սկսեց համոզել նրան Գնելը, ճակատին
մի երակ ցցվեց, կարմրեց դեմքը, ու ձայնի մեջ մի կարծր
ու ազնիվ մետաղ մտավ: Եվ նա արքայի ոտքերի առաջ գոր-
գի պես փռեց իր ամբողջ երազանքը, իր կյանքի իմաստը,
իր գոյության գերխնդիրը, որոնք տարիներ ի վեր խեղդվել
ու խլացել էին առօրյա հոգսերից, մարդկային կապերից,
սիրուց, երջանկությունից, վայելքներից և որոնք նա փայ-
փայել էր ու գուրգուրել ու զհիշերներին, մեջքի վրա անշարժ
պառկած, աչքերն առաստաղին, քնած Փառանձեմից և Ար-
շակունի սեպուհ Գնելից ծածուկ: — Պարտավո՞ր ես ուժեղ
լինել: Ուրիշ ելք չունես: Մեզ միավորված հայրենիք է

պետք: Եվ այդ գերագույն նպատակի համար չպիտի խնայես ոչինչ: Ոչ ուժ, ոչ եռանդ: Պիտի ոտնատակ անես ամեն բան: Եթե ճանապարհիդ խոչընդոտ հանդիպի, ձեռքդ չպիտի դողա, դեմքիդ չպիտի կասկած տեսնես: Եթե քեզ շենթարկվեն, եթե շհնազանդվեն, քարը քարին չպիտի թողնես, պիտի բնաջնջես բոլորին: Առանց խտրություն ղեկու ժերի ու մանկան միջև: Քո առաջ ճամփան պիտի հարթ լինի միշտ: Քո սահմանները պիտի անառիկ լինեն: Քո մասին երգեր պիտի հյուսեն: Պիտի գովերգեն: Պիտի փառաբանեն: Եվ արդյունքի առաջ պիտի մոռանան քո անխուսափելի ոճիրները: Քեզ հայոց ամենամեծ թագավորը պիտի հռչակեն:

— Բայց դու ինձ ատում ես, Գնել,— ապշեց, խեղճացավ ու իրեն բոլորովին կորցրեց արքան:— Հո շե՞ս կարող ժխտել, որ ատում ես:

— Քե՞զ,— արհամարհանքով Ֆշշաց Գնելը, ճակատի երակն անմիջապես անհետացավ, դեմքը կրկին գունատվեց, ձայնի մետաղը փոխվեց ավազի, ու աչքերը թույնով լցվեցին:— Ամբողջ սրտով, արքա: Ոչ որի այնքան շեմ ատել, որքան քեզ: Դու ինձ ջահել կործանեցիր: Զրպարտեցիր ինձ, քշեցիր պապիս մոտից, կասկածեցիր ամենակեղտոտ հանցանքների մեջ: Հրամայեցիր գլխատել ինձ, երբ հորս արյունը դեռ չէր շորացել ձեռքերիդ: Չնչի՞ն մարդուկ: Հիմա ամբողջ երկիրդ ինձ դավաճան է համարում, անունս անեծք է բոլորի շրթներին: Դու ամուսնացար իմ սիրած կնոջ հետ: Շլացրիր նրան թագով ու հարստությամբ: Տիրացար իմ ամենամեծ գանձին: Ինձ դարձրիր ոչնչություն: Թշվա՛ռ ներքինի: Ատե՛լ: Քի՛չ է ասել ատելություն:

«Իսկ փորը...— Այդ միտքը մտրակի պես դաղեց, քերժեց, ճանկոտեց նրա հոգին:— Իրոք մարմարի պես ողորկ էր... Դու շատեցիր, արքա... Ցից կրժքերը... Սպիտակ, երկար պարանոցը... Աստված է վկա, որ իրավացի էիր դու...— Մի ակնթարթ, միայն մի ակնթարթ նա իրեն թույլ տվեց վերանալու այս կոպիտ ու ցուրտ հողից, որի վրա սառում էին կիսաբորիկ ոտքերը ու ինքն իրեն, ինքն իր համար, առանց արցունքի լաց եղավ...— Ոտքերը մոռացար, արքա... Ժպի-

տը... Զաչնը... Ատլաս սրունքները... Սաթի տաք բումբերը...
Մոռացար, մոռացար...»:

— Հապա էլ ինչի՞ էր այդպիսի վարակիչ հավատ
հնչում քո խոսքերում,— էլ ավելի թևաթափ եղավ արքան
ու մի տեսակ երկյուղ զգաց ծառայի հնացած ու մաշված
ջորերով այս անծանոթ մարդուց:

— Իմ խոսքերը քեզ չեն վերաբերում,— խորապես վիրա-
վորվեց Գնելը:— Մի խառնիր անարժան անձդ: Ես արքայի՞
մասին եմ մտածում: Իսկ արքան դու չես միայն: Ես եմ: Մեծ
թե փոքր նախարարները: Ամենահետին շինականն անգամ:
Մեր ապագան: Մեր գոյությունը: Ի՞նչ անենք, որ այդ ամենը
մարմնավորված է քո պես շնչին ու անպետք մարդու մեջ:

— Իսկ դո՞ւ ինչ ես,— կանացի ճղճղոցը գցեց արքան ու
ջղայնությունից ոտքով հարվածեց փայտե ցանկապատին:—
Փափկասուն օրիորդ... Հոռոմների ձեռքին մեծացած...
Աղջկա մաշկով, անմազ, սիրուն... Գուցեև արվամուլ ես,
հը... Ինչ կա որ, մեղկ և փափուկ կյանքի ես սովոր... Նա-
խարարների պատանի որդիներին թևիդ տակ հավաքած, ան-
բարո գործեր էիր տեսնում... Պղծում էիր մի ամբողջ սե-
րունդ... Եթե կի՞նդ իրոք սիրում էր քեզ, ինչո՞ւ մի օրվա մեջ
մոռացավ վիշտը... Դու երջանիկ գիշերներ չես պարգևել
ներան... Իսկ այդպիսի կնոջ համար պետք է ամեն գիշեր
զոհասեղան դառնաս... Ամեն անգամ նորից նվաճես նրան...
Անընդհատ վաստակես այդ իրավունքը... Միշտ սկզբի կե-
տից, մի՛շտ... Հապա եթե դո՞ւ հանկարծ դառնայիր թագա-
վոր... Դու ավելի նենգ ու դաժան կլինեիր... Փառք աստծո,
որ ինձ է վիճակվել թագավորելու այս երկրում և ոչ թե
քեզ... Ու շնորհակալություն. հազար քեզ շնորհակալություն,
որ քո պատճառով ես բարձրացա իմ աչքին...

— Եթե այդպես է, գնա: Մենք էլ խոսելու բան չունենք:
Գնա, ինչո՞ւ ես կանգնել:

— Որովհետև դու հետաքրքրեցիր ինձ,— ճղճղոցը կրտ-
րեց ու մտախոհ ասաց արքան:— Դու գիտե՛ս, թե ինչ ես
ուզում: Դու հավատո՞ւմ ես ինչ-որ բանի: Եվ քո հավատը
միայն ես կհասկանամ: Ուրիշ ոչ ոք: Բայց ինչո՞ւ դու: Եվ
ինչո՞ւ, ինչո՞ւ միայն դու:

— Մենք միասին կշենացնենք մեր երկիրը,— ոգևորությամբ ու եռանդից խեղդվելով, ասաց Գնելն արքային:— Կհզորացնենք: Կդարձնենք միավորված ու անկախ: Ծվ մենք այդ ամենին կհասնենք, երբ կառուցվի Արշակավանը: Քո քաղաքը:

— Ի՞նչ բան է Արշակավանը, Գնել,— համակ ուշադրություն դարձավ արքան:— Ի՞նչ բան է, ի՞նչ:

— Ուժ, անկախություն, միասնություն: Եթե վաղը պատերազմ սկսի, դու կախված չես լինի նախարարներից, օգնություն չես մուրա նրանցից: Դու քո սեփական ուժը կունենաս:

— Բայց ինչո՞ւ միայն դու, ինչո՞ւ, ինչո՞ւ:

— Դու ինձանից մի վախենա: Ծս չկամ: Գոյություն չունեմ: Չեմ երևա:

— Եվ փառքի կարիք երբե՞ք չես զգա:

— Ինձ քո փառքն է պետք: Միայն քո փառքը:

— Շնորհակալ եմ, Գնել:

— Միայն ափսոս, որ այդ մեծ նպատակներին ձգտում է մի ողորմելի ոչնչություն: Այդ հակասությունը կարող է ժիժաղելի դարձնել մեր սուրբ և արդար գործը:

— Լեզուդ քաշիր, Գնել,— կատաղեց ու սպառնաց արքան:— Ինձ համբերությունից մի հանիր: Քո բախտն իմ քմահաճույքից է կախված:

— Մի վախեցրու, արքա: Ծս գիտեմ, որ ընդունակ ես ամեն ինչի: Բայց ինչ վատություն էլ որ անես, մեկ է, ես օղնելու եմ քեզ: Իմ օգնությունից դու չես պրծնի:

— Իսկ եթե շուգենամ քո օգնությունը: Ի՞նչ է, հո չե՞ս կարող բռնի պարտադրել ինձ: Մի սպառնա քո համոզմունք-էերով:

— Դու վանդակի մեջ ես, արքա: Փակուղու առաջ: Դու քեզ պատեպատ ես խփում: Ծս չեմ կարող քեզ այդ վիճակում տեսնել,— ջանասիրությամբ ու համբերությամբ Գնելը քացատրեց արքային:— Միևնույն է, ես աջակցելու եմ քեզ: Ոչ թե քեզ, այլ քո գահին, քո պաշտոնին: Ուզես թե չուզես, օգնելու եմ, թիկունք եմ կանգնելու: Դու դառնալու ես հզոր ու երջանիկ: Բոլորը նախանձելու են քեզ: Մատով են

ցույց տալու Ի՞նչ նշանակութիւն՝ դու այդ վճռել ես, թե ոչ: Ունե՞ս մտադրութիւն, թե շունես: Քո կարծիքն ինձ բնավ չի հետաքրքրում:

— Դու շար ես, Գնել, և պնդաճակատ: Դժվար թե մեր միջև որևէ կապ ստեղծվի:

— Դու գիտես, արքա: Չեմ ստիպում: Երբ որ ուզենաս, երբ որ իմ կարիքն զգաս, կարող ես գալ:

— Չեմ գա, Գնել: Դու այլևս շես տեսնի ինձ: Ես խորհրդատուներ շատ ունեմ:

— Կգաս, արքա: Դու հիմա էլ գիտես, որ գալու ես: Քո խորհրդատուներն ազատ շեն: Իսկ ես ազատ եմ: Քեզնից էլ ավելի: Նույնիսկ ինձնից...— Հետո աչքերի մեջ դարձյալ ծնվեց նույն պինդ ու մոլեռանդ հավատը, հարթ և կոշտ մազերը թափվեցին գունատ երեսին ու ծածկեցին դեմքի կեսը:— Հիշիր, երկիրը պիտի կառուցել, ստո՛վ, սխալո՛վ, ճշմարիտո՛վ, ամե՛ն ինչով, բայց պիտի կառուցել:

— Դու ինձ համոզում ես դաժանութիւն գործել: Ստիպում ես խտրութիւն չդնել միջոցների մեջ: Վերջնական նպատակի անունից ես խոսում: Դու՛ զագաթին կանգնած, իսկ ես՝ ներքեում, ստորոտին: Բայց չէ՞ որ այդ ճանապարհը ես եմ անցնելու, ես, ե՛ս եմ ձգտելու դեպի գագաթը...

— Չանցնես սահմանը, արքա... Հեռու կանգնիր...

— Իսկ ես դեմ եմ դաժանութիւն գնով մի քայլ անգամ անելու,— հնազանդորեն ետ քաշվեց արքան:— Դաժանութիւն վրա կառուցված երջանկութիւնը խարխուլ կլինի: Փուլ կգա, շեն դիմանա հիմքերը:

— Որովհետև վախկոտ ես ու անվճռական: Ոչ թե ազնիվ ես, ո՛չ, այլ պարզապէս մանր դաժանութիւնների ես սովոր: Նախ քո վախը հաղթահարիր: Ներքին խոշընդոտներդ վերացրու:— Գնելն ուղղեց մազերը, նստեց մի քարի, որը, ինչպէս և մյուս հարյուրավոր ոչ սրբատաշ քարերը, դեռ պիտի դրվեր պարսպի վրա, ու ծիծաղեց:— Ես նոր հոգսեղ ավելացրի քո ուսերին: Քո աչքերի մեջ երկընտրանք ծնեցի: Պե՞տք եմ քեզ, թե՞ ոչ: Սպանե՞ս ինձ, թե՞ չսպանես: Լուծիր, արքա: Հենց հիմա լուծիր: Գոնե հիմա տղամարդ եղիր: Եթե թեկուզ մի պահ մտքովդ անցնի, որ պետք չեմ, սպանիր: Ես

հանգիստ կմեռնեմ: Արդե՞ն վստահ քո ուժին ու անցնելիք ճանապարհին: Որովհետև գոնե իմ հաշվին կսովորես վճռական լինել:

— Ես անգնեմ... —

— Վախկո՞տ... Թշվառակա՞ն... Ոչնչութի՞ւն... Ահա քեզ գնեք... — Նա ընդոստ վեր կացավ ու ոտքով հրեց դաշույնը: — Խոստովանիր ճշմարտութիւնը... Քե՛զ խոստովանիր... Ասա, որ շեւ ուզում ինձ սպանել...

— Կենդանի մնա, Գնել... Խնդրում եմ... ողջ եղիր...

— Ուզո՞ւմ ես ինքդ քեզ փորձել, արքա:

— Ուզում եմ, — խոստովանեց արքան: — Շատ եմ ուզում:

— Ասում եմ, որ քո հայրը, այսինքն՝ պապս, այս ու այն կողմ ընկած, ողբում է իմ մահը և անծիում քեզ: Նկատի ունեցիր, որ նա մեր նախկին արքան է: Եվ շմոռանաս նաև, որ կույր է: Շահն է նրան կուրացրել: Իսկ դու գիտե՞ս, որ այս դժբախտութիւնները հիմա ինչ հզոր գնեք են նրա ձեռքին: Նրա խոսքը շատ ազդեցիկ է: Նա կարող է մեծ վնասներ պատճառել քեզ: Վախեցիր հատկապես նրանցից, ովքեր վնաս են պատճառում առանց գնեքի ու գորքի:

— Ի՞նչ անեմ, Գնել, — մռայլվեց արքան, հիշելով իր ամենափափուկ ու ամենախոցելի տեղը, այն պատառը, որ դեմ էր առել կոկորդին ու կուլ շէր գնում: — Գիտեմ, բայց ի՞նչ կարող եմ անել:

— Ինքդ որոշիր, — սառը պատասխանեց Գնելը, և դեմքի ոչ մի մկանը չշարժեց:

— Բայց... Դու սիրում ես քո պապին... — ինչ-որ մտքից սարսափած, կմկմաց արքան, կծկվեց ու դող ընկավ մարմինը:

— Կնոջս ու պապիս, — ջերմությամբ արձագանքեց Գնելը: — Նրանց եմ սիրել միայն... Աշխարհում ամեն ինչից ավելի...

— Իսկ ի՞նձ ինչու ես զրկում սիրո իրավունքից... Նա իմ հայրն է...

— Բայց նա վտանգ է սպառնում քեզ... Նույնն է, թե՛ երկրին: Շատ լաւ ողջ վտանգ:

— Գուցե համոզե՞մ նրան, — խուճապի մեջ ընկավ արքան: — Աղաչե՞մ... Ոտքե՞րն ընկնեմ...

— Չնչի՛ն մարդ... Փալա՛ս...

— Հապա ի՞նչ անեմ, — անօգնական հարցրեց արքան, վերջնականապես զգալով, որ դրուժյան լրիվ տերը Գնեկն է հիմա:

— Չգիտեմ: Բայց դու պետք է տեղյակ լինես, որ նա ուզում էր ինձ թագավոր տեսնել քո փոխարեն: Որպեսզի, իմ տարիքից ու անփորձությունից օգտվելով, երկրի փաստական տերը դառնար:

— Բայց նա մեր սիրելին է, Գնեկ... Նա քո պատճառով է ինձ անիծում... Արդարության համար... Ճշմարտության... Քե՛զ համար... — Նա ուղղեց կծկված մարմինը, արագ մտևեցավ ցանկապատին, ճարպիկ մի ցատկով անցավ սահմանը, կատաղորեն բռնեց Գնեկի կոկորդից ու հեկալով գոռաց նրա երեսին. — Եթե մի բառ էլ ասես... եթե մի հնչյուն էլ արձակես... շանսատակ կանեմ քեզ...

Գնեկը բռնեց նրա դաստակներից, ամբողջ ուժով սեղմեց, պոկեց իր կոկորդից ու հանգիստ մի կողմ տարավ:

— Մի բան էլ չմոռանամ, — անվրդով ասաց նա շփոթված արքային, որ չգիտեր ուր դնել ձեռքերը: — Ոչ ոք չպետք է իմանա, որ ես դավաճան չեի: Չասես, որ խարդավանքի զոհ եմ եղել:

— Իսկ անո՞ւնդ, — արդեն լրիվ իրեն կորցրեց արքան, որովհետև անընդհատ իր անձը մտովի դնում էր նրա տեղը ու ոչինչ չէր հասկանում:

— Իմ անունը թող քիչ մտահոգի քեզ: Դու միայն քո օգտի մասին մտածիր: Դա նաև իմ օգուտն է: — Լոեց մի պահ, դեմքին մեղմություն ու բարություն իջավ, մի ստվեր, մի պատառիկ անցյալ ու կորած կյանքի թուլություններից, ու նա խոսեց փոքր-ինչ ամաչելով ու կարմրելով: — Թագածառանգ կծնես, լսո՞ւմ ես, անպայման թագածառանգ: Գահի վրա պետք է քո որդին նստի: Փառանձեմն ինձ համար մի աղջիկ ծնեց միայն: Իսկ քեզ համար տղա կբերի: Թույլ տուր ես կնքեմ անունը: Միշտ երազել եմ ազա. անենալ և

անունը դնել Պապ: Թող հիմա քո որդին այդպե՞ս կոչվի՞ս
Պապ թագավոր:

— Պա՛պ թագավոր,— նրա հուզմունքից վարակվեց ար-
քան:— Վատ չի հնչում:

— Կա՛մ նայիր քեզ: Արթուն եղիր միշտ: Հսկիր, պահպա-
նիր կյանքդ: Զգուշացիր մահափորձերից: Ոչ ոքի մի հավա-
տա: Ոչ ոքի մի վստահիր: Զթողնես, որ քեզ էշնահատակ
անեն:

— Արդեն լուսանում է, Գնել, ես գնամ: Մնաս բարով:

— Գնաս բարով, արքա:

Կանգնել էին դեմ առ դեմ ու նայում էին իրար, Գնելը՝
մազերը քամուն տված, բաց ճակատով, պարզ հայացքով,
մեջքին՝ ահռելի, ուղտի պես դանդաղ ոտքի ելնող մի քա-
ղաք, ու արքան՝ աչքերում դեռ չհանգած վախ և խուճապ,
ետևում՝ անծայրածիր ու ամայի մի տափաստան:

— Թշվառակա՛ն,— հանկարծ պայթեց Գնելը ու գոռաց
փողոցային լակոտի պես:— Ճիճո՛ւ... Արնախում տզրո՛ւկ...

— Դու մարդ չես...— Նույն ձևով նրան պատասխանեց
արքան:— Քարից ես շինված... Քեզ մայր չի ծնել... Արվա-
մուլի պես դաժան ես դու...

— Վախկոտ սողուն... Փոքրոգի... Ողորմելի փալաս...

— Դո՛ւ ես... Դո՛ւ ես... Անխիղճ և անաստված... Անզութ
և անմազ... Սպիտակ մաշկով... Դո՛ւ ես...

Անծայրածիր տափաստանում Գնելը իր փշրված անցյալն
էր տեսել, տեսել էր ծանոթ ու հարազատ դեմքեր, շոգ
արևի տակ հաստ մուշտակ հագած կնոջը, հասունացած
աղջկան, որը տարիքով ավելի մեծ էր մորից, բաց աչքերով
պապին, որ նայում էր շուրջը և, չգիտես ինչու, իրար ետևից
առարկաների անուններ տալիս, Արշակ հորեղբորը, որն
ամենքից ավելի բարի դեմք ուներ ու ազնիվ ժպիտ, և լալն,
փայտե քառոտանի մահիճը քիչ հեռվում, վրան՝ բրդեղեն
անկողինը, սպիտակ պաստառակայր, սնարն ու վերմակը:

Մինչև այդ, մի հեռավոր, հագիվ լսելի աղմուկ էր ծնվել
քաղաքի ընդերքում, դեռևս անվստահ, դեռևս ամոթխած, բայց
որը հետզհետե թափ էր առնում, ուժգնանում, դուրս թռչում
երգիկներից, լցվում ծուռումուռ փողոցները, քսվում կավա-

շեն պատերին, մի պահ շփոթվում, կորցնում ուղղությունը, ապա ուշքի գալիս և առաջ սուրում:

Գեռ ոչ մի մարդ չէր երևում, բայց քաղաքն արդեն արթուն էր, հաստատ արթուն էր, ապրում էր անտեսանելի ու ընդհատակյա կյանքով:

Արքան և Գնելը լռեցին, իրենց հայացքներն ակամա ուղղեցին քաղաքի կողմը, բնազդորեն որսալով օդի մեջ սավառնող ինչ-որ անհասկանալի գրգիռ:

Բայց աղմուկը, որքան էլ տարօրինակ թվար, որոշակի դարձավ ոչ թե քաղաքի, այլ տափաստանի կողմից:

Մի ձիավոր էր գալիս հեռվից, փոշու հակայական ամպեր գոյացնելով ետևում: Ձին այնքան արագ էր թռչում, որ ոտքերը կարծես չէին դիպչում գետնին:

Արևը դեռ դուրս չէր եկել, բայց լույս էր արդեն: Ահա ուր որ է երկինքը կշառագունի, նոր հոգսերի և ուրախությունների, նոր երջանկությունների ու դժբախտությունների, նոր մահերի ու ծնունդների, նոր կասկածների ու վախերի ևս մի օր պարգևելով Արշակավանի բնակիչներին:

Ձիավորը, շտապելուց առաջ ընկնելով ինքն իրենից, ինքն իր արագությունից, հետզհետե մոտեցավ նրանց, ու արքան ճանաչեց սենեկապետ Դրաստամատին:

Դրաստամատը ձգեց դանդանավանդը, քրտնած ձին խրխնջաց, բարձրացավ ետին ոտքերի վրա ու կանգ առավ: Դրաստամատը թռավ թամբից և, հուզմունքից աղավաղված ձայնով, հաղորդեց ամբողջ ճանապարհին ուսերին շալակած ու իր հետ բերած գուժը:

— Բյուզանդիայի և Պարսկաստանի միջև պատերազմ սկսվեց, արքա...

Արքայի առաջին քայլը եղավ հանել գլխին փաթաթված ծածկոցը, որը պետք է անճանաչելի դարձներ նրան...

Այսպես նա ավելի ամուր ու վստահ զգաց իրեն, և բնազդը հուշեց, որ նախ և առաջ այդ զգացողությունն էր նրան անհրաժեշտ:

Գնելը, որպես հավատարմության նշան, անմիջապես ծնկի շոքեց և գլուխը հարգալիբ խոնարհեց նրա առաջ:

Միակ միախթարանքն այն էր, որ այդ լուրը տեղ հասավ ոչ թե պալատում, որտեղ մարդկանց կեսը պարսկերեն էին գաղտնի խոսում իրար հետ, կեսը՝ հունարեն, այլ Արշակավանում, իր քաղաքում, երկրի վերջին ապաստանում:

Զարմանալի մի հանգստութիւն իջավ արքայի վրա, մի տարօրինակ ինքնատիրապետում, կարծես հոգեկան խռովքը խաղաղեցնելու համար հենց այդ գուժն էր նա սպասում, վերջակետը, անորոշութեան նահանջը:

Քաղաքում արդեն մարդիկ էին հայտնվել: Գլուխ գլխե տված, քիթ քթի, ինչ-որ բան էին հուզված խոսում ու քննարկում:

Պատերազմ էր:

Նկատելով քաղաքի ծայրամասում հայտնված ձիավորին, բոլորն ակամա, կարծես խոսքները մեկ արած, վազեցին դեպի ցանկապատը ու զարմանքից կանգ առան:

Արքան էր, մի քիչ տարօրինակ հագնված, ոչ ընտանի գույներով, բայց, ոչինչ, էլի արքուն էր, իհարկե արքան էր, իրենց հարցերի միակ պատասխանը, իրենց միակ ապահովութիւնը:

Բազմութիւնն անմիջապես շատացավ ու փովեց արքայի հայացքի առաջ:

Սա նրանց երկրորդ հանդիպումն էր, և հիմա, դարձյալ խոր լուսթյան մեջ, ամբոխն ու արքան նայում էին իրար:

— Կեցցե՛ արքան,— հիշեցնելով նախկին դասը, գոռաց արքան:

— Կեցցե՛ արքան,— մի մարդու պես արձագանքեց ամբոխը, մեծ գոհունակութիւն պատճառելով արքային, որ նրա տված դասը զուր չի անցել ու չի մոռացվել:

Չէ, ընդունակ է արշակավանցին, քրձերի մեջ է, արև:ց խանձված, քարերի կոշտուկները ձեռքերին կարծես փոխանցված, ոտաբորիկ, բայց՝ ընդունակ:

— Կեցցե՛ արքան,— նորից միաբերան գոռացին բոլորը, կարծես է՛լ ավելի լավ սերտելու համար արքայի դասը, է՛լ ավելի լավ յուրացնելու՝ արքաներին հարգելու, հայրենիքը սիրելու, միասին ապրելու ու երկրի համար մինչև վերջին

շունչը կռվելու պատգամները: Եվ կրկնելու այնքան, մինչև որ անգիր անեն ու այլևս կարիք չլինի հիշեցման:

Արքան հազարավոր կեցցեաների միջից կարողացավ ջոկել Գնելի ոգևորված, պատանեկան զիլ ձայնը, և ապա կուրծքը պայթելու շափ լցվեց ուրախությամբ ու հրճվանքով, տեսնելով, թե ինչպես ամբողջը, ջանասեր ու առաջադիմող աշակերտի պես, ծնկի է շոքում իր առաջնորդի առջև:

«Ուրեմն, գործերն այնքան էլ վատ չեն,— մտածեց արքան,— քիթդ շատ մի կախիր»:

Ն

Ս

Ա

Մ

 Ե Բ Կ Ը Ո Թ Գ

Գլուխ տասնյոթերորդ

Կյանքը կտար, միայն թե կծիկի ծայրը գտներ, իմանար, թե այդ ինչպե՞ս է պատահում, որ ամեն օր տասնյակ սայլեր են ճամփա ընկնում դեպի Արշակավան՝ Բեռնված շինանյութերով և սննդամթերքով, բայց մեծ մասը տեղ չեն հասնում, այդ ինչպե՞ս է լինում, որ անձամբ ինքը արքան, երկրի առաջին դեմքը, ժիրանակիրն ու ժիրանավորը, ամենահզոր հայը, ուշի ուշով հետևում է Արշակավանի կառուցմանը, բայց էլի գործը տեղից չի շարժվում, ում հարցնես՝ մեղավոր չէ, արդարանում են ճարպկորեն, իրենց անմեղությունն ապացուցող փաստարկներ բերում, և բոլորը՝ համոզվի՛չ, անհերքելի՛։ Ո՞ւմ օձիքից բռնես, ումի՞ց պահանջես, ո՞ւմ պատժես։

Բյուզանդիայից էլ պատգամավորությո՞ւն է եկել։ Ի՞նչ են ուզում իրենից։ Չի՞ լինի՝ մինչև գետին խոնարհվի ու ռամկավարի ասի՝ շատ շնորհակալ եմ ձեզանից, հայրենա-

կիցներ, լիուլի կուշտ եմ ամեն ինչից, եկեք, մի քիչ էլ դուք
թագավորեք, ուզում եք բյուզանդացի պատգամավորներին
ընդունեք, ուզում եք՝ ճենաց, միայն թե հանգիստ թողեք
ինձ...

— Չկա խոսքը մտքներիցդ հանեք,— գոռաց նա գահա-
սրահում հավաքված նախարարներին:— Եթե պետք լինի,
պալատը կքանդեք, ուսներիդ շալակած կտանեք Արշակա-
վան:— Նա վաղուց էր նկատել, որ իր ամեն մի կոպիտ
խոսքից հետո նրբակիրթ նախարարները, հատկապես նրանք,
ավբեր հունական դաստիարակութունն ունեին, շփոթության
մեջ էին ընկնում: Դա անասելի ուրախութուն էր պատճա-
ռում նրան, և նա է՛լ ավելի անսքող էր ցուցադրում այն
ամենը, ինչ, ըստ նրանց, վայել չէր արքային:— Սրանց
տեսեք, ճանապարհները դժվար են, լեռնայի՛ն: Ի՛նձ ինչու
եք բողոքում: Հայկ նահապետից դժգոհեք, որ բերեց, երկիրը
զցեց այս քարերի մեջ: Պալատի աստիճանների համար մար-
մար ճարել են, իսկ պարսպի հաստութունը՝ ա՛յ... Ոտքով
խփես, կքանդվի... Գիտե՛մ, գիտե՛մ... Թող սպասեն...— Է՛լ
ավելի ջղալնացավ նա, թեև ոչ ոք չէր հիշեցրել բյուզան-
դացի պատգամավորների մասին:— Մթե՛րքն ինչու է ուշա-
նում Արշակավան: Պալատական ճաշկերույթներին քիչ լա-
փեք: Թող սպասեն, գիտեմ... Սենեկապետ, ներս հրավի-
րիր...

Դրաստամատը, որ կանգնած էր պատվանդանի մոտ,
պատրաստվեց դուրս ելնելու, երբ արքան կտրուկ թեքվեց
արմնկակալի վրա, բռնեց նրա թևից, մոտ քաշեց ու ական-
ջին ինչ-որ բան փսփսաց:

Տիրեց քար լուսնուն: Բոլորի հայացքները գամվեցին
նրանց, և այդ փսփսոցը ընդհանուր դժգոհություն ու զայ-
րույթ առաջացրեց: Արքայի ուզածն էլ հենց այդ էր: Առանձ-
նապես բան էլ չուներ ասելու: Դիտմամբ էր արել, որ մի քիչ
նվաստացներ իր փետրակալած մեծամեծներին:

«Արքայություն հետո կանենք, Դրաստամատ, հետո...
երբ երկիրը ոտքի կանգնի...— շնչաց նա:— Դու տես, թե
ինչ քաղաքակիրթ ու նրբասուն արքա կունենաս այն ժամա-

նակ... Ես քեզ խոստանում եմ... Իսկ հիմա գործ ենք անում, սենեկապետ, միայն գործ...»

— Շա՛տ է երևում հուզմունքս,— հարցրեց նա, առանց որոշակի հասցեի:

— Ամեն ինչ կարգին է, արքա,— հանգստացրեց Հայր Մարդպետը:

Իսկապե՛ս հուզված էր: Աշակերտի պես տրոփում էր սիրտը: Եվ ո՛ւր իմանար, որ այտերի՝ ու ականջների կարմրությունը մատնում էր նրան, դավաճանում օրը ցերեկով: Փաստորեն կյանքում առաջին անգամն էր երես առ երես հանդիպում իր թշնամիների հետ: Եվ հոգու խորքում վախենում էր, վախենում էր ու չէ՛ր խոստովանում իրեն: Այն զգեստները, որ հագել էր ամիսներ շարունակ, հիմա թվում էին կամ լայն, կամ նեղ, համենայն դեպս՝ նա վստահորեն չէր կրում դրանք: Միայն թե լավ տպավորություն թողնեք, հաջող հանձներ այս քննությունը: Ափսոս, զարդերը քիչ են վրան, շա՛տ ափսոս...

Պատգամավորները հինգ հոգի էին: Ղեկավարը մի քայլ առաջ անցավ մյուսներից և հարգալիր խոնարհվեց արքայի առջև: Խոնարհվեք պիտի, հապա ի՞նչ պիտի անեք, բայց դա մի տեսակ ուժ տվեց արքային, գլխի գցեց, որ ինքն է տանտերը, իր գահով, իր սահմաններով, իր զորքերով: Եվ հիմա էլ մի ուրիշ ծայրահեղության մեջ ընկավ, երեխայի պես հրճվելով այն մտքից, որ եթե շատ ուզենա, կարող է հենց այնպես, թեկուզ և առանց պատճառի, գլխատել այս հինգին էլ:

— Կայսրը իր ողջույններն է հղում հայոց արքային և հույս է հայտնում, որ կարող է վստահ լինել նրա դաշնակցությանը:

Եվ ասո՞ղն ով էր: Բեղ մորուքը հագիվ բուսած մի պատանի, որի հետ պարտավոր էր հաշվի նստել հայոց թագավորը: Ոչինչ, այդ էլ կանի, ատամները սեղմած, այդ նվաստացումն էլ կտանի, միայն թե թողնեն հանգիստ ապրել, մենք՝ մեզ համար, դուք՝ ձեզ համար: Ուզո՞ւմ ես՝ ե՛ս վեր կենամ ու խոնարհվեմ քո առաջ, քո, որ կարող էիր իմ

որդին լինել, պայմանով, որ վերադարձից հետո իմ մասին նպաստավոր կարծիք հայտնես քո հզոր կայսրին, և նա բարի աչքով նայի իմ երկրին...

— Իմ անունից հավաստիացրեք կայսրին, որ ես մենում եմ նրա կրտսեր եղբայրը և հավատարիմ դաշնակիցը:

Գուցե քի՞չ սասց: Գուցե անամոթաբար շողոթորթի՞, առանց թաքցնելու քծնի՞, բացահայտ ցուցադրի՞ իր ոչնչությունը կայսրի առաջ: Բայց շատ է ջահել այս պատանին, շատ է դողում իր նորաթուխ բեղի և մորուքի վրա, որոնք դեռ արտասովոր են նրա համար: Եվ արքան չէր կարողանում սրա մոտ մոռանալ իր տարիքը, ո՛չ թե գահը, ո՛չ թե թագը, այլ տարի՛քը: Էլ ինչպե՞ս գլուխ ծռի, էլ ինչպե՞ս վիզ թեքի:

— Կայսրը որոշեց մի հաճելի անակնկալ մատուցել քեզ, արքա: Նա քեզ կնության ուղարկեց իր մեռած եղբոր Կոստասի նշանած Օլիմպիային, Պրետորյանների պրեֆեկտ Արլաբիոսի դստերը:

— Կնությա՞ն,— ցնցվեց, սփրթնեց արքան, փորձեց կրկնել հարցը, բայց լեզուն կապ ընկավ: Էլ ի՞նչ կարիք կար կամավոր կերպով սեփական ոչնչությունը ցուցադրելու, եթե թշնամին ինքը հիշեցրեց այդ մասին: Խոսիր, արքա, խոսիր, լռելու ժամանակը չէ, հանկարծ չկարծեն, թե դու երջանիկ չես այս թանկարժեք ընծայի համար:— Ես շատ շոյված եմ... Գա մեծ պատիվ է ինձ համար... Երախտապարտ եմ կայսրին... Ես չեմ հանդգնի մերժել իմ մեծ եղբոր առաջարկը...

Ո՞վ է այս երիտասարդը, որ այսպես տարակուսանքով է նայում իր արքային ու զարմանում, թե ինչո՞ւ նա չի վռնդում այս անկոչ հյուրերին, ինչո՞ւ արհամարհանքով չի խոսում նրանց հետ, ինչո՞ւ է հանդուրժում այսքան վիրավորանք ու լկտիություն: Ա՛, Սամվելն է, Մամիկոնյան Վահանի զավակը: Ես միայն քեզ համար եմ ցավում, որդիս: Ցավում եմ, որ քո կուռքը ոչ թե քարից էր շինված, այլ ավազից, որ նա պատվանդանից ընկավ ու, դեռ գեւոնին չհասած, փշուք-փշուք եղավ: Ես քո առաջ եմ միայն ամաչում, ուրիշ ոչ ոքի: Որովհետև քո հավատը խորտակեցի: Ինչքան էլ քեզ բացատրեմ, ինչքան էլ համոզեմ, որ սա դիվանագիտություն է, փոքրերի ու մեծերի համար սահման-

ված աշխարհի օրենքն է, միևնույն է, դու շեռ հասկանաւ Եմ կեցցե՛ս, որ շեռ հասկանաւ Եթե դու էլ հասկանայիր ու ներքիր, ուրեմն, ոչ մի պայծառ կետ այլևս չէր մնա ինձ համար:

Պատգամավորներից մեկը բաց արեց գահասրահի երկբացիկ դուռը, և ներս մտավ բարեկազմ մարմնով տգեղ մի կին: Նա շփոթմունքից կարմրեց և խոր գլուխ տվեց, աշխատելով ոչ ոքի չնայել: Արքան, չգիտես ինչու, վստահ էր, որ նրա տգեղությունը գոհունակություն պատճառեց նախարարներին և որ նրանք հիմա մտովի շարախնդում են իր վրա:

— Կայսրին հետաքրքրում է, թե հայոց արքա՛ է ի՞նչ նպատակով է կառուցում Արշակավան քաղաքը, — շարունակեց պատգամավորության ջահել ղեկավարը: — Նա ինձանից ստույգ և որոշակի պատասխան է սպասում:

— Հաղորդեցեք իմ մեծ եղբորը, որ Արշակավանի կառուցումը քաղաքական որևէ նպատակ չի հետապնդում և ոչընչով չի դիպչում կայսրության շահերին, — մի փոքր անակընկալի եկած, պատասխանեց արքան: — Կայսրին քաջ հայտնի է, որ ամեն հայ թագավոր իր անունով մի նոր քաղաք է կառուցել, որպեսզի հիշատակ թողնի սերունդներին: — Ապա հայացքն ընկավ Օլիմպիայի վրա և, խոսակցության նյութը շեղելու համար, անմիջապես ավելացրեց. — Ես ինձ պարտ եմ համարում մինչև մահ սիրել և հարգել իմ կնոջը: Նրա հմայքն ու գեղեցկությունը նոր շուք կտան իմ պալատին:

— Կայսրը պատվիրեց, որ բանակդ կազմ ու պատրաստ լինի և սպասի նրա հրահանգներին, — ասաց ջահել ղեկավարը և, առանց պատասխանի սպասելու, գլուխ տվեց որպես հրաժեշտի նշան:

Այնպես կթակեի քեզ, շան լակոտ, այնպես կհասցնեի մերկ հետույքիդ և շատ էլ ցավ չէի պատճառի, որպեսզի չկարծես, թե շատ լուրջ եմ վերաբերվում քեզ:

— Միշտ պատրաստ եմ ծառայելու իմ մեծ եղբորը, — հարգալիք պատասխանեց արքան:

Նա զգաց, որ հունասեր նախարարները, որոնք գահա՛

սրահում մեծամասնութիւնն էին կազմում, այնպիսի բավարարվածութեամբ դուրս եկան բյուզանդացի պատգամավորների հետեից, որ կարծես ոչ թե այդ նորաթուխ պատանին, այլ առնվազն իրենք էին կայսրի անունից խոսել հայոց արքայի հետ:

— Հյուրերին լավագույն հարկաբաժնում կտեղավորես, սենեկապետ,— հրամայեց նա Դրաստամատին, անփորձ երիտասարդի պես երկյուղելով կնոջ հետ մենակ մնալու անխուսափելի հեռանկարից:



— Ներիր ,արքա... Բայց հավատա, որ ես ոչ մի մեղք չունեմ,— ասաց Օլիմպիան:

— Ներե՞լ,— զարմացավ արքան,— ինչի՞ համար:

— Դու ստեցիր իմ պատճառով, ասացիր, որ ես գեղեցիկ եմ ու հմայիչ:

— Եթե դու իմ կինն ես, ուրեմն, գեղեցիկ ես ու հմայիչ:

Իմ կի՞նը, բայց ինչո՞ւ: Ամբողջ երկիրը ման գաս, շես գտնի թեկուզ երկրորդական, երրորդական մի իշխանի, որ ամուսնացած չլինի սեփական ցանկութեամբ և ընտրութեամբ: Իսկ այդ նույն երկրի գլխին կանգնած մարդը, Հայաստանի թագավորը, ստիպված է ամուսնանալ նրա հետ, ում ուրիշներն են պարտադրում: Ու նա չի կարող մերժել, չի կարող նույնիսկ ծպտուն հանել, որովհետև մեծը հրամայում է, և փոքրը պարտավոր է ենթարկվել:

Ուրեմն, այդ նույն երկրորդական-երրորդական իշխանը ավելի բախտավոր է, ավելի անկախ է, քան թե նրա տերը: Եվ ո՞ւմ համար է զոհողութիւնների այս անվերջանալի շղթան: Հենց այդ իշխանի՞, իր հպատակներից ամեն մեկի՞: Բայց ինչո՞ւ առանց խտրութեան: Զէ՞ որ նրանց մեջ կան արժանիներ ու անարժաններ, բարեկամներ ու թշնամիներ: Եվ առհասարակ ովքե՞ր են նրանք: Մարդ շտեմնի՞ բոլորի դեմքերը, չիմանա՞ նրանց անունները, թեկուզ մի անգամ լսած չլինի՞ նրանց ձայնը: Որպեսզի գոնե հաճույք ստանա ինքնագոհարբութիւնից, որպեսզի մարտիրոսութեան տան-

շանքների մեջ ինչ-որ թաքուն քաղցրութիւն լինի: Եվ, ուրիշի համար զոհվելով, բարձրանա ինքն իր աչքին, էլ ավելի հարգի իրեն ու մտովի մեծարի իր անձը: Գեթ հողեղեն, կոպիտ հատուցում լինի՝ եսասիրութիւն բավարարութիւն: Իսկ հիմա չի բացառված, որ այդ ժանոթ ու անժանոթ մարդիկ, այդ բազմերանգ ու բազմադեմ խաժամուժը նաև ծիծաղում է իր վրա, նաև ձեռք է առնում, տեսնելով իր ստորացումը, և գոհունակութիւն ստանում, որ թագավորին խեղճացրին: Որովհետև եթե թագավորիդ խեղճացրին, դա քո ինքնահաստատումն է, գահնամակում քո զբաղեցրած ցանկացած տեղի միակ մխիթարութիւնը: Որպեսզի դու քեզ լավ զգաս, քեզնից մի աստիճան բարձր կանգնածը պետք է մի որոշ պահի ծանր կացութիւն մեջ ընկնի, և դու ոչ թե շարախնդաս, այլ մեծահոգաբար խղճաւ նրան:

Նա պատկերացրեց երիտասարդ իշխանի, Սամվել Մամիկոնյանի տարակուսանքով լի հայացքը և հասկացավ, որ ինքը միայն նրա առաջ էր հաշվետու: Իշխանը երևի մտածում էր, որ եթե արքայի տեղը լիներ, իսկ ո՞վ իրեն արքայի տեղը չի դրել երբևէ, կրոներ այս կնոջ թևից և դուրս կշարտեր: Ու նա պահանջում է հիմա, որ նույնն էլ արքան անի: Իսկպես, եթե դու ընդունակ ես այդպիսի բան անելու, իսկ ես վստահ եմ, որ անպայման ընդունակ ես, ե՞ս ինչով եմ պակաս քեզանից: Բայց դու այս կնոջ մեջ կին ես տեսնում միայն, իսկ ես՝ լայնածավալ ու հզոր մի երկիր, դու այս կնոջ բարեկազմ մարմինն ու տգեղ դեմքն ես նշմարում միայն, իսկ ես՝ նրա մեռած նշանածի, Կոստասի եղբորը, Բյուզանդիայի կայսրին, որի հետ թեև չեմ հանդիպել երբեք, բայց եթե կուզես իմանալ՝ նա հիմա ինձ համար նույնպես բարեկազմ մարմին ունի ու տգեղ դեմք, դու այս կնոջ մեջքի ետևում պատ ես միայն նկատում, իսկ ես՝ սահմանագլխին շարված օտար բերդերի ամուր շղթան, հունական ընտիր հեծելազոր ու հետևակ, հազարավոր քանդվող պատեր և հազարավոր հայեր փլատակների տակ: Ի՞նչ գիտես, թե դու էլ չես լինի նրանց կողքին: Արժե՞ այս գնով հետևել քո խորհրդին: Ափսոս, որ դու ինձ չես ճանաչել

մինչև թագավոր դառնալս, սա է իմ միակ արդարացումը քո առաջ, իմ միակ մխիթարութիւնը...

— Ես բեռ չեմ լինի քեզ վրա, արքա,— հայացքը խոնարհած, միապաղաղ, անհույզ ձայնով շարունակեց Օլիմպիան:— Կայսրը երևի շուտով նորից իմ կարիքն զգաւ: Հենց որ թշնամանա քեզ հետ, ես կվերադառնամ... Եվ նա ինձ ուրիշ տեղ կուղարկի կնութիւն:

— Ուրեմն...— Արքան ձեռքը կարեկցանքով տարավ նրա մազերին, թեթևակի հպեց մի պահ, բայց շշուկեց:— Ուրեմն, սա առաջին անգամը չէ՞:

— Իմ հայրը շատ հարուստ է ու ազդեցիկ,— հպարտ պատասխանեց Օլիմպիան և գլուխը նույնիսկ մի փոքր վեր ցցեց:— Միայն այդպիսի մարդկանց աղջիկներին են կնութիւն ուղարկում, արքա:

Այսինքն, չկարծես, թե ինձ փողոցից են գտել ու բերել: Ինձանով կարելի է հպարտանալ, ինձ կարելի է հաղվագլուտ ադամանդի պես ցուցադրել, պալատի հարստութիւնն զարդը համարել:

Արքան ժպտաց քթի տակ, որովհետև Օլիմպիայի ձայնի մեջ տիրական շեշտ էր մտել: Հորինական հարստութիւնը նրա միակ արդարացումն էր այս օտար ու անծանոթ երկրում, նրա միակ անցագիրը, անկող հյուր չկոչվելու միակ հույսը:

Եվ նա ամեն ինչ կդիջի, ամեն ինչ, բացի այս մեկից: Ու արքան երևի հաճախ կլսի Օլիմպիայի ակնարկը իր ծագման մասին, բայց չի ջղայնանա, որովհետև այդ հիշեցումը կարվի ոչ թե հանուն սեփական փառասիրութիւնն, այլ արքային հանգստացնելու ու սփոփելու համար:

— Ես այնպես կանեմ, որ դու իմ պալատում զգաս ինչպես քո տանը,— զգացվեց և ուզեց վարձահատույց լինել արքան:

— Շնորհակալ եմ, արքա,— նորից հնչեց նրա անհույզ ու միապաղաղ ձայնը:— Ես կարող եմ նաև քեզ մխիթարել: Դու մի վախենա, որ կայսրը մեր ամուսնութիւնը հնարավորութիւն կունենա թուլացնելու քո երկիրը:

Արքան հարցական նայեց Օլիմպիային: Ինչպե՞ս չվա-

խենարու Բանն էլ հենց այն է, որ վախենում էր, շա՛տ, շա՛տ էր վախենում: Եվ կայսրն էլ նրան ուղարկել էր հենց վախեցնելու համար:

Օլիմպիան անճարակ շարժումով մի փոքր թեքվեց, կարծես ուզում էր նրա ականջին հասնել, ու հեռվից շշնջաց.

— Ես ամուլ եմ, արքա... Չբեր...

— Բայց ինչո՞ւ ես ուզում, որ ամեն ինչ իմ օգտին լուծվի,— տարակուսանքով հարցրեց արքան և, ինչ մեղքը թաքցնելու, նույնիսկ մտածեց, թե չլինի՞ այս կինը պարզապես դիմակ էր հագել և սկզբից ևեթ ծուղակ էր լարում իր դեմ:

— Ես քո կինն եմ, արքա: Պարտավոր եմ:

Պատասխանն սպառիչ էր: Որովհետև դա շօնվեց հենց հիմա, այլ երևի կազմավորվել էր այս դժբախտ կնոջ ամուսնությունների շղթայի մեջ: Դա հայացք էր, սփանկյուն, կյանքի համոզմունք: Ավելի ճիշտ՝ ինքնապաշտպանութուն:

Արքան անմիջապես որսաց դա ու շփալվեց: Իրավունք չունի սխալվելու: Նա գործի դրեց իր բնազդները, բնազդների այն ամենախորին շերտերը, որ նա պահում էր այսպիսի վճռական պահերի համար և որոնց հազվադեպ էր դիմում, որպեսզի շտվորեն ու շխաբեն իրար:

— Ուրեմն, հենց որ ամուսնանում ես, դադարո՞ւմ ես կայսրի շահերին ծառայել... Պաշտպանում ես քո նոր ամուսնո՞ւ շահերը...— Արքան բարի ժպտաց և թեթևակի խոնարհեց մարմինը:— Ես պարտաված եմ քո տրամաբանության առաջ...

— Թույլ տուր գնամ: Ես քաղցած եմ: Եվ քնել եմ ուզում:

Ոչ մի կամակորութուն չկար նրա տոնի մեջ, ոչ էլ սարքած, կանացի կեղծ անմիջականութուն: Կար վախեցնելու չափ պարզամտութուն:

Արքան չկարողացավ ժպիտը թաքցնել ու ծափ տվեց:

— Քաղցած է,— ուսաց նա Դրաստամատին, զարմանալով, թե ինչպես ոչ ինքն է գլխի ընկել այդ, ոչ էլ սենեկապետը:— Եվ քնել է ուզում:

— Ես մինչև վերադարձս կսիրեմ ու հավատարիմ կլինեմ քեզ:

Օլիմպիան խոր գլուխ տվեց և, Դրաստամատի առաջնորդութեամբ, դուրս եկավ գահասրահից:

Բայց ինչո՞ւ այդ խոսքերը սենեկապետի ներկայութեամբ արտասանվեցին: Միրո և հավատարմութեան մասին տղամարդն ու կինը առանձին են խոսում սովորաբար: Ուրեմն, լսանգ չկար արքայի համար: Աստված մի արասցե, որ այս դժբախտ կինը, որի համար կյանքի միակ պայծառ կետը հորենական հարստութունն էր ու իր դիրքը, ուղենա իր սիրո ու հավատարմութեան մասին առանձին խոսել արքայի հետ: Այ, այդ ժամանակ արքան կորած է: Ծվ նա պետք է ամեն ինչ անի, որ Օլիմպիան շսիրի իրեն, գիտակցութեան վրա հիմնված նրա խոհուն ու հավասարակշիռ վերաբերմունքը հանկարծ շփոխվի զգացմունքի: Արքան պատկերացրեց, թե ինչպիսին կարող էր լինել այս կնոջ արթնացումը խոր քնից հետո, որքան ուժ և թափ կարող էր ունենալ նրա սերը: Նա կդառնար գարնանային հորդառատ գետ, որ բերնբերան կլցվեր իր հունի մեջ, դուրս կգար փերից և կսրբեր, կտաներ ամեն ինչ:

Պետք է զգուշանալ նրանից, եզրակացրեց արքան: Այո, այս համեստ, գլուխը կախ, միապաղաղ ձայնով խոսող, հլու-հնազանդ կնոջից:



— Ինձ հետ արդեն հաշվի են նստում, սենեկապետ,— երեխայի պես հրճվեց ու հպարտացավ արքան:— Իսկ դու, ով գիտե, ինչ էիր մտածում իմ մասին: Մտածում էիր, չէ՞: Տեսնո՞ւմ ես, ուրեմն ես էլ մի բան արժեմ:

Պատահել էր այն, որ Արտաշատի Տափերական կամրջի վրա պարսիկ ձիավորներ էին երևացել: Նրանք հայտնել էին կամուրջը պահպանող հայ զինվորներին, որ պատգամավոր են եկել շահի կողմից: Լուրը հաղորդվել էր պալատ, և միջնաբերդի Տրդատա գուռը բացվել էր պարսիկների առաջ:

— Ասա, ասա, թե ինչեր ես իմ մասին մտածել: Որքան էլ վատ բան ասես, միևնույն է, դա ինձ միայն գոհունակութուն կպատճառի:

— Դու այսօր ուրախ ես, արքա, — սառը գատողութեամբ Դրաստամատը արքային բացատրեց նրա հոգեվիճակը: — Մի շարաթվա մեջ երկու պատգամավորութիւնն է քեզ այցելել:

Գնելը ճիշտ էր: Պետք էր ապավինել երկրի ներքին ուժերին: Էլ ի՞նչ իմաստ ունեւ հարևաններից որևէ մեկի կողմն անցնել, եթե պետք է ուժեղին ընտրես: Իսկ ո՞վ էր ավելի ուժեղ, Պարսկաստա՞նը, թե՞ Բյուզանդիան: Երկուսն էլ հավասար էին, հետևաբար, ընտրութեան մեջ որևէ տրամաբանութիւն չէր կարող լինել, մանավանդ՝ թե՛ մեկը, թե՛ մյուսը ուզում էին կուլ տալ քեզ:

— Եթե Արշակավանը շկառուցեինք, ո՞վ էր ինձ բանի տեղ դնելու, — վրեժխնդիր ասաց արքան, կարծես բոլոր ընդդիմախոսներն այս պահին Դրաստամատի դեմքով էին նրան ներկայացել: — Տեսնո՞ւմ ես, վտանգի հոտն ինչպես են առել:

— Բացի քո նախարարներից, արքա, — անմիջապես իրականութիւնը հիշեցրեց սենեկապետը, առանց հաշվի առնելու՝ դա դուր կգա՞ր արքային, թե ոչ: Նրանցից ամեն մեկն իր գործն էր անում, և սենեկապետը բնավ մտադրութիւն չուներ սեփական պարտականութիւններից շեղվելու:

— Իսկապես որ, — զարմացավ արքան, — այդ ինչպե՞ս է պատահում, Դրաստամատ, որ թշնամին տեսնում է վտանգը, իսկ յուրախներ օգուտը չի տեսնում: Ի՞նչ է, այս երկիրը միայն ի՞նձ է պատկանում:

— Որովհետև Արշակավանը դու կառուցում ես նախ և առաջ յուրախներին դեմ: Մոռանում ես, արքա: — Եվ հազիվ թաքցրած նախատինքով ավելացրեց. — Այնպես շանես, որ դու մոռանաս, իսկ նրանք հիշեն: Ով առաջինը մոռացավ ատելութիւնը, նա էլ կպարտվի:

— Ես այսօր իրոք ուրախ եմ, սենեկապետ, — մոռայվեց արքան և լռեց մի պահ: — Ես քեզ հրամայում եմ, որ ուրախ օրերիս մենակ թողնես ինձ:

Արքան արագ դուրս եկավ գահասրահից, դուռը սրտնեղած խփեց իր ետևից ու վիրավորված գնաց ննջասենյակ:

Պարսիկներին ընդունելու էր իր լավագույն զգեստներով ու զարդարով, որոնք հազվադեպ էր հագնում, քանի որ դրանք

վա՛յել էին միայն անհոգ ու անգործ թագավորներին: Մի՞թե կարելի էր տոնական հանդերձներով պատ շարել, հող փորել, գերան կտրել: Բայց այսօր նա շլացնելու էր շահի պատգամավորներին: Թող տեսնեն, թե որքան հարուստ է նա ապրում, որքան ուժ և ինքնավատահուժյուն կա նրա ծիրանի քղամիդի, բհհեզյա խուլյրի, մսրգարտյա երկտակ վարսակալի, ականակուռ քառամանյակի ու լանջափառ ապիզակի մեջ: Թող գնան պատմեն իրենց տիրոջը, և նա կհասկանա, որ դրանց ետևում բանակ է կանգնած, վասակ սպարապետ, մի ամբողջ Արշակավան: Ճիշտ է, ինքը նրան հավասար ուժ չունի, բայց փոխարենը ինչ-որ բան պիտի ունենա, չէ՞: Մի՞թե աստված կարող է շահին ամեն ինչ տալ, իսկ հայոց թագավորին՝ ոչինչ: Պակաս ուժեղը ավելի խորամանկ է լինում, ավելի ճարպիկ, ավելի նենգ: Ինչ լավ է, որ Դրաստամատը չկա, թե չէ կասեր՝ շատ ես քեզ մեծարում, արքա: Իսկ ո՞ւր է, ի միջի այլոց, վասակը: Նա մի տեսակ տենդագին կարոտ զգաց սպարապետի հանդեպ և ցանկացավ գոնե մի պահ սեղմել կրծքին: Ու թվաց, թե նորից լսեց Դրաստամատի ջղայնացնող ձայնը. ուզում ես սպարապետով լրացնե՞լ զարդերդ, արքա: Իսկ ո՞ւր է Ծփրեմը, մանկություն ընկերը: Չէ՞ որ նրան շես հանդգնի զարդ համարել: Իմ հավատը, իմ սրբությունը, իմ մաքրությունը: Եվ նորից Դրաստամատն ասաց. Ծփրեմը քո հավասարակշռությունն է, արքա, նա պետք է գոյություն ունենա, որպեսզի դու ավելի ազատ լինես ստորություն անելու, անաղնիվ միջոցների դիմելու, շարիք գործելու: Բայց մի՞թե ես այդ ամենը ինձ համար եմ կատարում: Մի՞թե այդպիսին եմ ծնվել ես: Ուրեմն, բոլորդ կարգին մարդիկ եք, և միայն ե՞ս եմ ձեզ անարժան: Հը, ի՞նչ եղավ, ի՞նչ պատահեց. ի՞նչ հասկացար, Դրաստամատ:

— Մագդեզանց քաջ Շապուհ արքայից արքան ողջուն է հղում Մեծ Հայքի թագավոր Արշակին:

— Հաղորդեցեք արքայից արքային, որ ես մնում եմ նրա կրտսեր եղբայրը և հավատարիմ դաշնակիցը:

Գոնե լավ է, որ սա, ի տարբերություն բյուզանդացի պատգամավորի, տարիքոտ մարդ էր, և արքան կարող էր

դրութեան տերը լինել: Չէ, ուրիշ է Արևելքը: Մի ասա, ուրիշ է, ուրիշ: Այնտեղ նույնիսկ թշնամուն հարգել գիտեն: Ուրբան էլ շահը ատեր հայոց արքային, միևնույն է, չէր կարող անբեղ և անմորուս պատգամավորի ուղարկել նրա մոտ: Թույլ չէր տա իրեն: Որովհետև դա անուղղակիորեն կդիպչեր հենց իր հեղինակութեանը: Տիրոջ ու թագավորի գաղափարին:

— Արքայից արքան ուրախ է մեր ականջներով լսել իր դաշնակցի հավաստիացումը, և նա, մեծ եղբոր իրավունքով, քեզնից պահանջում է հաստատ մնալ ուխտիդ ու քո գնդով օգնութեան գնալ նրան:

Միալվեց արքան, մի տեղ սխալ թույլ տվեց: Շուտ ընդունեց նրանց: Մինչդեռ պիտի երկար սպասեցներ, մինչև երեկո, գուցեև մինչև հաջորդ առավոտ: Այս շտապողականութեամբ նա նորից ականա խոստովանեց, որ հիմա ինչ էլ ասեր Դրաստամատը, իրավացի կլիներ: Բայց թե ինչ կասեր՝ նա խնամքով թաքցրեց իրենից:

— Արքայից արքան ճիշտ է մտածում: Եթե այս պատերազմում մենք ձեր կողմն անցնենք, հաղթանակը նրանք կլինի:

— Արքայից արքան մեր բերանով գոհունակություն է հայտնում, որ դու գիտակցում ես ուխտիդ կարևորությունը:

Տես, է, ինչպե՞ս կուլ տվեց վերավորանքը: Հոնքն անգամ չշարժվեց: Ձևացրեց, թե ոչ ոք չէր դիպել մեծ տերութեան արժանապատվությանը: Իսկ հոռոմները, մանավանդ այդ շան լակոտը, որի քամակը նա հիմա էլ մեծ հաճույքով մի լավ կթակեր, վաղուց խոցված կլինեին արքայի հանդուգն խոսքերից և ցուցադրաբար կհեռանային: Եվ ի՞նչ: Այդպիսով նրանք ականա կընդունեին, որ չի բացառվում իրենց երկրին վերավորանք հասցնելու հնարավորությունը: Իսկ պարսիկներն ապացուցեցին, որ դա իրենց մտքովն անգամ չի անցնում:

— Արքայից արքան ոչ միայն դեմ չէ, այլև ուրախ է, լսելով, որ դու նոր քաղաք ես կառուցում քո երկրում, — շարունակեց տարիքոտ պատգամավորը, իր ամեն շարժուձևի մեջ ընդգծելով արքայի հետ խոսելու գիտակցությունը: —

Քայց նա ուզում է հենց քեզնից իմանալ, թե ի՞նչ քաղաք է դա: Եթե դու Արշակավանը իրոք հռչակել ես ազատության քաղաք, ապա արքայից արքան դա չի համարում միայն քո երկրի ներքին գործը: Քո քաղաքը կարող է վատ օրինակ ծառայել հարևան երկրների ժողովուրդների համար: Իսկ եթե դու դա արել ես հզորանալու նպատակով...— Նա մի ակնթարթ լռեց, հարգալիր ժպտաց, կարծես ներողութուն խնդրելով կարճատև լռության համար, հետո անմիջապես ուղղեց սխալը (իսկ արքան զգաց, որ այդ լռությունը և ուղղումը ևս նախօրոք ծրագրված էին) ու շարունակեց.— Եթե արել ես հունասեր խմբակցության դեմ ուժ ստեղծելու նպատակով, ապա արքայից արքան առավել ևս զարմանք է հայտնում, թե ինչու չես ապավինում ի՛ր օգնությանը:

Նորից Արշակավանը: Նորից ու նորից: Ա՛յ թե որն է ձեր իսկական փոքացավը: Հայոց արքայի գաշնակցությունից ավելի ձեզ հետաքրքրում է խորհրդավոր ու զաղտնիքներով լեցուն իմ քաղաքը: Բան շունեմ ասելու, ճիշտ տեղ եք դրել ձեր մատը: Եվ ձեր անհանգստությունը է՛լ ավելի վստահութուն է ներշնչում ինձ, է՛լ ավելի մեծ հավատ, որ աստված է վկա, հենց իրենք, կայսրն ու շահն են վկա՝ արդար էր իմ որոշումը: Եթե իմ թշնամիներն այդ շնուշեն, էլ ո՞վ պիտի հուշի:

— Հազորագեցեք արքայից արքային, որ աշխարհում չի եղել ու չի լինի մի թագավոր, որ երբեքից գաշնակցի իր ժողովրդի հետ,— ասաց արքան խրատական տոնով, որպեսզի դրանով շեշտի իր անկեղծությունը:— Ես որոշ արտոնություններ եմ տվել շինականներին, որպեսզի արագ կառուցվի քաղաքը: Ժամանակավոր արտոնություններ:

— Արքայից արքան իմաստուն է համարում քո խոսքերը, ինչպես նաև՝ քո որոշումը: Նա հիմա լիովին հանդիստ է քեզ համար:

— Շնորհակալ եմ արքայից արքային, որ նա այսքան հոգատար է իր կրտսեր եղբոր հանդեպ:

Արքան անհանգստացավ, որ գուցե բավարար չափով չէ՞ր կարողանում կեղծել և մատնո՞ւմ էր իր շողորորթու-

թյունը: Բայց անմիջապես գլխի ընկավ, որ պարսիկ պատգամավորին հետաքրքրում էին միայն բառերը և ոչ թե դրանց անկեղծությունը: Միևնույն է, նա ոչ մի բանի էլ չէր հավատում: Հապա ինչո՞ւ էր եկել: Ի՞նչն էր նպատակը: Եվ նա իսկույն ստացավ իր հարցերի պատասխանը:

— Արքայից արքան, ձեր ուխտը ավելի ամրացնելու համար, որոշեց քեզ կնության ուղարկել իր քրոջը՝ Որմիզդուխտին: Կարծում եմ, որ դա իմ երկրի ամենամեծ նվերը կլինի Մեծ Հայքի թագավորին:

Արքան ցնցվեց:

Կնությա՞ն:

Նորի՞ց:

Նա տեսավ, թե ինչպես ինքը վեր կացավ, փրփուրը բերանին հարձակվեց պարսիկ պատգամավորի վրա և սկսեց խեղդել նրան: Խեղդել ու հայհոյել: Չգիտես ինչու՞ ոչ այնքան պարսից շահին կամ Բյուզանդիայի կայսրին, որքան՝ Հայաստանն ու հայոց արքային: Տեսավ նաև, թե ինչպես արքան դուրս վազեց գահասրահից, փախավ մի ապահով տեղ ու թաքնվեց սեփական պալատում: Չգնա՞մ Արշակավան, տազնապահար մտածեց նա, այնտեղ ես էլ անձեռնմխելի կլինեմ...

Մինչ այդ, պարսից պատգամավորի նշանով, շահի քույրն արդեն ներս էր մտել, իսկ արքան լսում էր իր ձայնը:

— Շատ շոյված եմ... Դա մեծ պատիվ է ինձ համար... Ես ինձ պարտ եմ համարում մինչև մահ սիրել ու հարգել իմ կնոջը... Նրա հմայքն ու գեղեցկությունը նոր շուք կտան իմ պալատին...

Նրան թվաց, թե պարսից պատգամավորի դեմքին հեզնանք երևաց: Բայց դա մի տեսակ ծուլլ ու դժկամ հեզնանք էր, ոչ թե ինքնաբուխ, այլ հարկադրական: Ըստ երևույթին, դա ևս նրա պարտականության մեջ էր մտնում ու նախօրոք ծրագրված էր: Իսկ եթե խառնե՞լ էր, ինչ կա որ, մարդ է, կարող էր նաև խառնած լինել: Գուցե հեզնանքը նախատեսված էր բոլորովին ա՞յլ իրավիճակի կապակցությամբ: Գուցե արդեն գլխի՞ է ընկնում իր սխալը և զղջո՞ւմ: Իհա՛րկև,

իհա՞րկե, թե չէ ինչո՞ւ մի ուրիշ արքայի հատկացված ընծան պիտի հեզնանքով մատուցեր:

Պատգամավորը խոր գլուխ տւելց: Մյուսները ևս հետևեցին նրան և, ձեռքները սրտներին դրած, ետ-ետ գնալով, մոտեցան դռանը:

— Ժամանակավոր արտոնություններ,— չգիտես ինչու, խուճապի մեջ ընկավ արքան ու հարկ համարեց. անպայման կրկնել.— Չմոռանաք հաղորդել արքայից արքային... Ժամանակավո՛ր, ժամանակավո՛ր...



Արքան ուշադիր նայեց Որմիզդուխտին: Ափսոս, որ այս մեկը գեղեցիկ կին էր և առավել ափսոս, որ գիտակցում էր այդ: Սրա հետ ավելի դժվար է լինելու, խորհում էր արքան, սա չի նվաստանա, կաշխատի հակառակն անել:

Նա գիտի, որ տղամարդն ու կինը ստեղծված են իրար նվաստացնելու համար, դա նրանց բնազդների մեջ է նստած, ամեն մի գիշեր ճակատամարտ է երկու կողմերի միջև, հաղթանակի լուռ տենչանք է թաքնված զգվանքների ու երջանիկ հառաչանքների մեջ: Միայն մի դեպքում է ելքը հավասար լինում. երբ սիրում են միմյանց: Պիտի այնպես անել, որ այս մեկը, ի տարբերություն մյուսի, սիրի ինձ, մտածեց արքան:

— Իմ եղբայրն առանց իմ համաձայնության ինձ չէր ուղարկի, արքա,— նրա մտքերը կտրուկ ընդհատեց Որմիզդուխտը:

Արքան մինչև հիմա դիտավորյալ չէր խոսել: Որոշել էր երկար ժամանակ լուռ մնալ, նրան շհրավիրել նստելու և ոտքից գլուխ մանրամասն շափշփել, ինչպես մի առարկայի, հիշեցնելու համար, որ նա իր սեփականությունն էր: Սրա հետ չէր կարելի մարտը հետաձգել, հենց առաջին պահից պետք էր կովի մեջ մտնել: Եվ նա բնավ չէր սպասում, որ պարսկուհին, այդ հրաշալի էզը, այսպիսի արժանապատվությամբ կընդունի մարտը և պատշաճ հակահարված կտա:

— Ուզում ես ասել, որ կամավո՞ր ես եկել,— քմծիծաղ տվեց արքան, դանդաղ պտտվելով նրա շուրջը, հետո կանգ առավ, հայացքը դիտամբ նրա փարթամ կրծքերից շկտրելով:

— Ինձ ոչ ոք ոչինչ չէր կարող ստիպել, արքա,— անվերդով շարունակեց Որմիզդուխտը:

Արքան ըստ արժանվույն գնահատեց, որ նա քնքուշ և խոնարհ ձայնով էր արտասանում այդ հանդուգն խոսքերը:

— Դա զգուշացո՞ւմ է:

— Եթե ես արքային շհավանեի, անպայման կվերադառնայի տուն,— համբերատարությամբ բացատրեց Որմիզդուխտը:

Այսինքն, ինձ հավանո՞ւմ է: Ես դո՞ւր եմ գալիս նրան: Եվ ինչ հանգիստ էլ նայում է ինձ: Իսկ ի՞նչ է արել, որ հանցանքի վրա բռնես: Ընդամենը այն, որ համակրել է արքային: Պարզվում է, որ մնացած խոսքերն էլ արտասանվել են այս մի հատիկ նախադասության համար: Եվ որքան անամոթություն այս ամենի մեջ: Կանացի հմայող ու կանչող անամոթություն:

— Ինչքան ես հասկացա, դու մտադիր ես հենց սկզբից ամրապնդել քո դիրքերը այս օտար երկրում,— արքան զգալիորեն բարձրացրեց ձայնը, կարծես հուշելու համար, որ խոսակցության բնույթը փոխվելու էր այս պահից: Նա որոշեց բացել խաղը, հասկանալով, որ այս կնոջը կարելի էր հաղթել՝ նրա ամեն մի բառը ոչ թե մեկուսի, այլ բարձրաձայն մեկնաբանելով: Հոգնեցնել նրան, անընդհատ ջրի երես դուրս բերել: Իսկ նա երևի սովոր էր ջրի խորքերում միայն լավ զգալ իրեն:

— Իզուր վախեցար, արքա,— ներողամտորեն ժպտաց Որմիզդուխտը:— Եթե հավանեմ ամուսնուս, ես գիտեմ նաև ենթարկվել նրան: Այնպես ենթարկվել, որ նրա ստվերը դառնամ: Միշտ անբաժան, բայց և միշտ աննկատ: Մի՞թե դա ամեն տղամարդու ձեռնտու չէ, արքա:

Դու ինձ իսկապե՞ս հավանեցիր, հանկարծ ուղեց հողջ տալ արքան և հագիվ զսպեց իրեն: Որքան հեշտ էր քաղցր խոսքով գնել մարդուն: Պիտես, հասկանում ես, որ ընդ

ուզում են գնել, բայց չես կարողանում դիմադրել: Իմանալով հանդերձ, հավատում ես, չրովհետև, ըստ երևույթին, շափազանց շատ ես սիրում քեզ:

— Իսկ դու գիտե՞ս, որ այս պալատում կ'ս մի կին կա,— անսպասելի հարցրեց արքան:— Եվ այն էլ գիտե՞ս ով: Քո եղբոր թշնամու ազգականուհին:

— Եվ մի հայուհի,— ավելացրեց Որմիզդուխտը:— Փառանձեմ թագուհին:

— Թագուհուն մի կողմ թողնենք,— անհամբեր շարունակեց արքան, ճգնելով շուտ ծնկի բերել, շուտ խեղճացնել պարսկուհուն:— Իսկ բյուզանդուհի՞ն: Դու բյուզանդուհու՞ մասին խոսիր, բյուզանդուհու՞

— Ես դա իմացա քո պալատում, արքա: Քո յուրայիններից: Եվ հենց գալուս պես: Մի՞թե զա քեզ չի անհանգըստացնում:

Արքան խայթված լռեց: Ակնարկը շատ էր թափանցիկ: Դա գրեթե մատնովթյուն էր, ստոր և նողկալի մատնովթյուն: Հենց իր քթի տակ, հենց իր մարդկանց կողմից: Եվ նա ոչինչ չէր գտնում պատասխանելու: Այս խաղը քեզ, մտքում ասաց արքան:

— Իսկ ինչո՞ւ եզբորդ պատվիրակները չբողոքեցին դրա դեմ,— հետաքրքրվեց արքան, որովհետև տարրական տրամաբանությունը թելադրում էր, որ բյուզանդուհու ներկայությունը նրանք համարեին ուխտագրծություն հայոց արքունիքի կողմից:

— Բայց ես արդեն ասացի, արքա: Բյուզանդուհու մասին կ'ս իմացա, ոչ թե նրանք:

— Այսի՞նքն,— անհամբերությունից գրեթե գոռաց արքան:

— Ես նրանց չասացի, արքա: Նրանք ոչինչ չիմացան:

— Ինչո՞ւ,— զարմացավ արքան:— Դու պարտավոր էիր ասել: Հենց եղբորդ շահի, հենց քո շահի համար:

— Դա արդեն մեր ընտանեկան գործն է, արքա,— կատակի տվեց Որմիզդուխտը:— Եվ միայն մեր չորսին է վերաբերում: Ինձ, քեզ, բյուզանդուհուն ու թագուհուն:

— Չես համոզում,— կատակը շրմբոնեց ու ջղայնացավ արքան, որովհետև արգեն չէր կարողանում որսալ նրա սրողայթները:— Ինձ պետք է հիմնավոր պատասխան տաս:

— Տվել եմ, արքա,— անկեղծորեն տարակուսեց Որմիզ-գուխտը և նորից բացատրեց.— Եթե հավանեմ ամուսնուս, ես գիտեմ նաև ենթարկվել նրան:

Այս խաղն էլ քեզ, մտածեց արքան: Ամբողջ սրտով Ստում ես թեև, բայց ստում ես երկաթյա տրամաբանությամբ: Որքան նուրբ վարպետություն էր պետք, որպեսզի ինձ ծնկի շոքեցնես այդ նույն նախադասությունն առաջ: Եվ, այսպես խորհելով հանդերձ, նա նորից հարց տվեց իրեն. գուցե իսկապե՞ս հավանում է ինձ... Ի՞նչ կա որ... Եվ ինչո՞ւ չպիտի հավանի...

— Ես մի բան չեմ հասկանում,— գործնական տոնով ջարտունակեց արքան,— սովորաբար քո եղբայրը, նաև նրա նախորդները, ապահովության համար պատանդ էին վերցնում մեզնից: Ի՞նչ ես կարծում, պատանդ չե՞ս դու հիմա: Եվ դա քեզ տարօրինակ չի՞ թվում:

— Ոչ, արքա, ես պատանդ չեմ: Ես քո կինն եմ:

— Թող այդ հիմարությունները,— ներքուստ հրճվեց արքան, որովհետև, առաջին անգամ լինելով, Որմիզգուխտի խորամանկությունը մերկ էր ու խեղճ:— Չէ՞ որ դու կարող ես ինձ համար զենք ծառայել քո եղբոր դեմ: Եվ եթե ես ստիպված լինեմ... շատ ստիպված լինեմ... կարող եմ զոհել քեզ, չէ՞: Ինչպես քո եղբայրն է վարվել իմ արյունակիցների հետ:

— Ներիր, որ պիտի հուսախաբ անեմ քեզ, արքա:

— Ապա, ապա...

— Որպեսզի ես պատանդ համարվեմ, իմ եղբայրը պետք է ինձ շատ սիրի: Այսինքն, իմ կյանքը պետք է թանկ լինի նրա համար, իսկ մահը՝ ողորդություն: Այդպես չէ՞ միթե:

— Այդպես է,— համաձայնեց արքան:

— Իսկ ի՞նչ ես կարծում, եթե նա քրոջը իսկապես սիրեր, իր շահերի համար նրան օտար երկիր կուղարկե՞ր կնություն: Դու, օրինակ, կուղարկեի՞ր:

— Ոչ, չէի ուղարկի,— խոստովանեց արքան, զգալով, որ նորից տանուկ էր տալիս:

— Իմ եղբայրը ինձ չի սիրում,— ուրախ ասաց Որմիզդուխտը և հաղթական ավելացրեց.— Դու պետք է քաջ իմանաս, որ նա ոչ մի սրբություն չունի աշխարհում: Տեսնում ես, արքա, որ ես հարմար չեմ պատանդ կոչվելու:

Այսինքն, մնում ես իմ կի՞նը, մտքում հարցրեց արքան: Եվ թվաց, թե Որմիզդուխտը նորից նրան կշոքեցնի նույն նախադասության առաջ, եթե հավանեմ ամուսնուս, ես գիտեմ նաև ենթարկվել նրան...

— Լավ,— մի վերջին փորձ էլ արեց արքան,— ենթադրենք, թե եղբայրդ իսկապես չի մտահոգված քո կյանքի համար: Իսկ դո՞ւ Դո՛ւ, դո՛ւ: Ես կարող եմ քեզ սպանել՝ նրան թեկուզ վիրավորանք պատճառելու նպատակով: Չէ՞ որ, քո մահվան համար շտխրելով հանդերձ, կվիրավորվի նրա ինքնասիրությունը: Դա մեծ ապտակ կլինի նրա երեսին: Ամբողջ աշխարհի առաջ: Սրա՞ն ինչ կասես:

Արքան զգաց, որ մի տարօրինակ վիճակ էր ստեղծվել: Նա ոչ թե սպանում էր Որմիզդուխտին, այլ, ակամա հաշվի նստելով նրա խելքի ու խորաթափանցության հետ, փորձում էր միասին ինչ-որ բան վերլուծել և մինչև վերջ հասկանալ: Ու ստացվեց այնպես, որ խոսքը կարծես իրենց շէր վերաբերում և որ նրանք երկուսով մի ուրիշ ընդհանուր մտահոգություն ունեին:

— Դու չես կարող ինձ սպանել, արքա:

— Նստիր, նստիր,— առաջարկեց արքան:

— Եվ չես կարող ոչ թե նրա համար, որ դու ավելի բարի ես, քան նա, այլ որովհետև նա շատ հզոր է, իսկ դու՝ թույլ:

— Նստիր, նստիր, ինչո՞ւ ես կանգնել:

— Դու ամենանեղ, ամենահուսահատական պահիդ անգամ չես հանդգնի այդպիսի քայլի դիմելու:— Որմիզդուխտը նստեց բազմականին, և արքան, չզիտես ինչու, հանգստացավ:— Որովհետև սա անբնական վիճակ է քեզ համար, արքա: Նույնն է թե՛ աղքատին միանգամից շատ փող տաս: Մեկ է, նա չի կարող ծախսել:

Ինչ որ ճիշտ է՝ ճիշտ է: Այս խաղն էլ քեզ: Աղգ կա, որ ծնված է պատանդ տալու, ազգ էլ կա, որ կոչված է պատանդ վերցնելու: Իսկ եթե հանկարծ դերերը հրաշքով փոխվե՞ն: Միևնույն է, ոչինչ չես կարող անել: Նույնն է թե՛ ձեռքդ անցնի ազգմական մի նոր և հզոր գործիք, որ չես իմանում ինչպես գործածել: Ապա փորձիր, փորձիր դիպչել Որմիզդուխտին: Հետո՞ ինչ, որ եղբայրը չի սիրում նրան, և նրա մահը մազաչափ իսկ չի ազդի վրան: Իսկ վիրավորա՞նքը, ինքնասիրության ոտնահարո՞ւմը: Զլինի՞ կարծում ես, թե դրանք պակաս ուժ ունեն սիրուց: Գու տես, թե ինչպես քարուքանդ կանի երկիրդ, ինչպես ոտնատակ կտա: Այնպես կավերի, որ դարերով ուշքի չես գա: Հենց քո օգտի համար, քանի շուտ է հրաժարվիր այն մտքից, որ պատանդ ունես, թե չէ այդ խայծը կխաբի, կեղծ հետքերով կտանի քեզ: Լավ է, որ ծուղակը շքեկար և սխալ տեղում չփնտրեցիր քո ուժը: Շնորհիվ Որմիզդուխտի: Գուցե, իսկապես, եթե նա հավանում է ամուսնուն... Ի՞նչ կա որ... Ի՞նչդ է պակաս... Բարդ օրենքներից բացի կան նաև պարզագույն օրենքներ... Կնոջ և տղամարդու... Ու նա, բռնանալով իր վրա, լրացրեց կիսատ մնացած նախադասությունը. կարողանում է ենթարկվել նրան...

Որմիզդուխտը ոտքի ելավ, գլուխ տվեց և դանդաղ քայլերով ուղղվեց դեպի դուռը:

— Բայց ես քեզ թույլ չտվի հեռանալ,— զարմանքից ձեռքը առաջ պարզեց արքան:

Որմիզդուխտը շրջվեց դուռն մոտ և ժպտադեմ պատասխանեց.

— Ամուսինների համար վտանգավոր է առաջին անգամ ավելի երկար խոսելը, արքա:

Նորից հարգալիք խոնարհվեց ու դուրս եկավ:

Արքան ապշած նայում էր փակ դռանք, ու առաջ պարզված ձեռքն այդպես էլ մնում էր օդում:

Նա մյուս ակող խփեց, իջեցրեց ձեռքը ու սկսեց մեն-մենակ ծիծաղել:

Այսպէս, ուրեմն, արքանը նեղանում է: Պարսից խագաւորը և Բյուզանդիայի կայսրը բռնել են նրա կոկորդից: Մի կողմը՝ կրակ, մյուս կողմը՝ ջուր: Եվ դեռ նա համարձակւում է մտածել, թե երկու պատանդ ունի, երբ հենց ինքն է պատանդ և այն էլ՝ սեփական երկրում: Որքա՞ն կարող է խորամանկել, ժամանակ շահել ու պահամտոցի խաղալ երկու կողմերի հետ: Վերջիվերջո մի օր պիտի պահանջեն, չէ՞, թե ո՞ւր է գունդդ, ո՞ւր է ուխտդ: Եվ ում էլ որ միանա, մյուսը պիտի քարուքանդ անի երկիրը: Հետո՞ բաժանելու են խնձորի պես: Մագաղաթների վրա մետաղյա ստիլով գրված ու կնքված դաշնագրերով:

Ի ուրը բացվեց, և վազելով գահասրահ մտավ տասնամյա Պապը: Նա մի պահ շփոթվեց, տեսնելով հորը, երևի չէր սպասում: Բայց շփոթմունքը կարճ տևեց: Սիրաշահող ժպիտով նայեց արքային, ապա գնաց նստեց գահի վրա և ոտքերն սկսեց շարժել ու թխկթխկացնել հիմքի միահար պատին:

Արշակը լսել էր, որ նա իր բացակայութեան ժամանակ հաճախ էր գողունի ներս մտնում և խաղում գահասրահում: Ոչ ավել, ոչ պակաս՝ գահասրահում: Պալատը նեղ էր գալիս շան լակոտին, նոր տարածութիւն էր ուզում նվաճել: Եվ ի՞նչ էր խաղում մեն-մենակ, թողած տարեկից ընկերներին: Չլինի՞ հենց այնպես գալիս, նստում էր գահին ու թխկթխկացնում ոտքերը: Իսկ եթե նաև հաճո՞ւյք էր ստանում դրանից, եթե մտովի հրամայո՞ւմ էր ընկերներին, պատժո՞ւմ նրանց, մեկին պաշտո՞ն տալիս, մյուսին՝ հեռացնո՞ւմ...

Լավ չեն գործերդ, Արշակ, անշար քմծիծաղ տվեց արքան, տղադ շատ շուտ է աչք տնկել գահիդ, սա որ այսպես խաղով է սկսել, վա՞ղն ինչ պիտի անի, երբ մեծանա: Պիտի աչքերիդ նայի և, առանց հոնքն անգամ թարթելու, պիտի ասի. արդյոք շատ շե՞ս ծերացել, հայրիկ, ես կարծում եմ, որ ժամանակն է գահդ ինձ տաս, մեկ-մեկ քեզ էլ կթողեն մ նստես, թագս էլ կտամ, որ երբեմն գլխիդ դնես:

Արքան գիտեր, որ դրսում, խաղի ժամանակ, նա երբեք

Բազմազան շի եղել, ոչ էլ ուրիշներին է թույլատրելի Ավելի՛ վատ: Նշանակում է, դա այլևս չէր տեղավորվում խաղի շրջանակների մեջ, այլ երազանք էր, ճիշտ է, դեռևս անորոշ, դեռևս չձևավորված, բայց և այնպես՝ երազանք: Իսկ երազանքը գաղտնիք է, խորը, միայն քեզ պատկանող, հրապարակման ոչ ենթակա, որ կարող ես միայն քեզ խոստովանել, այն էլ՝ երբեմն: Եվ խոստովանության համար նա ավելի հարմար տեղ չի գտել, քան գահասարահը:

Արքան ոչ միայն շշփոթվեց, ոչ միայն շխանդեց, այլև լսավ զգաց իրեն, ներքուստ մի տեսակ ուռեց ու փքվեց: Որքան ճիգ ու ջանք պիտի թափեր, որքան եռանդ պիտի ծախսեր, որպեսզի կամաց-կամաց նրա մեջ սեր արթնացնե՞ր գեպի իշխանությունը, երևի ոչ թե սեր, այլ ավելին՝ պահանջ, պատվաստեր ժառանգական իրավունքները պոկելու հատկությունը, սովորեցներ դրան հասնելու ճանապարհները: Իսկ սա ինքն իրեն կիմանա: Ոտքերն այնքան կթխկթխկացնի, որ մի օր այդ ձայների մեջ ինչ-որ իմաստ կորսա ու կսկսի բացատրել իրեն:

Բայց, ուրախանալով ու հրճվելով հանդերձ, արքան ձեռքերը խաշաձեց կրծքին և խեթ-խեթ նայեց որդուն: Իսկ Պապը նորից ժպտաց նույն սիրաշահող ժպտով, որով ուզում էր խաբել հորը: Հաստատ ուզում էր խաբել, իր մի թիզ որդին, հազիվ մինչև հոր գոտկատեղը հասնող այս սիրունիկ, անպատկառ լակոտը: Հայրը էլ ավելի մռայլվեց ու նախատինքով լի աչքերը գամեց որդուն: Ժպիտն աստիճանաբար շքացավ որդու երեսից, ոտքերի շարժումները հետըզհետ դանդաղեցին, ապա բոլորովին կանգ առան: Պապը մի պահ արձանի պես մնաց տեղում, ապա վեր կացավ, նեղացած նստեց պատվանդանի աստիճանին ու կախեց գլուխը:

Արքան մոտեցավ նրան, լուռ նստեց կողքին:

Իսկ եթե կայսրն ու արքայից արքան իմանա՞ն, որ նա երկու կանանց էլ սուսուփուս ընդունել է: Ոչ ոք էլ լուրը չտանի, նախարարները կան ու կան: Կա նաև ավելի վատ՝ թար տարբերակը. իմանան ու ձայն չհանեն, ձեացնեն, թե տեղյակ չեն: Եվ գիտե՞ս ինչու: Որպեսզի հայոց արքան

տապակվի երկուսի ձեռքին, խարդավանքներ սկսեն պալատի ներսում, կանանց միջոցով դանդաղ քայքային երկիրը: Ըստ որում, թող կանայք ոչինչ էլ չձեռնարկեն, թող մատը մատին անգամ չխփեն, թող նույնիսկ հավատարիմ լինեն իրենց նոր ամուսնուն, միևնույն է, հենց թեկուզ նրանց ներկայությունը լիուլի բավական է, որ արքունիքը փոփոխի: Տես ինչ են արել, բանակաների փոխարեն ընդամենը մեկական կին են ուղարկել: Էլ չեմ ասում, որ ոտքի տեղ են արել պալատում:

Եվ դեռ արքային թվում էր, թե աստված մեծին ուժ է տալիս, իսկ փոքրին, դրա փոխարեն, խորամանկութուն, նենգութուն, ճարպկութուն: Ինչպես անտառի փոքր ու անպաշտպան գազաններին, որոնք կարող են գոնե մաշկափոխվել ըստ եղանակի, ձուլվել շրջապատին ու անտեսանելի մնալ: Դու մի ասա, ո՛չ, աստված ամեն ինչն էլ մեկին է տալիս, միայն մեկին, իսկ մյուսին թողնում բախտի քմահաճույթին:

— Պապ...

— Լսում եմ, արքա:

— Պալատը պաշարված է, Պապ... Ես իմ տանն ասես ձերբակալված լինեմ...

Պապը ափը տարավ բերանին ու փոթկաց: Շատ զվարճալի թվացին հոր խոսքերը: Կարծես նա առաջարկում էր խաղի պայմաններ, որոնք, ինչպես միշտ, երևակայության արդյունք էին:

Արշակավա՛նը, Արշակավա՛նը, հանկարծ փայլատակեց նրա ուղեղում, միայն ու միայն Արշակավանը: Չնեղանաս, որդիս, ոչ էլ թող աստված մեղք համարի, Արշակավանն է իմ առաջին ծնունդը, իմ անդրանիկը, իմ ցուպը, իմ վաղվա օրը: Իմ կողոսկրից եմ ես ծնել, այդ քաղաքը: Նրան եմ ես սիրում ամենքից ավելի, նրան ավելի եմ հավատում, քան քեզ, Պապ, քան իմ բանակին, սպարապետին, իմ փողփողուն գրոշներին, դրանց վրա քանդակված հպարտ ու զլուխը ցից արծիվներին, քան ինձ, քան իմ համառությանը, իմ նվիրվածությանը այս երկրին, իմ ուժին ու խելքին: Էլ ի՞նչ ասեմ ավելի, որ քթներդ շկախեք:

Այդ մտայլ, խոսադեմ, տգեղ տղամարդիկ, որոնց բազուկներում առատ-առատ առեւտրային է հասում, որոնց աչքերի մեջ դառնահամ հուշեր կան միայն, որոնք ամուսնութեան առաջին իսկ գիշերից շնչումացել, թե ինչ բան է քնքրութիւնը կնոջ հանդեպ, որոնց մտքովն իսկ չի անցել շոյելու իրենց որդու կամ դստեր գլուխը, որոնք իրենց կուշտ օրերը մատների վրա կարող են հաշվել, աշխարհին շարութեամբ և կասկածամտութեամբ նայող այդ անժպիտ տղամարդիկն են երկրի միակ հենարանն այսօր, մի բան, որ իրենք չգիտեն ու չպետք է իմանան: Թող հանգիստ ապրեն ու բազմանան իրենց համար, ծառ տնկեն ու ջրեն, նավասարդ տոնեն ու քեֆ անեն, օր ու գիշեր աշխատեն և լուծ քաշեն, բամբասեն, սիրեն ու ատեն, իսկ հենց որ իմանան, թե իրենք են երկրի ու արքայի հույսը, շնչումացան ու կվախենան: Իսկ եթե շիմանան, բնագոյր վերջին պահին կհուշի նրանց, թե ինչ է նշանակում նորից տեր ունենալ դիւաներին, հարկ տալ նրան, մտրակի հարվածներ ուտել նրանից, նրա թույլտվութեամբ ամուսնանալ, նրա համաձայնութեամբ մի տեղից մի քանի օրով մի ուրիշ տեղ գնալ...

Նա վեր կացավ պատվանդանից և սկսեց հառ ու առաջ քայլել գահասրահում:

Վեր կացավ նաև Պապը և նույնպես սկսեց հառ ու առաջ քայլել հոր նման:

Արշակավանից են սկսում այս երկրի սահմանները և Արշակավանում են վերջանում: Այստեղ է լինելու վճռական մարտը, որից հետո նոր միայն կխոսենք՝ Հայաստանը մնալու է աշխարհի երեսին, թե՞ ոչ: Թշնամին արդեն գիտի այդ և շան պես վախենում է իր քաղաքից, որ շունի ոչ Բյուզանդիոնի, ոչ էլ Տիգրոնի շքեղութիւնը, անգամ Արտաշատի հետ չի կարող մրցել: Բայց նա մեղկ ու զուենատ չէ նրանց նման, կարիք շունի դիմափոշիով ծածկելու իր կնճիռները, ջահել և պինդ քաղաք է, մի կտոր հացով ու մի բաժակ ջրով գոհացող, առողջ թոքերով, քախոս ու կոշտ բնակիչներով: Հենց սա է, որ նրան խորհրդավոր է դարձնում թշնամու աշխին, անհասկանալի ու վանող:

Արքան ձեռքը դրեց մեջքին և նկատեց, որ Պապը ևս

ձեռքերը մեջքին տարավ: Նոր գլխի ընկավ, որ որդին ձուգ-
տում էր ամեն ինչով ընդօրինակել իրեն:

Կանգ առավ, հարցական նայեց որդուն, շիմանալով՝
ծիծաղե՞լ, թե՞ հպարտանալ:

Տասը տարեկան է տղան, նետի պես ձիգ հասակով, սե-
և խոշոր աչքերով, գանգուր և սեփ-սև մազերով, իսկ և
իսկ հոր նման: Դա աւազած և ամոթալի հայտնագործու-
թյուն էր, թեև միաժամանակ ուրախացնող ու թեւավորող:
Ի՞նքը պետք է դաստիարակած լիներ նրան, ի՞նքը, գլուխը
կորցրած, իրեն պատեպատ խփող, վանդակի մեջ մոնչացող
թագավորը, իր ձեռքերի տակ, իր աչքերի առաջ, և ոչ թե
հանձներ դայակներին: Նա կսովորեցնե՞ր որդուն՝ ինչպես
հետապնդել որսին, ինչպես թռչել նրա մեջքին, ժանիքները
խրել վզի մեջ և սեղմե՞լ-սեղմե՞լ, մինչև որ ոտքերը թուլա-
նան ու գետնին տապալվեն: Եվ ինչպես մի շար հաճույթ
ստանալ սեփական դաժանությունից, որպեսզի հանկարծ
չզգա արյան հոտը ու շարսուա վախից: Ու ինչպես պատա-
ռտել որսը և ուտել սովորել: Որովհետև, սո՛ւտ է, աշխարհ-
հում չկան առաքինություն և ստորություն, քաշություն ու
վախկոտություն, թույլատրելին ու անթույլատրելին, լավն ու
վատը, սեն ու սպիտակը, շէ, չկան, աշխարհն իր հիմքում
երկու պարզ ու թափանցիկ մասերի է բաժանված. ուտողներին
և ուտվողներին: Հայրդ ամենագոթբախտն է, որդիս, ավելի
դժբախտ, քան քո տեսած շինականներից որևէ մեկը, որի
ճակատին արդեն վաղուց է գրված, թե ուտվողների խմբին
է պատկանում: Եվ գիտե՞ս ինչու: Որովհետև հայրդ և՛ ուտող
է, և՛ ուտվող է միաժամանակ: Պատկերացնո՞ւմ ես ավելի
ստոր և ողբերգական վիճակ: Իսկ դու պիտի ուտող լինես,
սո՛ւր ատամներով, երկա՛ր մազիլներով: Բայց դու դրան
հասնելու ես ի՛մ հաշվին, ի՛մ տառապանքների ու տանջանք-
ների գնով: Նա, չգիտես ինչու ամոթխածորեն, ձեռքը տա-
րավ որդու դեմքին, և որդին, հանկարծ, ժպտալով հարվածեց
հոր ձեռքին... Հայրը կատակով մի թեթև ապտակ հասցրեց
որդու երեսին, իսկ որդին դարձյալ խփեց հոր ձեռքին, այս
անգամ ավելի ուժեղ...

Արքան գրկեց Պասյին, բարձր պահեց օդում, երկար նա-

յեց նրա աշքերին, հետո նստեցրեց գահին, բռնեց նրա ծնոտը, արձանագործի պես խնամքով ուղղեց դեմքը, բարձրացրեց գլուխը, ձևաբերը դրեց արմնկակալների ծայրերին, որոնց վրա մի-մի առյուծ էր քանդակված, ապա ուսերից հանեց ծիրանի քղամիդը ու գցեց նրա վրա:

Հսո՞ւմ ես հեռավոր թմբուկների զարկը, Պապ:

Սա իշխանության ձայնն է: Տեսնո՞ւմ ես, ինչ քաղցր է հնչում: Թող այդ քաղցրությունը շխաբի բեզ, թե չէ տանուկ կտաս ամեն ինչ:

Սա դավադրության ձայնն է: Սրանից զգուշ կաց: Սա կարող է մյուս բոլոր ձայները խլացնել:

Սա քծնանքն է: Ուշադիր լսիր: Այս ձայնը կարող է նաև շատ անկեղծ հնչել: Վախեցիր սրանից:

Սա հոգսի ու գործի ձայնն է: Մարդիկ բեռը գցելու են իրենց ուսերից և դնելու են միայն մի հոգու վրա: Քե՛զ վրա: Դու պիտի աշխատես, տառապես, պիտի տաս ու փոխարենը ոչինչ չստանաս: Բայց դու վստահիր այս ձայնին:

Սա մենակությունն է, Պապ: Ամենատխուր և սրտամաշ ձայնը: Որքան էլ փորձես ականջներդ փակել, միևնույն է, սրանից չես խուսափի:

Սա դաժանության ձայնն է: Մի խորշիր դրանից: Այս ազմուկի մեջ մեղեդի կա, որդիս: Դու այդ մեղեդին փնտրիր:

Այս ձայներն անցողիկ են: Հաղթանակ... Պարտություն... Սեր... Ատելություն... Վրեժխնդրություն... Կարոտ... Մի աշխատիր միտքդ պահել, հետո ինքդ էլ, առանց իմ օգնության, հեշտությամբ կորսաս ու կշոկես այս ձայները:

Հը՞, ո՞րը հավանեցիր, որդիս: Այս ձայներից ո՞ր մեկը ամենից ավելի հիշեցիր:

Առաջի՞նը, արքա, ասում էին որդու խորամանկ և ծիծաղկուն աշքերը:

Իշխանությա՞ն ձայնը: Նայած, թե ինչպես լսեցիր: Համե-նայն դեպս, ես հիմա հանգիստ եմ քեզ համար: Հանգիստ եմ, որ շնայած իմ զգուշացումներին, շնայած իմ հորդորներին, դու մատդ համառորեն դրեցիր դրա վրա: Հանգիստ եմ, որդիս, հանգիստ:

Ողջո՞ւյն քեզ, Պապ թագավոր:

Մի՞թե ճայն իր ամբողջ կյանքում սա չի երազել: Չի երազել, որ այս գահը թափուր շմնա: Լավ թե վատ, հաջող թե անհաջող, սիրելի կամ ատելի մի թագավոր ունենա իր գլխին: Սա է երազել, ազնի՛վ խոսք, ուրիշ ոչինչ: Որովհետև այս երազից հետո է միայն, որ նա կարողացել է անձնական երազներ ունենալ:

Նա ողջույնն, անշուշտ, բարձրաձայն շասաց, բայց, փոխարենը, դանդաղ ետ-ետ գնաց ու հարգալիք խոնարհվեց մինչև գետին:

Գահասրահի ոսկեզօծ ու երկբացիկ դռները հանկարծ լայն բացվեցին և, արգելապատը խորտակած շրի նման, ներս հոսեց նախարարների մի մեծ խումբ, ներսես կաթողիկոսի գլխավորությամբ:

Պապը վախեցած կուչ եկավ գահի վրա, հոր ծիրանի քղամիզը քաշեց գլխին ու թաքնվեց դրա տակ:



Խոսքը մեկ էին արել նախարարները, բյուզանդասեր ու պարսկասեր խառնվել էին իրար, տարագի մանրուքներն էին միայն մատնում նրանց պատկանելությունը, մեկ էլ՝ մազերի սանրվածքը: Սա արդեն վտանգավոր էր, որովհետև արքայի մտքովն իսկ շէր անցնում, որ երկու խմբակցությունները կարող էին թեկուզ կես ժամով լեզու գտնել ու միավորվել իր դեմ: Հայր Մարդպետին նայիր, Հայր Մարդպետի՛ն, մի տես, թե ինչպես է հագնվել. անթեզան, լայն ու բազմախորշ պատմուճանը՝ զուտ հայկական, պատմուճանի վրա գցած սպիտակ թունիկը՝ զուտ բյուզանդական, գանգրացրած մազերը՝ զուտ պարսկական: Դե արի ու մի գժվիր:

— Պարսկասերները թող կանգնեն գահի աջ կողմում, — շարախնդորեն հրամայեց արքան, — իսկ բյուզանդասերները՝ ձախ:

— Ետ ուղարկիր Որմիզդուխտին, — զայրույթով լցված, պահանջեց ներսես կաթողիկոսը:

— Վոնդիր Օլիմպիային, — բարեհամբույր ձայնով, կաթողիկոսին լրացրեց Մերուժան Արծրունին, և արքան այնպես էլ չհասկացավ, խնդրա՞նք էր գա, թե՞ հարկադրանք:

— Դրաստամատ,— կոկորդով մեկ գոռաց արքան, թեև պարզորոշ տեսնում էր, որ նա կանգնած էր դռան մոտ՝ բուլորից մի գլուխ բարձր։— Կանչիր իմ մանկության ընկերոջը, Եփրեմ ազատին։ Ես ուզում եմ ճատրակ խաղալ նրա հետ։

Բայց արտի խորքում ուրախացավ, որ սրանք լեզու չեն գտնի իրար հետ։ Հենց առաջին խոսքերից սխալ սկսեցին և Իսկ ինչո՞ւ միայն միմիկոզություն ետ ուղարկել։ Ինչո՞ւ միայն Օլիմպիային վոնդել։ Նշանակում է, մեկնում եկեք պիտի այնուամենայնիվ մնա՞ր։

Նա մոտեցավ գահին, տեսավ ծիրանի քղամիդի տակ կուշ եկած ու վախից սակված որդուն, հենց այդպես, քղամիդով փաթաթված, գրկեց նրան, դրեց թևի տակ ու դուրս տարավ։ Թող նրա մտքովն իսկ շանցնի, թե արքայի հպատակները երբևիցե կհանդգնեն պահանջներ ներկայացնել իրենց տիրոջը, կփորձեն պատին դեմ տալ կամ հավասարակշռությունից հանել նրա հորը։

Զգիտես ինչու, ննջասենյակ տարավ նրան, հանեց քղամիդի միջից, ինչպես բարուրներից, ծնկի իջավ դեմը, բռնեց թևերից ու խանդաղատանքով նայեց աչքերին։

Երկյուղ կար Պապի աչքերում։ Կար այն պահի դրու՞մը, երբ ոսկեգույն, երկփեղկ դռներն անսպասելի բացվեցին, և ալիք առ ալիք ներս խուժեց նախարարների կատաղի ո՞ւմակը։ Ուրեմն, նա արդեն գիտեր վտանգի հոտն առնել, կարողանում էր ջոկել թմբուկների ձայնը։ Ոչ ոք չէր սովորեցրել նրան, ոչ ոք չէր պատմել թմբուկների մասին, բայց ինչ փուլթ, երևի կան բաներ, որ արյունից արյուն են փոխանցվում։ Այդ բոլորը՝ լավ, բայց և այնպես ինչո՞ւ նա վախեցավ, եթե հայրը ներկա էր։ Երբ ես քո կողքին եմ, դու իրավունք չունես որևէ բանից վախենալու։ Լսո՞ւմ ես, իրավունք չունես։

— Մենք վաղը քեզ հետ որսի կգնանք,— ասաց նա մեղմորեն։— Իսկ մինչ այդ կմտնենք ախոռ, և դու ո՞ր ձին հավանես, ես կնվիրեմ քեզ։

Վեր կացավ, մեղավոր տեսքով խառնեց որդու սև մազերը ու դանդաղ քայլերով դուրս եկավ ննջասենյակից։

Քծնել էր որդուն։ Որպեսզի նա հավատար հոր հղորուչ

թյանք, հոր անձնակարող ուժին, որպեսզի կասկած չտողու-
կեր նրա փոքրիկ ուղեղի մեջ:

— Իսկ թուր էլ կնվիրե՞ս,— հանկարծ լավեց Պապի
ձայնը:

Նա կանգնել էր ննջասենյակի դռան առջև, ոսկրոտ ու
նետի պես ձիգ: Արքան շրջվեց և զարմացած նայեց նրան:
Որդին ինչ-որ բան հասկացել էր, բնազդով կոհակել էր: Եվ
հոր քծնանքից ուզում էր առավելագույն չափով շահել: Եթե
սովորական տղա լինեիր, ես քեզ կթակեի, մի վայրկյան
անգամ չկասկածես, որ կթակեի, բայց քանի որ թագածա-
աանգ ես, քո խոսքերն արդեն ոչ միայն մեղք չեն համար-
վում, այլ ընդհակառակը, արժանի են ամենայն գովեստի:
Որդին առևտուր էր անում հոր հետ: Որպեսզի մոռանար հոր
կատաղի ու անօգնական ձայնը: Երկփեղկ դռներից ներխու-
ժած անպատկառ ոհմակի պատկերը: Որպեսզի հայրը նրա
համար մնար ուժի ու հզորության խորհրդանիշ: Չէ, ուտո՞ղ
էր, ուտողների՞ց էր: Ախորժակն այնքան մեծ, որ դեմ չէր
լինի հոր մսից էլ մի սլատառ պոկելու: Արքան, ուրախանա-
լով հանդերձ, նաև խղճաց որդուն, որովհետև բացասական
գծերը գովելի ու խրախուսելի են դառնում թագածառանդի
համար: Ուրեմն, որքա՛ն լիարժեք չէ մարդկային այն տե-
սակը, որին թագածառանգներն ու թագավորներն են պատ-
կանում:

— Կնվիրեմ,— ժպտաց նա:— Անպայման կնվիրեմ:

— Իսկակա՞ն թուր,— տեղը պնդացրեց օրդին:

— Իսկական:

Եվ ապա արագ ուղղվեց դեպի գահասրահը, գոհ, որ
ուշացել էր և սպասեցրել երկրի մեծամեծներին: Ոտքով հրեց
զուռը, թափով ներս մտավ և հրճվանքով ականատես եղավ,
թե ինչպես բյուզանդասեր, պարսկասեր, զանազանասեր
նախարարները արդեն իրար կոկորդ էին պատռում, նորից
հարություն էին առել հին նվագները, մենք պարսիկների հետ
ավելի մոտ ենք, մեր թագավորներն անգամ պարսկական
ծագում ունեն, մենք քրիստոնյա ենք և ավելի ենք կապված
Բյուզանդիայի հետ: Ու ոչ ոք չէլ: ասում, թե մենք ինքներս
ով ենք և ուր ենք գնում: Եվ քանի որ այսօր հակասական

զգացմունքների օր էր արքայի համար, նա շուգեց շեղվել դրանից, և հրճվանքը փոխվեց խորին տխրության: Ավելի լավ չէ՞ր, եթե կարողանային գոնե մի օրով դաշնակցել արքայի դեմ: Թե որ միահամուռ ուժերով խեղճացնեին արքային՝ ամոթ իրեն, եթե շուրախանար, եթե շհպարտանար նրանց միասնությամբ...

— Պարսկասերները՝ աջ կողմում, — դվարթ ձեռք առավ նա, — բյուզանդասերները՝ ձախ:

— Ինչո՞ւ ես մեզ ծաղրում, արքա, — վիրավորվեց Սմբատ Բագրատունին, և արքան շատ զարմացավ, թե ինչպիսեղանակ, որ ծանրամիտ ասպետը, փոխանակ իր ասածը լուրջ ընդունելու և գահի ձախ կողմում կանգնելու, զգացել էր հեղնանքը:

— Ինչո՞ւ եմ ծաղրում, քավ լիցի, — դեմքին անմեղ արտահայտություն տվեց արքան: — Ես պարզապես ուզում եմ կողմերի հետ առանձին խոսել:

— Չես խաբի, արքա, — առաջ եկավ կաթողիկոսը և նույն ազնիվ գայրույթով ավելացրեց. — Ես քեզ լավ եմ ճանաչում, դու երկու կողմերին էլ կհավատացնես, թե նրանց ես համակիր:

— Ներսե՞ս, — նախատինքով նրան նայեց արքան և ասուսանքով տարուբերեց գլուխը:

Արքան արդեն բոլորովին չէր ճանաչում իր մորաքրոջ որդուն: Մի կերպ կարող էր հանդուրժել, որ նա օրեցօր իր հակառակորդների կողմն անցնի, բայց որ կորցրած լինի հեզանքը որսալու ընդունակությունը, այդ մեկն արդեն աններելի էր: Երևի այնքան էր բարեգործություններով զբաղվել, այնքան էր երկրի լուսավորության համար ծախսել իրեն, որ որպես մարդ հետզհետե անհետաքրքիր էր դառնում:

— Ներսե՞ս, — կրկնեց նա՝ նախկին սիրով ու ջերմությամբ:

— Ես շենացրի քո երկիրը, լուսավորեցի քո մարդկանց, հիմա չկա մի ավան, որ դպրոց չունենա, չունենա հիվանդանոց կամ իջևան, — շարունակեց Ներսեսն այնպիսի ակնկալությամբ, որ իր ամեն մի խոսքը կարծես մի ապտակ պիտի լիներ արքայի երեսին, արթնացներ նրա խղճմտանքը, ուշքի

րեբեր նրան:— Եվ դու ինչո՞վ ես ինձ պատասխանում: Արշակավանո՞վ: Անաստվածների քաղաքո՞վ: Նախարարների հետ գծտությա՞մբ:

— Սկզբում ինձ էլ էր թվում, թե երկրի համար ես օր ու գիշեր տքնում, և ես, վկա է աստված, հպարտանում էի քեզանով,— հանգիստ պատասխանեց արքան:— Բայց հետո հասկացա, որ, ժողովրդի ետևում թաքնված, քեզ ես ծառայում միայն, սոսկ եկեղեցուն: Դու աշխատեցիր բարի անուն ձեռք բերել, որպեսզի իրավունք նվաճես... իմ գործերին խառնվելու:

— Դու զրպարտում ես ինձ,— մինչև հոգու խորքը վրդովվեց Ներսեսը ու գավազանը գետնին խփեց: Եվ գավազանի խփոցը հենակ թվաց նրա վրդովմունքի համար: Նշանակո՞ւմ է, ոչ թե զրպարտությունից էր նա վիրավորվել, այլ ճշմարիտ խոսքերից:

Նախարարները, նույնիսկ պարսկասերներից ոմանք, դժգոհության ձայներ հանեցին, այսինքն, տեսեք, թե ինչ օրի ենք հասել, արքան բացահայտ կերպով անարգում է կաթողիկոսին, այսպիսի սուրբ ու նվիրված մի մարդու:

— Է՛, Ներսես, Ներսես,— տխուր ժպտաց արքան.— քեզնից այդպես էլ հոգևորական դուրս չեկավ: Քո նպատակները մնացին զուտ աշխարհական նպատակներ: Հիմա ասա, ի՞նչ ես ուզում ինձանից: Ի՞նչ է մտքինդ:

— Վերացրու Արշակավանը: Հաշտվիր նախարարների հետ: Հաշտեցրու նախարարներին: Մենք պետք է մի ընդհանուր ծրագիր մշակենք:

— Դու սովորական մի նախարար ես, Ներսես, ոչ ավելի, ոչ պակաս,— դառը քմծիծաղ տվեց արքան:— Իսկ եթե չես, ինչո՞ւ, դու էլ քո հերթին, հարկեր ես վերցնում ժողովրդից: Եվ եթե իրոք ուսմիկի բարեկեցության մասին ես հոգում, եթե անկեղծ ես քարոզում, որ շինականին չճնչեն, ինչո՞ւ ես Արշակավանին դեմ: Ինչո՞ւ, օգտվելով Մեծի Դատավարության գործակալի պաշտոնից, անձամբ ինքզ ես դատում Արշակավան փախչողներին: Ո՞ւր է այստեղ տրամաբանությունը: Եթե իսկական հոգևորական ես, ի՞նչ գործ ունես

բաղաբական հաշիվների հետ: Քե՞զ ինչ, թե արքան ում է դաշնակից և ում թշնամի:

— Եթե Արշակավանը վերացնես, մենք պատրաստ ենք զիջումների գնալ,— ասաց Կամսարականը, չգիտես ինչու, ձեռքերը մեջքին թաքցնելով:

— Հայոց թագավորները միշտ էլ ընտրություն են արել, արքա,— միջամտեց Մերուծան Արծրունին խաղաղ ու արժանապատվությամբ լի ձայնով:— Դու պետք է որևէ մեկի կողմը բռնես:— Եվ կարեկցանքով ավելացրեց.— Իզուր ես ճակատագրիդ դեմ կռվում:

Անկեղծ էր կարեկցանքը, ոչ մի կասկած, որ անկեղծ էր Եվ դա է՛լ ավելի կատաղեցրեց արքային: Ընդհանրապես Մերուծանի ամեն մի խոսքը նա սրտին մոտ էր ընդունում և զայրանում: Որովհետև չէր կարողանում թաքցնել, որ այս անարժան մարդը իր թուլությունն էր: Չեղբին ճար չկար, սիրում էր նրան, իր ամենավտանգավոր թշնամուն, առյուծի պես փառահեղ այս երիտասարդին, որին աստված պետք է իր դաշնակիցը արած լիներ:

— Չորս կողմից խորհուրդ են տալիս,— համբերությունից վերջնականապես դուրս եկավ արքան:— Խորհուրդ տվողների ազգ ենք դարձել: Ամեն մեկն իր պարտքն է համարում խելք սովորեցնել ուրիշին:— Նայեց շուրջը, տեսավ կերած-խմած նախարարներին և է՛լ ավելի գազազեց:— Ուր կողմդ շուռ գաս, խորհրդատուի ես դեմ առնում: Մեծ թե փոքր, ամեն ինչ գիտեն այս երկրում: Ոչ մի մութ կետ: Բայց ինչպե՛ս, ինչպե՛ս, ինչպե՛ս... Այ սա՛ չգիտես: Ոչ ոք չգիտի, ոչ էլ ուզում է իմանալ:— Եվ հանկարծ գոռաց ամբողջ կոկորդով.— Պարսկասերները՝ աջ, բյուզանդասերները՝ ձախ: Չեք լսո՞ւմ ձեր արքայի հրամանը: Ինչո՞ւ եք ամաչում աջ ու ձախ կանգնելու: Իսկ գործելո՞ւ: Գործել կարելի է, չէ՞՞ Ում կալվածքը սյարսկական սահմանի մոտ է, Պարսկաստանի կողմն է ուզում անցնել, ումը որ բյուզանդական սահմանին է կից, Բյուզանդիայի հետ է ուզում դաշնակցել: Իսկ ե՞ս, ես, որ երկրի կենտրոնում եմ, երկրի սրտում, ե՛ս ինչ անեմ:— Ապա իջեցրեց ձայնը, սակայն չկարողացավ հետքը զսպել:— Ընդհանուր ծրագիր մշակելու քո առաջարկը ըն-

դունելի է մի պայմանով, Վեհափառու եթե հույսներս միայն մեզ վրա դնենք: Եվ հասկանանք, որ Արշակավանը միայն իմ օգտին չի կառուցվում, այլ բոլորիդ օգտին:

— Ես քո կողքին եմ, արքա,— հանկարծ ոգևորված ասաց իշխան Վաչակը, նա, ով թագավորի հրամանով, ճաշկերույթի ժամանակ նստել էր նրա բազմականին:

— Իշխան Վաչակ, ի սեր աստժո, ոտքի տակ մի ընկնիր, մի կանգնիր կողքիս,— նորից բորբոքվեց արքան,— միացիր որևէ կողմի: Իսկ դո՛ւ ինչու ես չեզոք, Հայր Մարդպետ:

— Ես շատ ծեբ եմ արքա:

— Մե՛ր է:

— Այս օրհասական պահին դու պարտավոր ես ընտրություն կատարել,— համառորեն պնդեց կաթողիկոսը:

— Վեհափա՛ռ,— ձեռքերը հեզնանքով տարածեց արքան:— Ինչո՞ւ ես հանդուրժում բազմակնությունը: Զէ՞ որ դու բոլորին արգելեցիր: Ինձ ինչո՞ւ ես թույլ աալիս: Զէ՞ որ դա հեթանոսություն է: Ի՞նչ է, թագավորի համար մի՞ կրոն կա, իսկ մյուսների համար՝ ա՞յլ:

Մերուժան Արծրունին մոտեցավ արքային, ձեռքը բարեկամաբար դրեց նրա ուսին, ազնիվ ու բաց հայացքով նայեց նրա աչքերին ու ասաց.

— Ես վախենում եմ, արքա:

— Ինչի՞ց ես վախենում, Մերուժան Արծրունի,— քմծիծաղ տվեց արքան:

— Վախենում եմ դավաճանել հայրենիքիս:

— Բայց դա քեզ չի խանգարում ինձանից գաղտնի պարսից թագավորի մոտ գնալ,— մոնչաց արքան ու կոպտորեն ետ տարավ ուսը:

— Զկարծես, թե դավաճանությունը այդքան հեշտ բան է,— շնայած արքայի կոպտությանը, մեղմ ասաց Մերուժանը և, իր խոսքն ավարտած համարելով, մի կողմ քաշվեց:

— Ի՛մն է Արշակավանը,— շարությամբ գոռաց արքան:— Ոչ ոքի չեմ տա: Ես ձեր ճորտերով ու ծառաներով կկռվեմ ձեր դեմ:

— Ճիշտ էր Արծրունյաց իշխանը,— ասաց կաթողիկո-

սր:— Եթե նրանք դավաճան կոչվեն, իմացիր, որ դու ես մեղավոր:

— Գուցե դո՛ւ էլ ես ճիշտ, որ օրը ցերեկով նամակներ ես ուղարկում կեսարիա ու բողոքում, թե ինչո՞ւ հայոց կաթողիկոսները այսուհետև պիտի Հայաստանում ձեռնադրվեն, առանց Բյուզանդիայի գիտութեան:— Արքայի շունչը կտրվեց ատելութունից: Նա կաթողիկոսի նամակների մասին վաղուց գիտեր, բայց բարձրաձայն ասելուց հետո փաստը կարծես է՛լ ավելի իրական դարձավ:— Գուցե քո այդ դավաճանութեան համա՞ր էլ ես եմ մեղավոր:

— Ինչպե՛ս ես հանդգնում, արքա,— մինչև ականջների ծայրը կարմրեց կաթողիկոսը:— Ինչպե՛ս է լեզուդ պտտվում:

— Պատասխանի՛ր, պատասխանի՛ր, նախարար Ներսես,— կոպտորեն պահանջեց արքան:— Թող բոլորը լսեն:

— Դա զուտ կրոնական հարց է, և ոչ ոքի չի վերաբերում, բացի ինձանից:

— Լսո՞ւմ եք:— Թեև ո՞վ պիտի լսեր, ո՞ւմ էր ձեռնտու:— Բյուզանդիայից կախման մեջ լինելը, ուրեմն, զուտ կրոնական հարց է և ոչ թե դավաճանութուն:

— Մի ստիպիր նզովել քեզ,— խնդրեց կաթողիկոսը, և արքան զգաց, որ նա անկեղծորեն խուսափում էր դրանից, կարծես շնորհ էր անում: Եվ դա սաստիկ բարկացրեց նրան:

— Դուք ձեր ճորտերից ու ծառաներից ավելի եք վախենում, քան բյուզանդացուց ու պարսիկից,— նորից կատաղած պոռթկաց արքան:— Թող ես ճորտերի արքան լինեմ, թող նախարար շունենա իմ երկիրը:

Եվ ձեռքերի արհամարհական շարժումով վոնդեց բոլորին: Նախարարների խումբը, ալիք առ ալիք, զայրացած ու վիրավորված, դուրս եկավ գահասրահից:

— Հիշիր, որ ես չէի ուզում դավաճան լինել,— արքան լսեց Մերուժանի ձայնը:

Եվ ի՞նչ: Ոչ ոք չի մնալու այստեղ, այս շորս պատերի մեջ, բացի իրենից: Արդեն գնում են: Ահա վերջին նախարարներն էլ դուրս կելնեն: Նույնիսկ Գրաստամատն է անհետացել: Հայր Մարգարեան էլ չի երևում: Զեզո՞ք է: Մե՞ր է:

Ո՞ւր եք գնում: Ինչո՞ւ եք ինձ մենակ թողնում: Ես ձեր

արյունից եմ, Ձեր մսից: Արշակավանի խուժանը օտար է
ինձ: Ես վախենում եմ նրանից: Նրանք ձեռքերով են ճաշ
ուտում: Զմոռանա՛ք, շմոռանա՛ք, որ դո՛ւք ինձ ստիպեցիք
նրանց հետ դաշնակցել: Զմոռանա՛ս, Ներսես: Վա՛յ ձեզ:
Գնե՛լ:

Ձերբակալիր նրանց: Գնելի ձայնն էր: Մի թող, որ պա-
լատից հեռանան:

Չեմ կարող: Մի ստիպիր ինձ: Ճիշտ բաներ մի ասա:

Ձերբակալիր քանի ուշ չէ: Հետո շատ կզղջաս:

Գիտեմ: Բայց չեմ կարող: Նրանք... շատ: Են:

Հիմա ամեն պահը թանկ է քեզ համար: Եթե այս առիթը
կորցնես, իմացիր, որ պարտված ես:

Նրանք պետք են ինձ: Թեկուզև թշնամի: Բայց պետք են:
Ինչպես իմ գոտին: Իմ մաշկը: Իմ ներքնակը:

Վճռական եղիր: Աղաչո՞ւմ եմ քեզ: Այ տես, ծնկաշոք
աղերսում եմ: Ոտքերդ եմ համբուրում: Դու կամ հիմա՛ ես
շահելու, կամ հիմա՛ ես պարտվելու:

Գոնե թույլ տուր մի քանիսին միայն... Բոլորին չեմ
կարող...

Լսո՞ւմ ես սմբակների ձայնը: Շո՞ւտ արա: Հրամայիր, որ
բռնեն նրանց: Ջնդան գցիր: Կոտորիր ամենքին: Թե չէ հետո
նույն բանը նրա՛նք կանեն քեզ: Զգիտե՛ս, որ դա է աշխար-
հի օրենքը:

Զբվիր աչքիցս: Պղտորեցիր կյանքս: Իմ անձը խլեցիր ին-
ձանից: Ես կուրանամ իմ երդումը: Շանսատակ կանեմ քեզ:

Դու պարտվեցիր, արքա: Սմբակների ձայնն այլևս չի
լսվում:

Պարսկասերները՝ ա՛չ:

Բյուզանդասերները՝ ձա՛խ:

Հը՛, ի՞նչ եղավ, ի՞նչ արեցի, ի՞նչ հասկացար, Դրաստա-
մատ:



— Դու ինձ սիրո՞ւմ ես, սենեկապետ... Ինձ, ոչ թե ար-
քային...

Դրաստամատն արքային երբեք այսպիսի վիճակում չէր

տեսել: Եւ անեկապետին ժողովել էր գահասարահի մի անկոյունը, բռնել նրա օձիքից և անհամբեր պատասխան էր սպասում, կարծես նրա մի հատիկ խոսքից կախված էին իր ճակատագիրն ու երկրի բախտը: Երկարավուն դեմքն այլայլված էր, փոքր աչքերի մեջ ահագին տազնապ կար, անզուսպ իրարանցում, և դուրս ցցված ճակատը ծածկված էր սառը քրտինքով: Նրա մտքով երբեք չէր անցել, որ այդպիսի հարց կարող էր գոյութիւն ունենալ ոչ միայն իր, այլև առհասարակ որևէ մեկի համար: Սիրտ պահանջը հանկարծ ծնվեց, լցվեց ամբողջ հույժան մեջ ու սկսեց խեղդել նրան: Եվ հիմա ոչ թե կոկորդը սեղմված Դրաստամատն էր դժվար շնչում, այլ հենց ինքը, արքան: Գուցէ նաև դրական պատասխան էր ակնկալում, սպասում էր, որ փարատեն իր կասկածները, անամոթաբար հույսը դրած արքա լինելու առավելութիւնների վրա: Եվ քանի որ Դրաստամատը մի գլուխ բարձր էր, արքայի հայացքն ուղղված էր դեպի վեր, ասես ինչ-որ բան էր աղերսում նրանից:

Արքան թեև մարդկային անկեղծ խղճահարութիւն էր արժանի, բայց Դրաստամատը շիղճաց նրան: Չկարողացավ հիշել թեկուզ մի դեպք, երբ դա իր պարտականութիւն մեջ ստած լիներ: Եթէ թափեր, որ ինքը պարտավոր էր նաև խղճալ արքային: Չանասիրաբար այդ էլ կաներ: Բայց չէր ասվել: Եվ հիմա, այս տարիքին, երբ ջահելութունն արդեն վաղուց էր անցել, նա դժվարանում էր իր պարտականութիւնների վրա և՛ մի բան կամավոր ավելացնել: Միայն զարմանում էր, թե ինչո՞ւ այդպիսի հասարակ հարցի մեջ այդքան կիրք էր դնում արքան, մանավանդ, որ իր պատասխանը լինելու էր շատ սովորական:

— Քո ինչի՞ն է պետք իմ սերը, արքա,— հանգիստ ասաց Դրաստամատը:— Անկեղծութիւնն ու նվիրվածութիւնը իմ մասնագիտութիւնն են, իմ արհեստը: Դու հավասարների մեջ սեր փնտրիր:

— Ասում ես, հավասարների՞ մեջ,— զազազեց արքան ու է՛լ ավելի ամուր սեղմեց նրա խորշավոր օձիքը:— Բայց ո՞ւմ: Ո՞ւմ:

— Ոչ ոքի, արքա,— սառը պատասխանեց Դրաստա-

մատը:— Եթե հավասարներից ոմանք կապված են քեզ հետ, ապա պատճառը ոչ թե երկրի, այլ զուտ իրենց անձնական նեղ շահերն են: Սիրո համար շահերի ընդհանրութունն է պետք, արքա: Մեծ շահերի: Աստծո կամ հայրենիքի մակարդակով:

Ինչպես էլ կարողանում էր հանգիստ խոսել, երբ երկրի առաջին դեմքը նրան կոպտորեն խցկել էր սրահի մի անկյունը և ամուր բռնել նրա կոկորդից: Եվ ինչպես էլ համարձակվում էր շասել այն, ինչ արքան էր ակնկալում: Ի՞նչ է, չէ՞ր հասկանում այս հսկայամարմին բթամիտը, որ իբ հարցին պիտի դրական պատասխաններ, աչքերին անկեղծության շինծու արտահայտութուն տար և դրանով խնդիրն սպառեր:

— Ուրեմն, դուրս է գալիս, որ ոչ ոք չի՞ սիրում ինձ:

— Ոչ ոք,— հաստատեց Դրաստամատը:

Արքան բաց թողեց նրան ու հեռացավ: Նստեց գահին, թուլացրեց օձիքը, քանդեց գոտին, հանեց մաշիկները ու պատվանդանի վրա մեկնեց բոբիկ ոտքերը: Հետո աչքերը սառեցին մի անորոշ կետի, ու նա երկար ժամանակ վերացավ ինչ-որ տեղ:

Դրաստամատը ելավ անկյունից, անշտապ ուղղեց զգեստը ու կանգնեց պատվանդանի կողքին: Նա գիտեր, որ դեռ չպետք է դուրս գար գահասրահից: Եվ ընդհանրապես գիտեր, թե երբ պիտի առանց կանչի ներս մտնել և առանց հրահանգի հեռանալ:

— Իսկ Վասա՞կը,— հանկարծ, դիրքը շփոխելով, խուստած ձայնով հարցրեց արքան:— Նա՞ էլ չի սիրում:

— Ոչ, արքա:

— Ինչպե՞ս: Վասա՞կը: Իմ հավատարիմ սպարապե՞տը: Ուշքի եկ, Դրաստամատ:

— Նա արքային է սիրում, ոչ թե քեզ:

Արքան շփոթված նայեց շուրջը, կարծես ինչ-որ բան էր փնտրում գահասրահի հեռավոր անկյուններում: Հետո կռացավ, վերցրեց մաշիկները և խնամքով դասավորեց կողք կողքի:

— Իսկ Գնե՞լը:

— Արքային է սիրում, աչ քեզ:

— Իսկ Պապը:

— Պապը իր ապագան է սիրում, արքա:

— Հիմարութուն,— փեշերը բռնած, տեղից ցատկեց արքան:— Ես կարող էի նաև արքա չլինել: Ի՞նչ է, իմ որդին չէ՞ր սիրելու ինձ:

— Եթե չլինեիր, անշո՛ւշտ կսիրեր: Այս դեպքում էլ քո արքա լինելն է նրան խանգարում:

— Իսկ Փառանձե՞մը:

— Չի սիրում,— կարճ պատասխանեց Դրաստամատը:— Ոչ քեզ, ոչ արքային:

— Ի՞նչ է ստացվում, Դրաստամատ,— անսպասելի մեղմությամբ, կարծես ինչ-որ մեծ բանի հետ հաշտված, հարցրեց արքան,— որ ես մենա՞կեմ:

— Բոլոր նրանք, ովքեր ուժ և իշխանություն ունեն, մենակ են, արքա:

— Եվ ոչ ոք չի՞ սիրում ինձ:

— Արքաներին ոչ ոք չի սիրում, տեր իմ:

— Անկախ նրանից, լա՞վ մարդիկ են, թե՞ վատ:

— Աստվածներին էլ չեն սիրում, արքա: Պաշտում են, բայց չեն սիրում: Որովհետև աստվածներն ու արքաները գաղափար են, ոչ թե միս ու արյուն:

— Եթե ես վաղը թալանեմ երկիրը, ծանր հարկերով նեղեմ շինականին, զնդանները լցնեմ մարդկանցով, տեսնե՞ք ինչպե՞ս միս ու արյուն չեմ դառնա,— շարությամբ վրա տվեց արքան:— Իսկ եթե հարկերը քչացնեմ, արգելեմ, որ վատ վարվեն նրանց հետ, ի՞նչ է, էլի՞ միս ու արյուն չեմ դառնա:

— Երբ տաք արև է երկնքում, երբ գարնան շունչն է տարածվել շորս կողմը, երբ սերմը պայթում է հողում, լավ է, չէ՞: Բայց դրա համար ո՞ւմ են սիրում: Իսկ եթե ջրհեղե՞ղ է, երկրաշա՞րժ, երա՞շտ: Ո՞ւմ են ատում դրա համար: Որովհետև երկուսի հեղինակն էլ այնքան հեռու է և անհասանելի, որ դուրս է մնում սիրուց ու ատելությունից:

— Բայց ես ուզում եմ, որ իմ մեջ նախ և առաջ մարդուն տեսնեն,— շհաշտվեց, շհամաձայնեց, ընդվզեց արքան:—

Արքային և մարդուն միաժամանակ: Ի՞նչ կա այստեղ ան-
բնական:

— Բնական պահանջները ուժի և իշխանության դեպքում
թուլութուն են դառնում,— համառորեն դիմադրեց Դրաստա-
մատը ու թույլ շտվեց, որ արքան խաբի ինքն իրեն:—
Երրորդ ճանապարհ չկա, տեր իմ: Կամ մարդ, կամ արքա:

— Ստո՛ւմ ես,— փեշերը հավաքած, մոմոաց արքան:—
Հապա Արշակավա՞նը: Իմ քաղա՞քը:— Բաց թողեց փեշը,
կանգնեց ուղիղ, գլուխը բարձր, կարծես պատրաստվելով
հանդիսավոր երդում տալու:— Այն վերացական սերն ու
երկյուղածությունը, որ ամբոխը տածում է գահի հանդեպ
ընդհանրապես, ես դարձրի որոշակի սեր: Որոշակի՛ անձի
հանդեպ: Ի՛մ հանդեպ:— Ու տենդագին ուրախությամբ գո-
ռաց.— Ես քեզ արգելում եմ ինձ պատասխանել: Ես ոչ թե
ինձ հավասարների, այլ ամբոխի հետ կհաղթահարեմ իմ
մենակությունը: Ամբոխի հետ կկառուցեմ այս երկիրը, ոչ թե
հավասարների: Վերջացնենք այս կանացի խոսակցությունը:
Ինձ բոլորովին չի հետաքրքրում, թե ով է ինձ սիրում, ով
չի սիրում: Գնա, սենեկապետ, դու պարտվեցիր: Գու ինձ
այլևս ասելու բան չունես:

Դրաստամատը դուրս ելավ գահասրահից, բայց ոչ թե
նրա համար, որ արքան էր ասել, այլ որովհետև զգացել
էր, որ ժամանակն է գնալու: Եթե ժամանակը չլիներ, նա,
անկասկած, դեռ կմնար, ու արքան չէր առարկի:

Իսկ արքան, որ արդեն մենակ էր գահասրահում, շատ
կուզենար՝ հիմա լիներ մեկը, որին կարողանար հարց տալ-
հը՞, ի՞նչ եղավ, ի՞նչ կատարվեց, ի՞նչ հասկացար...



— Հայր Մարդպետ, մի քանի օր հետո կզնաս Ներսե-
սի մոտ... Աշտիշատ... Կասես, որ արքան հիացած է նրա
բարեգործություններով... Որ նա վերջապես լուսավորեց մեր
երկիրը... Մարդասիրություն սերմանեց ամենուրեք... Իշխա-
նավորներին սովորեցրեց լինել մեղմ ու անհիշաչալ... Գու՞թ
ունենալ ծառաների հանդեպ... Մանր հարկերով շնեղել
նրանց... Որովհետև նրանք էլ տեր ունեն երկնքում... Իսկ

ստորադրյալներին՝ հարգանքով վերաբերվել տերերին...—
Լուեց ու լկտի հայացքով նայեց ներքինապետին: Եթե ճշ-
մարիտ է, որ ամեն մարդու մեջ մի քանի հոգի են ապրում
միաժամանակ, իրարամերժ գծերով, ամենաառաքինուց
մինչև ամենաստորը, ապա ներքինապետի մոտ կարելի էր
առանց քաշվելու վերջինը լինել, քանի որ հենց ինքն էր
թելադրում այդ:— Հետո՞, Հայր Մարդպետ, ի՞նչ եմ անում...
Ի՞նչ... Զգո՛ւյշ, եթե մտքինս կռահես, ես քեզ վտանգավոր
մարդ կհամարեմ գահի համար...

— Վեհափառի հեղինակությունը սուվեր է գցում քո
իշխանության վրա, արքա,— հաճույք ստանալով իր ամեն
մի բառից, պատասխանեց Հայր Մարդպետը:

— Բախտդ չբերեց, կռահեցիր, Հայր Մարդպետ: Չէ, ես
մի օր հաստատ քո գլուխը կզոհեմ:

Հայր Մարդպետը մանր-մանր ծիծաղեց և այնքան էր
իրենով տարված, որ շնկատեց արքայի աչքերում ծվարած
շար փայլը:

Լա՛վ, ներսես, լա՛վ: Մորաքրոջ երախտամո՞ռ որդի:
Ուրեմն, ես քեզ ոչնչից մարդ դարձնեմ, իմ կողքին տեղ տամ,
որպեսզի դու իմ ոտքի տակի հո՞ղը փորես: Եթե միայն իմ
չեմ ուղղված լիներ քո նետը, հոգ չէ, մի կերպ կդիմանայի,
մի կերպ կուլ կտայի: Բայց քո գոյությունը վտանգավոր է
նրանով, որ գու էլ, ինձ նման, անձնական շահ չունես:
Երանի չէ՞ր, որ միայն քո մասին մտածեիր: Ես քեզ կներեի
ու կսիրեի առաջվա պես: Դու գործում ես ընդհանրապես
հայոց արքաների դեմ, ոչ միայն իմ, այլև՝ գալիք: Եթե
կուցես իմանալ՝ հենց տասնամյա Պապի դեմ: Եվ ի՞նչ թա-
քուն ու խորամանկ ձևով, որքա՛ն նրբորեն, ինչպիսի՞ տան-
ջալի անշտապուծյամբ ու համբերատարությամբ: Այդ ամե-
նի առաջ նույնիսկ իմ Արշակավանի սատանայական գաղա-
փարն է խամրում և դառնում մանկական թոթովանք: Ափ-
սոս չե՞ն իմ նախարարները, որոնք միամիտ գաճաճներ են
քո կողքին: Լուսավորչական ու մարդասիրական գործունեու-
թյունդ փուչ ու դատարկ բան է: Մեծ և ամուր վահան է,
որի ետևում աշխարհական ներսեսն է թաքնված: Դու ոչ էլ
ուրախանում ես դրանով, ոչ էլ սիրում ես քո ժողովրդին:

Գու քո դպրոցներով, հիվանդանոցներով ու իջևաններով օրըստօրե բարձրացնում ես հեղինակությունդ, որպեսզի էկեղեցին իրավունք ստանա թագավորի գործերին խառնվելու: Քեզ արդեն կոչում են Մեծն Ներսես, երանի՛ ինձ: Մինչդեռ Արշակավան փախչողներին դատում ես այնպիսի խուստությամբ, այնպիսի դաժանությամբ, որին նույնիսկ Մերութանն է անընդունակ: էլի՞ ապացույց: Չգիտե՞ս, որ պատերազմ է, մահու և կենաց կռիվ: Իսկ եթե գիտես, ինչո՞ւ ես բարեգործություններդ նույն թափով շարունակում: Հիմա ի՞նչ ժամանակն է բարեգործության, ո՞ւմ են պետք դպրոցներդ ու իջևաններդ, երբ այսօր չէ՛ վաղը, թշնամիները ոտնատակ են անելու երկիրդ: Ի՞նչ է, ե՞ս պիտի բացատրեմ քեզ, նախկին զինվորիդ, որ հիմա մեզ զորք է պետք, դրամ է պետք, հենց քո հարստությունն է պետք: Իսկ դու, երկու ոտքդ մի կողիկի մեջ դրած, համառորեն նոր դպրոցներ ես բացում, նոր իջևաններ կառուցում, բորոտների մասին ավելի ես հոգում, քան երկրի ու ժողովրդի: էլի՞ կասես, որ ամեն ջանք չէս թափում նկեղեցին արքայի իշխանությանը հակադրելու և մեծ իրավունքներ կորզելու համար:

Գժվելս է գալիս, գժվե՛լս, երբ մտածում եմ, թե ո՞ւմ հաշվին ես այդ անում: Ի՛մ, ի՛մ: Իմ հողերի, իմ դրամների: Ինքս իմ ձեռքով մի հսկա սար կանգնեցրի իմ դիմաց, փակեցի ճանապարհս, կտրեցի հորիզոնս:

— Ինչ պատրվակ ուզում ես գտիր, Հայր Մարդպետ, ինչ ժիջոցի ուզում ես դիմիր,— քթի տակ, հազիվ լսելի ձայնով ասաց արքան,— բայց Վեհափառին ստիպիր այնպիսի մի սխալ գործել, որ ես հարկադրված լինեմ, լսո՞ւմ ես՝ հարկադրված լինեմ, նրան պատժելու համար ետ վերցնել եկեղեցուն նվիրած իմ հողերը: Սրանից հետո ևս բարեգործությունները կկատարվեն այդ նույն հողերի հասույթներով, բայց արդեն ի՛մ անունից:

— Դա փառասիրությունն չէ, արքա,— նրան հանգստացրեց Հայր Մարդպետը:— Ժողովուրդը պետք է արքային երախտապարտ լինի, ոչ Վեհափառին: Ժողովուրդը պետք է արքային կեցցե գոչի և ոչ եկեղեցուն: Դա երկրին է պետք, երկրին:

— Չէ՛, Հայր Մարդպետ,— շարագուշակ ժպտաց արքան,
— ես չեմ թողնի, որ այսպիսի գլուխը ուսերիդ մնա:

— Հանգիստ եղիր, արքա,— նորից մանր-մանր ծիծաղեց Հայր Մարդպետը,— երբ վերադառնամ, ամեն ինչ կարդին կլինի:

Եռնարհվեց ու դուրս եկավ գահասրահից:

Եթե վերադառնաս: Չեզոք է: Մե՛ր է: Եվ ո՞վ ասաց, որ Գնևլի սպանութեան մասին դիտմամբ շհայտնեց կաթողիկոսի ներկայութեամբ, որպեսզի գաղտնիքը բացվիր, և բռնորն իմանային, որ արքան է մարդասպանը:

Եթե վերադառնաս:

Եթե ներսեսն իմ իմացած մարդն է, դժվար թե վերադառնաս, Հայր Մարդպետ:

Համարիր, որ կաթողիկոսն իր սխալն արդեն գործել է: Քո կյանքի հաշվին:

Ներսես՛սը, իր մորաքրոջ որդին, իր հարազատը, միս ու արյունը, քաջ զինվորը, փառավոր սուսերամարտիկը, կանանց հոգեհարկ և հիմա՛ նույնքան հրաշալի կաթողիկոսը: Հետո՞ ինչ, որ արքայի դեմ են ուղղված նրա քայլերը: Հետո՞ ինչ, որ եկեղեցու իշխանութունն ու հեղինակութունն է ուզում առաջ քշել: Հապա էլ ինչպե՞ս: Մի՞թե նույն կերպ ինքը չէր վարվի:

Գլուխ տասնիններորդ

Արքայի պահանջով Օլիմպիան ներկայացավ նրան: Բայց հուսախաբվեց, երբ տեսավ, որ փոխանակ ննջասենյակ տանելու, գահասրահ են առաջնորդում իրեն:

Արդեն բավական ժամանակ է, ինչ նա ապրում էր այս օտար երկրում, պալատի իրեն հատկացված օթևանում, և դեռ չէր հանդիպել արքային: Արքան ոչ կանչել, ոչ էլ այցելել էր նրան:

Օլիմպիան դուրս չէր գալիս իր օթևանից, որովհետև նույ-

նիսկ պատերի, ետևից զգում էր իրեն ուղղված խեթ հայացք-
ները: Հատկապես վախենում էր արքայի երկու կանանցից
և սեփական տգեղութունից:

Նա չէր կարող դժգոհել ոչ իրեն հատկացված հարկա-
բաժնի շքեղութունից, ոչ էլ ծառաների ու նաժիշտների
ուշադիր և հոգատար վերաբերմունքից, բայց հոգին ծառս
էր լինում պատուհանից երևացող միօրինակ տեսարանի
դեմ: Ամբողջ օրը բանտարկյալի պես կանգնում էր պատու-
հանի մոտ, ու տեսարանը... չէ՛ր փոխվում:

Մի անգամ, երբ հուսահատութունը կառչեց կոկորդից ու
սկսեց անգթորհն սեղմել, նա հացի խմորից գնդիկներ սար-
քեց ու մեկ առ մեկ գցեց ներքևում անցուղաչճ անող սպա-
սավորների ու զինվորների վրա: Ինքը չէր համարձակվում
ցած նայել և ստուգել, թե գնդիկներից ո՞ր մեկը հասավ
նպատակին և ո՞ւմ վրա ընկավ արդյոք, բայց հուսահատու-
թյունը մի փոքր նահանջեց, թուլացրեց կոկորդի կապանք-
ները, որովհետև ինչ-որ մեկի հայացքը երևի անպայման
ուղղվել էր վեր, դեպի իր պատուհանը:

Իսկ արքան չէր գալիս:

Օլիմպիան չգիտեր, չէր էլ ուզում իմանալ, գեղեցի՞կ էր
նա, թե սգեղ, ազնի՞վ մարդ էր, թե ստոր, գիտեր միայն, որ
միակ հարազատ կենդանի շունչն էր այս պալատում, իր
միակ սփոփանքը, և ինքը ուրիշ ճար շուներ, սիրում էր նրան
ու տանջվում: Որովհետև եթե չլինեին սերն ու տանջանքը,
չէր լինի նաև մխիթարություն, և նա իրեն ցած կնետեր այս
պատուհանից: Կնետվեր, որպեսզի գոնե ինչ-որ բան փոխվեր
այս միօրինակ ու տաղտկալի տեսարանի մեջ: Թեկուզ և
առանց իր ներկայություն:

Իսկ արքան չէր գալիս:

Օլիմպիան փորձ արեց նաժիշտների հետ մտերմանալու
և սիրտը բացելու նրանց առաջ: Բայց հասկացավ, որ աշ-
խարհն էլ քանդվի, միևնույն է, այդ քայլին երբեք չի դիմի:
Հորենական հարստությունն ու դիրքը ոչ մի կերպ թույլ չ'ան
տա: Իսկ նա ի՞նչ ուներ կյանքում բացի դրանցից: Երկրից
երկիր գերության զնալիս այդ իրողությունն էր միայն, որ
ինչ-որ շափով սիրտ էր տալիս նրան, հատուցում իր տգե-

գությունը, օգնում բարձր պահելու արժանատւոյնը լուծւոյնը և հպարտորեն ցուցադրելու այն: Ու նա երբեք առիթը չէր կորցնում տեղի ու անտեղի, պատեհ թե անպատեհ, հիշեցնելու, թե ով էր իր հայրը:

Իսկ արքան չէր գալիս: Չէր գալիս, չէ:

Օլիմպիան մահճի վրա ուշ գիշերներին շարում էր իր հետ բերած զարդերն ու գոհարեղենները, որոնց նմանը չես գտնի նույնիսկ Բյուզանդիայում, էլ ուր մնաց՝ այս փոքրիկ ու անշուք երկրում: Շարում էր իր շքնաղ զգեստներն ու կոշիկները, որոնց մասին արքայի կանայք չէին էլ կարող երազել: Ամեն օր հագնում էր դրանք, բայց միայն ինքն ու հայելին էին կուրանում այդ շքեղութիւնից:

Չէ, չէր գալիս:

Մյուսները եկել են: Կայսրի ահից: Եկել ու փառավորապես իմաստագրկել են հորենական հարստութիւնն ու դիրքը: Արժեքազրկել են նրա զարդերն ու զգեստները: Փոխարենը տվել են շունչ ու ջերմութիւն: Ու, կայսրի աչքը մտնելու համար, խաբել են, թե սիրում են նրան: Եվ նա, իմանալով հանդերձ, խաբվել է: Ուրիշ ելք չի ունեցել: Գոնե սա էլ գալի, հացի գնդիկների պես դուրս նետեր հոր անունն էլ, դիրքն էլ, այս գոհարներն էլ, որոնք ծանր են նստում իր ուսերին, շատ են ճզմում, և արդեն չի կարողանում հպարտորեն կրել դրանք:

Եվ ահա եկան հայտնեցին, որ կանչում է:

Միրտը թեթևակի խառնվեց ուրախութիւնից, ու զխապտույտ զգաց: Եվ անմիջապես մտածեց, որ թեև դեմքը տգեղ է, բայց մարմինը շատ է գեղեցիկ: Դա էլ քիչ բարեմասնութիւն չէ: Քիչ չի, չէ՞: Եվ շտապելուց գնաց այնպես, ինչպես որ կար, ամենահասարակ զգեստով, գրեթե առանց զարդերի: Բայց ո՞ւր: Ոչ թե ննջասենյակ, այլ գահաստահ:

— Ինձ թվաց, թե դու այն օրը ինչ-որ բան էիր ուզում ասել,— մոտեցավ նրան ու միանգամից սկսեց արքան, բայց խոսեց զարմանալի մեղմ ու մտերիմ ձայնով:

Օլիմպիան, թուրք կուլ տալով, բացասաբար շարժեց գլուխը:

— Ուրեմն, թվաց, թվաց,— հանգստացրեց արքան:

Մտամուլ՝ քայլեց պատվանդանի երկարությամբ: Օլիմպիան շունչը պահած հետևում էր նրան, կարծես նրա մի աննկատ շարժումը կարող էր երջանկացնել կամ դժբախտացնել իրեն: Նա գլխի ընկավ, որ իրենց առաջին հանդիպումը շատ կարճատև էր, և արքայի դիմագծերը գրեթե մոռացել էր արդեն: Մի քիչ այլ կերպ էր պատկերացրել իր երևակայության մեջ: Եվ ստացվել էր, որ ուրիշ մարդու էր սիրահարված եղել, ուրիշ մարդու համար էր տանջվել իր պատուհանի մոտ:

Հիմա նա տենդագին կերպով փորձում էր իր պատկերացրածը հաշտեցնել այս իրական մարդու հետ: Եվ անելանելիութունը, որի հետ ոչ մի շարիք ու աղետ չեն կարող համեմատվել, արեց իր գործը: Հաշտութունը կատարյալ եղավ:

Արքան հանկարծ կտրուկ շրջվեց և իսկույն հարց տվեց.

— Կայսրը քեզ ի՞նչ պատվիրեց մինչև այստեղ գալդ...

Օլիմպիան, անակնկալի եկած, նորից բացասաբար շարժեց գլուխը:

— Կայսրը, կայսրը, — մեղմ կրկնեց արքան: — Նա կարգադրեց պահանջել, որ... Կայսրը, կայսրը...

Օլիմպիան կարծես փշերի վրա կանգնած լիներ: Լուռ ու մունջ նայում էր արքային: Ուզում էր շփոթված հայացքը փախցնել նրանից, բայց ասես կախարդված լիներ:

— Նա կարգադրեց պահանջել... Ի՞նչ պահանջել... — համբերությամբ շարունակեց արքան: — Կայսրը... Քո մեռած նշանածի եղբայրը...

Արքան, ուսուցչի նման ատամն ատամին տված, սպասում էր իր հասարակ և դյուրին հարցի պատասխանին: Կամ էլ թվում էր, թե Օլիմպիան մանուկի պես իր առաջին քայլն էր անելու հիմա, և ինչ-որ մեկը, թևերը տարածած, սիրտ էր տալիս, անուշ խոսքերով համոզում նրան:

— Նա ի՞նչ ասաց քեզ... Ասաց, որ... Ի՞նչ կարգադրեց... Ի՞նչ պահանջեց... Կարգադրեց պահանջել, որ...

— Նա կարգադրեց պահանջել, որ ես դառնամ թագուհի...

Օլիմպիան վերջապես ենթարկվեց կախարդանքին, և բռնորդ ակամա դուրս թռան բերանից:

Արքան գլխով արեց, ասես քաջալերելու համար և, իր գործն ավարտած համարելով, գնաց նստեց գահին:

— Ներիր, որ այսքան գլխացավանք եմ պատճառում քեզ,— արցունքն աչքերին, ծնկների վրա նետվեց Օլիմպիանը:— Ես դա քեզ երբեք չէի ասի, եթե շատիպեիր:

— Հիմա ի՞նչ պիտի անենք,— ինքն իրեն հարցրեց արքան:

— Ես նամակով կգրեմ կայսրին, շատ կխնդրեմ, որ նա հրաժարվի իր որոշումից:

— Դու ուզում ես ինձ հավատացնել, որ չե՞ս ցանկանում թագուհի դառնալ: Ի՞նչ է, դու այս աշխարհից չե՞ս:

— Վախենում եմ, արքա:— Օլիմպիայի աչքերը լցվեցին ահավոր սոսկումով ու տազնապով:— Քո կանայք կթունավորեն ինձ:

— Չեն համարձակվի,— շփտես ինչու, ժպտաց արքան:

— Թեև գիտեմ, որ իմ մահն անխուսափելի է, բայց այստեղ չեմ ուզում մեռնել, արքա,— պաղատանքով նրա ոտքերը գրկեց Օլիմպիանը:

— Ի՞նչ տարբերություն, թե ուր են մեռնում,— քմծիծաղ տվեց արքան և փորձ շարեց Օլիմպիային գետնից բարձրացնելու:

— Ես ուզում եմ մեռնել այնտեղ, որտեղ ժամանակավոր բնակիչ չեմ լինի այլևս:

— Ես քեզ եմ նշանակում թագուհի:

— Մի արա, արքա...— հեծկտաց Օլիմպիան և ավելի ամուր գրկեց արքայի ոտքերը:— Մի կործանիր ինձ...

— Դու ես իմ երկրի թագուհին: Եթե իրո՞ք չես ուզում, ուրեմն, դարձիր:

— Դու հիմա կայսրին չես նսեմացնում, արքա... Ի՞նչ ես նսեմացնում... Ի սեր աստծո, իմ մեջ մի տեսնիր կայսրին... Ես եմ, արքա... Օլիմպիան... Քո կինը...— Եվ որպեսզի աղաչանքի իր խոսքերը առավել համոզիչ հնչին նրա ականջին, նույնիսկ նախընտրեց ոչնչացնել իրեն ու ավելացնել.— Քո տգե՞ղ կինը...

Արքան կարեկցեց նրան: Օլիմպիան երևի միակ մարդն էր սլալատում, որն արժանի էր իսկական հարգանքի: Բայց ար-

թայի վիշտն) ու հոգսերը լիուլի բավական էին իրեն, մինչև կոկորդը հագեցած էր դրանց լեղի համով: Օլիմպիայի ողբերգութիւնը ավելորդ բեռ էր նրա համար, նույնիսկ ջղայնացնում, շարացնում էր նրան, մի տեսակ անբացատրելի վստահութիւն ներշնչում իր ուժի ու առավելութեան հանդեպ: Եվ կարեկցանքին հետզհետե փոխարինում էր դաժանութիւնը, այս թույլ և անօգնական արարածին տրորելու, ճգմելու հիվանդագին հաճույքը: Այդ զգացողութիւնը արջան նման անուշահամ էր ու զզվելի:

— Ոչ, դո՛ւ պիտի դառնաս թագուհի, — վերջնականապես վճռեց նա ու կնոջ ձեռքերը կոպտորեն պոկեց իր ոտքերից: — Դո՛ւ պիտի նստես գահի կողքին... Կայսրը գոհ կ'մնա... Ես ու դու շենք կարող շենթարկվել նրա հրահանգին...

Նրանք շնկատեցին, թե ինչպես անաղմուկ գահասարհ մտավ Որմիզդուխտը, կանգնեց դռան մոտ, ականջ դրեց նրանց ու հեգնանքով ծումոնեց շրթունքները:

— Կայսրը մի բան գիտե, որ այդպես է հրամայել, — աչքերն արյունով լցված, շարունակում էր արքան և, նրան տանջելով, կարծես վրեժ էր լուծում աշխարհի վիճակից, ավելի ճիշտ՝ հենց ա՛յս պահի վիճակից: — Նա ամեն ինչ գիտե... Իսկ ես ու դու ոչինչ չգիտենք... — Գուցե և թույլ մարդ էր կայսրը, բայց ուժ ունեւր ձեռքին: Իսկ ինքը, որ ներքուստ հզոր էր զգում իրեն, ձեռքին ոչինչ չուներ: Դու աշխարհի բանը տես ու մի կատաղիր: Ու վրեժ մի լուծիր: — Չէ՛, դու պիտի լինես թագուհի... Մենք պետք է դուր գանք կայսրին... Պետք է նրա սիրտը շահենք... Սա է գրված իմ ու քո ճակատներին... Եվ մենք շենք կարող այդ ջնջել... Չենք հանդգնի...

— Ինչո՞ւ ես ինձ կործանում, արքա, — նրա ոտքերն ընկած, հեկեկում էր Օլիմպիան: — Ինչո՞ւ ինձ չես տեսնում... — Եվ նա արդեն կարոտում էր իր պատուհանը, պատուհանից երևացող տաղտկալի ու միօրինակ տեսարանը, իր տանջալի սպասումները: — Ի սեր Քրիստոսի, խնայիր ինձ... Ես քո կինն եմ, չէ՞...

— Արքան ճիշտ է վարվում, որ քեզ է ընտրում թագուհի, — հանկարծ լսվեց Որմիզդուխտի հանդարտ ու պաղաբուն

ձայնը:— Առայժմ Քյուզանդիան է հաղթում պատերազմում:
Արքան և Օլիմպիան բար կտրեցին: Երկուսն էլ մի
ականթարթ անշարժացյան անբնական կեցվածքով: Հետո,
ծնկների վրա ետ-ետ գնալով, Օլիմպիան փութով վեր կա-
ցավ ու շփոթմունքից գլխով բարևեց Որմիզդուխտին, նույ-
նիսկ մի պահ ժպտաց: Նա առաջին անգամն էր տեսնում
պարսկուհուն, որը ճառագում էր գեղեցկութունից: Չէ,
Օլիմպիան նախանձել չգիտեր: Նա կարողացավ գնահատել
իր ախոյանի գեղեցկութունը ու հիանալ: Եվ, ի տարբե-
րություն ուրիշների, նա ոչ թե Որմիզդուխտին, այլ իրեն
սկսեց ատել:

Արքան գազազած մոմուաց բթի տակ և, առանց ժամանակ
կորցնելու, վեր թռավ գահից ու, լայն քայլեր գցելով, արագ
մոտեցավ Որմիզդուխտին: Երկար կանգնեց նրա մոտ, ոտ-
քից գլուխ տնտղեց, ձեռքը տարավ վզին, սեղմեց մի փոքր,
չգիտես՝ սիրելու, թե՞ ցավեցնելու համար, հետո դանդաղ
սահեցրեց ցած, դեպի կրծքերը, ապա կտրուկ ետ քաշեց:

— Այս գիշեր ես քեզ մոտ կգամ—ասաց նա հատ-հատ
և աչքերը փակ, որպեսզի կարողանար զսպել կատաղությունը
և պարսկուհու նման հանգիստ խոսել:— Եթե անկողնում ես
դու նույնքան ճարտար ես, որքան հիմա, ես քեզ նոր թույլ
կտամ երբեմն հանդուգն լինել ինձ հետ:

— Շահը կարգադրեց, որ ե՛ս դառնամ թագուհի:

Արքան գլխով արեց: Իհա՛րկե, պիտի կարգադրեր:
Շահը, աշխարհի տիրակալը: Կա՛յսրը, փոքրերի ահն ու
սարսափը: Բայց ես ի՞նչ գործ ունեմ նրանց միջև, ի՞նչ եմ
անում նրանց ոտքերի արանքում, ո՞վ եմ ես, ի՞նչ եմ
թպրտում ինքս ինձ, ո՞ւմ է պետք այս ամբողջ անհեթեթու-
թյունը: Բոլորը կարող են կարգադրել իրեն: Գոնե լավ է,
որ կարգադրում են, խորհուրդ չեն տալիս յուրայինների պես:
Եվ արքան նորից գլխով արեց:

— Բայց ես դա թողնում եմ քո հայեցողությանը, արքա,
— կանացի ամբողջ հմայքը, ափի մեջ դրած, արքային
մատուցեց Որմիզդուխտը:— Եղբորս կարգադրությունը ոչ մի
արժեք չունի ամուսնուս կամքի առաջ:

Արքան զարմացավ ու նորից հիացավ, թե ինչպիսի անա-

մոթությամբ էր նա գեղգեղում իր շողոքորթ խոսքերը, այնքան բացահայտ, այնքան անսքող էր խորամանկում, որ թեև թափ էր անում, խեղճացնում էր լսողին:

— Գուցե կայսրը հրամայել է, որ առաջին գիշերը ես քեզ մո՞տ գամ,— չգիտես ինչու, արքան կատաղությունը թափեց լուռ ու մունջ մի անկյուն մտած Օլիմպիայի վրա:— Գուցե հրամայել է նաև, որ քեզ ամենագեղեցի՞կը համարեմ իմ կանանցից: Ապա լավ հիշիր: Իսկ եթե չգամ ընդհանրապես: Եթե չգամ, չգամ:— Ու նկատելով, թե ինչպիսի ներողամիտ ժպիտով էր Որմիզդուխտը նայում Օլիմպիային, արքան հանկարծ ցանկություն զգաց պաշտպանելու թուլլին, սրովհետև նրա նկատմամբ կարող էր միայն ինքը դաժան լինել, բայց ոչ ուրիշը:— Իսկ եթե քեզ մո՞տ էլ չգամ: Եթե դու սա՞ռն ես թվում ինձ: Եթե սիրտս քեզ չի՞ կպել: Ի՞նչ է, կայսրը և ջահը գուցե գահընկե՞ց անեն ինձ:

Եվ պե՞տք էր, պե՞տք էր, որ հենց այս պահին գահասրահ մտներ հայոց թագուհին, այն էլ՝ թագը գլխին, այն էլ՝ հանդիսավոր օրերին պատեհ զգեստներով, վիզը, ուսերը և բազուկները բաց պատմուճանով, որը թեթևակի ճարմանդված էր թիակների վրա և վայելուչ խորշերով իջնում էր մինչև գետին: Իսկ կոնակի՞ն ինչու էր պցել նրահայուս կերպասե կրկնոցը: Ո՞ւմ էին պետք ականջներից կախված գորշապահանգները, մարգարտաշար քայուն ու կամարը: Եվ գուլնե՛րը, գուլնե՛րը: Ընտանի համարվող երկու գուլները: Պատմուճանը՝ ծիրանի, մեկնոցը՝ երկնագուլն: Չէ, հաստատվտանգի հոտ էր գալիս: Արքան, երեք կանանցով շրջապատված, նստեց գահին, գլուխը դրեց թիկնակին և, իր վիճակին մի տեսակ հաշտված, մի տեսակ համակերպված, անշարժացավ, աչքերը սառեցին մի անորոշ կետի, ու նա, հոգնած մարդու պես, վերացավ աշխարհից:

Իսկ Փառանձեմը ոչ թե մտավ, այլ խուժեց գահասրահ: Մինչդեռ զգեստները ուրիշ տեսակի քայլվածք ու պահվածք էին պահանջում, դանդա՞ղ, ձի՞գ, արժանապատի՞վ, հանդիսավո՞ր: Այս հակասությունը է՛լ ավելի ազդեցիկ դարձրեց նրա մուտքը, և կանայք, նույնիսկ Որմիզդուխտը, վախից սսկվեցին:

— Հրամայիր, թող սրանք դուրս գան այստեղից, — ասաց նա իր թափ ու տիրական ձայնով:— Նրանք հայոց թագուհուն երբեք ստորացած չեն տեսնի: Քեզ տեսան, գոնե ինձ շտեմանեն:

Ապա, առանց շտապելու, թագը հանեց գլխից ու շարտեց երկու կանանց առաջ:

— Վերցրեք, տարեք: Բայց իրարից խլելիս, զգուշ, զարդերը չթափվեն:

Օլիմպիան, խեղդվելով ամոթից ու արցունքներից, դուրս վազեց գահասրահից, դեպի իր փրկութիւնը, դեպի իր պատուհանը, դեպի տաղտկալի ու միօրինակ տեսարանը, դեպի իր մենութիւնը:

— Եթե հայոց թագուհին այսքան գեղեցիկ չլիներ, իմ մեջ, անշուշտ, ոխ կմնար նրա հանդեպ, — ժպտադեմ ասաց Որմիզդուխտը, նազելիորեն կոացավ, գետնից վերցրեց թագը ու տարավ, դրեց արքայի ոտքերի առջև:

— Իսկ ես ուզում եմ, որ ոխ մնա քո մեջ, — գլուխը դիք պահած, պատասխանեց Փառանձեմը:— Այդ տգիղ կինը չի կարող ինձ նախանձել: Բայց դու կարող ես: Մի մոռացիր, օտարուհի, որ դու էլ ես գեղեցիկ:

Այսինքն՝ փորձանք է գեղեցկութիւնը: Ով ավելի է գեղեցիկ, նրա գլուխն է առաջինը թռչելու, որովհետև նա է համարվելու ախոյաններից ամենավտանգավորը:

— Բայց դու ինձանից գեղեցիկ ես, Փառանձեմ, — սիրալիր և թունոտ ասաց Որմիզդուխտը, գլուխ տվեց նախ արքային, հետո՝ հայոց թագուհուն, ու ընդգծված դանդաղութեամբ դուրս եկավ գահասրահից:

Իսկ արքան շարունակեց անշարժ նստած մնալ գահին, գլուխը՝ թիկնակին հենած, աչքերը՝ մի անորոշ կետի հառած, շրջապատից ու աշխարհից վերացած:



Երբ օտար կանայք հեռացան, Փառանձեմը թուլացած նստեց գահի պատվանդանին, մեջքով դեպի արքան, նրա ոտքերի տակ: Թեև հանդիպումը խիստ կարճատև էր, բայց

լարումը շատ էր մեծ, և ուժերը գրեթե սպառվեցին: Քիչ ուժ մնաց, շափազանց քիչ, և դա էլ պահում էր արքայի հետ վերջին կռիվը տալու համար:

Ի՞նչ էիր և ի՞նչ դարձար, Փառանձեմ: Այս հարցը նա հաճախ էր ուղղում իրեն ու շէր կարողանում պատասխան գտնել: Չէր ասում, թե սյունյաց Անդովկ իշխանի անհոգ և ուրախ դուստրն էր, որը հիմա տապակվում է ցավերի մեջ: Չէր ասում նաև, որ սովորական մի արքայազուն իշխանի կինն էր, իսկ հիմա՝ հայոց թագուհի: Նա հավասարապես շէր սիրում իր անցյալը, իր աշխարհը վերջանում էր հոր ամրոցով, իսկ հորիզոնը՝ ամրոցի սուր-սուր ցցված աշտարակներով, և ներկան, երբ շես հասկանում՝ որտեղից է աշխարհն սկսվում և որտեղ է վերջանում: Երևի այդ սահմանները պիտի պարզ ու որոշակի լինեն, որպեսզի գտնես ինքդ քեզ: Եվ նա իր հարցի միակ հարմար պատասխանը համարում էր այն, որ էլ չի մնացել ցողունի պես բարալիկ առաջվա աղջիկը, տարիները խոր հետք են թողել, և նա գիրացել է բավականին... Միայն այսքան:

Չէ, չի սիրել արքային: Բայց ոչ էլ ատել է: Պարզապես նրա կարիքն է զգացել: Ո՞վ է կրակը սիրում կամ ատում: Կրակը պետք է սառած մարմինը տաքացնելու համար: Ո՞վ է ատում կամ սիրում ջուրը: Ջուրը պետք է խեղդող ծարավը հագեցնելու համար: Նույնն էլ՝ այս մարզը, առանց նրա անհնար է ապրել: Թող աստված նրան երկար կյանք պարգևի: Ինչպես նաև՝ երաշտ տարի շտա մեզ, ցուրտ ձմեռ չբերի, երկնի փորձանքներից հեռու պահի ամենքիս...

Արքան լիուլի հատուցում էր իր պատճառած վնասները: Շռայլորեն, առատաձեռնորեն: Արդեն շէր ասում՝ կորուստները: Հոգեկան կարգի բոլոր երևույթները առարկայացնում էր Փառանձեմը: Չափում էր մարզարիտով, ոսկով, արծաթով, փառքով և իշխանությամբ: Որովհետև ժամանակին նրա տառապանքը անավոր մեծ էր եղել: Սովորական մահկանացուն, այն էլ՝ փխրուն ու երջանկության վարժված մի կին, շէր կարող դրան դիմանալ: Կա՛մ պիտի գծվեր, կա՛մ անձնասպան լիներ: Բայց ապրելու բնազդը նրան այլ ուղի էր հուշի: Մի բան թողնել իրենից ու փախչել: Ինչպես անտառի

գազաններն են վտանգի դեպքում մաշկից դուրս գալիս, այդը թողնում կամ էլ մարմնի մի այլ մասը, միայն թե՛ փախչեն, միայն թե՛ ապրեն։ Նա թողեց իր սերը, իր անաղարտ անցյալը և իր մաքրության փոխարեն պահանջեց անասելի մեծ հատուցում, կոպիտ և առարկայական։ Բարձավ Հայաստանի առաջին կինը, հայոց աշխարհի տիկնանց տիկինը։

Արքան դանդաղ վեր կացավ տեղից, հոգնած ծերուկի պես ոտքերը դժվարությամբ ծալելով նստեց պատվանդանի աստիճանին, Փառանձեմի կողքին։ Տնքալով, մի փոքր առաջ թեքեց իրանը, կռացավ, գետնից վերցրեց թագը ու դրեց Փառանձեմի գիրկը։

— Գու պետք է օգնես ինձ,— կարծես հեռուներից, շատ հեռուներից լսվեց նրա խոսքոտ ձայնը։— Ես հիմա միայն քո կարիքն եմ զգում։ Հավատա ինձ։

— Հավատում եմ։

Երկուսն էլ անշարժ նստած էին։ Չէին նայում իրար։ Հայացքները զամված էին դռանը, որն ուր որ է կարծես պիտի բացվեր, կիսամութի մեջ պիտի երևար ինչ-որ մեկը և պարզ ու հասկանալի հայերենով, բառերը հատ-հատ արտասանելով, պատասխան տար նրանց տանջող հարցերին։ Բայց ո՞րն էր հարցերի հարցը։ Եվ արդյոք նրանք գտե՞լ էին այն։ Որովհետև եթե գտնեին, դա արդեն ինքնին պատասխանի կեսն էր։

— Ես խճճվել եմ,— ամբողջ սիրտն ու հոգին կնոջ առաջ դատարկեց արքան։— Ահավոր խճճվել եմ։

— Հասկանում եմ, արքա։

— Շնորհակալ եմ քեզ,— ձեռքը կրծքին տարած, գլուխը հուզված կախեց արքան։— Երախտապարտ եմ։ Մինչև գետին խոնարհվում եմ քո առաջ։

Եվ նա իսկապե՛ս Փառանձեմի կարիքն էր զգում ամեն բանից ավելի։ Բոլորից շատ նրան էր հավատում։ Հատկապես հիմա, այս պահին։ Որովհետև նրան էր վնաս պատճառել։ Ու մի կարծր համառությամբ, մի տեսակ փշոտ կամակորությամբ պահանջում էր, որ հենց նա լիներ իր նեցուկը, հենց նա հասկանար իրեն։ Կարող էր վասակին դիմել,

Դրաստամատին, անգամ Գնեկին, փառք աստժո, հավատարիմ մարդիկ դեռ լրիվ չեն վերացել աշխարհի երեսից, բայց, չէ, Փառանձեմին էր ուզում, դժվար պահին՝ դժվարությամբ ձեռք բերվող օգնությունն էր նրան անհրաժեշտ: Եվ չգիտես ինչու՝ ոչ տղամարդու, այլ կնոջ, Քնքուշ, ի բնե մի փոքր անօգնական, ի ծնե փոքր-ինչ անպաշտպան կնոջ: Իր միևնուճար որդու մոր: Դրա մեջ մեծ մխիթարություն կար, աստվածային մի հանգստություն, խաղաղ ու անծայրածիր դաշտերի իրիկնային անդորր:

— Մի՞թե այսքան տարին բավական չէր կողակցիդ ճանաչելու համար, — սառնություն ասաց Փառանձեմը, թունտ քմծիծաղ խաղացնելով երեսին:— Եթե մի հոգու անգամ չհասկացար, էլ ինչպե՞ս պիտի մի ամբողջ երկիր հասկանաս:

— Փառանձե՛մ, — ապշեց և հուսախար եղավ արքան, թեքվեց դեպի կնոջ գիրկը, ծոց գլուխը ու հարցական նայեց նրա աչքերին:— Ուրեմն, ծաղրո՞ւմ էիր ինձ:

— Եթե իմ որդին թագաժառանգ չլինի, ես էլ եմ աջակցելու, որ ճզմեն քեզ:

— Հասկացիր, Փառանձեմ, մեղքը ոչ իմ մեջ է, ոչ քո, ոչ էլ այդ կանանց... Մեզանից դուրս է... — Արքան բառերը ձգե՛ց, ձգե՛ց, որպեսզի իր խոսքերի ճշմարտությունը երկար հնչեր օդի մեջ, շխամբեր հանկարծ, չկորցնե՞ր համոզչությունը:— Ես հո չե՛մ կարող այդ երկու կանանց դուրս շարտել... Ինձանից ու քեզանից մեծ հաշիվներ են այստեղ խառնված... Ամեն ինչ կանցնի, երկիրը կխաղաղվի, դու նորից կգառնաս թագուհի... — Եվ ինչքան որ ուժ ունե՞ր, բռունցքը խփեց կրծքին:— Ես ա՛յդ եմ ուզում, ա՛յդ... Մի՞թե պարզ չի, որ ինձ հայ թագուհի է պետք... Դո՛ւ ես ինձ պետք...

— Դու ճիշտ ես, արքա: Ես քեզ լրիվ հավատում եմ ու հասկանում: Ինձանից ու քեզանից մեծ ուժեր են մեր դիմաց կանգնած:— Փառանձեմը խոսում էր դասը սերտած ջանասեր աշակերտի պես, սահուն ու թեթև:— Ես մտնում եմ քո դրություն մեջ: Քո փոխարեն ես էլ նույն կերպ կվարվեի:

Բայց ես հիմա՛ պետք է մնամ թագուհի: Ինձ հիմա՛ էլ պետք է կոչեն տիկնանց տիկին:

Այսինքն, եթե քեզ հասկանալով եմ պահանջում, եթե վիճակդ գիտակցելով եմ պարտադրում, ուրեմն, որքան հաստատ եմ իմ խոսքի վրա: Ու էլ մի փորձիր, մի ճգնիր, կաշվիցդ դուրս մի եկ ճշմարտությունն ինձ բացատրելու համար: Ես գիտեմ այդ ճշմարտությունը, ինքս էլ կարող եմ լրացնել քո մտքերը, բայց, մեկ է, ես եմ մնալու քո երկրի թագուհին: Այո, այսպիսի բուժ համառությամբ, այսպիսի կույր պնդաճակատությամբ: Ծ՛ս, և ուրիշ ոչ ոք:

— Ինձ մի ամիս ժամանակ տուր,— խնդրեց արքան:— Մինչև խելքս գլուխս գա: Եթե մի ամսից խոստումս չկատարեմ, ես քեզ իրավունք եմ տալիս՝ ինչ ուզում ես արա:

— Իզուր ես խոստումներ շռայլում, արքա, — արհամարհանքով նրան պատասխանեց Փառանձեմը:— Եթե հիմա կծիկը չքանդես, մի ամսից հետո ավելի կխճճվես:

Նա գիտեր, որ ամուսինը բաց պայքարի մեջ էր մտել Անուժությունից: Թե՛ ներքին, թե՛ արտաքին թշնամիների դեմ: Խիստ անհավասար էին երկու կողմերը: Այնքան անհավասար, որ գիվանագիտությունն ու խորամանկությունը անզոր էին նրան մազաշափ իսկ օգնելու: Մնում էր անթաքուն կռիվը: Անիմաստ, խենթ, հուսահատական կռիվը: Ամեն ինչ բաց, ուղղակի, ճակատային ու կոպիտ ձևով: Աչքերն անթարթ՝ մահվան գնալով: Անդունդը տեսնելով ու բանի տեղ շղնելով: Դա էր ամենաճիշտ որոշումը, փրկության միակ ուղին: Եվ հանկարծ ամուսինը նահանջում է այդ ուղուց, հանդուրժում է երկու օտար կանանց, խորամանկել է ուզում, դիվանագիտություն է խաղում, ջայլամի պես գլուխը խոթում է ավազի մեջ:

Փառանձեմն զգաց, որ պետք չէր այդ ամենը նրան բացատրել, նա հիմա ի վիճակի չէր որևէ բան հասկանալու, հարկավոր էր պարզապես նրան ճնշել ու ստիպել:

Եվ նա, իրեն հատուկ զարմանալի կարողությամբ, դարձյալ հաշտեցրեց, դարձյալ համատեղեց հակասական դրդապատճառները, զգացմունքներն ու մտքերը՝

սեփական իշխանութիւնը, որն իր երբեմնի երջանկութեան միակ նյութեղէն հատուցումն էր.

հայրենիքի սերը ու երկրի թշվառ վիճակը.

և, վերջապես, մայրական եսասիրութիւնը, որդուն պաշտպանելու, նրա ժառանգական իրավունքները պոկելու բնազդը:

Նա ներդաշնակութիւն մտցրեց այս երեքի մեջ, այնպէս արեց, որ մեկը բխեր մյուսից, երկրի բախտը, իր իշխանութիւնը, որդու ապագան շաղկապեց իրար, ու ամեն ինչ տեղն ընկավ: Առանց ճիգի, առանց կասկածների, առանց ինքն իր հետ կռիվ մղելու, խաղաղ ու հանգիստ ճանապարհով:

— Մի ամիս, միայն մի ամիս, — շարունակում էր խընդրել արքան, հուսահատված, որ իր հաշիվները ի դերն ելան: Իսկ նա գիտեր, որ ինչքան Փառանձեմի դաշնակցութիւնն էր օգտակար ու շահավետ, նույնքան էլ վնասաբեր էր նրա թշնամութիւնը: Երբեմն մի հոգին կարող է ավելի մեծ աղետ բերել, քան թշնամու մի ամբողջ բանակ: Մանավանդ, եթե այդ մի հոգին... Թույլ արարած է: Եթե կին է: — Մի՞թե շես կարող զոհել մի ամիսը: Զէ՞ որ եթե զոհես, ավելին կստանաս: Շատ ավելին, քան ունես հիմա:

— Օրինակ ի՞նչ, — հետաքրքրութիւն ցուցաբերեց Փառանձեմը:

— Եւ քեզ համար առանձին պալատ կկառուցեմ, որտեղ որ կամենաս, — նրա հարցից ոգևորվեց և ուժ առավ արքան: — Ես կկատարեմ քո ամեն մի ցանկութիւնը: Ամեն մի քմահաճույքը: Միայն թե դիմացիր մի ամիս: Մի՞ ամիս:

— Ուրեմն, մեր մարմիններից հոսած քրտինքը սառն է եղել, ուրեմն, մեր հոգնութիւնն անկողնում չի եղել եղանակետ ու ազնիվ, — մահացու վիրավորված, մինչև հոգու խորքը խոցված, օձի պես սուլեց ու ֆշշաց Փառանձեմը: — Առևտուր մի արա: Մի պղծիր մեր գիշերները: Մի հայհոյիր մեր ազնիվ տնքոցները:

— Փառանձեմ...

— Այլապես դու կճանաչեիր ինձ ու կհասկանայիր, որ շես կարող հույս դնել իմ անձնազոհութեան վրա: Զգուշաց-

Նու՛մ եմ, եթե այսօր Լեթ թագը չվերադառնա ինձ, համարիր, որ Արշակունյաց տոհմի կործանումը հենց այս պահից սկսվեց:

Նա վեր կացավ և հպարտ-հպարտ, գլուխը ցից, ամուսնուն հաղթած ու ստորացրած, ուղղվեց դեպի գահասարահի գուռը:

Արքան ամոթից գետինն էր մտնում: Նա մինչև մազերի ծայրը կարմրել էր ու քրտնել: Իրեն լրիվ ոչնչացած էր զգում: Կարծես նրան համոզել էին մի սուրբ և նվիրակա՛ն գաղտնիք խոստովանել, երդվել էին շխնագալ վրան, իսկ խոստովանու՛թյունը կորզելուց հետո ծիծաղել էին երեսին ու ձեռք առել: Ընչպե՛ս հավատաց, որ կարելի էր կաշառել այս կնոջը, պայատ կառուցելու, նրա բոլոր ցանկություններն ու քմահաճույքները կատարելու խոստումով գնել նրան: Եվ հիմա նա իրեն լրիվ մերկ էր զգում ամբոխի առաջ, ոտքից գլուխ խայտառակված ու անպատվված:

— Գուցե մտքովդ անցնում է սպանե՞լ ինձ, — հանկարծ դուան մոտ շրջվեց ու արհամարհանքով հարցրեց Փառանձեմը: — Իզո՛ւր:

Ի՞նչ իզուր: Այսինքն՝ չե՞ս կարող: Թե՞ ինձ սպանելով, ինչ-որ բան ես կորցնում: Բայց ի՞նչ: Թե՞ պարզասլես կողջաս, խիղճդ կտանջի: Ի՞նչ իզուր: Ի՞նչ, ի՞նչ, ի՞նչ: Նա տենդագին կերպով առնում-տալիս էր մտովի, բարդ հաշիվներ անում, քննում, վերլուծում:

Ի վերջո, միայն մի բան կռահեց: Այս կնոջը չէր կարելի թույլ տալ, որ հենց այսպես հեռանար: Այլապես, Արշակունյաց տոհմի կործանումը իսկապես որ հիմա կսկսվի: Նա միանգամայն հավատում էր նրա սպառնալիքին և ավելի շատ էր վախենում նրանից, քան իր բոլոր ներքին թշնամիներից՝ միասին վերցրած:

Եվ միայն հիմա, այս անպատեհ ակնթարթին, երբ այսօրվան շփոթված էր ու իրեն կորցրած, այսքան ստորացած ու նվաստացած, այսքան խճճված ու խեղճացած, նա զգաց, որ սիրում է Փառանձեմին: Որովհետև հասկացավ, որ չի կարող նրան սպանել: Ձեռքը չի բարձրանա, կքորանա օգու՛մ: Մի գիշերով մեջ կծերանա: Երկրի բախտը կթվա շնչին, ան-

կարեոր մի մանրաբ: Ինքն էլ կկործանվի և բարբառն կկարծանի իր հետ: Չի կարող, չէ, չի կարող արքունիքի միակ մաստահելի «դեղամիջոցը» օգտագործել, մեջտեղից վերացնել խոչընդոտը: Երկինքն է վկա, երկիրն է վկա, իր սիրտն ու արևն են վկա, որ սիրում է նրան: Բայց Փառանձեմը չգիտի, փառք տիրոջ, չգիտի, որ արքան սիրում է իրեն: Թե չէ արդեն ոչ մի բանի առաջ կանգ չի առնի, սանձերը լրիվ բաց կթողնի, և թուրը կսկսի աչ ու ձախ կտրել: Գուցե դրա՞ համար ասաց «իզուր»: Ոչ, ոչ, նա սշինչ չգիտի: Չէ՞ որ ինքն էլ չգիտեր: Հիմա միայն իմացավ: Միայն հիմա այդ մասին խոսեց ինքն իր հետ: Այդ լուրը, գուժի պես, բոթի նման, հաղորդեց իրեն: Ուրախանա՞, թե՞ տխրի: Աստված իմ, ի՞նչ անի այդ հայտնությունն առաջ: Եթե սպանել չի կարող, ուրեմն, ուրիշ միջոցի պիտի գիտի, ուրիշ զենք պիտի հնարի: Միայն թե՛ շո՛ւտ, շո՛ւտ, քանի դեռ չի դուրս եկել դռնից:

— Ես չեմ վախենում քեզնից, Փառանձեմ,— հանգիստ ասաց արքան:

— Ստո՛ւմ ես,— նրա խոսքերից թուլություն հոտ առավ Փառանձեմը:— Այն էլ ինչպե՛ս ես վախենում:

— Դու ինձ ոչ մի վտանգ էլ չես կարող սպառնալ,— անվրդով շարունակեց արքան:

— Ստո՛ւմ ես: Դու միայն իմ վրեժից ես վախենում:

— Իմ մտքով երբեք չի անցել քեզ սպանել:

Եվ, ինչպես միշտ, փոթորկից առաջ, նա կոացավ, քանդեց խրացավոր մաշիկներին ժապավենները և նորից կապեց:

— Էլի ես ստում: Ես քեզ համար նույնքան վտանգավոր եմ, որքան շահն ու կայսրը:

— Ես քեզ կհաղթեմ, Փառանձեմ,— անշար ու հոգնած ծիծաղեց արքան:

— Չես կարող: Մեկ է, իմ որդին է նստելու քո գահին: Ուրիշ ոչ ոք:

Եթե շիներ վիճակի լրջությունը, արքան նույնիսկ հաճույք կստանար այս ընդհարումից: Գարոտ էր զգում մարդ ու կնոջ տնական վեճերի, քրոնք նրան թվում էին ընտանեկան երջանկության ու հանգստակեցության խորհրդանիշ:

Բայց ս՛ր է տունը: Այս հսկա պալատը: Սա ոչ թե տուն է. այլ իջևան, որտեղ նա ժամանակավոր բնակիչ է: Ո՞ր մի հայ թագավորն է մինչև իր բնական մահը ապրել այս պալատում: Խոսրով Կոտակի պես բախտավորներին մատների վրա կարելի է հաշվել: Ի՞նչ տուն, եթե մինչև հիմա ինքը չգիտի պալատի բոլոր ծակուծուկերը: Պարզվում է, որ թագավորը շունի դրա իրավունքը: Վայել չէ նրան ամեն տեղ քիթը խոթելու Իսկ կի՞նը, ս՛ր է կինը, Ի՞նչ կին, եթե նրա ձեռքից մի աման ճաշ էլ չի կերել, եթե նա մի հասարակ եղածու էլ եփել չգիտի, եթե կյանքում թեկուզ մի անգամ շորերն էլ չի լվացել:

— Ի՞նչ դեռ զղջալու ես քո արարքի համար: Ի՞նչ դեռ շատ ես հիշելու քո մայրամուտի օրը:

— Գնելը ողջ է, Փառանձեմ:

— Ի՞նչ Գնել:

— Գնելը: Քո նախկին ամուսինը, որին ավելի ես սիրում, քան ինձ:

— Ի՞նչ Գնել:

— Նա, ումից դու վրեժ լուծեցիր, ամուսնանալով նրա դահճի հետ:

Փառանձեմը քարացավ: Իսկ այն ամենն, ինչ տարիներ շարունակ եղել են իսկապես քարացած, ինչպես այս գահասրահը, ինչպես այս բարձր գահը, պատվանդանը, հովազի մորթիները, պատերից կախված եղջերուի և վարազի գլուխները, սրերը, դաշույնները, աղտոններն ու տեգերը, հնգատեղ ու եռաստեղ ձիթավառ ջահերը, ինչպես այս գահույթները, ծածկոցներն ու փովածքները, կերպաս ու մետաքս վարագույրները, բու՛րբ, բու՛րբ, սկսեցին խելահեղ պտույտ գործել, ըստ որում՝ ոչ նույն ուղղությամբ, ոչ միասնաբար, դրանցից ամեն մեկն իր ինքնուրույն շրջանն էր գծում, հակասելով ու բախվելով մյուսին:

— Ի՞նչ Գնել,— նվաղած ձայնով կրկնեց նա ու փակեց աչքերը: Բայց շարժումը չդադարեց: Նույն թափով շարունակվեց մտապատկերի մեջ:

Փառանձեմը երկու ձեռքով հենվեց դռանը ու անաղմուկ ցած սա՛հեց:

— Ե՞րբ ես ուզում նրան հանդիպել,— ընդգծված գործ-
նականությամբ նրան դիմեց արքան:

— Սո՛ւտ է,— հանկարծ, շարությամբ ու մաղձով լցված,
դոռաց Փառանձեմը, ինքն իր համար հաստատ որոշելով,
որ դա չի կարող իրականութիւն լինել, որ դա չպետք է
ճշմարտութիւն լինի:— Դու հնարում ես... Դու վախենում ես
ինձանհոց...

— Ե՞րբ ես ուզում հանդիպել: Գուցե վա՞ղը:

— Դու փորձում ես բթացնել իմ վրեժը...

— Ո՞ւր ես ուզում հանդիպել:

— Դու ճգնում ես ժամանակ շահել...

— Որտե՞ղ է քեզ հարմար:

— Նա չկա... Երդվո՞ւմ եմ, չկա... Դու էլ գիտես, որ չկա...

— Վաղը, վաղը կհանդիպես նրան:

— Ես ատում եմ քեզ... Քո ծնունդը... Քո մորը...

— Վա՛ղը, վա՛ղը, վա՛ղը...

Արքան նոր միայն պոռթկաց ու անձնատուր եղավ դա-
ժանությանը: Առանձնապես շցանկանալով այդ: Մի տեսակ
իրենից անկախ: Կարծես հոսանքը քշեց ու տարավ նրան:
Այլևս ուժ չունեի դիմադրելու: Նույնիսկ գլխավոր նպատակը,
Փառանձեմին խեղճացնելն ու շոքեցնելը, երկրորդական էր
դարձել: Առաջնայինը դաժանությանը հագուրդ տալն էր,
ինքնաբավ անողորմութիւնը, որը ձնագնդի պես գլորվում էր
սարից ու անընդհատ մեծանում: Եվ որքան էլ տարօրինակ
լինի, նա գլխի ընկավ դրա պատճառը: Հասկացավ, որ
խղճում էր Փառանձեմին: Եվ նրան խղճալուց էր շարանում,
կարեկցելուց էր սիրտը քարանում:

— Վա՛ղը,— ծանր ու դժվար շնչելով, կրկնեց նա:

Փառանձեմը ձեռքերը պոկեց դոնից, վեր թռավ և հուսա-
հատ մոլեգնությամբ, արդեն հավատալով արքայի խոսքին,
հենց սկզբից հավատացած, հարձակվեց ամուսնու վրա,
եղունգները մխրճեց նրա պատմուճանի մեջ, ավելի շատ
ինքը ցավ կրելով, քան պատճառելով:

— Ես քեզ հանգիստ կթողնեմ... Ինչով ուզում ես երդ-
վեմ... Բայց ասա՛, որ ստում ես... Աղաչում եմ քեզ...

Ասա՛... Չե՛ս տեսնում, որ ես պարտված եմ... Ասա՛, ասա՛...

— Վաղը կհանդիպես նրան: Գնելը քեզ ճիշտ խորհարդ կտա: Նա քեզ կասի ինչ անել:

Արքան իր պատմունճանից գծվարուձյամբ պոկեց նրա ձեռքերը ու մի կողմ հրեց նրան: Փառանձեմը, լաթի պես, ամբողջ մարմնով փուկեց գետնին և, շրթունքներն ամուր խածոտելով ու արչունելով, սկսեց խեղդված հեկեկալ արքայի ոտքերի տակ:

Նա հիմա ատուտ էր Գնելին: Ավելի, քան արքային: Եվ մտովի աղերսում էր աստծուն, որ Գնելը մեռնի: Կենդանի՛: Գնելը կենդանի՛: Ի՞նչ Գնել: Գնե՛լն ով է: Հեռավոր երազ, մղձավանջային տեսիլք, քաղցր խաբկանք: Չէ, նա պետք է մեռնի: Արքան ինքը կսպանի նրան: Թող աստված ուժ տա այս նողկալի մարդու բազուկներին: Եվ նա զգաց, որ արքային շհամակրելով հանդերձ, ավելի նրան է կողմնակից, քան իր երբեմնի սիրեցյալին: Ու սիրտը բոլորովին շմղկտաց դրա համար:

— Պարսիկները Ամիդի մոտ վճռական հաղթանակ են տարել, արքա,— շատ հեռվից, կարծես մշուշների միջից, լսվեց տենեկապես Դրաստամատի ձայնը:— Գլխովին շարժել են բյուզանդացիներին:

— Սխալվեցի,— մռնչաց արքան և, ձեռքը բռունցք կազմած, օւժգին խփեց մյուս ձեռքի ասիին:— Սխալվեցի, Դրաստամատ:

— Կայսրը եկել, արտասովել է կործանված քաղաքի ավերակների վրա,— ուշադրության շարժանացնելով արքայի ապրումները, Դրաստամատը շարունակեց իր պարտականությունը կատարել ու իմացած տեղեկությունները մինչև վերջ բարեխղճորեն հաղորդեց նրան:

— Պետք էր Որմբզդուխտին թագուհի դարձնելի,— հայացքը Փառանձեմին սևեռած, խորապես զղչաց արքան: Թող այս հիմար կինը հասկանար, որ հարցերը շատ ավելի բարդ են, քան կարծում էր նա:— Բայց ոչ մի խոսք պարսիկների հաղթության մասին:

Փառանձեմը լռել էր ու ականջ դրել տղամարդկանց խո-

նակցութիւնն: Նա զլիւի ընկավ, որ իր պարտութիւնը կատարել էր: Ոչ թե նրա համար, որ ինքը թույլ էր, իսկ արքան՝ ուժեղ, այլ օրովհետեւ մի մեծ ու բնական աղետի գոյութիւնն էր կոահել:

Նա մաս առ մաս հավաքեց իր մարմինը, մի կերպ վերկացավ ու, մեկնոցը գետնին քարշ տալով, առանց որեւէ մեկին նայելու, դանգաղ ու երերուն քայլերով գուրս եկավ գահատրահից և փակեց դուռը: Մեկնոցը մնաց դռան արանքում: Քաշեց, քաշեց, բայց չկարողացավ հանել: Սիրտ շարեց գուռը կրկին բացելու: Քողեց մեկնոցը ու հեռացավ:



Դրաստամատը հիմար կացութեան մեջ ընկավ: Նա իր հանձնառութիւնը լիուլի կատարեց, հաղորդեց բոլոր տեղեկութիւնները, բանի տեղ չդնելով, որ տակնուվրա արեց արքայի սիրտը: Այգ անտարբերութեան մեջ ոչ մի գիտաՎորութիւն չկար, պարզապէս փոխադարձ զգայական ապրումները գուրս էին նրա պարտականութեան շրջանակներից: Եթե պահանջեին, այգ էլ կաներ, գուցե և ոչ պակաս հաջողութեամբ, բայց պահանջող չէր եղել:

Հիմա նա արձանի պէս կանգնել էր տեղում ու չէր հեռանում: Սովորաբար արքան նրան դուրս չէր հրավիրում, Դրաստամատը ինքն էր որոշում, թե որ պահին պիտի գնա: Նա նույնիսկ գիտեր, թե երբ պիտի ներս մտնի, մի բան, որ շատ ավելի զժվար էր: Ահա թե ինչու, արքային չզարմացրեց, որ նա շարունակում էր կանգնած մնալ գահի կողքին:

Բայց նա չէր խոսում, թոպենները տանջալիորեն ձգվում էին, և ոչ մի հնչում գուրս չէր գալիս նրա բերանից: Արքան, ի վերջո, կարվեց իր խառը մտքերից ու հարցական նայեց սենեկապետին:

— Մի խնդրանք ունեմ, արքա, — բառերն ունելիով մեկ առ մեկ դժվարութեամբ պոկվեցին նրանից ու անճարակ շարվեցին կողք կողքի:

— Աստ, սենեկապետ: Դու գիտես, որ ես չեմ մերժի քեզ:

— Ապա առձակիր ինձ...

— Ազատ ես: Բարի գիշեր:

Դրաստամատը շարժվեց: Սա արդեն ավելի քան տարօրինակ էր: Արքան զարմանքով դարձյալ նայեց նրա ոչինչ շարտահայտող դեմքին և ինչ-որ բան կռահեց: Ու ակամա մտածեց՝ ո՞վ էր Դրաստամատը, ի՞նչ էր անում իր ազատ ժամերին, ունե՞ր արդյոք սիրունի, բարեկամներ, ազգականներ: Եվ մի՞թե նրա դեմքը երբեք չէր փոխվում, հայացքը ոչինչ չէր ցույց տալիս: Իսկ երբ պառկո՞ւմ էր հարճերի հետ: Իսկ երբ ուրախանո՞ւմ էր կամ տխրո՞ւմ: Երբ մի թաս գինի՞ էր խմում: Երբ որևէ տե՞ղն էր ցավում: Արքան շատ կուզեցնար գոնե մի անգամ տեսնել նրա հայացքի փոփոխությունը, որպեսզի ավելի լավ ու ավելի մոտիկից ճանաչեր նրան: Որովհետև սիրում էր սենեկապետին, անսահմանորեն հավատում էր նրան և չէր պատկերացնում իր կյանքը առանց նրա ներկայության:

— Ընդամի՞շտ, — անհանգստացած հարցրեց արքան: — Ինչո՞ւ: Մի՞թե էլ շեռ ուզում ինձ ծառայել:

— Ես այլևս պետք չեմ քեզ, արքա:

— Ինչպե՞ս թե պետք չես, — չղայնացավ արքան: — Ո՞վ այդ մասին ավելի լավ գիտե, ե՞ս, թե դու:

— Ես, — համարձակ պատասխանեց Դրաստամատը:

— Բայց ինչո՞ւ, ինչո՞ւ:

— Որովհետև Գնելը փոխարինեց ինձ, արքա:

— Գնե՞լը: Բայց նա ի՞նչ կապ ունի քեզ հետ:

Դրաստամատը որոշեց անցնել իր առօրյա պարտականություններին, մինչև վերջ արքային հայտնել այն ամենն, ինչին տեղյակ էր ինքը: Միայն մի բան էր անսովոր: Այսօր նա պատմելու էր իր մասին: Նա երբեք իր անձը առաջ չէր մղել արքայի ներկայությամբ, ընդհակառակը, ամեն կերպ աշխատել էր թաքցնել այն: Երբեք իրեն վերաբերող հարցով չէր դիմել արքային, թեև վստահ էր եղել, որ նա դրական լուծում կտար իր բոլոր խնդրանքներին: Իսկ այսօր ստիպված էր: Ուրիշ ելք չուներ: Անսովոր էր նաև այն, որ նա հիմա պատմելու էր ոչ թե իր հետ կապված որոշակի մի խնդրի կամ դիպվածի, այլ իր հոգեվիճակի մասին: Եվ նա սկսեց պատմել, ավելի ճիշտ՝ տեղեկություն տալ իր ապ-

2
րումներից, նույն անկիրք ու անհույզ տոնով, ամենանվիրական զգացումներն ու խոհերը վերածելով ընթացիկ լուրի:

— Ես սովոր էի մեծ ու անփոխարինելի զգալ ինձ: Համեստ, գլուխս կախ, քայլում էի պալատում, բայց ներքուստ հպարտ էի և մտովի ծիծաղում էի բոլորի վրա, նույնիսկ նախարարների, որովհետև ոչ ոք չգիտեր, որ արքան միայն ինձ է վստահում: Իմ ոչնչությունը արժեք ուներ քո կողքին:

— Բայց դա ի՞նչ արժեք է, Դրաստամատ, եթե ուրիշները չգիտեն:

— Բայց ե՛ս գիտեի: Եվ դո՛ւ, արքա: Մի՞թե երկու հոգին բավական չեն:

— Եվ դու հեռանո՞ւմ ես ինձանից:

— Այո, արքա: Ես համոզված եմ, որ Գնեյը քեզ ավելի է պետք:

Արքան կռահեց, որ Դրաստամատը անձնական կյանք չուներ: Նա ոտքով-գլխով, իր ամբողջ էությունը նվիրված էր արքային: Եվ լավն այն էր, որ այդ նվիրումը ոչ մի կապ չուներ որոշակի անձի հետ, այլ ընդհանրապես՝ արքայի: Եթե իր փոխարեն մեկ ուրիշը լիներ, Դրաստամատը նույն կերպ կծառայեր: Ուրեմն, դա ոչ թե մարդկային կապ էր, այլ գործ, որ նա հասցրել էր մասնագիտության աստիճանի:

— Ես ավելի հզոր էի, քան քո նախարարներից որևէ մեկը, — պարտաճանաչորեն նա մինչև վերջ բացեց սիրտը, որպեսզի տերը հանկարծ ինչ-որ բանի անհազորդ շմնար: — Գահնամակում ես առաջին տեղն էի զբաղեցնում միշտ: Հետո՞ ինչ, որ դա այդպես չէր: Բայց իմ զգացողությունը ես չեմ փոխի ամենաիրական փաստի հետ:

— Հետո՞, Դրաստամատ, հետո՞:

— Ես նույնիսկ ուրախ էի, որ դա այդպես չէր: Որովհետև բուն իրականությունը միայն ես գիտեի: Ուրիշ ոչ ոք: Եվ այս ամենի համար ես քեզ եմ պարտական, արքա:

— Եթե դա քո երազանքն էր, ես իմ դաստակերտներից մեկը քեզ կնվիրեմ ու իշխան կկարգեմ քեզ:

— Ոչ, արքա, երազանք չէր: Ավելի մեծ բան էր: Ես խորապես շնորհակալ եմ առաջարկիդ համար, բայց չեմ

ուզում իշխան դառնալ: Խնդրում եմ, ազատ արձակիր ինձ:
— Բայց դա ի՞նչ կապ ունի Գնեւի հետ: Դու քո տեղն ես
զբաղեցնում, նա՛ իրը: Ինչո՞վ նա կարող է քեզ խանգարել:

— Նա քո հավատն է, արքա: Քո երկրորդ եսը: Եվ ավելի
կատարյալ, քան դու:

— Բայց ես նրան չեմ սիրում, Դրաստամատ: Նույնիսկ
վախենում եմ նրանից: Կարո՞ղ ես ասել՝ հապա ի՞նչն է
ինձ կապում նրա հետ:

— Որպես մարդ նա գոյություն չունի, արքա: Դու քո
ներկայությունն ես սիրում նրա մեջ: Քո մտքերն ու երազ-
ները: Քո լավագույն կեսը: Քուլություններից ազատված
քո երկրորդ անձը:

Արքան գիտեր, որ Դրաստամատն այն մարդկանցից չէր,
որոնց կարելի էր համոզել, խնդրել կամ յտիպել: Նա այլևս
անելիք չուներ այս պալատում, որովհետև այն, ինչին ձրգ-
տում էր, մեկ ուրիշն ավելի գերազանց էր կատարում:
Եվ դա խանդ չէր, նա պարզապես իմաստազրկված էր համա-
րում իր գործը:

— Գնա, սենեկապետ,— տխրությամբ և հուզմունքով
ասաց արքան:— Ես քեզ ազատ եմ արձակում:

— Շնորհակալ եմ, արքա: Ես գիտեի, որ դու կհասկանաս
ինձ:

— Բայց ես սովոր էի քեզ... Առանց քեզ ես շատ մենակ
կլինեմ...

Դրաստամատը բարձրացավ պատվանդանի աստիճաննե-
րով, շոքեց գահի առջև և համբուրեց արքայի ձեռքը: Արքան
գրկեց նրան, սեղմեց կրծքին, ու թվաց, թե սենեկապետի աչ-
քերը խոնավ էին: Այսքան տարվա մեջ միայն մի անգամ,
այն էլ՝ բաժանման վերջին պահին, նա փոխված տեսավ իր
հավատարիմ սենեկապետի, իր սիրելի Դրաստամատի
դեմքը:

Դրաստամատը թույլ շտվեց, որ արքան երկար զբաղվի
իրենով: Անմիջապես վեր կացավ, գլուխ տվեց ու դուրս
եկավ գահասրահից:

Արքան ճամփու դրեց նրան:

Ընդունարանի դռանը կանգնած, նայում էր, թե ինչպիս

է վիթխարահասակ Դրաստամատը հեռանում ստվերներով լի
լիսամութ ու երկար միջանցքում: Ձիգ ու շիտակ մարմնով,
Եւէի նորից սառը ու անկենդան հայացքով, մեծ ու անշտապ
բալլերով:

Ահա ուր որ է նա կհասնի օանդուղքներին, կթեքվի ու
կանհետանա տեսողությունից:

— Սենեկապետ,— հանկարծ կանչեց արքան:

Դրաստամատը կանգ առավ, շրջվեց միջանցքի հեռավոր
ծալրում ու նայեց իր տիրոջը:

— Հը՞, ի՞նչ եղավ, ի՞նչ կատարվեց, ի՞նչ հասկացար,
Դրաստամատ:

— Դու մենակ մնացիր, արքա,— իր վերջին լուրը հա-
ղորդեց սենեկապետը՝ նախկին անհույզ ու անկիրք տոնով:
Եվ որպեսզի ոչ մի բաց ու անկատար տեղ չմնա, նա ճշտեց
ու լրացրեց տեղեկությունը.— Քո ծառան էլ քեզ լքեց:

Գլուխ քսաներորդ

Թորոսն ով է: Ի՞նչ մարդ է Թորոսը, որ նրա հարցը
բնդհանուր հետաքրքրության առարկա դառնա: Մինչև մեն-
մենակ ու դեմ առ դեմ շհանդիպես, շես նկատի նրան: Եթե
կողքին թեկուզ մի հոգի էլ լինի, նա կկորչի, կձուլվի տնե-
րին ու ծառերին: Անհետանում է գիշերները: Կավ է անում,
ո՞ւմ ինչ գործն է: Ինչքան էլ ճլորած-մլորած լինի, էլի
տղամարդ է, իր տղամարդկային հաշիվներն ունի: Եվ ի՞նչ
լուրջ-լուրջ դեմքերով էլ շրջապատել են նրան Արշակավանի
սահմանի մոտ և ի՞նչ շարությամբ էլ հարցաքննում են իրենց
ընկերոջը, ինչպիսի՞ կրթով ու խանդով: Եթե այդ եռանդի
թեկուզ մի փոքր մասը քաղաքի կառուցմանը նվիրեին, մտա-
ծեց ականատեսներից մեկը՝ Գնեւը, Արշակավանը վաղուց
ոտքի կանգնած կլիներ:

Գնեւը, որ Արշակավանի բնակիչների մեջ աչքի էր ընկել
իր հսկայական ավյունով ու անմնացորդ նվիրումով, նշա-

նակվել էր քաղաքի կառավարիչ Վարազ Գնունու տասը օգնականներից մեկը: Վարազ Գնունին շատ էր սիրում իր պաշտոնը ու հպարտանում էր դրանով: Ամբողջ կյանքում ոչ այնքան հարստության էր ձգտել, որքան՝ պաշտոնի: Ծթե սպասավոր էլ ծնվեր, միևնույն է, սպասավորների՝ ղեկավարն էր լինելու, այլ կերպ չէր պատկերացնում իր անձը: Բայց նույնքան սիրում էր նաև, երբ իր պարտականությունները ուրիշներն էին վերցնում: Ու նա մեծ պարտրաստակամությամբ դրանք տալիս էր իր օգնականին: Եվ օգնականն էլ ագահաբար վերցնում էր, այլևս չվերադարձնելու հաստատ մտադրությամբ:

Գնելը դարձավ Արշակավանի շունչն ու ոգին: Օր ու դադար չուներ: Արթնանում էր բոլորից վաղ և բոլորից ուշ քուն մտնում: Որտեղ նոր բան էր կառուցվում, նա այնտեղ էր: Որտեղ վեճ էր ծագում, նա ներկա էր՝ ընդհարումը հարթելու և արդարությունը վերականգնելու համար: Ծթե որևէ տեղ ինչ-որ բան կարգին չէր, անմիջապես հայտնվում էր նա: Զարմանալի հոտառություն ուներ, թե ինքը երբ և որտեղ էր պետք: Նա էր բաժանում արքունիքից ստացված մթերքը, հետևում Արշակավանի կարգուկանոնին, հոգում քաղաքի հսկողության մասին: Նա էր ղեկավարում շինարարական աշխատանքները, ոչ միայն ղեկավարում էր, այլև ինքն էլ քափ-քրտինք մտած մասնակցում: Թերևս դա էր պատճառը, որ ինչ-որ շափով մեղմանում էր նրա հանդեպ համատարած դարձած հակակրանքը: Նա նստում էր իր սպիտակ ձիու վրա, կոշտ և ուղիղ մազերը գունատ դեմքին ընկած, ձեռքին մի մտրակ, որ հարկ եղած դեպքում անխնայ օգտագործում էր, պատժում ծուլերին ու անբաններին, նույնիսկ նրանց, ովքեր ոչ թե հասարակական շինությունների, այլ իրենց սեփական տների վրա էին դանդաղ աշխատում: Կարող էր կեսգիշերին ներխուժել որևէ հողի, ոտքով հրել, վեր կացնել խոր քուն մտած ուսմիկներին ու, մտրակի սպառնալիքի տակ, ստիպել, որ ծերից մինչև մահնուկ գնան և շարունակեն աշխատանքը իրենց տան վրա: Հետո, ստեպ-ստեպ, ձի նստած, գալիս ստուգում էր, երբեմն ինքն էլ էր օգնում, լծվում ամենածանր գործերին և

միայն առավոտվա կողմը թույլ տալիս կարճատև ընդմիջում անելու:

— Ո՛ւր ես կորում գիշերները,— շարունակում էին վրա տալ Քորոսին:— Հապա եթե քեզ մի բա՞ն պատահի: Ո՞վ պիտի պատասխան տա: Ո՞ւմ օձիքից պիտի բռնեն:

— Մե՛ր, մե՛ր,— անձնագոհությամբ առատութունից խեղդվելով, հենց իրենք էլ պատասխանում էին իրենց հարցին:

Գնելը զարմացավ, թե ինչպիսի շարությամբ էին նրանք ցուցաբերում իրենց հոգատարութունը: Եթե ձեռքներին ճար լինեիր, սիրուց բզիկ-բզիկ կանեին նրան:

Երբ շրջապատի հարձակումները հետզհետե ավելի սրվեցին, Քորոսը հանկարծ պազեց, անշարժ մնաց մի պահ, ապա երկու-երեք քար վերցրեց գետնից ու սկսեց քարկտիկ խաղալ:

Ընկերները միանգամից պապանձվեցին ու տարակուսանքով նայեցին նրան: Հետո է՛լ ավելի կատաղի թափով շարունակեցին վրա տալ: Ասում էին, որ իրենք պատասխանատու են նրա համար, որ գիշերները հանգիստ չեն քնում նրա պատճառով, որ եթե Քորոսը լինեիր իրենց փոխարեն, նույն կերպ կվարվեր, որովհետև նա էլ նույնքան ազնիվ է ու ընկերասեր:

Քորոսը փորձեց մի արանք գտնել ու ծլկել, բայց նրան բռնեցին, նորից դրեցին օղակի մեջտեղում ու շարունակեցին ապացուցել, թե նա որքան բարի և ուշադիր է ընկերների հանդեպ:

— Ո՛ւր ես կորում գիշերները,— իր համար էլ անսպասելի, հարց տվեց Գնելը:— Ինչո՞ւ շես պատասխանում:

Տեսնելով կառավարչի օգնականին, տասից միակը, որից վախենում էին բոլորն անխտիր, մարդկանց օղակը մի փոքր բացվեց, իսկ Քորոսը շկամությամբ ոտքի ելավ: Նա, ծնոտն առաջ գցած, աչքերը կկոցած, նայեց Գնելին, ակնհայտորեն ստիպելով հարցը կրկնել:

— Ո՛ւր ես չքվում գիշերները,— փոխանակ նրա շինծու ծանրամտության վրա բարկանալու, Գնելը իսկապես կրկնեց հարցը, որովհետև դա արդեն նրան էլ էր հետաքրքրում:

— Քննում եմ,— այլևս չգիմացավ Քորոսը, ծնոտը տեղը նստեց, կկոցված աչքերը լայն բացվեցին և, մարտահրավեր նետելով, ավելացրեց.— Ցանկապատից այն կողմ եմ քնում:

Քորոսին շրջապատած մարդկանց օղակը մի պահ անհանգիստ ալիքվեց, ապա բոլորը, զարմացած ու վախեցած, նայեցին նրան: Գնելը հասկացավ, որ նրանք նախօրոք ամեն ինչ գիտեին, բայց ուզում էին վստահ լինել, նրա բերանից իմանալ: Քորոսն էլ էր ուզում բացել իր գաղտնիքը: Չնայած իր դժգոհ պահվածքին, երևի խեղդվում էր գաղտնիքի հալումաշ անող ծանրությունից, սպասում էր, որ ստիպեն իրեն, բռնությամբ կորզեն ճշմարտությունը: Եվ հիմա, մի տեսակ հանգստացած, թեթևացած, գլուխը կախ, կոշկի ծայրով հողն էր քշփորում, հետո նույն ոտքով նորից լցնում փոսիկը ու հավասարեցնում:

Գնելը ևս լարվեց և մտրակի կոթով սկսեց ուժգին քերել ու ցավեցնել սրունքը:

— Վտանգավոր է ցանկապատից այն կողմ,— վերջապես լսվեց շինականներից մեկի անվստահ ձայնը:

— Քեզ կարող են սպանել,— իբր նրա բախտով մտահոգված, ավելացրեց մեկ ուրիշը:

— Ապաստանի իրավունքը վերջանում է սահմանի մոտ...

— Մենք չենք թողնի, որ հիմարություն անես...

— Չենք թողնի, որ կործանվես...

— Բանտարկիք նրան, տեր վերակացու... Մեղք է, ջահել է գեռ... Ինքն էլ չի հասկանում արածը...

Քորոսը, ի պատասխան, խօսհրդավոր ժպտում էր և նայում վախից ու էլի ինչ-որ բանից այլայլված ընկերներին: Ապա, բոլորի լարված ու սպասողական հայացքների ուղեկցությամբ, մոտեցավ փայտե կարճիկ ցանկապատին, մի պահ կանգ առավ, հետո վճռական ցատկեց ու հայտնվեց սահմանից այն կողմ:

Սա դավաճանութունն է, առանց դեսուդեն ընկնելու, մտքում իսկույն ախտորոշեց Գնելը: Դավաճանութունն է արքայի ու հայրենիքի հանդեպ: Բայց էլ ի՞նչ ապաստանի

2
քրավունք, եթե բոլորի աչքի առաջ շանսատակ անի նրան: Գնելի մտքովն իսկ չէր անցել, որ կարող է ստեղծվել այնպիսի իրադրություն, հրե որեւէ մեկը ցանկություն կունենա հեռանալ Արշակավանից: Գրա համար էլ շփտեր ինչպես վարվել: Նա սկսեց շոյել ձիու բաշը ու հանգստացնել նրան, թեև ձին հուզմունքի ոչ մի նշան չէր ցույց տալիս:

Մարդկանց խումբը, կարծես ինչ-որ մոզական ուժի ենթարկված, ձգվեց-երկարեց դեպի ցանկապատը: Հետո նրանցից մեկն ինքնաբերաբար շոքեց գետնին, ծնոտը դրից ցանկապատին ու, ասես հրաշքի հանդիպած, ապշած նայում էր ճլորած Թորոսին, որը հիմա հսկա էր թվում բոլորի աչքին:

Հեռվում, անծայրածիր տափաստանում, մի մենավոր շինություն կար, որտեղից երգի ու նվագի ձայն էր անընդհատ հոսում, դանդաղ տարրալուծվում օդի մեջ և, կանաչ ու զովասուն անտառի պես, գոտևորվում քաղաքի շուրջը, կարծես մի երկրորդ սահման ստեղծելով:

— Ի՞նչ ես անում, Թորոս... Չէ՞ որ մենք այստեղ ազատ ենք...

— Ե՛տ արի... Մենք ախր շատ ազատ ենք, Թորոս...

— Էլ ի՞նչ ես ուզում... Ի՞նչդ է այստեղ պակաս... Ե՛տ դարձիր, Թորոս...

Ընկերներն աղաչանքով, խուճապով ու շարունամբ դիմում էին նրան, իսկ Թորոսը հետզհետե հեռանում էր ցանկապատից, քայլում բաց ու արձակ դաշտով, որը հիմա միայն իրեն էր պատկանում:

Հեռանում էր ապաստանից, որը, խնամակալի պես, ամեն թույն պարտադրում էր իր պաշտպանությունը, անձեռնմխելի հռչակում նրան: Հեռանում էր իր ապահովությունից, իրեն հատկացված երջանկության բաժնից: Իսկ եկել էր անցյալը հետը շալակած, ընտելական հարաբերությունների, հին բարքերի, սովորությունների ու նախապաշարումների բռն ուսին և չէր կարողանում ազատվել դրանից, թոթափել, գեն նետել վրայից: Գնում էր այնտեղ, որտեղ անցյալը ներկա պիտի դառնար: Այն հաստատ համո-

զումով, որ լավ է այնտեղ, որտեղ մենք չենք: Միայն ու միայն՝ այնտեղ:

— Բանտարկի՛ր, տեր վերակացու... Չե՞ս տեսնում, կործանվում է մարդը...

Սվ նա, ով չոքել էր գետնին ու ծնոտը հենել ցանկապատին, անսպասելիորեն կանգնեց հասակով մեկ, լարվածությունից քրտնեց, կարծես հիշելու համար, թե ինչու ոտքի ելավ: Հայացքից երևում էր, որ մի որոշում էր տանջանքով ծնվում նրա ներսում, բայց տատանվում էր դեռ ու կռվում ինքն իր հետ: Թվում էր, թե ահա ուր որ է կոտանա, գետնից կվերցնի մի մեծ քարի կտոր ու կշարտի փախստականի գլխին: Բայց, դրա փոխարեն, հանկարծ նա էլ ցատկեց ցանկապատից: Մի ակնթարթ վախից մեխվեց տեղում և շատ զարմացավ, որ կենդանի էր դեռ: Հետո աստիճանաբար սկսեց ժպտալ: Հիմար, շատ հիմար մի ժպիտով: Այդ անկրկնելի պահը կյանքի տոն էր, ապրելու հայտնություն, մկանների խայտանք և ընդհանրապես գոյության ցնծություն:

Նրա հիմարավուն ժպիտը մի տեսակ ազդանշան ծառայեց, որ մյուսները ևս, մոտ մի տասնյակ շինական, անաղմուկ ցատկեն ցանկապատից և հայտնվեն սահմանից այն կողմ: Բոլորն էլ համոզված էին, որ ցանկապատից թռան՝ փախըստականին ավելի լավ տեսնելու համար:

Գնելը, կատաղությունից մինչև ականջները կարմրած, անմիջապես շրջեց ձին ու արագ հեռացավ, որպեսզի զորք բերի խոռվարարների դեմ:

Նա կկախի բոլորին, ավելի ճիշտ՝ ամեն մեկի համար առանձին պատիժ կհնարի, մեկը մյուսից ավելի ահավոր ու ծանր, յուրահատուկ ու անկրկնելի: Նա կպատժի ոչ միայն իրողության մասնակիցներին, այլև վկաններին: Ոչ միայն վկաններին, այլև նրանց, ովքեր պարզապես տեղյակ են ալդ իրադարձությանը, լսել են հարևաններից կամ ծանոթներից: Դատը նա կկազմակերպի քաղաքի հրապարակում, և քանի որ ինքն էլ ակամա ներկա է գտնվել այդ կեղտոտ խոռվությանը, սեփական աչքերով է տեսել այդ եղկելի տեսարանը, որ ժանապարհի պես կարող է վարակել ամենքին, ուրեմն,

պատիժը կսկսի իբեկից: Կհրամայի, որ մտրակի հինգ հար-
ված հասցնեն մեջքին: Հինգ, ոչ ավելի: Որովհետև այդ նա
է կանխել համաճարակի տարածումը ու կազմակերպել հա-
մաքաղաքային դատը:

Տիրեց քար լուծյուն: Բայց բոլորը երջանիկ ժպտում
էին, որովհետև նորից ու նորից, արդեն քանիբորոգ անգամ,
կերել էին արգելված պտուղը, ու համը դուր էր եկել նրանց:

Եվ հանկարծ կատարվեց անսպասելին: Պոռթկաց տղա-
մարդկանց անզուսպ և խմբովի ծիծաղը: Ծիծաղում էին
կուշտ-կուշտ, մի տեսակ անհագությամբ, մինչև վերջ դա-
տարկելով թոքերը, ձերբադատված սեփական անձից, անու-
նից, կենսագրությունից, հագուստներից, իրենց ներկայից
ու անցյալից, բնազդաբար ըմբոշխնելով անցյալի ու ներկայի
արանքում ընկած այս շեղոք պահը: Ինչ-որ խելառ ու սոս-
կալի բան կար տղամարդկանց այդ միահամուռ ծիծաղի
մեջ, որ կապ չունեի ոչ ուրախության, ոչ էլ տխրության հետ:

Իսկ Թորոսը էլ ավելի էր հեռանում, ըստ որում՝ խելքա-
հան էր անում այն, որ նա չէր վազում, չէր փախչում, այլ
քայլում էր դանդաղ ու ծուլորեն, կարծես ընդգծելու համար,
թե որքան վստահ էր իր ճշմարտության վրա: Իսկ երբ մի
տեղ կանգ առավ, հանգիստ նայեց շուրջը և ապա շարունա-
կեց քայլել, արդեն լրի՛վ զինաթափ արեց ամենքին:

Եվ ծիծաղը հետզհետե թռչացավ ու բոլորովին հանգեց:
Շարունակում էր ծիծաղել միայն մեկը, հոգնած և ուժաս-
ւյառ, կարծես շատ էր ուզում լռել, բայց չէր կարողանում:

Թորոսը, առանց ետ շրջվելու, հորիզոնի հետ մեն-մենակ
ու երես առ երես, շարունակում էր հեռանալ, մինչև որ տա-
փարակ ու անծայրածիր դաշտում աստիճանաբար փոքրա-
ցավ, ձուլվեց վայրի թփերին ու մացառներին և անհետա-
ցավ տեսողությունից:

Շինականները արագ ետ դարձան, խուճապահար վազե-
ցին դեպի փայտե գաճաճ ցանկապատը, մի քանիսը շտա-
պելուց նույնիսկ սայթաքեցին ու ընկան, և ապա բոլորը
ցատկեցին ներս: Մի պահ կանգ առան, մի տեսակ ապահով
ու հանգստացած: Կարծես ժամանակից դուրս էին ընկել,

կորցրել գիշերվա ու ցերեկվա, առավոտի ու երեկոյի հոյության զգացողութիւնը: Իսկ հիմա, փառք աստօ՞ն, Արշակաւանում կեսօր էր...

Բայց և այնպես, մի քանիսը նախանձով ու շերմությամբ նայում էին դեպի անծիր ու խաղաղութիւնից անիրական թվացող դաշտը...

Ապա ցրվեցին տարբեր կողմեր ու շարունակեցին իրենց կիսատ թողած աշխատանքը. քար էին տաշում, ավազ տեղափոխում, խմբովի գերան տանում ունեւերին...

Նկել էին պարիսպ շարելու...

Փայտե գաճաճ ցանկապատի փոխարեն ամուր և բարձր պատ կանգնեցնելու...

Գնելը վերադարձավ զինվորների հետ: Բայց տեսավ, որ բոլորը իրենց տեղերում են: Կարծես ոչինչ չէր պատահել: Պակասել էր միայն մեկը:

— Կեցցե՛ արքան,— ամբողջ կոկորդով գոռաց նա սպիտակ ձիու վրայից:

Ապա, շտկելով գունատ դեմքին ընկած ուղիղ ու կոպիտ մազերը, զինվորներին հրամայեց ձերբակալել ամենքին: Նա բողոք կներկայացնի Վարազ Գնունուն և կպահանջի կտրել նրանց լեզուները: Բայց կառավարչին ևս չի պատմի իսկութիւնը, մի ուրիշ հանցանք կհնարի, որպեսզի նա եղելութիւնը հանկարծ որևէ մեկի մոտ շփախցնի բերանից: Իսկ ինքը վեց ամիս շարունակ, օրական հարյուր անգամ, ծնկի կգա սրբապատկերի առաջ ու կերգվի, որ գաղտնիքը գերեզման կտանի իր հետ:

Նա զինվորներին հրամայեց նաև՝ աննկատ գնալ, հետապնդել փախստականին, տեղնուտեղը սպանել և ուշ գիշերին բերել, զցել քաղաքի սահմանագլխին: Թող կարծեն, թե նախարարների գործն է դա: Վաղը նա կհավաքի բոլոր արշակաւանցիներին և փառավոր թաղում կկազմակերպի: Ճիշտ այնպես, ինչպես արքան էր ժամանակին վարվել ոմն իշխանի հետ:

— Կեցցե արքան,— լսվեց ինչ-որ մեկի թույլ և ուշացած արձագանքը:

Պալատի աղբանոցը: Մամուլատ պարխպանհ-
րով շրջափակված հսկա գերեզմանատունը: Աշխարհի ամե-
նակուշտ առնետների թագավորությունը:

Եթե մուրացկաններին թույլ տային մուտք գործել աղ-
բանոց, նրանք ոչ միայն մինչև կյանքի վերջը ապահովված
կլինեին ուտելիքով, այլև հազար անգամ ավելի վայելուչ
զգեստներ կունենային, քան թե հիմա: Նույնիսկ գետնին
քնելու հարկ չէր լինի սովորականի պես, ինչքան ասես
չհափուկ մահիճներ կային այս ու այն կողմ գցված: Իսկ եթե
նրանց մեջ նաև ճարպիկ ու ձեռներեց մարդիկ գտնվեին,
կարող էին ծախել աղբանոցի բարիքները ու հարստանալ
Թշվառների մի ամբողջ շեն կտեղավորվեր այս ընդարձակ
տարածության վրա, կստեղծվեր մի ուրույն ու թաքուն
կյանք, որի անդորրը կխանգարվեր միայն այն ժամանակ,
երբ վերևից սայլակով աղբ թափեին, որն ամեն օր, մեծ
բարձրությունից գահավիժելով, աղմուկով ընկնում էր
գետնին ու թնդալով արձագանքում:

Արքան առաջին անգամն էր մտնում իր տան այս խոր-
հրդավոր անկյունը: Ապշած նայում էր շուրջը, որովհետև
ծովված ու ջարդոտված հայելու մեջ տեսնում էր պալատա-
կան կյանքի շարունակությունը: Այստեղ թերևս կային իրեր,
որ ժամանակին իրեն են պատկանել: Տիրոջ ու հին իրերի
հանդիպումը որքան որ հաճելի անակնկալ էր, նույնքան էլ
հոգեմաշ տխրություն էր սփռում շորս կողմը: Մարդու մեղ-
քերը, որոնք առանց այդ էլ քիչ չէին, է՛լ ավելի էին շատա-
նում այս մեռած իրերի ներկայությամբ:

Սա հաստատ իր մահիճն էր, որի հետ նա թաղել էր
գիշերվա իր ամենագաղտնի ու երբեմն էլ ամոթալի մտքերը,
իր ծանր ապրումները ու կարճատև, պատահական ուրախու-
թյունները, սրա վրա էին հաճախ ծնվել երկրի համար
ճակատագրական որոշումները, այստեղ էին թաքնված իր
սխալներն ու սայթաքումները և, ինչո՞ւ չէ, նաև որոշ մեծա-
գործությունները: Իսկ կանա՛յք... Որքան հաղթանակների

վկա է եղել այս մեռած մահիճը, ոչ թե արքայի, այլ սովորական մի տղամարդու բիրտ հաղթանակների, սիրուց ու զգացմունքից զուրկ, այլապես էլ ի՞նչ հաղթանակ։ Իսկ հիմա մահճի կարծիք կոտորված են, երևի վերևից ընկնելիս են ջարդվել. սարդերը ոստայններ են հյուսել անկյուններում, փոշին ու կեղտը վերջնական հանգրվան են գտել նրա մակերեսին։

Նույնպիսի հուշ էր նաև այս մարդը, որն իսկ և իսկ ներդաշնակում էր շրջապատին։ Կարծես այս դերեզմանատան մշտական ու միակ բնակիչը լիներ, որը աղբակույտերի ետևից հասակով մեկ հանկարծ կանգնեց նրա առաջ։ Նախկին Գնել իշխանն էր, նախկին արքայազուներ, եղբոր նախկին որդին։ Իսկ սա՝ տիրոջ ու հյին ծառայի հանդիպումը անզրոշիբմյան աշխարհում։

Դեմ-դիմաց կանգնած, երկար նայում էին իրար։ Գնելն անճանաչելի էր։ Ծթե արքան նախօրոք շիմանար, որ հանդիպելու էր նրան, կկարծեր, թե մուրացկանի է դեմ առել։ Միայն աչքերն էին նույնը, սուր և ծակող, մեկ էլ՝ գունատ դեմքին ընկած հարթ և կոպիտ մազերը։

Արքան սկսեց դանդաղորեն առաջ գնալ, ձեռքը սրի պատյանին դրած։ Գնելը, անակնկալի եկած, անպաշտպան ընկրկում էր։ Արծե՞ր, որ արքան այդ բանը հիմա աներ։ Հիմա, երբ Արշակավանը, շնորհիվ իր գերմարդկային ջանքերի, կամաց-կամաց ոտքի էր կանգնում։ Եվ այդ մասին մտածելիս, ինքնագոհության կամ հատուցում ակնկալելու նշույլ իսկ չերևաց Գնելի դեմքին։ Մի հարց էր միայն նրան մտահոգում։ Ինչպե՞ս այդ ամենը բացատրել արքային, ինչպե՞ս հասկացնել նրա սեփական օգուտն ու վնասը։

— Սա իմ քաղաքը չի, Գնել։ Ես այստեղ ոչ մի պարտավորություն չունեմ քո հանդեպ։

— Աղբանոցում շսպանես, արքա։

— Ես զարմանում եմ, որ դեռ կենդանի ես համարում քեզ։

— Դու խաբեցիր ինձ... Դու գիտեիր, որ միայն Փառանձեմի անունով կարող էիր ինձ ծուղակ գցել...

— Ես քեզ ասել եմ, որ դու պիտի հարուժյուն առնես

դրպես ծաղկի ցողուն... Հողի միջից ձգվես դեպի երկինք... Դու կաճես ամենադժվարին տեղում, ժայռերի արանքից, անջրդի անապատում... Քո շար համառությունից, քո կույր մոլեռանդությունից ես կգտնեմ ու կճանաչեմ քեզ... Բայց չեմ պոկի... Կջրեմ ու կխնամեմ, որպեսզի լիությունից թառամես ու այլևս երբեք մտքովդ չանցնի հառնել...

Արքան մեծագույն հաճույք էր ստանում իր յուրաքանչյուր բառից, ավելի, քան եթե իր խոսքը հրաշքով իրականություն դառնար հենց տեղնուտեղը, հենց աչքերի առջև թե՛ նա, թե՛ Գնելը, մինչև օրս չէին կարողանում իրարից անջատել մարդուն և այն գաղափարը, որ մարմնավորում էր նա: Եվ տանջվում, տառապում էին իրենց անզորությունից: Որովհետև, կենսագրության բերումով, ատում էին իրար, իսկ ճակատագրով սերտորեն կապված էին միմյանց: Այդ հակասությունը ամենայն սրությամբ նրանց առաջ կանգնեց հատկապես այսօր, երբ գործող անձինք արդեն ոչ թե երկուսն էին, այլ երեքը, արքան, Գնելը ու Փառանձեմը:

— Բայց ես էլ կարող եմ քեզ սպանել, արքա... Ես քեզանից շահել եմ և դյուրաշարժ... Ավելի ճկուն եմ ու ճարպիկ...

— Դու ինձ չես սպանի: Չէ՞ որ ես քո երազանքն եմ: Քո տերը:

— Բայց իմ մեջ կարող է հանկարծ մարդը զարթնել, արքա... Կարող են հուշերը ժայթքել... Կարոտը կարող է խեղդել ինձ... Մի՛ զարթնեցնի մարդուն, արքա... Ի սեր աստժո, մի՛ զարթնեցնի...

Արքան արդեն բավական մոտ էր Գնելին: Նա պատյանից հանեց սուրը և, անձայն քրքջալով, լրիվ մոտեցավ պատին դեմ առած Գնելին, առաջ պարզեց սուրը և կայքրեց սարսափած իշխանի կոկորդին: Մի ակնթարթ լուռ պահեց այդպես, ապա, անպատկառորեն ծիծաղելով, իջեցրեց սուրը ու նորից դրեց պատյանը:

— Բայց դու իսկապե՛ս պղտորել ես իմ կյանքը: Խառնել ես հաշիվներս: Խանգարել ես իմ քունն ու հանգիստը:

— Դու ես մեղավոր, արքա: Որովհետև մինչև վերջ չհանձնվեցիր ինձ: Վախեցար ենթարկվել մի մարդու, որ իսկի գոյություն էլ չունի:

— Ես քեզանից հրաշքներ էի սպասում: Բայց իմ վիճակը է՛լ ավելի է խճճվում:

— Դու չձերբակալեցիր նախաբարներին: Չվճռեցիր բյուզանդացի և պարսիկ պատգամավորներին: Խաղալիք դարձար կանանց ձեռքին: Քո անվճռականութունը բուրբին խոստովանեցիր: Բարձրաձա՛յն: Հրապարակո՛ւմ: Ուզեցիր, որ պարսիկները կարծեն, թե իրենց բարեկամն ես, իսկ բյուզանդացիները համարեն, որ իրենց դաշնակիցն ես: Գլուխդ ավազի մեջ խոթեցիր, որ շտեմենն քեզ: Բայց ոչ ոք այդ խաղը քեզ չի ների:

— Դաժանության վրա երկիր շես կառուցի, Գնելու Վազ թե ուշ՝ փուլ կգա:

— Իսկ մարդասիրությամբ ոչինչ շես կառուցի, արքա:

— Խնչ է դուրս գալիս, եղբոր որդի: Ոչ միայն շարիք, այլև բարիք գործելու համա՞ր էլ բռունցք է պետք:

Նա այնպիսի ազնիվ զայրույթով արտասանեց այդ նախադասությունը, որ նրան թվաց, թե դա լիուլի բավական էր իր ճշմարտությունն անխոցելի գործնելու համար:

— Մի տարբերությամբ, արքա,— չգիտես ինչու, նեմ-գորեն ժպտաց Գնելը:— Բարիք գործելու դեպքում է՛լ ավելի ուժեղ բռունցք է անհրաժեշտ:

— Դու քո շարությունն ես ուզում գեղեցկացնել երկրի անունից,— իր խոսքի ուժին վստահ, կարծես մի ժանր ապտակ հասցնելով նրան, եզրակացրեց արքան:

— Իսկ դու՞ քո թուլությունը:— Գնելը բուժ մատի եղունգն էր կրծում և, աչքի տակով արքային նայելով, շարունակում էր ժպտալ: Եվ, այդպես ժպտալով էլ, հանկարծ ավելացրեց.— Ընդունիր ցավակցություններս, արքա: Քո հոր և իմ պապի մահվան առթիվ:

— Մի՞թե ես քեզ չէի հաղորդել նրա մահը,— անսպասելի հարվածից շփոթվեց ու իրեն կորցրեց արքան:

— Ես ու դու շատ էինք սիրում քո հորն ու իմ պապին: Ծիշտ չէ՞, արքա:

— Բայց նա ինքը մեռավ, Գնել...— խուճապի մեջ ընկավ արքան, զգալով, որ ծուղակ են գցում իրեն:— Իր բնական մահով...

— Դու մեծ քուրով թաղեցիր նրան: Ինչպես և ինձ: Եվ
ցույց տվիր, որ արժանի որդի ես:

— Ես չկատարեցի քո պահանջը,— գոռաց արքան, թեև
հենց գոռալու պահին գլխի ընկավ, որ դրանով մատնում էր
իրեն: Եվ է՛լ ավելի բարձր գոռաց.— Ամեն ինչ ինքն իրեն
լուծվեց...

— Ուրեմն, բա՛ստավոր ես, արքա: Քո ամենամեծ թշնա-
մին այլևս կենդանի չէ: Փառք աստծո, որ ստիպված չեղար
հայրասպան լինելու:

— Նա ամենուրեք վարկաբեկում էր ինձ... Անիծում էր
հարազատ որդուն... Ժողովրդին թշնամացնում արքայի
հետ...

— Մխիթարվիր, որ քո քաղաքը ամենքից ավելի սգաց
հորդ մահու:

— Ինձ մի զրպարտիր, Գնել... Ես կապ չունեմ նրա մահ-
վան հետ... Ես անմեղ եմ աստծո առաջ...

— Հայրասպան,— հանգիստ ու գրեթե կիսաձայն ասաց
Գնելը, կարծես մի շատ սովորական բանի անունը տալով:

Արքան լռեց ու տարակուսանքով նայեց Գնելին: Վերջի-
վերջո ո՞վ էր այս մարդը: Իր խի՞ղճը: Բայց խիղճ դառնալու
համար նա շատ էր դաժան: Իր իղձերի արձագանքը: Բայց
ինչո՞ւ արձագանքը պիտի արյան թշնամին տա, ո՞ւր է այս-
տեղ աստծո արդարությունը: Իր միակ հավատարիմ իշ-
խա՞նք: Բայց նա չկա, գոյություն չունի, որպեսզի հավատա-
րիմ լինի կամ դավաճան: Ո՞վ է, ո՞վ է այս մարդը, որի
հետ նա հիմա էլ պիտի հաշվի նստի ու հանդուրժի նրա
ամբաստանությունները:

— Եթե նույնիսկ քո կասկածներն իրավացի են...— ան-
վտառ սկսեց արքան, հետո արյունը տվեց գլխին, ու նա
միանգամից նորից պոռթկաց.— Բայց չէ՞ որ դա քո պա-
հանջն էր... Քո՞ թելադրանքը...

— Դու ճիշտ ես վարվել, արքա: Դժբախտաբար, նա
պետք է մեռներ:

— Էլ ինչո՞ւ ես ինձ հայրասպան կոչում,— է՛լ ավելի
կատաղեց արքան ու բռնեց նրա օձիքից:— Ինչո՞ւ ես ինձ
զրպարտում:

— Նա առաջնորդ կղառնար թշնամիների համար,— կարծես շնկատելով արքայի զայրույթը ու օձիքից կառչած նրա ձեռքերը, անվրդով բացատրեց Գնելը:— Դու՛ երջանիկ, իսկ նա՛ դժբախտ ու կուրացած արքա: Պատկերացնո՞ւմ ես, որքան ձեռնտու առաջնորդ կլինեիր նա: Ժողովուրդը, մի մարդու պես, նրա ետևից կգնար:

— Եթե սպանել ենք, միասին ենք սպանել,— ֆշշաց արքան ու, ամբողջ ուժով Գնելի օձիքից բռնած, գետնին շարտեց նրան:— Եվ եթե կուզես իմանալ, նա ի սեր քեզ էր իմ դեմ գործում: Դու ես նրա մահվան պատճառը, դո՛ւ:

— Դու հիմա էլ ես ճիշտ վարվում,— հանգիստ ոտքի ելավ Գնելը ու թափ տվեց մաշված դգեստի փոշին:— Ինձ և Փառանձեմին հանդիպեցնելը վերին աստիճանի խելացի քայլ էր քո կողմից: Ստոր, բայց խելացի: Դու երկուսիս էլ քո բռի մեջ ես հավաքում միանգամից:

— Ի՞նչ ես ուզում ասել,— թերահավատությամբ հարցրեց արքան, մի նոր և նենգ հարվածի սպասելով:

— Տեսնո՞ւմ ես, որ վեհ և ազնիվ նպատակների, միավորված հայրենիք ունենալու համար որքան անխուսափելի է դաժանությունը,— իր միտքը հենց արքայի օրինակով հաստատեց Գնելը:— Միայն թե ոչ պատահական, այլ ծրագրված դաժանություն է պետք, արքա: Եվ եթե դու այդ շանես, սերունդները կանիծեն քեզ: Հենց քո որդին կանիծի:— Հանկարծ այլայլվեց, գունատ դեմքը լարվեց ու երկարեց, աչքերի մեջ տագնապ երևաց, ու նա հրամայաբար բարձրացրեց ձեռքը, արգելելով նրան խոսել:— Փառանձե՛մը, արքա,— վախեցած շշնջաց նա, ու հենց այդ պահին, հակառակի պես, վերևից սայլակով աղբ գցեցին, որն ահավոր աղմուկով թնդաց, ու արձագանքը տարածվեց շորս կողմը:

— Ո՛ւր է...— իրարանցման մեջ ընկավ արքան:— Դու տեսա՞ր նրան:

Գնելը բացասաբար շարժեց գլուխը:

— Բայց այս գարշահոտության մեջ անգամ մի նուրբ և մաքուր հոտ խփեց երեսիս...

Արշակն շտապ հեռացավ ու միայն բաժանման պահին գտավ քիչ առաջվա հարցի պատասխանը: Ով էլ լինեիր այս

մարդը, մի բան, համենայն դեպս, անժխտելի էր, որ առանց նրա Արշակավանը երբեք չէր կառուցվի ու հիմա էլ շի կառուցվի: Հենց դրա համար էլ ինքը պարտավոր էր ամեն ինչ հանդուրժել, դեռ ավելին, նրա հայհոյանքներին պատասխանել՝ մինչև գետին խոնարհվելով և ի ցուլց դնելով իր անսահման երախտագիտութունը:

Արքան շհեռացավ աղբանոցից: Թաքնվեց քիչ հեռվում, որտեղ հին իրեր էին թափված: Ու էլի՛ մահիճը, ի՛ր մահիճը, որը կարծես կրնակոխ հետևում էր նրան, ցցվեց տիրոջ դեմ...

Փառանձեմի համար ևս սարուորովին անծանոթ մի աշխարհ էր: Նա քայլում էր մեծ զգուշությամբ, ոտքերի մատների վրա, ամեն պահ վտանգ սպասելով: Եվ ամենամեծ վտանգը Գնեկն էր, որն ահա ուր որ է կհայտնվի մի անսպասելի տեղից, տակնուվրա անելով նրա հոգին: Փառանձեմը շատ էր ուզում նրան տեսնել, սիրտը տրոփում էր հուզմունքից, մի տեսակ մաքուր և անաղարտ էր զգում իրեն, կարծես վաղուց մոռացված մանկության հուշեր էին զարթնել, կարծես իր օրորոցն էր տեսնելու, իր ծնված սենյակը, այն ժայռը, որի վրա նստած գետի ջրերին է նայել, կարծես իր դայակին էր հանդիպելու, և կիսատ մնացած մի հեքիաթ, որի անհայտ շարունակութունը տանջել էր իրեն հետագա տարիներին ու խանգարել հանգիստ ապրելու, դայակը հասցնելու էր ավարտին. ուտելու էր այն քաղցրավենիքը, որի համը հասուն տարիքում անընդհատ զգացել էր լեզվի վրա, բայց չէր հիշում, թե ինչ է դրա անունը... Ոչ մահվան հուշ կար այդ հանդիպման մեջ, ոչ սպանության, ոչ սգի, ոչ էլ դառը տարիների, այլ՝ մի մաքուր և զրնգուն ձայն, մի դուրեկան համ, մի հաճելի զովութուն, մանկական աստվածային մի օրոր...

Բայց կյանքը կտար, ազնի՛վ խոսք, կտար, եթե չկայանար այս հանդիպումը: Իր ինչի՞ն էր պետք Գնեկը, երբ ինքը կեղտոտված է տարիների անիմաստ կուտակումից, երբ այլևս այն չէ, այն չէ այլևս, երբ նա շի հասկանա Գնեկին, որը նրա համար մնացել է նույն պայծառ պատանին, իսկ Գնեկը բոլորովին շի ճանաչի նրան՝ այս գիրացած,

շարացած, խորամանկ կնոջը... Միայն թե ինչո՞ւ է այսպես զուգվել-զարդարվել: Ո՞ւմ է ուզում դուր գալ: Կամ գուցե ցանկանում է դրանով զգացնե՞լ տալ այն հսկայական անջրպետը, որ գոյացել է իրենց միջև: Գուցե իր շքեղ զգեստներով ուզում է վիրավորե՞լ նրան: Ինքնապաշտպանությա՛ն համար: Որպեսզի անձնական կյանքի խեղդված կարտը շժայթքի հանկարծ, և նա շարունակի ծառայի պես իրեն նվիրաբերել որդուն, այն աստիճան նվիրաբերել, որ շնորհակալության փոխարեն որդին ակամա արհամարհի նրան: Բայց Փառանձեմի համար դա էր մայրության գերագույն հաճույքը, մինչև վերջ քամել իրեն, առանց հատուցում ստանալու ակնհայտության: Իսկ այդ գերագույն հաճույքն իրականացնելու համար արքան էր պետք իրեն, ոչ թե նրա սերը, նրա վերաբերմունքը, նրա ուշադրությունը, այլ պարզապես գոյությունը:

Բայց նա սիրում էր արքային, այսօր ևեթ այդ մասին կասի ամուսնուն, կյանքում առաջին անգամ լինելով սեր կբացատրի նրան, այսօրվանից ամեն ինչ կփոխվի իրենց կյանքում, նա այս գիշեր նրա հետ անկողին կմտնի կույսի մաքրությամբ, մինչև առավոտ կպատմի, թե ինչպես է ապրել այս տարիներին, ինչ մտքեր է թաքցրել նրանից, կպատմի նույնիսկ անթույլատրելի, կխոստովանի իր բոլոր մեղքերը, ու երբ առավոտյան արեգակը ծագի, նրանք, մեջքի վրա արթուն պառկած, կհասկանան, որ նոր կյանք է սկսում իրենց համար:

Սա՞ է Գնելը: Այս ուամի՞կը: Այս շարքաշ մա՞րդը, որի հայտնությունը բոլորովին էլ անսպասելի շեղավ: Նա անճարակ կեցվածքով կանգնել էր հեռվում, կարծես նախապատրաստելու համար իր կնոջը: Փառանձեմը հասկացավ, որ եթե նա հանկարծակի հայտնվեր որևէ անկյունից, գուցե և բախտի անիվը գլորվեր իր ձեռքից ու անցներ Գնելին: Իր կյանքը միանգամից շուռ կգար, բոլոր ծրագրերը կխորտակվեին: Նրան թվաց, թե այդ մանրուքն էր իր միակ փրկությունը: Այս կարճ տարածությունը հաղթահարելիս նա ժամանակ կունենա, առանց աչքը Գնելից կտրելու, ամեն ինչի մասին արագ ու վճռական խորհելու, որոշում տալու,

հավաքելու իր ուժերը: Իսկ Գնելի համար կլինի ճիշտ հակառակը: Նա կորցրեց տուժած մարդու առավելությունը: Մինչև Փառանձեմը մոտենա, մինչև այս տանջալի ու անսահման երկար պահերն անցնեն, նրա ուժերը կսպառվեն, ու նա այլևս անզոր կլինի որևէ վտանգ սպառնալու: Եվ Փառանձեմը, մոռացած հուզմունքն ու ներքին դողը, առևտրականի բժախնդրությամբ հաշվեց երկու կողմերի օգուտներն ու վնասները...

Կանգնեցին դեմ առ դեմ: Գնելը ոչ մի քայլ շարեց: Քիչ առաջվա բոլոր մանրակրկիտ հաշիվները հօգու ցնդեցին: Քարացած նայում էին իրար, կարծես ճգնելով հիշել մեկը մյուսին: Մի կոտորած բազկաթոռ էր ընկել նրանց արանքում, որը, ինչպես նրանց թվաց, խանգարում էր միմյանց գիրկ նետվելու:

Նայեցին, նայեցին իրար, առանց կշտակալու, առանց հագնալու, առանց սպառելու իրար հրմշտող հուշերը, որոնցից ամեն մեկը ծակում, ցավ էր պատճառում և վերականգնում հին վերքերը:

Հարսանիքի օրը, առաջին գիշերը, Փառանձեմի թույլ հառաչանքը, որ անծանոթ էր երկուսին էլ ու երբեք չկրկնվեց, այն միակը, սուրբը, որսը Մաղկաց լեռներում, երեսների առատությունը, ջրավետ անտառները, հոգնած անկողինները, գալարվող, թպրտացող մարմինները, հեթանոս մեղքը, զանգի ձայն ունեցող գիշերները, մեղք, որ երբեք չդարձավ երկրային, այն երանավետ, ազնիվ հոգնությունը, երբ «ես» և «դու» բաժանվում են իրարից, դառնում անկամ ու անօգնական: Շահապիվան: Կասկածի՝ քաղաք: Ծվ, չգիտես ինչու, ոչ կարևոր, աննշան խոսակցության մի պատառեկ. «Ինչո՞ւ էս երդվում»: «Քեզանո՞ւ»:

— Փոխվել ես, Գնել... Հասուն ատամարդ ես դարձել...

— Իսկ դու քո թուզությունն ես կորցրել... Ուժ է թափվում աչքերիցդ...

— Քանի՞ տարի է անցել...

— Իսկ երբեմն, գոնե երբեմն հիշե՞լ ես ինձ...

— Ձե՛մ հիշել, Գնել... Որովհետե կամ ջատ դժբախտ էի,

կամ շատ երջանիկ... Մինչև հիմա էլ չգիտեմ, թե որ մեկն էր այդ երկուսից... Իսկ դո՞ւ...

— Ես էլ չեմ հիշել, Փառանձեմ... Տուն եմ կառուցել... Փողոցներ եմ սալահատակել... Կավե խողովակներ եմ անցկացրել ջրի համար և դարմանով ծածկել, որպեսզի ձմռանը շատչեն... Օտար կանանց հետ եմ պառկել, որոնցից հող և քրտինք է բուրել... էլ ինչպե՞ս կարող էի քեզ հիշել...

— Բայց ես ուրախ եմ, որ հանդիպեցի քեզ...

— Ես էլ...

Իսկապես ուրախ էին: Անկեղծորեն ուրախ: Եվ հենց այդ ուրախությունն էր, և ոչ թե կոտրված բազկաթոռը, որ պատնեջ էր ստեղծում նրանց միջև: Որովհետև բոլոր հնարավոր զգացմունքներից ամենաանմեղն էր դա, ամենաանվնասը: Այդպես կարող էին հանդիպել հին ժանտիները, հանդիպել պատահաբար ու նորից երկար ժամանակով բաժանվել:

Ափսոսում էին միայն: Իրենց անցած ու անվերադարձ երիտասարդությունը: Խենթի պես սիրելու երբեմնի ընդունակությունը: Անցյալ երջանկության հանգած մոխիրները: Իրենց անաղարտ մաքրությունը, որը գտնելու համար պիտի տակնուվրա անես ամբողջ աղբանոցը: Եվ առհասարակ՝ իրենք իրենց: Բայց ափսոսում էին՝ ամեն մեկն իր համար, առանց մյուսին մասնակից դարձնելու, կարծես միասին չէին ապրել այդ տարիները:

— Եթե որևէ բանի կարիք ունես, մի ամաչիր, ասա ինձ:

Փառանձեմի քնազղը արթուն էր միշտ և հավատարիմ շան պես հսկում էր տիրոջը: Նա զգաց, որ խոսակցության ջերմությունը կարող էր թյուրիմացության մեջ գցել երկուսին էլ, խնամքով թաքցնել իրենց օտարացումը, և իր այդ անկեղծ ու սրտաբուխ առաջարկով Փառանձեմն ամեն ինչ դրեց տեղը, հատկապես՝ իր այն խնդրանքով, թե Գնելի մտքով հանկարծ շանցնի ամաչել:

— Ես ուզում եմ քո որդուն տեսնել:

— Զղույշ եղիր, Գնել, դա սիրո խոստովանություն է:

— Դու ինձ չհասկացար, Փառանձեմ: Ես ուզում եմ մեր ապագա արքային տեսնել:

— Բայց նա թագածառանգ չէ այլևս,— թեթևակի ծով-

ցին նրա շրթունքները, շփտես՝ վիրավորանքի՞ց, թե՞ ինք-
նահեզնանքից:— Ոչ էլ ես եմ թագուհի:

— Եթե աչքերդ ինձ չեն խաբում, քո շարությունն ու
փառատենչությունը լիովին բավական են կորցրածը գըտ-
նելու համար:

— Բայց դու ինձ անպատվում ես, Գնել,— մեղմորեն
նախատեց Փառանձեմը, հայացքը մի անորոշ կետի սառած
և շրթունքներն այդպես էլ շուղղած:

— Ես ժամանակ չունեմ ձեռնառնության, — անհամբե-
րությունից կոպտորեն պատասխանեց Գնելը:— Ես վախի-
նում էի, որ եթե քեզ տեսնեմ, սերը նորից կզարթնի իմ մեջ:
Բայց, փառք տիրոջ, ոչ իմ մեջ զարթնեց, ոչ էլ քու շենց
դրա համար էլ ես կարող եմ քեզ օգնել:

— Դո՞ւ: Բայց դու չկաս, Գնել, Դու գոյություն չունես:
Գուցե էրո՞ք սա պատրանք էր, ուշ գիշերվա երազ,
գուցե ինքք հիմա անհանգիստ շուռումուռ էր գալիս
անկողնում, տնքում խոր քնի մեջ, գուցե ձեռքը ենթադի-
տակցաբար ամուսնու մարմինն էր փնտրում, որ կառչի
նրան ու խաղաղվի:

— Ամեն ինչ քո ձեռքին է, Փառանձեմ,— տենդագին
փայլեցին Գնելի աչքերը, հարթ և կոպիտ մազերն ընկան
գունատ դեմքին, մի տհաճ ու վանող արտահայտություն
տալով նրան:— Դու ինքդ պետք է գտնես կորցրածդ: Դու
պետք է թունավորե՞ս այդ երկու կանանց:

— Ե՞ս,— սարսափահար ճշաց Փառանձեմը:

— Աղաչում եմ քեզ,— իրենց միջև գտնվող ջարդված
բազկաթոռք մի կողմ շարտեց Գնելը, ընկավ կնոջ ոտքերին,
բուռը հավաքեց նրա երկար և սև ստոլայի ծայրը ու սեղմեց
ամբողջ ուժով:— Մի վախենա, թունավորի՞ր նրանց: Եթե
թույնը գորեղ լինի, նրանք չեն տանջվի: Աղերսո՞ւմ եմ քեզ:

Փառանձեմը ստոյան պոկեց նրա ձեռքից և վախեցած
մի կողմ քաշվեց: Գնելը մնաց ծնկաչոք ու մենակ: Նրա
սուր և ծակող աչքերը մազերի արանքից գամված էին
շփոթահար կնոջը:

Փառանձեմն զգաց, որ ինչ-որ տիրական բան կար նրա
հայացքի մեջ, քաշող ու իրեն ենթարկող: Այդպես չէր առաջ.

աշքերը վրակոտ չէին, մեղմ էին ու տխուր: Ո՞րն էր իսկական Գնեւը, այս մե՞կը, թե՞ նա, ով անցյալին էր պատկանում: Եվ ո՞ր մեկն էր իր սրտին ավելի մոտիկ: Ու նա երկյուղով մտածեց, որ չէր կարող միանշանակ պատասխան տալ: Գիտակցությունն անցյալի Գնեւին էր աստվածացնում, իսկ հոգու խորքը, որ գաղտնի էր մնում նույնիսկ իրեն, այս մեկին էր նախընտրում:

Փառանձեւը ցրված նայում էր շորս կողմը: Կարծես նոր նկատեց, թե ուր էր ընկել: Հայացքը սահեց մամռապատ ու խոնավ պարիսպներով վեր, ուր ինչ-որ տեղ մայր էր մտնում արևը: Զտեսնված ցանկություն ունեցավ տեսնելու մայրամուտը, ասես հաջորդ օրը զրկված էր լինելու այդ հնարավորությունից: Ու կարոտեց ամուսնուն, իր շքեղ հարկաթածինը, հաճոյակատար նաժիշտներին, իր առջև հարգալիք խոնարհվող պալատականներին:

Նա գլխի ընկավ իր երկյուղի պատճառը: Գնեւի առաջադրանքից չէր, օր այդպես վախեցավ: Այլ նրանից, որ դա իր գաղտնի երազանքն էր, հոգու հեռավոր խորքերում թաքուն ծնվող որոշումն էր, որ մի գեղեցիկ օր ինքը պիտի լույս աշխարհ հաներ ու իրագործեր: Ու երբ Գնեւը բարձրաձայն կարդաց նրա մտքերը, Փառանձեւը զինաթափ եղավ, ո՛չ թե հենարան տեսավ կողքին, ո՛չ թե նեցուկ զգաց ձեռքի տակ, այլ մի տեսակ կողոպտվեց: Դրա հեղինակը հիմա ոչ թե ինքն էր, այլ Գնեւը: Ոչ էլ Գնեւը: Արքան էր, արքա՛ն, այդ անծիյալ սատանան, որին ատել է ամբողջ կյանքում: Նա Փառանձեւին ստիպեց հանդիպել նախկին սիրեցյալի հետ՝ ոչ միայն նրանց խեղճացնելու ու սանձելու համար, այլև՝ այդ ոճիրը սաղմնավորելու: Ահա ինչու էր պնդում, թե Գնեւը քեզ կասի ինչ անել, նա քեզ ճիշտ խորհուրդ կտա: Եվ հիմա, երբ նախաձեռնությունն անցել էր երկու տղամարդկանց ձեռքը, Փառանձեւը սարսափեց իր մտադրությունից:

— Կարո՞ղ ես, — լավեց ծնկաչոք Գնեւի ձայնը, որի մեջ ավելի պահանջ կար, քան թե հարց:

Արքան, որ շունչը պահած ու պազած, հետաքրքրասիրությամբ հետևում էր նրանց և ուշադիր ականջ դնում, հան-

կարծ մի ձեռք զգաց ուսին ու վախեցած ցնցվեց: Կտրուկ շրջեց գլուխը և տեսավ Հայր Մարդպետին: Հայրը ցուցամատը տարավ շրթունքներին, ապա ծնկի շոքեց իր տիրոջ կողքին ու գաղտագողի նայեց Գնել իշխանին ու Փառանձեմ թագուհուն:

— Դո՞ւ քրտեղից գիտեիր,— ապշած հարցրեց արքան:

— Երբ իմ տարիքին հասնես, դու էլ ամեն ինչ կիմանաս, արքա,— շշուկով պատասխանեց և տխուր ժպտաց Հայր Մարդպետը:— Դու շգիտես, թե դա որքա՞ն ծանր բեռ է մարդու համար:

— Կարո՞ղ եմ,— անսպասելի պատասխանեց Փառանձեմը:

Գնելը ոտքի ելավ ու երախտագիտությամբ նայեց կնոջը: Փառանձեմն զգաց, թե նա ինչպիսի խոր հարգանքով ու պատկառանքով լցվեց իր հանդեպ, և դա է՛լ ավելի հակակրեկի դարձրեց նրան:

— Բայց մի պայմանով,— ավելացրեց Փառանձեմը:— Եթե ոչ մի բան անորոշ չմնա ինձ համար:

— Ասա՛, թագուհի, հրամայի՛ր:

— Ես պետք է իմանամ, թե ինչո՞ւ ես դու շահագրգռված: Չէ՞ որ ես դավաճանել եմ քեզ: Չէ՞ որ քո ոխերիմ թշնամու կիսնն եմ ես:

— Հանգիստ թող անցյալը: Ես կապ չունեմ դրա հետ:

— Բայց դու պարտավո՞ր ես վրեժ լուծել ինձանից,— ձայնը բարձրացրեց Փառանձեմը, կրքոտ պաշտպանելով Գնելի վրեժխնդրության իրավունքը ու պնդելով այդ իրավունքի վրա:— Ասա՛, ինչո՞ւ ես շահագրգռված:

— Դո՞ւ պիտի լինես հայոց թագուհին, ոչ թե օտարը,— մոլեռանդ հավատով մոռնչաց Գնելը ու, գլուխը թափ տալով, ետ տարավ դեմքին ընկած մազերը:— Քո որդի՛ն պիտի նստի հայոց գահին: Եվ եթե դու չհասնես դրան, երդվում եմ բոլոր աստվածներով... Լավ լսիր... Երդվում եմ մեր նախկին սիրով... Ավելի մեծ երդում չկա ինձ համար... Դու կենդանի չես մնա: Ե՛ս կսպանեմ քեզ:

— Ես ուզում եմ դուրս գալ այստեղից,— գույնը գցած, կմկմաց Փառանձեմը:

— Ոչ մի քայլ չես անի, եթե չխոստանաս:

— Ես այսպիսի մարդու շնորհակալ եմ ճանաչել,— անճարակորեմ պաշտպանվեց Փառանձեմը:— Ես ուրիշի հետ էի հանդիպման եկել...

— Ես քեզ չի ամիս ժամկետ եմ տալիս: Այդ երկու կանայք չպետք է կենդանի մնան: Կա՛մ նրանք, կա՛մ դու:

— Բայց արքան լրիվ կկործանվի,— դիմադրութեան մի վերջին փորձ արեց Փառանձեմը:— Նա ցանցի մեջ է ընկել: Այս ու այն կողմ է շարժուի իրեն:

— Չհամարձակվե՛ս նրա անունը տալ ինձ մոտ,— հանկարծ, այսքան անպատեհ, վայրենի խանդից կարմրեց Գնեւը ու ձեռքերը բռունցք կազմեց:

— Բայց ես երկրի մասին եմ խոսում, Գնեւ, ոչ թե արքայի:

— Դու այդ սպանութեամբ միայն կօզնես ամուսնուդ: Ցանցից կփրկես նրան: Նա շի կարող սեփական ուժերով ազատվել:

— Բայց ես պետք է վստահ լինեմ,— նահանջի ճանապարհը փակ լինելու երաշխիք ու ապահովություն պահանջեց Փառանձեմը,— որ եթե շթունավորեմ նրանց, դու կսպանես ինձ:

— Դու արքային հարցրու,— արհամարհանքով ասաց Գնեւը, ներողամտորեն ժպտալով քթի տակ, որ Փառանձեմը կասկածում էր իր սպառնալիքի լրջութեանը:— Նա քեզ ճշմարիտ պատասխան կտա:

— Նա քեզ անպայման կսպանի, Փառանձեմ,— քար կտրած, շնչաց արքան:

Հայր Մարդպետը վեր կացավ, բռնեց արքայի ուսերից, բարձրացրեց նրան, թեւանցուկ արեց ու տարավ մի կողմ: Արքան մեքենաբար ենթարկվեց ներքինապետին և պատրաստ էր գնալ՝ ուր որ տանեին, թեկուզ աշխարհի ծայրը, միայն թե դուրս գար այստեղից: Բայց սեփական կամքով չէր կարող, ոտքերը չէին հպատակվում: Իսկ Հայր Մարդպետը բոլորովին էլ միտք չունեւ նրան ազատելու այս տեսարանին ականատես լինելու հնարավորությունից: Նրան դուր էր գալիս տեսնել արքայի ներքին իրարանցումը ու ահավոր խռովքը, նրա վախը՝ իր իսկ հղացած այս հան-

գույցից: Եվ Հայր Մարգարեան ճշգրտաբար անգամ կգերադասեր
աչ թե խուլը կրել գլխին ու արքա դառնալ, այլ իսկական
արքայի նվաստացման հանդիսատեսը լինել, զգալ այդ
մեծագույն հաճույքը, որի հետ ոչ մի ուրիշ բան չէր կարող
համեմատվել:

Նա արքային տեղավորեց մաշված ու շրջված մի նստա-
րանի վրա ու միալար շնչաց ականջին.

— Գու աղբերի մեջ մի մտիր, արքա... Ճիշտ է, ես էլ
երբեք չեմ մտել, բայց ես շատ ծեր եմ... Եվ ինձ համար
ամեն ինչ հետաքրքիր է...

Արքան շուտ եկած նստարանից ոչինչ չէր տեսնում ու
ոչինչ չէր լսում, բայց նրա ամբողջ էութունը հիմա հնա-
զանդութունն էր: Անշարժ նստել էր կոշտ տախտակին,
ոտքերը շոած, գլուխը ձեռքերի մեջ առած ու խոնավ աչ-
քերը կոշիկներին հառած:

Հայր Մարգարեան վերադարձավ իր նախկին տեղը, նորից
չոքեց ծնկների վրա ու, աչքերը մանր կկոցած, շարունակեց
հետևել տեսարանին: Հետո, ինչ-որ շատ կարևոր բան գլխի
ընկնելով, շրջվեց արքայի կողմը ու, նրան հանգստացնելով,
ասաց.

— Ես քեզ կպատմեմ, արքա... Ամեն ինչ կպատմեմ...

Արքան, Հայր Մարգարեան հինգ մատների պես ճանա-
չելով հանդերձ, խորապես ազդվեց և հուզվեց նրա հոգատա-
րութունից: Իր համար այս պահին նա ամենամտերիմ ու
ամենահավատարիմ մարդն էր, թեկուզ և այն պատճառով,
որ վկա էր իր նվաստացմանը: Գուցե նրան շուղարկի՞
կաթողիկոսի մոտ: Ըստ սլայմանավորվածութան, նա ուշ
գիշերին պիտի Ըանապարհ ընկնի դեպի Աշտիշատ: Գուցե
խոնարհաբար ներողութուն խնդրի նրանից, խոստովանի,
թե ինչ կիդտոտ խաղի համար էր ինքը նրան ճամփում ներ-
սեսի մոտ, ասի, որ դա մոտավորապես այն նույն խաղի
կրկնօրինակն է, երբ արքան, իր սովորութան համաձայն,
մի հարվածով երկու թռչուն է սիրում միանգամից սպանել:
Գուցե նա պետք է հրաժարվի՞ իր նախասիրութունից, ամեն
մի թռչունին առանձի՞ն սպանի, որովհետև, նման գեպքե-

րում, երրորդ հարվածը միշտ էլ իրեն էր հասնում, կաշում էր ուղիղ ճակատին...

— Փող ունե՞ս,— անսպասելիորեն հարցրեց Գնեւը:

— Ունեմ,— տարակուսանքով պատասխանեց Փառանձեմը:— Ի՞նչ կա որ:

— Փող տուր ինձ:

Փառանձեմը շփոթված հանեց քսակը, դողդոջ մատներով քանդեց կապը ու, միջից մի քանի ոսկի հանելով, մեկնեց Գնեւին:

— Քիչ ես տալիս,— դժգոհեց Գնեւը:

Փառանձեմը, է՛լ ավելի շփոթված, մի քանի ոսկի ավել-լացրեց ափի մեջ:

— Ժլատություն մի արա: Բուլորը տուր:

Փառանձեմն ամբողջ քսակը մեկնեց նրան: Բայց Գնեւը շմոտեցավ վերցնելու Փառանձեմի ձեռքը մի պահ, այդպես անիմաստ, մեկնված մնաց դատարկ տարածության մեջ: Ստիպված, գցեց քսակը, և Գնեւը ճարպկությամբ բռնեց օդում:

— Բայց իմացիր, որ պարտքս չեմ վերադարձնի: Ես կաողունեմ ձեր սովորությունների հետ:

Լոեցին ու նորից նայեցին իրար, արդեն լրիվ խորթ և օտար հայացքներով: Ինչ-որ թանկ բան, կարծես դիտավորյալ, ցեխի մեջ գցեցին, աղտոտեցին ու տրորեցին ոտքերով: Եվ անցյալի խոչընդոտը, հուշերի ծանրությունը միանգամից հաղթահարեցին ու վերացրեցին: Այսքան հեշտ ու անցավագին: Հիմա Փառանձեմը կանգնած էր մի անծանոթ տղամարդու առաջ, բոլորովին անմարդարնակ վայրում և վախենում էր նրանից՝ կնոջ ամենասովորական ու ամենաբնական վախով:

— Ձեռքերը կրծքին տարավ, արբա,— անհանգիստ շշնջաց Հայր Մարդպետը:

Արքան ձգվեց տեղում, բաթը ցցեց գլուխը ու սրեց ականջները: Սկզբում լավ շհասկացավ, թե ինչ է կատարվում, միայն կուահեց, որ Փառանձեմը վտանգի մեջ է, մեծ վտանգի և որ պետք է ամեն կերպ փրկել նրան, նույնիսկ՝

սեփական կյանքի գնով: Իսկ թե ինչից՝ դեռ գլխի չէր ընկնում:

— Ձեռքը Փառանձեմի ոտքերն է շոյում, արքա...

Աչքերի լույսը պղտորվեց, հողը երերաց ոտքերի տակ, և շորս կողմը թանձր մշուշ իջավ: Մի ահավոր ոռնոց դուրս թռավ նրա բերանից և տրոփեց տեղի վրա: Գնչեց ցածր և զսպված ձայնով, փոխանակ թեկուզ փոքր ինչ մեղմելու, ճշտվելի խորացրեց ցավը: Ոռնաց վիզն ու գլուխը առաջ մղած, ապա միանգամից կուշ եկավ, կարծես սուր էին խրել փորի մեջ:

— Շրթները նրա շրթներն են փնտրում, արքա...

Արքան, արնակալած աչքերով, սուրը հանեց պատյանից և թափով առաջ նետվեց: Գանդաղաշարժ Հայր Մարգարե, որի ամեն մի քայլը կարծես արժանապատվութուն ցուցադրելու մի արարողութուն լիներ, զարմանալի արագությամբ փակեց նրա ճանապարհը, երկու թևերով փարվեց, կանգնեցրեց նրան և, որքան էլ տարօրինակ թվա, արքայի ուժը չպատեց ծեր ներքինասլետին մի կողմ շարտելու:

— Արաշակավանք, արքա... Արաշակավանք... — շշջում էր Հայր Մարգարե: — Քո քաղաք...

— Ի՞նչ իմ քաղաքը, — ատելությամբ հարցրեց արքան, ճգնելով դուրս գալ ծերուկի արցաններից:

Ու քանի որ արքան ևս խոսեց շշուկով, Հայր Մարգարե հասկացավ, որ իրեն հաջողվել էր կասեցնել նրա հարձակումը: Արքան այլևս չի գնա նրանց մոտ՝ հաշվեհարդար տեսնելու: Շշուկը մատնեց նրան:

— Եթե դու Գնելին սպանես, Արաշակավանք չի կառուցվի, արքա, — վրա էր տալիս Հայր Մարգարե: — Նա է քո քաղաքի շունչն ու ոգին: Նա է քո միակ հույսը: Արժի՞ կիսատ թողնել քո մեծ ծրագրերը:

Սվ որպեսզի այլևս հաստատ չգնա, Հայր Մարգարե բաց թողեց նրան: Ուժի միջոցով պահելը կարող էր ընդդիմութուն թելադրել արքային, ստիպել, որ հաղթահարի իրեն արգելակող խոչընդոտը: Իսկ հիմա, ազատ վիճակում, երբ ոչինչ չէր խանգարում նրան, նա բուրբուրվին անզոր էր ու անօգնական:

— Դժվար է, գիտեմ, բայց պիտի կուլ տաս, արքա: Պիտի խեղդես անձնական ցավդ: Մի՞թե աշխարհում կա մի կին, որի համար արժե երկիրը վտանգել: Դու քեզ ավելի կհարգես, առավել կբարձրանաս աչքիդ, եթե երկրիդ բախտը գերադասես սեփական պատվից:

Հայր Մարդպետը թեևնցուկ արեց հնազանդված արքային ու տարավ, նորից նստեցրեց շրջված հին նստարանին: Եվ արքայի մտքովն իսկ շանցավ թողնել ու հեռանալ, որպեսզի աչքերն այլևս ոչինչ չտեսնեն ու ականջները ոչինչ չլսեն: Աղբակույտը ձգում էր նրան, կապում իր հետ, ինչպես մարդասպանին՝ սպանության վայրը:

— Մի՞թե ես քեզ պիտի սովորեցնեմ, թե որքան դժվար է արքա լինելը: — Ապա հոգատարությամբ ուղղեց նրա ծիրանի քղամիդը և, օգտվելով, որ արքան չէր լսում իրեն, ավելացրեց մխիթարելով. — Ոչինչ, արքա... Եփրեմի հետ ճատրակ կխաղաս... Եվ ամեն ինչ կարգի կընկնի...

Վերադարձավ իր տեղը, ծնկի շորեց և մանր կկոցած աչքերով շարունակեց հետևել, թե ինչով կվերջանա իր կյանքի այս ամենահետաքրքրաշարժ պատմությունը:

Ճիշտ էր ասում այդ պառաված շունը: Արշակավանի համար պիտի ամեն ինչ զոհել: Իր միակ հույսի, իր միակ ապավենի, երկրի միակ փրկության համար: Եվ հիմա նրան թվում էր, թե այս զոհաբերության շնորհիվ է՛լ ավելի էր մոտենում այն բաղձալի օրը, երբ քաղաքի կառուցումը ավարտված կլինի: Նա չէր պատկերացնում այլ կերպ, որովհետև գերմարդկային ճիգերի գնով իր մեջ խեղդում էր պատվի զգացումը: Այսուհետև ինքն էլ շաբաթը մեկ այնտեղ կգնա, անձամբ կհետևի Արշակավանի ներքին կյանքին, իր հտուկից քարավաններով մթերք ու շինանյութ կտանի, կփոխի վարազ Գնունուն, գուցե նույնիսկ պաշտոնապես կառավարի նշանակի Գնելին, միայն թե արդարացնի իր այսօրվա ամոթալի նահանջը, մի մեծ, շատ մեծ բան ստանա դրա փոխարեն:

Եվ ո՞վ է տեսել, ո՞վ է լսել: Փառանձեմն ու Գնելը չգիտեն իր ներկայության մասին: Կոտած ներքինի՞ն: Բայց նա հենց այս գիշեր ճամփա է ընկնելու դեպի Աշտիշատ, որ-

տեղից վերադարձ չկա: Գեպքերը դասավորվում էին իր օգտին: Ո՞վ մնաց: Ի՞նքը: Իրենից չէր վախենում, չէր քաշվում սեփական անձից: Ուրեմն, ոչինչ չի պատահել, կատարելապես ոչինչ:

Եթե Գնելին սպաներ, Արշակավանն իրոք կտապալվեր: Սուտ են արքունի բոլոր որոշումներն ու հրամանները, մունետիկներին կանչերը շեների ու ավանների հրապարակներում, սայլերով ուղարկվող մթերքն ու շինանյութը, շինականին տրվող արտոնությունները, ամեն ինչ սուտ է, ճշմարիտը այն մարդու գոյությունն է, ով ընդունակ է իր ետևից տանելու ամբոխին, առաջնորդելու հովիվի կարոտ բազմությանը:

Եվ նա, ով Արշակավանի հղացողն էր ու կազմակերպիչը, ով ծնել էր այդ սատանայական ծրագիրը, միայն հիմա, այս մեծ ցավի ու ամոթի առաջ, մինչև վերջ հասկացավ, մինչև խորքը կռահեց, մինչև ուղնուծուծը գլխի ընկավ, թե ինչ երջանիկ էր այն պահը, երբ մտքերի քոսից, խճճված իրավիճակներից, կծիկ դարձած դժվարություններից, արդար արեգակի պես հանկարծ փայլեց այն միակ ու ճշմարիտ որոշումը, որին մարդ կյանքում մի անգամ է միայն հանգում: Եվ առավել հաճախ՝ երբեք չի հանգում: Տիրանը այդպիսի պայծառ պահ չունեցավ: Խոսքով Կոտակը ընդամենը անտառ տնկեց:

Եթե Գնելին սպաներ, ապա այն նպատակը, որին ծառայելու էր այսօրվա հանդիպումը պալատի աղբանոցում, շուռ կգար հենց իր դեմ: Փառանձեմը ոչ միայն չէր խեղճանա ու չէր սանձվի, այլ կիրականացներ իր բոլոր սպառնալիքները:

Բայց, տեսնո՞ւմ ես, ճիշտը ես էի, Գնել, ոչ թե դու: Դաժանությունը, որին ստիպված հաճախ ենք դիմում մենք, թույլերի գեներն է: Ի՞նչ դուրս եկավ իմ դաժանությունից, այսինքն՝ ձեր այս հանդիպումից:

Ձէ՛, ոչինչ չի պատահել, բացարձակապես ոչինչ...

Իսկ Փառանձեմն ու Գնելը շարունակում էին օտար ու խորթ հայացքով լուռ զննել իրար...

— Հիշիր, մի ամիս: Մի օր էլ չեմ բաշխի քեզ:

— Հեռացիր, Գնել: Ես կգոռամ, օգնություն կկանչեմ:

— Գուցե գոտի՞դ էլ տաս: Ծն դա կծախեմ ու կուշտ
կլինեմ մինչև ամառ: Եվ ուրիշներին էլ բաժին կտամ:

Փառանձեմը, առանց ծպտուն հանելու, քանդեց ականա-
կուռ գոտին ու տվեց Գնեկին: Չէր ասի, թե լրիվ կամավոր
արեց այդ բանը: Ավելի շուտ՝ վա՛խը թելադրեց: Կարժես
ճանապարհ գնալիս ավազակի էր հանդիպել, որ անզթորեմ
թալանում, կողոպտում էր իրեն:

— Իսկ եթե սուկն օղերդ էլ տաս ու ազամանդե մանյակ-
ներդ, ես և իմ ընկերները ձմեռվա պաշար էլ կունենանք:

Փառանձեմը սուսուփուս հանեց օղերն ու մանյակները և
արտից արյուն կաթելով, ավեց Գնեկին:

— Բայց դու գեղեցիկ ես, Փառանձեմ,— հանկաթժե ծրթ
այլևս գրեթե բան չմնաց վերցնելու, ոտքից զլուփ նքթն
չափելով ու գնահատելով, անպատկառ ծպտաց Գնեկը—
Արշակավանում գեղեցիկ կանայք չկան:

— Պատկերացրու, ես էլ եմ քեզ հավանում,— նույնպես
ներան բացեիրաց զննելով, առանց քաշվելու պատառխանեց
Փառանձեմը, և Գնեկը մի հաճելի դող զգաց նրա թավ ձայնի
մեջ:— Դու կոպիտ ես և արևից խանձված...

— Քո մետաքս զգեստի ծալքերը խորհրդավոր քսվում
են իրար...

— Ես չգիտեի, որ դու լայնաթիկունք ես ու մկանուռ...

— Բայց ես վաղուց չեմ լողացել, Փառանձեմ...

— Ես հոգնել եմ մաքուր մարդկանցից...

Գնեկը հրամայաբար պարզեց ձեռքը և սկսեց դանդաղ
ետ-ետ գնալ: Փառանձեմը, նրա ուժից ու կոպտությունից
հմայված, ակամա ձգվեց դեպի իրեն սպասող, իրեն կան-
չող ձեռքը:

Աղբակույտերի վրայով, դրանց արանքներով, նեղ ու
կորշող աբահետներով, մամռապատ ու բարձր պարիսպնե-
րով պաշտպանված, նրանք, ձեռք ձեռքի բռնած, սայթաքե-
լով ու միմյանց օգնելով, գնում էին դեպի այս անծանոթ
ու օտար աշխարհի խորքերը, դեպի խավարի մեջ ընկզմված
հեռավոր մի անկյուն, դեպի հին ու մեռած իրերը, որոնք մի
օրով պիտի վերակենդանանային ու ապրեին նորից:

— Տարավ, արբա...

2

Արքան գլուխն առաւ անիւրի մեջ, ուսերը ցնցվեցին, ու նա սկսեց անձայն հեկեկալ: Նա շարաթը մեկ Արշակավան կգնա: Անձամբ կհետևի յուրաքանչյուր կառույցին: Իր ետևից քարավաններով մթերք ու շինանյութ կտանի: Կփոխի վարագ Գնունուն: Գուցե նույնիսկ պաշտոնապես կառավարիչ նշանակի Գնելին:

Հեկեկոցն արդեն խեղդում էր նրան: Նա կծել էր պատմուճանի թևը և ամբողջ ուժով ձգում էր ու պատառոտում, անիծելով բոլոր արքաներին, նրանց նախորդներին ու հետնորդներին, հայհոյելով երկիրը, ժողովրդին, նզովելով Արշակավանն ու նրա բնակիչներին, իր բոլոր բարեկամներին ու թշնամիներին: Եվ ամենից շատ՝ միավորված հայրենիքի իր երազանքը:

—Մի տխրիր, արքա,— այս անգամ անկեղծ կարեկցանքով նրան գիմեց Հայր Մարդպետը:— Ախր ոչ ոք նրանց չի տեսնում... Ոչ ոք չի իմանա...

Գլուխ քսաներկուերորդ

Պատմիչն ասում է.

«Այն ժամանակ պարսից Շապուհ թագավորը իր մոտ է հրավիրում հայոց Արշակ թագավորին և նրան մեծարում է մեծ պատվով ու փառքով: Ուրախության ժամանակ նրանք մի տախտի վրա էին բազմում գահերում, միևնույն գույնի և միևնույն նշաններով ու զարդերով միատեսակ զգեստ էին հագնում, ամեն օր միատեսակ թագ էր պատրաստում պարսից թագավորը իր և նրա համար...»

... Շապուհ թագավորը երդում էր անել տալիս հայոց Արշակ թագավորին աստվածային ավետարանի վրա, որ նրան չի խաբի, չի դավաճանի, այլ հաստատ կմնա իր ուխտին և նրա հետ դաշինքը անխախտ կպահպանի:

... Իսկ այն սուրբ ավետարանը, որի վրա Արշակ թագավորը երդվեց, կապել տվեց երկաթե լարերով և, իր մատա-

նիով կնքելով, հրամայեց գանձարանում զգուշությամբ պահել»:



Պատմիչն ասում է.

«Կոստանդիանոսը իր մոտ կանչեց հայոց թագավոր Արշակին, ընդունեց ամենամեծ սիրալիրությամբ և ամեն կերպ հորդորեց նրան, որ հավատարիմ բարեկամ մնա... Որովհետև լսել էր, որ պարսից թագավորը բազմիցս փորձեր էր արել, դիմելով խարեության, սպառնալիքների և նենգության, որպեսզի նրան հարկադրի հրաժարվել Հռոմի հետ դաշնակցությունից և սերտ կերպով կապի իր հետ:

Արշակը կրկին ու կրկին հավաստիացրեց, որ ավելի շուտ վերջ կտա կյանքին, քան կփոխի իր մտադրությունը»:



Պատմիչներից ոչ մեկը, սակայն, գրի չի առել Արշակավանում կատարված մի հավաստի դեպք: Գրի չի առել, երևի շիմանալով կամ շատ աննշան համարելով: Մինչդեռ Բակուրի և Աշխենի սիրո ասքը նույնքան պատմական նշանակություն ունի երկրի բախտի համար, որքան փոքր ու մեծ ճակատամարտերն ու դիվանագիտական հարաբերությունները:



Երբ Աշխենը ծնողների հետ Արշակավան եկավ բնակություն հաստատելու, տարիքային այն սահմանագծին էր, երբ ոչ մեծ էր տակավին, ոչ էլ փոքր: Երեխաները նրան չէին ընդունում, քանի որ մեծ էր, իսկ մեծերն էլ բանի տեղ չէին դնում, քանի որ երեխա էին համարում դեռ: Ահա թե ինչու, երբ ծնողները որոշեցին աղջկան մարդու տալ, Աշխենը շատ ուրախացավ և անմիջապես համաձայնություն տվեց:

Առողջ փառողջ հարսանիք արեցին ու Աշխենին ամուսնացրին Արտավազդի հետ:

Հարսանիքը տեւեց յոթ օր ու յոթ գիշեր, քանի որ հայ հեթանոս աստվածները յոթն էին: Ամեն մի օրը նվիրված էր նրանցից մեկին:

Եթե իրենց նախկին գյուղում լինեին, երաժիշտները կբարձրանային հարսնետան կտուրը և, հատուկ մի եղանակ նվագելով, կհրավիրեին բոլորին: Բայց սա քաղաք էր, այն էլ՝ օտար ու հսկայական, երկու կողմերն էլ բարեկամ ու ազգական գրեթե չուներին, իսկ ի՞նչ հարսանիք առանց հյուրերի: Երաժիշտները, հարսնետան ներկայացուցչի ուղեկցութեամբ, շրջում էին քաղաքի փողոցներում, մոտենում պատահական տների, նվագում ու հարսանիքի հրավիրում...:

Աշխենի հարսանիքն անցավ անծանոթ մարդկանց ներկայութեամբ, առանց որևէ հարազատի:

Նույնիսկ հարսնացուի ընկերուհիները՝ ծաղկվորները, օտար աղջիկներ էին, որ պիտի լողացնեին նրան, հագցնեին, մազերը հյուսեին, մերթ ուրախ և մերթ տխուր երգեր երգելով, պիտի պաշտպանեին նրա զգեստները, զարդերն ու ազանելիքները ոչ միայն թագվորացիների, այլև մյուս բոլոր պատանիների հափշտակումներից, հատկապես չպիտի թույլ տային, որ նրանց բակից աքլոր որսային:

Հերիք չէր, որ հոր ու մոր փեշի տակ մեծացած անմեղ աղջկա էին հարս տանում, օտար ու անսիրտ կանայք, հմայական գործողություններ կատարելով, մաղում էին սլողարբերությունը խորհրդանշող ալյուրը, խմորի տաշտի վրա մոմեր էին վառում, որպեսզի առանց այդ էլ լույսի նման հարսը... լույսի՛ պես պայծառանար: Այնքան մաղեցին, որ հետագա մի քանի տարում Աշխենը բնավ չպտղարբերեց... Մաղողները գլխներին և տաշտի երեսին կարմիր քող էին գցում, որ հարսը ամոթխած ու հնազանդ լինի: Եվ լուութեամբ էին մաղում, որ հարսը շխոսկան դառնար:

Հնազանդ շեմ լինի, պիտի խոսեմ, հա՛ պիտի խոսեմ, ընդդիմացավ աղջկա հոգին, որոշելով, որ ինքը թշնամիներով է շրջապատված և որ դա ոչ թե սովորական ծես է, այլ հատուկ իր դեմ ուղղված մեծերի դավադրություն: Այն-

քան խոսեմ, որ Արտավազդի ականջը խլանա: Ինչ էլ ասի, շեմ լսելու, շեմ ենթարկվելու, թող աչքն էլ դուրս գա: Այսպես, հենց սկզբից նա լարվեց ամուսնու դեմ, որը նրան տարեկից ժաղկատար դեմքով լողլող մի տղա էր:

Արտավազդը ևս առաջին իսկ օրից լարվեց ու ռխ կապեց հարսնացուի դեմ: Աղջկա կողմի կտրիճները, օգտվելով փեսայի շքախմբի անդամներին՝ մակարների, թույլ հսկողութուններից, գողունի մտել էին նրանց տունը ու գողացել, ավար առել նրա գլխարկը: Իսկ դա վերին աստիճանի խայտառակութունն էր ամեն մի տղամարդու համար: Փեսայի ծնողները ոտ ու ձեռք էին ընկել, վախեցած, որ գուցե հակառակորդները, կախարգությամբ, թագվորի առնական կարողութունն էլ էին խափանել:

Հարսանիքի հենց առաջին գիշերը, ամուսնական առազաստի մոտ, Աշխենն ու Արտավազդը ծեծեցին իրար: Հստորում, ընդհարման մեջ ամենավճռական նշանակութունն ունեցան աղջկա երկար եղունգները, նրա ներքին թափը ու վառվռուն խառնվածքը, որոնց առաջ լողլող փեսայի գերագանցող ուժը կորցրեց իր արժեքը:

Իսկ առավոտյան, դրկից կանայք, փեսայի տանը հավաքված, սպասում էին կուսության առհավատչյան, արյունոտ սավանը: Մինչդեռ հարս ու փեսա, կռիվներից հոգնած ու թուլացած, կծկվել, շորերով պառկել էին գետնին, առազաստի երկու տարբեր կողմերում:

Այսպես սկսվեց ու այսպես էլ շարունակվեց նրանց համատեղ կյանքը:

Արտավազդը հասցրեց լիովին լուծել առաջին օրվա պարտության վրեժը: Ամեն գիշեր, կարծես ընթրիքի փոխարեն, ծեծում էր կնոջը, ապա անկողին մտնում նրա հետ:

Գիշերը մղձավանջ էր Աշխենի համար: Ծրագում էր ամառվա մասին, երբ օրերը երկարում են, ու արևը, իր միակ դաշնակիցը, երկար-երկար մնում է կապույտ երկնակամարում:

Բակուրին չէր կարող շտրել: Որովհետև նա էլ արևի պես մի բան դարձավ իր կյանքում: Ապակե զարդեր էր ծախում շուկայում, ուլունքներ, օղեք, մանյակներ, ճարմանդ-

ներ: Այնքան շատ գնումներ արեց նրանից, որ հետո չգիտեր որտեղ օգտագործի: Յերեկները զուգվում-զարգարվում էր, իսկ իրիկնադեմին, երբ մոտենում էր ամուսնու վերադարձի ժամը, ամեն ինչ հանում էր վրայից ու թաքցնում ապահով մի տեղ: Չէր ուզում գեղեցիկ երևալ նրա աչքին: Չէր ուզում երևալ Բակուրից դնած զարդերով: Թեև, առանց այդ էլ, մոայլ ամուսինը երբեք ուշադրություն չէր դարձնում նրա վրա:

Բակուրն սկսեց հատուկ զարդեր պատրաստել նրա համար: Բան ու գործ թողած, ի հաշիվ իր ապրուստի, ժամերով ուլունքների կամ օղերի վրա էր աշխատում, մինչև համոզվեր, որ իր ձեռքերը կատարելություն են ստեղծել:

Բակուրը, ի տարբերություն ամուսնու, ժպտում էր միշտ, ժլատ չէր խոսելու մեջ, աչքերում կյանք կար, հայացքի մեջ՝ խորհրդավոր խոստումներ, շարժումները ժանր չէին Արտավազդի պես, այլ թեթև և առույգ, փնթի չէր նրա նման, այլ կոկիկ ու գեղեցիկ հագնված, կարճ, հազիվ մինչև ծընկները հասնող պարեգոտ, փոկյա գոտի, վարսակալ, ուսերին՝ գառնեխու մեկնոց: Բարձրահասակ չէր ինչպես Արտավազդը, այլ միջահասակ: Նույնիսկ դա՛ առավելություն էր թվում Աշխենին:

Բակուրը մի անգամ առաջարկեց ձրի տալ ապակե զարդերը, բայց Աշխենը հրաժարվեց: Երկրորդ անգամ պնդեց Բակուրը, իսկ Աշխենը նորից չհամաձայնեց: Ի վերջո, օրերից մի օր, մի փոքր զիջեց ու զեղչով արեց գնումները: Հետո՝ է՛լ ավելի էժան առավ: Սակայն միշտ մի բան վճարում էր, թեկուզ և շատ քիչ, միայն թե խորհրդանշական մի գումար տված լիներ:

Երկուսն էլ հասկանում էին, որ դա սիրո ու համակրանքի խոստովանություն էր, որը մի կողմը շոայլաբար էր անում, իսկ մյուսը՝ դիմադրում էր դեռ: Ծիշտ է, հալչում էր դիմադրությունը, բարակում, թուլանում, բայց Աշխենը լրիվ անձնատուր չէր լինում:

Նա վախենում էր, որ տեղի չտա հանկարծ: Եթե, աստված մի արասցե, իմանային, խայտառակ կանեին հրապարակով մեկ, կառավարչի օգնականներից մեկը, որն ամենա-

նողկալին էր բոլորից, նրան կկանգնեցնէր հրապարակի մեղտեղում և, մեծ բազմութեան առաջ, որպէս պատիժ ու որպէս անարգանքի նշան, կկտրէր նրա երկար ծամերը:

Իսկ այդ օգնականից բոլորն էին վախենում: Կարճ, կոպիտ ու հարթ մազերով մարդուն տեսնելուն պէս ծակուծուկ էին փախչում ամենքը, աշխատում էին աչքին շերտալ: Երեխաներին նրա անունով էին վախեցնում: Աշխենը վատահ էր, որ եթէ բռնվէր, հենց նրա ձեռքն էր ընկնելու: Եթէ նույնիսկ բախտը բերեր, և մյուս օգնականներից մեկն զբաղվէր նրա հարցով, միևնույն է, նա կիմանար, կպահանջեր, ամեն ինչ կաներ, միայն թէ օրինազանցին իրեն հանձնեին:

Իսկ ամուսնուն թողնելն ու բաժանվելը արգելված էր օրենքով: Ծակատին գրված էր մինչև կյանքի վերջը տանել իր խաչը, զգվանքով ու տառապանքով հանդուրժել երկար գիշերները և, աչքն առաստաղին, անհամբեր սպասել արևածագին:

Չէ, Արշակավանում, ինչպէս և ամենուր, ապահարզանի իրավունք չկար:

Իսկ քանի-քանիսն էին փախել, եկել Արշակավան, ոռպեսզի հեռանային, բաժանվեին իրենց շիրաժ ամուսիններից ու կանանցից, քանի-քանիսն էին ապաստան գտել այս հյուրընկալ քաղաքի կամարների տակ, քանի-քանի սիրահարներ էին միացել՝ իրենց այս նոր հանգրվանում:

Իսկ եթէ այստե՞ղ ես ամուսնացել, այստե՞ղ, այստե՞ղ, այս նույն ազատ քաղաքում ու դժբախտացե՞լ, եթէ այստե՞ղ ես սիրել մեկ ուրիշի, եթէ այսքան մո՞տ է սխալն ուղղելու ու երջանկանալու իրական ու շոշափելի հեռանկարը...

Չէ, Արշակավանում, ինչպէս և ամենուր, ապահարզանի իրավունք չկար:

Բայց Աշխենը հաշտվել չգիտեր, զգացմունքները հորդում, թափվում էին ափերից, պայթում, լույս աշխարհ ելնում նույնիսկ սեփական հոգու միջից: Անճարակ ջանքերով կապանքներ էր դնում ինքն իր վրա, հետո արագութեամբ ու ճարպկութեամբ հենց ինքն էլ քանդում: Որոշում էր այլևս շուկա չգնալ, դեն գցել անիմաստորեն առատ իր զարդերը,

օր ու գիշեր տնային գործերի լծվել և ճաշ եփելու ու լվացք անելու տաղտուկի մեջ մոռանալ ամեն ինչ: Ու վազում էր շուկա: Զեղչով զարդեր գնում: Եվ զգում, որ ուրիշ զարդեր են սրանք, հույժ գեղեցիկ և շափազանց նուրբ, միայն մի՛ հոգու համար պատրաստված: Եվ դրանք դառնում էին ոսկուց ու ադամանդից էլ թանկ: Խնչ նշանակութուն ունի, ապակի՞ է, թե՞ մարգարիտ, կարևորն այն է, թե դու ինչպե՞ս ես կրում դրանք, քի՞չ մարդիկ կան, որ լողում են ոսկիներով մեջ, որոնք ոչ մի ուրախութուն չեն պատճառում: Ու նա ձրի վերցրեց, ձրի՛...

Եվ այդ օրը նրանք մարդ ու կին դարձան քաղաքի հեռավոր ու ամայի արվարձանում, ամուսնական առագաստի փոխարեն՝ խոտի դեզ, ծաղկավորների ու մակարների տեղ՝ միայն իրենք, ալյուր մաղողների դիմաց՝ միայն ու միայն իրենք, հրածիշտների տեղակ՝ ծղրիղների շարաճճի՛ ձայն, հարսանքավորների փոխարեն՝ էլի ու էլի իրենք, միայն իրենք, երկուսով, մի տղամարդ ու մի կին:

Եվ Աշխենին թվաց, թե առաջին գիշերվա անհայտության հուզմունքը հիմա զգաց միայն, հիմա միայն զգաց այն հաճելի մարմնական ցավը, որ հավիտենական սիրո ու համատեղ կյանքի սրբազան սկիզբն է: Եվ վստահ էր նա, համոզված էր հաստատ, որ միայն Բակուրն ստացավ իր կուսության առհավատչյան:

Ցերեկներն այդ օրվանից է՛լ ավելի իմաստավորվեցին նրա համար, իսկ գիշերները դարձան առավել ահարկու: Ամառներն է՛լ ավելի սիրելի թվացին նրան, իսկ ձմեռները՝ առավել ցուրտ ու դաժան:

Նրանք հանդիպում էին նույն խոտի դեզի մոտ, որ աստված կարծես ստեղծել էր հատուկ իրենց համար, հետաքրքրասեր հայացքներից ու շար աչքերից հեռու:

Եվ Բակուրն այլևս ապակե զարդեր չէր նվիրում նրան, թեև պատրաստում և վաճառում էր ուրիշներին: Ուշադրության այդ պակասը, աստված վկա, հաստատումն էր այն բանի, որ նրանք ամուսիններ էին արդեն, ոչ թե սովորական, այլ ամենաբարձր օրերի առաջ...

Իսկ երբ դեպքից դեպք, տոների առթիվ, նվեր էր ստա-

Նում Աշխենը, որախուժյունից երկինք էր թռչում ու կարծես մի մեծ գանձի տեր դառնում: Մանավանդ, որ դրանք, ինչպես և առաջ, դարձյալ պատրաստված էին լինում հատուկ իր համար: Բայց տուն չէր տանում, պահում էր դեզի խորքերում, որպեսզի ամուսնու հայացքը չաղտոտի, շապկանի գրանք:

Բացօթյա տուն էին կառուցել իրենց համար, առանց պատերի ու առանց երդիկի: Բայց քաղաքը մեծանում էր և սպառնում հայտնաբերել նրանց բնակատեղին: Սա առաջին հարվածն էր, որ ստացան նրանք: Երկրորդ հարվածն այն էր, որ մի առավոտ Աշխենը սրտխառնուք զգաց ու թեթևակի գլխապտույտ: Կանացի բնազդը հուշեց, որ հղի է: Ուրախությունից սիրտը թունդ ելավ ու, միաժամանակ, սարսափից լեղապատառ եղավ: Է՛լ առավել սիրեց Բակուրին ու առավել ատեց մոռյլ ամուսնուն: Որքան տանջեցին, ծաղրեցին իրեն, որ արգանդը անպտուղ է, պառավ կանայք որքան հմայություններ արեցին վրան, որքան դեղեր խմեցրին բռնությամբ: Քիչ էր մնում, կանացի արժանապատվությունը վերականգնելու համար, ամեն վտանգ մոռացած, գնար ու եղելության մասին բարձր-բարձր հայտարարնր ամենուրեք: Բայց ո՞ւր պիտի ծնվեր որդին կամ դուստրը, այս տա՞նը, այս ճնշող երդիկի տա՞կ, ինքն ինչպե՞ս պիտի տեսներ Արտավազդի երջանկությունից փայլող աչքերը, ինչպե՞ս պիտի հանդուրժեր, որ, Բակուրի փոխարեն, նա կնքեր իրենց զավակի անունը, և զավակը մեծանար՝ իսկ և իսկ Բակուրի դեմքով, իսկ և իսկ նրա քթից ընկած: Ու շիմանար այդ մասին: Բակուրն էլ շտեսներ նրան:

Աշխենը վազում էր քաղաքի փողոցներով, վազում էր որքան ուժ կար ոտքերի մեջ, որքան եռանդ ու թափ կար հոգում, առանց բանի տեղ դնելու իրեն ուղղված՝ նախատինքով լի հայացքները, առանց ուշադրություն դարձնելու, թե մարդիկ ինչ կմտածեն իր մասին: Նույնիսկ ճստացած հարթ ու կոպիտ մազերով վերակացուի գոյությունը:

Սա էր իր միակ փրկությունը, արգանդում խլրտացող այս փոքրիկ մարդուկը, որը երևի դժգոհ էր մոր խելահեղ վազքից: Սա էր ստեղծում այն անելանելի, անլուծելի վիճակը:

որն ստիպո՞ւմ է, հարկադրո՞ւմ է ելք գտնել, մի ճար անելու կամ այս կողմ, կամ այն կողմ, բայց ո՛չ մեջտեղում, բայց ո՛չ սահմանագծին, բայց ո՛չ արանքում:

Շուկայում նա գյուրությամբ գտավ Բակուրին, հեռվից կանչեց նրան, ապա, ձեռքից բռնած, վազելով քաշեց տարավ դեպի իրենց գեղը: Բակուրը շէր հասկանում, թե ինչ էր կատարվում, ուրա՞խ էր Աշխենը, թե՞ տխուր, երջանկությո՞ւն էր սա, թե՞ դժբախտություն: Միայն կրկնում էր անընդհատ՝ ամոթ է, ի՞նչ ես անում, գոնե ձեռքս քաց թող... Չէր բաց թողնում, թքա՛ծ ամենքի վրա, հիմա իրենք շատ են, հիմա երեք հոգի են իրենք...

Երբ Բակուրն իմացավ լուրը, հրճվանքից գրկեց ու գետնից պոկեց կնոջը: Սկսեց անուն մտածել: Գուշակել, թե ո՞վ կծնվի, տղա՞, թե՞ աղջիկ: Վիճել ինքն իր հետ, թե ո՞րն ավելի կնախընտրեր: Հետո, տեսնելով Աշխենի տխուր հայացքը, իսկույն լռեց ու մռայլվեց:

Կողք-կողքի պառկած էին խոտի դեզի վրա, աչքերը՝ երկնքին, ականջները՝ ծղրիղների միապաղաղ ձայնին: Ու միտք էին անում: Միտք էին անում ու ելք որոնում:

Իսկ քաղաքը, որ աճում էր և, գազանի պես թաթերը սլարգած, անընդհատ առաջանում, սպառնալիքով ու թշնամանքով նայում էր դժբախտ ամուսիններին, աչքը տնկած էրանց դեզի վրա:

Ախրժակը՝ մեծ, թափը՝ հսկայական: Ու նրա և աշխարհի դիմաց՝ երեք անոցնական ու անպաշտպան էակ:

Աշխենը հանկարծ վեր կացավ պառկած տեղից, վճռական նստեց դեզի վրա, հավաքեց ծնկները ու, առանց Բակուրին նայելու, հայտնեց իր վերջնական վճիռը.

— Ես տուն չեմ դառնա: Թող իմ մազերն էլ կտրեն: Թող խայտառակ անեն հրապարակում: Բայց տուն չեմ դառնա:

— Ախր գիտես, որ դա անհնար է,— փորի վրա շրջվեց Բակուրը ու գլուխը թաղեց խոտերի մեջ:— Ոչ ոք քեզ չի բաժանի քո ամուսնուց: Քեզ էլ կպատժեն, ինձ էլ:

— Թող ինչ ուզում է անեն... Ես քեզ մոտ եմ մնալու... Գու ես իմ ամուսինը... Ուզո՞ւմ ես՝ զոռամ... Փողոցներն ընկնեմ ու զոռամ... Թող ամբողջ աշխարհն իմանա...

Ու գոռացւո՛ւ Բարձր, ամբողջ կոկորդով:

— Ա-ա՛-ա-ա՛-ա-ա՛...

Բակուրը սարսափահար վեր թռավ, բայց, տեսնելով ինքն իր ձայնից վախեցած Աշխենին, այլևս սիրտ չարեց որևէ բան ասելու:

— Ծն շեմ ամաշում իմ սիրուց... Իսկ դու... ամաշում ես...

Աշխենն սկսեց հեկեկալ: Բակուրը քարացած մեխվել էր տեղում և փորձ էլ չէր անում նրան մխիթարելու կամ հանգրստացնելու: Ոչ էլ ժխտեց նրա մեղադրանքը, ոչ էլ առարկեց:

Հետո ծայր առավ մի ծանր խոսակցութիւն: Թե ով է ում ավելի սիրելի: Ոչ թե սիրում, հիմա՛ սիրում, այլ սիրել ժամանակին: Փոխադարձ նախատինքներ, թե ում համար է ավելի դժվար եղել, Աշխենի՞, որ նույն հարկի տակ ապրել է շսիրած մարդու հետ, թե՞ Բակուրի, որ զրկված է եղել ամեն պահ նրա հետ լինելու, ընտանիք կազմելու բախտավորութիւնից: Իսկ եթե չի սիրել ամուսնուն, ինչո՞ւ է տրվել նրան: Դե պատասխան տուր, տո՛ւր, եթե կարող ես: Դավաճանել է իրեն: Սեփական ամուսնու հետ: Գոնե կարգին մարդ լիներ: Բակուրը մի անգամ, հետաքրքրութիւնից մղված, փնտրել, գտել էր նրան ու տեսել: Թող ծեծ ու ջարդ ուտեր, թող արյունլիկ լիներ, բայց շպառկեր հետը: Եվ, այսպես, երկուսն էլ աստիճանաբար կեղտոտվեցին ու կեղտոտեցին իրար:

— Իսկ դու շե՞ս թողնի ինձ...— հանկարծ Բակուրի վրա ընկավ Աշխենը և բռնեց պարեգոտի օձիքից:— Չե՞ս վախենա պատժից... Չե՞ս փախչի...

Հարցերի այս տարափը ոչ մի կապ չուներ խոսակցութեան ընթացքի հետ, այնքան անսպասելի էր, որ երկուսն էլ լռեցին ու տարակուսանքով նայեցին իրար:

Եվ հասկացան, որ իրենք մեղավոր չէին, մեղքը ոչ Աշխենինն էր, ոչ Բակուրինը, ոչ էլ իրենց զավակինը, այլ դուրս էր իրենցից: Ինչ-որ տեղ շրջակայքում: Ոչ հեռվում: Հենց այս քաղաքո՛ւմ, որի անունն էր Արշակավան:

Եվ նա, վարակված կնոջ հուզմունքից ու խռովքից, ժըպտաց ու տարօրինակ հանգստությամբ պատասխանեց.

— Մենք միշտ միասին կլինենք... Միշտ երկուսով...

— Ստու՛մ ես,— ինչ-որ կասկածելի բան տեսնելով նրա հանգստության մեջ, Աշխենը հուսահատ թափ տվեց նրա օձիքը:— Ես չեմ հավատում քեզ... Քեզ համար ինչ կա... Դու ազատ մարդ ես... Ես եմ միայն տառապելու...

Բակուրը գտել էր ելքը, ի տարբերություն Աշխենի, որ ոչ մի ելք չուներ ու շէր էլ կարող ունենալ: Անշուշտ գտել էր Բակուրը: Նա կթողնի ու կհեռանա: Միակ խելացի ու հարմար որոշումը: Տղամարդու հետ ծնված, տղամարդու հետ հասունացած որոշումը: Աշխարհիս երեսին որքան կին կա, այնքան էլ՝ տարբեր վճիռ, և որքան տղամարդ՝ ընդամենը մի, մի՛ ճանապարհ միայն: Այնպես որ, մեղավոր չէր Բակուրը, իր սիրելի, իր մի հատիկ ամուսինը, մեղավորը նրա սեռն էր, նրա տեսակը, նրա պատկանելությունը...

— Ես խոստանում եմ... Դու չես տառապի...— նույն տարօրինակ հանգստությամբ ասաց Բակուրը, և Աշխենի կասկածներն է՛լ ավելի մեծացան:— Ես չեմ թողնի, որ քո մազերը կտրեն...

— Ուրիշ կանայք իրենց ամուսիններից փախան, եկան Արշակավան,— հուսահատությունից իր վիճակն էր վերլուծում Աշխենը և անզուսպ հեկեկում:— Տղամարդիկ իրենց կանանցից փախան... Իսկ ե՞ս ուր փախչեմ...

Բակուրը ոտքի ելավ, բռնեց Աշխենի ձեռքից ու ստիպեց կանգնել: Ապա, նրա ձեռքից այդպես բռնած, սկսեց քայլել ու նրան տանել իր ետևից:

Աշխենը տարակուսանքով հետևում էր Բակուրին, քիթն անընդհատ վեր քաշում ու թևքով սրբում արցունքները:

— Ո՛ւր ես տանում... Մարդիկ կտեսնեն...

— Տես...— խորհրդավոր ու անհասկանալի ժպտում էր Բակուրը:— Այնտեղ ազատություն է...

— Ի՞նչ ազատություն... Գժվե՞լ ես, ինչ է...

— Ցանկապատից այն կողմ...

Աշխենը վախեցած նայեց Բակուրին ու փորձեց ազատել

ձեռքը: Նրան թվում էր, թե կառավարչի օգնականը, որ կարծես ընդունակ էր միաժամանակ ամեն տեղ լինելու, նույնիսկ՝ քաղաքի հարյուրավոր տներում միանգամից, թաքուն տեսնում էր իրենց ու ամեն ինչ լսում: Ահա ուր որ է նա կբուսնի գետնի տակից, իր անբաժանելի մտրակը ձեռքին, ու գաժան հաշվեհարդար կտեսնի փախստականների հետ:

Իսկ Բակուրը, նույն առեղծվածային ժպիտը դեմքին, գրկեց նրան, բարձրացրեց հողից, առավ թևերի վրա, անշտապ քայլերով գնաց դեպի ցանկապատը, և Աշխենը նրա հայացքի մեջ զորաց անեզր մի հանգստություն ու մի վարակիչ խաղաղություն:

— Քիչ մնաց, Աշխեն... Մի քիչ էլ համբերիր... Մի քիչ էլ... Տես, ինչ մոտ է ցանկապատը... Մենք մեր բոլոր տառապանքներն այստեղ կլոռնենք... Մենք աղատ կլինենք... Շատ աղատ... Անսահման աղատ... Ես խոստանում եմ քեզ...

Բակուրն անցավ ցանկապատը և մի պահ, Աշխենին թևերի վրա գրկած, կանգ առավ, մեջքով՝ դեպի Արշակավանը:

— Բաց արա աչքերդ... Մի վախեցիր... Բաց արա, Աշխեն... Այ տես, ազատություն է արդեն... Մենք հիմա կվազենք երկուսով... Կգոռանք, և մեզ ոչ ոք չի լսի... Կթավալենք խոտերի վրա... Հագուստներով կլողանք գետում... Աղատությունը հագուստներով լողալն է, Աշխեն... Կքենք բաց երկնքի տակ... Ինչքան ասես խոտի դեզեր կան այս աշխարհում... Ես քեզ չեմ խաբում... Բաց արա աչքերդ...

Եվ Աշխենն աստիճանաբար բացեց աչքերը ու կարծես նոր լսեց քիչ առաջվա իր բացականչության արձագանքը հեռավոր հորիզոնից. ա-ա՛-ա-ա՛-ա-ա՛...

Գլուխ քսաներեքերորդ

Արքան Արշակավան այցելեց ու գիշերեց կիսավարտ պալատում: Տկլոր մի շինություն էր դա, մարդկային շնչի չընտելացած, խտրդավանքի ու բանասարկության դեռ

անսովոր: Միայն մի սրահն էին կահավորել արքայի գալըստյան առիթով, այն էլ՝ սոսկ մի օրով:

Արքան պառկած էր լայն մահճին, աչքերը առատադին հառած, ու քունը շէր տանում: Բոլոր իրերը, առանց բացառութեան, խորթ էին թվում նրան, կարծես ուրիշի հարկի տակ էր ապաստան գտել և կամ իջևանում օթևանել:

Մահճի ստքերի մոտ, այժի մորթիով փաթաթված, գեանին կուշ էր եկել Գնել իշխանն ու խոր քուն մտել, առես, արքայի գալստյան առիթով, հարյուրավոր օրերի անքնութեան տեղն էր ուզում մի գիշերում հանել:

Սրահի պատերին վեալեալում էին հրապարակում վաղձոյ խարույկների թույլ բոցերը: Դրսում ազմուկ էր: Չնայած խավարին ու անձրեին, մարդիկ աշխատում էին դեռ: Իրար սրտապնդող ձայներից կարելի էր ենթադրել, որ խմբովի ինչ-որ ծանր բան էին տեղափոխում:

Արքան կարոտում էր Արտաշատի պալատը, իր հակա օտան հանգստակենցությունը, գորգերը, գահույքները և փափուկ, փետրալի բարձրը, համեղ ու ընտիր կերակուրները և զգում էր, որ մի օրից ավելի սիրտը չի դիմանա այս պալատում:

Կովում էր իր հետ, համառորեն մխիթարում իրեն, որ կվարժվի: Այստեղ ևս կստեղծի նույն պայմանները: Եվ իր նոր տունը կդառնա բարութեան, հավատարմութեան ու մարդասիրութեան կենտրոն: Անկեղծութեան մթնոլորտ կտիրի նրա բոլոր սրահներում: Ոչ մի երկիմաստ խոսք չի հնչի նրա կամարների տակ: Դավադրությունն այստեղ հող չի գտնի ծաղկելու համար: Ստորությունն ու նենգությունը կդառնան տխուր ու վաղնջական հիշողություն:

Բայց ուշքն ու միտքը Արտաշատի պալատումն էր...

Նա այստե՛ղ կհաղթահարի իր մենակությունը, որն սովերի պես հետևում էր իրեն ամենուրեք: Երբ բոլորովին մենակ էր մնում, մնում էր ինքն իր հետ, նահանջում էր մենակությունը ու հանգիստ թողնում իր օձիքը: Եվ իրեն միայնակ էր զգում միայն մարդկանց մեջ, նրանց հետ զրուցելիս, հարցեր քննարկելիս, ճաշկերույթի նստելիս, կատակելիս և հատկապե՛ս, հատկապե՛ս քեֆ անելիս:

Ու երբ մենակության զգացումն այնքան սրվեց, որ գրեթե

որոշակի կերպարանք ստացավ, նա վճռեց հանդիպել իր մանկութիւնի ընկերոջ՝ Ծփրեմի հետ: Մի օր, գոնե մի օր իրեն թույլ տալ՝ ժամանակն անցկացնելու ոչ թե իշխանավորի, պատգամավորի, զինվորականի կամ պալատական գործակալի, այլ մի սովորական մարդու հետ: Եվ նրա միջոցով մոռանալ իր արքա լինելը, մարդկայնանալ նրա շնորհիվ ու, մենակութիւնի եղջյուրներից բռնած, դուրս շարտել դրան պատուհանից:

Սպասեց, սպասեց ամբողջ երեկոն, իսկ Ծփրեմը չեկավ ու չեկավ:

Հստ որում, ուզեց նրան հանդիպել ոչ թե Արտաշատում, հոգսերի ու ցավերի այդ գարշահոտ ճահճում, այլ այստեղ, Արշակավանում, իր կիսավարտ պալատում, կտրված աշխարհից ու մարդկանցից, ամենօրյա կահավորանքից ու դեմքերից, որոնցից ամեն մեկի հետ մի ծանր ու տհաճ հիշողութիւն էր կապված:

Արտաշատում նրանք անապահով կզգային իրենց, շրջապատի հետ ոչ ներդաշնակ, իսկ այստեղ երկու ընկերներ՝ հանդիպումը լուռ դաշինքի մեջ կմտներ առողջ ու բնական կյանքով ապրող քաղաքի հետ:

Իսկ Արշակավանը երևի երջանիկ է այսօր: Բոլորը, ահել ու ջահել, գիտեն, որ արքան իրենց հյուրն է, որ նա հիմա քնած է իրենցից ոչ հեռու, առանց պարիսպ քաշելու իր ու քաղաքի բնակիչների միջև, ոչ թե միջնաբերդում, այլ ամենաբարձր բլրի վրա կառուցված երկհարկանի պալատում: Երկուսն էլ, քաղաքն ու ինքը, անվտանգ են իրարով, ուժեղ են միմյանցով, թե ու թիկունք են մեկը մյուսին: Ես շատ եմ ուզում ձեզ սիրել, արշակավանցիներ, իմ կողոսկրից ծնված քաղաքի բնակիչներ, շատ եմ ուզում ձեզ հասկանալ: Եվ եթե դեռ չեմ կարողանում, դա ի՞մ մեղքն է, ոչ թե ձերը: Ներող ու համբերող եղեք: Դուք շատ եք, իսկ ես՝ մենակ: Բոլորդ միասին՝ հանճարեղ, իսկ ես՝ սովորական միջակութիւն: Ժամանակ տվեք ինձ: Ձեզ սիրելու և հասկանալու: Ձեր կոպիտ ձայների մեջ մեղեդի որսալու: Ձեր անտաշ շարժումների մեջ բարեձեռութիւն հայտնաբերելու: Ձեր նեղլիկ տեսքում հոգու լայնութիւն տեսնելու: Ձեր լեզուն, ձեր հայերենը

ըմբռնելու: Միասին սույասենք և հուսանք: Որովհետև այն-
քան էլ անընդունակ չէ՛ ձեր արքան:

Նա շրջվեց կողքի, գլուխն իջեցրեց մահճից ու տենդորեն
ձայն տվեց գետնին պառկած իշխանին.

— Գնե՛լ, Գնե՛լ... Վեր կաց... Բան ունեմ ասելու...
Գնե՛լ... — Նա ուղղեց կողքի ընկած այծի մորթին ու հագա-
տարությամբ ծածկեց նրան: — Ինչ խորն ես քնած... Որքան
առողջ ու համաշափ է շնչառությունդ...

Ապա նորից պառկեց մեջքի վրա ու շարունակեց խոսել
քնած եղբոր որդու հետ:

— Երբ ես մեռնեմ, խոստացիր, որ ինձ կթաղես հեթա-
նոսի պես... Լռության աշտարակում... Դու ջահել ես, որտե-
ղի՞ց իմանաս մեր պասպերի սովորությունը... Դա մի բարձր,
կլոր աշտարակ է... Ջրից ու բնակավայրերից հեռու... Մեջ-
տեղում՝ մի մեծ փոս... Փոսի շուրջը՝ առանձին տեղեր դիակ-
ների համար... Գիշատիչ թռչունները հարյուրներով հարձակ-
վում են դիակների վրա և մի ժամվա մեջ քորքորում... Աշ-
տարակում միայն կմախքներ են մնում... Նրանց գցում են
ընդհանուր փոսի մեջ... Եվ ստացվում է մարդկանց կատար-
յալ հավասարություն...

Լոեց, ահանջներում հնչող սեփական ձայնը դանակի պես
կտրվեց, ու նա պարզորոշ լսեց լռությունը: Մ՛վ էր ինքը:
Կիսաքրիստոնյա, կիսահեթանոս: Կիսաուժեղ, կիսաթույլ:
Կիսանրջանիկ, կիսադժբախտ: Կիսադաժան, կիսամարդասեր:
Ամեն ինչ կիսատ-պոստ: Բայց չէ՞ որ առաջ այդպիսին չէր,
ամբողջական մարդ էր ժամանակին, արատներն էլ էին լի-
արժեք, առաքինություններն էլ: Ի՞նչ պատահեց: Օրերից մի
օր արթնացավ ու պարզվեց, որ գահն էլ էր կիսատ, իշխա-
նությունն էլ, երկիրն էլ, ժամանակն էլ:

Տեսնես ի՞նչ է երազում գետնին պառկած այս թշվառ
մարդը, միակը իր իմացած ու ճանաչած բոլոր մարդկանցից,
որ անցյալ շուկի: Երևի երազների մեջ անգամ անցյալը չի
այցելում նրան: Երազների մեջ էլ չի կասկածում, հարց չի
տալիս, ճամփա չի փնտրում: Նա իսկական երջանկությունն
ու կյանքի իմաստը դտավ իր «մահվան» օրվանից, ազատ-
վեց բոլոր պարտավորություններից, նույնիսկ իր անձից ու

անունից, փոխարենը նվաճելով իր ամբողջականութունը։ Արքան խանդում էր նրան, զայրանում, կողոպտված զգում իրեն, որովհետև նա ամբողջականության հասավ շեռհիվ իր տիրոջ կիսատության։ Օգտվելով նրա դժբախտությունից, Ծրկրի ծանր վիճակից։ Ստեղծված անելանելի կացությունից։ Պարսից արքայի կամ կայսրի մոտ, թեկուզ նրանք թույլ-մորթ էլ լինեին ի ծնե, այսպիսի մարդու գոյությունը խապառ բացառվում էր։ Տիգրան Մեծի պալատում շէր կարող Գնել ծնվել։ Հենց սա՛ էր արքային կատաղեցնում ու փրփրեցնում։ Եվ այս թշվառը հիմա, խոր քուն մտած, արքայի փառքն է երզում իբր երնւզում, նրա հեքիաթն է հյուսում, տեսնում է նրան հզոր ու անկախ, միավորված հայրենիքով երջանիկ, սահմաններն՝ անառիկ, նախարարները՝ միաբան ու հավատարիմ, նրա առասպելը հասցնում է ապագա սերունդներին, և միամիտ հետնորդները հավատում են նրա ստեղծած ու փառաբանած աստվածային կերպարին ու բերներբրան փոխանցում հեքիաթը։ Մինչդեռ արքայի քունն էլ չի տանում... Գոնե տաներ քունը... Քո՛ւնը տաներ գոնե... Աչքերն առաստաղին հառած, իր կորցրած կեանք է քրոնում... Եվ սնունդ տալիս իր ծառայի երազներին...

Դուռը կիսով չափ բացվեց և, ջահը ձեռքին, նեղ բացվածքից ներս մտավ մի մարդ։ Եփրեմ ազատն էր, իր մանկության ընկերը։ Իր հանգստությունը։ Իր բազինը։ Իր խորանը։ Արքան պատանու թեթևությամբ ցատկեց մահճից, քեղառաջ վազեց, առավ գրկի մեջ, ամուր փաթաթվեց նրան ու երկար ժամանակ բաց չթողեց։

Գնելն արթնացավ աղմուկից և, քնկոտ աչքերը ջփելով, ծուլլ-ծուլլ հորանջելով, առանց այցելուին ուշադրություն զարձնելու, դուրս եկավ սրահից։

— Դու չգիտես որքա՛ն էի կարոտել քեզ... Որքա՛ն էի զգում քո կարիքը...— Ընկերոջը կրծքին պինդ սեղմած, առանց դադարի խոսում էր արքան։— Ինձ ասել են, որ գուզրեթե ամեն օր ժամերով սպասել ես իմ ընդունարանում... Բայց ինչ արած, որ քո մանկության ընկերը, այդ թշվառ ու ողորմելի արքան, ժամանակ չէր գտնում քեզ հետ հանդիպելու... Ներիր, որ այսքան սպասեցնել եմ Եվել...— Բռնեց

նրա ուսերից, հուզմունքով ու խանդաղատանքով նայեց նրան:— Չես փոխվել... Արևս վկա, շես փոխվել... Նույն Եփրեմն ես... Մի քիչ տխուր աչքերով... Մեծ, բարի ձեռքերով...— Եվ սիրով ու քնքշությամբ ավելացրեց.— Իմ այլանգակ, իմ տգեղ Եփրեմը... Իսկ ե՞ս... Տես ինչքան եմ փոխվել... Հիշո՞ւմ ես, ինչ էի առաջ... է՛, սիրելիս, արքա լինելը ոչ թե հաճույք է, այլ գործ, պարտականություն... Ջրկանք ու մենակություն... Բայց սա ի՞նչ անամոթությունն է, անընգհատ ես եմ խոսում... Մի բան ասա, ձայն հանիր...

— Հենց նոր հասա, արքա,— հարգանքով ու ակնածանքով ասաց Եփրեմը և, հագլիվ նկատելի մի շարժումով, նույնիսկ գլուխ տվեց:— Ստացա հրահանգդ ու եկա Արշակավան:

— Մենք միևնչև առավոտ ճատրակ կխաղանք քեզ հետ,— ցնծությամբ շարունակեց արքան, վստահ, որ այդ լուրը նրան էլ պիտի հրշանկացներ:— Կլոննք ու կխաղանք... Եվ այդ լուսթյունը ավելի պերճախոս կլինի, քան ուզածդ խոսքերը...

Ճատրակի գաղտակաբար սեղանը ցերեկվանից պատրաստ էր արդեն: Արքան ձեռքի նշանով նրան հրավիրեց նստելու փափուկ բազկաթոսին, ապա ինքն էլ տեղավորվեց նրա գլխաց: Հանկարծ, մի բանից անհանգստացած, անմիջապես վեր կացավ, մոտեցավ մահճին, կռացավ ու սկսեց ինչ-որ բան փնտրել տակը: Հետո ուղղեց մարմինը և, ժպիտը դեմքին, բերեց իր կարմիր մաշիկները:

— Հանիր կոշիկներդ,— հոգատարությունամբ ասաց նա:— Հոգնած կլինես:

Եփրեմը դա ընդունեց որպես հրաման, շփոթված հանեց կոշիկները և հագավ արքայի կարմիր մաշիկները: Այն գույնի մաշիկները, որոնց համար գլուխկոնծի կտային նախարարները: Եվ եթե բախաբ նույնիսկ ժպտար նրանց, միևնույն է, կստանային միայն մեկը, որովհետև երկու կարմիր մաշիկ իրավունք ուներ կրելու միայն արքան: Նա վերցրեց ընկերոջ ծանր կոշիկները, տարավ, տեղավորեց դռան մոտ: Ապա բերեց սամուրենին ու գցեց Եփրեմի ուսերին, որպեսզի չմրսի ցուրտ սրահում:

— Ուրեմն, եթե ես գլխի շրնկնեի, դու բան չէիր ասե-

յու,— հանդիմանեց արքան:— Համենայն դեպս, ես ինձ աշդպես չէի պահի ձեր տանը:

Եվ քանի որ արքայի հանդիմանութիւնն էլ հրաման էր, Ծփրեմը խորասլէս մեղավոր զգաց իրեն ու մինչև ականջների ծայրը կարմրեց ամոթից:

— Նախքան մեծ լուութիւնը մի հարց էլ ու վերջ... Կինդ ինչպե՞ս է... Երեխաներդ... Ողջ առո՞ղջ են...

— Փառք տիրոջ, բոլորն էլ լավ են:

— Կարգին տեղավորեցի՞ն քեզ: Տես, եթե դժգոհութիւնս ունես, շթաքցնես ինձանկից:

— Ենորհակալութիւն, արքա:

— Վաղը ես կայցելեմ քո իջևանը, աշքովս կտեսնեմ: Եթե չհավանեմ սենյակդ, ձեռքիցս շես աղատվի: Բայց ոչ մի հատուկ պատրաստութիւն: Լսո՞ւմ ես: Ես ընդամենը մի քանի ընկերակցութիւն կգամ: Իսկ հիմա... — հանդիսավոր հայտարարեց նա, — հիմա սկսում է մեծ լուութիւնը:

Ճատրակի տախտակի վրա կատարեց իր առաջին քայլը, որ նշանակում էր մի դիշերով, գոնե մի գիշերով փախչել իրականութիւնից, փակել ականջներն ու աչքերը, ոչինչ չտեսնել, ոչինչ չլսել: Մոռանալ, գոնե մի օրով մոռանալ կայսրի՞ն էլ, պարսից թագավորի՞ն էլ, մարդկայնութիւնն դասեր առնել մանկութեան ընկերոջից, որպեսզի, նոր գիտելիքներով վերսկսել, ավելի հեշտ և ավելի ճիշտ շարունակի պայքարը օտար թշնամու, արյունակից դավադրի ու սեփական մենակութեան դեմ:

Բայց ինչպե՞ս մոռանա Կոստանդիանոս կայսրին, որ եկել, լաց է եղել Ամիդի ավերակների վրա ու չի հասցրել Արևմուտք վերադառնալ՝ հորեղբորորդու, Հուլիանոսի, դավադրութիւնը ճշելու, ու ժանր հիվանդութիւնից մահացել է Կիլիկիայում: Ինչպե՞ս մոռանաս Հուլիանոսի Ուրացող մականունը, որ նա ստացել էր քրիստոնեութիւնից հրաժարվելու ու կրկին հեթանոսութիւն ընդունելու համար: Ինչպե՞ս մոռանաս նրա դոճոճութիւնն ու ամբարտավանութիւնը, որ նա ցուցաբերեց Տիգրիսն անցնելիս, հրամայելով այրել իր ամբողջ մեծ նավատորմի զորքերը, որպեսզի բանակը նահանջի մասին շատածեր, իսկ Շապուհը կրակի տվեց բարեբեր հով-

տի դաշտերը ու սովի մատնեց բյուզանդացիներին: Կլինի՞ մոռանալ ճանճերի ու մոծակների ահռելի խմբերը, որոնք քցերեկը արևի լույսն էին կարում, գիշերը՝ աստղերինը: Եվ կլինի՞ հաշտվել այն մտքի հետ, որ, թշնամու արձակած նետից մահացած Հուլիանոսի փոխարեն, ահաբեկված բյուզանդական բանակը կայսր ընտրեց իր զորապետներից մեկին՝ վատասիրտ Հովիանոսին: Ինչո՞ւ և ինչպե՞ս հաշտվել, երբ օտարի ոչ միայն հաշողութունը, այլ սխալն անգամ օդի մեջ պտտվում-պտտվում ու գալիս, քեզ է հարվածում նորից: Ի՞նչ գործ ունեմ ես ձեր հանճարեղ քայլերի կամ անշնորհք ախալների հետ, ինչո՞ւ մյուս թշնամին մի դեպքում պիտի տուժի գրանցից, մի այլ դեպքում՝ օգտվի, ու երկու դեպքում էլ ե՞ս պիտի լինեմ միակ տուժողը: Հովիանոսը ամաթալի դաշնագիր կնքեց Պարսկաստանի հետ, Հայաստանը լիովին հանձնելով Շապուհի տնօրինությանը: Մինչդեռ հայերի բախտը բերել է հենց այն պատճառով, որ երկու հզոր հարեվաններն են ցանկացել կոպ տալ իրենց, և ոչ թե մեկը: Նման պարագայում կարելի էր մի կերպ ձողոպրել երկուսի ստոքերի արանքից: Իսկ հիմա դեմ առ դեմ կանգնած ես միայն մեկի հետ, ուժն՝ անգերազանց, ախորժակը՝ մեծ, ստամոքսն՝ ամեն ինչ մարսող...

Մոռանալ... Դաս առնել Եփրեմից... Ուշիմ աշակերտ լինել այն գիշեր...

— Դե, սիրելի Եփրեմ, ի՞նչ կասես, — անսպասելիորեն յոթերորդ երկնքում հայտնվեց արքան: — Դու երեխ հույս ունեիր, որ ընկերդ վաղուց ճատրակ չի խաղացել և նապաստակ կդառնա քո առաջ: Եթե իմանաս, որքա՞ն եմ սպասել այն հաղթանակին:

— Ի՞նչ ասեմ, արքա, — շփոթված ժպտաց Եփրեմը: — Ի՞նչ հաղթեցիր:

— Դու ինձ արթա մի կոշիկ: Վերջիվերջս պիտի լինի՞ գոնե մի մարդ, որի համար ես անուն ունենամ: — Ու նա այնպիսի երանությամբ, այնպիսի դերզուցությամբ արտասանեց իր անունը, որ կարծես ձեռքերի վրա մի շատ նուրբ և թանկարժեք սափոր էր տանում և վախենում էր

անզգույշ շարժում անել, որ հանկարծ չղցի հատակին ու շփշրի:— Իմ անունը Արշակ է... Արշակ...

— Ինչպե՞ս ես... Արշակ:— Այդ բառը մեծագույն զրծվարությամբ դուրս եկավ նրա կոկորդից, ուղղակի բռնությամբ դուրս թռավ, ու բերանը վախից դարձյալ ամուր փակվեց: Եվ մի փոքր դադարից հետո, այս անգամ անկեղծորեն, նա կրկնեց հարցը.— Ինչպե՞ս ես, արքա... Ես հեռվից հեռու ուշադիր հետևում եմ քեզ...

— Ոչ մի խոսք իմ մասին,— կտրականապես նրան ընդհատեց արքան:— Կարևորը դու ես: Այսօր մենք միայն քեզանով ենք զբաղվում: Քո ընտանիքով... Կնոջով, երեխաներով... Ինձ համար այս հաղթանակն էլ բավական էր: Բայց դու էլ վատ չես խաղում: Պետք է ասել, որ արժանի հակառակորդ էիր: Հենց դրա համար էլ ես ավելի բարձր եմ գնահատում իմ հաղթանակը:— Հանկարծ կիսատ թողեց քզևորված շատախոսությունը, մռայլվեց և խեթ-խեթ նայեց Եփրեմին:— Լսիր, գուցե դիտմամբ այնպես արեցիր, որ ես հաղթեմ: Գուցե մտքումդ ծիծաղում ես ինձ վրա:

— Ինչեր ես խոսում, արքա...— վախեցավ Եփրեմը և գոռ իջավ ստքերին:— Մտքովս էլ չի անցել...

— Ի՞նչ երաշխիք, որ այդ հաղթանակը իմն էր և ոչ թե քոնը,— համոզիչ պատասխան էր պահանջում վիրավորված արքան:

— Քոնն էր, արքա, քոնը,— մեղմորեն ու հեզությամբ համոզում էր Եփրեմը:— Դու այս անգամ պարզապես ինձանից լավ խաղացիր:

— Միևնույն է, չես համոզում,— պոկ շէր գալիս արքան.— Ես քո աչքերից տեսնում եմ, որ այս խաղը նվիրեցիր ինձ:

— Ես հոգնած էի, արքա,— մաշկից դուրս գալով, արդարանում էր Եփրեմը:— Երկար ճանապարհ եմ կտրել և առանց շունչ քաշելու քեզ մոտ եկել... էլ ինչպե՞ս կարող էի լավ խաղալ...

— Ուզում ես ասել, որ հակառակ դեպքում կհաղթեի՞ր,— է՛լ ավելի խոցվեց արքան:— Լավ, եթե այդպես է, մի անգամ էլ խաղանք: Դեռ մինչև լույս ազատ ժամանակ ունենք:

Եփրեմը հետզհետե կաշկանդված էր զգում իրեն: Միշտ,



երբ նրան պալատ են հրավիրել, շկամությամբ է գնացել Եվ ամեն անգամ, երբ հանդիպումը հետաձգվել է, ուրախացել է շափազանց, կարծես մի ծանր բեռ է ընկել ուսերից: Բայց նա սիրել է արքային, թանկ է գնահատել իրենց երկարամյա ընկերութունը, ամբողջ հոգով նրա լավն է ցանկացել, ուշի ուշով հետևել է նրա վերելքներին ու անկումներին, հպարտացել է նրանով: Թեև ոչ ոքի չի պատմել իրենց ընկերության մասին, աշխատել է ծածուկ պահել բոլորից, նույնիսկ տանն է խուսափել նրա անունը տալուց: Արքան ս'ւր, ինքը ս'ւր: Մեկը՝ սարի գազաթին, մյուսը՝ ստորոտից էլ գնաց: Ի՞նչ կարիք կար ցուցադրելու իրենց մտերմութունը և օգուտ քաղելու դրանից: Կրակն ընկավ արքան, որ մանկության օրերից մի ընկեր ունի, որի հետ խաղացել է հաճախ, միասին երազել, լողացել գետակում: Ուրեմն, պիտի վճարի՞ դրա դիմաց: Թող ամեն մեկն իր համար ապրի, նեղութուն չտա մյուսին: Որովհետև որքան որ իր քննությունն էր նեղություն պատճառում արքային, նույնքան էլ՝ արքայի մեծությունը Եփրեմին:

— Երեկ գիշեր երազ տեսա, Եփրեմ,— նորից լավեց արքայի ձայնը, այս անգամ՝ մի տեսակ օտարոտի ու վիրավորված:— Ծա ու գու էինք... Ծա խեղդվում էի ծովում... Իսկ գու կանգնած նայում էիր... Ծա գոռում էի, օգնություն կանչում... Ձեռքով էի անում քեզ... Բայց դու տեղիցդ չէիք շարժվում... Ձէիք ուզում ինձ փրկել... Ինձ նույնիսկ թվաց, թե ժպտում ես... Հետո կուացար, մի փոքրիկ քար վերցրիր ու շարտեցիր ծովը... Ինչի՞ շարտեցիր, շհասկացա... Ձէ, Եփրեմ, գու ինձ շես սիրում...

— Բայց դա երազ էր, արքա,— այլալավեց Եփրեմը:

— Միևնույն է, դու ինձ շես սիրում:

— Մենք մանկության ընկերներ ենք, արքա,— ստիպված եղավ հիշեցնել Եփրեմը:— Քո ծանր օրերին ես էլ եմ ախրել... Իսկ ուրախ օրերիդ ես էլ եմ ուրախացել...

— Ուրեմն, սիրո՞ւմ ես ինձ,— կասկածանքով նրան նայեց արքան, հետո նախատինքով տարուբերեց գլուխը:— Բայց և այնպես խուսափեցիր ուղղակի ասել... Խուսափեցի՞ր, խուսափեցի՞ր...

Եվ նա դարձյալ կատարեց առաջին քայլը, որ նշանակում էր գտնել մի գիշերով փախչել իրականութունից, փակել, անհանդիմանելու աչքերը, ոչինչ չտեսնել, ոչինչ չլսել:

Բայց ինչպե՞ս մոռանաս Արտաշեսի ու Տիգրան Մեծի ձեռքերով նվաճված նահանգների կորուստը, Շապուհի դրդամամբ ու հրահրմամբ ծագած ապստամբությունները ծայրագավառներում, հայոց իշխանության տակից դուրս եկած Աղձնիքը, Գուգարքը, Գարդմանաձորը, Արցախը, Փայտակարանը, Կորդուքը, բյուզանդացիների թաթն ընկած Սոփաջ աշխարհը: Ինչպե՞ս մոռանաս ստրկական ծառայության քշված հայրիկն, որոնց մեջ կային ուժասպառ եղած և ապրելու ցանկությունը կորցրած զառամյալ տղամարդիկ ու պառավ կանայք: Կարո՞ղ ես մոռանալ, թե ինչպես էր թշնամին կտրում նրանց սրնքամսերն ու ոտակոճերը և թողնում ճանապարհին: Կարո՞ղ ես մոռանալ, թե ինչպես են կրակի և ավերածության մատնում երկիրը, կանանց ու երեխաներին ցցերի վրա հանում, կամերի տակ ձգելով՝ կալսում, ջահել տղամարդկանց տրորում փղերի ոտքերի տակ, քանդում ամրոցներն ու ավերում ամուր բերդերը: Եթե կարող ես, մոռացիր, թե ինչպես գրավեցին Դարանաղի գավառի Անի ամրոցը, որտեղ ժամանակին գտնվել է հայ հեթանոսական գլխավոր աստծու՝ Արամավորի մեհյանը, իսկ հիմա՝ արքունական գանձերի մի զգալի մասը և Արշակունի թագավորների գերեզմանոցը: Թե ինչպես գերի տարան գանձերն ու թագավորների ոսկորները: Իսկ կարելի՞ է մոռանալ բազմոցից մինչև գետին չհասնող ոտքերով վասակ սպարապետին, որը խենթ և անդիտ քաջությամբ մարտնչում էր հսկայի դեմ և պաշտպանում հայոց միջնաշխարհը: Ինչպե՞ս չհիշես քաջ հայորդիներին, որոնք բոլորի նման գիտեն գլուխ պահել, քթներից այն կողմ ոչինչ չտեսնել, բամբասել, խարդավանք նյութել միմյանց հանդեպ, իսկ վտանգի պահին, երբ դանակը հասնում է ոսկորին, վերածնվել, սրբանալ ու առուծ դառնալ:

Երանի շէ՞ր, եթե աչքդ փակելով, իսկապե՞ս ոչինչ չտեսնեիր, եթե ականջդ խցանելով, իսկապե՞ս ոչինչ չլսեիր, եթե



տեղդ փոխելով, սուլորական քո միջավայրից հեռաւալով,
 իսկապե՛ս իրականութիւնից փախչեիր:

— Ես վաղուց ճատրակ շեմ խաղացել,— կատաղութիւնը
 հազիվ զսպելով, ասաց արքան:— Իսկ դու երևի ամեն օր
 էիր խաղում: Պատրաստվում էիր այս հանդիպմանը: Խոստովանիր,
 որ մենք անհավասար պայմաններում ենք խաղում:

— Մի հուզվիր, արքա,— արդեն բոլորովին շվարեց
 Ծփրեմը:— Խաղը ուրիշ կերպ չի լինում: Մեկ ես կտանեմ,
 մեկ դու:

— Համենայն դեպս, շնորհավորում եմ,— նեղացած
 ասաց արքան:— Դու հաղթեցիր: Ես պարտվեցի: Էլ ի՞նչ
 ասեմ, ավելի բա՞րձր հայտարարեմ:

Խաղացին երրորդ անգամ: Արքան այնքան կենտրոնացած
 էր ու լարված, որ կարծես ճակատագրական հարց էր
 վճռվում այս խաղով: Ամեն քայլի վրա երկար մտածում էր,
 նյարդայնանում, բուռնքով անընդհատ ճակատը քորում ու
 էլի, ինչպես ամբողջ կյանքում, ելք օրոնում: Ճատրակի
 տախտակի վրա տեսնում էր ռազմի գաշտ, այրուձի ու
 հետևակ, զորշակակիրների ու վահանավորների, աղեղնա-
 ձիգների ու վաղրավորների, զինվորները գասավորված էին
 ըստ թևերի՝ աջ, ձախ և միջին, բանակն սեւեր առաջապահ,
 վերջապահ և կողմնապահ զորամասեր: Ծվ արքան իր տա-
 րերքի մեջ էր ընկնում, զեկավարում մարտը, փողհարները
 պղնձե փող էին փչում, դրոշակակիրները պարզում էին նի-
 զակներին ամրացված նշանակները, անցնում էին մերկերը՝
 տեղրահ զինվորները, սպարակիրք ու նիզակավորք, մկնդա-
 վորք ու սակրավորք, զորավարներ, հազարապետներ, բյու-
 րապետներ, հարյուրապետներ: Թրերը բոցկտում էին արևի
 լույսի տակ, կուրացնում զինվորների աչքերը, գաշտը
 դղրդում էր հազարավոր ստեբրի ու սմբակների տակ, ձիերի
 խրխիչը խառնվում էր մարդկանց օգևորված գոչյուններին
 ու վիրավորների տնքոցներին: Ու երբ բանակը մի պահ
 նահանջում էր, կազմվում էր վահանափակ, շորս կողմից
 կանգնում էին վահաններով զինված շարքերը, որոնք, բերդի
 պարիսպների նման, պաշտպանում էին իրենց մեջ առած
 բանակը: Ու արքան, իր ուժերին վստահ. հաջորդ քայլն էր

Վանում: Իսկ երբ Եփրեմի պատասխան քայլը ճիշտ և համոզիչ էր թվում, արքան փրփրում էր շղայնությունից, ճգնում մի հարվածով տապալել նրան, շարդուփշուր անել և զարմանում էր, որ իր ազևորությունը, համառությունն ու մեծ ցանկությունը դեռևս քիչ էին հաղթանակի հասնելու համար: Նորից էր կռվի մտնում, ձախտ ձակատի խփվում թշնամու հետ, թրերը խաշաձևվում էին իրար ու կայծեր հանում:

Իսկ Եփրեմի քունը տանում էր, արդեն լրիվ ուժասպառ էր եղել երկար ճանապարհից և այս մի քանի ժամվա հոգեկան ու մտավոր լարվածությունից: Հազիվ էր գիմանում, աչքերն ինքնաբերաբար փակվում էին, և նա մեծ ճիգով մի կերպ տիրապետում էր իրեն: Նա ճատրակի տախտակի վրա իր տունն էր տեսնում, իրեն ճամփա դնող կնոջը, երկու տղաներին ու երկու աղջիկներին, որոնք կանգնել էին բարձու տակ ու հպարտանում էին իրենց տան սյունին, իրենց հորը վիճակված բախտով: Տեսնում էր իրենց այգին, որ շատ գործ կաք անելու, խնձորենիները հիվանդացել էին և տիրոջ կարիքն էին զգում, քարե ցանկապատը տեղ-տեղ քանդվել էր, շարել էր պետք, փոքր տղան լավ չէր ուտում, հոք ներկայությունից էր միայն քաշվում, մրգի ավելցուկը հարկավոր էր ծախել, փոխարենը ցորեն զնել, ձեթ, հազուստեղեն...

Բայց արքան էլ ուժասպառ լինելը, Եփրեմը սկզբից ևեթ որոշել էր ազնվաբար խազալ, ո՛չ գիտմամբ տարվել, ո՛չ էլ գիտմամբ տանել, թեև հասկանում էր, որ իր պարտությունը խիստ ցանկալի էր արքային: Քաղ ինչքան ուզում է ցանկալի լինի, Եփրեմը կեղծիքի դիմազներբից չէ, իր հարազատ զավակի համար էլ մի ծուռ քայլ չի անի: Պատրաստ է կյանքը զոհել հանուն արքայի: Սակայն ամեն մարդ մի սահման ունի, որից այն կողմ մուտքն արգելվում է բոլորի համար անխտիր: Տվյալ դեպքում այդ սահմանը նրա արժանապատվությունն էր, որի դեմ ոտնձգություն անել չէր թույլատրվում: Եվ որովհետև արքան շատ էր ուզում հաղթել, հաղթել թեկուզ և կեղծիքի վրա աչք փակելով, Եփրեմը

վճռել էր ամեն գնով նորից պարտութեան մատենի նրան։
Որպես պատիժ։ Որպես սահմանը խախտած ընկերոջ։

— Ծփրե՛մ,— հանկարծ, կարծես հայտնություն արած,
հարցրեց արքան։— Բայց դու հոգնած ես... Կարող եմ
երգվել, որ նույնիսկ շատ ես հոգնած... Ու ես շեմ նկատել...
Պատկերացնո՞ւմ ես... Ներիր, որ անուշադիր եմ եղել...
Ի սեր աստժո, ներիր...— Աչքերը լցվեցին սիրով ու քնքշու-
թյամբ, հետո, ինչ-որ բան գլխի ընկնելով, իրաբանցման
մեջ ընկավ։— Ծս նույնիսկ մոռացել եմ հարցնել, բան
կերե՞լ ես, թե ոչ... Մի՞թե ես քեզ այսպես պետք է ընդու-
նեի... Այսքան սպասելուց հետո...

— Շնորհակալ եմ, արքա... Կուշտ եմ, ոչինչ շեմ ուզում։

— Չէ, չէ, ես գիտեմ, դու քեզ աղատ շես գտում այս-
տեղ։— Նա խառնեց ճատրակի խաղատախառակի վրա գոյա-
ցած ռազմի դաշտը։ Վեր կացավ ու ձեռքը դրեց ընկերոջ
ուսին։— Ծս եմ մեղավոր, ես... Չկարողացա այնպես անել, որ
բո տունը համարես իմ պալատը...

— Բայց ես իսկապես կուշտ եմ, արքա,— ազնվաբար
ասաց նա։

— Կուշտ ես, կուշտ,— մեղմորեն հանդիմանեց արքան։—
Այսքան երկար նստել ենք, դեռ մի անկեղծ բան չես ասել
ինձ։

Արագ մոտեցավ դռանը, բաց արեց և գոռաց դեպի մի-
ջանցքի մթութունը.

— Ընթրիք երկուսիս համար։

Հետո վերադարձավ, մտահոգ կանգնեց Ծփրե՛մի գլխա-
վերևում, շիմանալով, թե էլ ի՞նչ կարելի էր տեսել, էլ ի՞նչ ո՞վ
կարող էր վերաբերմունք ցույց տալ ընկերոջ նկատմամբ։

— Ապա վեր կաց, Ծփրե՛մ... Վեր կաց, վեր... Արի
լվացվիր... Երեսդ ջուր արա, որ մի քիչ թարմանաս...

— Պետք չի, արքա... Շնորհակալ եմ...— արքայի ուշա-
դրությունից կաշկանդված, խնդրում էր Ծփրե՛մը։— Գուցե ինձ
համար մի մտահոգվիր...

— Վեր կաց, ասում եմ,— նեղացավ արքան ու քիթը
կախեց։

Ինչ արած, Եփրեմը ենթարկվեց ու ոտքի ելավ: Արքան սպիրտից ջուր էր թափում ընկերոջ ձեռքերին: Եփրեմը նզուլյրի մեջ լվաց երեսը, ապա արքան սրբիչ բերեց ու մեկնեց նրան:

Ներս մտավ սպասավորը, ձեռքին մի մեծ սկուտեղ: Արքան ընդառաջ գնաց, վերջրեց սկուտեղը և նշան արեց, որ հնուանա: Ինքն իր ձեռքով պատրաստեց սեղանը, դասավորեց ամանները, բաժանեց սառը խորտիկները, բաժակների մեջ գինի լցրեց ու մոտ կանչեց ընկերոջը:

— Նստիր, Եփրեմ: Նստիր, մի քաշվիր: Թեև իմ խոհարարը մեծ համբավ ունի, բայց հաստատ գիտեմ, որ քեզ կինը ավելի համեղ ճաշեր է պատրաստում: Մի օր կհրավիրես, կգամ:

Արքան ոչ մի բան չկերավ: Արմունկից սեղանին դրած և ծնոտը ափին հենած, կենտրոնացած ու մի տեսակ կարոտով հետևում էր, թե Եփրեմն ինչպես էր ուտում: Կարծես ինքը զառամյալ ու տեստամ մի ժերակ լիներ, որ հաճույք էր ստանում, տեսնելով, թե ինչպես են ջահելները ախարժակով և սուր ատամներով ոչնչացնում սեղանի բարիքները: Բայց ջուտով հուսախար եզավ, որովհետև, մի երկու պատասուտեղուց հետո, Եփրեմը մի կողմ տարավ պնակը:

— Կեր, Եփրեմ, կեր: Եթե չհավանեցիր, ես կվտարեմ իմ խոհարարին: Ինձ համար այնքան է եփեղ, որ ես լավն ու վատը շեմ ջոկում արդեն: Այդ թշվառականը երևի օգտվում է դրանից:

— Համեղ էր, արքա: Բայց ես կուշտ եմ:

— Էլի՞ սկսեցիր: Գու ինձ զրկում ես քեզ հյուրասիրելու հաճույքից: Մի՞թե քեզ համար այդքան դժվար է ինձ հաճույք պատճառելը:

Եփրեմը, ստիպված, շարունակեց ուտել, թեև ամեն մի թատառը մեծ դժվարությամբ էր կուզ գնում: Բայց արքան հրամայում էր, ի՞նչ կարող ես անել: Կարո՞ղ ես շենթարկվել: Մտքովը նույնիսկ անցավ մի առիթ գտնել ու փախչել, ազատվել պալատի մարմարներից ու ընդարձակ սրահների առատությունից, ընկերոջ ճնշող դիրքից ու կոշումից, որով-



հետև, քնքշորեն շոյելիս անգամ, նրա ձեռքը սարսափելի ծանր էր ու ահավոր ցավ էր պատճառում:

— Ի՞նչ են խոսում իմ քաղաքի մասին, Եփրեմ,— հարցրեց արքան, նոր գլխի ընկնելով, որ ամենաճշմարիտ պատասխանը միայն Եփրեմը կարող էր տալ:— Շինականներն ի՞նչ են ասում:

— Առաջ քո մասին ասում էին. ինչ լավ է նստում նժույզի վրա,— անկեղծորեն խոստովանեց Եփրեմը:— Նրանց համար նույնն էին հոսորով, Տիրան ու Արշակ թագավորները:

— Իսկ հիմա՛, հիմա՛,— արքան, անհամբեր ու պահանջկոտ, հրամայեց շուտափույթ պատասխան տալ:

— Իսկ հիմա սիրում են. Անունովդ են երդվում: Դե, ես էլ մեկ-մեկ հայարտանում եմ, որ մանուկ հասակում երբեմն ծծում էի քեզ,— ժպտաց Եփրեմը, զարմանալով, թե ինչպես համարձակվեց այդպիսի զեղում թույլ տալ:— Երբեմն, արքա, երբեմն... Եվ ինքս ինձ, միայն ինքս ինձ...

— Իսկ դու անձամբ ճիշտ ես համարում, որ ես վճռեցի երկրի սրտում այսպիսի քաղաք կառուցել,— շունչը կտրած, շարունակեց հարցապնդել արքան, կարծես իր ամբողջ կյանքը միայն Եփրեմը կարող էր հենց մի ակնթարթում իմաստավորել կամ իմաստազրկել:

— Սա քո միակ մեծագործությունն էր, արքա:

— Իսկ դու թշնամիներ ունե՞ս, Եփրեմ,— հանկարծ հետաքրքրությամբ հարցրեց արքան:— Նախանձորդներ կամ վատ հարևաններ: Մի խոսքով, մարդիկ, որոնց դու շեռ համակրում:

— Փառք տիրոջ, հաշտ ու խաղաղ ասլրում ենք, արքա:

— Լավ մտածիր: Մենք կարող էինք նրանց մի լավ դաս տալ:— Եվ ծիծաղեց, մտերմաբար ընկերոջ ուսին խփելով:— Մինչև տուն հասնելդ դու արդեն ազատված կլինեիր նրանցից:

— Իմ շրջապատում այդպիսի մարդ չկա, արքա,— վախից սփթնեց Եփրեմը:

— Ես, իհարկե, կարող էի քեզ հողեր նվիրել, իշխանական տիտղոս տալ, պալատական բարձր պաշտոն: Բայց ես քեզ այսպես եմ ճանաչում ու սիրում, Եփրեմ: Այսպես ես

ավելի եմ կատարած քեզ հետո Պու կարո՞ղ ես, հանուն մեք ընկերության, հրաժարվել հարստությունից։ Ո՞րն է քեզ համար ավելի թանկ։ Հարստություն՞ը, թե՞ մեր ընկերությունը։— Արքան նորից անհանգստացավ ու կորցրեց իրեն։— Դու ինձ չես լսում... Աշքերդ դարձյալ փակվում են... Իմ խեղճ Եփրեմ... Տանջվեցիր այս գիշեր...

— Ոչ, արքա, ոչ,— սթափվեց Եփրեմը։— Ես ուշադիր լսում էի քեզ։

— Վեր կաց,— շփոթահար ասաց արքան։— Վեր կաց, քնիր։ Ես այս ժամին չեմ թողնի իջևանատուն գնաս։ Հենց ինձ մոտ էլ կմնաս։

— Քունս չի տանում, արքա... Մենք դեռ ճատրակ պիտի խաղանք...

Իսկ մտքում ուրիշ բան էր ասում։ Հեռվից ընկերություն անել Արշակի հետ, ապահով տարածությունից։ Որպեսզի այդ հեռավորության վրա նորից սիրելի ու հարազատ դառնար մանկության ընկերը։

Արքան բռնեց Եփրեմի թևերից, բարձրացրեց նրան, տարավ դեպի իր մահիճը, ուսերի վրայից վերցրեց սամուրենին և հանեց նրա պարեզոտը։

— Իսկ դո՞ւ, արքա։ Դո՞ւ որտեղ ես քնելու։

— Դու իմ մասին մի մտածիր։ Ես սովոր եմ լուսացնելու Գիշերները ես մենակ եմ մնում ինքս ինձ հետ ու ավելի լավ եմ սկսում ճանաչել ինձ։

Կոացավ, հանեց Եփրեմի մաշիկները, ընկերոջը պառկեցրեց մահճի վրա և ծածկեց վերմակով։

Եփրեմը շուտ քուն մտավ։

Իսկ արքան, սնարին կանգնած, ուշադիր նայում էր նրա խաղաղ դեմքին ու հասկանում, որ կատարյալ էր իր ձախողումը։ Եվ լիակատար ու անժխտելի էր մենակության հաղթանակը։ Վաղվանից այլևս չի մտածի նրա դեմ պայքարելու մասին։ Կհանձնվի նրա իշխանությանը, ու գուցե լավն էլ դա է, այդ հաշտությունը, ինքնախաբկանքից հրաժարումը։ Եթե կուզեր իմանալ, մարդկայնության մյակ գասը հենց սա էր, որ նա ջանասիրությամբ սերտեց այսօր։ Ու անգիր արեց։

— Ներիր, Ծփրեմ...— զգուշությամբ նա կռացավ ընկերոջ
սնարին:— Ծս ամեն ինչ արեցի, որ դու քեզ լավ զգաս...
Իսկ սա երևի կյանքիդ ամենածանր օրն էր... Ներիր իմ հո-
գատարությունը... Իմ ուշադիր վերաբերմունքը... Մեր ըն-
կերությունը... Ներիր, եթե կարող ես...— Ապա էլ ավելի
կռացավ ու շշնջաց քնած մարդու ականջին.— Մենք այլևս
երբեք չենք հանդիպի... Սա միակ լավությունն է, որ ես
կարող եմ խոստանալ քեզ...

Հոգածությամբ ուղղեց վերմակը, հետո գնաց, պառկեց
գետնին, Գնելի տեղը, ժածկվեց այժի մորթիով ու որոշեց՝
մինչև լուսարաց, մինչև ընկերոջ զարթնելը, հեռանալ պալա-
տից, վերադառնալ Արտաշատ:

Սուսուփուս ներս մտավ Գնելը և, տեսնելով, որ իր տեղն
զբաղված է, նստեց գրան մատ, հենվեց պատին և փակեց
աչքերը:

Գլուխ քսանչորսերորդ

Արքան հետզհետե ավելի էր կապվում Վասակ
սպարապետի հետ: Հատկապես այն օրվանից, երբ Շապուհի
կանչով միասին գնացին Տիզրոն:

Շապուհն այնպիսի ընդգծված սիրալիրություն էր ցուցա-
բերում հայոց արքայի հանդեպ, որ նա, փոխանակ գոհ
մնալու, քնկճվում էր, նույնիսկ նվաստացած զգում իրեն:
Շապուհը ոչ մի բանից չէր քաշվում: Այնպես էր շողոքոր-
թում, այնքան համեստ էր իրեն պահում, այնքան հեզ ու
խոնարհ, որ արքան նոր միայն հասկացավ, թե ինչ վտանգա-
վոր մարդու հետ գործ ունի: Այն տպավորությունն էր
ստեղծվում, որ կարծես Շապուհն էր կախված Արշակից, և
ոչ թե հակառակը: Կոստանդիանոսը Կեսարիայում, իր յու-
րաքանչյուր խոսքով ու շարժումով, ամեն պահ հիշեցնում էր
այն տարբերությունը, որ գոյություն ունեւր մեծ կայսրության
ինքնակայի ու փոքր երկրի արքայի միջև: Այդ հիշեցումը ևս

տհաճ էր, բայց և այնպես՝ ավելի նախընտրելի, քան թե այս անազնիվ խաղը:

Շապուհը նրան նվիրեց իր սաղավարտը, որին ամրացված էր մի փառավոր գարդմանակ: Գարդմանակի վրա մի արծիվ կար՝ թևերը թեթևակի բացած և գլուխը պսակի ճակատից դուրս կարկառած:

Շապուհն արքային նստեցնում էր ամենապատվավոր տեղում, անընդհատ մարդ էր ուղարկում նրա որպիսությունն իմանալու, զգուշացնում նրան դավաճան նախարարներից, հատկապես՝ Վարդան և Վահան Մամիկոնյաններից և Մերուժան Արծրունուց, շնայած նրանք հավատարմորեն ծառայում էին պարսից արքունիքին, նույնիսկ չէր խորշում բանն այնպես ներկայացնելու, որ լսողը կկարծեք, թե առանց հայերի գաշնակցության պարսիկները չեն կարողանա բյուզանդացիներին հաղթել:

Ծվ այսպես, նուրբ ու խելացի ձևով, Շապուհը ստորացնում էր Արշակին և փորձում ահ ներշնչել նրան:

Մի անգամ արքան ու սպարապետը, հենց Շապուհի հորգորանքով, գնացին թագավորական ախոռում շրջելու Ախոռապետը տեսավ նրանց և ոչ մի ուշադրություն չդարձրեց, անգամ քթին չդրեց վեր կենալ, դեռ մի լավ էլ ժաղրեց ու անարգեց: «Շայոց այծերի թագավոր, եկ այս խոտի խրձի վրա նստիր»: Արքան ցնցվեց, գույն տվեց, գույն առավ: Անմիջապես կռահեց, որ Շապուհի հորգորներն ու այս միջադեպը սերտ կապ ունենին, այլապես, ախոռապետը քանի՞ գլխանի էր, որ իր տիրոջ հյուրին այսօրան լկտի կերպով անպատվի: Արքան շափազանց խեղճացավ, որովհետև կյանքում երբեք այդպիսի վերաբերմունքի չէր հանդիպել, նա շվարհեց, լեզուն կապ ընկավ ու շիմացավ, չէր պատկերացնում, թե նման դեպքերում առհասարակ ի՞նչ են անում: Բնազդներից միայն մեկը ձայն տվեց նրան, այն, որ միշտ արթուն էր ու միշտ իր հետ էր. դավադրություն էր սա...

Միայն ափսոս, ջա՛տ ափսոս, որ ախոռում պիտի մեռնեիր...

Վասակ սպարապետը, շհանդուրծելով արքային հասցված ծանր վիրավորանքը, առանց երկար-քարակ խորհելու, քաշեց սուրը, տեղնուտեղը զխատեց ախոռապետին:

Վերջ, մտածում էր արքան, հիմա իմ գլուխն էլ կուտեն, սպարապետինն էլ, և Պասլը այլևս կյանքում չի տեսնի հայոց գահը, «պարթև» Արշակունիների փոխարենն սասանյան Շապուհը թագը կտա «հայ» Արծրունիներին:

Մինչդեռ Շապուհը, որ անձամբ էր կազմակերպել այդ միջադեպը, լսելով կատարվածի մասին, գործեց մի նոր ու յուրօրինակ նենգություն. խորին շնորհակալություն հայտնեց Վասակ զորավարին, գովեց նրա քաջատրուությունն ու տիրասիրությունը և շատ պարգևներ ու պատիվներ տվեց նրան. սակի, արծաթ, կերպաս ու մարգարիտ...

Երկրորդ դեպքը, որից հետո արքայի ու սպարապետի զուտ պաշտոնական փոխհարաբերությունները փոխվեցին հոգեկան կապի ու մտերմության, հայ Արշակունի թագավորների ոսկորների խլումն էր պարսիկների ձեռքից:

Գարանաղի գավառի Անի բերդում միայն Սանաւրուկ թագավորի դամբարանն էր անձեռնմխելի մնացել, որովհետև հսկայակառույց ու ամուր մի շինություն էր դա: «Նրա համար ենք մենք հայոց արքաների ոսկորները տանում,— ասում էին հեթանոս պարսիկները,— որ այս աշխարհի թագավորների փառքը, բախտն ու քաջությունը նրանց ոսկորների հետ մեր աշխարհը փոխադրվեն»:

Արքան ու Վասակը զորահանդես կազմակերպեցին Արտաշատում: Մեծ ու եղակի զորահանդես էք դա, որովհետև այս ճակատամարտը մղվելու էր երկրի սլատիվը փրկելու համար:

Արքան նստած էր սպիտակ նժույգի վրա, կրծքին՝ արծաթազօծ զրահ ու վագրի մորթի: Նրա առջևից անցան վաթսուն հազար միաբան ու միասիրտ հայ մարտիկներու Այրուձի ու հետևակ: Գունդ առ գունդ՝ Վաշտ առ վաշտ Ամեն մեկն իր գրոշով ու զինանշանով՝ Վահանավորներ՝ համակ երկաթից շինած, թեթևակի ուռած, երիզավոր ասպարներով, նիզակավորներ ու մկնդավորներ՝ փոքր նիզակներով, որ բռնաքարի պես ձեռքով են նետում, աղեղնավորներ՝ կա-

պարճի մեջ լցված նետերով, պարսավորներ՝ մորթի երկար կրկնածալ պարսատիկով և մերկեր՝ անզրա՛ զինվորներու Անցնում էին խոտորկտուրների հագած՝ առիշեղ կտրված ստորոտով, գունազույն ժապավեններով երիզված պարեգոտներ, որ հասնում էին մինչև ծնկները, առջևը՝ կարճ, ետևը՝ երկար, որպեսզի հեշտանար քայլելն ու հծծելութունը: Անցնում էին հեծյալներ՝ գեղարդը աջ ձեռքներին, ձախով՝ ձիու սանձը բռնած, մեջքներին՝ խաչածև կովանով երկսայրի պողպատե սուր կամ թուր, գոտու մեջ՝ տապարներ խրած, գլխներին՝ երկաթե կնգաձև սաղավարտներ, որոնցով զանազանվում էին զինվորական աստիճանները: Եվ ամբախը, հատկապես երեխաները, մեծ հաճույք էին ստանում նրանց տարբերակելով, որովհետև, ամեն մեկի վրա առանձին ուշադրութուն դարձնելով, կարծես ավելանում էր բանակի թիվը: Հասարակ զինվորների սաղավարտների վերին ծայրն ազիզ էր կամ դեպի ետ ծոված, զորապետներինը՝ առաջ շրջված ու ստվար, իսկ իշխաններինը՝ խորանածև կամ գմբեթարդ, վրան՝ սեպհական տարբերանշաններ: Զինվորների՝ կարաններով ազուցված զրահները երկաթից էին, զորագլուխներինը՝ պղնձից: Մերկերը հագել էին լայն, երկար ու թանձր տառատոկներ, որ դիմացկուն էին խոնավության հանդեպ:

Այնքան մետաղ էր հայտնվել քաղաքում, որ զենքերը կարծես երկնքից խլել էին արևի լույսը և կուտակել իրենց մեջ:

Մարդկային հեղեղը անընդհատ հոսում էր ամբոխի ու արքայի առջևով և ձգվում գեպի Տափերական կամուրջը: Քնում էին իրենց թագավորների անարգված սեկորներին տեղ դառնալու, գերութունից ու պանդխտութունից քզատելու: Ոչ մի ծպտուն չէր լսվում, ոչ մի ոգևորիչ բացականջութուն, ոչ մի խրախուսական խոսք, միայն՝ ստնածայներ, որ ասես գետնի խորքերից էին բարձրանում և ալիք առ ալիք լցվում քաղաքի բոլոր անկյունները: Մարդկային այդ սահմակեցուցիչ լությունը կարծես հանդիսավոր երդում լիներ, որ ամեն մեկը տալիս էր կնոջը, հորն ու մորը, զավակին, արքային ու աստծուն: Ու երբ զինվորները հեռացան և արքայի ու ամբոխի առաջ մնաց մերկ սալահատակը, ոչ ոք



չշարժվեց տեղից, դեռևս ուշադիր ականջ էին դնում հեռավոր ոտնաձայներին: Հետո արքան դանդաղ քշեց ձին, գնաց հակառակ ուղղությամբ, գեպի միջնաբերդը: Արքան էլ, ձին էլ՝ գլխիկոր: Քաղաքում լսվում էր միայն սմբակների միապաղաղ ձայնը:

Արքան անցավ լուռ ամբոխի միջով, կռահելով, որ մենության զգացումը պատել է ոչ միայն իրեն, այլև այս հազարավոր մարդկանց և որ ամբոխի մենակությունը շատ ավելի ծանր է, քան թե անհատինը:

Մի քանի օր անց ավետիտ եկավ, ու ամբողջ երկիրն իմացավ, որ Վասակ սպարապետը գլխովին ջարդել էր պարսկական բանակը, ազատել բյուրավոր գերիների, խլել արքունի գանձերը ու անպատվությունից փրկել հայ թագավորների հիշատակը:

Քաղավորների ոսկորները թաղեցին Այրարատ գավառի Աղձք գյուղի մոտ, Արագած լեռան նեղ և դժվարամուտ խորշերից մեկում:



Ամբողջ մայրաքաղաքը թափվել էր փողոցները և պատուհաստվում էր ցնծությամբ դիմավորելու հաղթանակած զինվորներին: Սալահատակը ծածկված էր գորգերով, կարպետներով ու ժադիկներով: Տների առջև բացված էին սեղաններ, որոնք պայթում էին առատությունից:

Սա այն հազվադեպ օրերից մեկն էր, երբ իմն ու քոնջ շկար, կար ամեն ինչից վեր կանգնած մարդկային մի համերաշխություն, մտքերի ու հույզերի զարմանալի մի ընդհանրություն:

Այդ օրը քաղաքում շկատարվեց ոչ մի անկարգություն, շեղավ ոչ մի գողություն, չհնչեց ոչ մի վիրավորական խոսք, ոչ ոք ոչ մեկից չնեղացավ, ոչ ոք չհիշեց հին ընդհարումները, և թշնամի հարևանները գրկաբաց հանդիպեցին իրար, հազարավոր ոտքեր ոչ մի խոտ անգամ չտրորեցին, ոչ մի ծաղիկ չճխվեցին:

Այդ օրը ոչ մեկը սեփական անուն չունեիր, չունեիր առան-

ձին ծննդավայր, շուներ մշուաներից ջոկվող կենսագրութուն,
մշուաներից տարբերվող բնավորութուն: Այդ օրը բոլորը
հայ էին:

Ձորքը վերադարձավ նույն Տափերական կամրջով: Ձորա-
հանդեսի նախկին փայլը չկար, ինչպես նաև՝ շարքերի կա-
նոնավոր դասավորվածութունն ու կարգապահութունը:
Հոգնած, ուժասպառ զինվորներ էին, պատառոտված ու
փոշոտ զգեստներով, երկար ճանապարհ կտրած ու կովից
ձանձրացած: Փոխադարձ անհաղորդութուն կար ամբոխի ու
զորքի միջև: Ամբոխը չէր նկատում, որ ոգևորութունն իս-
պառ բացակայում էր զորքի մոտ, իսկ զորքն էլ, իր հերթին,
չէր զգում ամբոխի հրճվագին ցնծութունը: Ամեն մեկն իր
համար գոյութուն ուներ:

Մեծ եղավ, սակայն, բոլորի տարակուսանքը, երբ տեսան,
որ չկար տոնի հիմնական հերոսը, որին ամբոխը պիտի
մեծարեր ամենքից ավելի: Զկար սպարապետը:

— Կեցցե՛ սպարապետը, — գոչում էր ամբոխը, տենչալով
այն պահը, երբ հսկա ձիու վրա կերևա փոքրամարմին զորա-
վարը, որի կարճ ոտքերն ու կարճ ձեռքերը նույն այդ ամ-
բոխը չէր փոխի աշխարհի ոչ մի գեղեցկության հետ:

Հազարավոր անանուն հերոսներ էին անցնում բազմու-
թյան առջևով, հազարավոր կտրիճներ, որոնք հոժարակամ
գնացել էին երկրի պատիվը փրկելու, գնացել էին տուն ու
տեղ անտեր թողած և վերադառնում էին կորցրած իրենց
ընկերներին ու հարազատներին, որոնք անգերեզման ընկած
են մարտի դաշտում, անցնում էին նոսրացած շարքերով,
և նրանց գեներն այլևս ընդունակ չէին խլելու արևի լույսը:

Իսկ ամբոխը անուն էր ուզում, ուզում էր ընդամենը մի՛
մարդու, որին կարելի էր սիրել կամ ամբողջ մեղքը նրա
վրա բարդել: Որովհետև չէր կարողանում իր սերն ու ատու-
թյունը տարրալուծել հաղարների մեջ, ընդունակ չէր հա-
զարների մեծարելու կամ մեղադրելու: Նրան որոշակի մի
դեմք էր պետք, տվյալ դեպքում՝ կարճ ոտքերով ու կարճ
ձեռքերով մարդը, որը չկար ու չկար:

Հազար ու մի վարկած տարածվեց մայրաքաղաքում,

ուրախ և տխուր լո ընր, որոնցից ոչ մեկը, սակայն՝ չէր համապատասխանում իրականությանը:

Իսկ իրականությունն այն էր, որ սպարապետը աննկատ էր եկել մայրաքաղաք ու մտել միջնաբերդ: Եվ հիմա այլալված կանգնած էր արքայի առջև:

Նա երբեք այսքան հոգված չէր եղել: Հաղթանակի ոչ մի ուրախություն չկար դեմքին, միայն՝ տազնապ և իրարանցում: Քաղաքում կազմակերպված տարերային ցույցը բազմաթիվ շէր խոսում սրտին: Զայրույթից մոռացել էր հոգնությունը և կուշտ քնելու երազանքը: Անընդհատ հայհոյում էր, լուտանքներ թափում և պառավական անեծքներ տեղում ինչ-որ վերացական հասցեով: Նույնիսկ պատշաճ կարգը չպահպանեց, գլխի շտվեց արքային, ոչ էլ արձագանքեց նրա անկեղծ գրկախառնությունը:

Արքան առաջին անգամն էր այսպիսի վիճակում տեսնում իր սպարապետին, հատկապես՝ պալատում, որտեղ նա ամենքից հեզ ու խոնարհ մարդն էր դառնում, նույնիսկ՝ մի տեսակ անօգնական ու անպաշտպան:

Արքան հասկացավ, որ, ուրեմն, դրսի աղմուկն ու ցնծությունը դատարկ բաներ են, որ ձակասամարտը զեռ չի վերջացած սպարապետի համար:

Ի վերջո, նրա հայհոյանքներից ու անեծքներից նա մի կերպ իրար կցմեցեց բառերը, դժվարությամբ շաղկապեց ու գլխի ընկավ, թե ինչ ծանր գուժ էր բերել սպարապետը:

Նրա եղբայրները՝ Վարդան ու Վահան Մամիկոնյանները, ինչպես նաև սիրուն Մերուժան Արծրունին, ուրացել էին իրենց հավատը, հրաժարվել քրիստոնեությունից և ընդունել մուղղեզանց կրոնը: Քանզի, ավերել էին եկեղեցիներն իրենց աշխարհներում և ատրուշաններ կառուցել, երկրպագելով արեգակին ու կրակին:

Արքան սփրթնեց, կատաղեց ու կորցրեց իրեն: Նա էլ միացավ սպարապետին, և հիմա երկուսով սկսեցին հայհայել ու անիծել: Ինչ-որ ծիծաղելի ու սարսափազդու բան կար երկրի այս երկու ամենահզոր մարդկանց ցասման մեջ: Կարծես մրցում էին, թե ում հայհոյանքն ավելի սուր և գիպուկ կլինի և ում անեծքը՝ ավելի ահավոր:

Արքան սպառնում էր, որ կջարդի, գետնին կհավասարեց-
 նի նրանց աշխարհները, բնաշինչ կանի Մամիկոնյան ու
 Արծրունյաց տոհմերը, ամենափոքր մանուկին անգամ չի
 խնայի: Եվ, կատաղության մոլուցքի մեջ, հրամայում էր, որ
 այդ բանը սպարապետն ինքն անի, հենց հիմա՛, հենց ա՛յս
 ակնթարթին: էլ ինչի՞ է հասպաղում, ինչո՞ւ չի շտապում,
 ինչի՞ է սպասում: Թող ոչ միայն սպանի, այլև զուխները
 կտրի, դնի ցցերի վրա ու ման ածի ամենուրեք, մտնի բոլոր
 շեններն ու ավանները, իսկ հետո ուղարկի Տիղբոն, որպես
 նվեր արքայից արքա Շապուհին: Չէ, Մերուժանին սպանել
 պետք չէ: Թող իր մոտ բերեն նրան: Կենդանի՛: Արքան իր
 իսկ ձեռքերով պիտի լուծի վրեժը: Ինքը պիտի թափի նրա
 արյունը: Այդ հաճույքը նա ոչ ոքի չի գիշի: Թող շնեղանա
 սպարապետը, բայց այս մեկը իրենն է, բոլորը նրանն են,
 բոլորը, բացի այս մեկից: Սկզբում զրույց կանի նրա 4եւս,
 թույլ կտա, որ նա արդարանա, կհիանա նրա խելացի ու
 ճարպիկ փաստարկներով, նրա արքայական կեցվածքով, նրա
 գեղեցիկ ու առնական արտաքինով, մեծ սեղան կբացի նրա
 պատվին, կնստեն միայն իրենք, երկուսով, կուշտ ու կուռ
 կուտեն, կխմեն, և արքան հանկարծակի կանի այդ բանը:
 Կձգի հաճույքը: Մի անգամ ևս կհամոզվի, որ ինքը սիրում
 է նրան, սիրում է յուրովի, մի տեսակ խանդոտ սիրով,
 բարձր գնահատում նրա խելքը, ափսոսում, որ հավատարիմ
 նախարարները մեծ մասամբ բուրձ են և միայն իր թշնամին
 է խելացի, և այդ ինքնախոստովանությունը է՛լ ավելի կսրի
 վրեժի քաղցրությունը: Կսպանի ամենաանպատեհ, ամենա-
 անսպասելի պահին, ամենասիրալիր խոսակցության ժամա-
 նակ, երբ, ասենք, խոսում են եղանակից կամ գինու մասին
 կարծիք հայտնում: Ու առաջին անգամ կյանքում չի սոսկա
 թափված արյունից, չի մաքրի կեղտոտված ձեռքերը:

— Բայց դա իմ տոհմն է,— հանկարծ, իրենց իսկ ստեղ-
 ծած աղմուկի մեջ, տարօրինակ կերպով շնչաց Վասակը:—
 Մամիկոնյաննե՛րը, արքա:

Արքան սսկվեց: Թափը կոտրվեց: Գլխին կարծես սառը
 ջուր թափեցին: Ամեն ինչ մտքովն անցնում էր, բացի այս
 մի հանգամանքից, էլի խաբեցին իրեն, էլի հիմարացրին և,

սպարապետի տոհմակիցց լինելով, է՛լ ավելի ծանրացրին իրենց մեղքը: Նրանց ազգակցական կապը հերթական խորամանկութուն էր թվում արքային, Վարդանի ու Վահանի նենգ և ստոր խորամանկութիւնը: Վասակին առաջ գցած, ուզում են պաշտպանվել նրա թիկունքում: Իսկ սպարապետի թիկունքն էլ, փառք աստօ՞ն, մի հսկայական սար է, որի ետևում արքան էլ է իրեն անվտանգ զգում:

Ծթն այդպես է, ուրեմն, առավել ևս նրանք պետք է քաակեն: Արքային խեղճացնելո՛ւ համար: Սպարապետին զինաթափ անելո՛ւ համար: Ծվ արքան իր գազազուժյան մեջ չզգաց, թե ինչպես առաջնային մեղքը դարձավ նրանց ազգակցութիւնը և հետո միայն՝ հավատուրացութիւնը:

— Թույլ տուր միայն երկուսին, արքա, — հանկարծ ծնկաչոք խնդրեց Վասակը: — Մնացածներին ձեռք չտաս:

Հաղթանակով վերագարձած սպարապետի աչքերում արքան երկու կաթիլ արցունք նշմարեց: Արցունք՝ իրենց տոհմի Մեծ Տիկնոջ և իր մոր համար, իր եղբայրների զավակների, նրանց կանանց ու երեխաների համար, հենց Արծրունյաց տոհմի համար, սրին Տիրան թագավորի օրոք մի անգամ էլ են բնաջինջ արել, և միայն մեկն է փրկվել ամբողջ տոհմից, Մերուժանի հայրը՝ Շավառ: Կը: Ծվ ո՞վ է փրկել: Բախտի ծա՞ղրը տես: Որովհետև էլի Մամիկոնյաններից մեկն է եղել վերջին արու զավակի, հետևաբար և ամբողջ գերդաստանի փրկարարը: Ծվ բախտի իսկական ծաղրը դու հիմա տես, հիմա՞, երբ տարիներ անց Վասակ Մամիկոնյանն իր ձեռքով պիտի բնաջինջ անի նույն այդ տոհմը:

— Մնացածներին ձեռք չտաս, — նոր գլխի ընկնելով ամբողջ արհամարիքը, կտրուկ սոսթի ելավ սպարապետը և, առանց քաշվելու, սպառնալիքով ավելացրեց. — Իսկ ով ձեռք կտա, ինձ հետ գործ կունենա:

— Ծա շեմ կարող մերժել հաղթանակ տարած սպարապետի խնդրանքը, — սա միակ հարմար պատասխանն էր, որ նրան թույլ էր տալիս բանի տեղ չդնել Վասակի սպառնալիքը:

— Ծվ Արծրունիներին էլ չդիպչես, — համարձակորեն պահանջեց Վասակը: — Միայն Մերուժանին, ուրիշ ոչ ոքի:

— Բաշխում եմ, — կատակի տվեց արքան, որպեսզի ստիպված չլինեիր վերաբերմունք ցույց տալ սպարապետի անպատշաճ տոնին:

— Ընդամենը երեք հոգու, — համառորեն ճշտեց Վասակը:

— Երե՛ք, երե՛ք, — ժպտաց արքան և սկսեց թվարկել. — Մերուժանին...

— Անունները շտաս, արքա, — ընդհատեց նրան Վասակը:

— Ներիր, սպարապետ, — մռայլվեց արքան, մոտեցավ նրան, լուռ կանգնեց նրա դիմաց, ու երկու հասուն տղամարդիկ հանկարծ ամուր զրկեցին, փաթաթվեցին իրար, զգալով, թե ինչպես մի ակնթարթում կարող էին թշնամանալ ու հավիտյանս կորցնել իրար, թե ինչպես երկուսն էլ, հակառակ իրենց կամքի, ստիպված են դավաճանել իրենց սկզբունքներին ու գաժանութուն գործել, թե ինչպես ժամանակը քո անձը խլում է քեզանից և խաղալիք դարձնում իր ձեռքին, թե ինչպես տարած հաղթանակդ հենց մի վայրկյանում պարտությամբ է փոխարինվում և, վերջապես, թե ինչպես հայի համար անիրական ու անցավոր են ամեն ինչ. հաղթանակ և պարտություն, երջանկություն ու դժբախտություն, հարստություն և աղքատություն, փառք ու իշխանություն...

Վասակը, որքան էլ լարում էր հիշողությունը, միևնույն է, չէր մտաբերում, որ Մամիկոնյան գերդաստանից որևէ գավաճան ծնված չէին: Ընդհակառակը, երկրի բախտը միշտ էլ նրանց անվան հետ է կապված եղել: Այդ նրանք են իրենց գործերով փառաբանել հայ զենքի ուժը, հայ ոգու աննկունությունը, այդ նրանք են օրինականացրել ապրելու, գոյատևելու պնդերեսությունը: Իսկ հիմա՝ միանգամից երկու գավաճան՝ ամբողջ տոհմի մի տանուտեր և բանակի մի զորապետ: Ըստ որում, ոչ թե սովորական դավաճաններ, որոնք, այնուամենայնիվ, հայ են մնում, թեկուզ վատ հայեր, բայց և այնպես՝ հայ, այլ հավատն ու ազգությունն ուրացողներ: Թե կարող ես, մի գազազիր, մի կատաղիր: Չէր կարողանում և գազազում էր, կատաղում: Պատկերացնում էր, թե լուրն ինչպես է տարածվում երկրով մեկ, մտնում ամեն շեն ու ավան, ամեն խրճիթ ու քարանձավ, ինչպիսի անեծքներ են տեղում իր գերդաստանի գլխին: Թե կարող ես, խեղճ Մամ-

զոն նախահորդ մի անիծիր: Չէր կարողանում և անիծում էր: Պատկերացնում էր նաև, թե ինչպիսի հեշտությամբ են մոռացվում թե՛ իր բոլոր հաղթանակներն ընդհանրապես, թե՛ նույնիսկ այս մեկը, ամենավերջինը, որի առթիվ դեռ ցնծում է անտեղյակ մայրաքաղաքը, իր անունը՝ դրոշակ և իր տոհմը՝ աղոթքի ու օրհնանքի արժանի նյութ դարձրած: Թե կարող ես, մի խելագարվիր: Չէր կարողանում և խելագարվում էր: Նաև պատկերացնում էր, թե ինչպես են մոռացվում Մամիկոնյանների բոլոր բարի գործերը, ինչպես են ուրանում վաչե զորասպետին ու նրա փայլուն հաղթությունը Ցուլի Գլուխ լեռան մոտ՝ մասքութների թագավոր Սանեսանի դեմ, գետնին հավասարեցնում իր նախորդների մեծագործությունները: Թե կարող ես, մորդ արգանդը մի նզովիր: Չէր կարողանում և նզովում էր:

— Եթե ուզում ես՝ ոչ մեկին,— սրտանց նրան կարեկցեց արքան ու փորձեց թեթևացնել նրա վիշտը:— Շատ բան կուլ ենք տվել, այս մեկն էլ կուլ կտանք:

— Ո՛չ, երեքի՛ն,— չգիտես ինչու, բորբոքվեց սպարապետը:— Միա՛յն երեքին:— Եվ այս անգամ ինքը արտասանեց նրանց անունները:— Վարդանին, Վահանին ու Մերուժանին:

Ու դուրս փախավ:

Արքան մոտեցավ բաց պատուհանին, երկար նայեց ուրախությունից խենթացած քաղաքին ու մտածեց, որ ժամանակն ու աստված բնավ իր հետ չեն: Երես են դարձրել հայերից: Ու եթե հայերը դեռևս ունեն փրկության թեկուզ և հեռավոր մի հույս, ապա դա այն է, որ նրանք դեռ չգիտեն այդ մասին: Եվ որ նրանց փոխարեն, այդ մասին գիտե միայն արքան: Վայ այն օրվան, հազար վայ, երբ կիմանան:



Տայքի գավառում, իր ամուր բերդի տակ, որ կոչվում էր էրախանի, տանուտեր Վարդանը վրան էր զարկել և, մինչև գոտկատեղը մերկացած, գլուխն էր լվանում:

Վաղուց է, ինչ այսքան ուրախ և առույգ չէր եղել: Որով-

Պետևն պարզվել էր, որ հավատափոխութիւնն այնքան էլ տարտափելի բան չէր, որքան կարծում էր: Եվ հասկացել էր նաև, որ այս աշխարհում ամեն քայլ թույլատրելի է, ամենաառաքինի արարքից մինչև ամենաստորը, ըստ որում՝ ոչ թե թաքուն, այլ բացահայտ ձևով, միայն թե՛ բացատրութիւն ունենաս: Քրիստոսին նա չէր տեսել, որպեսզի իմանար, թե ում է հավատացել և ումից է հրաժարվել, իսկ արեգակին ամեն օր տեսնում է սեփական աչքերով: Սա՛ մեկ: Ո՛րն է լավ, քրիստոնեյա մնալ և վերանա՛լ աշխարհի երեսից, թե՛ զրազաջ լինել ու մարդավարի ապրել բարբի նման: Հետաքրքիր է ի՞նքը ինչ կասեր, ի՛նքը, Քրիստոսը: Եթե արդարամիտ է, կասեր, որ խանգարում է մեզ: Գուցէ օգնում է սիրիշնեքին, օրինակ, բյուզանդացիներին, բայց հայերին խանգարում է: Իսկ եթե պահանջեր, որ թեկուզ մահվան զնով էլ պետք է ժփայն իրեն պաշտեն, էլ ի՛նչ աստծո սրդի: Սա՛ երկու: Ինչո՞ւ հայը պիտի հրեային պաշտի, այդ ո՞ր օրենքով: Էլ ի՛նչ աստծո սրդի, եթե ազգութիւն ունի: Իսկ կրակը ազգութիւն չունի: Իսկ արեգակը ազգութիւն չունի: Սա էլ՝ երեք: Բայց սքա՛ն անքուն գիշերներ էր անցկացրել տանուտեր Վարդանը, որքա՛ն էր տանջվել վերմակի տակ, որքա՛ն էր աղոթել ու Քրիստոսին օգնութեան կանչել, քանի որ առայժմ նա էր իր պաշտամունքը, որքա՛ն էր լարել, շարջարել և հոգնեցրել աղեղը, մինչև որ երեսի զոռով գտել էր առարկութիւն չվերցնող իր բացատրութիւնը, այն էլ ոչ թե մեկը, այլ միանգամից երեքը:

Նա սմբակների ձայն լսեց ու ձիերի խրխինջ: Առանց մեջքն ուղղելու, մի կողմ տարավ աչքերին ընկած մազափունջը ու տեսավ, որ բլրի գագաթից մի խումբ ձիավորներ էին իջնում: Նրանց մեջ էին Վասակը, Մուշեղը և Սամվելը: Վարդանը շարունակեց լվալ գլուխը ու մտածեց, որ եղբայրը երևի գալիս է քարոզ կարդալու նպատակով, բայց նրա մտքովն իսկ չի անցնում, որ ինքն արդեն գտել է իր երեք բացատրութիւնը: Ինչքան էլ իրեն հայհայի ու վատաբանի, միևնույն է, ինքը սիրում է միջնեկ եղբորը: Թող իմանա, որ ինչքան շատ այպանի ու վիրավորի, այնքան ավելի է սիրելու

Երան: Ի հեճուկս նրա: Լենց նրան հակառակ: Տեսնենք
ի՞նչ պիտի հակադրի իր սիրուն:

Վասակը, Սամվելը և Մուշեղը մի փոքր ետ ընկան, իսկ
զինվորները, որ զգեստների տակ զենք էին պահել, արա-
գացրին նժույզների վազքը, վրա հասան ու, սրերը մեր-
կացրած, հարձակվեցին Վարդանի վրա: Վարդանը բան
չհասկացավ, շհասցրեց բացատրություն գտնել, միայն սար-
սափով զգաց, որ գլուխն այլևս երբեք չի կարողանա բարձ-
րացնել: Ճշաց ու բերանքսիվայր ընկավ կեղտաշրթի մեջ:

Բերդում, բազմոցին նստած հղի կինը լսեց ամուսնու
ճիշդ ու դուրս վազեց: Լենց վազելիս էլ սկսվեց նրա երկուն-
քը, ու նա մի արու զավակ ծնեց, որին հետագայում, ի հիշա-
տակ հոր, Վարդան կկոչեն:



Մինչ այդ, ձիավորներն արդեն ետ էին վերադառնում:
Ձիավորներն ուրախ-ուրախ գրուցում էին և ինչ-որ զվարճալի
բան պատմում միմյանց: Գեղեցկուհի Ջարմանուհա ու նրա
կոտորավոր ամուսնու մասին:

— Հայրենիքը երբեք չի մոռանա քո արարքը, հորեղբայր:

Սամվելն էր: Եթե այդ երկու խոսքը շասեր, սիրտը
կպայթեր նեղությունից: Եթե իր հիացմունքը շարտաճայտեր,
կխեղդվեր կոկորդում կուտակված բառերից, բայց ասաց ու
անմիջապես հեռացավ: Գրեթե փախավ: Որովհետև զիտեր,
թե իրեն ինչ օրի կզցեր հորեղբայրը: Ջարմանալի բան:
Հայրենիքի համար ինչ ասես չէր անում սպարապետը, բայց
տանել չէր կարողանում այդ բառը: Իսկ Սամվելին, ընդհա-
կառակը, խելքահան էին անում այդ ութ քաղցր հնչյունները:

Մուշեղը հազիվ էր լացը զսպում և զղշում էր, որ լսեց զար-
միկին ու նրա հետ միասին գաղտագողի հետևեց սպարապե-
տի ջոկատին: Շան հոտառություն ուներ այդ Սամվելի: Գի-
տեր, թե որտեղ ինչ է կատարվում: Մանեն տեղ խոթում էր
քիթը և Մուշեղին էլ հետը քարշ տալիս: Մուշեղը երազում
էր մի թաքուն անկյուն քաշվել և ազատություն տալ ար-
ցունքներին, սակայն Սամվելն անընդհատ բոթում էր կողքից

և ըթի տակ մոթմոթում, որ հայրենիքի զինվորը իրավունք չունի կնավարի լաց լինելու:

Սամվելը տարակուսանքի մեջ էր, թե ինչու իրենց այլևս չեն քշում ջոկատից: Կուհեյ, որ, ըստ երևույթին, սպարապետը հրաժարվել էր մյուս եղբոր մոտ գնալու մտքից: Երևի թափված արյունը սառեցրել էր նրա վճռականությունը: «Ծերուկի բախտը բերեց» — մտածեց նա հոր մասին: Հոր հաշիվներն ինքն անձամբ կմաքրի: Առանց Վարդանի նա շատ կխեղճանա ու չի համարձակվի բացահայտ գործողությունների դիմելու: Սամվելը կթանդի նրա կառուցած բոլոր ատրուշանները, կքշի պիղծ մոգերին և հարց կստիպի ծնկաչոթ ներողություն խնդրել արքայից:

Իսկ Վասակը մի անավոր դատարկություն էր զգում: Նա ամեն կերպ ճգնում էր ինչ-որ բանով լցնել այդ դատարկությունը, հաղթահարել այն սպանիչ անտարբերությունը, որ հետզհետե կուլ էր տալիս նրան և համահարթում ամեն ինչ: Հիմա նա կարող էր հեշտությամբ պարսիկների կողմն անցնել: Կարող էր, հենց այնպես, բյուզանդացիներին միանալ: Կարող էր նաև արքային հավատարիմ մնալ: Ոչ մի տարբերություն այդ երեք վիճակների մեջ: Կարող էր պերճախոս դառնալ և Սամվելի նման գեղեցիկ ճառել հայրենիքի մասին: Նույնիսկ այդպիսի ցանկություն հանկարծ ծագեց նրա մեջ: Եվ անգամ մտքովն անցավ Վահանին այցելել, իր կրտսեր եղբորը, ու մի քանի օր հանգստանալ նրա մոտ:

Վերջապես, ինքնաթերաբար գտնվեց էլքը: Ամենահեշտ և ամենապարզ ձևով: Առանց նախապես ծրագրելու, առանց որևէ ճիգի: Նա պատմուճանի ներքին գրպանից պարզապես հանեց իր սարքած փայտե փոքր արձանիկները և մեկ առ մեկ գցեց ձորը: Ու այդ օրվանից այլևս ոչ ոքի հուշանվեր չտվեց:

Պատմիչն ասում է, որ Վասակ սպարապետը կովեց Վին պարսիկի, Անդիկան զորավարի, Հազարավուխտ նախարարի, Դմավունդ Վսեմականի, Մոզաց Հանդերձապետի, Գումանդ Շապուհի, Դեհկան Նահապետի, Սուրեն Պահլավի, Զիկ Պատվիրակապետի, Արշակունի Հրեշողումի և դեռ շատ

ուրիշների դեմ, ջարդեց, կոտորեց բոլորին և սինթորներին
գուրս շարտեց երկրի սահմաններից:

Բայց ոչ մի խոսք արձանիկների մասին: Իբր թե այդ-
պիսի բան չէր էլ եղել:

Գլուխ քսանհինգերորդ

— Վատ ես ապրում, Վեհափառ:— Հայր Մարդ-
պետը ափսոսանքով տարուբերեց գլուխը և անկեղծ խղճա-
հարուժյամբ նայեց Ներսեսին:— Իմ ծառաներն անգամ
ավելի լավ սենյակներ ունեն, քան դու:

Նրա սւշադիր, քննախույզ հայացքը, առանց հետաքրք-
րասիրությունը մազաչափ իսկ թաքցնելու, զննում էր Վեհա-
փառի ու նրա շուրջը կանգնած հոգևորականների անսլանույճ
զգեստները և եպիսկոպոսական կացարանի համեստ կահա-
վորանքը:

Նա չէր պատկերացնում, ոչ մի կերպ գլուխը չէր մտնում,
թե ինչպե՞ս կարելի է Գեկայական հարստության տեր լինել,
ունենալ ընդարձակ կալվածներ Այրարատում, Դարանաղի-
ում, Եկեղյաց աշխարհում, Տարոնում, Բզնունիքում ու Սոփ-
քում և այսքան խեղճ ապրել: Այդ մի բանը նա չէր կարողա-
նում ներել կաթողիկոսին, և նրան թվում էր, թե այս անջուր
վեհարանը անձնական վիրավորանք էր իր, ինչպես նաև
ամեն մի քիչ թե շատ կարգին մարդու հասցեին:

Նա ավելի քան վստահ էր, որ ընդունարանի երկրորդ
գոանը կախված վարագույրից այն կողմ, օտար աչքերից
հեռու, փառահեղ շքասենյակներ կային, որոնք նախատես-
ված էին միայն մտերիմ ու հավատարիմ ժարդկանց հա-
մար: Տա աստված, որ այդպես լիներ: Այդ գեպքում Հայր
Մարդպետը նույնիսկ կհարգեր նրան, որովհետև փարիսեցի-
ությունն ավելի նախընտրելի էր, քան թե այս խեղճութունը:

— Այդ ո՞ր քամին քեզ բերեց, Հայր Մարդպետ,— Ներ-
սեսը շկարողացավ թաքցնել արհամարհանքը ու, խախտե-

լով պատշաճ վարվելակարգը, նրան նույնիսկ շնրավիրեց նստելու— Ինչո՞ւ հանկարծ հիշեցիր ինձ:

— Պատերազմի տարիները ժանր են նստում, Վեհափառ,— ժպտադեմ պատասխանեց Հայր Մարդպետը, և նրա կապույտ, շատ կապույտ ու բարի աչքերը ամոթխածորեն խոնարհվեցին:— Ես էլ եմ ուզում, բոլորի նման, կողմնորոշվել: Իսկ կողմնորոշվելիս անհնար է մեղքերի մեջ շթաղվել: Եթե իմանայիր, որքա՛ն մեղքեր ունեմ, Վեհափառ... Իմ ներկայությունն անգամ սրբապղծում է քո տաճարը:

— Բայց դու շպատասխանեցիր իմ հարցին: Ինչո՞վ արժանացա քո տեսությանը:

— Կարո՞տը, Վեհափառ, սուրբ վայրերի կարո՞տը... Սա փորձեցի ինձ համոզել, որ եթե շփվեմ այս պատերի հետ, մեղքերիս մի մասը կթոթափեմ: Բայց ես շատ ծեր եմ, և նույնիսկ ի՛նձ համար դժվար է իմ անձը խաբել:

— Եթե այդպես է, իմ ծառաները մինչև դարբասը կուզեկցեն քեզ:

Հայր Մարդպետը գոհ էր խոսակցության ընթացքից: Նրան անշափ ձեռնտու էր ամենայն հայոց կաթողիկոսի անհարգալիր ու վիրավորական վերաբերմունքը: Ներսեսը բոլորովին չէր կասկածում, որ իր վարքագծով փաստորեն օգնում էր Հայր Մարդպետին և նրան մոտեցնում նպատակին: Որքան ավելի գրգռեն ու համբերությունից հանեն իրեն՝ ծեր աղվեսին, այնքան շուտ նա միջոցներ կգտնի իր ծրագիրն իրականացնելու և այնքան ավելի կթաղցրանա վրեժխնդրության հաճույքը: Այլապես, ազնվության մասին ունենալով իր ուրույն պատկերացումները, նրա համար բավական դժվար կլինեիր անմեղ տեղը գոհել մարդուն:

— Բայց ինչո՞ւ ես այսքան խեղճ ապրում, Վեհափառ,— ի պատասխան Ներսեսի վերջին խոսքի, որ փաստորեն նշանակում էր քաղաքավարությամբ դուրս հրավիրել նրան, հանկարծ նորից նույն հարցին վերադարձավ Հայր Մարդպետը:— Այդ միտքը հանգիստ չի տալիս ինձ: Ես վաղը իմ շինականներին կբերեմ և կքանդեմ այս պատը...

— Ես գա՛հ եմ իմ վիճակից,— նրան ընդհատեց Վեհափառը,— և ավելին չեմ խնդրում աստծուց:

— Ծս դիտմամբ չզգուշացրի իմ այցի մասին, որպեսզի կարողանամ նախօրոք մտնել տաճարի ու վեհարանի բոլոր ծակուծուկերը: Տեսնո՞ւմ ես, իզուր շանցավ իմ հետաքրքրասիրությունը:

— Քո մտահոգությունն անտեղի է, իշխան: Մենք սովոր ենք այսպես ապրելու:

— Բայց սա անտանելի՞ նեղվածք է, Վեհափառ,— պոկ շէր գալիս շայր Մարդպետը, և նրա անհանգստությունը բոլորովին էլ շինծու շէր: Նա պատկանում էր այն մարդկանց թվին, որոնք իրենց տանը կարող են բծախնդիր շինել, բայց շափազանց սիրում են ուրիշի տան գործերին խառնվել, փոփոխություն մտցնել, քանդել, վերակառուցել, ըստ որում՝ մաքուր սրտով:— Մենք այս երկու սենյակները կմիացնենք, և դու մեծ ընդունարան կունենաս, — իր տարերքի մեջ ընկավ շայր Մարդպետը և, հիմնական նպատակը մի պահ մոռացած, տարվեց իր վառ ու հարուստ երևակայությամբ:— Ես կկարգադրեմ, որ մի գեղեցիկ շահ կախեն առաստաղից... Պատերի շահերն էլ կավելացնենք... Թե չէ սա ի՞նչ լուսավորություն է... Գորգերով կծածկենք գետինը... Մի՞թե կարելի է այսպիսի սառը հատակի վրա քայլել...

— Սա աստծո տունն է, իշխան, և ոչ թե պալատ:

— Բայց գու հարուստ ես, Վեհափառ: Ինձանից էլ հարուստ: Արդյոք չե՞ս կեղծում ինքդ քո առաջ: Եվ ակամա չե՞ս խաբում մեզ: Ապա սթափ մտածիր:

— Իմ հարստությունն ինձ չի պատկանում, իշխան:

— Գիտեմ, գիտեմ... Արքան հիացած է քո բարեգործություններով: Դու վերջապես լուսավորեցիր մեր երկիրը: Այդ ե՞րբ էինք այսքան գպրոց, այսքան հիվանդանոց, այսքան աղքատանոց տեսել այս խավար երկրում: Փոխարենը, գուքոնն, անշուշտ, ստացար, Վեհափառ: Ժողովուրդը քեզ կոչում է Մեծն Ներսես: Բայց արդյո՞ք քո հեղինակությունը սովոր չի փցում արքայի իշխանության վրա:— Եվ նրա գեմքը զարմանք արտահայտեց, թե ինչպե՞ս մինչև հիմա ոչ ոք չի կոահել այդ հանգամանքը:— Ես քեզ խորհուրդ կտայի, որ հենց ինքդ էլ այդ միտքը հուշեիր արքային: Քանի ինքը

գլխի շի ընկել: Եթե դու նրան կանխես համարիր, որ ուրեմն վտանգից պրծար:

— Գուցե դու ի՞նքդ հուշես,— քմծիծաղ տվեց Ներսեսը:

— Չէ, չէ, ինձ վրա հույս չդնես, Վեհափառ,— ձեռքերի շարժումով կտրականապես մերժեց Հայր Մարդպետը:— Որքան էլ խնդրես, ես շեմ կարող ձեր արանքն ընկնել: Ոչ էլ մտադիր եմ՝ քեզ կամ նրան լավություն անելու համար նոր մեղքեր բարդել ինձ վրա:

— Գուցե դու արդեն վերջացրի՞ր քո ասելիքը և ուղում ես հրաժե՞լտ տալ ինձ:

— Չեմ թաքցնում, որ ես ուզում եմ քո վստահությունը շահել, Վեհափառ: Մտածեցի, մտածեցի ու մի ելք գտա միայն: Եոստովանել մեղքերու Ծա հասել եմ մի տարիքի, երբ կարիք չունեմ մեղքերիս համար ամաշելու: Գուցե, ընդհակառակը, մեղքերով հպարտանա՞լն է իմաստություն:

— Ծա հաճույքով կլսեմ, իշխան: Միայն թե նախկին մեղքերդ մի՛ պատմիր: Նրանք քաջ ծանոթ են ինձ:

— Վերջին մեղքերու, Վեհափառ, վերջի՛ն: Եթե համբերությամբ լսեա, կսոսկաս նողկանքից և կխղճաս ինձ:

Ներսեսը Հայր Մարդպետին համարում էր արքունիքի ամենաարգահատելի մարդը: Հենց սկզբից խորապես հակակրել ու ամբողջ կյանքում երազել էր մի լավ ծեծնը նրան: Ոչ թե սրով կամ թրով կռվել նրա հետ, ա՛լ, այլ մերկ ձեռքերով, որովհետև ատելությանը հագուրդ տալու միակ հարմար ձևը դա էր: Զենքով բախվելը այն անմիջական, նախնական հաճույքը չէր պատճառի: Բայց Ներսեսը ընդամենը սենեկապետ էր եղել ու ցածրաստիճան զինվորական, իսկ Հայր Մարդպետը՝ արքունի ներքինապետ, արքայի մշտական խորհրդատուն, կանանոցի կառավարիչը, թագավորական կալվածների, գանձերի ու բերդերի պահապանը և հսկիչը: Իսկ այժմ, երբ վերջապես իր դիրքով շատ ավելի բարձր է նրանից, գրեթե՝ արքային հավասար, դարձյալ ձեռքերը կապված են, քանի որ հիմա էլ կոշո՛ւմը թույլ չի տալիս:

— Խոսիր, իշխան: Ծա ուշադիր լսում եմ քեզ:

— Արքան դժգոհ է, որ դու բացահայտ ցույց ես տալիս

բո բյուզանդասիրությունը: Ոչ միայն խոսքով, այլև գործով: Համաձայնիր, որ հայ եկեղեցին հունականին ենթարկելու քո փորձերը, մեղմ ասած, հակադրվում են արքայի քաղաքականությանը: Դու կհաշտվեիր՝ դրան, Վեհափառ:— Հայր Մարդպետը գերագույն բավականութուն էր ստանում բացե-
 իբաց մեղադրելով երկրի երկրորդ հզոր անձին, ըստ որում՝ ապահով դիրքերից, ուրիշի, հենց առաջինի անունից: Արա-
 մաղդն ու Քրիստոսը թող միասին վկայեն, որ դա հոգեկան ավելի մեծ բավարարութուն էր պատճառում, քան առաջին կամ երկրորդ անձ լինելը:— Արքան չի կարող շանհանգստա-
 նալ, որ օգտվելով Մեծի Գատավարության գործակալի քո պաշտոնից, դու փաստորեն միջամուխ ես լինում նախարարական տների փոխադարձ հարաբերություններին, այսինքն, իրավական գործունեության մենաշնորհն ես ստանձնել Հայաստանում: Նույնիսկ Արշակավան փախչող շինականներին ես հանդգնում դատել, բացեիբաց հակադրվելով արքային: Դու կհանդուրժեիր, Վեհափառ:— Ափսոս, որ Ներսեսի դեմքը ոչինչ չէր արտահայտում, ոչ տագնապ, ոչ լարում, երևի չէր ուզում, որ ծեր աղվեսը նկատեր նրա հոգու խռովքը: Բայց արդյո՞ք չէր կարելի թեկուզ հենց դրանից էլ գոհունակութուն ստանալ, Ինչպես էլ իրեն պահեր Ներսեսը, միևնույն է, Հայր Մարդպետը չէր զրկվի սիրտը հովացնելու հաճույքից:— Արքան չի կարող շտեմնել, որ եկեղեցին աշխարհիկ իշխանության է ձգտում, ցանկանում է մրցակցել արքունիքի հետ: Երկիրը լցվել է կանացահանդերձ տղամարդկանցով, որոնց իսկական տեղը պետք է բանակը լիներ, և ոչ թե վանքը: Մինչդեռ նրանցից ամեն մեկը յոթ բաժին հող ունի և դեռ տասանորդ ու պտղի է գանձում շինականից: Իսկ արքայի՞ն ինչ է մնում, բանակի՞ն ինչ է մնում... Մի խոսքով, եկեղեցին չի սատարում պետական կենտրոնացման քաղաքականությանը, ընդհակառակը, խանգարում է: Դու կուզ կտայիր, Վեհափառ:

— Բայց ես այդ բոլոր կավածներն ու իրավունքները ստացել եմ, ո՛չ թե խլել, — աչքերը փակեց ու թիկնակին հենվեց Ներսեսը, որպեսզի հնարավորին չափ հանգիստ պատասխանի ներքինում:

— Ստացել ես, Վեհափառ, իհա՛րկե ստացել ես: Ո՞վ է ասում, որ խել ես: Սակայն սրբան որ խելն էր հանցանք, հավատա, որ մի գեղեցիկ օր նույնքան էլ ստանալն է մեղք գաննում: Մի՞թե դու շեռ մտածել այդ մասին:

— Խոստովանանքդ շարունակիր, Հայր Մարգարեա, խոստովանանքդ: Տեսնեմ, կարո՞ղ եմ մեղքերիդ թողություն տալ:

— Ես ուզում եմ թշնամացնել քեզ ու արքային: Մի՞թե իմ այսքան անկեղծ խոստովանությունը բավական չէ, որ դու լիակատար վստահություն ունենաս իմ նկատմամբ: Ըստ որում՝ ձեր թշնամությունից ես անձամբ ոչ մի շահ չունեմ, Վեհափառ: Հավատա՛ ոչ մի շահ:

— Վերացական ոչինչ չի լինում, Հայր Մարգարեա: Գու մտքինդ ուսա, մտքի՛նդ:

— Մոռացել ես խոսքերս, Վեհափառ: Եվ շա՛տ իզուրս Դա աչն պահն էր, երբ դու ոչ աշխարհիկ հանդերձներ ունեիր հագիրդ, ոչ էլ եկեղեցական: Այդ պահը մոռացման արժանի չէ, ներսեա:

— Եվ դու ի՞նչ ասացիր ինձ:

— Մարդ պետք է ամեն ինչի արտներում ապրի: Հավատարմության և դավանանքության: Ստորության ու տուրքինության: Բարու և շարի: Հենց այդտեղ էլ նա կգտնի վերացականության ուժը: Անկախության իմաստությունը: Այլուպես կպատժվի իր ամեն մի քայլի համար, թե՛ լավ, թե՛ վատ: Ես վաղուց եմ այդ արանքներում ապրում, Վեհափառ:

— Իսկ ինչպե՞ս ես թշնամացնելու ինձ ու արքային: Եթե դու այդ շտաբս, խոստովանությունդ թերի կլինի, Հայր Մարգարեա, ու ես ոչնչով չեմ կարողանա քեզ օգնել:

— Իմ այս այցելությունից հետո, երբ մեկ առ մեկ տևա քո բոլոր կալվածները, ես արքային առաջարկելու եմ, որ ետ վերցնի եկեղեցուն նվիրած հողերը: Սրանից հետո քո բարեգործությունները թող կատարվեն այդ նույն հողերի հասույթներով, բայց արդեն նրա՛ անունից: Քեզ համար ի՞նչ տարբերություն, Վեհափառ, թե ում անունից են բարի գործերն իրականացվում: Դու հոգու իշխանավոր ես, իսկ

Ե
Նա՞ մարմնի: Ուրեմն, թող օյդ երկրային շահերը նրան հետաքրքրեն, և ոչ թե քեզ:

— Ի սեր աստօ՞, էլ մի խոստովանիր, իշխան,— հանկարծ մի տեսակ անպաշտպան դարձավ ներսեսը ու, վտանգի հոտն առնելով, այլևս չկարողացավ կեղծել ու այլալվեց:— Ես դեռ չսովորեցի ուրիշի մեղքերն իմաստությամբ լսել:

— Իսկ գու ի՞նչ ես կարծում,— իր անամոթությունից հաճույք զգալով, հարցրեց Հայր Մարդպետը,— արքային արգյսք քուք կգա՞ իմ առաջարկը: Ինձ, օրինակ, թվում է, թե պետք է գուր քա: Զէ՞ որ կենտրոնացած իշխանություն ստեղծելու համար, առաջել, քան երբեէ, մեծ հեզինակություն նվաճելու անհրաժեշտությունն է ծագում: Ավելին՝ անխառնափնիսությունը:

— Այս երկրում պիտի մարդասիրություն տիրե,— հոգնած ու ծեր մարդու պես, աչքերը կիսախուփ, ցածրաձայն առաջ ներսեսը:— Եղբայրություն... Սեր ու հարգանք մարգու հանդեպ... Գիտություն ու լուսավորություն... Եվ քո միջոցով, իշխան... Իզուր ես ժպտում... Քո՞ միջոցով, քո՞... Շուտով ինքդ էլ կհամոզվես դրանում...

— Ես պատրաստ եմ, վեհափառ: Բայց գու քո բարի գործերով մարտահրավեր ես նետում ժողովրդին, դիպչում ես նրա արժանապատվությունը, հիշեցնում նրա անզորությունն ու ունչությունը:

— Քո խոսքերը գուրկ են տրամաբանությունից, իշխան:

— Այդ նույն մարդիկ մի օր կսպանեն քեզ: Հենց այնպես, առանց որևէ առիթի ու պատճառի: Ու երբ նրանց հարցնեն, թե ինչու սպանեցին, գիտե՞ս ինչ կպատասխանեն... Որովհետև նա մեզ շատ լավություններ արեց, իսկ մենք, դրա փոխարեն, ոչ մի լավ բան չէինք կարող անել... Սա արդեն գե՞րտրամաբանություն է, վեհափառ:

Ներսեսը թեթվեց ու ինչ-որ բան փսփսաց իր կողքին կանգնած տեղապահի ականջին: Տեղապահը գլխով արեց ու գուրօ եկավ արահից:

Հայր Մարդպետը ճանաչեց ետդին: Նա Կարին գավառի Մարագ գյուղից էր, եպիսկոպոսապետի ձեռնասունը: Աչքի էր ընկնում պճնասիրությամբ ու ձիասիրությամբ, որի պատ-

ճատով արժանանում էր շրջապատի պարսավանքին ու ծաղրին: Դրա համար էլ հրաժարվել էր շքեղ զգեստներից, մազեղեն էր հագնում և էշով ման գալիս:

Երևի գնաց, որպեսզի սեղան պատրաստելու հրահանգ տա: Ուրեմն, ծնկի եկավ ներսեսը: Ուզում է պատիվ տալ, սիրաշահել: Ո՛ւր կորան նրա արհամարհական կեցվածքը, կծու խոսքերը, սրահից դուրս վռնդելու թափանցիկ ակնարկները: Գլխի ընկավ, որ ծեր աղվեսի սպառնալիքները կատակ չեն, որ արքան կկառչի նրա ծրագրից ու անպայման կիրականացնի: Հիմա Վեհափառը կառաջարկի բարձրանալ Աշտիշատի սուրբ տեղերը, որպեսզի աղոթի ու իր պաշտոնական ողջույնը տա նրան, ինչպես անում է ամեն մի հարգարժան հյուրի գալստյան առթիվ: Հետո նրանք միասին կճեմեն ապարանքի ու սրբերի վկայարանների արանքում գտնվող հրապարակում, մինչև որ սեղանը պատրաստ լինի:

Բայց Հայր Մարդպետը, հաջողութունից արբած, որոշեց կանգ շառնել կես ճանապարհին: Նա ոչ միայն կմերժի կաթողիկոսի բարեկամական ցույցերը, այլև հենց հիմա վճռական ու վերջին հարվածը կտա:

— Հիշո՞ւմ ես ինչ էի խոստացել: Այն նույն օրը, երբ դու էլ էիր մի պահ արանքում ապրում: Աշխարհիկ ու հոգևոր կյանքի երջանիկ արանքում:— Նա պատմուճանի ներքին գրպանից մի տուփ հանեց ու խնամքով պահեց երկու ափերի մեջ:— Եթե դու տխրես, և հուսահատութունը խեղդի քեզ, եթե սիրտդ չափից ավելի ճզմվի, և խցիդ առաստաղը չափից ավելի բարձր թվա կամ չափից ավելի ցածր, դու կբացես իմ ամենաթանկարժեք տուփը, կնայես քո երբեմնի շքեղ վարսերին և հուշերը, հուշե՞րը, Վեհափառ, քեզ կտանեն իրենց հետ: Հեռո՛ւ, հեռո՛ւ:

Նա դանդաղորեն ու հանդիսավորությամբ բաց արեց տուփը, որտեղ ներսեսի մազերն էին պահված:

Ներսեսը ցնցված նայում էր իր մազերին: Նա հիմա ամեն ինչ կտար, թե՛ կյանք, թե՛ հարստութուն, միայն թի մի պահ, գոնե մի՛ պահ, շոշափեր դրանք: Աչքերը խոնավացան, և այդ տուփի մեջ նա մի ակնթարթում պարզ ու որոշակի տեսավ իր մեռած անցյալը, մոռացված ու սիրելի դեմ-

քեր, զգաց գլխահան անող հոտեր ու համեր, լսեց հարուզատ ձայներ և սիրտը մղկտացնող հատուկենտ նախադասություններ, նույնիսկ բառեր...

Հայր Մարդպետը լիովին հասավ իր նպատակին և արդեն կարող էր թողնել ու հեռանալ: Այսքանն էլ լիովի բավական էր, արդյունքը այլևս բուլորովին շէր հետաքրքրում նրան, թող ինչ ուզում է անի արքան: Նա հիմա այստեղից դուրս կգա որպես երկրի միապետ ու եպիսկոպոսապետ և աշխարհում միայն ինքը կիմանա, որ այս պահին իր մեջ են մարմնավորված այդ երկու իշխանությունները միասին: Այդ զգացողությունը նա ոչ մի գնով չի փոխի իրականության հետ:

Սրահի դուռը բացվեց, ներս մտավ տեղապահ Խաղը, իր ետևից բերելով սպիտակահեր ու պատկառելի մի այրի, որը զնաց, մեն-մենակ նստեց հեռավոր անկյունում, պատի տակ: Հայր Մարդպետը աչքերին չհավատաց, երբ տեսավ, որ դա Շավասպ Արծրունին էր, Մերուժանի հայրը: Մարմնի խորքերից մի գող բարձրացավ, տարածվեց ու հասավ կոկորդին:

Այո՞, Շավասպն էր, որդու հետ կապերը խզած ծերունի իշխանը, միակ մնացորդը Արծրունյաց ցեղից, որին Արտավազդ Մամիկոնյանը ազատել էր կոտորածից ու տարել Տայք, այնտեղ մեծացրել ու իր տոհմից մի կին տվել նրան, իր քրոջը՝ Համազասպուհուն... և նրանց ամուսնությունից նորից սերվեցին Արծրունիները:

Այդ ե՞րբ էր: Քանի՞-քանի՞ տարի առաջ: Տիրան թագավորի օրոք: Ծվ ո՞վ էր նրան դրդել բնաջինջ անելու Արծրունյաց տոհմը: Եթե հիշողությունը չի դավաճանում, ինքն էր, արքունիքի անփոխարինելի ներքինապետը:

Նա միշտ խուսափել էր Շավասպին հանդիպելուց, ու դա հաջողվել էր նրան: Ծվ պե՞տք էր այս գուգադիպությունը, որ նա Վեհափառին այցելելու Շավասպի հետ միաժամանակ: Առաջին անգամ կյանքում բախտը երես թեքեց նրանից:

Քայց ինչո՞ւ էր ուշանում ճոխ ու արժանավոր ճաշը, ինչո՞ւ չէին հրավիրում պատվավոր հյուրին, արքայի պատ-

վիրակին, ինչի՞ համար էր այս մեռելային լուսթյունը և ինչո՞ւ էր պատի տակ նստել ծերունազարդ մարդը, բոլորից քաշված ու մեռն-մեռնակ, Արդեն մթնում է, հետո ուշ կլինի Աշտիշատի սուրբ վայրերը բարձրանալ, աղոթել և պաշտոնական ողջույն տալ պալատի ներքինապետին: Եվ ինչո՞ւ Վեհափառն ասաց, թե հենց իր, ներքինապետի օգնությամբ պիտի այս երկրում մարդասիրություն տիրե, եղբայրություն, գիտություն ու լուսավորություն: Ո՞րն է լինելու իր օգնությունը: Գուցե արքունիք շահանք՝ լր: Արքային շտեմանք՝ լր: Գուցե իր մահը: Բայց չէ՞ որ Աշտիշատ հայերեն նշանակում է հաշտության քաղաք...

— Ժամն է, որ գնամ, Վեհափառ,— դողդողաց նրա ձայնը և, տեսնելով, որ ներսեսը արձանի պես անշարժ է ու քարի նման լուռ, վախի անծանոթ զգացումը ոտքից գլուխ կլանեց նրան:

Մի բան էր միայն խանգարում. ձգտեր ինչ անել, գրպանը խոթել, թե՞ ներսեսին տալ: Ստեղծվել էր մի անհեթեթ վիճակ, որ նա անընդունակ էր լուծելու:

Շրջվեց և, դանդաղ քայլերով, տուփը ձեռքին, ուղղվեց դեպի դուռը: Հայացքն ակամա ընկավ Շավասպին, ու էլ ավելի սոսկաց, որ նա բալորովին շէր նայում իրեն:

Եվ, ի զարմանս ամենքի, նա մոտեցավ ծերունի իշխանին ու տուփը մեկնեց նրան: Շավասպը վեր կացավ, լուռ վերցրեց ու դրեց աթոռին:


Հայր Մարդպետն ինքնաբերաբար մատնեց, որ ինքն ամեն ինչ հասկացել է ու համակերպվել իր վախճանին, մի բան, որ երբեք չէր ցանկանա ցույց տալ այս կանացահանդերձ մարդկանց առաջ:

Դրա համար էլ, դռան մոտ կտրուկ շրջվեց, նայեց Վեհափառին, ու իր իրավացիությանը վստահ, վստահ՝ իր ապրած կյանք, Ն. չզղջալով իր սկզբունքների ու հավատամքի համար, ասաց նրան.

— Պատը չմոռանաս քանդել, Վեհափառ... Պատը...

Դուրս եկավ ու չփակեց սրահի դուռը:

Դիտեր, որ Շավասպը հետեւելու էր իրեն:



Պատմիչն ասում է.

«Սրանից հետո Հայր Մարդպետը սուրբ տեղերից հեռացավ և իջավ Եփրատ գետի ափը, խիտ անտառներով ծածկված հովիտը, մամուլի ծառերի թավուտները, երկու գետերի խառնուրդի մոտ, որտեղ հնուց ի վեր մի քաղաք է շինված եղել Սանատրուկ թագավորից Մծուրք կոչված տեղում:

Երբ նա այստեղ հասավ, տիրոջ բարկության դատաստանը շարժվեց անօրին Հայրի, նրա գործերի և նրա խոսածների վրա: Նա մատնվեց մի մարդու ձեռքը, որ կոչվում է Շավասպ և Արծրունյաց ցեղի մնացորդն էր: Երբ նա կառք նստած գնում էր ճանապարհով, Շավասպը նրա մոտ եկավ, սկսեց իր գլխից հնարել և ասաց. «Մի արջ տեսա ձյունի նման սպիտակ»: Նա այնքան հրապուրեց Մարդպետին, որ նա կառքից իջավ, ձի հեծավ, սկսեցին անտառում արջին հետևել: Երբ թավուտների մեջ ընկան, Շավասպը փոքր-ինչ ետ մնաց և Հայր ներքինուն ետևից մեջքին խփոց նետով, այնպես որ նետը նրա մարմնով անցավ: Նա գետին զլորվեց ու սպանվեց: Այսպես՝ աստծո մարդու ասածները կատարվեցին («Նա պատվիրեց ուրիշների ունեցածին աչք չդնել ու չցանկանալ, իսկ ով ազահաբար աչք է գնում... նա չի հասնի այն նպատակին, ինչ որ սպառնաց, այլ նրա գործած թագմաթիվ մեղքերը նրա մտադրութունը կխափանեն»), որովհետև աստծո մարդու ոչ մի խոսքը գետին չէր ընկնում»:



Արշակն ու Ներսեսը, երկու քրոջ որդիներ, մի-մի ջահ ձեռքներին, դեմ, հանդիման կանգնեցին միջնաբերդի սյունազարդ ճեմելիքում:

Օդի մեջ ձմռան հոտ կար արգեն, հատկապես՝ գիշերները: Ծառերը մերկացել էին և տխրութուն սփռել շոքս կողմը: Ոտքերի տակ մեռած տերևներ էին խշխշում, և քա-

մին նրանց պոկում էր գետնից ու քշում դեպի օտար ու ան-
ժանոթ վայրեր:

Երկու շահ գիշերվա խավարի մեջ ընդառաջ էին գնում
միմյանց, կարծես մեկը մյուսով տաքանալ էին ուզում: Ահտ
կանգ առան, առաջ ձգվեցին, ու նրանց ետևում կանգնած
աշխարհականն ու հոգևորականը տեսան իրար:

Ծերացել էին արքան ու կաթողիկոսը, կքել հոգսերի բև-
ռան տակ, խամրել էր նրանց աչքերի փայլը, արյունն այլևս
չէր խենթանում նրանց երակներում, երկուսի անձնական
կյանքն էլ լի էր արդեն ոչ թե իրական դեպքերով ու իրա-
կան զգացողություններով, այլ միայն հուշերով:

Տաք-տաք հագած-կապած էին նրանք, արքան բուրդ էր
փաթաթել մեջքին, որովհետև բազում թշնամիներին ավե-
լացել էր ևս մեկը, մեջքի ցավը: Երկու առյուծ, որոնք դեռ
մի քանի տարի առաջ կարող էին բոքիկ քայլել սառույցի
վրա, որոնք ցուրտը կարող էին որպես շապիկ հագնել մերկ
մարմիններին:

Արքան զիտեր, որ սա հրաժեշտի հանդիպում էր: Հրա-
ժեշտ սիրելի ու մոտ մարդուն: Հարկադրական և անխուսա-
փելի: Նա շէր ուզենա, որ այդ բանը կատարվեր շորս պա-
տերի մեջ, իր սեփական տանը, որը կարծես ավելի կժան-
րացներ իր մեղքը, ավելի կսրեր բաժանման կսկիծը: Նրան-
ցից յուրաքանչյուրն այսուհետև մեռած էր մյուսի համար,
մնում էր միայն հիշատակը: Մարդը կար ու այլևս չկա: Եվ
այս տեսակ մահը շատ ավելի մեծ կորուստ էր, կրկնակի
կորուստ, քան թե իրականը: Որովհետև իրականի հետ կա-
րող ես ժամանակի ընթացքում մի կերպ հաշտվել, իսկ յրա
հետ՝ անհնարի՞ն է, Եվ նա որոշեց հրաժեշտի հանդիպումը
բացօթյա տեղում նշանակել, որովհետև մեծ ու անսահման
տարածության մեջ մի տեսակ հեշտանում է բաժանումը,
փոքրանում և մարդկային թուր կրքերը, փոշիանում ու
քամու բաժին դառնում:

Չէր գատապարտում զարմիկին, ընդհակառակը, հիացած
էր նրանով: Միավորման շաղափարը, որ ինքը չկարողա-
ցավ իրագործել: Չպես աշխարհական, ներսեսն ի կատար
ածեց որպես հոգևոր առաջնորդ: Պետության մեջ ստեղծեց

պետութիւն: Եվ ի պատիվ նրա՝ առանց արշան, առանց դաժանութեան: Խաղաղ ու հարթ ճանապարհներով: Դեռ տվելին՝ մարդասիրութեան սերմեր շաղ տալով շորս բոլորը: Իսկ արքան գալարվում է հոգեվարքի մեջ, թպրտում ափ նետված ձկան նման, իրեն պատեպատ խփում վանդակի մեջ, բայց դեպի երկրի կենտրոն ձգվող սանձերը օրեցօր բարակում են ու փախչում նրա ձեռքերից: Ճարը հատած, դիմում է ծայրահեղ միջոցների ու իր անցած ճամփան ծածկում արյամբ ու ոճիրներով: Կույր չէ աստված, նա տեսնում է, որ եթե արքան հրեշտակ չէ, ապա ոճրագործ էլ չէ, այլ սովորական մի հողածին, որ նրա դաժան քայլերից և ոչ մեկը անձնական հիմք չունի, այլ ծնվել է իրենից վեր ու իրենից դուրս գտնվող անհրաժեշտութիւնից: Եթե քեզ ուզում են ուտել, հիմարութիւն է խոտակեր ձկանալը, դու ինքդ պիտի ուրիշի ուտես, և դա քո ճակատին գրված պարտքն է, որպեսզի քեզ հետ միասին երկիրն էլ փուլ չգա:

Եվ արդո՞ք զարմիկի ճամփան հարթ ու խաղաղ չէ հենց այն պատճառով, որ արքայինն է դարուփոսերով ու ալյամբ լի:

Ջահերը կանգնած էին դեմ դիմաց, և նրանց արձակած երկու փունջ լույսերը փորձում էին մի կերպ տեղավորվել, տեղ բռնել խավարի մեջ:

— Ո՞րն է իմ մեղքը, արքա: Իմ անքուն գիշերնե՞րը: Իմ անանձնական կյա՞նքը: Այն, որ հիմա մի երեխա, տառերն իրար միացնելով, իր քրոջ կամ եղբոր անո՞ւնն է հայտնագործում: Մերանոցներում հանգիստ մեռնող զառամյալնե՞րը: Ուրկանոցներում աշխարհից պատսպարված բոլորոնե՞րը: Աղքատանոցներում մի պատառ հաց ուտող թըշվառնե՞րը: Թե՞ օթևաններում հանգստացող ճամփորդները: Ասա, ո՞րն է իմ մեղքը:

— Ես ինձ էլ չեմ խնայում, վեհափառ: Քե՞զ ինչու պիտի խնայեմ: Ասա, ի՞նչ է եղել:

— Ես... Ես սպանել տվի Մարդպետին: -

Արքան հանգիստ շունչ քաշեց: Նա, որ արդեն սովոր էր ձախորդութիւնների, չէր զարմանա, եթե իր ծրագիրը տապալված լիներ: Ընդհակառակը, տարօրինակ էր, որ ամեն

ինչ կատարվել էր ըստ նախատեսվածի: Քող աստված թու-
ւություն տա ներքինու մեղքերին: Եվ հողը թող այնքան
էլ ծանր չլինի նրա շիրիմին:

— Բայց անմեղ էր թափածս արյունը... — խարված մար-
դու դառնությամբ շարունակեց կաթողիկոսը: — Ծս ուշ հաս-
կացա... Մարդպետի միտքը չէր գորի... Դա քո միտքն էր,
արքա... Դո՛ւ սարքեցիր այդ բուրբը... Որ ձեռքերս թաթախ-
վեն արյունով... Որ արատավորվի անունս... Որ բացի քեզ-
նից ուրիշ ոչ մի անուն, ոչ մի հեղինակություն չմնա... Ինչի՞
համար... Ո՛ւմ էր պետք, արքա...

— Երկրին:

— Իսկ ե՞ս: Ես՞ ինչի մասին եմ մտածել օր ու գիշեր:
Մի՞թե ոչ երկրի:

— Ներսե՛ս... Մեր թշնամանքի մեջ ես է՛լ ավելի սիրեցի
քեզ... — Արքան գլուխը դրեց զարմիկի լայն ուսին, գեմքը
թաղեց նրա զգեստի ծալքերի մեջ: — Ծս ու գունույն արյու-
նից ենք... Նույն խմորից...

Եվ ինչո՞ւ դատապարտի զարմիկին, եթե ինքն էլ նույն
բանը կաներ նրա փոխարեն, ոտքով-գլխով, ամբողջ հոգով
կնվիրվեր սեփական շահերին և կաշխատեր փաստական
իշխանությունն իր ձեռքը վերցնել: Զէ, նա մեղք չի գործի
աստժո առաջ, չի ասի, թե ներսեսն այդպես էր վարվուի:
անձնական շարժառիթներից մղված: Արքայի ու կաթողի-
կոսի ելակետերը նույնն էին՝ այս թշվառ ու ծվատված երկրի
անկախությունն ու երջանկությունը, ճամփաներն էին պար-
զապես տարբեր:

Եթե միանային... Եթե՞ միանային...

— Երկու հոգին շատ է, Վեհափառ: Շատ է երկու առաջ-
նորդը: — Արքան ուղղվեց, հեռացավ պատշաճ տարածության
վրա ու խոսեց անսպասելի շորությամբ, ինչպես հակառա-
կորդը հակառակորդի հետ: — Դա ծանր կնստի երկրի վրա:
Զի դիմանա երկիրը:

— Մնաս բարով, արքա: Մեր ճամփաները երևի այլևս
երբեք չեն հատվի: Եւ չեմ կարող արյունոտ ձեռքերով հօվիլ
լինել: Երջանիկ եղիր:

Բայց ինչո՞ւ էր տխրում արքան, եթե հենց այդ էր իր

փափագը: Նա Ներսեսի փոխարեն կաթողիկոս կնշանակի թույլ և անկամ մի հոգեորականի, որը կդառնա իր հլու կամակատարը: Արմատախիլ կանի գահի համար այն վտանգավոր միտումները, որոնց հիմքերը, առաջին անգամ Հայաստանում, իր հարազատ զարմիկը դրեց: Գուցե տրյուրում էր, որ նա իր զարմիկն է: Դժվար թե թեև, անշուշտ, այդ հանգամանքն էլ իր որոշակի գերն ուներ: Ավելի շուտ և ավելի շատ տխրում էր, որ բաժանվում էր տաղանդավոր ժարդուց, անհախ նրանից, թշնամի՞ էր նա, թե՞ բարեկամ, Մերուժան Արծրունի՞ն էր, թե՞ Ներսես կաթողիկոսը: Զինվորներ շատ կան ամենուրեք, նույնիսկ քաջարի ու խիզախ, իսկ տաղանդներին մատների վրա կարելի է հաշվել: Եվ դեռ հայտնի էլ չէ, թե երկիրն ո՞ւմ կարիքն ավելի ուներ:

— Համենայն դեպս, ես գնահատում եմ զո խորամանկությունը, — հանկարծ ժպտաց Ներսեսը, կրկնելով այն խոսքերը, ինչ նրան ասել էր տարիներ առաջ, Կեսարիայից վերադառնալուց հետո: — Շա՛տ նենգ խորամանկությունը:

— Ես էլ եմ գտնում, որ արյունոտ ձեռքերով անհնար է հովիվ լինել, — նույն շորությամբ ասաց արքան, պաշտոնապես ընդունելով նրա հրաժարականը:

— Իսկ թագավո՞ր, — քմծիծաղ տվեց Ներսեսը:

— Իժբախտաբար՝ այո, — կարճ պատասխանեց արքան: Ներսեսը շրջվեց և, ջահը ձեռքին բարձր բռնած, պեսեց դանդաղ հեռանալ մեռած տերևների արահետով:

Գուցե ե՞տ կաեչել նրան: Գուցե չթողնե՞լ, որ կորուստների թիվը այսպես օրեցօր շատանա: Գուցե ի՞նքն էր մեղավոր այս կորուստների համար և ոչ թե ժամանակը: Որովհետև որքա՞ն անարդարություններ են գործվել ժամանակի անունից, որքա՞ն մարդիկ են ժամանակը վահան դարձրել ու թաքնվել ե՞տ ետևում:

Նա հասկացավ, որ այս պահին միայն իր մասին էր մտածում: Թե չէ գիտեք, վստահ էր, որ իր այս քայլն էլ էր ճիշտ: Երևի հենց այն պահից, երբ վճռեց, որ հայոց կաթողիկոսները այլևս չպետք է Կեսարիա գնան օծվելու Ուրախանալ էր պետք, հրճվանքից երեխայի պես պարել և ցատկոտել էր պետք, քանի որ բոլոր հաշիվները ճիշտ

դուրս եկան, քանի որ մի հարվածով երկու թռչուն սպանեց, մի ներքինապետի ու մի կաթողիկոսի: Բայց, այդ բոլորը մոռացած, միայն իր մասին էր մտածում: Վախենում էր մենակությունից: Ամեն մի կորուստը ընդարձակում էր մենության սահմանները, խորացնում մենության անդունդը:

Եվ նրան թվաց, թե այդ ընդարձակ սահմաններից ու խոր անդունդից հնչեց իր օտար ու տհաճ ձայնը.

— Ներսես...

Հեռվում լույսի փոքր կետը կանգ առավ ու հարցական կախվեց խավարի մեջ:

Եվ այդ նույն օտար ու տհաճ ձայնը անիմաստ մի հարց ուղղեց խավարին.

— Ինչո՞ւ...

Իսկապես՝ ինչո՞ւ

Թեկուզ հենց այդպես՝ ինչո՞ւ

— Հայ եկեղեցին պիտի ուժեղ լինի... Շատ ուժեղ...— Բազմածալ մթության միջից լսվեց պատասխանը, որը կարծես հնչեց ոչ թե կենդանի մարդու բերանից, այլ՝ անիրակա՞ն ու աներևույթ:— Դա ևս երկրին է պետք... Եթե մի դժբախտ օր հայոց թագավորութունը կործանվի, գոնե ինչոր քան կմնա այս երկրում... Սեր և հեղինակութուն վայելող եկեղեցին...

— Շուտ ես թաղում հայոց թագավորութունը, Վեհափառ, — տխուր ու միայնակ առյուծի պես մռնչաց արքան: — Շուտ եք բոլորդ հաշտվել այդ մտքի հետ: Շո՞ւտ եք ձեռք քաշել ամեն ինչից: Եվ հենց դրա համար եմ ես քեզ կարգալույծ անում, Ներսես:

Հեռվում երևացող լույսի կետը շարժվեց, հեռացավ, աստիճանաբար փոքրացավ, ապա կուլ գնաց խավարին:

Արքան հանգիստ շունչ քաշեց: Ամեն ինչ տեղն ընկավ: Բոլոր հարցերը պարզ ու տեսանելի դարձան: Նա արդեն լրիվ հասկացավ ու պաշտպանեց իր ճշմարտությունը: Հայոց թագավորության գերեզմանափորներից խլեց բահերը: Հեռու քշեց եղերամայրերին: Վտարեց գլխավոր ձայնարկուհին: Եվ միակ հավատացյալը մնաց արքան: Ոչ միայն կյանքում, այլև հավատքի մեջ էլ մենակ:



Է

Նա հրաշալի զինվոր էր ու սենեկապետ։ Այնպիսի վստահությամբ ու հավատով էր նետվում կովի, որ թշնամու նետը սիրտ չէր անում խոցելու նրան։ Ռազմի դաշտը խաղ ու պար էր նրա համար, տարերք ու մոլուցք։ Նրա կատաղի հայացքը տեսնելով, նրա կրակուրոց աչքերին հանդիպելով, պարսիկն ու բյուզանդացին նախապես հասկանում էին, որ իրենց բախտը չբերեց այս անգամ, որ ուրիշ ոչ մի ճարչունեն բացի մեռնելուց։

Ճակատամարտից հետո նա երբեք չի իմացել, թե ինչ բան է հոգնությունը։ Վերադարձել է ոգևորությունից զինույցած ու թեթևացած։ Իրեն հանձնել է կանանց ու խմիչքներին։ Ոչ թե վերցրել, այլ ինքն է տրվել նրանց՝ ամբողջ էությամբ, առանց մնացորդի։

Որտեղ ոտք է դրել, հետը բերել է կյանք ու ավյուն։ Առողջությունը դուրս է հորդել մարմնից, ասես բաժին տալով, մխիթարելով ծերերին ու թույլերին։ Վեճի մեջ, ինչ հարցի շուրջ էլ լիներ, ոչ ոք չի դիմացել նրա երկաթյա տրամաբանությանը ու անհերքելի փաստարկներին։ Նրան միայն սիրել են ու ատել։ Շատ են սիրել ու շատ են ատել։ Միջինը չի եղել։ Խոսքը խոսք էր, այոն՝ այո, ոչը՝ ոչ։ Երբեք գլուխ չի ծռել, չի քծնել, չի շողոքորթել, չի ձգտել պաշտոնի, փոքրի հետ փոքր է եղել, մեծի հետ՝ մեծ, բոլորի հետ, թե՛ իրենից բարձր աստիճանավորի, թե՛ հասարակ զինվորի ու շինականի, վարվել է ինչպես հավասարը հավասարի։

Ժամանակ չի ունեցել և ժամանակ է գտել ամեն ինչի համար։ Անգիր է իմացել հույն ու ասորի իմաստասիրներին։ Սովորել է լեզուներ, ուսուցանել է Եսսարիայում, արքայի մոտ սենեկապետ է ծառայել, սպարապետի բանակում՝ զինվոր։

Սուսերամարտի փորձերի ժամանակ խուսափել են նրա հետ մրցելուց։ Որովհետև զվարճությունը դարձրել է գործ, նենգափոխել է խաղի իմաստը ու վերածել մահու և կենաց հարցի։ Հաղթելու սուր տենչը եղել է մի անասելի ծարավ,

որը եթե չհագենար, տեղնուտեղը կխեղդեր նրան: Եվ այսպես լուրջ է վերաբերվել ամեն ինչի. սկսած հույժ կարևոր հարցերից մինչև ամենաերկրորդականը: Եվ հաղթել է ամեն ինչում, մեծ-մեծ պատաններ պոկելով կյանքից ու շռայլորեն, տասնապատկած ու հարյուրապատկած, վերագարձնելով շրջապատին:

Հրաշալի զինվոր էր ու սենեկապետ...

Աստված է վկա, որ հոգևոր առաջնորդի գործն էլ լավ է կատարել: Իզուր չէր, որ նրան կոչեցին Մեծն Ներսես: Քուր կոչումները նշանակովի են կամ ժառանգական՝ սպարապետ ու հազարապետ, ժաղխազ ու ներքինապետ. թագադիր ասպետ ու ամենայն հայոց կաթողիկոս, բայց Մեծ տիտղոսը ոչ ոք չի կարող տալ, անգամ արքան չի կարող, բացի՝ ժողովրդից, բացի՝ նրա հավաքական կամքից: Գերմարդկային ճիգով ու մի հարվածով նա ջնջել, մոռացել է անցյալը: Վեհանձնորեն հրաժարվել է այն ամենից, ինչ սիրել է ու պաշտամունք դարձրել: Վարել է բոլորովին հակառակ կյանք: Եվ այս անգամ ոչ թե աստված այլ թող մարդիկ վկայեն, որ եղել է սուրբ ու անբիծ: Ամբողջ էությամբ նվիրաբերվել է իր նոր գործին: Ամեն քայլափոխին հետքեր է թողել, մարդասիրության ու բարեգործության հավաստի ապացույցներ: Թր ու գիշեր չի ունեցել հանգիստ և դադար: Ու մի բանի է ձգտել միայն՝ ստիպել մարդկանց, որ սովորեն երջանիկ լինել: Հարկադրել, որ վարժվեն բախտաձոր ապրելու: Մարդիկ չգիտեն. որ պարտավոր են երջանկության հասնել: Բայց նրանց փոխարեն այդ բանը լավ գիտեր Ներսեսը, ու մի հոգին էլ լիովին բավական էր, որ նա իր իմացությունը փոխանցեր հազարներին: Եվ նա ոչ թե վերացական ու ձրի քարոզներով. այլ իր բարի գործերով է հիշեցրել նրանց պարտքը: Ու եթե աստված երկալ կյանք տար նրան և ազատեր արքայի կրնկակոխ հետապնդումներից, նա կհասներ նպատակին և, իր գործունեության պտուղներով, ի տես աշխարհի կապացուցի, որ մարդը ծնված է երջանիկ ապրելու համար:

Արքան շատակացավ ու չէր էլ կարող նրան հասկանալ: Նա զրպարտեց, թե Վեհափառը իշխանության է ձգտում:

Մինչդեռ ներսևը կանխատեսում էր, որ վաղ թե ուշ, այսօր չէ՛ վաղը, հայոց թագավորութունը, սրբան էլ ողբերգական լիներ, կույ էր գնալու օտարներին: Իսկ ի՞նչ էր մնալու թագավորության փլատակների վրա: Մի բան պիտի մնա՞ր, թե ոչ: Կենտրոնացած ու հզոր հայ եկեղեցի՛ն: Ամենուրեք ցրված իր վանքերով ու աստծո ծառաներով: Իր ընդարձակ կալվածներով ու անհատնում հարստությանը: Իր բարի անունով ու հեղինակությանը:

Դու միայն այսօրվա մասին էիր մտածում, արքա, իսկ վեհափառը՝ ապագայի: Ծվ, դժբախտաբար, մոտ, շատ մոտ ապագայի:

Չէ, աստված է վկա, որ հոգևոր առաջնորդի գործն էլ լավ է կատարել...

Իսկ հիմա՞: Ո՞վ է այս մարդը, որ դաշտերն ընկած, մի կարճ պարեգոտ հագին, ուսերին մի մեկնոց գցած, շտապում է դեպի իր անհայտ հանգրվանը:

Ո՞վ եմ ես: Ոչ հողի մարդ եմ, ոչ երկնքի:

Ո՞ւր ես: Որտե՞ր փնտրեմ ինձ:

Նա սովոր էր բարեկամություն անելու պողպատի հետ և անկենդան մեաղին շունչ ու մարմին տալու: Նա ընդունակ էր խոսակուսել նրա հետ, սիրաշահելու, համոզելու և, հավատարիմ ծառայելու գեպրում, խոնարհաբար համարելու նրա սառը երեսը, դավաճանելու դեպքում՝ խռովելու, սպառնալու, որ նրան կփոխարինի մի ուրիշ, ավելի նոր ու ջահել սուսերով:

Հետո նրան ասխարհեցին հովիվ լինել: Ստիպեցին մոռանալ այն, ինչ գերագանց էր անում տարիներ ի վեր: Մի կերպ հաշտվեց ու անցավ իր նոր գործին: Հետո ոտքով գլխով խորացավ, մերթվեց այդ գործի մեջ և այստեղ ևս անփոխարինելի դարձավ:

Ու երբ արդեն պինդ կանգնել էր երկու ստրիկի վրա, վզակոթից բռնեցին ու գուրթ վռնդեցին: Հազիվ մի աշխատանքի սովորած. հողիվ նրա գաղտնիքներին հասու եղած, բարիք տեղ ևն բշում երան: Ի՞նչ միայն նրան, այլև շատերին:

Ու օրեցօր ավելանում է օդից կախված մարդկանց թիվը՝ որոնք ո՛չ այս են, ո՛չ այն:

Ո՞վ եմ ես: Ո՞ւր եմ ես: Որտե՞ղ փնտրեմ ինձ:

Ոչ հողի մարդ եմ, ոչ երկնքի:

Ոչ զինվոր կարող եմ լինել, ոչ հոգևորական:

Թող ների ինձ սուրս, որը հիմա որբացած կախվել է մի անծանոթ մարդու մեջքից: Եվ արդյո՞ք հավատարմորեն ծառայում է նրան: Արդյո՞ք չի դավաճանել իր նոր տիրոջը, նրա հետ միասին չի ընկել մարտի դաշտում, ժանգոտվել ու ինքնասպան եղել ներսեսի կարոտից:

Թող ների ինձ խաշս, բայց վաղը ես աղոթքս էլ եմ մոռանալու, նրա խոսքերն էլ են ժանգոտվելու ու հին ներկի պես թափվելու են իմ հիշողությունից:

Ո՞վ եմ ես: Ո՞ւր եմ ես: Որտե՞ղ փնտրեմ ինձ:

Նա ժամանակին երդվել էր աստծուն, որ եթե աշխարհն էլ կործանվեր, երկինքն էլ փուլ գար, ու թեկուզ մի հոգի մնար երկրի երեսին, միևնույն է, գտնելու էր նրան, կրնկա-կոխ հետևելու էր ամենուրեք, բռնելու էր օձիքից և համոզելով, պարտադրելով, ծնկաչոք պաղատելով, սպառնալով, ուժ գործադրելով սովորեցնելու էր նրան երջանիկ լինել, ընտելացնելու, վարժեցնելու էր այդ անխուսափելիությանը:

Ու եթե ինքը ոչինչ էլ արած չլիներ, գոնե մի հոգու մասին կարող էր հանգիստ խղճով ասել, որ նա, շնորհիվ իրեն, հասել էր երջանկության: Նա իր գյուտն էր, իր գանձը, իր հայտնագործությունը:

Իր ստեղծագործությունն էր Վրիկը: Այդ ինքն էր նրան ստեղծել ու քանդակել կավից: Եվ իրավունք ունեւ պնդելու, որ նա նույնքան իր ծնունդն էր, որքան և իր որդին, Սահակը:

Եվ նա շտապում էր Վրիկի մոտ, մխիթարվելու, իր երազանքները գոնե մի մարդու մեջ մարմնացած տեսնելու: Գնում էր՝ ինչպես սրբավայր: Աղոթելու ու մաքրագործվելու:

Մեղք էր Վրիկը: Եվ ներսեսը գիտակցում էր այդ: Մեղք էր, քանի որ այսուհետև կատարելու էր հազարավոր մարդկանց դեր: Իր ամբողջ եռանդը, հավատն ու շիրականացած

ծրագրերը ներսեսը թափելու էր եղբոր որդու վրա, շարունակելու էր հղկել, կատարելագործել նրա արձանը, կարգի բերել պատվանդանը, շորս կողմը մշակել և խոտ ու ծաղիկ ցանել: Ու Վրիկը փրկություն շուներ իր ձեռքից, հիմա նա աշխարհում միակ նյութն էր, որ դեռ կարող էր ենթարկվել հորեղբոր հղացումներին:

Բայց ներսեսը նաև չէր խղճում Վրիկին: Գնում էր նրան մինչև վերջ քամելու, մինչև վերջին կաթիլը մզելու: Թող նախկին ներսեսը խղճար, դա Վեհափառի գործն էր ու պարտականությունը և ոչ թե դաշտերն ընկած այս հոգնած ու շնչասպառ մարդու:

Վրիկը պիտի երջանիկ լիներ հազարավորների փոխարեն, բոլոր բախտավորներին պիտի իր մեջ մարմնացներ, և ներսեսը, նրան դրոշակ դարձրած, պիտի վրեժ լուծեր իր անկատար իղձբրի, իր կիսատ մնացած ծրագրերի, շատերի կողմից շահակացված լինելու, ապերախտության ու այս անփառունակ վախճանի համար:

Ահա երևաց Վրիկի կավաշեն ու կիսագետնափոր տունը: Գալիս եմ, Վրիկ: Տես, թե մենք դեռ ինչե՛ր կանենք միասին, ի՛նչ հրաշքներ կգործենք:

Տան կտուրին շորացած ու ծերացած մի մարդ կար, որը չգիտեր, թե ինչպես ավելի հարմար կանգնի ու ձեռքերը որտեղ տեղավորի: Ծվ, ամենակարևորը, կարծես մոռացել էր, թե ինչու է կտուր բարձրացել:

Բակում մոտ մի տասնյակ տղաներ էին վազվզում ու ահավոր աղմուկ գցում շորս կողմը: Կոխկրտում ու փշացնում էին մարգերը: Տան իրերի մեծ մասը դուրս էին հանել ու խաղալիք դարձրել, դեսուդեն գցել ու կոտորել:

Նրանց տգեղ մայրը, հոգնությունից ու հոգսերից կուացած, հուսահատ անօգնականությամբ նայում էր իր ծնած անսանձ ավազակներին և հայհոյում ամուսնուն, որը կտուր էր բարձրացել, փախչելով կնոջ հետապնդումներից ու զավակների՝ ամեն արգելք քանդող կենսասիրությունից:

Նա տգեղ կին ուներ, որովհետև չէր կարելի ամեն ինչ պատրաստի տալ նրան, ծամել, բերանը դնել: Նա պետք է

ինքնուրույն ուժերով ստեղծագործեք իրենց սերը, արյուն քրտինքով, կասկածելով, դիմադրելով, քայլ առ քայլ նվաճելով: Թե չէ ի՞նչ մի դժվար բան էր գեղեցիկ կնոջ սիրելը:

Նրա տունը քարքարոտ վայրում էր կառուցված: Որքան ժայռեր էր պոկել գետնից, որքան ուժ ու եռանդ ծախսել, որքան քրտինք թափել, որպեսզի կարողանար գնահատել սեփական տանիք ունենալու քաղցրությունը: Թե չէ ի՞նչ մի դժվար բան էր հարթ տեղում տուն կառուցելը:

Նույնքան քարքարոտ էր նաև հողամասը: Մարդ ու կին, ամիսներ ու տարիներ շարունակ, բազր մաքրել էին քարերից, մորթաղն ու քուրձը ուսներին, փափուկ հող էին բերել հեռուներից, որպեսզի վարուցանք անեն ու քաղցից շկոտորվեն: Թե չէ ի՞նչ մի դժվար բան էր արգավանդ հողից բերք ստանալը:

Վրիկը տեսավ հորեղբորը, ժպտաց ու գլխով արեց: Զգիտես՝ ուզեց բարևել՞, թե՞ անգիր արածի պես նախօրոք պատասխանել անխուսափելի հարցյին. «Երջանի՞ց ես, Վրիկ»:

Ներսեսին թվաց, թե Վրիկը ուրախությունից էր ժպտում: Մինչդեռ նա միակ մաքրն էր, որ վաղուց ի վեր մոռացված ու խեղդված հուշեր էր զարթնեցնում Վրիկի մեջ, մեռած ու թաղված դեպքեր էր վերակենդանացնում, դեմքեր, վայրեր, քաղցր մեղքեր ու հեթաթային արկածներ... Գրանք մի պահ առկայծում էին Վրիկի օւղեղում, հետո անմիջապես հանգում ու է՛լ ավելի շատ մեռնում:

«Վերջապես ես տանն եմ,— մտածեց Ներսեսը,— իմ հարազատներն, իմ սիրելիների հետ»:

Եվ որքան որ Վրիկն էր պարտավոր երջանիկ լինելու, նույնքան էլ Ներսեսն էր հարկադրված բախտավոր կյանք սկսելու:

Այն տան շեմին սուք գրեց այդ պայծառ ու վճռական գիտակցությունը:

Բայց ե այնպես... Ո՞վ եմ ես: Ո՞չ հոգի մարդ եմ, ո՞չ երկնբի: Ո՞ւր եմ ես: Որտե՞ղ փնտրեմ ինձ:

Սրշակավանցի Անակն ու Բաբիկը հարևաններ էին:

Անակը գիտեր Բաբիկի փորացավը և խուսափում էր նրան հանդիպել: Աննկատ դուրս էր գալիս տնից ու արագ անհետանում:

Բաբիկը սիրտ չէր անում Անակենց տուն գնալ և աշխատում էր փողոցում բռնեցնել նրան, բայց հարևանն իսկույն ջրի պես գոլորշիանում էր, ու հետքն անգամ չէր հրկում:

Անակը դիտմամբ էր այդպես վարվում: Կանխամտածված առ հասուկ փրագրով: Մեզում էր համագել Բաբիկին, որ իրենց հանդիպումը շատ ավելի անհրաժեշտ էր ու կարևոր, քան թվում էր նրան: Որ դա գրեթե կյանքի ու ժառանգ հարց էր: Ուզում էր նրան հուսահատության հասցնել, և նոր միայն առիթ ստեղծել տեսակցութայն:

Անակի հոտառությունը անսխալ գործեց, նա ճիշտ ժամանակին հասկացավ. որ էլ չէր կարելի ձգձգել հանդիպումը, այլապես, հույսը լրիվ կտրած: Բաբիկը, մեկ էլ տեսար, կարող էր ձեռք բաշել այդ մտքից:

Նա դուրս եկավ փողոց, տնտնաց մի քիչ, ձևացրեց, թե այգու դուռը դժվար է փակվում, զոռով շարժարվեց մի քիչ, հայհոյեց քթի տակ ու լրջորեն հավատաց իր հայհոյանքին: Շրջվեց ու տեսավ Բաբիկին: Բարև տվին, բարե առան, կանգնեցին դեմ-դիմաց ու լռեցին:

— Այսօր անձրև է գալու, — շկամորեն ծոր տվեց Անակը:

Բաբիկը նայեց պայծառ երկնքին, երկար նայեց, խորը մտածեց ու պատասխանեց.

— Գալու է:

Անակի աչքն ընկավ գետնին ցրված ոտնահետքերի վրա, հայացքն անշարժացավ ու սառեց:

— Շուե է անցել, — անտարբեր ասաց նա. թեև պարզ ներևում էր, որ ոչխարի ոտնահետքեր են:

— Ոչխար չի, շուն է.— հետքերը երկար-բարակ ուսում-
նասիրելուց հետո համաձայնեց Բաբիկը:

Անակը գոհ մնաց հարևանի պատասխաններից և հառ-
կացավ, որ հեշտությամբ լեզու կգտնի նրա հետ:



Անակը Սյունիքի Վայոց Ձոր գավառից էր: Դա լեռնային
ու ջրառատ մի աշխարհ էր, որ ուներ բերրի հողեր, սառ-
նորակ աղբյուրներ ու մետաղի հանքեր, կապարի, արծաթի
և պղնձի մի քանի «բովեր» կամ ելքեր:

Ամբողջ կյանքն անց էր կացրել Եղեգիկ գյուղում, որը
գտնվում էր Արփայի վտակներից մեկի աջ կողմում, բարձ-
րադիր լեռնալանջի վրա: Այստեղ էին ծնվել ու ապրել իր
նախնիները դեռևս անհիշելի ժամանակներից, և դեռ թոռ-
ներն ու ժոռներն էլ կապրեին, եթե անլուսին մի գիշեր
Անակը չհավաքեր ընտանիքը ու գողեգող ճամփա շընկներ
գեպի հեռավոր ու խորհրդավոր Արշակավան:

Բաբիկը Եկեղյաց գավառի Թիլ գյուղից էր, որտեղ իր
պապերի օրոք գտնվել էր մայրության աստվածուհու՝ Նա-
նեի տաճարը: Քրիստոսի սպասավորները այն ավերել էին
Երիզայի Անահիտի տաճարի հետ միաժամանակ ու նրա
տեղում եկեղեցի կառուցել: Բաբիկը շատ զարմացավ, տես-
նելով, որ Արշակավանում եկեղեցի չկար և որ հեթանոսական
ոգին էր իշխում այնտեղ: Ու նա, որ իր ամբողջ կյանքում
երազել էր հոգևորական դառնալ ու աստծուն նվիրաբերվել,
իրենից անկախ ականջ դրեց արյան հեռավոր կանչերին և
հասկացավ, որ իր իսկական կոչումը սկզբից ևեթ եղել էր
անարգված Նանեի պաշտամունքին ծառայելը:

Անակը հարկ էր տալիս իր անմիջական տիրոջը, ինչպես
նաև Սյունյաց նախարարին, եկեղեցուն ու արքունիքին:
Ծայրը ծայրին հասցնելու համար աշխատում էր վաղ լուսա-
բացից մինչև ուշ գիշեր: Ոչ միայն ինքը, այլև ընտանիքը:
Ու էլի սոված էին մնում: Անհամբեր սպասում էին տոներին,
որ գոնե մի գիշեր կուշտ մտնեն անկողին: Ստիպված,

Անակը գնաց, հանքերը մտավ, որպեսզի լրացուցիչ վաստակ ստանար: Էլի բան դուրս չեկավ: Տարին մի քանի անգամ, հարկը ժամանակին շտալու համար, տերը մտրակահար էր անում նրան:

Բաբիկի տերը, ընդհակառակը, բարի և զգայուն մարդ էր: Շատ էր սիրում Բաբիկին, որդու տեղ էր նրան դնում և իր հետ սեղան նստեցնում, գնահատում ինքնուսուցմամբ զբաղվելու նրա համառ ջանքերը, խրախուսում հոգևորական դառնալու փափագը: Խոստանում էր, որ յոթ տարի ծառայելուց հետո կարձակի նրան և կմիջնորդի, որ շինականների դասից Բաբիկին տեղափոխեն ազատների դասը, որովհետև շինականն իրավունք չուներ հոգևորական լինելու:

Այն, որ Անակին ծեծում էին, գլուխը քարը, աշխարհն այսպես է ստեղծվել, այսպես էլ կզնա, բայց որ մտրակն ինքն իր ձեռքով պիտի սարքեր ու հանձներ տիրոջը, այդ արդեն մի ահավոր պատիժ էր, որ մարդիկ ոչ տեսել էին, ոչ լսել: Մտրակը մի անգամ էր միայն օգտագործվում ու դեն պցվում: Հաջորդ տույժի համար նորն էր պետք: Տերը կարող էր նաև շհավանել նորը և հրամայել կրկին սարքելու: Ամեն մերժումից հետո սեղմ ժամկետ էր նշանակում, ավելացնում հարվածների թիվը և նշումներ անում հատուկ մատյանում, որպեսզի չմոռանա: Անակը, աչքը վախեցած, սովորաբար պատրաստում էր մի քանի մտրակ, այն հույսով, որ դրանցից գոնե մեկնումեկը դուր կգա տիրոջը: Բայց քանի որ ժամկետը շատ էր սեղմ, հարկադրված, ամբողջ ընտանիքն էր գործի լծվում ու, արցունքն աչքներին, իրենց հոր, իրենց տան սյունի, իրենց տան գլխի համար մտրակ էին սարքում: Փոկից կամ խոշոր կենդանու աղիքներից:

Յոթը դարձավ երկու յոթ տարի, իսկ Բաբիկի բարի ու զգայուն տերը միտք էլ չուներ իր սիրելի որդեգրին ազատ արձակելու: Այնքան էր կապված հետը, որ չէր կարող նրանից բաժանվել: Նույնիսկ հարկերի չափն ավելացրեց, որպեսզի, պարտքերի մեջ խրված, Բաբիկի երեսը չբռներ հիշնցնելու տիրոջ խոստումը: Ու Երոջ խիզճն արդեն հան-

գիստ էր, որովհետև, շինականի վիճակը վատթարացնելու գնով, ապացուցել էր իր սերն ու հարազատությունը:

Աշխարհի սահմանները Անակի համար հյուսիսից Գեղարքունիքն էին ու Սոթքը, արևելքից՝ Ծղուկքը և Արցախի Մարգավառը, հարավից՝ Ճահուկն ու Այրարատի Շարուր նահանգը, իսկ արևմուտքից՝ Գեղամա լեռների ջրբաժան գիծը:

Նույնն էր նաև Բաբիկի համար: Սահմանների անուններն էին միայն տարբեր:

Նրանցից ոչ մեկը չէր պատկերացնում, որ այդ սահմաններից այն կողմ էլի լեռներ կան, գետեր, բնակավայրեր, քաղաք, ատամնացավ, անասունների համաճարակ...

Բայց Անակն այնքան մտրակ սարքեց ու այնքան ծեծ կերավ, իսկ Բաբիկն այնքան երկար խաբված մնաց տիրոջից, որ երկուսն էլ ոչ միայն պատկերացրին, այլև արդեն հավատացին, որ Վայոց Ձորից ու Եկեղյաց գավառից այն կողմ էլի աշխարհ կար: Ընտանիքներն առած, փախան, հասան աշխարհի մյուս ծայրը, Արշակավան, և հիմա էլ պարզվեց, որ Արշակավանում է ամեն ինչ վերջանում, որ նրանից դենը այլևս ոչինչ գոյություն չունի:

Իսկ ամենաանհեթեթն այն էր, որ գալուց մի քանի օր անց, մի շնչին զանցանքի համար, Անակն այստեղ էլ մտրակի հարված կերավ մեջքին: Կառավարչի օգնականն էր՝ հարթ ու կոպիտ մազերով, որոնք հաճախ ընկնում էին երեսին ու ծածկում դեմքի կեսը:

Իսկ Բաբիկը այդ նույն օգնականից խստիվ մերժում ստացավ, երբ նրան գիմեց հոգևորական դառնալու խընդրանքով: Աշխատող ձեռքեր էին պետք քաղաքին: Կաշխատի յոթ տարի, որից հետո նոր միայն կարող է մտածել աստծուն ծառայելու մասին:



— Եուն է,— ծուլորեն կրկնեց Անակը ու հորանջեց:

— Ոչխար չի, շուն է,— ոտնահետքերը է՛լ ավելի ուշադիր զննելով, համաձայնեց Բաբիկը:



— Պարտք ես ուզում, չէ՞... Տեսա՞ր ոնց իմացա... Ես միայն իմ մեռնելու օրը չգիտեմ...— Անակը ինքնագոհ նայեց Բարիկին, կարծես նոր կոահելով իրենց հանդիպման շարժառիթը: Բարիկը շփոթվեց նրա անսպասելի հարցից ու լեզուն կապ ընկավ: Անակին էլ հենց այդ էր պետք: Է՛լ ավելի դժվարացնել նրա գործը, նոր արդելապատեր դնել նրա առաջ, չթողնել, որ շփոթմունքը հաղթահարի:

Հետո հայացքը պատահաբար ընկավ իրենց տան առաջ թափված քարերին, որոնք, չգիտես ինչու, շատ ջղայնացրին նրան: Նա Բարիկին թողեց ու լայն-լայն քայլերով, թևերը թափ տալով, մոտեցավ պատին, կոացավ, սկսեց հավաքել քարերը ու գասավորել իրար վրա:

Բարիկին իբր մոռացել էր: Բարիկն էլ հիմար-հիմար կանգնել էր, մեկ մի, մեկ մյուս ոտքին հենվելով: Տատանվում էր՝ օգնի՞ Անակին, թե ոչ: Բայց, չգիտես ինչու, նրան թվում էր, թե իր ամեն մի քայլը կարող էր նեղացնել հարեվանին: Ամաշում էր իր օգնությունը նրա վզին փաթաթել: Հանկարծ սխալ շհասկանա՞, չկարծի՞, թե աներեսություն էր անում: Բայց, մյուս կողմից էլ, ի՞նչ կա որ, իր հետ կռիվ էր տալիս Բարիկը, հարևանը հարևանին պտրտավոր է օգնել: Սակայն ստքերը ծանրացել, մեխվել էին տեղում, ուղեզը շէր կարողանում մարմնին որևէ բան թելագրել:

Ո՛չ թե ընտանիքի ծանր ու անելանելի գրաւթյունը, ո՛չ թե իր գատարկ ձեռքերին ուղղված քրեխանների սպասողական ու հարցական հայացքները, այլ երկարատև ու ապարդյուն հետապնդումները Անակին, և հատկապես այսօրվա այս անհեթեթ վիճակը նրան է՛լ ավելի համոզեցին, որ հարեվանից պարտք վերցնելը հրամայական անհրաժեշտություն էր: Այդ անհրաժեշտության գինը հանկարծ տասնապատիկ բարձրացավ, իսկապես դարձավ կյանքի ու մահվան հարց: Նա հասկացավ, որ նահանջի ոչ մի ճանապարհ այլևս չէր մնացել:

Ու Բարիկը, չգիտես ինչու, հանկարծ մի անասելի սով զգաց ստամոքսում: Թեև քիչ ու միչ կերել էր հենց քիչ

առաջ: Երբ քաղցած էր լինում, նրան թվում էր, թե երեխաներն էլ են քաղցած: Երբ մրսում էր, թվում էր, թե երեխաներն էլ են մրսում: Երբ հոգնած էր, ուրեմն երեխաներն էլ են հոգնած: Սովի զգացողութունից մի ներքին իրարանցում ու տազնապ մտավ նրա մեջ: Եվ մեղավորն Անակն էր, որն սպառնալիքի պես ցցվել էր աչքերի առաջ ու պղտորում էր նրա սիրտը:

Անակը վերջացրեց գործը, շտկեց մարմինը, բծախնդիր տանտիրոջ գոհունակությամբ նայեց իր հավաքած քարակույտին ափերն իրար զարնելով մաքրեց փոշին, ապա պատահաբար նկատեց Բաբիկին, խոժոռեց հայացքը, փորձեց հիշել, թե իրենց հոսսակցութունը որտեղ կանգ առավ և, անսպասելիորեն, ձայնը զցած, սկսեց միանգամից վրա տալ:

— Ես մեղավոր եմ, որ մեծ ընտանիք ունես: Քեզ ո՞վ էր ասում շատ երեխաներ բերելի: Երբ իրար ետևից երեխա էիր շարում, իմ կարծիքը հարցրի՞ր: Չհարցրիր, չէ՞, Լավա՞ծ բան է, որ մեկի սխալի համար մի ուրիշը պատասխան տա: Դե արի իմ սխալների համար էլ դո՞ւ պատասխանիր, էլի: Կարծում ես, ես սխալ չե՞մ արել: Արել եմ, ինչքան ուզես: Բայց ո՞ւմ եմ նեղութուն տվել:

— Երգվում եմ... Շուտ կվերադարձնեմ...

Ավելի լավ է գետնի տակն անցնել, քան թե այդ նախատինքները լսել: Նրա միակ հույսն այն էր, որ Անակը թողնի ու գնա: Ինքը չէր կարող, իսկ Անակը, հակառակի պես, չէր գնում: Թող պարտք շտա. թող էլի քաղցած մնա, թող էլի տոներֆն սպասեն, միայն թե գնա: Իսկ Անակը չէր գնում:

— Բա ես փո՞ղ ունեմ,— չգիտես ինչու, վիրավորվեց Անակը:— Մոռացե՞լ ես, որ ես էլ, քեզ նման, փախել եմ իմ տիրոջից:

Բայց Բաբիկը հաճախ էր դիմել նրա օգնությանը, և նա երբեք չէր մերժել: Հիմա ի՞նչ պատահեց, ուզում էր հարց տալ Բաբիկը. բայց Անակը այնպես էր իրեն պահում, որ եթե հիշեցներ, ասես մեծագույն վիրավորանք հասցրած կլիներ հարևանին:

— Ես միշտ ժամանակին եմ վերադարձրել իմ պարտքը,—

Մի տեսակ մեզափոր կմկմաց Բարիկը, կարծես ինչ-որ ծանր հանցանք խոստովանելով:

— Ծրանի հարևան շլինեհներ,— անակնկալ մեղմությամբ ասաց Անակը ու ձեռքը դրեց Բարիկի ուսին:— Կարծում ես հե՞շտ է տեսնել, թե ոնց են կողքիդ օրերով սոված մնում:

— Ես էլ չեմ դիմի քեզ,— սիրտ առավ Բարիկը, և հույսի մի ցուլք երևաց աչքերում:— Ինչով ուզում ես երդվեմ... Բայց այս մի անգամն էլ օգնիր...

— Դե լավ, ինչ արած,— հառաչեց Անակը ու, ինքն իրենից դժգոհ, ավելացրեց.— Դու սկզբից գիտեիր, որ պիտի լինի:

— Շնորհակալ եմ,— հուզմունքից կերկերաց Բարիկի ձայնը:— Ես գիտեմ, որ դու բարի սիրտ ունես:

— Դե որ այդքան նեղն ես գցում, ի՞նչ կարող եմ անել,— նեղացավ Անակը:— Բկիցս բռնել, բաց չես թողնում: Ես էլ մարդ եմ, չէ՞:

— Ես երբեք չեմ մոռանա քո լավությունը... Մենք ամբողջ ընտանիքով կօրհնենք քեզ...

— Դու կարող ես չվերադարձնել պարտքդ: Մեկ է, հետո էլի ես ուզելու: Ես քեզ ուտելիքի պաշար էլ կտամ: Երեխաներդ հո մեղավոր չե՞ն, որ կարճամիտ հայր ունեն:— Նու փոքր ինչ լոեց, մի ակնթարթում զրկվեց քիչ առաջվա պոռթկումներից, նորից ընկավ անտարբերության գիրկը, մի տեսակ զարմանալի դանդաղկոտություն մտավ շարժումների ու խոսքերի մեջ, ծուլ-ծուլ հորանջեց ու սկսեց էլի ծորտալ բառերը:— Գիտե՞ս հիմա ինչ անցավ մտքովս... Չէիր ուզենա՞ աշխատել ինձ համար... Օգնել, օգնել...— Ամեն խոսքից հետո երկար լուռ էր, կարծես մտքի թելը կտրվում էր, ու նա դժվարությամբ փնտրում, հավաքում էր ասելիքը:— Տունս ավարտես... Հողս մշակես... Անասուններին կեր տաս... Ի՞նչ իմանամ, տուն է, հազար ու մի գործ կլինի... Ոնց որ թե լավ բան մտածեցի, հը՞...

— Բայց դա արգելված է արենքով,— անհանդստացավ Բարիկը ու ձայնն իջեցրեց շուկի:

— Դո՞ւ գիտես,— դիտմամբ սովորականից մի քիչ բարձր խոսեց Անակը. արպեսգի ներշնչի. որ ոչ մի դատապարտելի

բան շկար իր առաջարկի մեջ:— Ուզում ես մտածիր: Ես չեմ ստիպում:

— Բայց... եթե իմանան, ինձ էլ կարտաքսեն, քեզ էլ: Բարիկը սփրթնել էր: Սիրտը սկսել էր արագ խփել: Ասես հանցանքի մեջ էր բռնվել, և բռնողն էլ Անակն էր: Անակը հենց նոր այնպիսի լավություն էր արել նրան, որ նա ոչ մի մեղք չէր կարող ունենալ: Ըստ որում, լավությունը գուցե ոչ այնքան պարտք տալու համաձայնությունն էր, որքան այն, որ խնդրատուի նվաստացուցիչ վիճակից փրկել էր Բարիկին: Չէ, ամբողջ մեղքը իրն էր, միայն իրը, Անակը ոչ մի կապ չուներ: Իսկ եթե իմանար կառավարչի օգնակա՞նը, որը շան հոտառությամբ զգում էր միշտ, թե որտեղ է օրինազանցություն կատարվում: Թեև նրա շնորհիվ անբուսփր կարգ ու կանոն էր իշխում քաղաքում, բայց և այնպես վա՛յ նրան, ով նրա ձեռքը կընկներ: Բարիկը ամենից շատ նրանից էր սարսափում:

— Ես հո չե՞մ ասում, որ բոլորի աչքի առաջ ծառայես ինձ,— ծուլորեն ժպտաց Անակը և մեծ, շատ մեծ դժկամությամբ նայեց երկնքին, ասես նրան խնդրել, աղերսել էին այդ բանն անելու:— Գաղտնի՛... Գաղտնի՛...

— Իսկ եթե իմանա՞ն,— իր հարցի մեջ զիջում զգալով, վախեցավ Բարիկը:

— Եթե իմանան, կասես հարևաններ Ենք: Բա որ մենք էլ չօգնենք իրար, էլ ո՞վ պիտի օգնի:

Անակը հույսը դրել էր այն բանի վրա, որ Արշակավանում ուրիշի աշխատանքի շահագործումը ոչ միայն արգելված էր, այլև խստիվ պատժվում էր: Որքան էլ տարօրինակ լինի, հենց դա էր փրկությունը: Օրենքի խստությունը ու պատժի դաժանությունը մի տեսակ հանգստացնում էին պաշտոնյաներին, բթացնում նրանց զգոնությունը: Որովհետև ոչ ոքի մտքով չէր անցնում, որ մեկն ու մեկը, զլխից ձեռք քաշած, կհանդգնի խախտել սահմանված կարգը: Նույնիսկ կառավարչի օգնականը հոտ չի առնի այս գործից:

— Համաձայն եմ,— շատ արագ ասաց Բարիկը, որպեսզի ծամանակ չունենար ծանր ու թեթև անելու:

— Գիտեմ, որ ճար չունես, գիտեմ, բայց ինչո՞ւ ես

նորից շտապում,— հանդիմանեց Անակը:— Գնա մտածիր, կնոջդ հետ խորհուրդ արա, տես նա՞ ինչ է ասում:

— Չէ, չէ, համաձայն եմ,— ջղայնացավ Բաբիկը, շփտես ում վրա:

— Տեսնո՞ւմ ես, թո կարճ խելքից կրակն բնկար,— Անակը գրկեց նրա ուսը, ու թեև տարեկիցներ էին, բայց հայրական նախատինքով օրորեց գլուխը:— Եթե այսքան երեխա չշարեիր, հիմա ստիպված չէիր լինի նորից ծառա դառնալ... Ով-ով, բայց ես հո լա՞մ գիտեմ, թե ինչ ծանր բան է ուրիշին ծառայելը... Մոռացե՞լ ես, որքան ենք տանջվել ես ու դու... է՛, Բաբիկ, Բաբիկ...

Ու Բաբիկը իրեն խորասլես մեղավոր զգաց թե՛ Անակի, թե՛ իր ընտանիքի առաջ:

Գլուխ քսանյոթերորդ

Օլիմպիայի համար ամենածանր հարվածը ձմռան գալուստն էր: Պատուհանը փակվեց հորթի՝ ձեթով մշակված ու գրեթե անթափանց կաշվով, և կտրեց նրա բոլոր կապերն աշխարհի հետ: Մենակությունն ստացավ որոշակի ձև ու ծավալ՝ իր օթևանը, շորս պատերով ու առաստաղով: Նույն-իսկ նաժիշտներն ու սպասուհիները, որոնք կարծես միանման դիմակներ հագած լինեին, իրենք էլ շիմանալով, հայելու պես արտացոլում էին թագուհու մենությունը:

Օլիմպիային այլևս հոգեկան ոչ մի բավարարություն չէին պատճառում իր շքեղ հագուստներն ու շլացուցիչ զարդերը: Ամեն օր նույն զգեստն էր հագնում: Հորենական բարձր դիրքն ու հարստությունը, որոնք սկզբում պաշտպանական դեր էին կատարում, բացարձակ մոռացության էին մատնված: Սպասում էլ արդեն չկար: Գոնե առաջ հուսադրում էր իրեն, գիշերները, անկողնում կուշ եկած ու շունչը պահած, ականջ էր դնում միջանցքից լսվող հազվադեպ ուռնածայներին: Իսկ արքան չէր գալիս: Բայց հեռավոր

հուլյսի ու մոտալուտ հուսախաբութեան հերթագայութիւնը գեթ ինչ-որ բանով լցնում էր նրա կյանքը: Իսկ հիմա լրիվ ամայութիւն էր ու դատարկութիւն:

Երբեմն սրտնեղութիւնից մտքովն անցնում էին անթույլատրելի բաներ. կարգի բերել սենյակները, մաքրել կահույքի փոշին, ձեռագործութեամբ կամ ասեղնագործութեամբ դրաղվել... Սակայն դրանք այն աստիճան անվայել էին յազուհու համար, որ նույնիսկ ինքն էր ամաչում իր թաքուն ցանկութիւններէից:

Օլիմպիան, առանց գիտակցելու, սկսեց դաժան վարվել եւժիշտների ու սպասուհիների հետ: Ամեն շնչին բանի համար դիտողութիւն էր անում, կաշում ամեն մի մանրուքից, քիթը խոթում այնպիսի գործերի մեջ, որոնց մասին նա գաղափար անգամ չպետք է ունենար, տեսարան սարքում, սպառնում հազար ու մի պատիժներով:

Եվ այն հեզ ու խոնարհ կինը, որը ժամանակին քաշվելով էր ընդունում ուրիշների ծառայութիւնը, հիմա դարձել էր փորձանք: Նրա ստվերն անգամ սարսափ էր պատճառում շրջապատի կանանց:

Օլիմպիային աստիճանաբար սկսեց դուր գալ իր վատ համբավը, դաժանութիւնն ու անսրտութիւնը մի տեսակ հագուրդ էին տալիս կյանքի ծարավին: Նա միահեծուն բռնակալ էր իր իշխանութեան նեղ սահմաններում, որոնք չէին տարածվում փոքր օթեանից այն կողմ, իսկ հպատակները՝ մի բուռ խեղճուկրակ կանայք:

Հանկարծ, չգիտես երբ և ինչպէս, նրա մեջ ծագեց բուռն գործունեութեան պահանջ: Դուրս գալ օթեանի սահմաններից, խառնվել երկրի գործերին, լիովին օգտվելով թագուհու իրավունքներից, ընդունելութիւններ կաղմակերպել պալատում, շփվել հայ նախարարների հետ, Բյուզանդիայից հրավիրել ղերասանների, փափկացնել այս կոշտ ու անտաշ պալատի մթնոլորտը: Եվ իր ամուսնուն անպայման տեղը նստեցնել կայսրի միջոցով: Երկար ու դառն նամակներ կգրի նրան, դժգոհութիւն կհայտնի հայոց արքայից, միջամտութիւն կխնդրի՝ իրենց փոխհարաբերութիւնները կարգավորելու համար, կմտերմանա ընդդիմադիր նախարարների հետ,

Մանրամասն կիճանա նրանց տրամադրություններն ու մտադրությունները և տեղյակ կպահի կայսրին: Որպես խսկակած բյուզանդուհի, որի համար իր հայրենիքի շահերը բարձր են ամեն ինչից: Տեսնենք այն ժամանակ արքան ինչպե՞ս ջանք չի թափի իրեն սիրաշահելու, ինչպե՞ս չի նկատի թագուհու բարեձև մարմինը, ինչպե՞ս սեր չի բացատրի իրին: Եվ ապա թող համարձակվի չքշել իր մյուս երկու կանանց, շարտաքսել՝ մեկին պալատից, մյուսին՝ ընդհանրապես երկրից: Վերջիվերջո թագուհու թիկունքում կանգնած է մի ամբողջ հզոր երկիր, որի հետ հաշվի շնստելու համար պետք է առնվազն խելքդ թոցրած լինես: Իսկ ի՞նչ է կարծում արքան, թագուհին այդքան շո՞ւտ կների նրան, այդքան շո՞ւտ կմոռանա նրա անուշադիր վերաբերմունքը: Նա դեռ երկար պիտի շարշարվի, պիտի մաշկից դուրս գա, մեղքերը պիտի մեկ առ մեկ քավի, որպեսզի թագուհին մի կերպ ների նրան:

Բայց Օլիմպիայի բախտը շքերեց: Կոստանդիանոս կայսրը Անտիոքից Արևմուտք գնալու ճանապարհին հիվանդացավ ու մահացավ Կիլիկիայի Տարսոն քաղաքում: Կարծես եղբոր, Օլիմպիայի նշանածի մահը քիչ էր, դեռ ինքն էլ մեռավ: Թագուհու դիրքերը խարխլվեցին, ու նա բուլոբովին անտեր մնաց: Կոստանդիանոսի հաջորդների համար նա չէր կարող նախկին նշանակութունն ունենալ: Դա երևում էր թեկուղ և այն բանից, որ մի քանի հունասեր նախարարներ, որոնք երբեմն ծածուկ այցելում էին նրան, ոտքները միանգամից կտրեցին թագուհու օթևանից: Նա հասկացավ, որ այլևս ոչ ոքի պետք չէր: Անհրաժեշտ էր որևէ կերպ գլխի ճարը տեսնել: Բայց ինչպե՞ս, ո՞ւմ միջոցով: Մտածեց, ծանր ու թեթև արեց ու հանգեց այն եզրակացության, որ միակ հույսը էլի արքան էր: Լավ թե վատ, էլի իր ամուսինն էր: Նա, անկասկած, առաքինի մարդ էր, թույլ չէր տա, որ թագուհու մազին անգամ կպչեն, վիրավորեն կամ վնաս հասցնեն: Եվ ո՞րն էր նրա առաքինության ապացույցը, այն, որ Օլիմպիային երեսի վրա՞ էր թողել, գուցե այն, որ թեկուզ մի անգամ, գոնե ձեռկանության համար, չէ՞ր հետաքրքրվել նրա իշանքով կամ գուցե և այն, որ երբեք իր կողքին չէ՞ր

նստեցրել, այսինքն այն գահին, որն օրհնքով թագուհուն էր պատկանում: Իսկապես, ո՞րն էր ապացույցը: Միակ ապացույցը, որ նրա համար ծանրակշիռ էր ու անհերքելի, որի դեմ ոչ մի փաստարկ չէր գիմանա, ոչ մի տրամաբանութուն ուժ չէր ունենա, դա իր սերն էր: Շատ հասարակ ու շատ զորավոր մի վկայություն: Նա սիրում էր արքային: Եվ հենց այդ պատճառով էր արքան առաքինի:

Այդպես նա սիրել էր իր մեռած նշանածին՝ Կոստասին: Մի մարդ, որ առաքինության ու ազնվության տիպար էր նրա համար: Այս հարցում էլ Յիմպիան մի յուրօրինակ ապացույց ունի: Նա ընդունակ էր կողքից դիտելու իրեն, և այդ կարողությունը նրան արգելում էր ինքնախաբեությունը զբաղվել: Եւ հրաշալի գիտեր իր արժեքը ու երբեք չէր փորձում իր ազնվությունը թաքցնել իրենից: Այն էլ Կոստասը երան սիրեց հենց այնպես, ինչպես որ կար, գնահատելով նրա ներքին գեղեցկությունը, մի բան, որ Օլիմպիան նույնպես բուրբուխն մտադիր չէր թաքցնելու, ուրեմն՝ նա շատ կարգին մարդ էր: Ինչո՞ւ մեռավ, չես հասկանում: Հարցը կարող էր այսքան պարզունակացնել ու այսքան հասարակացնել միայն նա, ով անհատակ վիշտ ունի և անասելի խոր ցնցում էր ապրել կյանքում:

Կոստանդիանոս կայսրի մահից հետո վախը սողոսկից Օլիմպիայի օթևանը: Նա կարծես տեսավ, թե ինչպես այն մտավ դռան տակի նեղ բացվածքից ու կամաց-կամաց, թիզ առ թիզ, գրավեց շորս կողմը ու լցվեց ամենուրեք: Նա ցավ պատճառելու շափ հստակ զգաց, թե ինչպես այն հասավ իր ծնկներին, կրծքին, կոկորդին, հետո մինչև առաստաղը ու սկսեց խեղդել իրեն:

Նախ, նա վերջ տվեց նաժիշտներին ու սպասավորներին հալածելուն: Նույնիսկ խղճի խայթ զգաց: Զարմացավ, թե ինչպես էր մտքովն անցել՝ իր սիրած մարդուց վրեժխնդիր լինել, ինչ է թե՛ խելքի բերեր նրան: Վախը վերադարձրեց իր բնական վիճակը, նա նորից դարձավ նույն հեղ ու խոնարհ կինը: Եվ այլևս ոչ մի ճիգ չարեց մենակության կապանքներից ազատվելու:

Նա ոչինչ չէր ուտում ու ոչինչ չէր խմում, մինչև որ նա-

ժիշտներին կամ սպասուհիներին որևէ մեկը համտես շաներ հենց իր աչքի շուռը: Թվաց, թե ինքնապաշտպանության էլքը գտել էր: Բայց մի քանի շաբաթ հետո հոգնեց, ու նախագգուշական այդ միջոցները է՛լ ավելի անտանելի դարձրին նրա կյանքը: Նա վերջ տվեց գրանց և նոր միայն քիչ թե շատ հանգիստ շունչ քաշեց: Բախտի քմահաճույքին հանձնվելը մի տեսակ հանգստացրեց և թուլացրեց նրան: Բող ինչ լինում է՝ լինի: Բող լինի՛, լինի՛: Միայն թե շուտ:

Մի գիշեր, երբ այնքան ուշ էր, որ կարժեռ բալոր շնչա-վորները, թե՛ մարդ, թե՛ գազան, պետք է խոր քուն մտած լինեին, Օլիմպիան, սովորականի պես մահիճին երեսեծվայր փռված, հեկեկում էր և անշար ու հոգնած խոսքերով մտովի անիծում իր բախտը:

Նա հայտնաբերեց մի սարսափելի իրողություն: Չանձ-րացել էր իրենից: Հենց այդպես՝ պարզապես ձառնարացել էր: Իր վշտերից, ասառապանքներից, հոգսերից, սպասում-ներից, վախից և անհասարակ ամեն ինչից:

Հենց դրա համար էր հեկեկում: Ինքն իր աչքից ընկնելու համար: Ինքն իրեն խորթանալու ու ինքն իրենից օտարվելու այս անհեթեթ զգացողության համար: Եվ հանկարծ մի ստվեր նկատեց ննչասենյակում: Մի պահ սարսափեց, կար-ծելով, թե գա իր զգացողության շարունակությունն էր, թե սեփական ստվերը անջատվել էր մարմնից ու ազատ մա՛ր էր գալիս իր համար: Վախեցած վեր թռավ ու մի ճիշ ար-ձակեց:

Փառք աստծո, ստվերը դեռ իր հետ էր: Խսկ նրա դիմաց կանգնած էր մի ուրիշ մարդ: Արքան էր, իր ամուսինը:

Օլիմպիան, որ օր ու գիշեր սպասել էր նրան, ահանջ դրել միջանցքից լավող ամեն մի ձայնին, նույնիսկ այնքան ուշագիր, որ երբեմն թվացել էր, թե հենց այդ ուշագրու-թյունից էր ձայնն ինքն իրեն ծնվում, այսօր, հակառակի պես, չէր լսել ամենախսկական ոտնաձայնը, դռան ամե-նախսկական ճռճոցը:

Արքայի հայտնվելն այնքան անսպասելի էր, որ Օլիմ-պիան ժամանակ շունչեցավ ուրախանալու: Արտասովորաց ուռած աչքերով նայում էր նրան, ինչպես մուրաված ճրեխան

կնայեր իր փրկարարին: Նա սեղմվեց պատին, անմիջապահ
ինչ-որ իրական ու կոպիտ բան դգալու ներքին պահանջով,
որպեսզի այս հրաշալի հայտնութունը չվերագրեր իր տե-
սիլքներին ու պատրանքներին:

Ճիշտ ժամանակին էր եկել արքան: Եկել էր նրա ձանձ-
րույթը սպանելու: Նրան ինքն իր հետ հաշտեցնելու, ինքն
իրեն վերադարձնելու: Վերացնելու այս անհեթեթ խորթու-
թյունն ու օտարացումը:

Օլիմպիան փրկված էր ճգնաժամից: Միայն ափսոս, որ
արդեն մի քանի ժամ է, ինչ ստամոքսում սուր ծակոցներ
էր զգում և սիրտն էր խառնում մի փոքր: Բայց նա կհաղթա-
հարի դրանք, այդ էր պակաս, որ այսպիսի մի օր թույլ տա,
որ ձախորդությունը, ինչպես միշտ, ընկճի ու ծնկի բերի
իրեն:

Արքան դանդաղ ու աննպատակ քայլերով պտտվում էր
սենյակում, ցրված ու մշուշոտ հայացքով դիտում շորս
կողմը, հենց այնպես ձեռք տալիս ինչ-որ առարկաների,
կարծես ուզում էր ստուգել դրանց պնդությունը: Ապա, ասես
իմիջիայլոց, նկատեց Օլիմպիային, որն աշխատում էր թա-
քուն սրբել արցունքները և կարգի բերել իրեն:

Այսպես, մտամոլոր ու քունը փախցրած, նա ման էր եկել
ամբողջ պալատում, մեն-մենակ իջել, բարձրացել բոլոր
երեք հարկերը, ետ ու առաջ քայլել դատարկ միջանցքներով
և Օլիմպիայի սենյակն էր մտել հենց միայն նրա համար,
որ լույս էր նկատել դռան արանքից: Չէր էլ իմացել, չէր էլ
մտածել, թե ում կհանդիպեր դուռը բացելով: Պարզապես
լույսն էր ինքնաբերաբար ձգել նրան:

Երկիրը գնում էր ձեռքից: Իսկ գիշերները, ինչպես ամեն
մի ճմարտություն, այնպես էլ այս մեկը, շատ ավելի
ակնհայտ էր դառնում ու խոշորանում: Ազդեցիկ նախարար-
ները, փոխանակ վտանգի դեմ միասնական ճակատով հան-
դես գալու, երես թեքեցին իրենց թագավորից: Ոչ միայն
Մերուժան Արծրունին ու Վահան Մամիկոնյանը, այլև ուրիշ
շատ վատեր ու անարժաններ: Նախ՝ Աղձնիքի և Նոշիրականի
բզեչխները, Մահկերտունն ու Նիհորականը: Աղձնիքի տոհմը
նույնիսկ պարիսպ քաշեց Հայաստանի կողմից՝ Չորա կոչ-

ված տեղում, դռներ դրեց և իր գավառն անջատեց մայր
երկրից: Ապա հայրենիքին դավաճանեցին ու Տիզբոն ներկա-
յացան նաև Գուգարքի բղջիւր, Ձորա և Կողքի գավառներին
նահապետները, Գարդմանաձորի տերը: Արքայի գեմ
ապստամբեցին Արցախի, Տմորիքի և Կորդիքի ամուր գա-
վառները: Մնաց միջնաշխարհը:

Արքան նստեց բազմոցին, մեջքով դեպի Օլիմպիան,
անթարթ աչքերով նայեց մի անորոշ կետի, կարծես ուզում
էր մտաբերել, թե ինչի համար էր հայտնվել այստեղ: Առա-
ջին անգամն էր ոտք դնում այս հարկաբաժինը, և մեղավորը
դռան տակի նեղ ու լուսավոր շերտն էր, որն ընդհանուր
մթության մեջ ասես մի հսկայական խարույկ լիներ:

— Հանվիր,— ասաց նա, առանց սեփական ձայնը
լսելու:

Օլիմպիան չհավատաց ականջներին: Մարմինն ակամօ
մի փոքր առաջ ձգվեց, կարծես ավելի լավ ըմբռնելու հա-
մար արքայի խոսքը: Չէ, չէր սխալվել, այսքան տառապե-
լուց հետո պարզապես չէր կարող սխալված լինել: Նրա
ձայնը դեռ արձագանքում էր սենյակում, և այդ արձագանքը
այլևս երբեք չի վերանա այստեղից: Երկու մենակ մարդ
հիմա կսփոփեն, կմխիթարեն իրար, գուցե և անխոս կհաս-
կանան միմյանց ու լուռ դաշինք կկնքեն մեկը մյուսի հետ:
Իսկ երկու հոգին այնքան էլ քիչ չեն: Եթե մանավանդ մեկը
կին է, մյուսը՝ տղամարդ: Եվ առավել ևս՝ եթե այդ կինն
ու տղամարդը ամուսիններ են: Դա արդեն ուժ է, մեծ, ջա-
մեծ ուժ է, որին անհնար է որևէ բան հակադրել:

Օլիմպիան, ուրախութունից ջիոթված, զլխով արեց,
այսինքն՝ հենց հիմա կկատարի նրա կարգադրությունը, թեև
արքան մեջքով էր նստած ու չէր կարող նրան նկատել:

Նա հիմա երկչոտ մարդու երկակի վիճակ էր ապրում:
Տեսնում էր, թե ինչպես վազեց, ծնկաչոք նետվեց արքայի
առաջ ու սկսեց համբուրել նրա ձեռքերը, նրա այտերը,
նրա աչքերը ու անդադար խոսել: Բառերը հոսում էին,
ինչպես անհանգիստ ու վարար գետի ջուրը, երբեմն անկապ,
երբեմն իրար գտնելով ու իմաստ տալով իրենց միությանը,
երբեմն խեղդվելով կոկորդում ու լույս աշխարհ չգալով: Նա

պատմում էր իր կյանքի մասին, ամենատխնուք տեղեբրում, շգիտես ինչու, ծիծաղելով, ծիծաղը լռեցնում համբույր-
ներով, իսկ իր ներկա երջանկության մասին խոսելիս՝
տխրում: Ըստ որում, համբույրներն անմեղ էին, ոչ կանա-
ցի, քրոջ, բախտակցի, վիճակակցի: Նա պարզորոշ տեսնում
էր այդ ամենը, լսում իր ձայնը ու անսահման հավատում:
Բայց և զարմանում էր, թե ինչո՞ւ էր մենակ կանգնած պա-
տի տակ ու, փոխանակ միանալու իր մյուս իրական կեսին,
գանդազ հանվում էր, ասես մի սրբազան արարողություն
էր կատարում: Ու այս երկրորդը, որը չէր մասնակցում քիչ
հեռվում տեղի ունեցող բաց ու անկեղծ խոսակցությանը,
լրիվ մերկ կանգնել էր սառը մարմարի վրա և ափսոս, որ
չէր տեսնում իրեն: Եթե տեսներ, կիմանար, թե այդ պահին
որքան գեղեցիկ էր ինքը: Ներքին մի լույս էր ճառագում
ներա բարեձև մարմնից ու երջանկության հոտ տարածում
չորս բուրբը:

Սրտատրոփ սպասում էր, թե ահա ուր որ է վեր կկենա
արքան, և նրանցից ամեն մեկն իր մենակությունը կըն-
ծայի մյուսին: Ու մենակ կլինեն երկուսո՞վ:

Սակայն այս բարձր տրամադրության կողքին, գետնա-
տարած ցավը նորից թափանցեց մարմինը, ու նորից խառ-
նեց սիրտը: Գուցե ուրախությունի՞ց էր այս անգամ: Գուցե
նա վաղուց կորցրե՞լ էր ուրախության ընտելությունը, և այն
հիմա արտահայտվում էր այսպես անսովոր ձևով:

Իսկ արքան, մաքերի մեջ խորասուզված, անշարժ նըս-
տել էր բազմոցին ու մոռացել նրա գոյությունը: Եվ, գարձ-
յալ գիշերվա օրենքով, դեմ հանդիման կանգնած էր ճշմար-
տության հետ: Ապստամբել էր թագավորական տան սեփա-
կան իշխանությունը Ատրպատական աշխարհում: Անձիտի
տե՛ր Սաղամուտը և Մեծ Մոփքի իշխանը գնացել էին հունաց
կայսրի մոտ: Գլուխ էին բարձրացրել մարերը: Աղվանքը
գլուխ էր Ուտին ու Շակաշենը: Զեռքից գնացել էին Ան-
գեղտունը ու Կասսից՝ երկիրը՝ Փայտակարան քաղաքով:
Մնացել էր միջնաշխարհը: Իսկ միջնաշխարհի մեծամեծ-
ները, որոնցից շատերին ինքն էր տվել պատիվ, իշխանու-
թյուն ու գործակալություն, երկմտում էին, փորձում էին

գրուին պահել և չենթարկվիլ արքային: Ուրեմն, միջնաշա-
խարհ էլ շկար փաստորեն: Կային ընդամենը մի Արտաշատ,
որտեղից այսօր չէ վաղը՝ պարսիկները կքշեն նրան, և մի
Արշակավան: Կային ընդամենը մի Վասակ ապարապետ,
որն անմիտ քաշությամբ կուվում էր թշնամու դեմ, և մի
Գնեկ իշխան:

Նա վեր կացավ, շրջվեց, մշուշոտ և ցրված հայացքն
ընկավ մերկ կենդ վրա, ու զարմացած նայեց նրան: Աչքերն
ասես հարցնում էին, թե ո՞վ էր այդ կինը և ի՞նչ գործ ունեք
այստեղ:

Ապա դանդաղ և մտամուռ դուրս եկավ սենյակից, և
գուռը մնաց կիսաբաց:

Օլիմպիան, քարացած և շունչը պահած, կանգնել էր
սառը մարմարի վրա, մերկ և բորիկ:

Նա շհասկացավ, թե ինչ կատարվեց: Գուցե երա՞զ էր
Այդ գեպքում՝ ի՞նչ էջ իր մերկությունը, այսքան իրական և
անժխտելի: Ի՞նչ էր նրա ձայնի արձագանքը, որ դեռ հնչում
էր օթևանի ամեն անկյունից: Ի՞նչ էր կիսաբաց դուռը, որ-
տեղից սենյակի լույսը դուրս էր փախչում, ապա, մթությու-
նից վախեցած, նորից վերադառնում: Եվ ի՞նչ էր իր անհե-
թեթ վիճակը, մարմարի սառնությունը ու մարմինը սողոս-
կած ցուրտը: Ի՞նչ է, էլի՞ ուրախությունից էր ստամոքսը
ցալում, հեգնեց նա ինքն իրեն, էլի՞ երջանկությունից էր
սիրտը խառնում:

Նա չէր համարձակվում անգամ մի շնչին շարժում անել,
անգամ խորը ջնջել, որպեսզի շխոստովաներ, որ ամեն ինչ
վերջացած է: Անշարժությունը հույս էր, ժամանակի և իրա-
կանության ընդհատում, անհաշտություն:

Նա ամբողջ հոգով արհամարհեց իրեն, զզվեց իր դժբախ-
տությունից և նորից ձանձրույթ զգաց սեփական անձից,
հոգսերից և խնդիրներից:

Մինչև կոկորդը կուշտ էր: Հասել էր մի սահմանագծի, երբ
այլևս չէր կարող ինքն իրեն հանդուրժել: Նա, անշուշտ, գի-
տեր, որ օտարի գժբախտությունը, սրբան էլ սկզբում կա-
րեկցանք և ցավ պատճառի, ի վերջո, սովորական դառնա-
լով, անընդհատ կրկնվելով, տաղտկալի է թվում, նույնիսկ

չդաշնացնում, հակակրանք առաջացնում: Բայց որ սեփականեն էլ օրերից մի օր նույն վիճակին է հանգեցնում, նոր միայն իմացավ: Իմացավ ու սարսափեց: Որովհետև դրանից մահվան հոտ էր գալիս:

Բայց ինչո՞ւ էր այդ հոտն այսքան դուրեկան, այսքան զգլխիչ: Եվ ինչո՞ւ ներկայացավ բարդու պես ձիգ հասակով, աստվածային գեղեցկությամբ, ելկար ու առատ մազերով և ինչո՞ւ հատկապես Փառանձեմի կերպարանքով:

Իսկապե՞ս Փառանձեմն էր: Նա մտավ հանդարտ ու խաղաղ քայլերով, տեսավ Օլիմպիայի մերկ մարմինը, նայեց կիսաբաց դռանը ու կարեկցանքով ժպտաց: Լայն մահճի վրայից, որ երևի նախատեսված էր երկու հոգու համար, վերցրեց գիշերանոցը ու մեկնեց Օլիմպիային, որը երկյուղով նայում էր նրան ու չէր կարողանում ուշքի գալ, դուրս ելնել իր անկյունից:

Օլիմպիան արագ-արագ հագավ գիշերանոցը ու էլի մնաց անկյունում, կարծես իր համար մի սահման էր գծել, որից այն կողմ ընկած տարածությունը ուրիշներն էին գրավել:

— Նա ասում էր, որ ամենքից ավելի ինձանից է հաճույթ ստանում, — հանգիստ ու մեղմ ձայնով սկսեց Փառանձեմը: — Որովհետև չի սիրում ինձ: Իսկ երբ չեն սիրում, թագուհի, ցավ են պատճառում իրար: Անկողնում նվաստացնում են միմյանց: Դու երևի չգիտես, որ դա է գիշերվա գերագույն հաճույթը:

Դա զուտ կանացի մենամարտ էր, սահմաններ չճանաչող, միջոցների առաջ կանգ չառնող, անգութ և անխնայ Իսկ Օլիմպիան լուռ էր ու չէր ընդունում մարտահրավերը:

Փառանձեմը, առանց հետաքրքրասիրությունը թաքցնելու, դանդաղ պտտվում էր սենյակում և ուշադիր նայում շուրջը: Կարծես ուզում էր կահավորանքից կռահել, թե ինչով էր ապրում թագուհին, ինչ ծածուկ մտքեր ուներ և առհասարակ ինչպիսին էր նա:

Նա գուշակում էր, որ քիչ առաջ արքան է դուրս եկել այստեղից: Մոտավորապես գլխի էր ընկնում, թե ինչ էր կատարվել: Կարիք չկար խորամուխ լինելու, մանրամասնու-

Յյուններ իմանայու, թագուհին ամեն ինչ մատենել էր իր անճարակ ու անվստահ մերկությամբ:

Հանկարծ Փառանձեմը կտրուկ շրջվեց և, խիստ ու պահանջկոտ ձայնով, դիմեց Օլիմպիային, ժամանակ շտալով, որ նա խուսանավելու փորձ անի:

— Ես քեզ հաճախ եմ միջանցքներում տեսել, թագուհի: Գիշերազգեստով: Շփոթված ու մեղավոր: Հատկապես իմ ննջարանի մոտ: Ասա, ի՞նչ էիր անում այնտեղ:

Օլիմպիան լուռ էր:

— Ի՞նչ էիր անում իմ ննջարանի մոտ, — կրկնեց Փառանձեմը:

Օլիմպիան փախցրեց աչքերը: Զդիմացավ նրա տիրական ու ինքնավստահ հայացքին: Հասկացավ, որ իսկական թագուհին նա էր, ոչ թե ինքը: Եվ, չգիտես ինչու, տասնապատիկ խաբված զգաց իրեն: Ոչ միայն ուրիշների, այլև իր կողմից:

— Ի՞նչն էր քեզ ձգում դեպի իմ ննջարանը, — համբերատար, բայց և առանց զիջելու մտադրության, երրորդ անգամ հարցրեց Փառանձեմը:

Այդ համբերատարության մեջ ինչ-որ վիրավորական բան կար: Օլիմպիան զգաց, որ ոչնչացնում են իրեն: Նա այլևս ուժ չունեի դիմադրելու, ընդվզելու և տեք կանգնելու իր արժանապատվությանը: Ոչ էլ կարողանում էր մյուս ժայրահեղության մեջ ընկնել՝ անտարբերության, այսինքն՝ լրիվ ձեռք քաշել իրենից:

Միակ փրկությունը ստամոքսի ծակոցներն էին ու սըրտխառնուքը, որոնք ստիպում էին դեռևս մինչև վերջ շհրաժարվել իրենից, հարկադրում էին ցավ զգալ, մտահոգվել ու սրբազան իր անձով:

Նա լարված ու սսկված կանգնել էր անկյունում: Հաստատ գիտեի, համոզված էր, որ Փառանձեմը նույն միապաղաղ տոնով շորրորդ անգամ կկրկնի հարցը, եթե պետք է՝ նաև հինգերորդ: Այնքան անգամ, մինչև որ Օլիմպիան խնլազարվի: Եվ յուրաքանչյուր կրկնությունից հետո պատասխանը է՛լ ավելի կդժվարանա, է՛լ ավելի պինդ կփակվի բերանը, ու ատամները ամուր կկպչեն իրար:

— Նայո՞ւմ էի գոան արանքից, — հանկարծ պոռթկաց Օլիմպիան: Ինչքան որ ձայն էր կուտակվել՝ ոչ միայն կոկորգում, այլև հոգու խորքում, անմնացորդ դուրս թռավ բերանից, դատարկվեց ամբողջ մարմինը: — Ուզում էի տեսնել, թե ինչպես է արքան քեզ սիրում... Ինչպես է շոյում ու փաղաքջում... Ուզում էի տանջել ինձ... Ստորանալ էի ուզում... Հիմա հասկացա՞ր...

Օլիմպիան նետվեց երկու տեղանոց լայն մահճի վրա ու սկսեց հեկեկալ: Բայց դա պարտված մարդու լաց չէր, այլ ընդհակառակը՝ հաղթած մարդու:

Փառանձեմի համար անակնկալ էր դա: Չէր սպասում այդպիսի շրջադարձ ու այդպիսի պատասխան: Օլիմպիան նույնիսկ դուր եկավ նրան: Մոտեցավ մահճին, նստեց ծայրին, ձեռքերը տարավ նրա մազերին ու սկսեց անկեղծորեն շոյել:

— Արքան իզուր չի եկել քեզ մոտ, թագուհի, — ասաց նա մեղձորեն: — Տղամարդիկ չգիտեն, թե ով կարող է իրենց իսկական սեր պարգևել: Նա չի տեսել, թե ինչեր են թաքնված քո մեջ:

Օլիմպիան լռեց, բայց չշարժվեց տեղից: Չգիտեր ինչպես ընդունել այդ շոյանքը: Անկեղծ կարեկցա՞նք էր դա, թե՞ շինծու Գուցե թակա՞րդ էր, որպեսզի հետո ավելի մեծ վիրավորանք հասցնեն: Բայց, ինչ մեղքը թաքցնեք, այդ շոյանքը դուր էր գալիս իրեն: Վաղուց ի վեր կարիք աներ մարդկային ձեռքի: Երեխայի պես մխիթարվում էր այդ ջփռվածից: Եվ, չգիտես ինչու, մխիթարանքը է՛լ ավելի էր խորանում այն մտքից, որ դա հակառակորդի կարեկցանք էր ու չերմություն...

Բայց Փառանձեմը մի ուրիշ բան չգիտեր: Եթե իմանա՞ր, գուցե ավելի շատ փոխվեր նրա վերաբերմունքը: Կան հարցեր, որ դուրս են սովորական տրամաբանությունից, և միայն կինը կարող է կնոջը հասկանալ: Օլիմպիան պահանջ էր զգում գերանկեղծության, մինչև վերջ բացվելու, լրիվ դատարկվելու: Բայց կորցրել էր պատեհ առիթը, արդեն ուշ էր, նա չպետք է դադար տար, իսկ եթե տվեց, ուրեմն, պիտի լռեր ու խոստովանությունն իրեն պահեր:

Իսկ եղելութիւնը հետևյալն էր. մի անգամ, երբ արքան Փառանձեմի մոտ էր ու երկար ժամանակ չէր դուրս գալիս, Օլիմպիան, որ գողի պես թաքնվում էր միջանցքի անկյուններում և ապավինում գիշերվա խավարին, մի պահ անվարան կանգնել էր դռան առաջ, առանց զգուշանալու հանցանքի վայրում բռնվելու վտանգից: Տեսնողը կատածեր, թե նա պատրաստվում էր վճռականորեն ներս մտնել ու մի խելահեղ բան անել: Մինչդեռ նա, ինչ-որ տարօրինակ ու անվերժանելի մղումից դրդված, մի կոճակ էր պոկել զգեստի վրայից ու թողել դռան մոտ: Հետո փախել էր իր օթևանը, ամուր փակվել ներսում, հանգցրել բոլոր շահերը, և նոր միայն սիրտն սկսել էր վախից թրթռալ: Գուցե նախնիների մեջ նման նախապաշարո՞ւմ է եղել, որ բնազդով փոխանցվել է նրան: Գուցե նրանք այդ միջոցին են դիմել ամուսնուն և՛ տ բերելու համար: Համենայն դեպս, նա մեծ բավաբարութիւն էր տեսնում այն մտքից, որ իր կոճակն այնտեղ էր, ու ոչ ոք չգիտեր, ո՛չ արքան կնկատեր, ո՛չ Փառանձեմը: Նրան թվում էր, թե հիմարացրել էր նրանց, խաբել ու ձեռք առել: Հաջորդ օրը անցել էր դռան մոտով, տեսել իր թողած կոճակը, և սիրտը լցվել էր մի անհուն բերկրանքով: Ու մի տեսակ հաղթած էր զգացել իրեն:

— Ես շատ եմ ուզում, որ մտերիմ լինենք,— սրտաբաց ասաց նա, նստելով հսկա մահճի մեջտեղում, ծնկներն հավաքած ու ձեռքերով զրկած:— Զէ՞ որ երեքս էլ նույն վիճակում ենք... Ես, դու, Որմիզդուխտը... Ինչո՞ւ ատել իրար... Ինչո՞ւ միմյանց չօգնել... Եթե կա մեկը, որ ամենատուժածն է մեզանից, ասպա դա միայն ես եմ... Բայց ես ինքս եմ ձեզ մեկնում իմ ձեռքը...

— Քո բարութիւնը մեզ ավելի է լարում իրար դեմ,— քմծիծաղ ավեց Փառանձեմը:— Եթե դու մի քիչ անաշխիվ լինեիր, մենք մի կերպ կհանդուրժեինք իրար:

Օլիմպիան սխալ էր թույլ ավել, կոպիտ ու աններելի սխալ: Նա ավելի ազնիվ ու մաքուր էր դուրս եկել, քան Փառանձեմն ու Որմիզդուխտը: Եվ այդ առավելութիւնը ոչ թե տարբովի էր, այլ միանգամայն բացահայտ ու անառար-

կելի: Փառանձեմը որսաց այդ սայթաքումը և անմիջապես
օգտվեց նրա սխալից:

— Եթե գահն է քեզ հուզում և իմ թագը,— առանց արևէ
բան կռահելու, նույն ոգով շարունակեց Օլիմպիան, խորաց-
նելով Փառանձեմի համոզմունքը,— ես կտամ քեզ: Երդվում
եմ, առանց մի պահ անգամ տատանվելու:

— Բայց դա ուրիշնե՛րը պետք է տեսնեն, թագուհի,—
ստքի ելավ Փառանձեմը:— Դա է իշխանության էութունը:
— Ինձ համար միևնույն է,— անմեղորեն պատասխանեց
Օլիմպիան ու գրանով է՛լ ավելի կործանեց իրեն:— Ես մա-
քուք սրտով առաջարկեցի:

— Դու իմաստազրկում ես փառքը և իշխանութունը,—
զայրացավ ու բողոքեց Փառանձեմը, կարծես անձնակալ
վիրավորանք էին նրան հասցրել ու խոցել նրա արժանա-
պատվութունը:— Իմ փառքն ու իշխանութունը իմ որդուն
են պետք, իմ ազգին են պետք, հենց իրեն, արքային են
պետք: Այդ ես եմ ամեն ժամ, ամեն պահ զգացել, թե ինչ-
պես է արու զավակը խաղում արգանդիս մեջ: Ե՛ս, ո՛չ թե
դու: Ես եմ նրան լողացնում, ե՛ս, և ամեն անգամ նրան
մերկացնելիս, հրճվանքով եմ դիտում, թե ինչպես են օրեց-
օր ամրանում նրա մկանները, թե ինչպես է նա օր-օրի
հասակ գցում: Նրա երեսին արդեն աղվամազ կա, օտարու-
հի, աղվամա՛զ:— Նա այնպես հաղթական ու հպարտ ար-
տասանեց իր վերջին խոսքը, որ ոչ մի առարկութուն չպետք
է դիմանար այդ շշմեցուցիչ և ուժեղ փաստարկին:— Ես
արդեն լսում եմ, թե ինչպես է ամբոխը գոչում՝ «Կեցցե՛ն՝
Պապ թագավորը»: Զէ, շէ, Օլիմպիա, լավ է, որ դու հեռա-
նաս:

Փառանձեմը, տարիքի առաջխաղացման հետ միասին,
վաղուց էր հրաժեշտ տվել իր փառատենչիկ նկրտումներին:
Գնելին կորցնելուց հետո գտել էր արժանի փոխհատուցումը,
այն էլ՝ կրկնակի: Ստացել էր թագ և իշխանութուն: Եվ
տվողը ոչ այլ ոք էր, քան նա, ով խլել էր իր երջանկութունը
և, փոխարենը, տասնապատիկ թանկ վճարել: Վրեժխնդրու-
թյան հարցը լուծված էր լիուլի: Ըստ որում՝ շատ ինքնասույզ
ձևով: Բայց տարիներն անցան, հին կրքերը, կարոտներն ու

փափագները մաշվեցին, դեն նետվեցին, իսկ նորերն ունե-
նալու համար այլևս չկար նախկին թափը: Նա ամբողջովին
նվիրաբերվեց որդուն, անձամբ զբաղվեց նրա գաստիարա-
կությամբ, ուշադրութուն չդարձնելով այն հորդորներին, թե
գա անհարիր է պալատական կյանքին: Որդու ու նրա ապա-
գայի մասին երազելու և հոգալու միջոցով Փառանձեմը էլ
ավելի կապվեց երկրի բախտի հետ, ու հիմա նրա բոլոր
մտքերը թռչվում էին իրար լրացնող այդ երկու գլխավոր
ճանգույցներին: Անհոգ ջահելութունը հայրենիք շունի, սո-
վորեց Փառանձեմն այս տարիներին, իսկ ժերությունը, երբ
այլևս ոչինչ անձնական չի մնում, հայրենիքի հայտնագոր-
ծումն է:

— Իսկ գու չէի՞ր ուզենա, որ արքան մեռներ, — հան-
կարծ, շարագուշակ առնությամբ, հարցրեց Փառանձեմը:

— Աստված մի արասցե, — գունատվեց Օլիմպիան:

— Բայց չէ՞ որ միայն նրա մահը քեզ կփրկեր:

— Ես չեմ ուզում փրկություն:

— Ստում ես: Դու քո փրկության մասին ես միայն երա-
զում:

— Ես սիրում եմ նրան:

Նա առաջին անգամ արտասանեց այդ բառերը և մեծա-
զույն բավարարութուն ստացավ իր խոստովանությունից: Սա
էլ ի՞ր ուժեղ փաստարկն էր, որ գուրգուրանքով պահել էր
ամենանեղ վիճակի համար, պահել էր որպես հզոր զենք,
որպես շառաշուն ապտակ հակաթակորդի երեսին:

— Բայց չէ՞ որ նա ոչինչ չի տվել քո սիրո փոխարեն:
Միայն տառապանք և սպորացում:

— Նա իմ ամուսինն է, — շարունակում էր կատաղորեն
պաշտպանվել Օլիմպիան: — Աստծո և օրենքի առաջ:

— Իսկ ի՞նչո՞ւ ինքնասպան չես լինում, — մեղմ ժպտաց
Փառանձեմը, առանձնապես շեշտելով իր խոսքերը, կարծես
սովորական մի հարց տալով, որ պատահաբար էր բերանից
գուրս թռել:

Օլիմպիան սարսափից կուշ եկավ ու սառեց: Ստամոքսի
ցավը սաստկացավ: Սիրտն սկսեց ավելի ուժեղ խառնել:
Նա տարակուսանքով նայեց Փառանձեմի շրթներին, որոնցից

գեռ շէր չբացիլ ժսլիտը: Քերև նույնիսկ պատասխա՞ն էր սպասում: Այս գործնական ու հանգիստ տոնը է՛լ ավելի տազնապ գցեց նրա մեջ ու հիշեցրեց մահվան հոտը, որ նա այնպե՞ս պարզորոշ զգացել էր քիչ առաջ:

— Գու ինձ ճանապարհ ես հուշում,— դողաց նրա ձայնը և ահավոր ուժգնութեամբ արձագանքեց ականջներում:

— Ինձ թվաց, թե այդ ճանապարհը պետք է վաղուց անցած լիներ քո մտքով:

— Գուցե ուզում ես հենց ինքդ էլ օգնե՞լ ինձ:

— Եթե դու դեմ չես, թագուհի:

— Գուցե ուզում ես ինձ սպանե՞լ:

— Իսկ եթե իրո՞ք ուզում եմ:

Փառանձեմն զգաց, որ հարցերի այդ շարանը վախի ու անվստահութեան խառնուրդ էր պարունակում իր մեջ: Նա անպայման կշարունակի, կուզենա մանրամասներ իմանալ, երբեմն նույնիսկ ավելորդ, երբեմն բոլորովին անպատեհօ Դա ձեռնտու էր Փառանձեմին: Օլիմպիան աստիճանաբար կհանգի ճշմարտութեանը և ինչ-որ շափով կընտելանա, կհաշտվի անխուսափելիության հետ: Միայն մի բան նա չգիտեր. Օլիմպիան ինքն էր ճգնում հասկանալու անխուսափելիության շափը:

— Դանակո՞վ, թե՞ թույնով,— հանկարծ արժանապատ-վութեամբ հարցրեց նա:

— Այստեղ տղամարդ չկա, թագուհի:

— Ուրեմն, թույնով,— անբացատրելի ջանասիրութեամբ, գլխով արեց Օլիմպիան:

— Կռահեցիր, թագուհի:

— Իսկ թույնն արդեն պատրա՞ստ է:

— Այո, թագուհի:

— Հե՞տոջ ես բերել:

— Բերել եմ, այո, բերել եմ:

Նա շէր ուզենա բառը կրկնել, բայց կրկնելուց հետո միայն հասկացավ, որ այլևս չէր դիմանում այս հարցաքննութեանը, ուժերը հետզհետե լքում էին իրեն: Իսկ Օլիմպիան, մի տե՛ս օակ երկյուղալի համառութեամբ, տանջող պնդաճակատու

թյամբ, շարունակում էր հարցեր տալ: Կարծես փոխվել էին դերերը:

— Իսկ Որմիզդո՞ւմսը, — հանկարծ հույսի մի նշույլ երևաց Օլիմպիայի աչքերում: — Որմիզդո՞ւմսը, Որմիզդո՞ւմսը:

— Դու դա ինձ վրա թող, թագուհի:

— Եվ ես աչ մի ազատում շունե՞մ, — անսպասելիորեն ասիտակեց ու տհաճ, շատ տհաճ ձայնով գոռաց նա: — Ինձ աշինչ լի՞ փրկի... Եթե գոռամ, եթե օգնություն կանչեմ...

— Բուրդ դոները իմ մարդիկ են հսկում, — նրա անհավասարակշռության հաշվին Փառանձեմը նորից տիրապետեց իրեն:

— Եթե խնդրեմ, աղերսեմ, ոտքերդ ընկնեմ...

— Դա ինձ ավելի ուժ կտա:

— Իսկ զորե՞ղ է թույնը, — անսպասելի շշուկով հարցրեց Օլիմպիան: — Ես շատ շե՞մ տանջվի:

— Մի անհանգստանա, թագուհի: — Ու դյուրագրգիռ տանով ավելացրեց. — Կարծում ես ինձ համար հե՞շտ է տեսնել արիշի տառապանքը:

— Իսկ ինչի՞ մեջ ես լցրել:

— Կաթի մեջ, թագուհի:

— Ես կաթ շատ եմ սիրում:

Նա վեր կացավ մահճից, կարծես բնազդաբար ուզենալով փախչել մահից: Որովհետև մահիճը ինչ-որ տեղ զուգորդվում էր մահվան գաղափարի հետ: Հարկավոր էր կանգնած մնալ, որքան հնարավոր է՝ կանգնած: Դա ինքնապաշտպանութան, ինքնապահպանման առաջին ու վստահելի միջոցն էր:

— Մի պայմանով... եթե դու իմ վերջին ցանկությունը կատարես:

— Ասա, թագուհի:

— Հագցրու ինձ իմ այս զգեստը:

Դա նրա լավագույն զգեստն էր, այն, որով պետք է զուգավեր գահասրահում, արքայի կողքին նստելիս, բայց որը երբեք բախտ չունեցավ հագնելու:

Փառանձեմը կռահեց, որ նա ուզում էր ստորացնել իրեն, գոնե մի անգամ նսեմացնել հակառակորդին ու հաղթած

մէննելէ Բայց դա բոլորովին չվիրավորեց իրեն, ընդհակառակը, սիրով ու պատրաստակամութեամբ կատարեց նրա պահանջը, նաժիշտի պես հագցրեց, զուգեց իր վերջին պահերն ապրող թագուհուն:

— Թագս,— հրամայեց Օլիմպիան:

Փառանձեմը սուսուփուս ենթարկվեց, բերեց թագը, խնամքով և զգուշութեամբ դրեց թագուհու գլխին:

— Հեռացի՛ր,— հանկարծ ամբողջ կոկորդով մեկ գոռաց Օլիմպիան և մատը ցցեց դեպի դուռը:— Կորի՛ք այստեղից:

Սրա՛ն տեսեք, եկել է հավի ճուտ մորթելու, Պրետորյանների պրեֆեկտ Աբլաբիոսի դատերը հանդերձալ աշխարհն ուղարկելու Եվ ինչպիսի՛ անպատկանութեամբ, ինչպիսի՛ լկտի ինքնավստահութեամբ, կարծես դիմացը մի ոչեշուքուն լիներ, և ոչ թե Հայաստանի թագուհին: Նա մինչև վերջին ակնթարթը հավատաց այս կնոջը, ներշնչվեց, որ իր մահն անխուսափելի էր, որ ուրիշ ոչ մի ելք չկար: Նա երբեք չի ների իր դուրահավատութիւնը, իր այդքան շուտ հանձնվելը, այդքան շուտ պարտվելը: Կյանքի ծարավը անվերջանալի հոսանքներով եկավ, լցվեց Օլիմպիայի մարմինը, ուռճացավ ու ոտքից գլուխ տիրեց նրան: Նորից հարութուն առավ դաժան լինելու, վրեժ լուծելու փափագը, օթևանից դուրս գալու, բուռն գործունեութիւն ծավալելու պահանջը:

Փառանձեմը, ի զարմանս Օլիմպիայի, բոլորովին չշփոթվեց այս փոփոխութիւնից: Պարզապես հայացքը մի փոքր լրջացավ, աչքերը խոժոռվեցին, և նա, դանդաղ ու խաղաղ քայլերով, ուղղվեց դեպի դուռը: Դռան մոտ շրջվեց, քննքին մի քմծիծաղ խաղաց, ու նա կծեց ներքևի ջրթունքը:

— Բայց դու երեկոյան արդեն խմել ես կաթը, թագուհի, — անվրդով ասաց նա և է՛լ ավելի ճշտեց իր խոսքը:— Ընթրիքի ժամանակ:

Մի հուսահատ ճիշ թռավ Օլիմպիայի բերանից: Նա գետին տապալվեց ու սկսեց գալարվել մարմարի վրա: «Ո՛ր», — գոռում էր նա անընդհատ, այդ բառի մեջ գնկելով իր ամբողջ էութիւնը: Փաստից առավել նրան ցնցել էր իր խռչտառա՛յ

պարտությունը, իր գոռոզ խոսքերի սնանկությունն ու ծիծաղելիությունը:

Իրեն լրիվ կորցրած, նա թավալվում էր գետնին, կրծում ձեռքերը ու խեղդվում հեկեկոցից: Եվ ամեն անգամ, երբ նոր բան էր գլխի ընկնում, հեկեկոցն է՛լ ավելի էր ուժեղանում: Ահա թե ինչու էր սիրտն այսօր անընդհատ խառնում: Ահա թե ինչու էր ստամոքսի մեջ սուր ծակոցներ զգում: Ահա թե ինչու էր մարմինը մերթ ընդ մերթ սառը քրտինքով ծածկվում:

Իսկ ա՛յլ էր տվել կաթը, ա՛յլ: Ո՛ւմ ձեռքից էր վերցրել: Բայց նա բնազդաբար հրաժարվեց սպասուհու անունն ու դեմքը հիշելու մտքից: Որովհետև եթե մահվան շեմին, երբ ամեն ինչ անկարևոր ու շնչին պիտի դառնա, ուզում ես նման մի մանրուք հիշել, ուրեմն, գրանով իսկ խոստովանում ես քեզ, որ շատ ես ուզում ապրել: Իսկ այդ խոստովանությունը է՛լ ավելի տանջահար կանի նրան, է՛լ ավելի սոսկալի կդարձնի մահը:

Փառանձեմը երեսը շուռ էր տվել ու հազիվ էր զսպում արցունքները: Աստված է վկա, որ Օլիմպիան լավ մարդ էր: Եվ աստված իրենից էլ լավ գիտե, որ լավերն են մեռնում միայն: Լավերն են միայն զոհ գնում ամեն քայլափոխին:

Փառանձեմի միակ մխիթարությունն այն էր, որ անձնական վրեժխնդրություն չէր սա, այլ, որքան էլ այս պահին ամոթալի հնչեր նման բացատրությունը, բոլորի կամքից վեր կանգնած անհրաժեշտություն: Կարող էր երդվել իր մինուճար զավակով, որից ավելի մեծ գանձ երբեք չի ունեցել կյանքում, կարող էր երդվել նույնիսկ այս անմեղ զոհով, որ իր համար այլևս ոչ մի արժեք չունեին գահն ու իշխանությունը: Բայց նա պարտավոր էր հնազանդորեն կրել թե՛ մեկը, թե՛ մյուսը: Արյան մեջ հեղեղված երկիրն էր դա հրամայում, վտանգի մեջ ընկած որդին էր հրամայում, իր ծերունազարդ հայրը, թեկուզև իր շսիրած ամուսինը, որ մարմնավորում էր հայի բախտն ու ապագան, իր սիրելի ու կիսամեռ Գնեկը, և Քրիստոսի պես տանջվող մի ամբողջ ժողովուրդ: Թող աստված ների այս նոխազերգության առջև ճղճիմացող իր մտածումները:

Օլիմպիան լուծ էր: Չէր երևում: Մահիճն էր կանգնած Փառանձեմի և թագուհու արանքում:

Նա ուժասպառ վեր կացավ, նստեց մահճի ծայրին և սկսեց ապասել: Հիմար Փառանձեմ, հիմար, հիմար, Շամհիմար: Նա շփտեց, թե ինչ է նշանակում ձանձրանալ ինքն իրենից: Զղվել սեփական անձից: Արհամարհել ու օտարազ նախ Այս վերջին սոսկալի ցնցումը այլևս տեղ չթողեց, որ Օլիմպիան կարողանար հաղթահարել խորթացման զգացողութիւնը: Ուղեղը լրիվ բթացավ, անշատվեց մարմնից, և մի անսահման անտարբերութիւն տիրեց նրան: Միայն թե շուտ լիներ, շուտ: Կամ այս կողմ, կամ այն կողմ: Բայց ո՞չ այս ցուրտ ու խաղար արանքում:

Որտեղից արտեղ ներս մտավ Որմիզդուխտը: Նա եղել էր Փառանձեմի մոտ, իմացել, որ նա Օլիմպիայի օթևանն է գնացել, և որոշել էր, առիթից օգտվելով, գոնե մի անգամ այցելել թագուհուն: Համենայն գեպս, պատշաճ կարգը անհրաժեշտ էր պահպանել: Տես, թե ինչպե՞ս է խորամանկ Փառանձեմը գլխի բնկել այդ, իսկ ինքը, որ իրեն խելոքի տեղ էր դնում, մինչև հիմա այսքան հասարակ բաներ չէ հասկացել:

— Ի՞մ քունն էլ չի տանում,— ասաց նա ու, բանից անտեղյակ, տեղյակ, տեղավորվեց բազմոցին:

Ստամոքսի ցավը ուժեղացավ, բայց Օլիմպիան գերած գույն ճիզ գործադրեց, որ ցույց չտա: Փառանձեմը, շունչը պահած ու գուլիւր գցած, հետևում էր նրան: Որմիզդուխտը, ինչ-որ տազնապալի բան զգալով օդի մեջ, հարցական նայում էր իր երկու մրցակիցներին:

— Կրկնի խոսքերդ, Փառանձեմ,— բառերը հաղիվ արժ տարբերլով, խոսեց Օլիմպիան: Չայնը դավաճանեց նրան, սկսեց խոխուալ, ու Փառանձեմը ավելի շուտ կռահեց, քան թե հասկացած նրա վերջին ցանկութիւնը:— Ասա, որ արքան չիմացավ, թե ով կարող էր իսկական սեր պարգևել իրեն...

— Նա շտեմավ, թե ինչեր են թաքնված քո մեջ,— հուզված ավելացրեց Փառանձեմը:

Օլիմպիայի ծնկները մի պահ կիսով լափ բարձրացան, մարմինն անընական կերպով ձգվեց, աչքերը կարծես փոր-

ձեցին դուրս պրծնել խոռոչներից, շրթներն ահավոր ծովեցին, բերանից մի խոռոց դուրս թռավ, ու նա չկարողացավ ալլևս լսել իր բնազդին, շհասցրեց ոտքի կանգնել: Անշնչացած ընկավ գետնին:

Որմիզդուր:տը ճշաց ու վեր թռավ բազմոցից: Այլայլված, 'մեկ մեռած Օլիմպիային նայեց, մեկ՝ քարացած Փառանձեմին: Ամեն ինչ իսկույն գլխի ընկավ: Ետ-ետ գնաց, կոլով պատին, դժվարությամբ կուլ տվեց թուրը և, չգիտես ինչու, կեսեց բացասաբար շարժել գլուխը:

— Դու ճիշտ ես, ճիշտ ես, Փառանձեմ,— սարսափահար ջնջաց նա:— Դու այս հողի ծնունդն ես... Եթե դու ապրեիր Պարսկաստանում, ե՛ս ավելի ուժեղ կլինեի քեզանից... Ես հենց հիմա կգնամ, թագուհի... Կփախեմ Պարսկաստան... Ես ալլևս մրցակից չեմ լինի քեզ... Ես կգնամ... Կգնամ...

Նա զգուշորեն մի քանի քայլ արեց, առանց հայացքը Փառանձեմից հեռացնելու: Աշխատեց որքան հնարավոր է հեռվից անցնել, շմոտենալ նրան: Հետո, վախից արժանապատվություն ու կեցվածք մոռացած, լեղապատառ դուրս փախավ սենյակից:

Փառանձեմը շարունակում էր արձանի պես կանգնած մնալ: Դեմքին ոչ մի արտահայտություն չկար, ոչ ցավ, ոչ աւրախություն, ոչ էլ նույնիսկ անտարբերություն:

Հայացքն ինքնաբերաբար ընկավ գետնին գլորված թագին, որն ընկել էր Օլիմպիայի գլխից: Դա ուշքի բերեց նրան ու դուրս հանեց ընդարմությունից:

Նա դանդաղ մտեցած, թագը վերցրեց գեանից, մի անգամ էլ նայեց խաղաղ գեմքով պառկած Օլիմպիային, ապա մեկ առ մեկ հանգցրեց ջահերը ու դուրս եկավ միջանցք:

Անշտապ քայլում էր երկար միջանցքներով, որոնք մթության մեջ ավելի երկար ու անվերջանալի էին թվում: Անցավ տասնյակ դռների մասով, անցավ պալատի խոր լռության միջով, իր հետ տանելով միայն սեփական զգեստի ջրշունեները:

Նա մտավ գահասրահ, մի պահ կանգ առավ գռան մոտ, մինչև որ աչքերը վարժվեցին խավարին, ապա աւշադիր

դննեց շուրջը, կարծես առաջին անգամն էր ստք գնում
այստեղ:

Սառը հայացքով, դանդաղ շարժումներով, առանց քրկէ
հույզի, գլխին դրեց թագը ու հանդիսավոր քայլերով, վստա-
հելով գիշերվա այն ճշմարտությանը, թե այս ժամերին
չպետք է քաշվել թաքուն խոհերից, անգամ ամոթալի մտքի-
րից, այլ անկեղծորեն ու մինչև վերջ, ամբողջ մերկությամբ
խոստովանել իրեն, նա ուղղվեց դեպի իր գահը:

Նստեց ու վերհիշեց այս հսկա ավոտի հետ շփվելու զգա-
ցողությունը: Կարծես վաղուց մոռացված մի մեղեդի մտա-
բերեց: Նորից արձանացավ, հայացքը սառեց մի հեռավոր
կետի: Հետո այտերից արցունքներ հոսեցին, հոսեցին առա-
տորեն ու անձայն, իրար խառնելով վիշտն ու գոհունակու-
թյունը: Ու նա ինքն իրեն շնչաց լաւարի մեջ.

— Ենորհակա՛լ եմ, Գնել...

Գլուխ քսանութերորդ

Շապուհը հրովարտակ էր ուղարկել արքային և
Վասակ սպարապետի հետ նրան հրավիրում էր Տիգրոն՝
հաշտության: Կարճամիտ նախարարներից ոմանք ուրախա-
ցել էին հրավերի համար և մեծ հույսեր կապել հաշտության
հետ:

Իսկ արքան կատաղած էր: Վիրավոր գաղանի պեռ
մոնչում էր և ցավից վտանգ սպառնում նույնիսկ յուրա-
յիններին: Պալատում բոլորը ոտքերի մատների վրա էին
քայլում և աշխատում էին նրա աչքին շերեւել:

Նա ոչ ոքի չէր ընդունում, ոչ էլ ինքն էր դուրս գալիս
գահասրահից: Ոչինչ չէր դնում բերանը և օր ու գիշեր վան-
դակի մի ծայրից մյուսը քայլում:

Պառաված շնագայլի ախորժակին տեսեք, ուզում է
առանց մատը մատին խփելու, առանց դժվարություն քա-
շելու, առանց իրեն նեղություն տալու, խնջույթ սարքել և

սեղանի ձրի զարդը դարձնել հայոց երկու մեծերին: Ափսոս չէ՞ր առաջ: Երբ կովոզ երկու կողմերը ուժասպառ էին լինում, և ոչ մի կերպ չէր վճռվում ճակատամարտի ելքը, թշնամի թագավորներն իրենք էին մենամարտում: Որքան ազնիվ էին իրենց նախնիները, միամիտ ու մաքուր: Իսկ հիմա ուզում են թակարդներով կովել միմյանց դեմ, պատրաստի վիճակում ստանալ զոհին, և հաղթում է նա, ով ավելի ստոր է ու նենգ: Ո՞ւմ համար գաղտնիք չէ, որ ոչ ինքը, ոչ էլ սպարապետը երբեք չեն վերադառնա Տիզբոնից: Միանգամից կղրվեն խնջույքի սեղանին ու կհոշոտվեն:

Ճիշտ է, պատերազմը արնաքամ էր անում Հայաստանը, անդամահատում նրա մարմինը, ջլատում երկրի ամբողջականութունը, սակայն էժան չէր նստում նաև Պարսկաստանի վրա: Թույլ կողմը մեռնում էր, բայց ուժեղ կողմն էլ վերքեր էր ստանում: Երբեմն՝ նույնիսկ լուրջ և խոր վերքեր:

Շապուհը վախենում էր վճռական ճակատամարտից, որ ստիպված էր տալ Արշակավանի նորավարտ պարիսպների տակ: Արքայի համար ապրելու և մեռնելու հարցը մի անլուծելի հանելուկ էր, մի մութ առեղծված, որոնց պատասխանը նա կստանար միայն այդ ճակատամարտից հետո:

Սրտից արյուն կաթելով, նա մի խոնարհ հրովարտակ ուղարկեց պարսից Շապուհ թագավորին, ինչպես նաև՝ հաշտության ընծաներ: Բայց Տիզբոն գնալու հրավերը կտրականարպես մերժեց և Արտաշատ մայրաքաղաքից տեղափոխվեց Արշակավան՝ հանելուկն ու առեղծվածը լուծելու:

Վերջին օրերն էին, վերջին ժամերը: Կամ հրաշքով կփրկվի երկիրը, կամ ոտքի տակ կընկնի: Երկուսից մեկը, երրորդ ճանապարհ չկար: Երրորդ ճանապարհը ուրիշների համար էր, հայինը երկուսն էին միայն: Միայն երկուսը, Ծվ եթե ուրիշները գլուխ էին պահում երրորդ ճանապարհի միջոցով, ապա հայը գոյատևում էր հենց այդ դաժան ընտրության շնորհիվ, որ նույնն էր թե՛ ընտրութուն չկար:

Այս օրերին նա մի տեսակ ավելի սիրեց իր երկիրը, ավելի կապվեց իր հպատակների հետ և էլ ավելի աստվածավախ դարձավ: Այդ ե՞րբ էր պատահել, որ ամեն գիշեր նա աղոթեր աստծուն, Արշակավանին հավասար ապավինեթ

նրա գորութեանը: Ուրեմն, գործերը լավ չէին: Լավ չէին գործերը, եթե նա, անհավատ մարդու պես, օրհասի ժամին աստծո անունն էր տալիս: Առավել ևս լավ չէին, եթե հանկարծ, չգիտես ի՞նչ հրաշքով, գտարյուն քրիստոնյա էր գարձել ու մոռացել հին աստվածներին: Այդ ե՞րբ էր պատահել, որ նա մեկ առ մեկ հիշեր այն շին գավառները, գյուղերն ու ավանները, մթին անտառներն ու անդնդախոր ձորերը, որտեղ ստք էր դրել երբևիցե, իսկ երկրում չկար մի անկյուն, որտեղ նա եղած շիներո շիշում էր քընքշուկյամբ ու խանդաղատանքով, կարծես վերջին հրածեշտն էր տալիս, ներքուստ հաշտված այն մտքին, որ այլևս երբևր քախտ չի ունենա տեսնելու այդ վայրերը: Այդ ե՞րբ էր պատահել, որ նա, ուղեղը լարած, փորձեր վերհիշել այս կամ այն առիթով հանդիպած շինականների դեմքերը, իր ժառանգրի անունները: Այդ ե՞րբ էր վերջին անգամ արտասվել, այնքան վաղուց, որ երևի այդպիսի բան չէր եղել: Իսկ հիմա, գիշերվա ուշ ժամերին, աղատութիւն էր տալիս թուլացած ջղերին ու, մի անկյուն քաշված, կարծես ինքն իրենից թաքնվելով, ինքն իրենից ամաշելով, անձայն լաց լինում: Տղամարդու արցունքներ էին դրանք, հազվագյուտ ու դժվարահոս:

Օրեր շարունակ նա չերևաց իր նոր պալատում՝ մարդու երես չտեսավ, ոչ մի բան չձեռնարկեց, ամեն ինչ թողնելով քախտի քմահաճույքին: Իսկ մի առավոտ անսպասելիորեն հրամայեց ճաշկերույթ տալ տաճարում, առաջին ճաշկերույթը Արշակավանում: Լուրը տարածվեց քաղաքով մեկ, և բոլորն ուրախացան, որ վերջապես պալատը կենդանութեան նշաններ էր ցույց տալիս: Կիսաքաղց շինականները, որոնք Արտաշատից մթերք չէին ստանում այլևս, ոչ միայն շվրդով վեցին առաջիկա խնջույքից, այլ ընդհակառակը, վեհանձնորեն հավանութիւն տվեցին: Թող անուշ լինի, միայն թի երկրի տերերը քթները չկախեն, շխտովեն...

Պալատն իրար անցավ: Լավ ու անհոգ օրերի հուշերը վերականգանացան: Ծրանելի ժամանակները, թեկուզ և մի օրով, կարծես ետ եկան: Թվաց, թե էլի ամեն ինչ առաջվա պես կարգին էր, երկիրն՝ ընդարձակ ու տեսողիկ, նախա-

բարենորո՞ւ ախրով ու միտքան, մատանները՝ շեն ու լի, արքան,
կաթողիկոսն ու սպարապետը՝ ժողովրդի զլխին տեր ու տիր-
ականս:

Հակառակի պես, հենց այդ նույն օրը, երբ նա մեծագույն
ճիգով մի կերպ գուրս էր գալիս արջային քնից և, ճաշկե-
րույթը նախարան դարձրած, փորձ էր անում մխրճվելու
երկրի կյանքի մեջ, նա ստացավ մի ահավոր լուր, որ մինչև
հոգու խորքը ցնցեց նրան: Սամվելը, այդ շար և անդուր
լակոտը, սպանել էր իր հորը, Վահան Մամիկոնյանին: Նախ
ստիպել էր նրան՝ հրաժարվել հավատուրացությունից, վերա-
դառնալ քրիստոնեությունը, քանդել ատրուշանները ու
վռնդել մոզերին, աղաչել էր ու ահաբեկել, ծնկաչոք պա-
ղատել ու բռնացել, իսկ հետո, երբ ոչինչ չէր օգնել, կատա-
ղության մոլուցքի մեջ դաշունահար էր արել նրան:

Ասում են, թե խելքը զուլսը գալուց հետո, սարսափած
իր գործած ոճրից, կիսախելագարված, ընկել էր դռնեդուռ,
բռնել սրա-նրա օձիքից և հարկադրել, որ գովեն իր արարքը,
գնահատեն իր մեծ հայրենասիրությունը, հիանան ու հպար-
տանան իրենով, նույնիսկ սպառնացել էր շանսատակ
անել, եթե չկատարեն իր պահանջը: Իսկ երբ բոլորը նող-
կանքով երես են թեքել, նա, ով իրեն երկրի առաջին հերոսն
էր պատկերացնում, սկսել էր փոքրոգի կերպով շորերը պա-
տառտել, ձայնն աշխարհով մեկ գցած լաց լինել, թավալ-
վել գետնին և գութ աղերսել: Եվ ամենքը, թե մեծ, թե փոքր,
է՛լ ավելի են զզվել նրանից, փողոցներն ու հրապարակները
դատարկվել են, լրիվ ամայացել, մարդիկ մտել են իրենց
տները, դուռ լուսամուտ պինդ-պինդ փակել, որպեսզի շտես-
նեն նրան: Նա քարշ էր գալիս Տայքի շեներում ու ավան-
ներում, կարեկցություն մուրում և ամենուրեք հանդիպում
ամայության, կարծես մարդիկ վերացել էին աշխարհի երև-
սից ու նրան մեն-մենակ թողել իր խղճի հետ: Իսկ խիղճը,
խրախուսանք ու սատարում շտանալով, վառվում, եփվում
ու բզիկ-բզիկ էր լինում:

Վա՛յ այդ լակոտին, եթե արքայի ձեռքն ընկներ: Ինքն
անձամբ կպատժեր նրան, այնքան կծեծեր, մինչև որ վեր-
ջին ջունը փչերս Որովհետև աշխարհում ոչինչ չկա, բացար-

Նախապէս ոչինչ, անգամ աստված ու հայրենիք, որոնց ամուսնից մարդ իրավունք ունենա ծնողասպան լինելու: Ոչ մի փաստարկ, ոչ մի տրամաբանութիւն, ոչ մի ապացույց, որքան էլ անհերքելի ու համոզիչ թվային, չէին դիմանա այդ սուրբ ճշմարտութեան առաջ:

Քայց դու շարունակութիւնը տես, շարունակութիւնը: Ինչպէս խեղդվողն է փրփուրից կառչում, ոճրագործը, խղճի ձայնը խլացնելու, իր մաշկը փրկելու համար, խորամանկ միջոցի էր գիմել: Եթէ ելք չգտներ, արդարացում չհնարեր, գիտեր, որ ոտքով-գլխով կկորչեր, այլևս չէր կարողանա ապրել: Եվ ոչ թէ ուրիշների, այլ հենց սեփական դատավճռով: Իսկ նա, պարզվում է, շատ էր ուզում ապրել, ձեռքը հոր վրա բարձրանում էր, իսկ ինքն իր վրա՝ չէ՛ր կարողանում...:

Եվ նա, այդ թշվառականը, օգնութեան էր կանչում արքային: Այդ ինչպե՞ս է, որ արքան հազար ու մի ոճիր է գործում, այդ ինչպե՞ս է, որ նրա ձեռքերը արյունոտ են, այդ ինչպե՞ս է, որ նրա խիղճն անմաքուր է, իսկ ժողովուրդը այնուամենայնիվ ներում է նրան: Ներելը կարծես քիչ է, նաև փրում է, մեծարում, պատվանդանի վրա դնում:

Արքան այս մի անսպասկառութիւնը ոչ մի կերպ չէր կարողանում մարսել: Այդ վիրավորանքը, չգիտես ինչու, շափազանց կպավ սրտին: Խեղճ արքաներ: Ձեր անուններն ամեն մի անարժան կարող է բերանն առնել: Առանց տարբերութիւն դնելու ձեր անանձնական ճակատագրերի ու իրենց խիստ անձնական ճակատագրի միջև:

Քո մեծագույն բախտավորութիւնն այն է, որ դու միայն քեզ ես պատկանում, թշվառ լակոտ: Իսկ ես՝ գուցե բոլորին, բացի ինձանից: Ինձ կարելի է դատել միայն մի դեպքով: Եթէ ես առաջնորդվել եմ զուտ սեփական շահերով, եթէ ոճիրը գործված է իմ բնավորութեան արատների պատճառով: Իսկ եթէ դա անխուսափելի անհրաժեշտութիւն է երկրի համար, եթէ այլևս ոչ մի ճար չկա երկրի գլխին կախված վտանգը կանխելու, ապա ամեն մի թափված արյան համար, դատապարտելով հանդերձ, պետք է նաև խղճալ ինձ: Եվ ես

խղճում եմ քեզ, Արշակունի Արշակ, խղճում եմ ամբողջ հոգով ու շեմ ամաչում իմ խղճահարութիւննից:

Եվ եթե երկրում կա մեկը, որն իրավունք ունի, այն էլ միանձնյա իրավունք, իր վրա երբեմն կրելու նաև գահճի պարտականութիւն, կրելու՝ սիրուց, հայրենիքի շահերից, հարյուր հազարավորների կյանքի ու երջանկութեան համար ստանձնած պարտավորութիւննից, երկրի ապագայի հանդեպ ունեցած ծանր պատասխանատվութիւննից, ապա դա միայն ես եմ: Ե՛ս և ուրիշ ոչ ոք: Եվ դա իմ մեծագույն դժբախտութիւնն է, որի վրա քանի-քանիսն են աչք տնկել և որի համար որքան շատ մարդիկ են ինձ նախանձում: Թեև, եթե այդ նախանձն էլ չլիներ, կարելի էր գտնել: Գոնե դա ինչ-որ շահով մխիթարում է ինձ և ինքնախաբեութեան հնարավորութիւն տալիս: Ուր իմանան, որ եթե վաղը ծնվի մի մարդ, ով ինձանից ավելի ճշգրիտ ծրագիր ունի երկիրը կործանումից փրկելու, ես իմ գահը կամովին կտամ նրան, առանց մի պահ իսկ տատանվելու, առանց ափսոսալու փոքր ազգի թագավորին վիճակված փուլ իշխանութեան ու խաղաղիք գահի կորուստը: Եվ կհամարտան արդյոք, հիմարի տեղ չե՞ն դնի ինձ, այդ ո՞վ է մինչև հիմա իր միջակութիւնը խոստովանել և ընդունել ուրիշի տաղանդը: Բայց եթե սիրում ես երկիրդ, եթե շատ ես սիրում, չափազանց շատ, այդ էլ կարող ես անել: Մանավանդ՝ օրհասի պահին, երբ ժամանակ չկա փառքի ու իշխանութեան ետևից վազելու: Բայց աստված մի արասցե, եթե մեկնեամեկն իմանա իմ մտքերը, ամբողջ երկիրը միանգամից կլցվի անհայտ տաղանդներով: Եվ առավել ևս աստված մի արասցե, եթե բացի ինձանից մեկ ուրիշն էլ հասկանա իմ ուժի և իշխանութեան բուն գինն և արժեքը:

Ահա այդ գինն ու արժեքը՝ քո ճաշկերութի սեղանը:

Բայց սա ի՞նչ սեղան է: Ծիշտ է, պայթում է առատութիւննից, սակայն ովքե՞ր են շուրջը նստած: Ո՛ւր են երկրի մեծամեծները, գահերեց իշխանները, հզոր նախարարները, կաթողիկոսը, Մերութանը, Մամիկոնյան եղբայրները, Հայր Մարդպետը: Ինչո՞ւ հյուրերը հարյուր հոգի չեն սովորեցնանի պես, այլ դյուրութեամբ են հաշվվում մատներին վրա: Եվ տա-

ճարն էլ այն չէ՛, հասարակ մի շինություն, գուրկ կամարակից խորաններինց աւ խորշերինց, առանց կենդանագիր եկարչներին, առանց լուսաճաճանչ գմբեթներին:

— Գահնամակում փոփոխություն չկա՞, սենեկապետ:

Վաղուց այդ հարցը չէր հնչել նրա բերանից: Իսկ պե՛տք է, պե՛տք է, որ հնչե՛ր: Թեկուզ հենց իրեն հավատացնելու համար, որ ամեն ինչ դեռ չի կորած: Դեռ Արշակավան կա, երկիր կա, ինքն էլ, փառք աստժո, ողջ ու առողջ է տակավին:

Բայց պատասխան տվո՞ղն ով էր: Դրաստամատի ճկույթն իսկ շարժեր: Սա հիմա պարզապես բառեր կարտասանի, հենց այնպես, մեքենաբար, առանց հավատի, առանց իր գործի կարևորությունը գիտակցելու:

— Նախարարական աթոռների հերթականությունը նույնն է, արքա:

Ասում էր, չէ՞: Է՛, Դրաստամատ, Դրաստամատ: Ո՞ւմ հույսին թողեցիր քո արքային: Այս ոչնչությամբ, որ ոչ մի բանի չի հավատում: Եվ ի՞նչ նույնություն մասին էր խոսքը, եթե արդեն վաղուց չկար նախկին գահնամակը, շողշողուն անունների շքահանդեսը, եթե ինքն իր կոտրած ձեռքով էր նորը կազմել ու մատանիով կնքել:

— Ուրախ եմ իմանալ, որ ուրեմն չի խախտված մեր միաբանությունը: Եվ քանի որ ոչ ոք չի պատժվել, ոչ ոք չի մեղանչել գահի դեմ... ոչ թե իմ, այլ գահի... թող ամեն մարդ նստի սահմանված տեղում:

Արքան այդ սովորական ժխտային խոսքերն արտասանեց աչքերը փակ ու հազիվ լսելի, կարծես աղոթք մրմնջալով: Եվ դա իրոք աղոթք էր նրա համար, անցյալի լիաթոք օրհնեղություն ու գալիքի երկշոտ մաղթանք:

Փոքրաթիվ նախարարները սուսուփուս գրավեցին իրենց տեղերը և սկսեցին լուռ ուտել: Արքան ոչ մի բանի ձեռք չէր տալիս և ջղածիգ ու տենդոտ հայացքով հետևում նրանց յուրաքանչյուր շարժումին: Սրանք ուտել էլ չգիտեն, շունեն իրենց նախորդների գլխախինդ, ճոխ ու շքեղ մարմնեղությունը: Նախորդները շատ իրական մարդիկ էին, աղմկոտ, կենսասեր, կռվարար, և ոչ թե սրանց պիտ խամաճիկներ: Ի՛նչ թեև հազար ու մի թոհուրոհից ու փորձությունից հետո

հենց այսքանն էին հավատարիմ մնացել գահին և, ուրեմն, արժանի էին ամսնայն գովատանքի, բայց արքան, ինչ մեղքը թաքցնեք, չէր սիրում նրանց։

Իսկ ի՞նչ գիտեա, որ հավատարիմ են։ Ե՞րբ հասցրիր կարգալ բոլորի հոգիները։ Արքան կասկածում էր ամենքին անխտիր։ Ամեն մեկի մեջ քողարկված դավաճանի էր տեսնում։ Նույնիսկ չէր բացառում, որ կաշիները փրկելու համար, խոսքներից մեկ արած, կհարձակվեն ու դաշունահար կանեն իրենց արքային։

Արքան երբեք չի տառապել կասկածամտությամբ։ Լայնասիրտ ու անվախ է եղել նույնիսկ այն նախարարների նկատմամբ, ովքեր բացահայտ տատանվող են եղել կամ ունեցել են օտար կողմնորոշում։ Զգուշացել է պարսկասերներից ու բյուզանդասերներից, սակայն նրանց սպառնացած վտանգից ավելի հավատացել է սեփական ուժին։ Եվ առանձնապես բանի տեղ չի դրել։

Իսկ հիմա հարց էր տալիս ու տանջում իրեն. ինչո՞ւ են սրանք հավատարիմ։ Ի՞նչ շահ ունեն։ Զէ՞ որ արքան երբեք այսքան շփոթված ու անօգնական չի եղել։ Էլ ի՞նչն էր նրանց կապում արքայի հետ։ Բոլորն էլ պետք է վաղուց փախած լինեին և, իրենց ապահովության համար, ապացույցներ տարածեին շորս կողմը, թե ոչ մի մասնակցություն չեն ունեցել նրա գործերին, ընդհակառակը, միշտ էլ հանդես են եկել արքայի դեմ։

Արքայի մտքովն ամեն ինչ անցավ, բացի մի բանից. գուցե իսկական հայրենասերները հենց այս մի բուռ իշխաններն էին... Եվ նա չզգաց, թե ինչպես հայրենասիրության մենաշնորհը աստիճանաբար սկսեց միայն իրեն վերապահել։

Արքան կարծես ջերմի մեջ լիներ, աչքերը վառվում էին մի տեսակ հիվանդագին ու անբնական փայլով, և նա պղտոր ու մշուշված հայացքով մեկ առ մեկ նայում էր սեղանակիցներին։

Ինչպե՞ս հավատաս թագադիր ասպետ Սմբատ Բագրատունուն, եթե նա միայն պալատում է հայերեն խոսում, իսկ տանը՝ հունարեն։ Կամ՝ Գարշույլ մաղխազ Խոռխոռունուն, թիկնապահ զորքի հրամանատարին, որը մերձավորի մատից

փուշ անգամ չի հանի, եթե դա հետագայում թզուտ չի բերի-
լու իրեն: Հաբուժենից Վրկեն նահապետն այնքան ծեր է,
որ հաճախ մոռանում է, թե ինքն ում է կողմնակից: Մուշկ
Սահառունին խեղդվում է փառասիրությունից, ուրեմն՝ հա-
յոց արքունիքը բոլորովին նրա տեղը չէ: Սա՞ ով է: Շատ
ժանոթ գեմք է: Վաշակն է, իշխան Վաշակը: Ծվ դու տես,
Բե ի՞նչ պատվավոր տեղ է զբաղեցրել: Այս մեկը երախտա-
հիտությունից հավատարիմ կլինի, թեև, անշուշտ, երախտա-
մոռությունը կարող է նույնքան օրինաչափ համարվել:

Երբեմն նրա տենդոտ հայացքը գաղտագողի ուղղվում էր
Պարգե իշխանի կողմը, որն զգաստ նստած էր բաղմականին
և չէր մասնակցում ճաշկերույթին: Միջին տարիքի, հաղթան-
դամ նախարար էր, Արտազի տերը, լուսկյաց մի մարդ, որ
երբեք չէր խառնվել երկրի արտաքին ու ներքին գործերին,
աչ մի հարցում նախաձեռնություն չէր ցուցաբերել, աչ բյու-
զանդասեր էր, աչ պարսկասեր, արքունիքի հրահանգները
կատարում էր բարեխղճորեն, հարկերը վճարում էր ժամա-
նակին, աքթայի պահանջով զորք էր տալիս, բայց ոչ ավել-
լին, մի խոսքով, ոչ ձուկ էր, աչ միս:

Ընդամենը էր որոշումը, սրտատրոփ մտածում էր արքան,
հենց նրանից էլ պիտի սկսել: Պետք է վախեցնել մնացած-
ներին, բռան մեջ պահել, շթողնել, որ թպրտան:

Թացն ու շորը խառնվել են իրար, էլ չի ջոկվում, թե ով
է բարեկամ և ով է թշնամի: Եթե անհնար է մարդկանց հոգու
մեջ մտնել, եթե անհնար է օրհասի պահին իմանալ ճշմար-
տությունը, ուրեմն, բոլորին պետք է հավասար աչքով նա-
յել, նույն ձևով չափել, այսինքն՝ չհավատալ: Համենայն
դեպս, դա ավելի անվնաս է ու ավելի անվտանգ, քան չհիմ-
նավորված հավատ ընծայելը:

Նա կուժեղացնի արքունի պահակախումբը, կավելացնի
թիկնապահների թիվը, ինքն անձամբ կընտրի նրանց և
անընդհատ կփոփոխի կազմը, որպեսզի չհասցնեն կաշառ-
վել ու դավադրության մասնակից դառնալ: Ննջասենյակը
երկրորդ հարկից կտեղափոխի գետնահարկ, որտեղ մուտքը
արգելված կլինի բոլորի համար անխտիր: Նախարարներին
կուղարկի իրենց տները, թող հեռու լինեն պալատից: Խոհա-

բարին կհրամայի անձամբ ուտել իր եփած ճաշը և միայն դրանից հետո ինքը ձեռք կտա պնակին: Գուցե ավելի ճիշտ կլինի նախարարներին ձեռքակալել տունդարձի ճանապարհին և ամենքին զնդան գցել, մինչև որ արհավիրքն անցնի:

Սովորության համաձայն, թե՛ արքան, թե՛ նախարարները ճաշկերույթի ժամանակ պետք է անգնեն լինիին, բայց արքան ծիրանի քղամիդի տակ դաշույն էր պահել, որպեսզի հնարավոր դավադրության դեպքում կարողանար պաշտպանվել:

Եահի հրովարտակից հետո նա արդեն ոչ ոքի չէր հավատում: Կավ է, որ Վասակ սպարապետը հեռու էր պալատից, առյուծաբար կոչում էր մարտի դաշտերում, լավ է, որ աներհայրը, Անդովկ Սյունին, նույնպես կոչում էր սպարապետի բանակում, այլապես արքան չէր կարող երաշխավորել, թե նրանք էլ կասկածի տակ չէին ընկնի:

Եվ ամենից շատ կասկածում էր իրեն, իր ուժին, իր հետևողականությանը, իր վճռականությանը, իր անդրդվելիությանը...

Գդալների, պատառաքաղների ու բաժակների միալար ձայնն աստիճանաբար լռեց, ու արքայի տենդալից հայացրը արագ սահեց հյուրերի վրայով:

Նրանք հարցական նայում էին Պարգև իշխանին, ուրն արձանի պես քարացել էր բազմականին: Նոր էին գլխի ընկել և, նշաններով կամ մեկը մյուսի արմունկին բռթելով, հակացրել իրար, որ ինչ-որ բան կարգին չէր:

Արքան ևս տարակուսանքով մեկ նախարարներին էր նայում, մեկ այլայլված Պարգև իշխանին: Միրտը մոլեգին հուզմունքից քիչ է մնում դուրս թռչր բերանից: Աչքերի հիվանդագին ու անբնական փայլը էլ ավելի ուժգնացավ: Եվ նա, ինչ-որ բան նկատելով սեղանի վրա, խայթվածի պես վեր ցատկեց տեղից:

— Դու չգիտե՞ս, իշխան, որ այս սեղանի շուրջը միայն արքան իրավունք ունի գործածելու ոսկի գդալ, պատառաքաղ ու բաժակ,— տաճարով մեկ թնդաց նրա ցասումնալից ձայնը:

— Ես վաղուց նկատեցի, որ իմ սպասքը ևս ոսկի է,—

գունատված կմկմաց Պարզե իշխաննը: — Մինչև հիմա չեմ հավատում աշքերիս...

— Եվ դու տեղյակ չե՞ս, թե ինչպես է այդ ոսկին հայտնւնըվել քո առաջ, — սպառնազին հարցրեց արքան:

— Սա դավադրութիւնն է, արքա, — հանկարծ վախից գոռաց Արտազի տերը: — Ինչ-որ մեկն ուզում է ինձ գժտեցունել իմ արքայի հետ:

— Այս ոսկին մահացու անպատվութիւնն է արքայի հասցեին, — է՛լ ավելի բարձր գոռաց արքան, որպեսզի իշխանն այլևս չապավինի իր ձայնին: — Ըմբոստութեան լկտիցուց:

— Ուշքի եկ, արքա, ինչեր ես խոսում, — վերավորանքից խորապես խոցվեց Պարզե իշխաննը: — Իմ ինչի՞ն էր պետք ըմբոստանալ: Ո՞վ է քո հույսը դժվար պահերին: Մի փոքր խումբ նախարարնիր չե՞ն արդյոք: Եվ դու գիտես, որ ես միշտ նրանց թվում եմ եղել:

— Երեսո՞վս ես տալիս հավատարմութիւնդ: Էլ ի՞նչ հավատարմութիւնն է այդ, եթե լեզվիդ տակ է միշտ: Առի՞թ էիր փնտրում հեշեցնելու Ուրեմն, հավատարմութիւնն այդքան ծա՞նր է նստած ռեսերիդ: Թո՞թափիր, իշխան, թոթափիր: — Եվ նա ձգված ցուցամատը դայրույթով ուղղեց սեղանին: — Ահա այդ մտայնութեան արդյունքը:

— Գուցե ծառանե՞րն են արել, — հազիվ էր իշխանն արջունքները զսպում: — Գուցե մի ստոր դավաճան կաշառե՞լ է նրանց... Արդարամիտ եղիր, արքա...

— Իշխան, կգնաս քո օթևանը, կփակվես այնտեղ և շնոհնանա, մինչև չսարգեմ ամեն ինչ: Բարի եղիր հենց հիմա հրաժեշտ տալ մեզ:

Արքան ծափ դարկեց, և Արտազի տեր Պարզեը, թիկնապահների ուղեկցութեամբ, մեռելի գուլյն առած, ըլխահակ ու ամոթահար դուրս եկավ տաճարից:

Իսկ արքան, ի զարմանս բոլորի, սկսեց անվրդով ուտել, իբր թե ոչինչ չէր պատահել: Վերցրեց մի ամբողջ հավի ճուտ, բռնեց ձեռքերով, ատամներով կրծեց, պոկեց մսերը և կերավ նախանձելի ախորժակով:

— Պետք է ասել, որ այսօրվա սեղանը իսկապես որ

արքայական էր,— զվարթ կատակեց նա: — Վազուց այսպիսի
ճաճույքով չէի կերել:

Ոչ որ շպատասխանեց նրան: Տիրեց ժանր ու մեռելային
լուսթյուն:

— Մի ժամանակ այս սեղանին նստել են հայոց մեծա-
մեծները,— կատաղի մոնչաց արքան: — Մերուժան Արծրու-
նին, Ներսես Կամսարականը, Հայր Մարդպետը... Մամիկոն-
յան եղբայրները... Կաթողիկոսը... Մի ստիպեք, որ կարոտեմ
ներանց... Իսկ ես վստահ եմ, որ նրանք կարոտել են իրենց
արքային... Հիմա մենք բաժակ կբարձրացնենք նրանց կե-
նացը... Կխմենք մեր արժանավոր թշնամիների առողջության
համար...

— Դու վիրավորեցիր քո ամենահավատարիմ նախարար-
ներից մեկին,— ինքնավստահ տոնով իշխան Վաչակը նա-
խատեց արքային: — Ես չեմ հավատում, որ նա մեղավոր
է: Դու ինքդ էլ չես հավատում, արքա:

— Մեղավոր: Արտազի տեր Պարգևը մեղավոր: — Ար-
քան անսպասելիորեն սկսեց բարձր ծիծաղել: — Ինչպե՞ս
կարող էր մեղավոր լինել, եթե ես եմ փոխել սպասքը: —
Նախարարները սփրթնած ոտքի ելան ու ապշած նայեցին
արքային: Իսկ արքան շարունակում էր ծիծաղել, և նրա
ձայնը արձագանք էր տալիս տաճարի բոլոր անկյուններից,
կարկուտի սլես թափվում էր առաստաղից ու խլացնում
ամենքին: Նախարարներին թվաց, թե ցնորվել էր իրենց ար-
քան, խախտվել էր ուղեղը: Կարեկցանքով շրջապատեցին
նրան ու փորձեցին հանգստացնել: Բայց արքան, մի ձեռքով
փորը բռնած, մյուս ձեռքի ցուցամատը ապշանքից քարա-
ցած նախարարների վրա ցցած, անպատկառ ծիծաղում էր
ներանց երեսին: — Ոտքերիս մատների վրա... Գողեգող...
Արքայական խուլյը գլխիս... Ականջներիցս կախված գին-
գերով... Այս կարմիր մաշիկներով... Սպիտակ զգեստիս
վրա՝ ծիրանի թղամիդ... Եվ մի տեսնեմ, թե ի՞նչ հաճույք
էր զգում արքան իր ստորությունից... Որպես մի հետին
տակառագործ...

Նա, մեծ դժվարությամբ, աստիճանաբար լռեց, մի կերպ
կանգնեցրեց սարի գագաթից զլորվող ձնագունդը, թևքով

տրբեց գեմքի արցունքները, շունչը կամաց-կամաց տեղը բերեց և զգաց, որ սիրտը անտանելի խառնում էր Զգիտեր՝ հր արարքի՞ց, պարսից շահի հրովարտա՞կը մտաբերելուց, թե՞ Սամվելի ոճիրը վերհիշելուց:

Խորը տեղավորվեց բազմականին, մռայլվեց, գլուխն առավ ափերի մեջ ու անշատվեց, վերացավ շրջապատից:

— Բայց ինչո՞ւ, արքա, ինչո՞ւ,— զգուշորեն հարցրեց իշխան Վաչակը:— Զէ՞ որ դա անիմաստ դաժանությունն էր... Հավատարիմ մարդու հանդեպ... Այն էլ՝ այսպիսի ժամանակ...

— Դու հիմա իմ ամենաազդեցիկ նախարարներից ես, իշխան Վաչակ,— գլուխը դժկամությամբ բարձրացրեց արքան և հեզնանքով դիմեց նրան:— Էլ ինչի՞ ես դժգոհում ժամանակներից:

— Դաժանությունը խաղաղ օրերի զբաղմունք է, տեր իմ,— պոկ չէր գալիս Վաչակը:— Աղերսում եմ, ետ կանչիր Պարզև իշխանին:

— Ընդհակառակը, իշխան,— հոգնած պատասխանեց արքան:— Դաժանությունը չպետք է կապ ունենա խաղաղ օրերի հետ:

— Բայց ինչո՞ւ պատժեցիր,— համառորեն հարցապնդում էր իշխան Վաչակը,— ի՞նչ էր արել նա:

— Պատժեցի, որ շանի,— հանկարծ մեղմ և բարի ժրպտաց արքան:— Այո, պատժեցի, որ շանի:

— Բայց որտե՞ղ է տրամաբանությունը, արքա...

— Հենց վճռի՞ մեջ է, իշխան, վճռի՞ մեջ,— շարունակեց ժպտալ արքան:— Տրամաբանությունը միշտ էլ վճռի մեջ է լինում, իզուր ես ուրիշ տեղ փնտրում:

Ապա վեր կացավ, ծափ զարկեց ու գոռաց խոպոտ ձայնով.

— Ո՞ւր են գուսանները: Էլ ի՞նչ խնջույք առանց երաժրշտության:

Դա նշան էր, որ սկսվում էր ճաշկերույթի երկրորդ մասը՝ գինարբուքը: Սպասավորներն անմիջապես դատարկեցին սիդանները և բազմականների հետ միասին տեղափոխեցին սաճարի շորս ծայրերը, որպեսզի կոչնականները նստեն

աշատերի տակ, լսեն ու դիտեն գուսաններին և վարձակներին: Տակառապետի առաջնորդութեամբ ներս մտան սպիտակագգեստ մատուակները, բերեցին գինի և աղանդներ: Բայց հասարակաց արքում տեղի շունեցավ, այսինքն՝ առաջին բաժակը, որ կոչվում էր նվազ արտախութեան, շփոխանցվեց մեկից մյուսին որպես հարգանքի ու հավասարութեան նշան: Սկան գուսանները, տեղավորվեցին դռների մոտ, նվագեցին բամբուկների վրա, և նրանցից մեկը, մի կույր ժերունի, մեղմ ու հաճելի ձայնով, երգեց սիրային մի տխուր ու զգայացունց երգ:

Նախարարները մոռյլ կանգնել էին տաճարի տարբեր անկյուններում:

Արքան, մտքերի մեջ խորասուզված, արցունքն աչքերին, չքեղ հանդերձները հագին, կարծես ի տես ամենքի, անշարժ ժացել էր տաճարի կենտրոնում:

Ինչ-որ մղձավանջային քան կար սիրային տխուր ու զգայացունց երգի, անօղնական ու շփոթահար նախարարների, արտասովոր արքայի և ընդհանրապես այս ամբողջ մթնոլորտի մեջ:

Իսկ արքան արտասովում էր, որովհետև կորցնում էր իրեն: Մինչդեռ վերջին ժամին ես պարտավոր եմ ավելի քան լինել, քան երբևէ: Ես կհաղթեմ ինձ, կջարդեմ, շանտատակ կանեմ իմ անձը, շեմ թողնի, որ վախն ու կասկածը կրծեն իմ հոգին, քանի որ դա պարտվելու նշան է: Գեռ չկուված պարտվելու: Ես հրապարակայնորեն ներողություն կխնդրեմ անմեղ իշխանից, որպեսզի իմ ուժը ցույց տամ նախ ինքս ինձ: Ես դուրս կգամ իմ պատյանից, կիջնեմ քաղաք, կխառնվեմ ամբոխին և անձամբ կմասնակցեմ Արշակավանի պաշտպանութեանը, անձամբ կմասնակցեմ զինավարժություններին, կոգևորեմ ու կքաջալերեմ իմ հավատարիմ հպատակներին: Մինչև օրհասի ավարտը հրաժեշտ կտամ իմ մենակութեանը, խոստանալով խաղաղ օրերին կրկին հանդիպել նրան՝ ինչպես հին ու մտերիմ ծանոթներ: Այլևս երբեք չեմ մտածի, որ հայրենիք սիրելու մենաշնորհը ինձ է միայն տրված, այլ կհավատամ, որ համընդհանուր սեփականություն է այդ սերը և հավասարապես պատկանում

է ինձ, շինականին, նույնիսկ այս խեղճուկրահ նախարարու ներքին: Մեռոնն ա սուրբ խաչը վկա, ես անխնա կկռվեմ իմ դիմ, կհաղթեմ ա ծնկի կրեցեմ ինձ:

Արքայի մտքի թելը կտրվեց, արովհետև ներս խուժեց այլայլված սենեկապետը և շնչակտուր փռեց հենց գուռն միջից:

— Հարձակում է, արքա... Պարսիկներն ա գավաճան նախարարները... Զորս կողմից պաշարել են քաղաքը...

— Սպասիր, սենեկապետ,— առանց գիրքը փոխելու, արքան ձեռքի շարժումով մեղմ ընդհատեց նրան:— Համբերիր մինչև երգը վերջանա:



Հարձակումը զուգադիպեց մի դիպվածի հետ, որը գոնե այդ օրը չպետք է տեղի ունենար, բայց շարաքախառնության իմաստն էլ այն է, որ այդ դիպվածը կատարվեր աչ թե դրանից մեկ օր առաջ կամ մեկ օր հետո, այլ հենց նույն օրը, հենց միաժամանակ:

Արքան շտապում էր դեպի գլխավոր դարբասը, անձամբ ղեկավարելու պաշտպանության գործը: Նրա հտեկից, փոշու հսկայական ամպեր բարձրացնելով, քաղաքի փողոցներով արշավում էին նախարարներն ու թիկնապահները:

Վերջապես եկավ ժամը, փառք երկնավորին, որ շուտ եկավ: Թշնամին սխալվեց, արքային աղատելով սպասողական վիճակից: Մինչդեռ կարող էր անաբյուռ հաղթանակ տանել, եթե նրան անընդհատ պահեր անսրորոշության մեջ: Իսկ արքայի ուժերը դեռ լրիվ չէին ապաված: Նա իրեն թարմ և առույգ էր զգում, վերջին օրերի մղձավանջը արդեն վաղուց մոռացության էր մատնված: Նա փյունիկի պես հարություն էր առել ու էլի առաջվա նման լի էր եռանդով, հավատով ու վճռականությամբ: Նա դեռ ցույց կաա, թե ինքն ինչ հրաշքների է ընդունակ: Նա դեռ այիաթ ապրի մինչև այն հրաշալի ու աստվածային պահը, երբ գավաճան նախարարները շղթայակապ կկանգնեն իր առաջ: Էլ ինչի՞ համար էր Արշակավանի ստեղծումը, էլ ինչի՞ համար էր իր գոյու-

թյան իմաստը, եթե ինքը չի շահելու այս վճռական մարտը, եթե երկրում չի տիրելու տևական խաղաղություն, եթե վերջին օտար զինվորի ոտքը չի կտրվելու երկրի սահմաններից, եթե արքան չի կարողանալու գտնել իրեն, իր կորած ու մոլորված կրկնակին, որին ինքը անձնագոհաբար արտաքսել էր իր հոգուց ու մարմնից, բայց արին շատ էր սիրում ու կարոտում, եթե հանգիստ խղճով չի կարողանալու քուրձով ու մոխրով ապաշխարելու իր մեղքերը, այլևս անհրաժեշտություն չզգալով նորերը գործելու:

Հենց այս մտքերով տարված պահին նրա ուշադրությունը գրավեց մի երիտասարդ շինական, որին ձերբակալել էին երկու զինվորներ: Զինվորները հեծյալ էին, իսկ շինականը, ձեռքերը մեղքին կապված, գլխահակ քայլում էր ձիերի արանքում: Արքան շատ զարմացավ, որ այս թոհուբոհի մեջ կարող էր այդպիսի տեսարանի հանդիպել: Կարծես խաղաղության մի անուշ հոտ փչեց նրա քթին, ու նա տարակուսանքով կանգնեցրեց ձին, մյուսներին նշան անելով, որ շարունակեն ճանապարհը: Խնչ մի հանցանք պիտի գործած լիներ այս մարդը, որ անիմաստ շթվար արհավիրքի առաջ: Եվ ինչ հաճելի էր տեսնել երեք հոգու, երկու ձիավորի ու մի ձերբակալված հեռիտանի, որոնցից մեկը՝ իր հանցանքով, իսկ մյուս երկուսը՝ իրենց առօրյա պարտականությունը կատարելով, դեռևս դուրս էին մնացել իրական ժամանակից:

Պարզվեց, որ փախստականի էին բռնել, ըստ որում, բռնել էին ոչ թե օրևէ վատ բան կասկածելով, այլ անհանգրստանալով նրա անվտանգության համար: Թշ ոքի մտքով չէր անցել, թե նա ընդհանրապես է փախչում Արշակալանից: Կարծել էին, թե գնում է յուրայինների տեսնելու: Բայց սրովհետև երաշխիք չ'լար, թե ողջ-առողջ կվերագանա, բռնի ուժով ետ էին բերել նրան:

— Ուրեմն, արշակավանդի՞ ես, — համակրանքը շթաքցնելով, հարցրեց արքան:

Շինականը, որ կյանքում առաջին անգամն էր արքային դեմ առ դեմ տեսնում, երջանիկ ժպտաց ու գլխով արեց:

— Բախտդ բերել է, որ իմ զինվորների ձեռքն ես ըն-

կել,— զվարթ կատակեց արքան, խորապես ջնորհակալ, որ աշխարհից անտեղյակ այս երեք միամիտները հանգստութեան այսպիսի երանելի պահ պարգևեցին իրեն:— Փախել էիր կնոջդ ու երեխաների՞դ տեսնելու

Շինականը, որն աստծուց նույնպես ջնորհակալ էր այս հանդիպման համար, երջանկությունից չկարողացավ ոչինչ թաքցնել ու բացասաբար շարժեց գլուխը:

— Մնողների՞դ տեսնելու Սիրած աղջկա՞դ Հնկերների՞դ էիր կարոտել:

Շինականը, ժպիտը դեմքին, ամեն հարցից հետո շարունակում էր բացասաբար շարժել գլուխը:

— Հապա էլ ինչի՞ համար էիր փախել,— զարմացավ ու տարակուսեց արքան:

— Կարոտել էի, արքա,— ուրախությունից անկեղծաբար խոստովանեց շինականը, պատրաստ իր կուռքի առաջ մինչև վերջ բացելու սիրտը:

— Ի՞նչն էիր կարոտել, որդիս,— խոժոռվեց արքան, ինչ-որ վատ բան կանխազգալով:

— Դուրսը:— Շինականն իր գաղտնիքը հաղորդեց նրան՝ ինչպես ամենամտերիմ մարդու Նույնիսկ մի փոքր իշեցրեց ձայնը ու, որպես վստահութեան նշան, առաջ մղեց մարմինը:— Դուրսն էի կարոտել, արքա:

— Քո անցյալը,— անակնկալի եկած, ապշեց արքան:— Քո տառապանքնե՞րը... Նվաստացումնե՞րը... Սրա՞նք էիր կարոտել...

Ու նա բնագդաբար գլխի ընկավ, որ այս մարդը ոչ միայն չէր շեղվել իրական ժամանակից, այլև ինքն էր ժամանակը կրում իր մեջ, ինքն էր ստեղծում, երբեմն առաջ անցնելով նրանից: Նա նման էր այն կենդանուն, որ երկրաշարժից ու ջրհեղեղից դեռ շատ առաջ գուշակում է արհավիրքը ու աշխարհով մեկ ահադանգում: Միայն ամսոս, հազա՞ր ամսոս, որ ուշ հանդիպեց արքային, ուշ բաց արեց նրա աչքերը, ուշ խելք սովորեցրեց նրան, թե չէ արքան մի կողմ կթողնեիր իր զորապետներին ու խորհրդականներին, դեմուղեմ կնստեիր այս ուսմիկ մարդու հետ, և նրանք միասին, խելք խելքի տված, կվերլուծեին իրավիճակը, միասին ելք կորո-

նեին ու կաշխատեին ինչ-որ բան հասկանալ... Ափսոս, հազար ափսոս...

— Կարոտել էի, արքա, — միամտորեն պատասխանեց շինականը, լավ շրմբունելով նրա խոսքերը: — Մեր տունը... Մեր սարերը...

— Ուրեմն, դո՛ւ... — ցնցվեց ու կարկամեց արքան: — Այս անմեղ հայացքո՞վ... Այս վճիտ աչքերո՞վ... Ուրեմն դո՛ւ ինձ պիտի հասցնելիք ամենամեծ հարվածը... — Եվ հանկարծ, ինչ-որ բան կռահելով, ինչ-որ վատ, շատ վատ բան, նա ցած թռավ ձիուց, մի մեծ ցատկ կատարեց, արագ մոտեցավ շինականին ու ատելությամբ բռնեց նրա օձիքից: — Իսկ եթե միայն դո՛ւ չես... Եթե ուրիշներն էլ են փախչում...

— Փախչո՞ւմ են, տեր իմ, փախչո՞ւմ են, — ուրախ-ուրախ, կարծես նրան հանգստացնելով, հաստատեց շինականը:

— Ինչո՞ւ, — հուսահատ գոռաց արքան, երկինքն ասես փուլ եկավ գլխին, ու հողը փախավ ոտքերի տակից: — Ինչո՞ւ են փախչում: Մի՞թե ազատությունը կարող է բեռ լինել մարդու ուսերին: — Եվ է՛լ ավելի ամուր սեղմեց շինականի օձիքը, որպեսզի ամբողջ ճշմարտությունը կորզի նրանից: — Ովքե՞ր են փախչում, ասա՛:

— Ով մեկին պարտք է, ով վնասել է մեկ ուրիշի, ով ուրիշի արյունն է թափել կամ մեկի գույքն է գրավել կամ մեկից երկյուղ ունի...

— Գողերը... ավազակները... արյունապարտները... մարդասպանները... — Արքան սկսեց մեքենաբար լրացնել նրան, կրկնելով այն խոսքերը, ինչ ինքն էր տարիներ առաջ արտասանել Արտաշատի պալատում՝ Արշակավանի նոր հրամանը հռչակելիս: Այն խոսքերը, որ մունետիկներն էին երկրի բոլոր շենքերում ու ավաններում հայտարարում՝ մարդկանց հրավիրելով Արշակավան: Եվ ամեն մի բառից հետո արքան ցավից կծկվում էր ու փոքրանում, մի բուռ դառնում: — Գանձագողերը... խաբեբաները... զրպարտիչները... ժրլատները... կանայք, որոնք իրենց ամուսիններին են թողել ու փախել... տղամարդիկ, որոնք իրենց կանանց են թողել ու փախել...

— Եվ հատկապես... — Կարեկցանքով և արքային օգտակար լինելու մեծ փափագով, իր հերթին լրացրեց շինականը, — և հատկապես ծառաները, որ դժգոհ են իրենց տերերից...

— Ստո՛ւմ ես, շուն, — շինականին կատաղությամբ գետին շարտեց արքան ու սկսեց անխնա հարվածել ոտքերով: — Իմ քաղաքում տերեր չկան:

— Նախկի՛ն, արքա, նախկի՛ն ծառաներ, — սկսեց արդարանալ շինականը, մտքում հայհոյելով իրեն, որ ակամա նեղացրել էր իր պաշտամունքին: — Իսկ հիմա՝ տերեր:

Արքան դադարեց ոտքով հարվածել, մի պահ, ժանր շնչելով, անշարժ կանգնեց գետնին ընկած շինականի առաջ, որ հայացքը հիացմունքով, կարեկցանքով ու ափսոսանքով ուղղել էր տիրոջը, ապա անսպասելիորեն կոացավ, բարձրացրեց նրան, չգիտես ինչու՝ հոգատարությամբ թափ տվեց նրա զգեստների փոշին, հետո ձեռքը դրեց ուսին, երկար նայեց նրա կապույտ ու վճիտ աչքերին, ապա մեղմ ձայնով ասաց. «Գնա, որդիս, աստված քեզ հետ»:

Հետո, գլուխը կախ, դանդաղ քայլերով վերադարձավ, նստեց ձին ու անշտապ քշեց դեպի քաղաքի գլխավոր դարպասը: Եվ ապշեց, երբ տեսավ, որ դարբասը փակ էր դեռ: Թշնամին հրաշքով չէր խորտակել այն ու չէր ներխուժել Արշակավան: Պահակազորը, չգիտես ինչու, հերոսաբար դիմադրում էր ու կովում պարսպի վրա: Բուրբի դեմքին անդրդվելի հավատ կար ու հաղթելու անսասան կամք: Արքայի ներկայութունը էլ ավելի ոգևորեց ամենքին ու տասնապատակեց նրանց եռանդը: Զորապետները իրար ետևից գալիս, ինչ-որ բան էին գեկուցում արքային, իսկ արքան չէր լսում և շարունակում էր տխուր ժպտալ: Քիչ էր մնում, որ խանդավառ գեկույցներն ընդհատեր և հազիվ լսելի ու ծուլ ձայնով հրամայեր՝ բաց անել դարբասները ու ներս թողնել թշնամուն: Եվ որպեսզի այդպիսի բան չանի, նա կիսատ թողեց իրեն ուղղված հրաշալի խոսքերը, անակնկալ շրջեց ձին ու արագ, շատ արագ հեռացավ հակառակ ուղղությամբ:



Արշակավանը պաշարվեց հայ և պարսիկ զինվորներով: Հայը առանց վարանելու կանգնեց հայի դեմ, մեկը մյուսին ոչնչացնելու բուռն ցանկութեամբ, ծարավի՝ միմյանց արյան: Հրամանը մեկին դարձրեց դավաճան, մյուսին՝ արքայասեր ու հայրենասեր:

Օր ու գիշեր, քաղաքի պարիսպներին հենված, աշխատում էին էշ կոշված անվավոր մեքենաները, որոնց ներքևում ամրացված էին կացիններ, երկբերանի սակրեր և սրածայր մուրճեր՝ հիմքերը փորելու համար:

Թշնամին այնքան շատ էր, որ կարծես վաչկատուն մասքութիների պես ամեն մեկը ձեռքին մի քար պիտի վերցնէր, ու պիտի բոլորը միասին մի տեղ ածեին, որպեսզի, կույտ կազմելով, իմանային գորքի իսկական թիվը:

Պարսպի վրայից քարեր, նետեր ու տեգեր էր գցում քաղաքի պահակազորը: Եռացած ջուր էին թափում ու կրակի խրճեր նետում թշնամու վրա, բայց ոչինչ չէր օգնում: Յուրաքանչյուր մեքենա բանեցնում էին երեք հոգի, ու երբ նրանք հնձվում էին խոտի պես, անմիջապես նորերն էին նրանց փոխարինում, և մեքենաները շարունակում էին որդի նման անդադար կրծել պարսպի հիմքերը:

Քաղաքում իրարանցում էր ընկել: Փողոցներն ամայացել էին, մարդիկ ծվարել էին իրենց տներում և վախենում էին քթները երդիկներից դուրս հանել: Միակ ապահով տեղը, ինչպես միշտ, տունն էր թվում: Ամեն օր նոր և հակասական լուրեր էին ծնվում, պտտվում մի թաղից մյուսը, մտնում խրճիթները և ալեկոծում մարդկանց առանց այդ էլ անհանգիստ սրտերը: Բոլոր լուրերն էլ, որքան էլ մեկը մյուսին շբոններ, ընդունվում էին անվերապահորեն, ուրախությունից մինչև ամենածանր գուժը ընդամենը մի քայլ էր, որ մարդիկ օրական մի քանի անգամ էին անցնում: Քանի-քանի դեպք էր եղել, որ նահանջել էր թշնամին և հենց նույն օրն էլ կոտորել պարսպի դարբասները ու ներխուժել քաղաք: Քանի-քանի անգամ թշնամու նետից սպանվել էր արքան ու քիչ անց գարձյալ հարուժյուն առել:

Պաշարմանը մասնակցող նախարարների թվումն էին Մերուժան Արծրունին, Ներսես Կամսարականը, Բասենից, Իշխան Մանեճը, Կենան Ամատունին, Վանանդա տեր Զաքարեն, Վարձա Ապահունին, Սուրակը Անգեղ տնից, Վահունի Վահեն, Գաբեղենից տեր Սահակը, բոլորն իրենց դրոշակներով ու զինանշաններով:

Քաղաքում համառորեն խոսում էին այն մասին, որ եթե ծառաները կամովին հանձնվեն, տերերը խոստանում են ներել նրանց և թույլ տալ, որ անպատիժ վերադառնան իրենց տները: Գիշերները հավաքվում էին իրար գլխի, ծածուկ քննարկում նախարարների պայմանը, տաք-տաք վիճում, կոկորդները պատռելով հակաճառում իրար, թեր ու դեմ կարծիքներ հայտնում և լուսաբացի կողմը, առանց միասնական հզրակացության հանգելու, ցրվում իրենց խրճիթները: Տանտերը մեռակ էր մնում և նոր միայն զգում, որ սենյակը լցված էր խլացնող ձայներով, որոնք վախից ոչ մի կերպ չէին ուզում դուրս գալ երգիկից: Փամեր, երբեմն նույնիսկ օրեր էին տևում, մինչև երանելի լուսնունը, մոռանալով, որ խռովել էր, դարձյալ ապաստան էր դառնում շփոթված շինականի համար:

Քայց երբ լուր տարածվեց, թե նախարարները համաձայն են բավարարվել՝ ամեն մեկին մտրակի տասը հարված հասցնելու պայմանով, կասկածներն արդեն փարատվեցին, ու բոլորն էլ լիովին հավատացին դրան: Պատիժը առավիլ հավաստի դարձրեց ներման խոստումը: Թե չէ հենց այնպես ներում շնորհելը, եթե ոչ անհավատալի, ապա առնվազն անհասկանալի էր և նույնիսկ... անարդարացի:

Մթերքի պահասը կամաց-կամաց զգալի դարձավ: Շինականի սեղանն օրըստօրե աղքատանում էր: Պալատի մառանների դռները լայնորեն քացվեցին, և մթերք մատակարարվեց քաղաքի բնակչությանը: Սակայն տասն օր անց սնունդի այդ աղբյուրն էլ կտրվեց, և արշակավանդիները մատնվեցին սովի:

Սովը ոչ թե միավորեց, այլ է՛լ ավելի անշատեց մարդկանց: Ամեն մեկը քաշվեց իր պատյանի մեջ, թերահավա-

տուժյամբ նայելով մյուսին, որն, անշուշտ, հոգեպահուստ ուներ և թաքցնում էր հարեաններից ու բարեկամներից:

Ստիպված եղան զանազան խոտեր ու բույսերի արմատներ քաղել և ուտել: Կանաչ գույնն աստիճանաբար սկսեց վերանալ քաղաքից, և ամենուրեք տեր ու տիրական դարձավ գորշությունը:

Մի քանի օր անընդհատ, ամեն առավոտյան, քաղաքում հայտնաբերվեցին զինվորների դիակներ: Բացառված էր, որ նրանք սովամահ եղած լինեին, քանի որ պալատի վերջին միջրբները հատկացված էին պահակազորին: Ի վերջո գլխի ընկան պատճառը և հասկացան, որ գիշերներն արշակավանդիները խմբերով թաքստոց էին մտնում քաղաքի տարբեր մասերում, հարձակվում միայնակ ձիավորների վրա, սպանում նրանց, խլում ձիերը, մորթում և ուտում:

Երբեմն սովից այնքան էին համարձակ դառնում, որ նույնիսկ մոտենում էին պարիսպներին և, խարույկների շուրջը տաքացող զինվորների քթի տակ, ձի գողանում:

Քաղաքում ոչ մի կենդանի շմնաց, մարդկանց բաժին դարձան անգամ շներն ու կատուները: Բայց որքան էլ սովը համատարած բնույթ էր ստանում, միևնույն է, ամեն օր վաղ լուսաբացին, չգիտես ինչ հրաշքով, աքլորականչ էր լքսվում շորս կողմից: Աքլորները, զվարթ ու գործնական, ձայն էին տալիս իրար ու ավետում նոր օրվա ծնունդը: Մարդիկ ամաչում էին միմյանց խոստովանել, որ սեփական ականջով են լսել ծուղրուղուն, և ամեն մեկին թվում էր, թե միայն ինքն է այդ հրաշքի միակ վկան:

Շուտով ևս մի փորձանք պայթեց Արշակավանի գլխին: Քշնամին կտրեց քաղաքի շուրը, և սովն ու ծարավը, համերաշխորեն ձեռք ձեռքի տված, միասին արշավեցին տների վրա: Հյուժված շինականները օր ու գիշեր փոս էին փորում ջուր հայտնաբերելու գուր ակնկալությամբ: Իսկ երբ մի գիշեր անձրև եկավ, ամբողջ քաղաքը, մոռացած ահ ու սարսափ, դուրս թափվեց տներից, և ծայր առավ խելացնոր մի ուրախություն: Ամոթի հետք անգամ չմնաց: Մարդիկ, գրեթե ամբողջովին տկլոր, կանգնել էին հորդ անձրևի տակ և չլուր էին գալիս հրճվանքից: Երեխաները ցնծությամբ թա-

վալվում էին ցեխերի մեջ: Չորացած ու ցամաքած մարմինները ամբողջովին տրվել-հանձնվել էին ջրին ու շէին հագնանում: Ասես հեթանոսական խրախճանք էր քաղաքում, կուշտ ու կուռ մարդկանց կրքերի անզուսպ պոռթկում:

Հաջորդ առավոտյան պայծառ արև ծագեց, չորացրեց շորս բոլորը, շնչեց գիշերվա հիշողութունը, իսկ մի քանի օր անց ջրի նոր պաշարը ևս սպառվեց: Սովն ու ծարավը կրկին դաշն կապեցին ու շարունակեցին իրենց ավերածութունը: Թշնամին դեռ չէր հասցրել այնքան մարդ ոչնչացնել, որքան որ ինքը քաղաքն էր զոհեր տալիս ամեն օր: Ստեղծված վիճակի համար հայհոյում և անիծում էին ամենքին, անխտիր բոլորին, բացի թշնամուց: Նրան բոլորովին մոռացել էին: Սոված ու ծարավ մարդուն երբեմն նույնիսկ թվում էր, թե պարսպից այն կողմ ազատարարներն են կանգնած, որոնք պայքարում են իր կյանքը փրկելու համար:

Քաղաքի պահակազորը և արքայի թիկնապահները, որոնք միակ կովոդ ուժն էին պարիսպների վրա, շնչին թիվ էին կազմում: Քանի պարիսպը կանգուն էր և դարբասները՝ փակ, նրանց սակավութունը չէր խանգարում: Իսկ եթե, աստված մի արասցե, թեկուզ մի շնչին սողանցք բացվեր դեպի քաղաք, նրանք հազիվ մի ժամ դիմանային թշնամու հսկայական ուժերի դեմ:

Պալատը վերազինում էր քաղաքի բնակիչներին: Պարզվեց, որ տարիների ընթացքում ավելի շատ զենք էր կուտակվել Արշակավանում, քան թե մթերք: Բայց շինականները, որոնք առաջնորդում ևս զենք էին ստացել իշխանութուններից, որպես անպետք իր մի անկյուն էին գցել ու մոռացել դրանց գոյութունը: Իսկ հիմա, երբ վերակացուի օգնականները ստիպում էին հավաքել նետերն ու աղեղները, թրերն ու տեգերը, նիզակներն ու զաղրերը և դուրս գալ զինավարժության, շինականը տակնուվրա էր անում ամբողջ առևը և աշինչ չէր գտնում: Եթե գտնում էլ էր, դա արդեն ոչ թե զենք էր, այլ ժանգոտած երկաթի կտոր:

Սկզբում դժկամությամբ մասնակցում էին զինավարժություններին, բայց երբ սովն ու ծարավը բռնեցին մարդ

կանց կոկորդններից, այլևս ոչ մի ուժ ի վիճակի չէր նրանց հարկադրելու:

Գնելը մեկ առ մեկ մտնում էր բուրբի տները, մտրակի ու ոտքի հարվածներով դուրս քշում տղամարդկանց, բայց երբ հաջորդ տունն էր գնում և, հերթական զոհի օձիքից բռնած, հլնում փողոց, տեսնում էր, որ մյուսներն արդեն չքացել էին:

Երբ օժանդակ զինվորների օգնությամբ մի կերպ հավաքում էր մի քանի հոգու ու փորձում նրանց նշանառություն սովորեցնել, ոչինչ չէր ստացվում: Ոչ սպառնալիքն էր ազդում, ոչ էլ նույնիսկ դաժան ծեծք: Ինչքան էլ ջանք էր թափում շինականը, ինչքան էլ դուրս էր գալիս մաշկից, մեկ է, թիրախը չէր գտնում: Թիրախ այլևս չկար, ընդհանրապես գոյություն չուներ:

Իսկ մի օր, երբ նա սպիտակ ձին հեծած շրջում էր քաղաքում, տեսավ, որ հրապարակում ահագին բազմություն էր հավաքվել: Ամեն մեկը եկել էր տան ամենաթանկարժեք իրը հետք բերած, հուսալով, որ կարող էր մի կտոր հացի կամ մի բաժակ ջրի հետ փոխել: Որովհետև շար լեզուներն ասում էին, թե ոմանք իրենց տան բակերում փորել են հողը, ջուր գտել ու հիմա ծախում են առասպելական գներով:

Հրապարակում հավաքվել էր քաղաքի ամբողջ հարստությունը, թանկարժեք իրերը տխուր-տրտում նայում էին իրար և չէին անցնում մի ձեռքից մյուսը: Ամեն մեկի բերածը մնացել էր իր մոտ: Հաց չկար, ջուր չկար: Բայց մարդիկ չէին հեռանում, լուռ ու անխոս կանգնել էին աշխուժությունից եռ եկող երբեմնի շուկայում, կարծես համառ սպասումն ինքնին կարող էր ինչ-որ բան փոխել:

Արձանների հրապարակ էր, անշունչ ու քարացած:

Սակայն, երբ նկատեցին Գնելին, ինչ-որ շուկ անցավ, և մարդկանց հայացքները, ասես խոսք մեկ արած, շարունակյալ ուղղվեցին կառավարչի օգնականի կողմը:

Գնելը մի պահ կանգնեցրեց ձին, խոժոռ նայեց նրանց, ապա դանդաղորեն շարունակեց ընթացքը: Բայց հրապարակից դեպի փողոց տանող հատվածի մոտ ամբոխը, ինչ-որ անըմբռնելի փոխհամաձայնությամբ, ինչ-որ լուռ ու անվեր-

ծանհլի պայմանավորվածությամբ, խտացավ ու փակեց ճանապարհը:

Ձին կանգ առավ: Գնելը շփոթվեց, որովհետև ամեն ինչ կարող էր մտքովն անցել, բացի այս մեկից: «Ծանապարհ» — կատաղած մուտաց նա: Ոչ ոք չշարժվեց տեղից: Նա իր դիմաց տեսավ կաշիների ու ոսկորների մի կույտ: Եվ առաջին անգամ կյանքում վախեցավ, դող անցավ մարմնով: Բայց ոչ թե նրանց ըմբոստութունից, ոչ թե նրանց սարսափելի տեսքերից, այլ ամեն մեկի ձեռքին գտնվող թանկարժեք իրերից: Այդ իրերի անխմաստ ու անհեթեթ թանկարժեքութունից:

Նա բարձրացրեց մտրակը և սկսեց անխնա հարվածել աջ ու ձախ: էլի ոչ ոք տեղից չշարժվեց: Թիրախ շտեմանող մարդկանց վրա ցավն էլ այլևս չէր ազդում:

Գնելը կարող էր ձին շրջել և այլ փողոցով դուրս գալ հրապարակից: Բայց նա չէր էլ մտածում այդ մասին: Եթե պետք լիներ, նրանց դիակների վրայով կհարթեր իր ճամփան: Նա միայն այս ճանապարհով պիտի անցներ: Պարտավոր էր: Ոչ թե համառութունից, այլ հենց նրանց լավության համար: Քաղաքի անխորտակելիության համար: Հանուն վերջին ճակատամարտի: Հանուն երկրի ու արքայի:

Եվ հանկարծ կատարվեց անսպասելին: Ամբոխի միջից ինչ-որ մեկին հաջողվեց օդի մեջ բռնել մտրակը ու խլել նրա ձեռքից: Գնելը, անակնկալի եկած, փորձեց սուրը հանել պատյանից, բայց ամբոխը ժամանակ չտվեց: Չորս կողմից հարձակվեցին նրա վրա, գցեցին ձիուց ու սկսեցին ոտքերով վայրենաբար խփել, գլխին, փորին, մեջքին, ուր որ պատահեց:

Գնելը չէր կարողանում դիմադրել: Նա միայն կծկվել էր ու ափերով ծածկել դեմքը: Թվում էր, թե նրանք իրենց տարիների վրեժն են լուծում, իրենց ոխն են հանում նրա գաժանության համար: Գնելն արհամարհում էր իրեն ձեռողներին, և այդ արհամարհանքից նրանց հարվածների ցավն էլ էր մի տեսակ չեզոքանում: Խեղճ ողորմելիներու Երիցս խարվածներու Թշվառ մոլորյալներու Որովհետև նրանք չեն էլ կասկածում, ոչ ոքի մտքով էլ չի անցնում, որ Գնելը գա-

ժան է եղել սիրուց, ի շահ նրանց բարօրության ու երջանկության: Ամեն մի հարվածը աղքատացնում ու այլանդադակում է նրանց հոգին, ցավը կւզում է ոչ թե Գնելին, այլ նրանց որդիներին ու հետնորդներին: Նրանք ոչնչացնում և սպանում են նախ և առաջ իրենց: Նրանք հենց այս պահից արդեն կործանված են, և փրկություն չկա նրանց հոգիներին:

Բայց ամբոխը շուտ բաց թողեց Գնելին: Դա է՛լ ավելի զարմացրեց նրան: Նա մեծ դժվարությամբ նստեց գետին, թևքերով մաքրեց երեսի արյունը և զգաց, որ ուժ չունի վեր կենալու:

Ու նրա առջև բացվեց մի ահավոր տեսարան: Ամբոխը, նրան թողած, հարձակվել էր սպիտակ ձիու վրա: Գետին էին տապալել ձին ու քարերով սպանում էին նրան: Մի քանիսն արդեն զբաղված էին կրակ վառելով, որպեսզի խորովեն նրա միսը:

Գնելն այլևս չդիմացավ ու լաց եղավ: Լաց եղավ ոչ թե սպիտակ ձիու համար, որին կապվել էր տարիների ընթացքում և հետն ընկերացիլ, այլ ամաշելով քիչ առաջվա իր մտածումներից: Որքան բարձր էր ամբոխը դեռ մի ակնթարթ առաջ, երբ, ինչպես թվում էր, իր վրեժն էր լուծում ու ոխը հանում: Դու մի ասա, ոչ ոխ կար, ոչ վրեժանդրություն: Պարզապես սոված էին և ուրիշ ոչինչ: Պարզապես ուտելիք էին տեսել և ուրիշ բացարձակապես ոչինչ:

Ու քաղաքում առաջին և միակ մարդը Գնելն էր, որը, սարսափից լայն բացված աչքերով, հասկացավ, թե խաղր տանուլ էր տրված: Թշնամին, առանց իմանալու, արդեն հաղթանակել էր: Նա կարող էր համարել, որ պարիսպները քանդված են, դարբասները՝ բացված և քաղաքը՝ գրավված:

Չին սպանված էր, կտոր-կտոր բաժանված ու խորովվում էր կրակի վրա: Իրար հրմշտելով, մարդիկ կիսահում միսը խլում էին կրակից և, գրեթե առանց ծամելու, ագահաբար կուլ տալիս:

Ոչ ոք չհիշեց ընտանիքի մասին: Ոչ մեկը մի պատառ միս տուն շտարավ և բաժին չհանեց ծնողներին, կնոջն ու երեխաներին:

Թշնամու հաղթանակը կատարյալ էր:

Գնելը, որի ուղիղ և կոպիտ մագերն ընկել էին դեմքին, խառնվել արյան հետ ու կպել երեսին, աղիողորմ լաց էր լինում մի մատ երեսխայի պես:

Ինչ-որ մեկը, որ երևի քիչ թե շատ կշտացել էր ուրիշ-ների համեմատությամբ, պատահաբար նկատեց նրան, մտածեց, որ այս խեղճ մարդը, հավանաբար, լաց է լինում ձիու կորստի համար, մեղքը եկավ, գուժը շարժվեց, ու մոտեցավ նրան: Սոտեցավ ու, անցյալ օրերի բնագզներից մզված, դեռևս լրիվ շմոռացած իր երբեմնի ազնվությունը, գուցե նաև շուկայի վաղեմի օրենքներից դրդված, ձեռքի թանկարժեք իրը, որպես վարձ, խոթեց նրա գրպանը ու հանդիստ խղճով հեռացավ:

Գլուխ քսանիններորդ

Առջան ու Գնելը, գիշեր ու զօր հոգսերի մեջ թաղված, մոռացել էին միմյանց գոյությունը: Պաշարման սկզբից ի վեր բնավ առիթ չէին ունեցել հանդիպելու:

Առջան զեկավարում էր քաղաքի պաշտպանությունը, առավոտից մինչև ուշ երեկո ձիով պտտվում է պարիսպների շուրջը, օրական երևի տասը պտույտ էր անում միևնույն շրջանով: Կաղտնի սուրհանդակներ էր ուղարկում երկրի տարբեր գավառները և օգնական զորք խնդրում: Դիմեց նաև Քարթլիի Միրիան թագավորին: Հատուկ սուրհանդակ գնաց Վասակ սպարապետի մոտ, որպեսզի հնարավորության դեպքում նա էլ օգնության հասներ, թեև արքան գիտեր, որ Վասակի վիճակն էլ առանձնապես նախանձելի չէր: Սպարապետի զորքը երկարատև ճակատամարտերից հետո հալումաշ էր եղել և հազիվ էր դիմանում: Պատճառը, ըստ երևույթին, անընդմեջ հաղթանակներն էին, որոնք, որքան էլ արթորինակ լինի, ոչ միայն հոգնեցրել էին, այլև ինչ-որ շափով բարոյալքել զինվորներին:

Մի անգամ արքան տեսավ, թե ինչպես իր ձին, օգտվելով հսկողութեան բացահայտութիւնից, փախավ, բայց ոչ գնացի արձակ տարածութիւնը, այլ սկսեց վազել պարսպի երկարութեամբ: Արքան դիտավորյալ շզգուշացրեց թիկնապահներին և, բան ու գործ թողած, երկար ու սրտատուրով սպասեց: Եվ նրա կանխազգացումը ճիշտ դուրս եկավ: Բավական անց հակառակ կողմից երևաց ձին: Նա անցել էր իր սովոր ճամփան, պտտվել քաղաքի շուրջը գտակարված պարսպի օղակով ու հասել այնտեղ, որտեղից իր կարծիքով սկսվելու էր ազատ կյանքը: Արքան ետիւրեց ոչ միայն նրա համար, որ մտքում որոշել էր իր բախտը փորձել, այն է՝ եթե ձին շեղվեր ամենօրյա ճամփից, ուրեմն՝ ամեն ինչ, իր ծրագրերն ու նպատակները, իր տանջանքն ու աստուայանքը ջուրն էին ընկնելու, այլև այն պատճառով, որ դառք ու հավիտենական մի ճշմարտութիւն կար այս միջադեպի մեջ, ժամանակից ու մարդկային կամքից վեր կանգնած մի օրինաչափութիւն:

Գնելը հիմնականում զբաղված էր Արշակավանի ներքին կարգուկանոնի հսկողութեամբ: Նա, արդեն առանց ձեռնարկութեան, լիովին մեկուսացրել էր անգործունյա Վարազ Գնունուն և փաստորեն ինքն էր դարձել քաղաքի միանձնյա կառավարիչը: Նա մեկ առ մեկ մտնում էր բոլոր տները, տակնուվրա անում, ամենաչնչին քանակի մթերքն իսկ բռնագրավում, ապա հավասարապես վերաբաշխում բնակիչներին: Արքունիքի կողմից իրեն տրվող շնչին անտեղը ևս նա միացնում էր ընդհանուր պաշարներին և օրերով գրեթե կիսաբաղջ մնում: Բայց և այնպես, լեզուն դուրս ընկած, աշխատում էր առանց ժամի ու պատարագի, մի տեսակ անըմբռնելի համառութեամբ ու պնդաճակատութեամբ: Սովորական մահկանացուն վաղուց հանձնված կլիներ և ինքն իրենից պարտված: Իսկ նա մարմնի խորքերում կործես հատուկ մի տեղ ունէր, որտեղից քաղում էր իր անսպառ եռանդը: Նա ամեն տեղ էր, ըստ որում՝ ոչ թե ասանձին-առանձին, այլ ասես միաժամանակ: Քաղաքի փողոցներում, նրա տարածած ահ ու սարսափից, զինավարժութիւն էին անում կյանքին ողջ-ողջ հրաժեշտ սոված հյուսված կմախք-

ներս թեև նա վաղուց էր հասկացել, որ թիրախ այլևս չկար այս քաղաքում, արդեն վաղուց գոյութիւն չունէր, բայց և այնպէս իր վերջին ճիգն էր գործադրում: Գուցե այնուամենայնիվ Չրաշքով գտնվի... Գուցե մտրակի՞ օգնութեամբ...

Մի օր, առավոտ կանուխ, երբ արքան հազիվ երկու ժամ տեւած քնից նոր էր զարթնել, ննջարան մտավ Գնելը և զայրացավ, որ նա, այնուհանդերձ, ժամանակ էր գտել անկողին մտնելու: Փառք աստծո, որ գոնե շորերը չէր հանել...

Գնելը շափազանց նիհարել էր, մնացել էին կաշին ու ոսկորը: Հազիվ էր քարշ գալիս ոտքերի վրա: Զգեստը հին էր, պատառոտված ու բազմիցս կարկատված: Կոշիկները լրիվ մաշվել էին, ու նա ման էր գալիս ոտքերին հետկ փաթաթած ու դերձանով կապած-ամրացրած: Միայն աչքերի փայլն էր նախկինը՝ շար և մուգին: Մեկ էլ՝ հարթ և կոշտ մաղերը, որոնք ուղիղ գծով ընկնում էին կիսադեմին, պինդ ու դաժան մարդու տեսք տալով նրան:

— Ես եկել եմ քեզ փրկելու. արքա,— անմիջապէս գործնական ասաց նա ու կանգնեց երկբացիկ դռան առաջ կախված կարմիր վարագույրի մոտ, կտորը երկու ափերի մեջ ամուր սեղմած:

— Ես գիտեի, որ կգաս,— ձևքերը տարածած, արքան գիմավորեց նրան, ընդառաջ գնաց ու գրկեց խանդաղատանջով:— Քո անկեղծութիւնն ինձ ավելի է պետք, քան հազար խորհուրդ:

Որքան էր անկեղծ մարդկանց կարիքն զգացել արքան: Ամբողջ կյանքում փնտրել էր նրանց ու չէր գտել: Անկեղծ ոչ թե իր անձի, այլ իր բռնած գործի նկատմամբ: Միակը ինքնահրաժարական տված այս կենդանի դիակն էր, որն օրեցօր հալվում էր մոմի պէս, բայց, չգիտես բնութեան որ օրենքով, ինչքան հալվում, այնքան ավելի պայծառ լույս էր սփռում շորս կողմը:

Ի՞նչ էր արել նա իր խոստումների դիմաց: Արդյոք դրանք գեղեցիկ խոսքեր չէին: Արդյոք անուշահոտ բառեր չէին, որոնք հօգս ցնդեցին մի օրվա մեջ: Ինչո՞վ նա օգնեց արքային, ի՞նչ հանճարեղ ծրագիր առաջադրեց, փրկութեան ի՞նչ ելք գտավ: Միայն՝ սպանիր ու սպանիր: Միայն՝ շաժանու-

Յյան պահանջ: Արքան կարծում էր, որ ժամանակի ընթացքում նա ընդունակ կլինի նաև իրական ճանապարհ ցույց տալու, միտք հուշելու, օգտակար ու գործնական խորհուրդներ թելադրելու: Բայց պարզվեց, որ նա գալլից էր սերված, անկարող էր աջ ու ձախ նայել, միայն առջևն էր տեսնում՝ մի հարթ և ուղիղ գծով... Ճիշտ իր մազերի պես... Չափազանց նեղ ու փոքր էր տեսադաշտը, որպեսզի ի վիճակի լիներ հարցերը իրենց բարդ միասնության մեջ քննելու: Նա պարզեցնում ու հեշտացնում էր իր գործը, վերցնում էր այդ հարցերից միայն մեկը, բացարձակացնում նրա նշանակությունը և, ցուլի համառությամբ, կոտորչներով վրա տալիս:

Չէ, մեղք էր գործում աստժո առաջ: Հապա Արշակավանը: Փաստորեն ո՞վ կառուցեց այն, եթե ոչ Գնելը: Ո՞ւմ համառ ջանքերով և ո՞ւմ անսահման հավատով հասակ առավ այս քաղաքը: Եթե նա չլիներ, գոյություն չէր ունենա նաև այս վերջին պատվարը: Թող ինչքան ուզում է հանճարեղ լինի քո հղացումը, սակայն քանի՞ դրամ կարծենա, եթե իրագործող չկա: Ուրեմն, Գնելը կատարող էր միայն, ուրիշի մտքերն իրագործող: Նախագիծ տուր նրան, և նա փայլուն կկառուցի: Միտք տուր, և նա տեղնուտեղը կիրականացնի: Իսկ ինքն անձամբ անպտուղ է, կատարյալ շքեր:

Բայց արքան երկնքից մինչև գետին երախտապարտ էր նրան ոչ միայն Արշակավանի կառուցման, այլև մի շատ ավելի պարզ ու հասարակ բանի համար. անկեղծության: Եվ տես, թե բախտի շար ծաղրով, ո՞վ էր միակ անկեղծ մարդը: Սակայն արքան շուգեց հիշել իրենց անցյալը, որովհետև ներկա տառապանք ունեցողների համար, ըստ որում՝ անհատակ ու անշափելի, անցյալի տեր լինելը մեծ ու աննեղելի շոայություն էր:

— Ես կհաղթեմ... Կհաղթեմ, չէ՞, Գնել,— քգևորությունից շատախոսելու ներքին պահանջ զգաց արքան, նրա մեջ փափագ զարթնեց անվերջ լսելու իր ձայնը, անդադար հարցեր տալու և իր ցանկացած պատասխաններն ստանալու:— Մեր այսքան տառապանքը հո իզուր չանցա՞վ... Ես քեզ շատ եմ սիրում, Գնել,— հանկարծ, կարծես անտեղի, դուրս թռավ նրա բերանից և նա, առանց որևէ կապի, խանդավառությամբ

շարունակեց.— Իմ քաղաքի բնակիչները կկոմեն ամեն մի թիզ հողի համար... Նրանք ուրիշ ելք չունեն... Կմեռնեն, բայց իրենց ազատութիւնը չեն տա... Նրանք ինձ մենակ չեն թողնի... Ամբոխն ու ես միևնույն շղթայով ենք կապված... Մեզանից ոչ մեկն առանց մյուսի փրկութիւն չունի... Տեսնո՞ւմ ես որքան ճիշտ էր իմ ծրագիրը... Ես հո իմ Խոսրով պապի պես անտա՞ն չեմ տնկել... Ես քաղաք եմ կառուցել, իր նմանը չունեցող քաղաք... Երկրի բախտը իմ անուժ ձեռքերից վերցրել ու իմ տկո՞ր, իմ քաղցած ժողովրդին հմ տվել:

— Դու կպարտվես, արքա,— անվրդով նրան ընդհատեց Գնեւը:

— Կպարտվե՞մ,— զայրացավ արքան:— Եվ դո՞ւ ես ասում դա:

— Մի քանի օրից նրանք այս պալատում կլինեն:

— Իմ ննջարանո՞ւմ,— շփտես ինչու, ցանկացավ ճշգրտել արքան:

— Քո ննջարանում,— հաստատեց Գնեւը և դեռ գլխով էլ արեց:

— Ուրեմն, սա՞ է վերջը...— միանգամից խեղճացավ արքան:— Այս պա՞տը... Պատուհանից երևացող այս առա՞ն... Ընդամենը այսքան բա՞ն...

Իսկ մի՞թե փախստական շինականի հետ հանդիպելուց հետո նա արդեն չգիտեր, որ վերջն այն էր, ինչ ավյալ ակնթարթին տեսնում էին աչքերը. պատը, առուն, փոսը, թիկնապահի մեջքը կամ սեփական երկարավուն ստվերը...

Ի՞նչ էր անում արդյոք հիմա շինականը: Պետք չէր գլուխ կոտրել, հարկավոր էր պարզապես հետևել նրա յուրաքանչյուր քայլին և թեկուզ հենց այդ մի մարդու օրինակով ենթադրել, թե ինչպիսին կլինի քաղաքի վախճանը:

Որքան էր նա սիրում իր արքային, որքան երջանկութիւն կար նրա դեմքին՝ իր գերագույն ախրոջ հետ հանդիպման բախտ ունենալու առթիվ և, միաժամանակ, իր մտայնությամբ որքան դեմ էր գործում արքային: Նրա փախուստի մեջ շատ ավելի խոք թշնամութիւն կար և շատ ավելի մեծ

դավադրութիւն, քան՝ բուն թշնամիների ու դավադիրներն՝
գործունէութիւն:

Բայց ինչո՞ւ են ամեն օր զրնգուն զեկույցներ տալիս,
վարդագուն ներկայացնում քաղաքի պաշտպանութիւնն և
ներքին կարգուկանոնի վիճակը: Ո՞րն է ճշմարտութիւնը
թաքցնելու տրամաբանութիւնը, որ գործել է ոչ միայն իր,
այլև մյուս բոլոր թագավորների օրոք, ոչ միայն Հայաստա-
նում, այլև ամենուրեք: Ինչո՞ւ ամենցից քիչ քան գիտե-
երկրի առաջին գեմքը, ինչո՞ւ իրականութիւնը նա պիտի
իմանա բոլորից հետո և ամենավերջում...

— Տես ինչ պայծառ եղանակ է, արքա,— անսպասելի
շշնջաց Գնելը, և արքան նկատեց, որ նրա աչքերն սկսեցին
փայլել մի տարօրինակ ու տենդագին փայլով, որից միշտ
վախեցել էր ինքը և շարագուշակ բան տեսել զրա մեջ:—
Տես ինչ շքեղ արև է... Արագիլները տուն են վերագառնում...
Գարնան առաջին օրն է, արքա... Ափսոս է կորցնել այսպիսի
օրը... Այս օրը պիտի պատմութիւն դառնա...

— Ի՞նչ պատմութիւն,— հոնքերը կիտեց արքան: Հետո
դառնութեամբ ու նախատինքով տարուբերեց զուխը:— Չէ՛,
դուք ինձ չսիրեցիք... Չսիրեցի՛ք, չսիրեցի՛ք... Դուք երբեք իմ
լավը չցանկացաք...— Ու այդպես էլ անհասկանալի մնաց,
թե նա ում նկատի ունէր:

— Փամանակն է, արքա,— նրա սկանջին մի տեսակ
սիրով ու քնքշութեամբ փսփոսաց Գնելը, համոզված, թե նրան
հաղորդում է մի մեծ գաղտնիք, որ ուրիշները չպետք է
լսեն ու իմանան:— Դու պետք է մեռնես: Հիմա քո մահն
է մեզ պետք:

— Մա՞հ,— արքան սիրթնեց ու շհավատաց սկանջնե-
րին:— Ի՞նչ մահ:

— Ուրիշ ելք չկա, արքա: Դու չես դիմանա թշնամու
ուժին: Մեկ է, դու մահից պրծում չունես, հրապարակում
մահապատժի կենթարկեն քեզ, օրը ցերեկով, բաւորի աչքի
առաջ: Որպես սովորական մի գերու: Որպես պարտված մի
թագավորի:— Գնելը եռանդագին համոզում էր արքային,
այսքան թափ ու կիրք արքան անգամ նրա մեջ չէր տեսել

երբեք: Այնքան հավատ ու վճռականութիւն կար նրա ձայնի ու խոսքերի մեջ, որ քիչ էր մնում նույնիսկ ինքը վարակվեր ու խաբավեր:— Ինչքան ուզում ես փառավոր անցյալ ունեցիր, սիրված ու պաշտված եղիր ամենքի կողմից, ինչքան ուզում ես ժողովրդականութիւն վայելիր, մեկ է, այդ ամենը մի ազնիթարթում կմոռացվեն: Պարտված մարդը համակրանք չի ներշնչում: Նա վարկաբեկված է հուր հավիտյան: Քեզ եմ հարցնում, ավելի լավ չէ՞ մարդավարի մեռնել: Ո՞ւմ է պետք անփառունակ մահը:

— Եթե այդքան ուզում ես, գնա ինքդ սատկիր,— կատաղած մուտաց արքան և ատելութեամբ ու արհամարհանքով ոտքից գլուխ շափչփեց նրան:— Ես պարտավոր եմ դեռ ապրելու: Ես շատ անավարտ գործեր եմ թողել իմ ետևում:

— Չէ, չէ, դու գեղեցիկ ես պարտվելու, արքա,— պատանեկան ոգեշնչութեամբ հորդորում էր նրան Գնելը:— Դու չես քանդի հեքիաթը, կիսատ չես թողնի այն երգերը, որ գուսանները հյուսում են հիմա: Չես սպանի այն առասպելը, որն անցնելու է սերնդից սերունդ: Դու ժողովրդի հիշողութեան մեջ պիտի մնաս որպես մեր պատմութեան մեծագույն թագավորներից մեկը:

— Ես ատում եմ քո կույր մոլեռանդութիւնը: Քո մթազնած, մտածելու անընդունակ ուղևոր: Ասաված է վկա, որ ես էլ սուրբ չեմ եղել, բայց իմ սալթաքումների մեջ անգամ ավելի մարդկային բան կա, քան քո մոլեռանդ հավատի:

— Չէ, չէ, արքա, հավատա ինձ,— պնդաճակատութեամբ իր խոսքն էր առաջ քշում Գնելը, լսելով միայն սեփական ձայնը և արքային արդեն վազուց մեռած համարելով:— Դու պիտի հերոսանաս... Պիտի նահատակ դառնաս... Քեզ սրբերի շարքը պիտի դասեն... Քո տարելիցը պիտի մեծ շուքով տոնեն միշտ... Քո մահվան առասպելից է հարութիւն առնելու այս երկիրը... Աղաչում եմ քեզ, մի խանգարիր այդ առասպելն ստեղծելու... Դա ավելի կարևոր է, քան քո անցողիկ հաղթանակները մարտի դաշտերում... Անունովդ եմ երզվում, լսո՞ւմ ես, քո անունով, որից ավելի թանկ բան այսօր չկա ինձ համար, ես զոնեղուտ կրնկնեմ և կպատմեմ բոլորին, որ դու քաջաբար կովեցիր մինչև վերջին շունչդ,

որ քո թրի հուժու հարվածներից սարսափահար փախչում էր թշնամին... Հասկացիր, հորեղբայր, հասկացի՛ր, քո կյանքն այլևս ոչ ոքի պետք չէ...

— Արքա կոչիր ինձ, արքա... Ես քեզ համար ի՞նչ հորեղբայր... Արքա՛, արքա՛...

— Դու պիտի կարողանաս ժամանակին հեռանալ, արքա, — ծնկի իջավ ու նրա պատմուճանի ծայրը համբուրնց Գնեւը: — Հետնորդներիդ օրինակ տուր, սովորեցրու ժամանակին հեռանալ... Աղերսում եմ քեզ... Վաղվա՛ անունից... Պապի՛ անունից...

— Թքե՛լ եմ ես իմ անվան ու հիշատակի վրա: Ես այսօր եմ ուզում թագավորել: Իսկ դու ինձ հետ անընդհատ վաղվա անունից ես խոսում:

— Որովհետև վաղվա օրն ավելի իրական է, արքա, քան այս պահը:

— Դու մոռանում ես, որ ինձ հետ է Արշակավանը, — կարծես ի լուր աշխարհի, գազազած գոռաց արքան: — Իմ ծնած քաղաքը... Իմ երկունքը... Իմ միսն ու արյունը...

— Իսկ ես կարծում էի, թե դու ուրախ կլինես, որ գտա ելքը, — հուսախար ասաց Գնեւը և քիչ էր մնում անարգարության համար լաց լիներ: Ուրեմն, ինքը օր ու գիշեր, քուն և դադար կորցրած, գլուխ կոտրի, հարցի ամենաճշգրիտ լուծումը որոնի, վերջիվերջո գտնի ու դեմ առնի այսպիսի երախտամոռությա՞ն:

Արքան շճած նայում էր նրան: Եթե այս մարդը իշխանության գլուխ կանգնի, մոխրի կվերածի շրջապատը, մահ կսփռի շորս կողմը, դիակների կույտեր կզիզի ամենուրեք, այնտեղ, որտեղ ոտք կգնի նա, ոչ մի բույս չի աճի, ոչ մի նոր միտք չի ծնվի, բոլոր ազնիվ գաղափարները կազտոտվեն ու կապականվեն: Ի՞նչ նրա հավատը կդառնա ամեն տեսակ հավատի ժխտում, մեծագույն անհավատություն:

— Հասկանում եմ, արքա, հեշտ բան չի մեռնելը, — վերջապես մի մարդկային խոսք լսվեց նրա բերանից, բայց աչքերի մոլեռանդ փայլը, նպատակին հասնելու համառ մտադրությունը, որ պարզապես զրված էր նրա երեսին,

նորից երկյուղ պատճառեցին արքային:— Եթե ինքդ շես կարող, ես կանեմ, արքա... Ե՛ս կսպանեմ քեզ... Միայն թե համաձայնիր...— Թուքը կուլ տալով, շնչաց նա, և նրան թվաց, թե իր անձնազոհությամբ լրիվ ապացուցեց արքային՝ նրա մահվան կարևորությունն ու անխուսափելիությունը: Եթե պատրաստ էր ձեռք բարձրացնել իր աստծո վրա, ո՞ւմ գործն էր ավելի դժվարանում, ի՞րը, թե՞ աստծունը:

Արքան պարզապես ապտակեց Գնելին: Շատաշուն ապտակն իջավ նրա երեսին ու թողեց իր մատնահետքերը: Գնելը ցնցվեց, երերաց տեղից ու հազիվ պահեց հավասարակշռությունը: Աչքերից կայծեր դուրս թռան: Քթից արյան մի շիթ հոսեց ու ընկավ գորգի վրա: Նա ձեռքը տարավ երեսին, որ վառվում էր կրակի պես ու, ապերախտության այս ցույցից խոցված, արցունքի կաթիլներ թափվեցին այտերին:

— Դու ինձ այլևս պետք չես, Գնել,— հանգիստ շունչ քաշեց արքան և, չգիտես ինչու, քշտեց թևերը:— Ես ազատվեցի քեզանից: Փա՛ռք տիրոջ, ազատվեցի: Մնաս բարով:

Մեծ-մեծ քայլերով ուղղվեց դեպի դուռը ու դուրս եկավ ննջասենյակից: Մի ծանր բեռ էր ընկել ուսերից, և նա շտենսնված առույգ ու թեթև էր զգում իրեն: Կարծես բաժանվել էր շսիրած կնոջից, որի հետ տանջալի ու հոգեմաշ տարիներ էր անցկացրել նույն հարկի տակ: Հիմա տուն շուներ, տանիք շուներ, բայց փոխարենն ուներ մի ամբողջ աշխարհ: Ասես դուրս էր եկել հմայության ազդեցությունից, հիշել իր անունը, ծննդյան թվականը, ծնողներին, իր անցյալը, իր ով լինելը ու վերագտել իրեն: Գնելն իր շուքի տակ էր առել նրան, զրկել ինքնուրույնությունից, սասանել հավատը սեփական ուժերի հանդեպ, ստիպել էր յուրաքանչյուր քայլը չափել իր համոզմունքների տեսանկյունից, արդյոք ի՞նչ կասի Գնելը, արդյոք հավանություն կտա՞ նրա ձեռնարկած այս կամ այն գործին: Եվ ինչո՞վ խաբեց արքային, ինչո՞վ կաշառեց, ինչպե՞ս կուրացրեց նրա աչքերը: Էլի շրջապատն էր մեղավոր: Համատարած ամայության մեջ Գնելը միակն էր, որ պինդ հավատ ուներ և հասկանում էր միավորված սև ամբողջական հայրենիք ստեղծելու անհրաժեշտությունը:

Վերջ, փա՛ռք աստժո, վերջ: Եւ աղատվեցի քեզանից: Դու
ինձ այլևս երբեք պետք չես: Մնաս բարով:

Իսկ Գնեւը, որ ննչասենյակում մենակ էր մնացել, հուսա-
խաբությունից ու շհասկացված լինելու վիրավորանքից սըրթ-
սըրթում էր ամբողջ մարմնով ու փնթփնթում իրեն-իրեն.

— Ափսո՛ս, արքա, ափսո՛ս, որ շուգեցիր մեռնել... Իսկ
առանց քո համաձայնության ես շեմ կարող քեզ սպանել...
Չեմ կարող արքայասպան լինել...



Պալատի առջև հսկայական բազմություն էր հավաքվել:
Տեսակցություն էին պահանջում արքայի հետ: Լավա՞ծ բան
էր, որ ժողովուրդը երբևէ հանդգնած լինի նման պահանջ
դնելու: Սա ըմբոստության ցույց է, փսփսում էին նախա-
րարներից ոմանք, բացահայտ խռովություն: Խախտվել էին
աշխարհի պինդ ու անսասան հիմքերը, խարխիվել էին նրա
երկու հզոր սյուները, որոնցից մեկը տերերն էին, մյուսը՝
ծառաները: Արքան էր միակ մեղավորը, այդ նա էր շինա-
կանին ներշնչել, թե իրենք դաշնակից են: Իսկ եթե դաշնա-
կից են, ուրեմն, իրավունքներն էլ ինչ-որ տեղ հավասարվում
են: Մինչդեռ, ըստ էության, նրանք ոչ թե դաշնակից էին,
այլ մեղսակից, քանի որ նրանց համատեղ ջանքերով էին
խորտակվում աշխարհի հաստատուն ու անփոփոխ պատկե-
րացումները: Վկա՝ Արշակավանը և այս ամբողջ արհա-
վիրքը:

Արքան երկար շսպասեցրեց իր հպատակներին ու, համա-
ձայն դաշնակցության չգրված օրենքների, իսկույն դուրս
եկավ պալատից: Գոնե պատշգամբ ելներ և այնտեղից խո-
սեր նրանց հետ: Չէ, այդ սահմաններն էլ ջնջեց...

Արդեն քանիբորդ անգամ ամբոխն ու արքան Արշակա-
վանում կանգնում էին դեմ-դիմաց: Սկզբում միշտ տիրում էր
մեռելային մի լռություն: Դա կասկածի պահն էր, որ ծնվում
էր տեսակների տարբերությունից: Նրանք, առանց թաքցնե-
լու և առանց քաշվելու, նախ զննում էին միմյանց, հեռվից
հեռու շոշափում իրար, հոտոտում, ստուգում, հաղթահա-

բում իրենց ներքին անջրպետը և նոր միայն շփման մեջ մտնում:

Արքան տխրեց, որ ամբոխը մոռացել էր իր դասը: Մի պահ տևած սովորական լուսթյունից հետո մի մարդու պես շէր ողջունել նրան: Գուցե համբերատար ուսուցչի նման կրկնի՞, Գուշի՞, Բայց մարմնով մի դող անցավ, երբ նա տեսավ, թե ովքեր են իր դեմ կանգնած: Տեսավ նրանց հյուծված դեմքերը, փոս ընկած աչքերը, ծարավից շորացած շրթները, անզորությունից ծավլող ոտքերը, բայց այդ ամենը միավորվեց մի ընդհանուր տպավորության մեջ. ոչ ոքի զգեստը կարգին չէր նստած մարմնին, բոլորն էլ լայն էին, և այդ լայն զգեստների մեջ ըողում ու կարծես խեղդվում էին մարդիկ:

Արքան ապշեց, երբ ամբոխի մեջ նկատեց նաև կանանց և նույնիսկ երեխաների: Եվ միայն այդ քնքուշ ու փափկատուն էակաների ներկայությունից կռահեց, որ խոսակցությունը գաժան էր լինելու:

Եկել էին հաց ու ջուր պահանջելու: Ի՞նչ կարող էր անել արքան: Ուրիշ դեպքում, այսքան երկարատև պաշարումից հետո, թշնամին կկորցնեք հույսը ու կհեռանար: Սա էր պաշարման ծանոթ տրամաբանությունը: Եվ քաղաքը պարենավորված էր ըստ այդ տրամաբանության թելադրած շափերի: Բայց ի՞նչ պարզվեց: Պարզվեց, որ սա քաղաքի ու հարձակվող բանակի սովորական բախում չէր, ոչ էլ երկու կողմերի պարզ ատելություն, ոչ էլ նույնիսկ՝ սոսկ վրեժխնդրություն: Ավելի լուրջ բան էր: Արքայի սխալն այն էր, որ այդ հանգամանքը սկզբից ևեթ հասկանալով հանդերձ, հաշվի չէր առել: Հարցին մոտեցել էր սոսկ ռազմական գործչի տեսանկյունից: Եվ հիմա պատասխան էր տալու ամբոխին:

Բայց ի՞նչ պատասխան տար, որն իր ուժով ընդունակ լինեք մրցելու հացի և ջրի նախնական պահանջի հետ: Նու միայն մի բան կարող էր խոստանալ. կարող էր երդվել, որ ինքն էլ, իր հպատակների նման, կմնա քաղցած ու ծարավ...

— Որտե՞ղ է զորքդ, արքա,— ամբոխի խորքերից, ինչ-որ ապահով տեղից, լսվեց մեկի ձայնը:— Ինչո՞ւ է ուշանում:

— Ի՞նչ զորք, — զարմացավ արթան, որը պատրաստվել էր ուրիշ խոսակցության:

— Զորքդ, որ պիտի կռվի թշնամու դեմ, — շարունակնց ձայնը նույն թաքուն տեղից, — պաշտպանի մեր կյանքը...

— Ի-ի՞նչ, — անակնկալի եկավ ու սփրթնեց արթան: Լեզուն կապ ընկավ, ու ոտքերը թուլացան: Հապա հա՞ցը: Հապա ջո՞ւրը: Մի՞թե կարելի է սովին ու ծարավին դիմանալ: Ինչո՞ւ մոռացան իրենց զրկանքները: Ի՞նչ իրավունքով: Ինչո՞ւ պիտի իր կոկորդից շրոնեին՝ հաց ու ջուր պահանջելով: Ի՞նչ զորքի մասին է խոսքը: Ու նա, ոտքերի մատների վրա կանգնած, վիզը երկարած, կարծես փնտրելով ձայնի տիրոջը, զայրույթով պատասխանեց նրան.

— Ուրեմն, փոխանակ դուք ինձ պաշտպանելու, փոխանակ ձեր քաղաքը ատամներով պահելու, ուզում եք, որ ե՞ս զորավիգ լինեմ ձեզ...

— Բայց դու խոստացել ես մեզ, արքա:

Արթան շճած դիտում էր լուռ և քարացած ամբոխին, որ մի մարդու պես հայացքը հառել էր նրան, ու լսում նույն անշար ու միամիտ ձայնը: Ծվ քանի որ շէր տեսնում խոսողին, այդ ձայնն անիրական էր թվում ու մի տեսակ երկյուղ պատճառում նրան:

— Ի՞նչ եմ խոստացել, — հուսահատությունից կատաղած գոռաց արթան: — Ի՞նչ, ի՞նչ եմ խոստացել:

— Որ մենք անձեռնմխելի ենք քո քաղաքում, — հանգիստ պատասխանեց ձայնը: — Որ դու կպատժես բոլոր նրանց, ովքեր կփորձեն ոտնձգություն անել մեր դեմ:

— Ուրեմն, հույսներդ միայն ինձ վրա՞ եք դրել. — այլևս չդիմացա՞վ ու, արդեն լացակումած, ամբոխին դիմեց արթան, հարցն ուղղելով մեկ առ մեկ բոլորին: — Միայն ինձ վրա՞:

— Մենք հո չե՞նք հնարում, — կարծես մի փոքր վիրավորվեց ամբոխի խորքից լսվող անմեղ ու ազնիվ ձայնը: — Մունետիկներն էին քո անունից հայտարարում:

— Բայց չէ՞ որ դուք եք իմ հույսը, միա՞յն դուք... Իմ մունետիկներն այդ էին ասում ձեզ... Իմ հրամանն էլ էր այդ ասում...

Արքան լրիվ կորցրել էր իրեն: Հիստերիայի մեջ էր ընկել: Գոռզոռում էր ու միայն ինքն էր հասկանում իր անկապ խոսքերի իմաստը: Նա պատմում էր իր երազների, հուլյսերի ու ծրագրերի մասին: Այն մասին, թե ինչպես երկիրը պիտի դառնար անկախ ու միասնական: Մարդիկ պիտի ապրեին առանց վախի ու առանց օտարի ճնշման: Որ նա իր մենակույթունը պիտի հաղթահարեր ամբոխի հետ միասին: Որ իրենց զաշնակցութունից պիտի ոտքի կանգներ Հայաստանը: Որ նա շատ ներքին կոնվներ է մղել ինքն իր դեմ՝ ամբոխի ու իր միջև ընկած անջրպետը ոչնչացնելու համար: Որ նա երկրի բախտը իր անուժ ձեռքերից վերցրել ու իր տկլոր, իր քաղցած ժողովրդին է տվել: Որ նախարարները եղել են եսապաշտ ու հայրենիքը համարել են միայն իրենց գավառը: Որ պարսիկն ու բյուզանդացին ի վերջո կուլ կտան երկիրը և ավարը հավասար կբաժանեն իրար մեջ: Որ հանուն երկրի ներկայի ու ապագայի, նա գիտակցաբար իր մարդկային դեմքն է կորցրել, գործել է այնպիսի արարքներ, որոնք դեմ են եղել իր բնությանն ու սկզբունքներին: Որ նա էլ կուզենար, բոլորի նման, ապրել այնպես, ինչպես սիրտն էր կամենում, միայն իր համար: Որ ինչո՞ւ բոլոր արքաները պիտի վայելեն փառք ու իշխանություն, ամեն քալլափոխին ըմբռնան զրանց քաղցրությունը, իսկ ինքը օր ու գիշեր, թևերը քշտած, պիտի աշխատի ու տքնի: Որ ինչո՞ւ բոլորն իրավունք ունեն մտածելու միայն իրենց մասին, իսկ մի հոգու ճակատին գրված է՝ բոլորի հոգսերը սեփական ուսերին վերցնել ու տանել: Գոռաց, զոռաց, ու ոչ ոք չհասկացավ նրա խոսքերի իմաստը, ոչ ոք չկուահեց, որ նա ամբոխին մեղադրում էր երախտամոռության ու դավաճանության մեջ, իսկ իրեն՝ դյուրահավատության ու ինքնախաբուության: Եվ ամբոխի պատասխանը եղավ ընդամենը երեք բառ:

— Արքան զորք չունի,— լսվեց նույն ձայնը բազմության միջից:

«Արքան զորք չունի... Զորք չունի արքան...» Լուրը ալիքի պես տարածվեց ամբոխի մեջ, անցավ բերնբերան, տաղ-նապ ու իրարանցում ծնելով մարդկանց հոգիներում:

Եվ հանկարծ սկսվեց խելահեղ փախուստը: Խուճապահաղ

Նմբոխը, իրեն անպաշտպան ու խաբված զգալով, վազում էր ուր աչքը կտրեր: Փախուստը, դարավոր բնազդների թելադրանքով, թվում էր միակ փրկութունը: Ինչ-որ սահմուկեցուցիչ բան կար այդ վազքի ահավոր անհմաստության մեջ: Չորս կողմը պարիսպներ էին, պարիսպներից այն կողմ՝ թշնամին, որը ծարավի էր նրանց արյան:

Ճիշ ու վայնասուն էր ընկել քաղաքում: Մարդիկ, վախից խելքները կորցրած, փնտրում էին իրենց հարազատներին, անունները գոչում, և նրանց ձայները, դեռ շննված, մեռնում էին համատարած աղմուկի մեջ: Ոչ մեկի մտքով չէր անցնում գնալ տուն և հավաքվել ընտանիք առ ընտանիք, քանի որ արհավիրք՝ նախ և առաջ նշանակում է, որ տուն այլևս չէր կարող գոյութուն ունենալ:

Մարդիկ, դարձյալ ինքնապաշտպանական բնազդներից մղված, ճգնում էին պոկվել իրարից, որովհետև մենակութունը ինքնին թաքստոց էր ու ապահովություն, վտանգը չէր կարող հեշտությամբ հայտնաբերել առանձին մարդուն և հաշվեհարդար տեսնել նրա հետ: Իսկ խումբը հարմար թիրախ էր, միմյանց գոյության ակամա մատնություն:

Բայց չէր հաջողվում իրարից անջատվել: Ամբոխը քայքայվեց, մասերի բաժանվեց, և փախուստի ուղղությունները փոխվեցին: Սակայն քաղաքի նեղ և կույր փողոցներում նոսրացած խմբերը, որոնք առանց այդ էլ ճգնում էին բաժանվել ու առանձնանալ, դարձյալ հանդիպում էին միմյանց ու այս անգամ... իրարից փախչում:

Միայն իրիկնադեմին խուճապը, ինչպես և ամեն մի ուրախություն ու ցավ, նույնպես սովորական դարձավ, մարդիկ սաստիճանաբար ընտելացան դրան, ի վերջո քաշվեցին իրենց տները, որոնք, ինչպես պարզվեց, այնուամենայնիվ դեռ նրանց էին պատկանում, պինդ-պինդ փակվեցին, ու սկսվեց սպասումը, մի բան, որ ավելի ահավոր էր ամեն տեսակ գուժից ու խուճապից:

Իսկ արքան, հուսախաբությունից ու ցավից լայն բացված աչքերով, իր պարտությունն ու անզորությունը լրիվ ընդունած, քարացած դիտում էր ամբոխի փախուստը ու անձայն արտասվում:

Սա էր վերջը, բոլոր հրազանքների ու տառապանքների: Այսքան անփառունակ ու խղճալի: Մի պահ նրա աչքերի առջևով անցան այն բոլոր ծանր ապրումները, այն անբուն ու անվերջանալի գիշերները, որ տարիներ շարունակ անբաժան են եղել իրենից, որսյեսզի գումարվեն, կուտակվեն ու այս օրին արժանացնեն իրեն:

Ո՞ւմ է բախտ վիճակվել, դառց քմծիծաղ տվեց նա ինքն իրեն, այսուպես անձամբ, այսքան որոշակի ու կողքից տեսնելու սեփական վախճանը, տեսնելու ինչպես թատրոնում, բեմի վրա, հանդիսատեսի համար նախատեսված ամենապատվավոր տեղից:

Էլ ի՞նչ էր մնում անելու, եթե ոչ հետևել ամբոխին ու անձամբ ևս փախչել: Այսինքն, մարդ դառնալ, պատկանել միայն իրեն, մտածել միայն իր անձի ու մաշկի մասին: Նա կզնա Վիրք, Միրիան թագավորի մոտ: Հենց զրանով վրեժ-խնդիր կլինի ապերախտ արշակավանցիներից: Թող իմանան, թե ինչ բան է գլխներին արքա շունենալը: Վրեժխնդիր կլինի նաև իրենից՝ դյուրահավատության ու ինքնախաբեության համար: Եվ վրեժը կլուծի՝ նոր տանջանքներ պարզենլով իրեն, քանի որ շատ լավ գիտե, որ չի կարելի ո՛րս պահել հարազատ ժողովրդի հանդեպ, թեկուզ եթե մինչև վերջին մարդը դավաճանած լինեն արքային ու երես դարձնեն նրանից, քանի որ գիտե, որ հենց այդ դեպքում է արքան իր ժողովրդին ավելի պեսոք: Որովհետև, եթե ոչ թե անհատը, այլ ամբոխն է կորցնում բարոյականությունը, ուրեմն, նա փորձանքի մեջ է: Բայց արքան էլ վերջ ի վերջո մարդ է, չէ՞, ոչ քարից է շինված, ոչ երկաթից: Օրերից մի օր պիտի իմանա՞, պիտի հիշի՞ իր մարդկային ծագումը, թե՞ ոչ: Պիտի հասկանա՞, որ ինքն աստված չէ՞ ամենատես ու ամենաներող, այլ սովորական մահկանացու, նույնքան սովորական թուլություններով: Հիմա, այս մեծագույն երախտամոռության առաջ, նա այդ իմացավ, հիշեց ու հասկացավ: Եվ նա կլուծի իր վրեժը, կզնա Միրիանի մոտ...

Հանկարծ տեսավ, որ մոտ հարյուր հազարանոց ամբոխից, որ շքացել էր մի քանի րոպեում և արքայի առջև սփռել ամայի մի տարածություն, մնացել էր զառամյալ մի

ծերունի: Կանգնել էր պատկանելի հեռավորության վրա և համբերությամբ սպասում էր, որ արքան նկատի իրեն:

Արքան զարմանքով նկատեց ու հարցական նայեց նրան: Ծերունին մի քանի անգամ անձայն բացուխուփ արեց բերանը, կարծես դժվարությամբ դուրս հրելով բառերը:

— Էլ ինչի՞ մեզ տեղահան արեցիր, արքա... — առանց նախատինքի, առանց մեղադրանքի, ծերունական անկիրք ձայնով հարցրեց նա: — Ինչի՞ մեզ գժտեցրիր մեր տերերի հետ... Հիմա մենք ի՞նչ երեսով պիտի նայենք նրանց աչքերին...

Արքան, չգիտես ինչու, վախեցավ այս անակնկալ հանդիպումից, իր վերջին օրերն ապրող այս ծերունու հետ դեմ առ դեմ կանգնելուց և, նրա հարցն անպատասխան թողնելով, արագ հեռացավ:

Սակայն մեջքն զգաց, որ ծերունին հետևում էր իրեն: Նա արագացրեց քայլերը, անցավ պալատի ետնաբակը ու դարձյալ լսեց ծերունու ոտնաձայները: Վախից ուզեց գոռալ, թիկնապահներին օգնության կանչել, բայց նաև հասկացավ, որ կարող էր հիմար վիճակի մեջ ընկնել: Թիկնապահները վաղեվազ կգային ու կտեսնեին ընդամենը անօգնական, գառամյալ մի ծերունու:

— Փառք աստծո, լավ թե վատ ապրում էինք, — պոկ չէր գալիս: Ծերունին ու շարունակում էր անվրդով խոսել: — Ինչի՞ ջահելներին սովորեցրիր շլսել իրենց տերերին: Չէ՞ որ մի տեր էլ դու ես: Ինչո՞ւ ինքդ քո դեմ ելար:

Արքան ուզեց ետ դառնալ ու պալատ մտնել, բայց ծերուկը կանգնած էր իր ճանապարհին: Նա ոչինչ չէր անում, ոչ մի վտանգ չէր տպանում. նա չէր կարող արգելել, որ արքան անվնաս վերադառնա պալատ: Բայց արքան իր մեջ ուժ չէր գտնում շրջվելու ու թեկուզ մի ակնթարթ դեմ առ դեմ նայելու նրան:

Ստիպված շարունակեց ճամփան, զգալով, որ ծերուկը կրնկակոխ հետևում էր իրեն ու բնավ միտք չուներ իր օձիքը բաց թողնելու:

— Հիմա ի՞նչ պիտի անենք, արքա, — անմիջականորեն հարցրեց նա, — ի՞նչ պիտի լինի մեր դրությունը:

Մի ելք կար միայն, թեև ստոր ու նողկալի, բայց միակ ելքը: Լոնցնեյ նրան: Դաշույնի մի հարվածով: Միայն թե ազատվել նրանից, նրա անկիրք ձայնից, նրա համառ հետապնդումից, իր անբաժան ստվերը դառնալու երկյուղից, նրա անկեղծ մտահոգությունից, որն ավելի շատ ընդհանուր վիճակին էր վերաբերում, քան թե սեփական անձին, և հենց դա էր արքային շփոթեցնում և հունից հանում: Բայց քանի որ անհնար էր նրան սպանելը, ինքն անընդհատ պիտի առաջ գնար, միայն ու միայն առաջ, պատկառելի հեռավորությունից իր ծոծրակին զգալով նրա գոյությունը, նույնիսկ ծերունական շնչառությունը:

— Դու միայն մի միջոց ունես մեզ փրկելու, արքա,— քիչ անց է՛լ ավելի հանգիստ ու անկիրք ասաց ծերունին:— Եթե թողնես, որ քեզ տանենք, հանձնենք նրանց... Գուցի մեր տերերը ներեն մեզ...

Արքան քարացավ տեղում և ոտնաձայների բացակայությունից կռահեց, որ ծերունին էլ կանգ առավ: Երևի նույն պատշաճ թարածություն վրա: Արքային խեղճացրեց, ծնկի բերեց առաջարկի ուղղակիությունն ու անմիջականությունը: Նա կտրուկ շքշվեց ու տեսավ մի ծերունու, որը կարծես այս մի քանի րոպեում է՛լ ավելի էր սմբել, ուժասպառվել և անհուսալիորեն ծերացել: Ծերունու հայացքը դիմացավ, իսկ արքայինը՝ ոչ: Նա փախցրեց աչքերը և հասկացավ, որ չի կարող ոչ զայրանալ, ոչ անպատվել, ոչ էլ հակաճառել: Ծերունին բոբիկ էր, ոտքի բութ մատը խղճալիորեն մեծ էր ու երկար, հագել էր ցնցոտիներ, բերանի մեջ, փոքր մանկան նման, մի ատամ կար ընդամենը, և աչքերն անընդհատ արցունքակալվում էին: Նա հասել էր մի տարիքի, երբ կարող էր մտածածն առանց տատանվելու ասել ու երջանիկ էր, որ արդեն չգիտեր, թե ինչն էր կարելի և ինչը՝ ոչ:

Արքան իր զարդերից մեկը պոկեց զգեստից, զետին գցեց ու փախավ: Չտվեց որպես ողորմություն: Վստահ էր, որ ծերունին ոչ մի դեպքում չէր վերցնի գետնից: Պարզապես ուզեց նրա ուշադրությունը շեղել: Եվ, իսկապես, ծերունին մանկական հետաքրքրությամբ սկսեց նայել փայլուն մետաղի կտորին, որ բոցկտում, վառվում ու խենթանում էր

արևի լուսինց: Ու նա, տարժած այդ անծանոթ ու հրապու-
րիչ խաղալիքով, գնահատելով ոչ թե դրա արժեքը, այլ
պսպղունությունը, բոլորովին մոռացավ արքային:



Մի քանի օր անց էշ կռված անվավոր մեքենաները,
որոնք օր ու գիշեր որդի պես կրժում էին պարիսպների հիմ-
քերը, կարողացան քանդել մի փոքր հատված, որը, հակա-
ռակի պես, մոտ էր դարբասին: Կարճատև ձեռնամարտից
հետո հայ-պարսկական միացյալ բանակի առաջատար զօի
գլխավորները ներխուժեցին Արշակավան և բաց արին դար-
բասը:

Քշնամին, ամբարտակը խորտակած հեղեղի նման, լցվեց
քաղաք: Զորքը, հատկապես նրա հայկական մասը, ոչ մի
անձնական հաշիվ չունեի արշակավանցու հետ, հետևաբար,
չպետք է ունենար նաև վրիժառություն ցանկություն: Բայց
ամիսներ տևած պաշարումը շարացրել էր նրան: Իրար
էին բախվել պաշարողի ու պաշարվածի համառությունը: Հենց
այդ համառությունն էր երկու անծանոթ կողմերի մեջ ատե-
լություն առաջացրել միմյանց հանդեպ: Ծվ, ինչպես միշտ,
հաղթողի ատելությունն ավելի բուռն էր, նա ավելի իրա-
վացի էր, ավելի արդարացի, նույնիսկ՝ ավելի աուժած ու
տանջված:

Շինական Հաբեթնակը, բանից անտեղյակ, դուրս էր եկել
տնից ու պատրաստվում էր փողոցն անցնել և գնալ հարևանի
մոտ, երբ տեսավ, որ գլխավորների մի ահուկի բազմություն,
կարծես գետնից բուսնելով, արշավում էր ուղիղ իր վրա:
Մի ամբողջ բանակ՝ ընդամենը մի հոգու դեմ: Ինչ մղձա-
վանջային երազ թվաց նրան, նա փորձեց ճշալ ու արթնա-
նալ քնից, բայց չհասցրեց, որովհետև սիրտը վախից պայ-
թեց, և նա տեղնուտեղը մեռավ: Հաբեթնակը գարձավ Ար-
շակավանի առաջին զոհը:

Քշնամին Արշակավանում հանդիպեց մի շնախատեսված
դժվարության. դիմադրություն չկաք, փողոցները գատարկ
էին ու ամայի, կարծես անկենդան քաղաք էր ոտք դրել նա:

Ստիպված էին առանձին-առանձին մտնել բոլոր տներն ու հաշվահարդար տեսնել բնակիչներին հետ: Բայց դա ավելի մարդասպանության էր նման, քան թե՛ քաղաքի գրավման:

Շփոթմունք ընկավ բանակի շարքերում: Զինվորները լցվեցին քաղաքի փողոցները ու կանգ առան, շիմանալով ինչ անել: Մատնվեցին լիակատար անգործության: Երանի չէ՞ր ամեն փողոցի, ամեն մի թիզ հողի համար մարտեր մղելին, թեկուզ և վտանգի ենթարկեին իրենց կյանքը, հարձակվեին դիմադրող խմբերի վրա, մահու և կենաց պայքարի մեջ մտնեին; այսինքն, պայմաններ ստեղծվեին կիրառելու կովի հիմնական օրենքը՝ սպանությունը: Միևնույն բանն էր՝ հակառակորդը հարձակվո՞ւմ է, թե՞ փախչում, երկու դեպքում էլ սպանելու բնազդը գրգռում և ուժ է տալիս զինվորին: Իսկ հիմա տարօրինակ վիճակ էր: Նա հարկադրված էր իր կոչմանն անվայել արարք գործելու, մեկ առ մեկ սպանելու: Սպանելու անուն առ անուն, փողոց առ փողոց, հասցե առ հասցե, տեսնելու զոհի դեմքը, նրա տունը, նրա ունեցվածքը, ծանոթանալու նրա ընտանիքին: Սարսափելին այն էր, որ նա մի տնից մյուսը մտնելու արանքում կարող էր մի փոքր հանգստանալ, զրուցել ընկերոջ հետ, մի պատառ հաց ուտել, սքանչանալ մայրամուտով, ապա հանգիստ և առանց խուճապի շարունակել իր գործը: Շտապելու անհրաժեշտություն չկար, զոհը տեղից չէր փախչում:

Հաղթանակի առաջին ուրախ ճիշերը խեղդվեցին ու փոխարինվեցին խոր հիասթափության: Ոչ հաղթած կողմ կար, ոչ էլ պարտված: Պալատը դատարկ էր, արքան փախել էր Վրաստան, նախարարները ցրվել էին իրենց գավառները, քաղաքի փոքրաթիվ կայազորը իսպառ ոչնչացված էր, ոչ մի պաշտոնավոր անձ չէր մնացել:

Միակ բացառությունը բանակում գտնվող ապստամբ նախարարներն ու պարսիկ զորապետներն էին, որոնք ոչ միայն չէին կորցրել վրեժխնդրության ծարավը, այլև երազում էին ժամ առաջ հիմնահատակ անել, գետնին հավասարեցնել քաղաքը ու կատրել մինչև վերջին մարդը: Նրանք հրաման արձակեցին անհապաղ սկսել ջարդը:

Զինվորները, առանց միմյանց հետ պայմանավորվելու,

տարերային ձևով գտան ելքը: Նրանք տներն էին մտնում հոծ խմբերով, թեև երկու-երեք հոգին միանգամայն բավական էին անգնն ու անպաշտպան մի ցնտանիք ոչնչացնելու համար: Սակայն մեծաթիվ խմբերն այն առավելութունն ունեին, որ նրանց ներխուժումը կովի խաբուսիկ տեսք էր ստանում, դիմադրություն սպառնալիքի պատրանք էր ստեղծում, և մեղքի հավասար բաժին էր ընկնում յուրաքանչյուսրին: Տներում շարժվելու տեղ չէր մնում, և ի վերջո շփոխմացվում, թե ընդհանուր իրարանցման մեջ ովքեք սպանեցին անմեղ բնակիչներին:

Շուտով քարդի լուրը տարածվեց քաղաքով մեկ և կատարվեց այն, ինչ բանակի միակ փափագն էր: Մարդիկ դուրս եկան իրենց դրջերից և սկսեցին փախչել: Ուժեղի և թույլի բնազդն անմիջապես գործի դրվեց: Բնական ատելթ ստեղծվեց հետապնդելու ու փապալելու զոհին: Արջակավանցիների ակամա պալլը օգնեց զինվորներին, ու նրանք, այլևս առանց տատանվելու, անցան իրենց սովորական ու արդեն հասկանալի պարտականությունը:

Սպանող տևեց երեք օր ու գիշեր: Զինվորներից պարտավոր էին ոչ միայն բնաջինջ անել քաղաքի բնակչությանը, այլև ավերել տները, ոչնչացնել այգիները, քանդել ճանապարհները, հիմնահատակ անել երկհարկանի ամուր պալատը, Արշակավանի շուրջ գոտևորված փոսը, որ չէին հասցրել ջրով լցնել, ծածկել պարսպի քարերով, մի խոռոչով, ոչ մի բան կանգուն չթողնել:

Արշակավանը վառվում էր հրդեհների մեջ, մարդկանց ճիչն ու վայնասունը կարծես բոցերի միջից էին դուրս թռչում ու կախվում քաղաքի վրա: Մի ակնթարթում երեսաներո որբանում էին, ժնողներն՝ անզավակ դառնում, տղամարդիկ ու կանայք՝ այրիանում, երկարատև տարիների երազներն ու հոգսերը, ուրախություններն ու գառնությունները մոխիրների վերածվում, իբրև թե այսինչ մարդը ոչ էլ գոյություն է ունեցել, նրա ծանր ու դժվարին կյանքը անգամ իրականություն չի եղել:

Արշակավանցիներից մեկը, պարսիկների ձեռքն ընկած, հուսահատությունից այլ ելք չգտնելով, օգնության էր կան-

չում հայ զինվորներին... Մեկ ուրիշը, որ թրի մահացու հարված էր ստացել մարմնին, շնայած անտանելի ցավերին, անմարդկային մի համառությամբ աշխատում էր հանգցնել իր տանն ընկած հրգեհը... Մի երրորդը, փողոցի ահավոր թոհուրոհի մեջ, իր կորած հարազատների անուններն էր ամբողջ կոկորդով գոչում ու կանչում նրանց... Իսկ մի այլ մարդ, որ սեփական աչքերով տեսել էր իր ընտանիքի բոլոր անդամների մահը ու հրաշքով կարողացել էր փախչել քաղաքից, հանկարծ զգալով իր փրկության ամբողջ անիմաստությունը, կամաւոր ետ էր վերադառնում...

Արշակապանցի ընտանիքներից մեկը, զգալով դրության անհուսալիությունը, մեջտեղ հանեց տան ամբողջ պաշարը, որ նախատեսված էր ապագա երկու շաբաթների համար, այն էլ՝ խիստ խնայողությամբ, պարզապես սովից շնոնելու համար, կարգին սեզան բացեց, և տան անդամները, քար լուծյան մեջ, կուշտ ու կուռ կերան մինչև վերջին պատառը, հաջորդ օրվան ոչ մի փշրանք չթողնելով:

Տարբեր թաղամասեր, իբրևից անտեղյակ, իրենց ներկայացուցիչներին էին ուղարկում հրամանատարության մոտ և խոստանում հանձնվել: Բայց նրանք ոչ միայն մերժում էին ստանում, այլև տեղնուտեղը զխատվում: Տեսնելով, որ ներկայացուցիչները չեն վերադառնում, այդ նույն թաղամասերի բնակիչները, փոքր խմբերով, անցնում էին դիմադրության: Սակայն արդեն ուշ էր: Նույնիսկ շատ էր ուշ: Դիմադրությունը ճնշվում էր ամենակարճ ժամանակամիջոցում: Թշնամու բանակը այն աստիճան ահռելի թիվ էր կազմում, որ յուրաքանչյուր անգն արշակապանցուն ընկնում էր մինչև աստամները զինված հինգ զինվոր:

Չէ, հանձնվել չկար: Արշակապանի տարածքի մեջ ընկած ամեն մի շնչավոր էակ ու ամեն մի անշունչ իր ենթակա էր ոչնչացման: Առանց խտրության, առանց բացառության: Զխնայելով անգամ մանուկներին ու ծերերին, Խստիվ արգելված էր ավար վերցնել, ամեն ինչ պետք է անհետանար ու վերանար օղաքի հետ միասին, նույնիսկ՝ ամենաթանկարժեք առարկաները: Որովհետև գրանք հիշողության սերմեր էին, որ կաթոզ էին ցրվել երկրով մեկ ու ծիլեր արձակել:

Ով թեկուզ շնչին շափով խախտում էր այդ օրենքը, առանց դատի ու դատաստանի, իսկույն մահապատժի էր ենթարկվում: Կազմակերպվել էին հատուկ պատժիչ ջոկատներ, որոնք անդադար հսկում էին հրամանի անշեղ կատարմանը:

Սպանդի արժանահիշատակ դեպքերից մեկն էլ այն եղավ, որ քաղաքի տարբեր մասերում, արշակավանքիների հաշիվը մաքրելուց հետո, առանց որևէ պատճառի, իրար կայան հայ և պարսիկ զինվորները: Դաշնակիցներն սկսեցին անխնա կոտորել միմյանց, և այդ ընդհարումները համատարած բնույթ կստանային, եթե ճիշտ ժամանակին վրա չհասնեին երկու կողմերի հրամանատարները ու շրջաններն նրանց: Նախարարները, վախենալով հետագա բարդություններից, պատահական ընտրությամբ վերցրին ընդհարումներին մասնակցած մոտ հիսուն հայ զինվորի ու հրամայեցին սրախողխող անել բոլորին:

Սակայն շար լեզուները պնդում էին, որ թևե բացահայտ բախումներ այլևս չեղան, այնուամենայնիվ հայերն ու պարսիկները առիթ չէին վախցնում թիկունքից գաղտագողի հարվածելու միմյանց:

Բայց ի՞նչ օգուտ, երբ Արշակավանն արդեն հոգեվարքի մեջ էր, ճակատն այրվում էր կրակից, սիրտը վերջին կծկումներն էր անում, շնչում էր դժվարությամբ ու մեծ ճիգով: Մեռնում էր, ինքն իր համար գերեզման ծառայելով:



Գնելը, լրիվ դատարկված ու քամված, աննպատակ քարշ էր գալիս աչքերի առջև ժամ առ ժամ կործանվող քաղաքում և սարսափով դիտում շուրջը: Ամենուրեք տեսնում էր ավերակներ ու դիակներ: Դիակներից մեկը նրա ուշադրությունը գրավեց ցուցամատի սպիացած վերքով: Այդ մարդը երևի ինչ-որ պինդ բան էր կտրել դանակով ու վիրավորել ձեռքը: Դրա համար էլ նա, երբեմնի կենդանության այս անհերքելի փկայությունը, ամենքից ավելի մեռած թվաց նրան:

Զոհվածների մեծ մասը ծանոթ էր Գնեյին: Նրանցից շատերն էին իրենց մաշկի վրա զգացել նրա մտրակի արդար

հարվածները: Շատերին էր նա անշահախնդիր օգնություն
ցույց տվել, անձամբ մասնակցել նրանց տների կառուցման
աշխատանքներին, լուծել նրանց առօրյա կյանքի բազմա-
թիվ կենճոտ հարցերը, իրագործել սննդամթերքը հավասար
բաշխելու դժվարին պարտականությունը, մի խոսքով, իր
անձը զոհելով, տիրություն արել բոլորին: Հանուն ինչի՞:
Այս համատարած եղեռնի՞: Փլատակների այս թագավորու-
թյա՞ն: Մի՞թե սա էր իր անմարդկային շարշարանքների
հատուցումը: Եվ ո՞վ էր պատասխան տալու այս ամենի հա-
մար: Միայն թշնամի՞ն: Թշնամին՝ ամենավերջում, քանի
որ նա ճիշտ էր վարվել, այսինքն, իր թշնամական պարտքն
էր կատարել: Նախ և առաջ պատասխան պիտի տար արքան,
իսկ հետո՝ նաև ինքը: Ուրեմն, թերացել էր իր պարտականու-
թյունների մեջ, որոնք ինքն էր, իր կամքով, սեփական ուսն-
րին վերցրել, չէր եղել հարկ եղածին շափ դաժան, նույնն
է թե՛ բավարար խորությամբ չէր սիրել արշակավանցիներ-
ին, արմատախիլ չէր արել նրանց թուլություններն ու եսա-
սիրությունը, այլապես ժամանակին սովորեցրած կլինեք
նրանց՝ հավատի վերածելու արքայի պաշտամունքը, հյու-
սելու նրա հեքիաթը, երգերի մեջ հավերժացնելու նրա առաս-
պելը, ստեղծելու նրա անձեռակերտ հուշարձանը: Որովհետև,
եթե նրան իջեցնես պատվանդանից, կենդանացնես, միս ու
արյուն տաս, իմանաս, որ նա էլ քո նման սովորական մի
մահկանացու է, ծննդյան ու մահվան թվականներով, մեղքի
ցավով, թեկուզ և շնչին արատներով, ասեմք, շատակերու-
թյամբ կամ էլ թե չէ կնամոլությամբ, վերջացավ, նա այլևս
անընդունակ է իր ետևից տանելու ժողովրդին, ստիպելու, որ
կուրորեն հավատան իր յուրաքանչյուր խոսքին, վտանգի
պահին, իր անունը շրթներին, առանց մի ակնթարթ իսկ
տատանվելու, ընդառաջ նետվեն մահվան: Գնելը չէր կարող
իրեն ներել, որ ի վիճակի չեղավ իր անձնական օրինակով
վարակելու արքայի հպատակներին, հետևաբար, ոչ թե հպա-
տակներն էին մեղավոր, այլ միայն ինքը: Նշանակում է,
հենց անձնական օրինակն էր պակասավոր ու խոցելի:
Ուրեմն, նա մինչև վերջ չէր ծախսել իրեն, այլ ինչ-որ բան
թաքուն-թաքուն թողել էր իր անձին: Եվ նա պետք է շարա-

չար պատժվեր դրա համար: Նա չգիտեր, չէր էլ ուզում իմանալ, թե արքան, որը հայելու մեջ տեսնում էր միայն իրեն, որը չէր կարողանում իր իրական արտացոլումից անջատվել, ի՞նչ պատիժ էր սահմանել ինքն իր համար և սահմանե՞լ էր արդյոք: Գիտեր միայն, որ սեփական մեղքը ինքը պարտավոր էր քավել իր մահվամբ: Եվ նա ման էր գալիս ավերված քաղաքի երբեմնի փողոցներով ու անհամբերությամբ սպասում, թե թշնամու նետը երբ անշնչացած գետին կտապալի իրեն: Բայց թշնամին ավելի նենգ էր ու անսիրտ, քան կարծում էր նա: Անթիվ ու անհամար նետերը, որոնք առանց նշանառության էլ կարող էին կաշել թիրախին, ոչ մի կերպ չէին ուզում գտնել նրան: Հարյուրավոր մարդիկ, թաքստոցներին ապավինելով հանդերձ, զոհվում էին թունավոր նետերից, իսկ նա, որ դիտավորյալ ցցվել էր բոլորի աչքի առաջ, շարունակում էր կենդանի մնալ: Թշնամին ուզում էր, որ խղճի խայթը հոշոտեր նրան, օր ու գիշեր կրծեր, մաշեր նրա հոգին, հիշեցներ նրա լիակատար անկարողությունը, նրա ամոթալի ու խայտառակ պարտությունը:

Քաղաքի հեռավոր ծայրամասում, որտեղ Գնելը հայտնվել էր՝ անկամորեն հետևելով սեփական ոտքերին, նա նկատեց մի խումբ բրդգզյալ մուրացկանների, որոնք, աղքատիկ կապոցները ձեռքներին, շտապում էին հեռանալ քաղաքից:

— Ո՞ւր եք փախչում, — արհամարհանքով հարցրեց նա, ավելի շատ գերի մնալով նախկին սովորությանը, քան՝ համոզմունքին: — Ի՞նչ է, այս կոիվը կապ չունի՞ ձեզ հետ:

— Մենք պատերազմից օգուտ չունենք, տեր իմ, — պատասխանեց մուրացկաններից ամենատարեցը ու ստիպված կանգ առավ: Կանգ առան նաև մնացածները: — Մեր գործը խաղաղ օրերի հետ է կապված:

— Ուրեմն, չե՞ք ուզում պաշտպանել արքային:

— Ով մեզ ողորմություն տվեց, նա էլ մեր արքան է, տեր իմ:

Այսպիսի պատասխանն առաջ կարող էր սպանիչ լինել Գնելի համար ու գործի դնել նրա մտրակը: Բայց նա հիմա և՛ մտրակ չուներ, և՛ հավատ: Հիմա նա ամեն անկյունում իր մահն էր փնտրում ու չէր գտնում:

Մի միտք, որ նա երկար ժամանակ որոնում էր գլխում, ենթագիտակցությանից վերածվեց պարզ ու հասկանալի բառերի, ու նա հանգիստ ընդունեց դրանց իմաստը: Բարոյի շփոթանքով ու շրնկրկեց, ընդհակառակը, մտովի կրկնեց, որպեսզի հետո չկարողանար հրաժարվել և խույս տալ ինքն իրենից:

Նա լայն գոտու տակից հանեց փողի քսակը, երկու մատնեքով խայծի պես պահեց օգտւմ ու մի փոքր լոնց, որպեսզի մուրացկաններին ժամանակ տար մինչև վերջ ըմբռնելու իրենց տեսածը:

— Եթե ես դրամ տամ բոլորիդ, շա՛տ գրամ տամ, իմ հանձնարարությունը կկատարե՞ք,— շփոթեա ինչու, փոխանակ խնդրելու, խիստ ու բարկացած տոնով նա դիմեց ամենքին և շարժեց քսակը, որպեսզի նաև ձայն լսվի ու ավելի ևս արժեքավորվի իր վերջին աննշմարտութեամբ:

— Խորհուրդ չեմ տալիս շատ վարձատրել, տեր իմ,— ասաց տարեցը, որը թեև խմբի գլխավորն էր, բայց բոլորից աղքատ էր հագնված՝ երեի իր հինավուրց մասնագիտության պատիվը բարձր պահելու համար:— Մեծ վարձատրությունը բնավ մեր սրտովը չէ: Մենք ավելի ենք ուրախանում, երբ միայն ողորմության շափ են մեզ տալիս:

— Ուրեմն, դուք սովորական մուրացիկ չեք,— գառջ հեզանքով ասաց Գնելը:— Փլիսսփա մուրացկաններ եք:

— Ասա՛, տեր իմ: Ժամանակը սուղ է:

Գնելի խամրած աչքերում հանկարծ նորից երևաց մուկոտանդության նախկին փայլը, հայացքը դարձավ շար ու համառ, կոշտ և հարթ մազերն ընկան երեսին, ժածկեցին դեմքի կեսը, հոգնած ու ջրակալած արյունը կրկին ըմբռնտացավ, եռ եկավ, և ապրելու ու գործելու փափազը վերակենդանացավ նրա մեջ, որպեսզի նա կարողանար լուծել իր կարճատև կյանքի վերջին ու կարևորագույն հարցը՝ ստիպյալ, որ ինքն ու մահը հանդիպեն իրար, այսինքն՝ իրագործել պատժի առավելագույն շափը, որին նա արժանի էր իր կատարյալ ձախողմամբ: Խնչ նշանակություն ունի, թե ուրիշները, անգամ ամենաանաչառ գոտավորը, անգամ աստված, ինչպիսի պատիժ կսահմանեն քո աններելի մեղքերի համար:

Միակ արդար դաստիարակն այն է, ինչ մարդ ինքն է արձա-
կում իր խղճի հետ միասին: Եվ միայն ինքն է ընդունակ իր
արդարացի պատիժը որոշելու:

— Դուք պետք է ամենուրեք պատմեք, որ արքայազուն
իշխան Գնելը կենդանի էր,— հրամայեց նա, հավատալով
իր արտաբերած յուրաքանչյուր հնչյունին, խորապես համոզ-
ված իր որոշման իրավացիությանը, ատելով ու արհամարհե-
լով սեփական անձը:— Որ նա ստորաբար թյուրիմացության
մեջ էր գցել արքային: Ճողողարել էր պատժից: Որ արքան
արդարացիորեն ուզում էր պատժել նրան, որովհետև Գնել
իշխանը դավ էր նյութում գահին տիրելու համար: Եվ կա-
վելացնեք, որ ձեռքերով տեսաք, թե ինչպես արքան գտավ
դավաճան իշխանին և իր ձեռքերով սատկեցրեց նրան: Ու
կասեք, լսո՞ւմ եք, անպայման կասեք, որ արքայի պատժից
ոչ ոք չի կարող խուսափել: Որ նա է աստժո միակ փոխա-
նորդը այս մեղավոր հողի վրա:

— Բայց դու դեռ կենդանի ես, տեր իմ,— իր անկեղծ
տարակուսանքը հայտնեց տարեց մուրացկանը, կռահելով,
որ Գնել իշխանը հենց սա է որ կա:

— Հիմա...— խոնավ աչքերով ու դողդողացող շրթունք-
ներով խնդրեց Գնելը:— Ժամանակ տվեք մի քիչ... Հիմա,
հիմա...

— Իսկ ո՞վ է քեզ սպանելու, տեր իմ:

— Արքան,— առանց տատանվելու պատասխանեց Գնելը,
ինքնըստինքյան հասկանալի համարելով գա: Ապա աչքերը
հառեց երկնքին, որն արտակարգ կապույտ էր ու աններե-
լիորեն մեծ, և շնչաց.— Ես միայն սրանով կարող եմ իմ
մեղքը քավել, արքա... Գոնե շնչին չափով ավելացնել քո
փառքը...

Եվ ինչո՞ւ կենդանի մնար, ի՞նչ իրավունքով, եթե չկարո-
ղացավ հիմնավոր փաստարկներով ու գործնական ապա-
ցույցներով ներշնչել արքային՝ իր անժխտելի պիտանիու-
թյանը, ընդունակ շեղավ իր մտքերը, որոնք միակ ճշմարիտն
էին ու անսխալը, մինչև վերջ ներարկել նրա մեջ, անուժ
գտնվեց նրան ամուր կանգնեցնելու իր նախանշած ու հայտ-

Նաբերած եզակի ճանապարհի վրա, որը երկիրը կհաներ փակուղուց, կդարձներ միավորված ու հզոր, երջանիկ ու անպարտելի, ի վիճակի շեղավ իր ազդեցութեան տակ առնել նրան, հարկադրել, որ շեղվի իր ոչ մի խոսքից, քանի որ ոչ թե փառասիրութունն էր առաջնորդում Գնել իշխանին, այլ արքայի ու երկրի հանդեպ ունեցած անմնացորդ նվիրվածութունը, խորին համոզմունքը իր հայացքների իրավացիութեան մեջ, և ի՞նչ փառասիրութուն, եթե նա չկար, գոյութուն չուներ, կենդանի դիակ էր ընդամենը, հրաժարված իր անցյալից, երջանկութունից և ընդհանրապես անձնական կյանքից: Չկարողացավ թեկուզ համողել նրան, որ հանուն առասպելի, հանուն հեքիաթի, հանուն երգերի, այսինքն՝ երկրի ապագայի, համաձայնի վերջ տալ իր կյանքին: Եթե արքան ուժ չի գտնում իր մեջ, ապա Գնելը, ի սեր արքայի, պատրաստ էր նույնիսկ ինքը սպանել նրան: Երկիրը հեքիաթներն ու առասպելներն են պահում, ոչ թե ճակատամարտերը և անցողիկ հաղթանակներն ու պարտութունները: Երկիրը պիտի երգեր ունենա, որ անցնում են շուրթից շուրթ, սերնդից սերունդ: Եվ, վերջապես, երկիրը պետք է ունենա հիշելու արժանի տարելիցներ, որոնք սրբութեամբ նշվում են յուրաքանչյուր տարի, վերակենդանացնելով, վերանորոգելով, հավերժական դարձնելով ազգի հիշողութունը: Չէ, նա չհասավ այդ ամենին, չկարողացավ ստեղծել Տիգրան Մեծի կիսատ մնացած առասպելի շարունակութունը և փոխանցել հաջորդ հայոց արքային, Պապ թագավորին: Եվ նա պիտի մեռնի, այո՛, պիտի մեռնի իր այդ խոշոր մեղքի համար:

Ո՞վ էր Սամվելը: Մի երրորդական-չորրորդական դեմք: Բայց նա ավելի իմաստուն եղավ, քան ծիրանակիր արքան, դարձավ տառապանքներով լի մեր կյանքի միակ պայծառ անձնավորութունը: Մեր բոլորի անունները մոռացութեան կմատնվեն, կթաղվեն պատմության փոշիներում, բայց նրա հիշատակը երբեք չի մեռնի: Որովհետև նա ծնե՛ց իր հեքիաթը: Երկնեց իր առասպելը: Հյուսեց իր երգը: Անմահութուն ապահովեց իրեն և ինչ-որ չափով՝ նաև իր ժողովրդին, իսկ ազգի կենսագրութունը նրա պես մաշդիկ են ստեղծում, ոչ թե՛ իմ ու Արշակի: Ուրեմն, չի փոխվի վճիռը: Փառք երկնա-

վորին, որ չի փոխվի: Եվ մահը կմնա որպես մեր հանցանք-
ների միակ արժանի պատասխան:

Նա նկատեց, որ փլատակների ու մոխիրների մեջ մի
ծաղիկ էր հրաշքով կենդանի մնացել: Ամբողջ կյանքում ան-
տարբեր էր անցել ծաղիկների կողքով, չէր զգացել նրանց
հոտը ու չէր տեսել նրանց գեղեցկությունը: Համարել էր
տղամարդուն անվայել հակում: Բայց հիմա կռացավ, պոկեց
գետնից ու մահվան մեծագույն ճշմարտության առաջ շամա-
չեց դուրազգայուն ու քնքուշ լինելուց: Սակայն հոտ չթա-
չեց, պարզապես չգիտեր, որ պետք է այդպես վարվել:
Դրեց գոտու տակ: Հետո բաց արեց քսակը, հանեց դրամները
և հավասարապես բաշխեց մուրացկաններին:

Որքան պինդ էր քարը, որքան փխրուն էր հողը, որքան
կապույտ էր երկինքը, որքան մահաբեր էր սուրը, որքան
սառն էր ջուրը, որքան այրող էր կրակը, որքան բարձր էին
Թոնդուրեկն ու Եղջերասարը, որքան մոտիկ էր այս ավեր-
ված տունը և որքան հեռու՝ այն մյուսը...

Ահա այն անառարկելի ու սուրբ ճշմարտությունները,
ապրելու այն ուշացած հաճույքը, որ նա հասկացավ և զգաց
կյանքի ու մահվան սահմանագծին: Եվ նա մտովի հրաժեշտ
տվեց շատ որոշակի և շատ ստույգ բաների. պնդությանն ու
փխրունությանը, բարձրությանն ու ցածրությանը, մոտի-
կությանն ու հեռավորությանը... Որովհետև նույնքան ստույգ
ու որոշակի էր իր բաժանումն այդ ամենից:

— Ես կմեռնեմ այն ժայռի մոտ, — հանկարծ, գործնա-
կան և շոր, նա դիմեց մուրացկաններին: — Ուշադիր նայեք...
Լավ հիշեցեք... Որպեսզի չխառնվեմ մյուս դիակներին... Եվ
երբ վերադառնաք, հեշտությամբ ջոկեք ինձ... Ով ձեր խոսքին
չհավատաց, կբերեք, ցույց կտաք իմ դիակը... Նախարար-
ներն անպայման ինձ կճանաչեն...

Նա մեկ առ մեկ գրկեց բոլոր մուրացկաններին, ամուր
սեղմեց կրծքին և արագ հեռացավ դեպի ժայռերը...

Մուրացկանները, օգտվելով կարճատև դադարից, անցան
իրենց գործին: Դիակների վրայից սկսեցին հավաքել այն
ամենն, ինչ կարող էր պիտանի լինել իրենց: Կապոցները

լցվեցին կոշիկներով, գոտիներով, գդակներով, ուլունքներով, ապարոշներով, վարսակալներով... Խուճապ և շտապադափանութիւն չկար նրանց շարժումների մեջ, այսինքն, չկար այն գիտակցութեանը, թե վառ բան են անում: Ոչ մեկը մտագիր չէր գաղտնի պահելու իր արարքը: Որովհետեւ աշխարհի երեսին ամեն ոք իր աշխատանքն ունի ու իր մասնագիտութեանը, որ աստիճան է բաժին տվել նրան:

— Սրա գրգռանում հաց կա, — ուրախացավ մի կին և դաբարեցնելով փնտրտուքը, նստեց մի քարի վրա ու սկսեց ախորժակով ուտել:

Միակ մուրացկանը, որ երևի ավագութեան իրավունքով չէր մասնակցում այդ գործին, տարեցն էր: Նա նայում էր ժայռերի կողմը ու համբերութեամբ սպասում: Նա տնայաման կվերագառնա ու կկատարի իշխանի խնդրանքը, թեև տարօրինակ էր և նույնիսկ անընդունելի, որ ողորմութեան դիմաց ծառայութիւն պահանջեն: Ստացվում է, որ դա վարձատրութիւն էր, ոչ թե ողորմութիւն, մի բան, որ անպատվաբեր էր ամեն տեսակ պարտավորութիւններից ազատ ու ինքնագլուխ մուրացկանների համար: Զլինի՞ թե շատ էր ծերացել, և այս թուլութիւնը առաջին նախանշանն էր իր անկարողութեան: Նա կորցրել էր նախկին դիմացկունութիւնը, շուտ էր հոգնում, դժվարութեամբ էր վերելքներ բարձրանում, ծանր էր շնչում, հանգամանքներ, որոնք հակացուցական են ամեն մի մուրացկանի համար: Նա վստահ էր, որ եթե առաջարկի վերագառնալ ու կատարել իշխանի խնդրանքը, քնկերները կհամարեն, որ նա խախտում է մուրացիկութեան դարավոր օրենքները ու գլխի կընկնեն, որ ժամանակն է նրան զրկելու ավագութեան իրավունքից:

— Այս մարդը վերջացրեց իր գործը, — ասաց նա, աստուալով, որ երևի ստիպված կլինի գրծել իր խոստումը:

Մուրացիկները հավաքեցին իրենց ունեցվածքը և շտապեցին հեռանալ մեռած քաղաքից:

Նրանք փնտրում էին խաղաղ վայրեր, որոնց տարածութիւնը օրըստօրե նեղանում էր ու փոքրանում:



Աբշակավանը, գեռ տասը տարեկան շղարձած, վերացավ աշխարհի երեսից: Արեւելքի և արեւմուտքի խաչմերուկներում, Տբապիզոնից Մասիսի ստորոտով մինչև Պարսկաստան ընկած ճանապարհին, Հովիտ կոչված Կոզ գավառում այդպիսի քաղաք այլևս գոյութուն չունի:

Նախաբարների հրճվանքին շափ ու սահման չկար: Բոլորն էլ կարծես հարբած լինեին ուրախությունից: Սան էին գալիս գետնին հավասարված երբեմնի քաղաքում ու մեծագույն բավականությամբ դիտում իրենց փառավոր հաղթության պատուղները:

Սա ուրիշ տեսակ հաղթանակ էր, որի համար բոլոր ազգերի ու տերությունների հպատակները, տեր թե ծառա, պիտի շնորհապարտ լինեին իրենց: Այսուհետև աշխարհն ու կյանքը կդառնան առաջվա պես պարզ ու հասկանալի, ամեն մարդ կիմանա, թե ով ինչ է անելու, աստժո սահմանած կարգերը նորից ուժի մեջ կմտնեն, և կվերականգնվի հավասարահշուտության օրենքը, մի կողմում՝ տերերը, մյուսում՝ ծառաները: Եթե մեկը մտածում է, մնացածներն այլևս կարիք չեն ունենա նույն բանն անելու: Նա կմտածի բոլորի փոխարեն: Լիովին բավական է, որ միայն մեկը հասու լինի ճշմարտությանը, իսկ մյուսներն իրենց գործերով զբաղվեն: Պարտականությունների ճիշտ բաշխում է պետք: Խնչ կստացվի, եթե ոչ տեր գոյութուն ունենար, ոչ էլ ծառա: Կամ թե չէ՝ մարդը միաժամանակ լինի և՛ տեր, և՛ ծառա: Այս անբնական վիճակին չեն դիմանա ոչ միայն իշխանները, այլև շինականները: Օրերից մի օր նրանք կընդվզեն ու կսլահանջեն, որ տերերը տիրություն անեն: Որովհետև եթե մեկը կարող է իշխելու իր իրավունքը պաշտպանել, ապա մյուսը, նույն հաջողությամբ, կարող է իշխվելու՝ իրավունքը պնդել: Կարևորը իրավունք ունենալն է, և ոչ թե տեր կամ ծառա լինելու հանգամանքը: Արքայի ճակատագրական սխալն այն էր, որ նա, վերացնելով այդ հավերժական բաժանումը, մարդկանց փաստորեն զրկեց իրենց գլխավոր հարստությունից՝ իրավունքից:

— Այս պատը կանգուն է դեռ,— զայրացավ սիրուն Մերութանը, որը, ի տարբերություն պաշարման ընթացքում նույն զրկանքները կրած մյուս իշխանների, շողում էր մաքրությունից ու պճնասիրությունից, որոնք ոչ թե թուլության նշան էին, այլ Երկաթյա կարգապահության:— Ինչո՞ւ է այդպես առողջ ցցված: Չասացի՞ քարը քարին շթողնեք:

Նա երբեք չէր կեղծել, երբ ասում էր, թե վախենում է դավաճանությունից: Բուրոտվին հեշտ բան չէր արքային լքելն ու թշնամու հետ դաշնակցելը: Բայց նա վստահ էր, որ արքա՛ն իրեն ստիպեց դիմելու այդ քայլին: Նա շուզեց լսել բանականության ձայնը ու կողմնորոշվել դեպի երկու հզոր հարևաններից մեկնումեկը: Հույսը դրեց իր նվազ ուժերի վրա: Պարզվեց, որ շինականը պիտի փրկի երկիրը, այսինքն, արքան խառնեց ամեն ինչ, ստեղծեց անբնական ու շփոթ մի վիճակ, որովհետև շինականը ոչ թե փրկել, այլ միայն կերակրել կարող էր երկիրը: Ու երբ մեղավորը գտնված էր, ու նրա հանցանքը բոլոր կողմերից ապացուցված, Մերութանն արդեն հանգիստ էր ու այլևս խղճի խայթ չէր զգում:

Երկիրը միայն ինքը կարող էր փրկել կործանումից: Ինչո՞ւ կեղծ համեստություն անել ու բացահայտորեն շխտատվանել այդ: Նա իր նպատակին կհասնի հենց թշնամու օգնությամբ: Ո՞վ է ասում, թե պարսիկը թշնամի չէ: Բայց ո՞վ է ասում նաև, որ թշնամուն օգտագործելը պակաս հեռատեսություն է ու խորամանկություն, քան Արշակավան կառուցելը: Նա պարսից թագավորի ձեռքից կստանա Հայաստանի թագը և նոր միայն ցույց կտա, թե ինչի է ընդունակ ինքը: Ի՞նչ արժեք ունի հավատարացությունը, եթե խոսքը վերաբերում է ավելի էական բաների, ապրելուն ու մեռնելուն: Նա դավաճան կհամարվի միայն այն դեպքում, եթե ձախողվեն իր ծրագրերը: Այն ժամանակ ոչ ոք չի ուզենա լսել, թե ինչ ազնիվ մղումներից էր նա ծավալել իր գործունեությունը: Իսկ եթե գլուխ բերի ծրագրերը, ոչ մեկի մտքով չի անցնի այսպանել նրան: Դա է աշխարհի օրենքը: Հաղթողին սիրում են, պարտվածին՝ ատում:

— Եթե իմանամ, որ որևէ մեկը փորձել է խղճահարու-

թյունից թեկուզ մի երեխայի կյանք փրկել,— սպառնում էր Արշարունիքի և Շիրակի տեր Ներսես Կամսարականը,— երդվում եմ, որ նա չի պրծնի իմ սրի հարվածից:

— Բռնագրաված մթերքը ոչնչացնե՛լ,— հրամայում էր Արտազի Պարզև իշխանը, որը, արքայի հասցրած վիրավորանքից խոցված, անցել էր դավաճանների կողմը և Արշակավանի ամենակատաղի պաշտպաններից՝ դարձել նրա ամենահռանդուն թշնամիներից մեկը:— Ամեն մի պատառից մի նոր հիշատակ կծնվի... Վառե՛լ, մոխրի՛ վերածել...

— Այս քաղաքի գանձերն էլ պետք չեն,— իր հավատարմութունն էր ճգնում ապացուցել Արշակավանի նախկին կառավարիչ Վարազ Գնունին, որը նոր պաշտոն էր ակնկալում հաղթողներից:— Ով հանգզնի թեկուզ մի շնչին բան յուրացնել, կարժանանա ամենածանր պատիժների... Ոչ մի բան չպիտի հետագայում մասունք դառնա...

— Կոտրե՛լ ջրի խողովակները,— համերաշխորեն նրանց ձայնակցում էին մյուս նախարարները:— Առունների հունը փոխե՛լ... Ոչնչացնե՛լ ցանքերը... Ոչ մի տեղ կանաչ գույն չտեսնի մարդու աչքը... Այս հողը պիտի անջրդի անապատ մնա հավիտյան...

Եվ վախից ու ատելութունից նորից էին սպանում մի անգամ արդեն մեռած քաղաքը: Կյանքի ամենաչնչին արտահայտութունը, քարի վրա մնացած քարը, ոչնչացնում էին տեղնուտեղը: Եթե որևէ առարկա դեռևս ինչ-որ շահով պահպանում էր իր ձևը կամ, ասենք, կիսաջարդված էր ու թեկուզ մի մանրամասնով ակնարկում էր իր նախկին ամբողջականութունը, իսկույն ջարդուփշուր էր արվում: Փլատակները, որոնք նույնպէս նախկին կենդանության հիշողութունն էին, զինվորները գիշեր-ցերեկ քանդում էին: Ավերակներն էին քանդում և հավասարեցնում հողին: Մի ահավոր աննպատակ աշխատանք էր ծավալվել շորս կողմը: Եվ այդ աշխատանքը է՛լ ավելի անմիտ ու անիմաստ էր դառնում, երբ արվում էր եռանդով ու ջանասիրությամբ:

Մարդկանց մասին խոսք անգամ չէր կարող լինել: Արշակավանցի այլևս գոյութուն չուներ: Քաղաքում սփռված հազարավոր դիակները լցնում էին նախկին պարիսպների

շուրջը գոտևորված փոսի մեջ, և այդ ընդհանուր գեթեզմանում թաղում բոլորին:

Իսկ եթե որևէ արշակավանցի հրաշքով փախել էր ու ապաստան գտել մի այլ տեղում, նախարարները շափազանց մեծ վարձատրություն էին խոստանալով մատնիչներին:

Եվ մատնությունը կամաց-կամաց նորից գլուխ էր բարձրացնում: Փախստականները հանձնվում էին հաղթողներին ու կենդանի-կենդանի թաղվում իրենց համաքաղաքացիների հետ, որոնց մեծագույն առավելությունը, ինչպես պարզվեց, մեռած լինելն էր:

Թայց վրեժի ամենաքաղցր հատուցումը և իրենց մեջ տարիներով կուտակված թույնն ու մաղձը թափելու լավագույն հնարավորությունը նախարարներն ստացան ոչ այնքան հազարավորների, որքան մի հոգու մահով: Դա խեղճուկրակի մի մարդ էր, ոչ աղքատ, ոչ հարուստ, ոչ լավ հագնված, ոչ էլ վատ, մեծ բնականիքի տեր, հոգսերի ու գործերի մեջ թաղված: Եւ վաղուց է, ինչ ոչինչ չէր հասկանում աշխարհից: Ու երբ նրան պակեցին տնից, կտրեցին առօրյա աշխատանքից, կապկպեցին ու տեղափոխեցին հեռավոր Արշակավան, ամեն ինչ էլ ավելի խճճվեց նրա ուղեղում:

— Ա՛, վերջապես բռնվեցիր,— հրճվանքից խենթացավ Մերուժան Արծրունին և մեծագույն ոգևորությամբ ու հանդիսավորությամբ դիմեց իր գործընկերներին.— Սա՛ է գլխավոր մեղավորը... Ամենախոշոր հանցադործը... Արքայի ամենամտերիմ ընկերը... Սրա հետ էր արքան ուզում ճատրակ խաղալ... Սա՛ է բոլոր շարիքների հեղինակը... Այս մեծ սպանդի հրահրիչը... Սրա հետ էր արքան լուծում ամեն տեսակի հարցերը...

Եվ նախարարները, մոռացած դիրք ու կոչում, շրջապատել էին կապկպված գերուն և լուտանքներ էին թափում նրա գլխին, փողոցային հայհոյանքներ շարտում նրա երեսին, պառավ կանանց պես անիծում, թքում, մազերից քաշում... Իսկ Եփրեմ ազատի պատկերացումներն աշխարհի մասին էլ ավելի էին խառնվում ու խճճվում: Քիչ էր մեռում, որ նա մի երկու բան պատմեր իր հոգսերից, որովհետև այդ հոգսերն էին իր անմեղության միակ ապացույցը: Մազ էր

մնում, որ խնդրեր կանչել իբր ազատներին ու ազդիկներին, որոնցից յուրաքանչյուրը գեղեցկության, ազնվության ու աշխատասիրության մի տիպար էր, որովհետև նրանց գոյությունն էր այս հարցերի հետ ոչ մի առնչություն չունենալու իր միակ վկայությունը: Եվ պատմեք, տնվերջ պատմեր, թե արքայի հետ ճատրակ խաղալու սպառնալիքը որքան ծանր էր նստում իր ուսերին, քանի-քանի գիշերներ էր նա լուսացրել նրա ընդունարանում, որքան սրտատրոփ պահեր էր ապրել սպասման մաշող ու մաշվող ժամերին, որոնք իզուր են անցել ու իրենց անիմաստությունը էլ ավելի տանջահար արել իրեն: Ու թե ինչպես իրենց ընկերությունը և՛ թանկ էր իր համար, և՛ ուժերից վեր, և՛ ձգող, և՛ ճնշող: Բայց որովհետև ամեն ինչ այնքան էր գլխիվայր շրջվել նրա կյանքում, որ նա լեզուն կծեց ու վախեցավ, թե գուցե իրեն պատժեն... արքայի հասցեին վիրավորական բաներ ասելու համար:

— Մենք քեզ համար կհնարենք աշխարհի ամենածանր պատիժը, — խոստացավ Մերուժան Արծրունին և նույն հանդիսավորությամբ հայտարարեց բոլորին. — Արքան այլևս երբեք ճատրակ չի խաղա Եփրեմ ազատի հետ...

Ու Եփրեմը, այդպես էլ ոչինչ չհասկացած, իբր հետ ոչ մի կապ չունեցող ջրապտույտի մեջ ակամա ընկած, գեմքին՝ տանջալի մի հարցական, գինվորների ուղեկցությամբ Ա ծխացող ավերակների միջով գնաց բարեխղճորեն կրելու աշխարհի ամենածանր պատիժը...

Ու նախարարները նոր միայն իրենց հաղթանակը վերջնական համարեցին:



Պատմիչն ասում է.

«Իսկ հայոց նախարարները, հավաքվելով, գիմեցին թագավորական դատարկերու Արշակավանի վրա, որով կոտորեցին աղամարդկանց և կանանց, բացի ծովեր երեխաներից, որովհետև նրանք յուրաքանչյուրը կատաղած էին իրենց ծառաների և հանցավորների դեմ: Այս բանը թեպետ իմացավ

Մեծ Ներսեսը, բայց շկարողացավ կոտորածից առաջ հասնել, այլ հասավ վերջում, երբ կոտորվածների երեխաներին բաժանելով ուզում էին գերի տանել, ինչպես հեռավոր թշնամիների երեխաների: Մեծ Ներսեսը նրանց ազատեց և հրամայեց քթոցներով կրել մի գոմ, նրանց համար սնուցիչներ և սնունդ նշանակեց: Հետո նրանք մեծանալով ավան կազմեցին, որ այս պատճառով կոչվեց Որթք (քթոցներ)՝:

Գլուխ երեսուներորդ

Շապուհի երկրորդ հրավերը ևս արքան կարող էր անարձագանք թողնել, ինչպես որ վարվեց առաջին դեպքում: Բայց Վրաստանից վերադառնալուց հետո նա զգաց, որ սկսել էր խոր ճգնաժամ ապրել: Ըստ որում, նման եզրակացության հանգելու ոչ մի հիմք արտաքինից կարծես թե չկար: Վրաց Միրիան թագավորը նրան ոչ միայն ապաստան էր տվել, այլև տրամադրել էր բավական պատկառելի քանակությամբ զորք, որի օգնությամբ արքան հաշվեհարդար էր տեսնում դավաճան նախարարների հետ: Առավել ևս տարօրինակ թվաց, որ հաջողությունից թևավորված արքան հանկարծ ցանկություն հայտնեց հաշտվելու ախոյանների հետ, բացի, անշուշտ, հավատուրացներից: Շատերը նրա այդ քայլը մեկնաբանեցին որպես հեռատեսություն, որովհետև եթե նա նույնիսկ յիակատար պարտության մատներ նրանց, մնալու էր բացարձակ մենակ: Իսկ նրանք, լավ թե վատ, իր նախարարներն էին: Ըստ երևույթին, նրա փափազը շատ էր մեծ ու անհետաձգելի, այլապես ինչո՞վ բացատրել, որ միջնորդության համար նա ընտրեց հայոց նախկին կաթողիկոս Ներսեսի թեկնածությունը: Նոր կաթողիկոսը՝ Զունակը, որ նրա դրածոն էր, ոչ մի հեղինակություն չէր վայելում երկրում, մի բան, որ միանգամայն արքայի սրտովն էր:

Ներսեսը հեշտությամբ համաձայնություն տվեց ու անմիջապես ներկայացավ արքային: Բուռն գործունեություն ծա-

վայելու տենչը դեռ վերջնականապես չէր մեռել նրա հոգում, և նա պատրաստ էր ներելու թեկուզ իր ամենամեծ հակառակորդին, գնալու ամեն տեսակ զիջումների, միայն թե հնարավորութիւն ունենար ծախսելու ներսում կուտակված անհատնում եռանդը, որ խեղդում էր նրան և փորձանք դառնում այն գյուղի գլխին, որտեղ նա ապրում էր Վրիկի ու նրա ընտանիքի հետ միասին: Բոլոր համագյուղացիները, նրա համառ ու հետևողական ջանքերով, հարկադրված էին երջանիկ լինել, քանի որ մարդն ընդհանրապես ծնված է բախտավոր ապրելու համար: Երջանկութեան իր պատկերացումները նա բռնի ուժով թելադրում էր նրանց և անասելի բավականութիւն ստանում՝ իր քրտնաջան ու անշահախնդիր աշխատանքի պտուղները տեսնելով: Ու ինքն էլ էր իրեն երջանիկ զգում, իր շարշարանքների դիմաց չպահանջելով ոչ երախտագիտութիւն, ոչ էլ մեծարում: Ուր իմանար, թե գյուղն ինչպես ազատ շունչ քաշեց, երբ նա, գործունեութեան նոր հորիզոնների հոտն առած, ճամփա ընկավ դեպի Արտաշատ: Բոլորը, թե՛ փոքր, թե՛ մեծ, ցնծում էին հրճվանքից և իրենց ուսերից թոթափում ուսուցչապետի պատգամներն ու հրահանգները:

Մարդկային զսպված արատները, ուրիշ դեպքում ամենօրյա արտահայտութեան հնարավորութիւն ունենալով, գուցե և որակ չկազմեին, բայց քանի որ արհեստականորեն սանձված էին ներսեսի կողմից, միանգամից պայթեցին ու առատորեն հորդեցին նրա բացակայութեան օրոք: Եվ գյուղը, որտեղ միշտ համերաշխութիւն ու խաղաղութիւն էր տիրել, վկա եղավ բազմաթիվ գողութիւնների, առևանգումների և նույնիսկ սպանութեան...

Ներսեսն այնպիսի անքնն և բարեհոժար տեսքով ներկայացավ արքային, որ նա շատ զարմացավ: Մինչդեռ պատրաստվել էր նրա սիրտն առնելու, եթե հարկ լիներ, նույնիսկ ափսոսանք հայտնելու իրենց մեջ ծագած թյուրիմացութեան համար, այսինքն, փաստորեն, արքային պատշաճող սահմաններում, ներողութիւն խնդրելու նրանից: Բայց ներսեսը միտք էլ չունեիր այդպիսի բաներ ակնկալելու: Նա զգում էր գործելու անսպառ կորով, որին պետք էր ժամ առաջ հա-

գուրդ տալ: Պայուշը փոքր էր, նա այնտեղ շնչահեղձ էր լինում, անհրաժեշտ էր հնարավորին չափ լայն ասպարեզ, մեծ հաշիվներ ու կրթեր, խոշոր խնդիրներ ու բախումներ: Եվ նա, արքայի առաջարկը լսելուն պես, խեղույն համաձայնություն տվեց և անցավ գործի: Արքան շեղարողացավ թաքցնել հիացմունքը ու անկեղծորեն ափսոսաց, որ այսպիսի մարդու նախանձելի ու հսկայական եռանդը, որ ընդունակ էր սարեր շուռ տալ, ոչ միայն պետք չէր եկել, այլև խանգարել էր իրեն: Ոչ մի կերպ գուլիս շհանեց այն առեղծվածից, թե ինչու եռանդաշատ մարդիկ սովորաբար չեն կարողանում միավորվել, իրար գումարել իրենց ուժերը ու հրաշքեր գործել, ընդհակառակը, նրանցից յուրաքանչյուրը, որպես օրենք, գոյություն ունի միայն իր համար ու խաչընդոտ է դառնում մյուսին, այսինքն, նրանք փաստորեն չեզոքացնում են իրար, ու թ վերջո ստացվում է, որ ամեն ինչ պետք է սկզբից սկսել: Նույնը շեղավ իր, Ներսեսի ու Մերուժանի դեպքում, երեք թափով ու ավյունով լի մարդ ու երեք բոլորովին աարբեր ուղղություն, միմյանց հակասող ու բացառող:

Ներսեսը, փեշերը հավաքած, դես-դեն ընկավ, ունեցավ տասնյակ հանդիպումներ, անդադար լեզու թափեց բոլորի հետ, դիմեց ամեն միջոցի, հարկ եղած դեպքում նույնիսկ աղերսեց, ու նրա հաստատաբան ջանքերն ի վերջո պսակվեցին հաջողությամբ: Նախարարները, որոնք առանց այդ էլ մեծ կորուստներ էին տվել ճակատամարտերում, ստիպված համաձայնեցին, պայմանով, որ հաշտությունը պատվավոր լինի երկու կողմերի համար:

Արքան ընդունելությունը նշանակեց հայոց հնագույն մայրաքաղաք Արմավիրի լքված պալատում: Պայմանավորված օրը Երասխաձորի հին ճանապարհը լցվեց ձիավորներով, որոնք երկրի բոլոր կողմերից հանդիսավորությամբ գալիս էին դեպի հաշտության ժամադրավայրը:

Պալատը, որ գտնվում էր Մոսյաց անտառի բացատներից մեկում, անձրևներից ու քամիներից ծեփաթափ էր եղել, մերկացել էին աղյուսե պատերը ու անկյուններում աեղ տվիլ սարդոստայններին: Պալատի շուրջը կառուցված պարիսպը գրեթե քայքայվել էր և ավերակների վերածվել, իսկ անտեր

ու անխնամ շրջակայքը ծածկվել էր վայրի բույսերով ու անձ հոտ ծաղիկներով:

Նախարարները զարմանքով էին դիտում փլատակների տպավորություն թողնող պալատը ու տարակուսում, թե ինչի՞ց դրդված արքան ընտրեց հատկապես այս վայրը:

Ինչ-որ ժանր ու ճնշող բան կար այս ընգհանուր լքված, ծուխյան մեջ, անկելանոցային մի տխրություն ու ծերունական ցրտություն: Մի ժամանակ ինչե՛ր ասես շեն տեսել պալատի պատերը, թեկուզ՝ պատերին մնացած այս որմնանկարների պատառիկները, որքա՛ն շատ մարդկային կյանքեր են մաշվել այս բարձրագիյր առաստաղների տակ, ու հիմա նրանց ոգիներն են սավառնում օդում: Երբեմնի շքեղություն, փուչ կրքերի, սին հոգսերի և իզուր անցած ապրումների հետքն անգամ այլևս չէր երևում: Իսկ որ դրանք փուչ էին ու սի՛ն՝ վկա այս հսկա գերեզմանատունը, նրա միջանցքներում անարգել աուտղ քամին, խոնավության գաղջ հոտը և սրահների անհեթեթ մեծությունն ու դատարկությունը:

Նախարարների տարակուսանքը է՛լ ավելի խորացավ այն մտքից, թե ինչո՞ւ, նման հանգիսավոր մի առիթով, ոչ միայն գոնն մասամբ չէին վերանորոգել պալատը, այլ նույնիսկ հարմարավետության տարրական պայմաններ չէին ստեղծել: Ոչ նստարան կար, ոչ սեղան, ոչ գորգ: Գոնն գիմավորողներ լինեին, մի-մի թաս ջուր թափեին ձեռքներին:

Նրանք մաայլվեցին, փոքր խմբերով ցրվեցին պալատի տարբեր անկյունները և, շաբազուշակ լուծյան մեջ, սկսեցին ապասել արքային:

Իսկ արքան ուշանում էր: Մու՛թը կամաց-կամաց սողոսկեց շորս բոլորը, և պարզվեց, որ ջահեր չկային: Ուտելու բան ևս չկար: Բակի ջրհորը վաղուց ցամաքել էր, ու նրա ցեխածածկ հատակը վխտում էր գորտերով: Նախարարները հետզհետե է՛լ ավելի ամպոտվեցին, անհամբեր դարձան ու կորցրին իրենց ինքնավստահությունը:

Իսկ երբ ճարահատյալ որոշեցին վերադառնալ, հանկարծ խավարի միջից լսվեց «գա՛վ» միավանկ բացականչությունը, և մի ահավոր իրարանցում ընկավ պալատում: Ոչ ոք չէր

հասկանում, թե ինչ կատարվեց, ինչից պետք էր պաշտպանվել և ում դեմ կռվել: Ու մինչ գլխի կրնկնեին, որ արքայի զինվորներն էին ուխտադրժորեն հարձակվել ու անխտիր կոտորում էին ամենքին, արդեն շատ ուշ էր: Պալատը շրջապատված էր, ու փախուստի բոլոր ճամփաները փակ էին: Զինների խրխինջն ու մարդկանց ճիշերը խառնվել էին իրար ու կարծես ավելի էին սաստկացնում մթությունը: Եվ թվում էր, թե այս մղձավանջը ոչ թե որոշակի հասկացություն, դավադրության և ուխտադրժության հետևանք էր, ուներ նախապատմություն և նման անսպասելի ավարտ, այլ հենց ինքը խավարն էր ձևավորել ու ծնել իր միջից: Գիշերը կանցնի, լույսը կծագի, և ծանր երազն ու զառանցանքը կլքանան: Եվ, իսկապես, առավոտյան արդեն ամեն ինչ խաղաղվել էր, նորից կուսական լռություն էր տիրում ամենուրեք, բայց տարօրինակ է, որ ամբողջ շրջակայքը ծածկվել էր դիակներով: Եվ պալատը, ի տես այս անթիվ ու անհամար զոհերի, է՛լ ավելի լքված ու մեռած էր թվում:

Արքան, որ սրտի գոգոճ սպասում էր լուրերի և պատրաստվում տոնելու իր հաղթանակը, մեծ հիասթափություն ապրեց: Եվ իր անկումն զգաց հենց այն պահից, երբ հայտնեցին, թե նրա հրամանը լիովին կատարված էր:

Առաջ, երբ նա ուրիշի արյամբ կեղտոտում էր ձեռքերը, մխիթարվում էր ոճրի անխուսափելիությանմբ, երկրի համընդհանուր շահերի հրամայական պահանջով, ավելին, ինքն էլ էր ինչ-որ չափով զոհ դառնում, վերածվում ողբերգական դեմքի և, հետևաբար, արժանանում համակրանքի ու կարեկցանքի: Նա կարող էր հանդիստ խղճով ասել, որ մինչև հիմա ոչինչ չէր արել ի շահ իրեն: Ուրեմն, իր մասնակցությունն ավելի խորհրդանշական էր, քան իրական:

Բայց սա... Սա արդեն վրեժխնդրություն էր: Ոչ մի կասկած: Նենգ և ստոր դավադրություն: Անձնական հաշիվ էր սա, որ չունեի և ոչ մի արդարացում: Իր մղած վերջին մարտերը ևս սեփական շահերից էին թելադրված: Նա կռիվ էր տալիս ոչ թե երկրի, այլ ի՛ր թշնամիների դեմ: Իսկ երբ թշնամին դառնում է միայն քոնը, ուրեմն, դու այլևս անելիք

20

չունենա: Իրերդ պիտի հավաքես, հրաժեշտ տաս ամենքին, ինչպես նաև ինքդ քեզ, և սուսուփուս ճամփա ընկնես:

Մրադրեր շկայիե այլևս: Մտահղացումներ նույնպես շկային: Ամեն ինչ ծախսված էր ու սպառված: Գրանց դիմաց արքան ու սպարապետը կարող էին դնել միայն իրենց անմնացորդ նվիրվածությունը, կույր հավատն ու անձնազոհ քաջությունը: Բայց մի՞թե նրանք շարքային զինվորներ էին, որ բավարարվեին սոսկ այդ հատկանիշներով: Հարկավոր էր համարձակ նայել ճշմարտության երեսին և, ի սեր իրենց փառավոր անցյալի, ի սեր այդ անցյալի իմաստավորման, խոստովանել, որ իրենք իրենց գործն արդեն արել, ավարտել էին: Նոր և թարմ ուժեր էին հարկավոր, որոնք ընդունակ լինեին գաղափարներ ծնելու, ուղի ցույց տալու: Լավ թե վատ, նրանք անցան իրենց ճանապարհը և հիմա, սեփական սնանկությամբ, կարող էին վնաս պատճառել այն ամենին, ինչին նվիրել էին իրենց ողջ կյանքը:

Գուցե ճիշտ էր Գնելը, որ մարդ պետք է իմանա հեռանալու ճիշտ պահը, իր մեջ ուժ գտնի ասպարեզը ժամանակին զիջելու:

Սեր ու հիվանդ փղերի նման հեռանալ ու մեռնել աչքից հեռու մի տեղ, որովհետև հսկաների մահը կարող է խարխլել ամեն մի կենդանի արարածի հավատը ու մատնել կյանքի ունայնությունը:

Սեզ չվիճակվեց զղալու փառքի ու իշխանության հաճույքը: Մենք աշխատեցինք օր ու գիշեր, քուն ու դադար չունեցանք, ուրախություն ու վայելք շտեսանք, մեզ բաժին ընկան միայն տառապանքն ու շարշարանքը: Ուրեմն, ի՞նչ ենք թողնում, որ դեռ աչքներս էլ ետևում մնան:

Պապը, որ փախել ու ապաստանել էր Բյուզանդիայում, արդեն հասուն երիտասարդ է: Տա աստված, որ իմ տված դասերը զուր անցած չլինեն, և նա ոչ թե ձեռնունայն, այլ մտահղացմամբ գա ու տիրի գահին: Մուշեղը նույնպես խելահաս պատանի է, ձերբազատված՝ Սամվելի վատ ազդեցությունից: Տա աստված, որ քո քաջությունն ու տաղանդը փոխանցված լինեն նրան, սպարապետ, և նրանք երկուսով մեր արժանի հաջորդները դառնան: Մի՞թե մեր տանջանքն

ու տառապանքը գոնե մեր որդիներին շնորհիվ չեն հատուց-
վի: Գրանք այնքան մեծ էին և այնքան խորը, որ հենց իրենք
են ծնում հատուցման անհրաժեշտությունն ու անխուսափ-
լիությունը: Եվ մեր որդիները, եթե նույնիսկ անընդունակ
լինեն, ստիպված են գերազանցել իրենց հնարավորությու-
նները և, թեկուզ հենց մեր տառապանքների թելադրած տրա-
մաբանությամբ, հատուցել իրենց... քիչ էր մնում ասել՝
դժբախտ ծնողներին: Բայց ես դժբախտ շեմ համարում մեզ:
Եթե կուզես իմանալ, մենք երջանիկ ենք ապրել մեր
կյանքը: Մի՞թե լեզուդ կպտտվի հակառակը պնդելու:

... Պարսիկները գրավեցին Արտաշատ մայրաքաղաքը,
Տիգրանակերտ, Վաղարշապատ, Երվանդաշատ, Զարեհավան,
Չարիշատ և Վան ամուր ու մեծ քաղաքները, կործանեցին
դրանց պարիսպները, փայտաշեն տներն այրեցին, քարաշեն-
ները քանդեցին, քարուքանդ արեցին ու հիմնիվեր ավերե-
ցին ամեն ինչ: Գերի տարան հազարավոր հայերի ու հրեա-
ների, որոնց Հայաստանում էին բնակեցրել Արշակի հեռա-
վոր նախնիները: Գերիներին հավաքեցին Զարեհավան
քաղաքի ավերակներում, և Շապուհը հրաման տվեց՝ բոլոր
չափահաս տղամարդկանց փղերի ոտքերի տակ գցել, իսկ
կանանց ու երեխաներին սայլերի ցցերի վրա հանել: Փախած
նախարարների ու ազատների կանանց բանտարկեցին տար-
բեր բերդերում, պայման դնելով, որ եթե նրանց ամուսին-
ները չվերադառնան ու չծառայեն արքայից արքային, նը-
րանք չարաչար մահով կսպանվեն: Այնուհետև սկսեցին քան-
դել եկեղեցիները ու բռնությամբ ստիպել մարդկանց, որ
մազդեզական կրոնն ընդունեն: Եվ ամենուրեք սնկերի նման
բուսան ատրուշանները, ու կրակի հավատը դարձավ պար-
տադիր:

Արքան ու սպարապետը, մի վայրից անընդհատ մյուսը
փախչելով, իրենց իսկ երկրում փախստական գարձած, ամեն
օր լսում էին այդ ծանր ու սահմուկեցուցիչ լուրերը, լռում,
լռում և լռությամբ խոստովանում իրենց անզորությունը:

Բայց մի օր Վասակն այլևս չդիմացավ, առավոտ կա-
նուխ, առանց իմաց տալու, մտավ արքայի համեմտ ու
անշուք կացարանը, որը հայտնի չէր, թե քանի օր էր նրան

պատկանելու, և հենց դառն շեմից, կարծես մի մեծ հայտնություն արած, ասաց նրան.

— Շապուհը քեզ աղ է ուղարկել... Եվ կնքել վարազագիր մատանիով...

Այսինքն... Վարազագիր մատանին մատի վրա կրելու մի օղ էր, որի մեջ ագուցված էր թանկագին մի քար՝ վրան փորագրված տիրոջ անունը և պարսից թագավորների զինանշանը՝ վարազը, և որը ծառայում էր իբրև կնիք: Այդ մատանիով կնքված աղը ամենասրբազան և անսուտ երզման նշանն էր:

Բայց մի՞թե կնքված աղը նոր էին ստացել և մի՞թե բազմիցս չէին խոսել աչդ մասին, խելք խելքի տված չէին քննարկել իրադրությունը, չէին հայհոյել անաստված Շապուհի նենգ խորամանկությունը, չէին տեսել նրա լարած ծուղակը ու չէին որոշել մերժելու նրա հրավերը:

Արքան և սպարապետը երկար նայեցին իրար, կարծես փոխադարձաբար զննում և փորձում էին կաբղալ մեկը մյուսի մտքերը: Նրանց հայացքներում մի պահ նույնիսկ թշնամանք երևաց: Ըստ երևույթին, լրիվ հասկացել էին իրար և այլևս հնար չունեին որևէ բան թաքցնելու: Եվ հենց այդ պարզությունը, երբ ամեն ինչ ասես ափի մեջ է դրված, նրանք չէին կարողանում ներել միմյանց: Որովհետև մի հոգու համար ավելի հեշտ էր ճշմարտության երեսին շնայել, քան՝ երկուսի: Ու նրանք խանգարում էին իրարու, մեկը մյուսի դեմքին տեսնում էր այն, ինչ ինքը խնամքով թաքցնում էր իրենից: Ու երևի մտածում էին բաժանվել, գողունի հեռանալ, բեռ շղառնալ իրար վրա, որպեսզի մեկնումեկը հանկարժ բարձրաձայն շտաբ այն, ինչ մյուսն էր մտածում:

Հանկարժ, արքան ու սպարապետը, մեկը՝ բարձրահասակ ու հաղթանգամ, մյուսը՝ կարճ ստեղծով ու կարճ ձեռքերով, ամուր գրկախառնվեցին: Ու թեև մինչև Տիզբոն դեռ երկար ճանապարհ պիտի կտրեին միասին, դեռ շատ փորձություններ պիտի կրեին իրար հետ, բայց, չգիտես ինչու, նախընտրեցին միմյանց հրաժեշտ տալ նախօրոք: Որպես արքա ու սպարապետ: Եվ անպայման այստեղ, հայրենիքում:



Երկրի փաստական իշխանութիւնն անցավ Փառանձեմ թագուհու ձեռքը: Նա Մուշեղ սպարապետին ճանապարհէց Բյուզանդիա, հունաց կայսրին համոզելու, որ օգնական զորք տա Պապին և նրան Հայաստան ուղարկի թագավորելու: Ներսեսը, որ Արմավիրի կոտորածից հետո հուսախաբւել էր և պատրաստուում էր գլուղ վերադառնալ, թագուհու խընդրանքով միացավ սպարապետի պատվիրակութեանը: Նա մեծ հույսեր ուներ, որ Պապի թագավորութեան օրոք նորից կստանա կաթողիկոսութեան աստիճանը ու տեր կկանգնի քայքայվող եկեղեցուն, մարդասիրական ու լուսավորչական իր առաքելութիւնը կիսատ չի մնա ու մինչև վերջ կիրագործվի: Իսկ Փառանձեմը հավաքեց մոտ տասնմեկ հազար ազատների և, պարսից զորքից խույս տալով, ամրացավ Արտագերս բերդում:

Արտագերսը գտնվում էր Երասխաձորում, Արաքս գետի ձախ ափին, լեռան լանջին և ուներ եռաշարք ատամներով պարիսպներ ու բուրգաձև աշտարակներ: Հայաստանի ամենաանառիկ ու անմատչելի բերդերից մեկն էր, որ երեք կողմերից շրջապատված էր թեք ու անանցանելի ժայռերով, իսկ շորորոդ կողմում Արաքսի խոր և մութ անդունդն էր: Բերդում երկու գետնուղի կար, որոնցից մեկը դուրս էր գալիս սարի վրա, իսկ մյուսն իջնում էր մինչև ձորը, որտեղից տիկերով ջուր էին բերում բնակիչները:

Պարիսպների առաջին գոտում ապրում էին զինվորները, երկրորդում, որ աչքի էր ընկնում արհեստանոցների ու թոնրատների առատութեամբ, ժողովուրդն էր բնակվում, իսկ երրորդում՝ թագուհին և իշխանական գերդաստանները:

Պարսիկները շուտով պաշարեցին Արտագերսը, բանակ գարկեցին ձորերի շուրջը և մնացին տասնմեկ ամիս: Սակայն բերդը չկարողացան զենքի ուժով գրավել:

Մերութան Արծրունին, որն իր արարքների արդարացումը գտնելուց հետո բոլորովին սանձարձակվել էր ու դրանով իսկ իմաստազրկել իր իսկ արդարացումը, Փառանձեմին վախեցնելու համար դիմեց մի շլաված ոճրագործութեան: Նա հրա-

մայեց, որ Տոսպի Վան քաղաքի միջնաբերդում բանտարկված Համազասպուհին, որ ծնունդն էր Մամիկոնյան զարմի և Բյուզանդիա փախած Ռշտունյաց գավառի տիրոջ՝ Գարեգինի կինը, մազդեզական կրոնն ընդունի, այլապես նրան կկախի պարսպի աշտարակից: Համազասպուհին, ինչպես և ենթադրում էր Մերուժանը, հանձն շտաով հավատափոխութունը: Նրան հանեցին ժայռի բարձր կատարին գտնվող աշտարակը, որ նայում էր ծովակի կողմը, լրիվ մերկացրին և, ոտքերին կապ գցելով, գլխիվայր կախեցին: Համադասպուհուհին մեռավ, բայց ձյունի պես ճերմակ նրա մարմինը այդպես կախված մնաց աշտարակից՝ ի տես բոլոր անցորդների: Սարսափը և կնոջ մարմնի կուրացուցիչ սպիտակութունից ծնվող հիացմունքը խառնվում էին մարդկանց սրտերում, պայքարում առաջնության համար, ու ի վերջո հաղթում էր հիացմունքը: Համազասպուհու պառավ դայակը, մի կարճ պարեգոտ հագած, օր ու գիշեր կանգնած սպասում էր բարձրաբերձ ժայռի տակ, մինչև որ սանիկի մարմինն սկսեց քայքայվել: Վերևից ընկնում էին նրա ոսկորները, որոնք նա հավաքում էր փեշի մեջ, որպեսզի տիրուհուն անգերեզման չթողնի:

Փառանձեմն անդրդվելի մնաց: Նա գիտեր, որ հիմա երկրի բախտը իրեն էր հանձնված, երբեմնի թույլ ու անպաշտպան արարածին: Այդ ե՞րբ էր: Ու եղե՞լ էր արդյոք: Նա ոչ միայն չէր նախանձում իր հեռավոր նմանակին, այլև ամբողջ հոգով արհամարհում էր նաև Գնելի կնոջը, ամուսնու կորստյան դիմաց հատուցում ստանալու նրա ձգտումները, նրա փառատենչիկ նկրտումները: Նա իրեն ճանաչում էր միայն որպես մայր ու որպես թագավորի կին, այն էլ՝ մի փոքր գերացած ու մի քիչ էլ տարիքն առած վիճակում... Իր կյանքի մնացած մասը չէր ընդունում: Եվ զգում էր, որ յուրովի սիրում էր Անհուշ բերդում տառապող իր ամուսնուն: Ափսոս, հազա՞ր ափսոս, որ ժամանակին նեցուկ չկանգնեց արքային, չհասկացավ նրան և նույնիսկ խանգարեց՝ կանացի իր մանր ու ճղճիմ հաշիվներով: Իսկ երբ տղամարդն ու կինն են դաշինք կնքում, ապա դրա զորության դեմ աշխարհում ոչ մի ուժ չի դիմանա: Փառանձեմն էք մեղքերը

կքավի այստեղ, Արտագերսուն՝ ու, թեև աշացումով, նույն նիսկ մեծ ու աննեբրելի ուշացումով, կապացուցի, որ ինքն արժանի է Արշակի կինը կոչվելու:

Նա իր հարուստի համար պարտական էր սրդուն: Այդ նա էր, որ մորն ստիպեց մոռանալ իր անձնական կյանքը ու ամբողջովին նվիրվել նրան: Հակառակ արքունի սովորությանը, թագուհին շհամաձայնեց որդուն հանձնել դայակների գաստիարակությունը և ինքն անձամբ զբաղվեց իր զավակով: Ինքն էր նրա փխրուն մարմինը պրկում խանձաբուրով, դնում մսուրի նման բոլորչի օթոցքի մեջ ու ճոճում... Ինքն էր կերակրում, կուրծք տալիս, լողացնում... Տեսել էր նրա առաջին ինքնուրույն քայլը... Սովորեցրել հունարեն կարդալ ու գրել... Վիրավորվել էր, երբ նա, հասուն աղա դառնալուց հետո, ամոթից թույլ շէր տվել, որ մայրն իրեն լողացնի... Այդ ամոթը երկար ժամանակ շէր ներել նրան... Խանդել էր, զգալով որդու հետաքրքրությունը աղջիկների նկատմամբ... Ու զարմացել, թե ինչու է քաշվում իր գուրգուրանքներն ընդունել... Ոչ միայն մարդկանց ներկայությամբ, մի բան, որ մայրը պատրաստ էր մի կերպ հասկանալու, այլև մենակ եղած ժամանակ...

Ամեն շաբաթ սուրհանդակներ էին գալիս Պապի և Մուշեղ սպարապետի կողմից, սիրտ տալիս հայոց աշխարհի տիկնոջը, թե՛ պինդ կաց, որդիդ գալիս է շուտով և կայսերական գունդ է բերում օգնության, մի քիչ էլ, մի փոքր էլ համբերիթ...

Համբերում էր, ի՞նչ պիտի աներ: Սև ու հասարակ մի զգեստ հագին, զարդերը դեն նետած, նա անընդհատ սաքի վրա էր, շրջում էր բերդում, ոգևորում զինվորներին, անձամբ կապում վիրավորների վերքերը ու խնամում նրանց: Մասնակցում էր զինվորական խաբհուրդներին և, ականջները սրած, աշխատում էր ինչ-որ բան հասկանալ ու օգտակար լինել:

Նվ միայն ուշ գիշերներին, երբ առանց հանգնելու պառկում էր կոշտ մահճին, գողունի լաց էր լինում ու սաքսափով մտածում: Թե ինչ կլինի, եթե հանկարծ հունաց կայսրը, գոթերի հարձակման սպառնալիքից զգուշանալով, շեղարդա

նա Պատգին Հայաստան ուղարկել: Ի՞նչ պիտի անի ինքը, ինչպե՞ս պիտի երկիրը ղեկավարի, ինչի՞ց պիտի սկսի, խելքը պիտի հասնի՞ և ուժերը պիտի պատե՞ն արդյոք:

Իսկ Պատգինը: Ի՞նչ երաշխիք, թե նա ընդունակ է երկիրը կործանումից փրկելու: Որքան էլ սիրեր որդուն, այնուամենայնիվ, պարտավոր էր, զգացմունքները մի կողմ թողած, այդ հարցը տալ իրեն: Հայոց արքաները ժամանակ ու հնամբավորություն չունեն զեխ կյանք վարելու, նրանք աշխատավոր ու սևագործ արքաներ են, քրտինքն անպակաս է նրանց ճակատից, հոգսը մշտական բույն է դրել նրանց աչքերում: Արդյոք նա գիտե՞ այս ամենի մասին ու ներքուստ պատրաստ է իր ճակատագիրն ընդունելու: Եվ կարո՞ղ է պատասխան գտնել այն հարցերին, որ ծնվում են ամեն ժամ ու արքայի կոկորդից բռնում:

Չմոռանաս հորդ, Պատգին: Քո հայրը մեծ մարդ էր: Քաջ ու առաքինի: Հպարտացիր նրանով: Անպայման հպարտացիր: Երդվում եմ քո ծնունդով, երկունքի իմ սուրբ ցավերով, քո առաջին ճիշտով, որ դու ունես այդ իրավունքը: Այդ ես եմ ասում, Պատգին, մի մարդ, որ երբեք կուրորեն սիրահարված չի եղել նրան, ընդհակառակը, երբեմն սխալմամբ ատել է նույնիսկ ու հանիրավի խանգարել: Ուրեմն, առաջել ևս հավատա ինձ ու գնահատիր խոսքերս: Թող նրա կյանքը պատգամ լինի քեզ: Թող ապրել սովորեցնի: Կառուցելով ու տառապելով իմաստնանալ: Ու եթե քեզ էլ չհասկանան, ինչպես քո հորը, դու էլ ես մեծնակ մնալու: Բայց թող մի պահ անգամ դեմքիդ տխրություն չիղնի: Կհասկանան տասը տարի անց, հարյուր տարի անց, հազար տարի անց, բայց անպայման կհասկանան: Միայն թե արժանի լինես դրան: Մնաս բարով, իմ փոքրիկ, իմ որը արքա: Փառանձեմը կանխազգում էր, որ այլևս երբեք չի տեսնի որդուն: Ամիսները ձգվում էին, և հուսահատությունը սողոսկում էր Արտագերսի բոլոր անկյունները: Պարսիկներն իրենց մտադրությունից ձեռք քաշելու ոչ մի նշան չէին ցուցաբերում ու չէին վերացնում պաշարումը: Իսկ ընդունված ու փորձված օրերն էր, որ երկու կողմերի համառությունից միշտ շահում էր բաշարողը, և ոչ թե պաշարվածը...

Տասներեքերորդ ամսին աստվածային պատուհաս պալօթեց ամբողջում ապաստանած գաղթականների գլխին: Փանտախտ ընկավ բերդում: Օր օրի մեռնում էին նրա բնակիչները, և ոչ մի ճար ու դարման չկար նրանց բուժելու: Մահը անգթաբար հնձում էր հարյուրավորների կյանքը, ծաղրելով մի տարուց պեղի տեւած նրանց շարշարանքներն ու զրկանքները: Չէին հասցնում դիակները թաղել, մանավանդ, որ ամբողջի սահմանափակ տարածութեան մեջ տասնմեկ հազար զինվորի և վեց հազար կանանց ու երեխաների համար փոսի տեղ չկար...

Պարսիկները չէին հասկանում, թե ինչու բերդի գաղտնի անցքերից հայերը խումբ-խումբ դուրս էին գալիս և, փոխանակ փախուստի փորձ անելու, ուղիղ գնում էին դեպի թշնամու բանակը և, դեռ նետահար չեղած, հանկարծակի մեռնում նրանց աչքերի առաջ:

Պարզապես ուզում էին իրենց վերջին վրեժը լուծել, վարակ տարածել պարսիկների մեջ, որոնք այս բոլոր տանջանքների անմիջական պատճառն էին: Եվ որովհետև վարակը, հակառակի պես, չէր կպչում թշնամիներին, նրանք այդպես էլ զարմացած էին մնում ու չէին կարողանում բացատրութիւն գտնել:

Աստծո ձեռքը Փառանձեմի վրա էր, նա անդադար շփվում էր մահապարտ հիվանդների հետ, բայց չէր վարակվում: Ամբողջովին իրեն մոռացած, լրիվ ինքնահրաժարված, կարողանում էր թե՛ կազմակերպչի, թե՛ բժշկի, թե՛ քահանայի դեր կատարել: Բայց անողորմ մահը մի ամիս անց անխտիր կոտորեց բոլորին, ու կենդանի մնաց միայն մի մարդ, հայոց աշխարհի տիկինը: Եվ նա հասկացավ, որ դա ոչ թե աստծո ողորմութիւնն էր, այլ մեծագույն պատիժը: Ուրեմն, անցյալի մեղքերն ավելի ծանր էին, քան թե այդ մեղքերը քավելու նրա եռանդուն ջանքերը:

Նա մնաց հսկա ու դատարկ ամբողջում, բոլորովին մեռնակ, անթաղ դիակներով շրջապատված: Ցերեկները փակվում էր պալատում, իսկ գիշերները, ջահը ձեռքին, ուրվականի պես ման էր գալիս բերդի փողոցներում, լուռութեան մեջ լսելով միայն սեփական ոտնաձայները: Վառում էր ամբողջի

բոլոր ջահերը, ստուգում դարբասների ամրութիւնը, բաց անում բոլոր փակ դռները, փոխում նետերից պատառտված արքայական դրոշակը՝ ոսկեհյուս արծվի զինանշանով: Եվ քանի որ արդեն ազատ ժամանակ ունեն, հարկադրված հետևում էր իր վայելչութեանը, հագնում թագուհուն պատշաճող գզեստներ, խնամքով հարդարում մազերը, դնում իր թանկարժեք զարդերը, որպեսզի մինչև կյանքի վերջին պահը, մինչև վերջին շունչը, արժանի լինի հայոց աշխարհի տիկին կոչվելու: Դա ծանր պարտականութիւն էր, որ նա կատարում էր բարեխղճորեն ու երկրի արժանապատւութիւնը պահպանելու գիտակցութեամբ:

Թշնամին տարակուսանքով էր դիտում, թե ինչպես ամրոցի վրա մեծ երամներով շարագուշակ պտույտ էին գործում գիշատիչ սև անգղները, անարգել վայրէջք կատարում ու անհետանում եռաշարք պարիսպների ետևում: Բայց, միաժամանակ, նրանք ամրոցից լսում էին փողի զրնգուն ձայն, թմբուկների որոտ և ամեն օր տեսնում բերդի գլխին ծածանվող նոր դրոշակը: Գիշերները բերդը և հատկապես պալատը ողողվում էին լույսերով և վանում բոլոր կասկածները: Երբեմն լսում էին նաև թագուհու կրակոտ խոսքը, որով նա քաջալերում և ուժ էր տալիս իր զինվորներին:

Եվ հիմա էլ, փողը փչելուց ու թմբուկները զարկելուց հետո, գիշերաշրջիկ թագուհին, ջահը ձեռքին, մեն-մենակ կանգնել էր պարսպի մոտ կուտակված դիակների արանքում և, որքան որ ուժ ուներ կոկորդում, գոռում էր արցունքն աչքերին.

— Իմ քաջ զինվորներ, ուրախ լուր եմ բերել ձեզ... Մեր նոր արքան մի քանի օրից ժամանում է կայսերական զնդի հետ... Մեր տառապանքը կհատուցվի արժանի հաղթանակով... Երկիրը կմաքրվի անօրեն պարսիկներից... Դավաճանները կստանան իրենց անխուսափելի պատիժը... Մենք կլուծենք Անհուշ բերդում մեռնող մեր սիրելի արքայի վրեժը... Մորթագերծ արված Վասակ սպարապետի հիշատակը կհավերժացնենք մեր զենքի գործած հրաշքներով... Ձեր նոր ու նախկին արքաների անունից շնորհակալութիւն ձեզ, իմ խիզախ արծիվներ... Իսկ ես խոստանում եմ մեկ առ

մեկ հիշել բոլորիդ անունները... որպես սիրո, հարգանքի ու երախտագիտութեան տուրք... Գեցցե՛ Պապ թագավորը...

Ձայնը կոկորդում կիսատ մնաց, և նա սարսափով գլխի ընկավ, որ ինչ-որ մեկը, շափազանց կենդանի մի ժարդ, իսկապե՛տ լսում էր իրեն: Լսում էր խիստ մեծ ուշադրութեամբ ու նույնքան մեծ զարմանքով: Փառանձեմն աչքերին չհավատաց, ու նրան թվաց, թե դա մեռելներից մեկն էր, որ հրաշքով հարութուն էր առել, որպեսզի մենակ շթողնի իր թագուհուն և, թեկուզ մի ունկնդրի գոյութեան շնորհիվ, նրան փրկի այս կեղծ ու հիմար վիճակից: Բայց մարդը չէր շարժվում ու քարացել էր ապշանքից: Երեւի նա էլ, իր հերթին, չէր հավատում տեսածին: Ու դիակներին կույտերի մեջ ցցված այդ երկու գերիրական մարդիկ կասկածանքով նայում էին միմյանց ու վախենում նույնիսկ մի շնչին շարժում անել: Տեսիլք էր սա, պատրանք էր, աչքերի խաբկանք... Մթությունից ծնված զառանցանք...

Փառանձեմը ճանաչեց նրան ու սարսուաց երկյուղից: Մերուժանն էր, հայի դեմքով, հայի աչքերով, հայի քթով ու պարսկական զգեստներով: Արծրունյաց սիրուն նախարարը, որ լավ գիտեր գետնուղիների տեղը:

Մերուժանը շարողացավ իր հիացմունքը զսպել և գլուխը հարգանքով խոնարհեց թագուհու առջև: Այն, ինչին նա ականատես էր եղել քիչ առաջ, վեր էր տովորական տրամաբանութունից ու մարդկային ուժից: Առավել ևս՝ թույլ, միայնակ ու անօդնական կնոջ:

Նա անխոտ մոտեցավ դարբասին, քաշեց հսկայական սողնակը ու, դժվարութեամբ հրելով, բաց արեց երկաթե ծանր դռները: Ապա, առանց ետ նայելու, գլխիկոր հեռացավ ու անհետացավ խավարում, շուգենալով տեսնել թագուհու նվաստացումը:

Իսկ հայոց աշխարհի տիկինը, Փառանձեմ թագուհին, ջահը ձեռքին մի պահ կանգնեց բաց դռների մեջ, կարծես բերդի պահպանության իր վերջին պարտքը կատարելով, ապա, գլուխը բարձր ու հաստատ պահած, ընդառաջ գնաց իր ճակատագրին: Մի ամբողջ հզոր բանակ, հազարավոր զինվորներով ու հազարապետներով, անթիվ ու անհամար

դենքերով և դրոշակներով, տառներեք ամիս անց գերի վերցրեց ընդամենը մի կնոջ: Ինչպես ինքն էր տեսնում՝ մի փոքր գիրացած ու մի քիչ էլ տարիքն առած...



Պատմիչն ասում է.

«Սբբ Փառանձեմ տիկնոջը բերին հասցրին պարսից աշխարհը և Հայաստանի բոլոր գերությունն ու գանձերը և Փառանձեմ տիկնոջը թագավորի առաջ հանեցին, պարսից թագավորը մեծ շնորհակալություն հայտնեց իր զորավարներին: Պարսից Շապուհ թագավորը կամեցավ նախատինք հասցնել Արշակունյաց տոհմին, հայոց աշխարհին և թագավորությանը: Հրամայեց կանչել իր բոլոր զորքին, իր մեծամեծներին, ստորին պաշտոնյաներին և իր տիրած աշխարհի բոլոր մարդկանց, և այս բազմության մեջ բերել Հայաստանի տիկնոջը՝ Փառանձեմին: Եվ հրամայեց հրապարակում շինել ինչ-որ սարք, որի վրա գցել տվեց տիկնոջը, և արծաղի նբա վրա՝ անասնական պիղծ խառնակության համար: Այս կերպ սպանեցին տիկին Փառանձեմին: Իսկ գերիների ամբողջ բազմությունը տաբան բնակեցրին մի մասը Ասորեստանում, մյուս մասը՝ Խուժաստան երկրում»:



Անհուշ բերպը, որը կոչվում էր նաև մոռացության բերդ, գտնվում էր Խուժաստան երկրում, Ծկրառանից դեպի Տիգրոն տանող ճանապարհին: Անցարդները, որպես կանոն, մի քանի մղոն հեռավորությունից շեղում էին իրենց ճամփան, որպեսզի խուսափեն այդ մռայլ շինություն հետ հանդիպելուց: Մահվան հատ էր գալիս բերդից ու նրա ամայի շրջակայքից: Կյանքի ամեն մի շնչին արտահայտություն հաճիրժորեն երես էր թեքել աշխարհի այս անհրապույր ու երկյուղ ներշնչող անկյունից: Նալեխակ վայրի բույսերն ու մացառները, որ սովոր էին ամենուրեք տարածություն նվաճելու, կարծես խորշում էին այս վայրերից: Օձերը, մողեսներն ու

կարիճները, որ վխտում էին համանման տեղերում, չգլտես լնչու, երբեք բնակութուն չէին հաստատում այստեղ: Մի ասի հող անգամ անհնար էր գտնել մի քանի մղոնի վրա, որովհետև վառված քարերի ու խանձված ժայռերի թագավորութուն էր շորսրուրը: Եվ այդ քարերն ու ժայռերը կարծես իրենց համատարած հաղթանակի կոթողն էին կերտել, ու բերդն ասես ոչ թե մարդկանց ձեռքերով էր կառուցված, այլ ի սկզբանե ստեղծված էր հենց բնության կողմից: Միայն մարդիկ էին դիմանում այս ամայի ու դաժան անապատում, բերդի բնակիչները՝ բանտարկյալներն ու նրանց պահպանները:

Պահպանները շարացել էին կատաղի շոգից ու մշտական ծարավից: Նրանց ականջներում գետի խշշոց կար ու տերևների սոսափյուն, որոնք խելքահան էին անում ու գազազեցնում էին բոլորին: Եվ նրանք, երևակայութունից իսպառ զրկված, նախանձում էին ոչ թե զովասուն լեռնալանջին կամ անտառի փեշին բնակվող իրենց արյունակիցներին, ոչ թե հարուստներին կամ այլ տեղերում ծառայող զինվորներին, այլ բերդի բանտարկյալներին, որոնք ապրում էին խոնավ նկուղներում, արևի երես չէին տեսնում և, այդ բոլոր առավելութուններով հանդերձ, նույնիսկ արժանանում էին պահպանության:

Բերդի մյուս բնակիչները, որոնք ցմահ բանտարկյալներն էին, դատապարտված էին լիակատար մոռացության: Ոչ ոք իրավունք չուներ հիշելու կամ հիշեցնելու նրանց հոյութունը: Ով հանդգնում էր խախտել այդ սրբազան օրհնքը, վտանգի տակ էր դնում իր կյանքը: Ահա թե ինչու, Անհուշ բերդը ըստ էության անիրական էր, նա ապրում էր միայն մարդկանց երևակայության մեջ, և նրա անունը ահ ու սարսավի էր պատճառում ամենքին: Դա մեծերի համար մինչև օրս ստեղծված միակ հեքիաթն էր, և այդ հեքիաթին կուրորեն հավատում էին բոլորը:

Մինչդեռ բերդի նկուղներում կենդանի մարդիկ էին տառապում: Եվ ամենասոսկալին այն էր, որ նրանք արդեն վաղուց է, ինչ տեղյակ չէին իրենց տառապանքի մասին: Նկուղների հատակին ամրացված էին հաստ ցցեր, որոնց վրա

շարժակամ օղակներ կային: Երկաթե շղթաների մի ծայրը միացած էր այդ օղակներին, իսկ մյուսը կապված էր բանտարկյալների ոտքերին ու ձեռքերին: Նրանք վարժվել էին շղթաների ծանրությանը և հաշտվել իրենց ճակատագրի հետ: Նրանց աչքերում վախեցնող մի խաղաղություն կար ու ահավոր անտարբերություն: Երբեմն, մի քանի օր շարունակ, լսվում էին ինչ-որ մեկի հուսահատ աղաղակները, և բանտարկյալները, առանց որևէ հույզի, արձանագրում էին իրենց մտքում, որ նոր բնակիչ է հայտնվել բերդում: Սակայն մի քանի օրից տհաճ աղմուկը դադարում էր, ու նորից հնչում էր երկաթե շղթաների հանգստացնող և ախորժալոր ձայնը:

Բերդում, առանց միմյանց երես տեսնելու, հարևանություն էին անում գահրնկեց թագավորներն ու հասարակության տականքները, մեծամեծ պաշտոնյաներն ու հռչակավոր ավազակները, ապստամբ իշխաններն ու մարդասպանները: Լիակատար հավասարություն էր տիրում զնդաններում. նույն շղթաները, նույն ցնցոտիները, նույն ջրիկ ճաշերը և նույն ճակատագիրը:

Հայոց արքան, որն ամեն ինչ կորցրել էր ու փոխարենն իր մոռացված անունը գտել, Անհուշ բերդի հին բնակիչներից մեկն էր արդեն: Փորձառությունը նրան սովորեցրել էր խորամանկել բախտի հետ: Երբ զգոս էր, որ ուժերը լքում են իրեն և հուսահատությունը փորձում է բռնել իր կոկորդից, նա դիմում էր ամենապարզ միջոցի. ցերեկները քնու՛ էր, իսկ գիշերներն արթուն մնում: Դառնում էր միակ մարդը, որ չի ապրում բոլորի պես: Եվ ժամանակների այդ անհամապատասխանությամբ նա խզում էր կապերը բերդի համընդհանուր կյանքից, առանձնանում մյուսներից և ստեղծում իր ուրույն աշխարհը:

Նրա դիմաց, քարե ցածրիկ պատվանդանի վրա, դրված էր Վասակ սպարապետի պաճուճենապատանքը: Շապուհը մորթազերծ էր արել նրան, խոտով լցրել նրա մորթին ու դրել Արշակի առջև, որպեսզի նա բնավ չմոռանա իր անցյալը: Որովհետև բոլոր բանտարկյալները, վաղ թե ուշ, գրկվում են անցյալի հիշողություններից և դրանով իսկ փրո-

Կում իրենց: Սպարապետի մեջքից, արագն ծաղր ու նվաստացում, կախված էր սրի դատարկ պատյանը: Նրա մագաղաթյա դեմքը, պարապ աչքերը, կախ ընկած ձեռքերը ու սպարապետական մաշված համազգեստը Արշակին թույլ չէին տալիս մղձավանջից ազատվելու և տառապանքը, մյուսներին նման, վերածելու սավորություն:

Նրա երկարած մորուքն ու մազերը է՛լ ավելի էին ընդգծում հայացքի պղտորությունն ու խախտվածությունը: Մարմինն արդեն վաղուց էր մեռել, և միայն միտքն էր տենդագին գործում: Օր օրի աշխարհը փոքրանում ու տեղավորվում էր նրա մեջ: Եվ մի մարդու մեջ տեղավորված աշխարհն ավելի լայն էր թվում ու ավելի հասկանալի: Մի քիչ էլ, ու նա կարծես կըմբռնի կյանքի իմաստը, կիմանա, թե ինչո՞ւ է ծնվել, ինչո՞ւ է տառապում և ինչո՞ւ, հողից տերված լինելով, դարձյալ հող է դառնալու: Նա խորասուզվում, կորչում էր իբ նություն մեջ, ապրում զուտ ներանձնական կյանքով, և ամեն օր նոր աշխարհներ էին ծնվում ու փլվում նրա ուղեղում: Եվ նա վստահ էր, որ ինքը միակ կենդանի մարդն էր մոռացություն բերողում, այնքան կենդանի, որ նույնիսկ կարող էր իր սիրելի սպարապետի փոխարեն ևս ապրել...

Մինչդեռ Անհուշ բերդը հենց ինքն էր անիրական: Նա գոյություն ուներ միայն մարդկանց երևակայության մեջ, և նրա անունը ա՛հ ու սաբասափ էր պառճառում ամենքին: Դա մեծերի համար մինչև օրո ստեղծված միակ հեքիաթն էր, և այդ հեքիաթին կուրորեն հավատում էին բոլորը...



Դրսում լույս է, սպարապետ... Արև, շագ... Այդ մասին ինձ պատմել է մի բարի զինվոր... Նա ազնիվ աչքեր ուներ և չէր կարող ինձ խաբած լինել... Մարավը խեղդում է մարդկանց... Քրտինքը ջրի պես հոսում է նրանց մարմիններից... Անշարժ օդից կտրվում է նրանց շունչը... Ծգնում են սեփական ստվերի տակ կանգնել... Իսկ այստեղ՝ գո՛վ, հանգի՛ստ, ապահո՛վ... Ծն ու դու պետք է շնորհակալ լինենք այդ պլանիվ ու բարի զինվորին, որն այսքան թանկ տեղեկություն-

ներ վստահեց մեզ... Նրա խոսքերից հետո միայն մենք
զնահատեցինք մեր վիճակը... Եվ աստված է վկա, որ այդ
օրվանից ի վեր դժգոհելու առիթ այլևս չիլ ունենք... Մենք
ստացանք այն երանելի խաղաղությունը, որ երազում էինք
տարիներ շարունակ... Եվ արին արժանի էինք լինվին... Մենք
այս խաղաղությունը վաստակեցինք մեր ճակատի քրտինքով,
մեր քրանաջան աշխատանքով ու մեր անշահախնդիր ծառա-
յությունը...

Բախտս բերեց, Վասակ... Ես ազատվեցի իմ մենակու-
թյանից... Մարդկանց մեջ ապրելու մենակությունից... Իսկ
սա... Սա բացարձակ մենակությունն է... Մաքուր և անա-
բառ... Սա մարդու մենակությունն է... Իսկ այն մեկը՝ ար-
քայի... Դրա համար էլ ես սիրեցի իմ շղթաները...

Ես շատ բան եմ տեսել կյանքում... Կամ շատ լավ, կամ
շատ վատ... Արքայի համար միջինը չկա... Իմ ուրախու-
թյունն էլ էր մեծ, տխրությունն էլ... Իմ սերն էլ էր խոր,
ատելությունն էլ... Մի՞թե այս ժայռահեղությունների դու
կարող ես մարդկային համարել... Դրանք Փերացրել ու մա-
շել են ինձ... Նաև աղքատացրել, դատարկել են իմ հոգին...
Ես բնավ չեմ իմացել, թե ինչ բան է հասարակ և սովորական
զգացմունքը... Նույնիսկ անուն չեմ ունեցել... Ինձ կոչել են
միայն արքա... Զուրկ եմ եղել ընկերներից... Ռ՞վ է այն
խելագարը, որ կհամաձայնի ընկեր լինել արքային... Իսկ
թշնամի՝ որքան ուղեա... Զեմ կերել կնոջս ձեռքով պատ-
րաստված ճաշը... Զեմ զգացել այդ հաճույքը... Մինչդեռ
ասում են, որ գրանից մեծ երջանկություն չկա աշխարհում...
Ոչ որ շի փորձել արքայի մեջ տեսնել մարդուն... Իսկ ես
ընդվզել եմ դրա դեմ ու հաճախ արքայավայել չեմ պահել
ինձ... Նույնիսկ թշնամիներս անձնակա՞ն չէին... էլի արքա-
յին էին պատկանում... Ոչինչ չի եղել իմ սեփականը... Ան-
գամ պալատը իմ տունը չէր, այլ ժամանակավոր հանդր-
վան... Բայց ամենից ահավորը, որ ես տեսել ու զգացել եմ
երբևիցե, ամբոխի մենակությունն էր... Ոչ թե անհատի, այլ
քաղմության... Ինձ թվացել է, թե ես իմ մենակությունը կա-
րող եմ միայն ամբոխի հետ հաղթահարել... Իսկ իրակա-

նում, ոչ միայն շեմ հաղթահարել, այլև նրա մենակութունն էլ եմ կիսել... Սա էր մեր դաշինքի միակ արդյունքը...

Իսկ հիմա... Գիտե՞ս հիմա որն էր իմ միակ երազանքը... Հասնել այս դիմացի պատին... Գոնե մի անգամ շոշափել... Երեսս դնել խոնավ քարերին... Զգալ մամուռի ու բորբոսի գաղջ հոտը... Այ տես, ես կարող եմ այս երեք պատերին մոտենալ... Բայց սրան շեմ հասնում... Կարճ է շղթան... Տես, պառկած ձգում եմ ձեռքս, քիչ է մնում պոկվեմ մարմնիցս, բայց էլի շեմ հասնում... Կա՛րճ է, կա՛րճ է շղթան...

Սա ի՞նչ ճիշ էր... Ո՞ւմ հուսահատ ձայնն էր... Ո՞վ գոուց այդպես ողբագին... Զգացի՞ր, որ դա մարդու պոռթկում էր, ոչ թե արքայի... էլ ինչպե՞ս շսիրեմ իմ այս նկուղը, որն իմ անձը վերադարձրեց ինձ... որն իմ տունը դարձավ... իմ վերջնական օթևանը, որ ոչ ոք չի կարող խլել ինձանից...

Կա՛րճ է շղթան...

Ուտելու բան չբերեցին դեռ... Կարծում են, որ արքաները սով շեն զգում... որ նրանք պարտավոր են միայն ուրիշների մասին մտածել... Բայց ես ազատ եմ, սպարապետ... շատ ազատ եմ... անսահման ազատ... այսքան ազատ շեմ եղել երբեք... Գիտե՞ս ինչից զգացի դա... որ հիմա շուտ-շուտ եմ սովածանում...

Գու չկարծես, թե ես միշտ այսպես անբախտ եմ եղել... Զհավատաս ցնդած բանտարկյալի ամեն խոսքին... Ես եղել եմ մեծ ու երջանիկ թագավոր... Իմ երկիրը հզոր էր ու միասնական... Նախարարները՝ միաբան ու համերաշխ... Պարսկաստանն ու Բյուզանդիան դողում էին իմ առաջ... Ամեն կերպ ճգնում էին բարեկամություն հաստատել հայոց արքայի հետ... Իրենց քույրերին նվեր էին ուղարկում ինձ... Տեսակցություն խնդրում ինձանից... Հողեր ու երկրներ զիջում ինձ... Բայց ես ի՞նչ անեմ, որ երբ ծնվեցի, չար մարդիկ ինձ փախցրին օրորոցից... Ինձ փոխեցին... Իմ փոխարեն մի ուրիշ նորածին զրեցին ճոճքի մեջ... Եվ այդ օրվանից ամեն ինչ շուռ եկավ իմ կյանքում...

Պատանքդ ս՛ր տեղ ծակվել է, Վասակ... Խոտը երևում է միջից... Երբ մաշկդ լրիվ փշանա, ես խոտերը կհանեմ, կփռեմ գետնին ու կպառկեմ վրան... Փափուկ կլինի...

Հեյ, ո՞վ կա այդտեղ... Ես քո դեմքը չեմ տեսնում... Ո՞վ ես դու... Ո՞վ է ամեն օր դուան հսկից ինձ խոստանում փախուստ կազմակերպել... Ես չեմ սիրում անծանոթ ձայներ... Ես պետք է քեզ տեսնեմ, որպեսզի հավատամ... Առանց մարմնի չի կարող մարդկային ձայն գոյություն ունենալ... Ի՞նչ ես դու, քամու ոռնո՞ց, դռան ճռճո՞ց, տերևների սոսափյո՞ւն... Եթե փախչեմ, ես, անշուշտ, մեծ վարձատրություն կտամ քեզ... Իմ հպատակները արգեն իսկապես կերզրբազան ինձ... Նոր միայն կծնվի իմ իսկական առասպելը... Գուսանները կավարտեն՝ արքային նվիրած իրենց նրգերը... Ժողովուրդը կհշուսի իր արքայի հեքիաթը... Բայց ծիծաղազալիս է, սպարապետ... Թող, որ մի կուշտ խնդամ... Այ, աչպես, աչքերիցս արցունքներ թափելով... Ես մատնեցի նրան... Ստորաբար մատնեցի... Որովհետև ինձ հանցանքի մեջ բռնեցի... Զգացի, որ տատանվում եմ... Ծանր ու թեթև եմ անում... Այդ թշվառականը նորից ընտրություն էր դնում իմ առաջ... Ստիպում էր, որ նորից ղեկավարեմ երկիրս... Պատկերացնում ես, ի՞նչ լկտիություն, ի՞նչ անպատկառություն... Իսկ եթե Պա՞պն է առոք-փառոք նստած իմ գահին... Տիրան թագավորի օ՞րն ընկնեմ... Ես չէի կարող իմ հոր նման վարվել ու խանգարել իմ որդուն... Լավ արեցի, որ մատնեցի... Ինչքան ուզում ես ինձ մեղադրիր, մեկ է, չեմ զղչում... Թող սովորի հավատարիմ լինել իր արքային... Եվ իմ արարքը թող տիրասիրության դաս լինի շատերին...

Ուտելու բան այդպես էլ չքերեցին... Տեսնես այսօր ի՞նչ են տալու... Սիսեռո՞վ ապուր, թե՞ կորկոտով... Ես սիսեռովն ավելի շատ եմ սիրում...

Դու մի՛ մտածիր, թե իմ կյանքը ձանձրալի է ու միօրինակ... Այն, ինչ կորցրել եմ, երազներում եմ տեսնում ես... Պարզապես իրականութունը իր տեղն է փոխել... Ուրիշ հարթության վրա է ապրում ու ծավալվում... Եվ ինչո՞ւ դժգոհեմ, եթե այնտեղ ես ավելի երջանիկ եմ և ուժեղ... Եվ մի՞թե մեր ամբողջ կյանքը շանցավ երազների մեջ... Քի՞չ ենք ես ու դու երազել... Հապա ի՞նչ էր կենտրոնացած հայրենիք ունենալու մեր տենչանքը... Մեր ամենօրյա ջանքերն ու ճիգերը... Մեր կրած զրկանքները... Մեր անմնացորդ

նվիրվածությունը... Մեր ինքնաժողովուրդը... Հանուն երազանքի չէի՞ն միթե... Իսկ ի վերուստ մեզ պարտադրված անողորմությունը... Երկրի համընդհանուր շահերից բխող դաժանության անհրաժեշտությունը... Դեռ հարց է, թե ո՞ւմ մեջ ավելի գուժ և խիղճ կար, մե՞ր, թե՞ մեզ մեղադրողներին... Եվ եթե մենք չխորշեցինք մեր բնության դեմ գնալ, արդյո՞ք մեր երազների իրականացման համար չէր... Բայց այդ երազներն էլ մերը չէին միայն... Մենք երազում էինք հազարավորների փոխարեն... Մենք դաժան էինք, որպեսզի մյուսները խղճամիտ լինեն... Մենք ամբողջ պատասխանատվությունը մեր ուսերին էինք վերցրել, որպեսզի մյուսները հանգիստ ու ապահով ապրեն... Իսկ հիմա մեր երազները մեզ են պատկանում... Միա՛յն ինձ ու քեզ...

Երեկ գիշեր պարսից թագավորն ինձ իր մոտ հրավիրեց: Նա դիմել էր քավդյաններին, որոնք աստղերի և մոլորակների շարժումներով գուշակություններ են անում, և հարցրել, թե ինչպե՞ս վարվի հայոց արքայի հետ: Հավատա՞ հնազանդ լինելու նրա խոստումներին:

Շապուհը, նրանց խորհրդով, արագավազ ուղտերով մարդիկ էր ուղարկել Հայաստան, որպեսզի հող և ջուր բերեն այնտեղից: Սենյակի կեսը ծածկել էր այդ հողով ու վրան ջուր ցանել, իսկ մյուս կեսը թողել բնիկ երկրի նույն հողը:

Ես այդ շգիտեի, Վասակ... Այսինքն գիտեի, բայց կարծես խոր քուն էի մտել ու մոռացել... Ասես երազում մի ուրիշ երազ էի տեսնում...

Պարսից թագավորը, ձեռքս բռնած, ինձ հետ միասին ճեմոսւմ էր ընդարձակ սենյակում: Պարսկական հողի վրա նա հարցրեց ինձ. «Արշակ թագավոր հայոց, ինչո՞ւ ինձ թըշնամի եղար, ես քեզ որդու նման սիրեցի, իսկ դու, փոխարենը, իմ դեմ պատերազմեցիր»:

«Մեղանչեցի և հանցավոր եմ քո առաջ, — ասում էի ես, կողքից պարզ տեսնում էի ինձ և զարմանքով ու սարսափով լսում իմ խոսքերը: Քիչ էր մնում արթնացնեի ինձ, որպեսզի ազատվեմ մղձավանջից: Իմ ու Շապուհի երազները խառնվել էին իրար: Ես բնիկ էի նրա երազի մեջ, Հրաշքով

նրա նրազն էի տեսնում և ոչ թե իմը:— Պատժիր ինձ, և դու արդարացի կլինես»:

Մենք շարունակեցինք ճեմել, ու երբ ես իմ ոտքերի տակ զգացի հայկական հողը, պոկեցի ձեռքս, շրջվեցի ու ասացի նրա երեսին. «Հեռու ինձանից, շարագործ ծառա, որ ձեր շարթև տերերից հափշտակված բարձին ես նստել, և ես չեմ ների քեզ ու քո որդիներին իմ նախնիների վրեժը»:

Այսպես շարունակվեց մինչև առավոտ: Իմ երազից փոխադրվում էի նրա երազը և ընդհակառակը: Երբ պարսկական հողի վրա էի, ընկնում էի նրա ոտքերը, ներողութուն ինդրում, զղջում հանդուգն խոսքերիս համար: Իսկ երբ հայկական հողն էի զգում, ըմբոստանում էի, այպանում նրան ու սպառնում վրեժխնդրությամբ:

Ու ես երկրորդ անգամ ընկա Անհուշ բերդը: Թույլ շտվեցի, որ շղթայակապ անեն ինձ: Ես ինքս կապեցի իմ շղթաները: Ավելի ամուր և ավելի վարժ, քան զինվորները կարող էին տեսել: Նրանք զարմանքով էին նայում, որովհետև այնպես էի ինձ պահում, որ կարծես վաղուց ապրած լինեի այդ բերդում...

Ինձ այդպես նախատինքով մի՛ նայիր, սպարապետ... Գիտեմ, որ դու վաղուց է, ինչ երազներ չես տեսնում... Վաղուց է, ինչ չես ապրում... Բայց չէ՞ որ ես եմ ապրում քո փոխարեն... Քեզ հետ միասին... Եվ քո երազներն էլ ես եմ տեսնում... Գու ինձ տվե՛լ ես այդ իրավունքը... Ես այն նվաճել եմ մեր համատեղ կյանքով... Մեր ընդհանուր ձգտումներով ու տենչերով... Ու ես հիմա կպատմեմ այն երազը, որ քեզ խոստանում եմ տեսնել այս գիշեր... Համբերիր, քիչ մնաց մինչև մթնելը... Առաստաղի տակ բացված այս լուսամուտը, որի վրա ավելի շատ երկաթ կա, քան երկինք, արդեն մոտեցնում է գիշերվա գալուստը...

Այս գիշեր, երբ մի քանի աստղ գողունի կմտնեն այս նեղ վանդակի մեջ, Շապուհը քեզ էլ կկանչի և հարց կտա. «Աղվես, այդ դո՞ւ էիր այն խանգարիչը, որ այսքան տարի մեզ շարշարեց, դո՞ւ էիր, որ այսքան տարի կոտորում էիր արիներին: Հիմա ի՞նչ կասես, թե որ քեզ աղվեսի մահով սպանեմ»: Եվ ես երդվում եմ ամենայն սրբությամբ, որ դու

այսպես կպատասխանես նրան. «Ուրեմն, մինչև այժմ ես քեզ համար առյուծ էի, իսկ հիմա աղվե՞ս: Բայց մինչ ես վասակն էի, ես հսկա էի, մի ոտքս մի լեռան վրա էր, մյուս ոտքս՝ մի այլ լեռան վրա: Երբ աչ ոտքիս վրա էի հենվում, աչ լեռն էի գետին տանում, երբ ձախ ոտքիս վրա էի հենվում, ձախ լեռն էի գետին տանում»: Ես Շապուհին կստիպեմ, որ նա հարցնի քեզ. «Դե ասա, իմանանք, այդ ի՞նչ լեռներ են, որ դու գետին էիր տանում»: Ես քեզ չեմ զրկի նրան պատասխանելու հաճույքից. «Երկու լեռներից մեկը դու էիր, մյուսը՝ հունաց թագավորը»:

Տեսնես հիմա ի՞նչ են անում Հայաստանում, սպարապետ... Կարոտել եմ... Եվ քո կարոտը խառնել իմ կարոտին... Ձորերը առաջվա պես խո՞րն են դեռ, և լեռները՝ նախկինի նման բարձրի՞կ: Միրանինները էլի հարսնանո՞ւմ են գարնանը: Նոր հնձած խոտի թարմ հոտը խելքահան չի՞ անում նորից: Հեռուներից վերադարձող թռչունները անսխալ գտնո՞ւմ են հայկական երկինքը: Հղի կանայք դարձյալ ծնո՞ւմ են արու զավակներ: Շարունակո՞ւմ է ցեղը բազմա-նալ: Շինականների խմբապարը չի՞ դղրդացնում գետինը: Հայի աղոթքը հասնո՞ւմ է արդյոք աստծուն: Զմեռները էլի խի՞ստ են և ամառները շո՞գ: Զինվորի սուրը դիմանո՞ւմ է թեկուզ կարճատև դադարին, չի՞ թպրտում պատյանի մեջ, չի՞ փորձում դուրս ցատկել: Ամուր մեռնո՞ւմ է մարդու և մետաղի հրաշագործ դաշինքը: Եվ ո՞ւր է արդյոք Հայաստանը, ո՞րն է հիմա, ի՞նչ սահմանների մեջ: Ո՞րն է նրա հյուսիսն ու հարավը, որտե՞ղ են նրա արևելքն ու արևմուտքը: Ո՞վ է նրա թագավորը: Եվ, ընդհանրապես, երկիրը կա՞ արդյոք: Է՛, սպարապետ, անիմաստ հարցերի մի շարան փռեցի քո ոտքերի տակ: Իհա՛րկե կա, իհա՛րկե ամեն ինչ նույնն է, իսկ և իսկ առաջվա պես, ու իմ հարցերի անմտությունը է՛լ ավելի է զգալի դարձնում այն ցավը, որ միայն ես ու դու չկանք: Նոր ծնված մանչուկի են կնքում և նրա համար անուն են ընտրում՝ առանց մեր մասնակցության: Նոր հաղթանակներ են տանում թշնամիների դեմ, սակայն մենք բացակա ենք մերոնց շարքերում: Զէի՞ր ուզենա թեկուզ ամենահետին զինվորը լինել այդ մարտերում: Կռվի թեժ օրերին անգամ էլի մի արանք

են գտնում հարսանիք անելու, բայց մենք չենք կարող նրանց հրավերն ընդունել: Ոստիւր քանդում է, իսկ հայր կառուցում է նորից, սակայն ոչ ես եմ այդ տեսնում, ոչ էլ դու: Երբևէն էլ երևի հիշում են ինձ ու քեզ, բայց հիշում են... առա՛նց մեզ:

Դու մի ասա, ոչ ոք էլ ինձ չի առաջարկել փախչելու... Պարզապես պահապաններն են մտնում զնդանները և ճաշ բաժանում... Նրանց ձայներն են ինձ թյուրիմացութեան մեջ դրել... Ես երբեք մինչև վերջ չեմ ուտում, սպարապետ... Միշտ բաժին եմ թողնում քեզ... Որպեսզի ինքդ էլ համոզվես, որ կենդանի ես դեռ...

Ես իմ բաժին ջուրը չեմ խմի այսօր... Կլվամ ու կմաքրեմ քո պատանքը... Եվ իմ մտքով անընդհատ կանցնի ձեռք տալ քո պատմուճանին... Այն հույսով, որ քո շինած փայտե արձանիկներից մեկը գտնեմ ու հիշատակ վերցնեմ քեզնից... Բայց գիտեմ, որ ձեռք չեմ տա, վախենալով, որ գրպանդ հանկարծ դատարկ կլինի...

Դու հաճախ ես խնդրել, որ քեզ պատմեմ քո որդու մասին: Եվ դու ամեն անգամ հպարտացել ես նրա քաջագործություններով: Եվ հատկապես հուզվել ես այն բանից, որ Մուշեղ սպարապետը գերեվարել է Շապուհի կսմանոցը, բայց ոչ միայն չի անարգել, այլև, ժանվարների վրա նստեցրած, վերադարձրել է Տիգրան: Իսկ Շապուհը, զարմացած նրա բարութեան, քաջութեան և ազնվության վրա, բաժակ է բարձրացրել ուրախության ժամանակ և ասել. «Ճերմակաձին թող գինի խմի», որովհետև Մուշեղը մի ճերմակ ձի ուներ: Շապուհը իր գավաթի վրա նկարել է տվել Մուշեղի պատկերը՝ ճերմակ ձի հեծած, և խնջույքների ժամանակ այդ գավաթը դնում էր իր առաջ ու շարունակ նույն բանը կրկնում. «Ճերմակաձին թող գինի խմի»:

Մարտերից մեկում նա գերել է նաև Շապուհի դաշնակիցներից մեկին՝ Աղվանից Ուռնայր թագավորին: Բայց նիզակի կոթով ընդամենը խփել է նրա գանգին ու բաց թողել: Եվ գիտե՛ս ինչու: Որովհետև իրեն իրավասու չի համարել հավասար լինել մի մարդու, որ թագ է կրում: Ուռնայրին կարող էր գերի վերցնել միայն նա, ով նույնպես թագ

ունի: Իսկ Մամիկոնյանները, լսո՞ւմ ես, սպարնապետ, խորի՛ն պատկառանք ունեն թագի նկատմամբ, եթե այն նույնիսկ թշնամու գլխին է դրված:

Այսինքն... Այսինքն, նա շարունակում է իր նախնի-
ների նույն սխալը գործել: Անազնվության դեմ կռվում է
ազնվությամբ, միամտաբար կարծելով, թե այդ հակասու-
թյան մեջ է հայի ուժը: Մինչդեռ դա մեր թուլությունն է,
սպարապետ: Վկա՞ ես ու դու, Անհուշ բերդը, իմ շղթաները և
քո պաճուճենապատանքը... Առնականության պակասն է
խանգարում բոլորիս... Ատելության անկարողությունը...
Մարդկայնության գերառատությունը... Բարոյական հաղթա-
նակների աստվածացումը...

Իմ զնդանը երևի միջանցքի վերջում է... Հապա էլ ինչո՞ւ
են իմ ճաշը միշտ ուշացումով բերում... Երբեմն այնքան
սոված եմ լինում, որ վախենում եմ շղիմանամ ու քո բաժինն
էլ ուտեմ...

Ի՞նչ օր է այսօր... Տարվա ո՞ր եղանակ: է... Օրվա ո՞ր
ժամը... Ինչքան խնդրում եմ, շեն ասում ինձ... Չլինի՞
հայերեն եմ հարցնում, և նրանք շեն հասկանում ինձ...

Վերջապես ես ժամանակ ունեմ ինքս ինձ հետ խոսելու...
Վաղուց է, ինչ չէի հանդիպել ինձ... Ընկերություն չէի
արել ինձ հետ... Բարև, Արշակ... Ինչպե՞ս ես... Ողջ առո՞ղջ
ես դեռ... Եթե սոված ես, ու քաղցից մշուշվում և մթնում
են աչքերդ, ուրեմն, կենդանի ես... Գոհ եղիր դրանով...
Ուրախացիր ու ցնծության սաղմոս ձոնիր երկնավորին...

Ես հիմա քեզ կպատմեմ քո քաղաքի մասին: Ուշադիր
լսիր ու սրիր ականջներդ: Ոչ այն քաղաքի, որ կործանվեց,
այլ նոր Արշակավանի, որ ես ամեն օր տեսնում եմ իմ
երազններում:

Իմ նոր քաղաքում նորածիններն անմիջապես ոտքի կելնեն
ու կքայլեն... Խմբով կմտնեն գետը, կլողան, կպառկին
ավազների վրա և արևի լոգանք կընդունեն... Մենդյան հենց
առաջին օրը նրանք կզնան անտառ, որս կանեն, և ամեն
մեկը մի-մի վայրի ոչխար կխորովի ու կուտի... Մառեր
կտապալեն ուսով ու տներ կկառուցեն իրենց համար...
Հսկաներ կծնվեն իմ նոր քաղաքում, այս շղթանե՞րը վկա,

Արշակունի Արշակ, հսկաներ... Եվ այդ հսկաների արարիչը՝
Կ՛ս եմ...

Ծարավ եմ, սպարապետ... Կոկորզս շորացել է խոսե-
լուց... Եթե շդիմանամ ու խմեմ այս թասի ջուրը, դու չվիրա-
վորվես... Վաղը անպայման կլվամ պատանքդ... Խոսք եմ
տալիս, էլ չեմ հետաձգի... Եթե մարդ շատ է ծարավ, ջրի մի
մասը, որպես կանոն, թափվում է զգեստի վրա կամ հոսում
գետնին... Իսկ երբ քիչ է ծարավ, ոչ մի կաթիլ կորուստ չի
լինում... Տեսա՞ր ինչքան ջուր թափվեց... Ուրեմն, իմացիր,
թե որքան էի ուզում խմել...

Շղթան կարճ է... Կա՛րճ է շղթան...

Այս մի շղթան թուլանում է... Պետք է զգուշացնել
ներանց... Միայն թե մի տեղ նշան անեմ, որ չմոռանամ...



Նկուղի հեռավոր անկյունում, շղթաները կողքին հավա-
քած ու երկու ձեռքերով պինդ բռնած, գետնին պռակել էր
Արշակը և անթարթ աչքերը հռել առաստաղին: Նա կորել,
անհետացել էր իր էության խորքերում: Սա այն պահն էր,
երբ աշխարհներ էին ստեղծվում ու փլվում նրա ուղեղում:
Նա ապրում էր գերիրական կյանքով և ասես նորից ու նո-
րից մոտեցել էր առեղծվածի լուծմանը: Շուտով, շատ շու-
տով, նա կհասկանա իր ծննդյան, իր կրած տառապանքների
ու վերահաս մահվան իմաստը: Բայց հայտնության խոստու-
մը անընդհատ հետաձգվում էր մյուս օրվան, շպատճառելով
ոչ մի ավսոսանք և հուսախաբություն: Երզանիկ էր այս շղ-
թայակապ մարդը, որովհետև կարողանում էր ձև ու մարմին
տալ այն ամենին, ինչ իր կամքն էր թելադրում: Դա ոչ թե
սոսկ երևակայություն էր, այլ շատ ավելի մեծ բան, որին
միայն միտքն էր ընդունակ հասնելու: Մարմինն այստեղ էր,
այս սառը ու խոնավ հատակին, իսկ միտքը թռչում էր հեռու-
ներում: Նա կառուցում էր երկիրը, ստեղծում միավորված և
ուժեղ հայրենիք, ամրացնում նրա սահմանները, խորտակում
ներքին ու արտաքին թշնամիներին, մեկը մյուսից իմաստուն
որոշումներ արձակում, մեղվի համբերատար և տքնաջան

աշխատանքով հյուսում ներդաշնակ հանրություն, իսկ երեկոյան, խոնջացած ու վաստակած, վերադառնում էր Անհուշ բերդը, ծեծում գարպասները. ներս մտնում, փոխում շորերը ցնցոտիներ հագնում, իջնում զնդան և կապում իր շղթաները. « Ի՞նչ երևակայութիւն, եթե նա հոգնում էր, լարվում, հուզվում երբեմն նույնիսկ անհաջողութիւն կրում, կասկածում ու տատանվում: Իսկ նոր մարմինն էր դառնում նրա լիիրավ տերը, նա անմիջապես մոռանում էր գերիրականի գոյութիւնը, սովածանում և մրսում, երազում դիմացի պատիւ հասնել, գեթ մի պահ դեմքը դնել խոնավ քարերին, ու եթէ նրան պատմեին: Թէ քիչ առաջ ուր էր նա սլացել մտքով, ոչ մի կերպ չէր հավատա ու ոչինչ չէր կարողանա մտաբերել:

Նա չլսեց թէ ինչպէս նկուղի երկաթէ ծանր դուռը աղմուկով բացվեց, և ներս մտավ բարձրահասակ ու հաղթանգամ մի մարդ: Նա մի անվատահ քալլ արեց, սպասեց, որ աչքերը վարժվեն մթությանը, ապա հայացքով փնտրեց բանտարկյալին գտավ ու արձանի պես գամվեց տեղում: Սո՛ւս, քնած է արքան: Նա այդպէս անշարժ կկանգնի և շունչը կպահի այնքան ժամանակ. մինչև որ արքան արթնանա քնից: Երբ պահապանները զուռը հոնչացնելով փակեցին նրա ետևից ու կոզպեցին նկուղի տխրեց, որ այլևս չի կարողանում իր պարտականութիւնները անբասիր կատարել ու հսկել տիրոջ քունը Թայց տերը երևի յսորն էր քնած, ու ոչ մի աղմուկ չէր ազդում վրան: Եկվորը ուշադիր նայեց շուրջը: տեւով արքայի ցնցոտիներն ու շղթաները, հողե մերկ ու անհարթ հատակին նետված ջրի խեցեղեն տձև անոթը, կեղտոտ ամանում կիսատ մնացած ապուրը, և հազիվ զսպեց արցունքները: Սակայն նա իրավունք չունէր արտասովելու և խղճալու արքային, որովհետև իր առավելութիւնն էր ընդգծում դրանով: Ինչ դրութեան մեջ էլ գտնվեւր արքան, ինքը նրա հպատակն էր ու ծառան: Այս վիճակում անգամ ի՛նքն էր խղճալի, ո՛չ թե տերը: Կիսախավարում ինչ-որ ստվեր զգաց կողքին և կտրուկ շրջվեց: Հանկարծ տեսավ քարե ցածրիկ պատվանդանին բարձրացած Վասակ սպարապետի ուրվականը և սարսափից սփրթնեց: Նրանք կանգնած էին դեմ-

դիմաց և ակնապիշ նայում էին իրար: Եկվորը, թուրք դքս-վարութեամբ կուլ տալով, ձեռքի մի անորոշ շարժում կատարեց, կարծես ուզում էր շոշափել ուրվականին և ստուգել՝ տեսի՞լք էր դա, թե՞ իրականութուն: Բայց սիրտ չարեց և զգուշութեամբ մի կողմ քաշվեց: Ու նոր միայն նկատեց, որ արքայի աչքերը բաց էին: Բայց նա չէր ուզում տեսնել եկվորին: Չէր ուզում լսել նրա ոտնաձայները: Վերացել, անջատվել էր իր կեղևից ու միայն մարմինն էր թողել զլնդանում, որպեսզի միամիտ պահպանները կարծեին, թե ճանճ անգամ չի կարող փախչել իրենց ձեռքից:

Եկվորը, շունչը պահած, մոտեցավ տիրոջը, կռացավ մի փոքր ու շնչաց:

— Արքա...

Արքան չպատասխանեց: Նա ճակատամարտ էր տալիս Շապուհի դեմ: Եթե դա երևակայություն էր և ոչ իսկություն, ապա էլ ինչո՞ւ էր պարտվում: Զէ՞ որ երևակայության մեջ հաղթում են միայն: Հայոց զորքը նահանջում էր և մտնում վահանափակի մեջ: Չորս կողմից կանգնած էին վահաններով զինված շարքեր, որոնք, բերդի պարիսպների նման, պաշտպանում էին իրենց մեջ պատսպարված բանակը: Զորքը վերակազմվում էր, և ջղյա ու կաշյա պահպանակներ հագած ղինվորները նորից անցնում էին հարձակման...

— Ես եմ, արքա... Դրաստամատը... Քո սենեկապետը...

Արքան հարցական նայեց նրան, ապա հայացքը դժգոհությամբ շրջեց, աչքերը նորից հառեց առաստաղին ու այս անգամ տեսավ իր մահը: Նրան հագցրել էին դրաստ և վարտիք: Զգեստը չափից ավելի մեծ էր, ծալ-ծալ իջնում էր ներքև ու փաթաթվում մարմնին: Մեծ պատմուճանի վրա ամրացրել էին գոտին, որից սուր էր կախված: Ազդրին կապել էին փոքր թուրը, բայց վարտիքի ծալքը հասնում էր թրին և ծածկում մինչև սրունքները: Արշակին զցել էին մինեղ ու անվերջանալի միջանցք, և ասպարակիր զինվորները շրջապատել ու ամեն կողմից քաշքշում էին նրան: Իսկ նա, զգեստի մեջ լող տալով, օդի մեջ թափահարում էր ձեռքերը և փորձում բռնել զենքերը: Բայց չէր կարողանում, որովհետև

ամեն շարժման հետ ուղղում էր պատմուհանը, ու նրա լայն ծալքերը մեկ սուրն էին թաքցնում, մեկ թուրը...

— Մի՞թե շճանաչեցիր, արքա... Ծս եմ... Քո ծառան...

— Լավ արեցիր, որ եկար,— անորոշ ժպտաց արքան, ու նրա գլուխը թուլացած ընկավ ուսին։— Երբեմն ես ձանձրանում եմ մենակ...

— Հիշո՞ւմ ես, ասացի կգամ...— Հուզմունքից խռպոտվեց Դրաստամատի ձայնը, և նա լցվեց իր վիթխարի մարմնին չհամապատասխանող քնքշությամբ։— Դու խոստացար, որ եթե անհրաժեշտ լինեմ, իմաց կտաս ինձ... Պետք է, խընդրեցի ես քեզ... Ծս կզգա՛մ... Կզգա՛մ...

— Բայց դու ինչպե՞ս հանդգնեցիր խախտել արքաների սահմանած կարգը,— հանկարծակի նստեց Արշակը, շղթաները խնամքով գարսեց փեշի մեջ, և հայացքն ու ձայնը սաստիկ խստացան։— Անհուշ բերդում բանտարկվածը հավիտյանս կտրվում է աշխարհից։ Ոչ ոք իրավունք չունի նրան հիշելու։ Ծս շեմ թույլ տա, որ ինչ-որ սենեկապետ ոտնակոխ անի որևէ արքայի հրաման։ Թեկուզ և ի՛նձ համար։

Եվ քանի որ հայոց արքան զայրացել էր մի ուրիշ արքայի հրամանը անտեսված լինելու պատճառով, Դրաստամատը մեղավոր զգաց իրեն, որովհետև դրանով ակամա վիրավորանք էր հասցրել հենց իր տիրոջը։ Եվ նա, մի կողմ թողած սեփական վիշտն ու կսկիծը, ստիպված եղավ հարգալիր ձգվել ու մանրամասն բացատրություն տալ։

— Ծս գերի ընկա պարսիկների ձեռքը, արքա։ Հետո մտա պարսկական բանակ և մասնակցեցի քուշանների դեմ մղվող պատերազմին։ Մի անգամ պատահաբար փրկեցի արքայից արքայի կյանքը։ Նա կանչեց ինձ և հարցրեց, թե ինչ վարձատրություն կկամենայի։ Ու թեև ես գիտեմ, որ մահապարտ է նա, ով արյաց արքային կհամարձակվի հիշեցնել Անհուշ բերդի և նրա կալանավորների մասին...

— Հասկացա, սենեկապետ, հասկացա,— դժգոհությու-
նից դեմքը թթվեցնելով, ընդհատեց նրան Արշակը։— Ծս միշտ էլ շեմ ախորժել քո շոր և հանգամանալի զեկույցներից։ Ուրեմն, դու, վտանգի ենթարկելով անձդ, արյաց արքային

խնդրեցիր գոնե մի օրով այցելել ինձ... Իզո՛ւր... Գու պիտի վարձատրութիւն պահանջեիր...

Գրաստամատր տարակուսանքով նայում էր արքային և զարմանում, թե ինչու իր գալուստը ոչ մի ուրախութիւն չպատճառեց նրան: Եվ մի փոքր խոցվեց սիրտը, որ իր այսօրան գոհողութիւնները փաստորեն անպատասխան մնացին, նույնիսկ արժանացան նախատինքի: Նա վախենում էր, որ արքան վճռի իրեն և թույլ չտա իր կարոտն առնելու: Իսկ Գրաստամատր, որքան էլ դա իր համոզմունքներին հակասեր, որքան էլ իր պաշտոնական նախկին պարտականութիւններին անհարիր լիներ, կարոտել էր արքային: Ավելի ճիշտ, իր անցյալն էր կարոտել: Եվ կարոտը է՛լ ավելի էր սրվում այն ուրախալի մտքից, որ ինքը դարձյալ հարկավոր էր նրան, մի բան, որ միշտ եղել էր իր կյանքի գլխավոր իմաստը: Ինչ մեղքը թաքցներ, երբ չէր զգացել իր անհրաժեշտութիւնը արքայի կողքին, հազվադեպ էր հիշել նրան...

Գրաստամատր ծնկի իջավ և մտաբերելով, որ իր հայտնվելու ու հեռանալու պահերը սովորաբար ինքն էր որոշում և ոչ թե արքան, սիրտ առավ դրանից, գոտու տակից հանեց բանալին ու սկսեց քանդել նրա կապանքները:

Արշակը շմամ նայում էր կապանքներից ազատված ձեռքերին ու ոտքերին: Նա ձեռքերը դանդաղ, շատ դանդաղ բարձրացրեց ու մի ակնթարթ պահեց օդի մեջ, մերթ մեկ՞ ուշադիր զննելով, մերթ՝ մյուսը: Հետո դեմքը ծամածուկեց ցավից, և նա գոռաց տազնապով.

— Ձեռքերս ծանրացան, սենեկապետ...

Գրաստամատր հոգատարութեամբ շփեց նրա դստակները, բայց Արշակը ձեռքերը կոպտորեն խլեց նրանից և կտրուկ վեր կացավ: Ու երկար, շատ երկար նայեց այն շորորոդ պատին, որը միշտ անհասանելի էր եղել իրին: Շրթունքներին մի առեղծվածային ժպիտ խաղաց, ու նա քայլերը դանդաղորեն ուղղեց դեպի պատը: Մի պահ ակամա կանգ առավ, ու աչքերում մի անասելի վախ երևաց, որովհետև դա այն ճշգրիտ տեղն էր, որտեղից անդին չէին ձգվում շղթաները: Մարմինն առաջ մեկնվեց, իսկ ձեռքերը

մնացին ետևում: Դա այն շարժումն էր, որ կրկնվել էր տարիներ շարունակ, ու նրա մեջ արմատավորված բնագոյը հիմա փորձում էր հաղթել գիտակցությանը: Բայց նա կորցրեց հավասարակշռութունը ու հազիվ կարողացավ ոտքերի վրա մնալ: Ծվ հենց այս շնախատեսված հանգամանքն էր, այս նորությունն էր, որ փրկեց նրան: Նա հասկացավ, որ կարող էր շարունակել ճամփան: Մոտեցավ պատին, շոշափեց դուրս ցցված քարերը, ուզեց դեմ տալ երեսը, իր բոլոր շիրականացած իղձերի կարոտն առնել, բայց անսպասելիորեն շրջվեց և հուսախաբ մրթմրթաց ինքն իրեն.

— Նույն պատն է... Ոչ մի տարբերություն...

Նեղացած հայացքն ընկավ Դրաստամատի վրա, է՛լ ավելի մոայլվեց, լարեց ուղեղը, ճզնելով հասկանալ, թե ինչ է կատարվում: Ո՞վ էր այս մարդը: Ինչո՞ւ չէր ուզում ստորացնել, վիրավորել անօգնական բանտարկյալին: Որտե՞ղ էր լայն պատմուճանի մեջ լող տվող ու ձեռքերն օդի մեջ թափահարող արքան: Ինչո՞ւ էր դեռ կենդանի: Ի՞նչ եղավ վա՛հանափակում վերակազմված զորքը:

— Դրաստամատ,— հանկարծ սիրով ու ջերմությամբ գոչեց նա:

Դրաստամատը, որ մինչև հիմա անհամբերությամբ սպասել էր այդ կանչին, ծնկի նետվեց արքայի առջև, փաթաթվեց նրան և սկսեց հեկեկալ: Հեկեկում էր կյանքում առաջին անգամ, ու նրա վիթխարի մարմինը ցնցվում էր անընդհատ: Տարիներով զսպված արցունքներն ու խեղդված հույզերը խորտակել էին բոլոր արգելքներն ու պատնեշները և դուրս հորդել, կարծես ամսոսալով զուր անցած ժամանակի և ուշացած պոռթկման համար: Սա այն միակ բացառիկ դեպքն էր, երբ նա շանհանգստացավ, որ խախտում էր պատշաճ կարգը և, արտասվելով, փաստորեն իրեն հավասարեցնում արքային: Իսկ արքան գրկել էր նրա ուսը, գլուխը սեղմել ազդրին և մխիթարական խոսքեր էր մրմնջում թե՛ իրեն, թե՛ նրան: Մի ակնթարթում հազար ու մի հուշ ծնվեց նրա աչքերի առջև, տեսավ ծանոթ ու հարազատ դեմքեր, լսեց սիրելի ու հեռավոր ձայներ, հանդիպեց իր թշնամիներին, որոնց վաղուց էր ներել ու որոնց նկատմամբ շունք

այլևս ոչ մի քեն, շրջեց իր երազների երկրում, դիտեց մայրամուտը, սքանչացավ նրա հրաշք գույներով և, դաշտում կանգնած, շուրջ ոտքերը, ձեռքերը տարավ բերանին ու կանչեց իրեն. Արշա-ա-ա՛-կ...

— Հը՞, ի՞նչ եղավ, ի՞նչ կատարվեց, ի՞նչ հասկացար, Դրաստամատ...

Ջնդանի երկաթե ծանր դուռը նորից ճռնչալով բացվեց, և մի քանի պահապան ներս բերին ցածրիկ սալակի վրա դրված մի մեծ տակառ, որից գուրշի էր բարձրանում: Երբ պահապանները դուրս եկան, Դրաստամատն իսկույն ոտքի կանգնեց, հույզերի զեղմանը հատկացված ժամանակն սպառված համարելով: Սկսեց հանվեցնել արքային: Արքան ձայն չհանեց և թույլ տվեց, որ սենեկապետը վարվի այնպես, ինչպես հարմար է գտնում: Դրաստամատը բռնեց նրա ձեռքից ու տարավ դեպի տակառը: Արշակը լռելյայն հասկացավ, թե ինչ էր պահանջվում իրենից: Հնազանդորեն մտավ տակառի մեջ, բայց մտնելն ու ճղճողոց գցելը մեկ եղավ:

— Տաք է ջուրը... Վառվեցի...

Դրաստամատը քանի տեղ շրջեց նրա բողոքները և, խիստ գործնական տեսք ստացած, սկսեց վարժ շարժումներով լողացնել տիրոջը: Արշակն ստեպ-ստեպ փորձում էր դուրս գալ տակառից, բայց սենեկապետը հայրական համբերությամբ զսպում էր կամակոր տիրոջը և բռնի ուժով նրան հրում տակառի մեջ:

— Ի՞նչ ես անում... — գոռգոռում և հայհոյում էր Արշակը: — Աչքերս օճառ մտավ... Ականջներս ջուր մի՛ լցրու...

— Համբերիր, արքա, — հանգստացնում էր Դրաստամատը: — Հիմա կվերջանա... Այս մի թասն էլ, և կվերջանա... Մի թաս էլ մնաց... Աղնիվ խոսք... Ընդամենը մի թաս...

— Խարում ես... Ես չգիտե՞մ, որ խարում ես... Ամոթ քեզ, Դրաստամատ... Ես այլևս թո ոչ մի խոսքին չեմ հավատա... Թո՛ղ, ի՞նչ ես անում...

Երբ նա դուրս եկավ տակառից, փնթփնթում էր ծերուկի պես և դեմքը շուռ էր տվել Դրաստամատից: Խոռովել էր, չէր ուզում նրա երեսը տեսնել: Սենեկապետը մի մեծ սավանով

փաթաթեց նրան, սրբիչով շորացրեց գլուխը, ապա հագցրեց նոր և մաքուր զգեստներ:

Արշակը վերածնված զգաց իրեն: Մարմինը թեթևացել ու սավառնում էր օդում: Շնչառութունը բացվել էր, և արյունն արթնացել էր խոր քնից: Պատմուճանն այլևս չէր ծանրանում մարմնի վրա: Ուղեղը գործում էր ցավ պատճառելու շափ հստակ: Ըջմարտութուններն ազատվել էին իրենց պատյանից ու մերկացել: Զնդանն արդեն դժոխք էր թվում նրան: Շղթաները խորթ էին ու օտար: Անհուշ բերդը գտնվում էր խուժաստան երկրում, Եկրատանից Տիգրոն տանող ճանապարհին: Այս խեցեղեն տձև անոթը իրենն էր: Ինչպես նաև՝ պղնձե այս ամանը, որ միշտ դատարկ էր լինում: Սա Վասակ սպարապետի պաճուճենապատանքն էր, խոտով լցված նրա մորթին: Դրաստամատն ամենահարազատ մարդն էր իր համար: Իսկ գերիբաղան կյանքը ուտելիքով լեցուն երկարավուն այս սեղանն էր, որ պահապանները բերեցին ու դրեցին զնդանի մեջտեղում: Եվ Արշակը նոր միայն զգաց ու լրիվ գիտակցեց իր վիճակը: Մինչդեռ վաղուց էր մոռացել: Մինչդեռ շգիտեր պարզապես: Տխուր-տրտում նայեց անկունում նետված ցնցոտիներին, որոնք իր էության անբաժան մասն էին, ու խղճաց իրեն: Համեմատեց իր անցյալն ու ներկան: Տեսավ ծիրանակիր թագավորին ու շղթայակապ բանտարկյալին: Այսուհետև նա անընդունակ կլինի մարմինը թողնելու զնդանում և հոգով ու մտքով տեղափոխվելու այլ աշխարհներ: Կդառնա այս բերդի մշտական բնակիչը: Կիմանա, որ շորորդ պատի մեջ ոչ մի անհասանելի ու առեղծվածային բան չկա: Դրաստամատը շուտով կգնա, ու նա նորից կմատնվի ահավոր մենակության: Երանի՜ չգար: Ընդհանրապես չգար: Զպարգևեր այս արթնացումը, այս երջանիկ ակնթարթը: Երանի ինքը շապրեր վերածնունդի այս պահը, չբաժանվեր իր շղթաներից ու ցնցոտիներից: Որովհետև այդ կարճատև բաժանումն անգամ համազոր էր մահվան: Քանիքանի տարի էր պետք, որպեսզի նա նորից վարժվեր դրանց, ընտելանար այս դժոխքին ու վերագտներ այն երանելի վիճակը, որ նվաճել էր հազարավոր միանման օրերի ընթացքում և կորցրել մի քանի բոպետում:

— Ես քեզ շնորհում եմ ամենամեծ պատիվը, սենեկա-
սյնտ,— հանդիսավորութեամբ ասաց արքան, ախորժելով
մաքուր զգեստների շփումից և կուշտ ուտելու իրական հեռա-
նկարից:— Ես թույլ եմ տալիս, որ քո ոտքերից մեկին կա-
միր մաշիկ հագնես... Ես հաճույքով երկուսը կտայի քեզ...
Բայց դու լավ գիտես, որ երկու կարմիր մաշիկ հագնելու
իրավունքը արքան ունի միայն:

— Շնորհակալ եմ, արքա,— հուզվեց Դրաստամատը,
վարակվելով տիրոջ յուրաքանչյուր խոսքում հնչող հավա-
տից:— Դա մեծ պատիվ է ինձ համար:

Արշակը, քաղցից փայլող աչքերով, նետվեց դեպի սի-
զանը, նստեց ծայրին, և մտքովն իսկ շանցով հրավիրելու
սենեկապետին: Եթե հրավիրեր, միանգամից փուլ կգար
հեքիաթը, կիմաստազրկվեր խաղի խորհուրդը: Նա մոտ
քաշեց ճաշի ընդհանուր փսեսն, լիքը լցրեց իր պնակը, մի
մեծ կտոր միս դրեց բերանը ու, գրեթե առանց ծամելու,
կուլ տվեց: Հետո հայացքը մի պահ սառեց սեղանի առատ
բարիքների վրա, որոնք ինչ-որ հուշ զարթնեցրին, ու նա
արձանի պես քարացավ նորից:

— Գահնամակում փոփոխություն չկա՞, սենեկապետ...

— Նախարարական աթոռների հերթականությունը նույնն
է, արքա...

— Ուրախ եմ իմանալ, որ ուրեմն չի խախտված մեր
միաբանությունը: Եվ քանի որ ոչ ոք չի պատժվել, ոչ ոք չի
մեղանչել գահի դեմ... ոչ թե իմ, այլ գահի... Թող ամեն
մարդ նստի սահմանված տեղում:

— Հրամանդ ի կատար, արքա:

Արքան, որքան էլ տարօրինակ լիներ, ոչինչ չէր ուտում,
միայն կում-կում գինի էր խմում: Տեսնում էր ազնիվ օթոց-
ներով ծածկված սեղանը և նրա շուրջը շարված կիսարուոր
ու շքեղ բազմականները: Լսում էր տասնյակ գդալների,
պատառաքաղների ու դանակների համերաշխ շխկշխկոցը և
կոչնականների ծնոտների միասնական կափկափյունը: Տա-
ճարապետի ուղեկցութեամբ ներս էին մտնում սպասավոր-
ները, ձեռքներին՝ սկավառակներ ու փսեսներ: Տակառապե-
տի առաջնորդությամբ ելումուտ էին անում սպիտակազգեստ

նատուվակները: Պատի տակ նստած գուսանները հնչեցնում էին ներքողական նվագներ, ու վարձակներն իրենց պարով մարմնի գովքն էին երգում ու փառաբանում կյանքի քաղցրությունը:

— Ո՞վ է Հայաստանի թագավորը,— հանկարծ հարցրինց արքան:

— Քո որդին, արքա... Պապը...

— Ի՞նչ է անում Փառանձեմ թագուհին:

— Առոք-փառոք ապրում է որդու հետ...

— Ո՞վ է կաթողիկոսը:

— Ներսեսը, արքա...

— Իսկ սպարապետը Մուշեղն է դարձյալ:

— Մուշեղն է, արքա:

— Իսկ Գնե՞լը: Վախեցեք այդպիսի մարդկանցից, Դրաստամատ:

Ամեն անգամ, պատասխանը լսելուց հետո, նա ոչ մի վերաբերմունք չէր ցուցաբերում և միայն գլխով էր անում: Թվում էր, թե հարցերը տալիս էր հենց այնպես, հավուր պատշաճի: Միայն Փառանձեմի մասին տեղեկությունն ստանալուց հետո հարևանցի մի հայացք զցեց Դրաստամատի վրա, ապա շարունակեց կում-կում խմել:

Դրաստամատը ոգևորված պատմում էր, թե ինչպես նիզակավոր գնդերը մոլեգնաբար հարձակում էին գործում Շապուհի զորքերի վրա և ախոյաններին տապալելիս աղաղակում «Ա՛ռ, քաջ Արշակ»: Ամեն մի սպանված թշնամու նվիրում էին իրենց նախկին թագավորին, բացականշելով: «Մատաղ եղիր Արշակին»:

Արքան կարծես չէր լսում ու շարունակ մեքենաբար գրլխով էր անում: Մինչդեռ մտովի խորհուրդներ էր տալիս որդուն: Հիշեցնում էր իր տված դասերը: Արդյոք նա կարողանո՞ւմ էր զանազանել հեռավոր թմբուկների զարկերը: Զոկո՞ւմ էր իշխանության, դավադրության, քծնանքի, աշխատանքի, մենակության, դաժանության ձայները: Թե՞ իզուր անցան հոր ջանքերը: Սգում էր կնոջ մահը և ուշացումով, աններելի ուշացումով խոստովանում, որ շատ է սիրել նրան: Պարզապես ծանր ու հոգսաշատ տարիները թույլ չեն

տվել զգալու իրենց համատեղ կյանքի երջանկությունը: Ներիր ինձ, Փառանձև, ներիր, եթե այն աշխարհում էլ դեռ խռով ես մնացել ինձանից: Աղերսում էր Ներսեսին, որ նեցուկ կանգնի Պապին, չկարծի, թե այդքան հեշտ է թաղել հայոց թագավորությունը և հասկանա, որ եկեղեցին պետք է ոչ թե հակադրել, այլ զուգակցել երկրի միասնական շահերին: Իսկ Մուշեղին նախատում էր Շապուհի գերված կանանոցը և Աղվանից Ուռնայր թագավորին ազատ արձակելու համար ու ավագի իրավունքով սովորեցնում, թե առանց ատելության հաղթանակ չկա ու չի կարող լինել...

— Ի՞նչ կա Արշակավանում, սենեկապետ,— վերջապես, իր տատանումները հաղթահարելով, արագ հարցրեց արքան, կարծես վախենալով, որ հանկարծ միտքը չփոխի: Ապա գինուց կարմրած աչքերը սայառնալից հառեց Դրաստամատին:— Ասա՛, ասա՛, դու ինձ մի խնայիր: Դու այսօր պարտավոր ես ավելի անկեղծ լինել, քան երբևէ:

— Հետքն անգամ չի մնացել, արքա,— անցյալի լավ օրերի նման՝ անհույզ և շիտակ պատասխանեց Դրաստամատը:— Միայն հող ու մոխիր... Անտեր շներ են թափառում... Ծրագալույսին ոռնում են երկար...

— Հետո՞, սենեկապետ,— անհամբեր հարցրեց արքան ու անակնկալ զոռաց.— Հետո՞, հետո՞...

— Բայց գալիս են, արքա, գալիս են,— կարծես տիրոջ ձայնից ներշնչված, ոգևորվեց Դրաստամատը, իրեն հանցավոր զգալով, որ այլևս անկարող է նախկին շոր ու ցամաք սենեկապետը մնալ:— Երկրի բոլոր կողմերից շինականներ են գալիս... Սրբավայր է դարձել ամայի տափաստանը... Զինվորները քշում են նրանց, սլատժում, մտրկում, զնդան գցում... Բայց էլի՞ գալիս են...

— Տեսնո՞ւմ ես, իմ ազատ քաղաքի գաղափարից է հառնելու այս երկիրը, սենեկապետ,— արքայի թախծոտ աչքերը խոնավացան, ու նա արդեն բնավ չէր կասկածում, որ սա էր իր կյանքի ամենաերջանիկ պահը, իր կրած տառապանքների, իր ծանր վախճանի միակ արժանի հատուցումը:— Սիրո, հավասարության ու աշխատանքի գաղափարից... Թող հայոց նախարարները ոռնան, մռնչան կատաղությու-

նից, թող ես փտեմ այս գարշահոտ զնդանում, բայց ես հո՛ւշը ստեղծեցի, սենեկապետ, հո՛ւշը... Եվ այդ հուշը անցնելու է սերնդից սերունդ:— Ու, արդեն զվարթ, արդեն անհոգ, խանդավառությամբ կրկնեց իր վաղեմի հարցը.— Հը՛, ի՞նչ եղավ, ի՞նչ արեցի, ի՞նչ հասկացար, Դրաստամատ:

— Դու հանդգնեցիր առաջ անցնել ժամանակից, արքա,— ջանասիրաբար բացատրեց Դրաստամատը, նորից մտնելով իր սիրելի դերի մեջ:— Քեզ ոչ ոք չէր կարող հասկանալ: Անգամ ժողովուրդդ: Դու մենակ մնացիր:

— Իսկ ես, սենեկապետ, ես մինչև վերջ հասկացա՞ իմ ժողովրդին:— Ապա մոռյվեց, վեր կացավ, պատից վերցրեց պահապանների բերած ջահը, մոտեցավ սպարապետի պաճուճենապատանքին ու լուսավորեց այն:— Մենա՛կ... Շա՛տ մենակ... Այնքան մենակ, որքան արքաները կարող են լինել միայն... Ասա՛, ասա՛, ինձ մի խնայիր... էլ ի՞նչ կատարվեց, ուրիշ ի՞նչ հասկացար...

— Բայց դու միայն գլխով առաջ անցար ժամանակից, արքա, միայն գլխով,— արհեստ և համոզմունք դարձրած ուղղամտությամբ շարունակեց Դրաստամատը:— Իսկ հոգով ու մարմնով կապված էիր քո ժամանակին: Որպես բիրտ և դաժան մի բռնապետ: Այս հակասությունն էր քո ողբերգությունը, արքա...

— Շնորհակալ եմ, սենեկապետ: Շնորհակալ եմ քո անկեղծության համար:

Նա ջահը նորից ամրացրեց պատին և, չգիտես ինչու, անհանգիստ սկսեց շուրջը դիտել, կարծես ինչ-որ կարևոր բան էր փնտրում: Ապա լուռ պտտվեց զնդանում, անընդատ ոտքերի տակ նայելով: Նա շփոթված մոտեցավ Դրաստամատին, մեղավոր մի հայացք գցեց վրան և անօգնական թոթվեց ուսերը:

— Բայց ես քեզ ի՞նչ նվիրեմ, Դրաստամատ... Ի՞նչ հիշատակ թողնեմ քեզ... Գուցե այս պատա՞նքը... Սակայն նա օդի ու ջրի պես պետք է ինձ... Ներիր, որ չեմ կարող տալ... Առանց նրա ես կգժվեմ մենակությունից... Գուցե այս թա՞սը... Բայց նա ժանգոտ է ու տձև... Գուցե իմ ցնցոտիները... Բայց դրանք կեղտոտ են և արքային ոչ վայել...

Եթե հրաժեշտի ժամը գա,— հանկարծ ուրախացավ նա, որովհետև մտքում արդեն ընտրութիւնն էր արել.— ես թեկ կնվիրեմ իմ շղթաները... Խոստացիր, որ լավ կպահես... Չես թողնի, որ ժանգոտվեն... Ամեն օր ձեթ կքսես... Ու գիշերները քնելիս գլխիդ տակ կդնես... Որպեսզի հիշես ինձ... Չմոռանաս արքայիդ...

— Երախտապարտ եմ, արքա... Ես գիտեմ, որ այդ շղթաների մեջ քո մասնիկն էլ է ապրում...

Արքան մոտեցավ սեղանին, մի խնձոր վերցրեց, ապա սկսեց ինչ-որ բան որոնել: Դրաստամատը գլխի ընկա՞, որ նա դանակ էր փնտրում: Գտավ, վերցրեց դանակը, բայց չտվեց տիրոջը:

— Ե՛ս,— շշուկով խնդրեց նա:— Ե՛ս կմաքրեմ... Ինքս...

Արքան նայեց նրա աչքերին, ժպտաց, բացասաբար շարժեց գլուխը և դանակը վերցրեց նրա ձեռքից: Ապա, քիի տակ ինչ-որ երգ մոմոալով, ման եկավ կիսամութ զնդանում և սկսեց կեղևել խնձորը: Նա այդ անում էր մեծ զգուշութամբ և ուշադրութամբ, կարծես մի հանդիսավոր և սրբազան արարողութիւնն էր կատարում, կարծես բազիւի վրա զոհ էր մատուցում աստվածներին:

— Քեզ համար եմ մաքրում, Դրաստամատ... Միշտ ինձ են ծառայել միայն... Իսկ ես ամբողջ կյանքումս երազել եմ, որ գոնե մի անգամ ինքս ուրիշի ծառայեի... Շնորհակալ եմ, սենեկապետ... Շնորհակալ եմ, որ չես մերժում արքայիդ ծառայութիւնը...

Հանկարծ հասակով մեկ նա փլվեց գետնին, խնձորը ձեռքին կուշ եկավ, և մի ահավոր մոնչոց լցվեց զնդանը: Դրաստամատը պատից պոկեց ջահը, խուճապահար մոտ վազեց, ծնկի իջավ ու տեսավ, որ մրգի դառակը ցցված էր արքայի կրծքին: Իսկ նա, աշխարհին ուղղված իր վերջին աղաղակն արձակելուց հետո, խաղաղ պառկած էր մերկ ու անհարթ հատակին, ու բաց աչքերի մեջ նույն հարցն էր քարացել. հը՞, ի՞նչ եղավ, ի՞նչ կատարվեց, ի՞նչ հասկացար, Դրաստամատ:

— Գոնե կուշտ ուտեիր, արքա,— արցունքն աչքերին, ափսոսանքով շնչաց Դրաստամատը:— Տես, ի՞նչ փառավոր սեղան է... Որքա՞ն գինի կա սափորների մեջ...

Պերճ Ձեյթունցյան, ԱՐՇԱԿ ԵՐԿՐՈՐԴ, Перч Зейтунцян, АРШАК
ВТОРОЙ (На армянском языке). Издательство «Советакан քոչ»,
улица Теряна, 91, Ереван — 1977.

Խմբագիր՝ Ջ. Մ. Ղալարյան, նկարիչ՝ Վ. Կ. Մանդակունի, գեղ. խմբագիր՝ Ջ. Ե. Գասպարյան, տեխ. խմբագիր՝ Ա. Վ. Սահակյան, վերստուգող սրբագրիչ՝ Մ. Գ. Սաեփանյան

ԻԵ—415: Հանձնված է շարվածքի 30/V 1977 թ.: Ստորագրված է տպարարության 14/X 1977 թ.: Թուղթ № 1 84X108¹/₃₂, տպագ. 16,62 մամ.— = 27,93 պայս. մամ., հրատ. 23,7 մամ.+ 1 ներդիր: Պատվեր 1187: Տպաքանակ 30000: ՎՖ 06590, Գինը՝ 1 ռ. 80 կ.:

«Սովետական գրող» հրատարակչություն, Երևան-9, Տերյան 91:

ՀՍՍՀ Մինիստրների սովետի հրատարակչությունների, պոլիգրաֆիայի և գրքի առևտրի գործերի պետական կոմիտեի № 1 տպարան, Երևան, Ալավերդյան 65:

Типография № 1 Госкомитета Совета Министров Арм. ССР по делам издательств, полиграфии и книжной торговли. Ереван, ул. Алавердяна, 65.